

Badische Landesbibliothek Karlsruhe


Digitale Sammlung der Badischen Landesbibliothek Karlsruhe

Das Buch Granatapfel, im Latin genant Malogranatus

Geiler von Kaysersberg, Johannes

Augspurg, 1510

[urn:nbn:de:bsz:31-122177](https://nbn-resolving.org/urn:nbn:de:bsz:31-122177)



74 B 805 RH

I. 204 Lat. 201
En. p. 100 in Lage ca. 1800
Mit 6 Holzbl. u. 3 Steinbl. u. 1
H. 2. m. u. 1. 1800
Mit 3 Holzbl. u. 1 Steinbl. u. 1
H. 2. m. u. 1. 1800

74.B 8.05 RH.

~~H. II. 12. u.~~

"Granatapfel", Hingult L. 100 V

10/169/151

~~Das Buch Granatapfel~~
~~in~~ *prohibita*
Das buch granatapfel. im
latin genant Malo granatus. helt in ym

gar vil vnd manig haylsam vnd süßer vnderweysung vnd leer / den an
hebenden / auffnemenden / vnd vollkommenen menschen / mitt sampt
gaystlicher bedeutung des aufgangs der kinder Israhel von
Egippro / Item ain merckliche vnderrichtung der gaystlichen
spinnerin / Item etlich predigen von dem hasen im pfeffer
Vnd von siben schwertern / vnd schayden / nach gayst
licher auslegung. Weerers tails gepredigt durch
den hochgelehrten doctor Johanem Gayler
von Kayfersperg zc.

Conuentus S. Virg. Mariae in Monte Langegg *Quis Sermo*
S. Mariae
Ex Legato *Dom. D. S. Antonij, Kupferschlag Parochi*
in Holnburg.
A. 1600.



(1510)

Per Lazarum a morte resuscitatu / peccator / quem dñs ad penitenti-
am vocat / designatur Per Martham exterioribus obsequiis oc-
cupatâ actiua vita significatur / Per Magdalena que verba do-
mini residens audiebat / Contemplatiua vita exprimitur / Lazarus
suscitatur Martha nō reprehenditur Magdalena laudatur.
Suscitatio penitentis magna est / maiora sunt actiue vite merita /
Contemplatiue potiora.





Jesus Du hoch würdiger hailiger nam/ du bist alle an dächtigen hertzen süß zühören vñ lieblich zu nennen In dir heb ich an zuschreiben/ ainer erwürdigen person die lanng zeit mit begirlichem hertzen/ mich gebeeeren hat vmb vñd weiffung/ wie ain mensch in diser zeit sein lebñ möcht schickñ/ damit die Ler gottes vñ hail der menschen auffnemen vñd wachsen möcht/ von tag zu tag/ Vñ das gewiffen mitsampt d̄ vernunft geleütert vñd genedigklich mit tugenden begabte werde. Nun ward der selben person geantwurt/ Ir wurd vil leicht durch hilff des hailigen geystes in kurtzen wortten/ etwas geschryben/ Aber der selben kurtzen wort außlegung vñd glos darüber/ solt sy süchen in anndechtiger übung/ Vñd mit götlicher hilff/ als lanng bis ir der selben wort süß sigkeit vñd nutz/ in besonder andacht wurdent geöffnet. ¶ Vñ dar vmb zu dem ersten ist zumercken/ dysse gleichnuß/ der selben person vñd auch andern menschen die das büchlin lesen seind/ das man den gewachsen kindern die ir stercke begriffen haben/ ist man geben das brot in stuck weiff/ Aber den jungen kindlin ist ain noturfft das man in geb die speiß in prosen weiff Als sannt Pauls des gleichen berürt in ainer Epistel Also wirt der obgenannten person geben die nach geschriben mactery/ in stuck vñd in

brocken weiff/ Seit das sy von den genaden gottes in andacht/ vñd in tugenden mit vernünfftigen wercken/ wol gewachsen vñd gestercke ist. Aber von der iungen kind wegen/ Das seind die schlechten groben menschen/ wil ich setzen in geschriffte was der herr von genaden geben vñd verleihen ist.

¶ Das dreyerlay wesen seind der menschen hie auff erd/ vñd das erste wesen bedeüet vnns Lazarus.

Es ist zuwissen das dreyerlay wesen seind der menschen Ertlich werden genant anhebende menschen Ertlich auffnemend menschen Die dritten volkömen menschen Die ersten bedeüet vnns Lazarus den Christus der herr erküct hat von dem tod Die andern bedeüet vnns Martha Die dritten Maria magdalena Außer den dreyen wesen d̄ menschen/ mag nyemandt behalten werden/ wann do Jesus cristus sein woung auff erden het/ do sücht er oft haym das hauß Marthe/ nit darumb das er ain wolgenallen het an der zier des hauß/ sonnder von der dreyer person wegen/ die in dem hauß woung hetten/ Das hauß sant Marthen bedeüet vnns des menschn hertz das vnns herr gern vñd gnädigklichen haymsüchen ist/ Wan er darinn beschawen ist/ die obgenannten dreyerlay wesen/ ains od meer.

¶ Nun von dem ersten wesen ist zu mercken Lazarus Do der gestarb do ward er gelegt in ain grab/ zu Bethania/ gebunden/ mit verdecktem anclüz/ vñ ward darnach übel schmecken. Da heb auff dein vernunft du frund gotes vñ betrachten lazarus bedeüet/ wen sein tod/ was sein band/ vñd was der ver-

deckt anplick / vnd das übel schmecken seines leibes bedeytten. Es ist nitt anders dann / der tod der armen seel / die stirbt wenn sich got von ir schaiden ist von tödtlicher sünde wegen. Als sanct Augustin spricht Nun merck fürbas als man liest in dem Euangelio Johannis wie der herr Ihesus so mit ganzem ernst vnd mit betrübtem gaist / mit auffhebenden vnd waynenden augen zu seinem hymlichen vatter Lazarum von dem tod erküect hatt / las dir es zu hertzen geen mit seüßzen vnd grosser andacht. Da bey versteest du wie gar hart die seel wider kumpt zu genaden nach tödtlichen sünden. Es wirt dir auch gar wol dienen in deinem anfang / zu auffnemen der tugende Lazarus dar nach als er vom Ihesu geordert warde von dem todt zu dem leben / was allzeit traurig vnd belib ledig steen von allen sünden vñ starb dar nach in dem frid gottes.

Wie ain mensch sich darzu schicken soll das er genannt werde ain anhebender mensch.

AIn anhebend mensch nem im darab ain spiegel vnd ain ebennbilde / sey er von dem tod erküect der seel / so thü als Lazarus vnd entpfach ain neuws andechtigs hertz begabt mit reüw vnd laid in bitterkait seiner seel über er all sünd. Wan das zimpt wol zu ainer waren büß das sy an dem anfang bitter sey yedoch wirt ir ennd beschlossen in fröden vnd wunsmilitait. Vnd darumb thü nitt als der aff der die nuz vom jm würfft von bitterkayt wegen der schelffen ee das er entpfendet die süßigkayt des kerens. Sech für sich ain warmer büßer vnd gedencet was er ein

wöll / das er nitt wider fall von seynem gücten anfang. Er sol thün als ain treüwer bauerman der nitt nach im sichte weñ er den pflug vorhanden hatt. Wann also redt der herr im Euangelio / wer sein hand gelegt hat auff den pflug vnd sichte hynder sich / der ist nitt würdig des reichs des himels / des hab wir ain figur in dem büch der geschöpffe / do die zwen Engel auß fürten loth auß der stat Sodoma Do sprachen sy zu jm / behale dein leben vnd sichte nitt hinder sich. Aber sein hauffraw was vnngehorsam dem gebort der Engel / vnd sach hynder sich / vnd ward zustund an der stat verwandelt zu ainer stainen saul. Des gleichen geschichte allen menschn die nach güctem anfang der büß sich wider keren zu irem alten sündigü leben / die seind nitt recht vnd war büßer genant. Besunder spricht Isidorus / das sölich menschn spöter seind / vnd nitt büßer. Er sol sich auch nicht zeyteliches lassen irren an göttlicher vnd brüderlicher lieb vnd an gücten wercken / die er im für nemen sol zu verbringen mit hilff gottes sein lebtage vnd darinn beharren mit begirlichem hertzen / Sein hertze sol er täglich in besonder andacht opfferen got dem herren / mit danckberkait das er erküect ist vom seinen sünden in ain wesen der genaden. Vnd erledigt von der ewigen verdammus. Er sol sein büß / sein tagzeit vnd was im auff gesetzt ist worden von seynem beichtuatter mit fleiß verbringen / so bauwer er seiner seel güct frucht / die er in ewigkait nyessen wirt / in grossen fröden. Vnd hab ain ganzehofnung. Wan also spricht sanct Bernhart. O lieber herr Jesu crü

anhebenden

ste ich erkenn das du den menschen der sich von sünden zu dir kere nit vil mynder lieb hast / dann den der nie kein sünd volbracht hatt Auch spricht sant Augustein / wellicher mensch hie abtülge sein sünd in büß Der wirt zu gefezt der gesellschaft der himlischen Engeln Also fluch der büßer zu der büß so würt er genannt ain anhebender mensch.

Durch knechtlich forcht kumpt der mensche in ain büßwertiges hailfams wesen oder leben.

Sant Bernharde spricht das ains ietlichen menschen seel höher zu schätzen ist dann tausent leib Vnd sant Augustein redt / das die ganz welt nit zugeleichte mag werden ainer seel / das kumpt von ir schöpffung vnd erlösunng wegen Vnd darumb verwundert er sich das die menschen so klainen fleiß haben zu sūchen die genad gottes / vnd das hail ir seel vnd doch mit mü vnd arbayt tag vnd nacht so gar ernstiglich des leibes notturfft sūchen vnd gybt ain gleichnuß bey den weltlichen menschen / Die allain das zeitlich begeren zuhaben vnd mit grosser begir vnd fleiß irs hertzen das sūchen / vnd laider der seel wenig achten. Nun du mensch du edle Creatur gottes / bist du noch nit von herttigkayt wegen deines hertzen kōmen in ainen gūten anfang der büß / so sūch dich in ainer knechtlichen forcht / die dient dir zu der kintlichen forchte. Die zway erlay forcht betrachte selb / ob du sy erkennen mügest. Die erst forchet kumbt / das der mensch erschrickt ab dem strengen iüngsten gericht / ab der ewigen verdammnis / vnd ab

menschen

anderñ peynen / von der sünd wegen Die ander kumpt auß götlich er liebe Nun die erst solt dich billich treiben zu der andern Sanct Iheronimus spricht Ich es oder trinck / oder was ich sunst thū / so ist allzeyt die stym in meynen oren Stett auff ir todten zu dem iüngsten gericht / da der gerecht mensche hant behalten würt. Merck noch ains Hellias in dem büch der alenarter / der vorcht stättigs dreißding / Das erst / die schar d bösen feind an seinen letsten zeyten Das annder / wenn sein seel gefürt soll werden für das gericht / Das dritt das er forcht was die vrtayle des ernstlichen richters wurd. Merck auch noch / was sant Augustein spricht O lieber mensch / Alle weil vnd zeyt die du gehebe hast / die würt von dir geuordert wie du sy verzert hast bis an den mynnsten augenblick. Solliche wort machen dir auch ain forcht in deinem hertzen. Es sey dann das du hertter sey est dan ain stain / hastu aber forcht begriffen / so gee in dich selbs vnd red mit deiner vernunft vnd sprich O ich armer mensch han ich die gebot gottes nit gehalten bis her / vñ hab vil gūter werck versompt / so müß ich der ye aines leyden Ich würt verdampft vmmet vnd ewiglich oder ich müß an mich nemen ain büßwertigs leben / hie auff erd Nun ist vil besser ich büß hie mein sünd vnd laß mir mein seel selber beuolhen sein / dann solt ich verdampft werden Vnd darumb wil ich anheben mit der hilff gottes mein sünd zubüssen vnd mich geben in den willen gottes. Ich will sprechen zu gott meinem vatter O ewiger got O barmhertziger hym

lischer vatter Ich bin der verloren
sun / der sein erbtayl lesterlich ver-
zert hat mit grossen sünden / ich bin
nie würdig das ich genannt werde
dein sun Wenn du das thust so will
got der hymlich vater zu dir keren
vnnnd wil dich vätterlich empfangen
Als er vnns des ain ebenbild vnnnd
ain exempel hatt geben in dem hay-
ligen Ewangelio von den zwayen
sünen / Mathei. xxi. et luce. xv. Der
ain was früm vnnnd gehorsam sey-
nem vatter. Der ander nam sein-
nen tail güts vnd verzert es in ver-
ren lannden vnnützlich Vnd do er
gar verdarb vnnnd verlorn was do
höret er wider zu seinem vatter vnd
wurd güttiglich auffgenommen.

Sürbas magst du O lieber mensch
in deyner vernunft fragen nach
trost der dich auff ennthalten ist /
Wie der herr gesprochen hat durch
den propheten Ezechielem / Capitel
lo. xxxij. Da spricht er ich wil nitt
des sünders tod Ich wil das er sich
von den sünden kere vnd ewiglich
leb Vnd also magstu dich auch sel-
ber trösten vñ also sprechen / Nun-
schen wir doch das ain rostigs eys
sen als lang gefegt wirt bis es wi-
der erscheinen wirt Also geschicht
des menschen seel die in büß behar-
ren ist vnnnd herzenlich ist bewayn-
nen ir sünd Des gleichen sagt vns
die geschripte / das ain sündige seel /
die veruynraint ist vnd vermalliget
mit sünden / durch beicht vnd büß
wider klar vnd schön werden mag
vnd komen in die genad gottes Als
sant Bernhardus vnd sant Au-
gustin geredt haben.

Der anhebend mensch soll sich
fröuwen seiner bekerung vnnnd be-
trachten sein beschöpfung.

Gya du anhebender mensche
nach vil sünden die du ges-
chon hast Vnnnd nun koms
en bist zu der büß Ermündter dein
hertz / vnd betrachte die milten güts-
tigkeit gottes / vnnnd erfrowe dich
mit allen himlischen Engeln über
dein vñ aller sünders bekerung Vñ
nym dein mitt fleys war / vnnnd der
nach geschriben wort Darumb zu
deinem güten anfang / so zimpt dir
wol das du betrachtest dein beschö-
pfung was die sey / vnd wer dich
beschaffen hab / vnnnd auß was ma-
tery / vnd war zu vnd wem gleich
in formait / das berüret Als sant
Bernhardt in seiner andacht vnd
spricht O mein seel gedent den an-
fang deiner schöpfung wie du im
bildnuß gleich bist deinem schöpff-
er / würdiglich geziert / vnnnd hail-
samlich auß ewiger lieb erlebt Er-
heb dein vernunft lieber mensch
vnd schaw / wie klar vnnnd subteill
du gewesen bist / zuhand nach dem
tauff / wie gar zartlich vermehlet
bist gott dem herren / vnd begabt /
mit dem hailigen glauben / mit göt-
licher hoffnung vnnnd liebe / das die-
net dir wol zu auffnemen in tugend
den Aber du solt nitt enntlich auff
die drey gaben vnnnd tugende / setz-
en dein trost / du habest sy dann in
gütter übung der werck Wann al-
so spricht sant Jacob in seiner Ep-
stel der glaub ist tod on güte wer-
cke Des gleichen solt du versteen
von den andern zwayen tugenden.

Die bekerung des sünders von
seinen sünden geschicht nitt on seins
selbs hilff.

De hatt on hilff beschaffen
himmel vnnnd erd mit aller
irer zier Aber der arm sünd-

anhebenden

der den vns lazarus bedeüt soll der wider erkücht werden Vnnd in die ersten vnschuld kōmen / ist got dem herren mer vnnnd grösser / dann die erste schöpffung Wan die bekerung des sünders bedarff auch aygen hilff mit sampt der barmherzigkait Gottes / als sannt Augustein redt zū dem sündler vnd sprucht Der dich beschaffen hatt on dich / mag nit gerecht machen dich / on dein selbs hilff. Dbrumb du anhebender mensch schätz nit rinng dein bekerung vnnnd bist danckber das nit über dich verhenngt werd das vrayl der ewigen verdammuß vnnnd das du nach vil sünden bist geuodert in ain anhebends wesen Vnd darumb als verre du dich von got entpfremde hast / mit sünden Als vil soltu zū nachnen mit ainer hail samen büß zū got Als er redt durch den propheten Johell so er sprucht Johelis. ij. capitulo Keret eüch zū mir / mit gantzem eüwerem hertzen / mit fasten vnnnd waynen / so wil ich mich zū eüch keren Also hatt gethon Anshelmus der da sprucht O lieber herz ich waiß wol das ich verdient hab pein von meiner sünd wegen So verstee ich auch woll das mein gütthaytten nit ain genügen seind vmb mein sünd Aber dz waiß ich wol vnnnd hyn des gewyß / das dein barmherzigkait grösser ist dan all mein sünde Vnnnd darumb wil ich mich gang keren zū dir meinem gott Seye du von götlicher natur gützig bist / vnnnd kainerlay stym lieber hörest dann des menschen der sich zū dir kert mit ainem büßwürckennden leben.

E Das der mensch vest beleybe in seinem anfang vnd liebhab scham

menschent

vnnnd waynen über sein sünd.

N Ach vil gütthait die ain anhebender mensch en pfacht vonn gott / ist im fast ain grosse notturfft / das er im ain leerenem von dem Esel / das ist ain vnuernünfftiges thier / vnnnd ist doch die stat mit fleiß mercken daran er gefallen ist vnnnd er on schleg nym er da hyn geert vonn forcht wegen des valls Also thū du anhebender mensch vnnnd meid die stert / die person vnnnd all vrsach der sünd. Val lest aber widerumb in sünde vonn Franckhayt wegen der menschait vnnnd nicht kōmen magst zū dem ersten tauß so saum dich nit zukōmen zū dem annderen tauß / das ist die büß mit sampt der reüw vnnnd laide vnnnd waynen über die sünde. Gib nit rüe deinem leib / nit schlaff deinen augen / Klopff rüß vnd schrey zū gott vmb hilff vnnnd genad. Merck wie d künig Ezechias der zuhand nach des propheten wort sich köret gegen der wand vñ hertzenlich an hūb zubewainen sein sünde Vnnnd erwarbe von gott seinem leben fünffzehen iar fristung vnnnd syg gen sein veinden Als geschriben steert im büch der künig. ij. Regum. xxj. Des gleichen merck den offen sündler in dem Ewangelio luca. xvij. der nit auff coßt heben seine augen zū got / von scham wegen seiner sünd / das ist gar ain bewartzaychen zū dem ewigen leben / weñ die selben menschen scham vnd laid gewinnen über ir sünd / wan es ist allain ain gab vonn gott Als ain leerer sprucht Wie wol das ist / das gott alle ding sicht mit den augen seiner götlichait Als sannt Paulus sprucht vnnnd Job / doch mit den

A iij

augen seiner barmhertigkeit sieht er an die aufferwelten zu dem ewigen leben / wenn sy wainen seind ir sünd / Wan der sündler mit nichten wainen mag noch klagen sein sünd Nur allayn in schunung haymlich der genad gottes / mit ainer ermanung inwennig in d seel Wan got von grosser lieb wegen / der erbar met sich zu dem erstn über den menschen also das sich der mensch den auch über sich erbarmen wirt vnd anhebt zu klagen vnnnd zu beichten sein sünd in bitterkeit seins herzen Gregorius spricht Ain vnraine sel des menschn von sünd wegen wirt zu dem andern mal getaufft durch die zächer die er vergiessen ist auß andechtigem herzen von der sünd wegen Er redt fürbas / wainen vn reuiv haben über die sünd macht die sel gesund von aller krankhait Die seel wirt wider erleucht das sy finden mag den weg der ewigen seligkeit Alle schuld werden ab getilget mit sampt der beichte Der haylig gaist macht im wider ain tempel in der seel als vor / Got der herr Cristus wil wonig haben bey dem menschen als vor / Darumb der anhebend mensch verzeücht sein bekerung nit von tag zu tag Wan gar sorglich ist vn schedlich / lang zeyt in sünden / die bekerung verziehn / wann yelenger der mensch verharret vnnnd verzeücht büßwürckung vnnnd sein bekerung zu gott / so vil mer wirt er herder verstopet vnmächtiger vnnnd schwärer auß zu steend von den sünden zu büßwürckendem leben Gregorius spricht / wen die zeit der gnaden ist / so verlaß ain yglicher sein böß sündelich leben vnd vörcht die gedult gottes das er nit den (der yz senfftmütig

ist / sehen werd zornig vnnnd im nit engeen mög Wann der almechtig gott gibet vnnnderweilen die zeit den sündern zu irer bekerung vnd so sy nit bekeret werden / strafft er vn schlecht sy desterherter / Wann offte mit gedult behelet er den zorn / den er darnach vnnwiderrißlich über die sündler außgeüßt. Darumb lieber mensch gedenc an die geschichten der hailigen / die auch gross gesünde haben / so sy aber von got angesehen sein wordn / so haben sy als bald reuiv vn laid gehabt vm jr sünd

S Anne Peter do er vnseren herren verlaugnet het Vn also in den sünden ain zeyt belib / kalter vnnnd vnertant Vnnnd bey andern menschen bey dem feur also harret in seinen sünden / Do sah in got an inwendig mit den augen seiner barmhertigkeit Das er warde erkennen sein übel vnnnd zu hand herziglichen wainen vn darnach an sich nemen ain büßwertiges leben Als da iñhele das Ewangeliem Mathei. xxvj. Marci. xiiij. Luce. xxij. Auß den wortten sprechen die leerer / das kein mensch von herzen müg bewaynen sein sünd / noch in ain büßwertigs leben kom en Nur allain Gott sech in an vom ersten mit seinen augen der barmhertigkeit Es müß aber ain mensch vor etwas gütz volbracht haben in seinem leben / oder ander menschen ym von gott erwerben Also hat auch got angesehen Sant Augustein Aber sein müter het in die genad erworben mit iren hayssen zähern Des gleichen hatt got angesehen Mariam magdalenā Ab er ir Schwester sannt Martha het vor lange zeit vmb sy gebecten Als so solten sich die weltlichen mensch

anhebenden

en in etlichen tugenden über vort
inger auff Vnnd / ander frum an-
dechtig menschn biten / das sy got
für sy beeten so würd sich got über
sy erbarmen an iren letsten zeiten.
Das abbrechen leiplicher gelüß
der seel hatßsam ist doch mit beschai-
denhait / vnnd das gar schedlich ist
ainßunickait vñ zarchait.

Azarus der vns bedeyt den
anhebenden menschen was
allzeyt traurig nach dem
als er erküert ward von dem tod Al-
so solt du anhebender mensch dein
lebrag klagen vnnd laid in deinem
herzen haben Vnd oft mit seüßtz-
en gedenncken deiner vergangen
weil vnd zeit Vnd besunder deiner
sünd dardurch dein seel vervnrain-
et ist worden Wie wol das ist / das
du sy gebeicht hast Das nympt vil
hellscher peyn ab Aber du solt dir
auch vmb hail deiner seel vnd vmb
die eer gotes abprechen leiplich lust
vnd welelich frödzuhören vnd zuse-
hen Vñ wiß das du mit allem dem
darmit du gesündet hast Darmit
mußtu büßen es sey klain oder groß
Dauid der haylig künig brach ym
ab durch gottes willen Añ trunck
kaltes wassers zutrincken das im er
laubte was / er gedacht aber das er
vnbillich gesündet heet wider gott
vnnd wolt nit trincken Des gleich
en spricht sant Gregorius wer sich
schuldig waist das er vnzimliche /
werck verbracht hat / der sol im ab-
prechen zimlichs / vnnd was im er-
laubte ist / als vil er vermag durch
gottes willen Sollich abprechung
vnnd kessigung des leibs dient gar
kreftekllich dem anhebenden menschen
zu allen tugenden Doch solt ir
haben beschaidenhait in söllicher
abprechung das der leib nit zuvil

menschen

gekrencke werd Besonder das et
beleib in sölllichem vermügen / das
mit er der seel dienen müg Want
also spricht hugo der hailig leerer
Wer güte werck thütt on beschai-
denhait der verdient nicht zu dem
ewigen lebenn Wann beschaiden-
hait ist ain müetter aller tuget / on
die alle güte wercke vnfruchtbar
seind / Halt dich der genadenreich-
en zeit darinn wir seind / des verdie-
nen des leiden Cristi / vnnd der vn-
derweissung deines treüwen beiche-
vatters / der gotzferchtig sey Vnd
nit anders süchen ist dann das hail
deiner seel So bist du wol gesich-
ert in deinem anhebenden wesen.
Wilt du aber aigensinnig sein / vñ
allain nachuolgen deiner begir vñ
süßigkait / die du vvilleicht in an-
dacht begriffen hast Vnd wilde
nit sein in gehorsam so brauchst du
aigen willen das dich der herr Jhe-
sus nit geleert hatt Der seinen aig-
nen willn (wiewol er selb wesenlich
got ist) nit gehon hat / besond ders
willen seins himlischn vaters / Als
er selb sprach zu seiner müter mari-
am vnd Joseph luce. ij. ca. do sy yn
sunden vnder den geleerten juden /
in dem tempel / Wyßten ir nit das
ich sein müß in den dingen die me-
nem vater zu gehören Vnd gelaub
mir in der warhait / das vil hoche-
menschen in andacht / schwär-
lich gefallen seind in groß gebrech-
en / leib vnnd der seel / die nit lassen
wolten iren aigen willen Vnd das
geschicht vnderweilen von den list-
en des bößen veinds / der mit seiner
kunnst söllich menschen ir augen
kann verhaben das sy allain nach-
volgen irem aygen willen. Wann
also spricht Hugo de sancto victo-
re / Der böß veind erkennet aines

ietlichen menschen natur vnd nay-
gung Vñ zu welchen wercken der
mensch aller maist gnaigt ist Dar
zu ist er in weisen vnd ziehen Vnd
darüb du anhebend mensch Nym
dein selbs wol war vñ volg nit all-
zeit deinem willn Wan also spricht
Sant Bernhart Es brünt nicht
in der hell dann aygner wil wider
die gehorsam / das auch die güeten
wercke durch aignen willenn ver-
nicht werden.

Warumb etlichen menschen
vnderweylen die andacht verzo-
gen wirt von got dem herren / vnd
was nutz widerwertigkeit bringen
ist dem menschen.

Ach in halterung der haill-
gen geschrifte so enzeiche
vnderweilen Got der herr /
dem menschen sein genad von ma-
niger lay sach wegen / Die ain sach
ist des menschen vnd danckberkayt
Die annder sach das der mensch de-
mütig sey Vnd erkenn das er von
im selbs nicht güttes vermag Die
dritt / das der mensch sich fleysig-
licher angreifen sol in güeten wer-
cken dann vor / vnd auff sich selbs
nit bauwen Besonder genützlich
sol er sich got empfelhen Vnd dar-
umb du anhebender mensch ob dir
der herr herretigkeit erzayt vnd
dir andacht vnd genad zu etlich-
er zeyt vnder zeücht / so erschrick
nit darab Verbring / das dir zu ge-
hört Vnd gedenc das die sun nit
allzeit lautter vnd klar scheint auf
das erdreich Der herr wil dein ves-
stikait bewären vnd villeicht dein
sünd also straffen Wann also stat
geschriben Sapiencie. xj. per que /

quis peccat / per hec et torquetur.
Wer vil sünd verbracht hatt / der
müß vil peyn leiden Darumb sant
Pauls het mer übel verbracht dan
die anndern zwölff potten darumb
müß er mer leiden dann die andern
all als er selb spricht ad Corinth.
xv. abundancius illis laboravi.
Des gleichen hast du villeycht mer
sünd gethon dann annder mensch-
en oder du herrest gern mer gesün-
der / hett das gott verhenngt Vnd
darumb bist gedultig wie dich der
herr strafft Wan also spricht Gre-
gorius Es ist grösser verdienen
dem menschen widerwertigkeit ley-
den gedultiglich / dann güete werck
verbringen.
Merck weitter von diser materi.

Ercke / das die tuget der
gedultigkeit diuinaliglich
bewaret würt Etlich wi-
derwertigkeit leiden wir von got /
von vnser sünd wegen / das sollen
wir güetlich leiden on wider rede /
Etlich leyden wir von dem bösen
feind manger lay anfechtung / den
sollen wir vestentlich wider steen /
das wir nit den gunst vnd willen
darzu geben Etlich leiden wir von
vnserem nächsten Das sollen wir
nach der leere Cristi gedultiglich
tragen Vnd den wol thun die vns
übel thünd Wer sich also in den
dreyen dingen wol halten kan / der
wirt billich genaht ain gedultiger
mensch Vnd ain frund gotes in al-
ler widerwertigkeit in allem dem
das wir leyden hic auff erd / sollen
wir stehñ zu got Wan er ist allain
vnser hoffnung vnd vnser trost vñ
hilf Als Dauid spricht in dem psal-
ter Herr ich hon dich lieb Wan du
bist mein stercke / mein firmament /

anhebenden

mein zutrucht Vnnd mein erlöffer
 Eya wie torlich sich die menschen
 erzaigen die in irem laid vnd trüb-
 sal von gott fliehen / vnnnd hilff vnd
 trost allain süchen in den Creatu-
 ren Wie spricht David fürbas in
 dem psalter Der herr ist nahende /
 allen den / die in süchende vnnnd die
 yn anruffen in der warhaye Nun
 merck fürbas Sannet Paulus sch-
 reybt in ainer Epistel das er ge-
 thon hab / das hab er vnwissenlich
 gethon Aber du anhebender mens-
 che Als ich besorge / so hast du vil
 sünd wider gott vnnnd deinen näch-
 sten verbrachte wissenlich vnd wy-
 der dein aigen gewyssen vnnnd auff
 die erbarmung Gottes / Vnd wer
 also sündet der sündet in den haili-
 gen gaist als d' herr spricht in dem
 Ewangelio Vnnnd die selben sünd
 werden nitt vergeben / das ist also
 zü versteen Das sy harte werden
 vergeben on grosse peyn Es sey hie
 od nach dem tod in hellischer peyn.
 wiewol dise wort manigerlay auß-
 legung haben / vnd wie dise sünd
 vergeben werden / vnd wie nit.

EWie gar hoch das büßwertig
 leben geschätzt vnnnd gelobet würt
 von den hailigen leuere.

Nun du anhebender mensch
 du fründ gottes Ich spuch
 wol / du fründ gottes / wañ
 so du hast gebeycht dein sünde vnd
 hast allen deinen fleys gethon vnnnd
 für ohyn thün wilt / als zü der beich-
 te gehöret / so bist du in den genaden
 gottes Wann also spricht Sannet
 Augustein Es ist kayn hailamer
 erzney der sünd dann beicht vnnnd
 büß Wañ sy macht aus dem feind
 gottes ain fründ gottes / vnnnd auß
 dem kind der bösen feind / ain kind

menschen

gottes vnnnd sein seel würt klar als
 die sunn Sannet Johannes chriso-
 stomus mit dem guldin mund / redt
 also von ainem büßwertigen leben
 All sünd die der mensch gethon hat
 von iuger auf / die werden abgetil-
 get durch reüw vnnnd beicht Irido-
 rus spricht O büßwertigs leben /
 was sprich ich vonn dir / ich mag
 dich nitt durchloben als ich gerens
 wolte Wann du bist kostlicher dan
 gold / durch dich würt abgenom-
 en d' tod der seel / der böß feind wirt
 durch dich vertryben / durch dich
 würt gefunden das leben Vnnnd
 durch dich würt gott versönt /
 durch dich wirt gesperrt vnd zü ge-
 schlossen die hell Vnnnd der hymmel
 auff gethon Vnd darumb / als offte
 der mensch felt als offte mag er auf-
 stan durch ain ware büß die got al-
 zeit genam ist Als David spricht
 in dem psalter / Sacrificium deo /
 Nichts auf erden ist dem menschen
 nützer / der gesündet hatt / dan büß
 die er enpfacht in ainem demütig
 reüwigen hertzen Gregorius spr-
 richt / durch die büß hebt der mens-
 ch an gott wol zu gefallen / vnnnd
 als vil got ain misfallen ist gewes-
 sen der schmach der sünd Als vass
 ist in ain geuallenn die schame die
 der mensch enpfacht über die sünd
 Sannet Bernharde spricht O du
 selige büß O du güte hoffnung der
 reüwigen menschen über ir sünde.
 Wie gar gewaltig bist du bey dem
 allmechtigen got / du über windest
 den aller gewaltigosten O wie gar
 bald hastu vñ dem zornigen richter
 gemacht ain gütigen vater. Dar-
 umb du anhebender mensch / sol dein
 anfang der büß hail sam sein dein-
 er seel / so betrachte das er geschech
 auß ain güten grund Das ist auß

göttlicher lieb Vnd nit von wegen der forcht hellischer pein Wann al so spricht Sanct Bernhardt/ wer güte werck tüt darumb das er nit verdampft werde/ der würt nymer behalten D wie gar ain herrtes wort das ist / den menschen die al lain von forcht wegen vnd nit auß göttlicher liebe güte wercke verbrüngen.

Das vil sachn seind die den menschen solten ziehen von sünden / vnd das es fast haylsam ist zulebenn in ainem closter da man ordenlich lebet nach der regel des stifters.

O B dich die gotes lieb gantzlich von allen sünden nit ziehen mag / als doch billich war (wan er doch ist das höchste güte vnd der vrsprung / Davon wir komen seind / vnd zu dem sich all anndechtich seelen tag vnd nacht bewegen in begirlichhayt) So seind noch vil ander sachen die dich solten ziehen von sünden vnd bestercken dein herze in büßwertichem leben / Als die gedechtnuß deiner letzten zeit / die groß vnaußsprachenlich peyn der hell / die forcht sam zukunfft des strengen richters an dem iungsten tag / die schnödigkait der sünde an ir selb / vnd die ernstlich herde straff die got erzaget hat wider die sünde / Zu dem ersten in dem hymel an dem lucifer vmb seinen hochnerigen gedanck Darnach in dem paradyß an Adam vnd an Eua von ir vngheorsam wegen / darnach manigsaltichlich hic auff erdrich / besonder in dem hynfluß des wassers do er die gannzen welt von der sünd wegen der vnkeüsch vertilgt bis an acht

menschen die da beliben in der arch Noe Bey der selben Arch / sprechen die leerer / das man soll versteen ain bewerren orden den man nach außweyßung der regel ordenlich helte Vnd sprechen / das die selben person in dem selben ordenn / so vil schuldig sein danckberkait / Als die acht menschen die erlediget wurden von dem hynfluß / Sy sprechen auch das man bey den acht menschen versteen sol / das gar wenig menschen seind außserwelt zu den ewigen fröden. Zuschätzen zu der menigder verdampfen / wie wol das ist / das vil darzu genodert seind / des merck ain figur bey der grossen schare der kinder von Israhel / do die erlediget wurden vom Egipten lannd / vnd yn allen versprochen was das gesegnet lannd Vnd auß den allen nur allain zwen menschen darein kamen Des gleichen spricht der herr in dem Ewangelio Es seind vil menschen genodert Aber wennig außserwelt Auch so spricht er / an ainer anndern stadt / der weg zu der ewigen verdammuß ist weit vnd wol getriben / Wann ir seind vil die yn gend Aber d weg der da firt oder weisset zu dem ewigen lebenn / der ist enng. Wann ir seind wenig die yn geend Darnumb du anhebennder mensch nym dein wol gewar vnd bis allzeyt in der forcht gottes So bist du behüt vor vil sünden Als Salomon spricht Vnd fer dich nie an etliche menschen / die ir gütrat vnd bekerung sparen bis an ir ennde / Wann also spricht Iheronimus das vnder dreyszig tausende menschen die ir bekerung zu gott / sparen mit fürsatz wissenlich bis an ir ennd / hat ainer behalten wirt.

anhebenden

Das die weltlichen menschen in ainem sorglichen leben steent/vnd was sy treiben sol zu gott.

O Du liebhaber dyser welt/ Nun ker ich meine wort/ zu dir Seyd dich kayner/ lay straff noch forcht von der betrogen welt ziehen mag/ Die doch falsch/vntruw/vnstat vn vol aller boßhait ist/das dich billich nöthen vnd treiben sol zu got deinem schöpfer/danon du leib vnd seel hast vnd des ewigen leben warten bist/wan also redt sant Gregorius/Vor zeit ten do sich die welt wol hielt/do zo he sy die menschen vonn gott zu ir. Nun ist sy worden so vol übel das sy vnns billich treiben solt von ir zu got. Aber du liebhaber der welt sey dich kein straff/kein ebenbild vnd erßfall in diser welt entpfremden mag von der vngeordneten liebe die manigen menschen betrogen hat So merck noch die wort Sant Johanssen/die er schreibt in sein er Epistel da er spricht O ir menschen/ir solt nit liebhabn die welt/nach alles das darinn ist/wan wer die welt liebhart/in dem selben wonet nit die liebe gottes/vnd wer on die liebe gotz ist/der geet in der vnsternus/Vnnd wer in der vnsternus geet/der wayst nit wo er hyn geet/Fürbas spricht er/die welt mitt aller ir begir/ist zergenglich Wer aber verbünngt den willen gottes der lebt ewiglich Es spricht auch sant Jacob Wer ain frund wil sein dyser welt/der würdt ain veind gottes/O weltliche liebe/O weltliche fröde/dir volgt anders nichtz nach dann ewigs wee. Darumb spricht Iheronimus/lachen vn frölich sein in diser zeit/gehört nit zu den vernünfftigen menschen

menschen

en/Wann ain lautterer wolgeziertes hertz hatt fröd mit gott allain. Es spricht sant Augustein Das die fröde der liebhaber dyser welt wirt zu geichte der fröd der vnßinnigen menschen die da frölich seind mit singen vnnnd lachen vnd ir aigen krankhait nitt erkennen. Aber ir fründ haben ain groß mitleyden mit in Also die liebhaber dyser welt seind flayschlich vnnnd erkennen nitt ir seel krankhait. Aber ir fründ das seind die frumen Cristen menschen/haben groß mitleiden mit allen sündern vnnnd sündern vnd bieten got trülich für sy/das sy ablassen zu schmahen gott irn schöpffer Es spricht auch sant Gregorius das der gegenwürtigen fröd dyser welt/nachfolgen würdt die ewig traurigkeit. So sprichstu velleicht du liebhaber dyser welt/Ich mag die welt nit verschmahen vnd meinen leibe hassen. Antwort sant Bernhardt vnd spricht Sag mir/wo seind die liebhaber dyser welt die vor kurzen tagen vor vnns gelebt habenn/sy seind frölich gewesen/vnnnd haben nach wolgenallen der welt vnnnd irs leibs wollust gelebt Sy seind all dabyn/gott sey in gededig Es ist nichts auß in beliben dann was wir in dem toden kercker oder krusse sehen ligen. Vnnnd ir gedechtnuß gegen got vnd gen den menschen ist erloschen vnnnd gentslich mitt in begraben. Dyse wortte du liebhaber der welt merck/Wan als Sant Gregorius spricht der dir versprochen hat ablas der sünde/der verspricht dir nitt den nächsten tag zu leben Eya wie vil seind liebhaber dyser welt die dyse wortte für nichten schätzen O wie gar ain herre bottschafft in würdt der ewig

gen verdamnus das strenge leben
 Sante Johannis / des tauffers /
 vnd aller aufferwelten menschen
 strenge festigung / Vnd dar
 vmb lieber mensch / heb auff zu got
 dein inwennigs gesicht vnd beleib
 nit lennger ain veind gottes vnd
 deiner armen seel / sich für dich vñ
 betrachte die zeit deines lebens / das
 da kurz ist / vnd nit waist wie dein
 end gestalt würt. Bedenck das
 iungst gericht / das dir künfftig ist
 da all dein sünd offenbar werden /
 vor aller welt / Gedenck den stren-
 gen ernstlichen richter / den weder
 gab noch beert / senfft noch gütig
 machen / Sich hynnder dich / weil
 vnd zeit / die du vnmutzlich verzert
 hast / mit mangen grossen sünden /
 Bedenck wort vnd werck / bösen
 willen / stete vnd person vnd alle
 sünd der sünd. Wilt du behalten
 werden / vnd nicht warten der
 graussenlichen vrtail an dem iung-
 sten tag / so vrtail dich selbs hie in
 beicht / in büß / in reuñ vnd laid /
 deines herzen / O du lieber der
 welt / wie lang wilt du warten /
 die zeit der gnaden gat da hyn / der
 tod steet dir vorder thür / es sey dir
 lieb oder laid du müst im auff thür
 Vnd darumb verzeüch dein beke-
 rung nit bis morgen / Als Salo-
 mon spricht / hab selber fleiß vnd
 sorg deiner seel vnd enpsilch sy nye
 mandt so wirstu nit versampft.

Wil sach irrent den menschen an
 seyner bekerung vnd die weyß-
 hait v welt / ist ain tothait vor got.

Sprichst du villicht lieber
 mensch / ich hab alleag syn
 zubessern mein leben vnd
 mich keren zu gott / es ist aber vil
 das mich daran hindert / Du solt

wissen das güter will recht zu thür
 ist loblich / vnd haylsam / wer im
 nach kompt. Doch spricht sante
 Bernharde das vil güttes willens
 pyrrn in der hell / O irdische sorg /
 O ir weyssen diser welt / vnd thoren
 geen got. Warüb last ir euch das
 irdisch / das zeytlich / eüwer aigen
 lust so iamerlich erplenden vnd ir
 rung bringgen eüwer armen seel /
 was ist eüwer weishait seydt das ir
 nit betrachten wölt das ewig / dar
 zu wir beschaffen seind / hebt auff
 eüwer erkantnuß / mag euch die lie-
 be gottes / das hail eüwer seel vnd
 ewig fröd nit ziehen von sünden /
 vnd von fröden diser welt / in ain
 anhebents wesen der büß / So nes-
 ment für euch die ewigen verdam-
 nuß / das ewig wee on end das eüch
 beraitt ist / last tuch ewer seel lieber
 sein / dann gold vnd silber / dann
 weib vnd kind / vnd weltlich eer
 vnd freud. O grose tothait da ain
 mensch willgklich fleucht das leb-
 en vnd lieb hat den todt seiner seel
 vnd verschmacht recht thür / vnd
 thürt übel / Vnd verschmacht got
 vnd ist gehorsam dem bösen veind
 O lieber mensch stee auff von dey-
 nem schlaff der tothait / gyb vrlöb
 dem bösen veinde / seydt du bist ain
 vernünfftige Creatur / Es seynd
 vier ding / die vnns billich von sün-
 den solten ziehen. Das erst ist / die
 gedechtnuß des tods / Das annder
 die gedechtnuß des iungstn gericht-
 tes / Das dritt / die gedechtnuß der
 ewigen verdamnuß / Das viert die
 gedechtnuß der ewigen glori vnd
 freude / O lieber mensch nym dein
 acht / es ist in vnserem gewalt wöll
 wir behalten werden / wer oren hab
 zuhören der hör vnd sey klüg seiner
 seel / die weil er in der zeit der genas

anwendend

den ist so geschicht im wol. Weret wie sant Paulus schreibt von der weishait diser welt/er spricht/ Der weltlichen menschen weishait ist ain thohait vor got Vnd wer rechte weis woll sein der werd vor ain thoh/ der worten/ das er werd weis. Wie das zuuersteen sey / das empfilch ich deiner vernunft/ ob du sy recht nützen bist/ Doch spricht sant Augustin/ das der mensch hat rechte weishait der got meer begert zu gefallen dann den menschen. Item wer sich allzeit halt in götlicher forcht Item der das ewig mit grösserem fleis sucht dann das zergenglich Item der nichts güttes versaumpf Item der sich fleis zu behalten die gebor gotes / vnd nachdolgig ist der schlangen mit jr weishait/ die sich verneuert vnd von jr legt die alten haut mit schmerzen/ wann sy erkent von natur was nutz jr dauon kómen mag. O du blinde weishait der weltlichen menschen/ wie gar vil seelen du schayden bist von got/ das sich also erfindet/ wen sy suchn sollen das hayl irer seel in dem Sacrament der hailigen beicht/ so werden sy als die stummen die doch sunst vil wort künden vnd berayt seind zu reden in all sach Sy erzaygen sich auch in iren letzten zeit der tozhait der weishait diser welt/ wenn sy reu vnd layd über jr sünd solten haben mit fürsatz für ohn mit meer zu sünden/ vnd in grosser andacht soltten sein / so haben sy kúmer nuß mit dem das sy hieliege habe haben in der welt/ vnd sterben jr vil layd als die vnuernünftigen thier/ wañ sy wolten mit gesundem leib nitt suchen das hayl irer seele/ vnd an sich nemen rechte götliche weishait/ do sy das wol mit der hilf gottes móchten gethon haben/ vnd

menschen

also werden sy an in selbs schuldig/ vnd schwärlicher verdampft dann juden vnd hayden/ wann sy werden also erfunden in vnd anckerkait gegen got/ die da ist ain grosses laster vnd außdort den bunnen der götlichen barmherzigkait.

Von den trägen vnd scümmigen menschen zu der büß/ vnd das wir fast traurig sollen sein von vnser sünd wegen.

Erken die trägen vnd scümmigen menschen/ wie sant Augustin schreibt/ von den die nitt kómen wolln bey zeit in ain haylsams anhebendts leben oder wesen der büß. Er spricht/ Vil menschen werden ewiglich verdammert vnd behefft in iren sünden/ die sich zu der stym gottes nitt besseren. Sy hören oft innwendige haimliche ermanung von got/ sy volgen aber der nicht/ sy sprechen täglich/ morgen/ morgen will ich anheben vnd will mein leben zu got schicken/ vnd zu hayl meiner seel/ wiss aber das sollicher menschen vil sterben vnd beleyben auß der büß/ vnd wirt vor in zugesperret die arch Noe/ das ist/ das ewig reich gottes. Er redt für bas vnd spricht. O lieber mensch/ wenn wilt du dich zu got keren/ Du sprichst morgen/ Er antwort vnd spricht/ wie ofte sprichst du morgen. Ich sag dir/ das wort morgen morgen/ nach dem latin ist als vil gesprochen/ cras cras/ das hat vil menschen betrogen/ des haben wir ain figur in dem allten gesatz. Do Noe in der arch was/ do schicket er auß den rappen/ der kam nitt herwider/

Von

wann er hett gefunden ain ass das behüb in Also werdent vil menschen gehindert die nit komen zu got / wann das stinckend ass das liebt in zu fast / das sünde die leiblichen lust / ir aigner leib / die welt / vñ begir zu irrdischen dingen / vñ beleiben also eytel vñnd laran götlichen gnaden Vñnd vertzeren mit sünden ir leben / vñnd haben doch hoffnung zu got / ir werden aber vil betrogen / wann ir hoffnung ist nit gerecht / Da betrachte selbs lieber mensch was ain rechte hoffnung sey Sant Bernhart spricht. Hoffnung on aigens verdienen / ist ain vermessenhait od übermüt. **T**u fürbaß von der arch. Merck aber die taube die Noe außschicket / die kam herwider vñnd bracht ain grünes palmyweig mit ir / Da heb auff dein gemüt / du anhebender mensch / vñnd merck die eigenschafft der tauben / die dich beudeutet / vñnd volg nit dem rappen / Die taub hat ain traurig gefanng / vñnd kain gallen / halt dich der eigenschafft so kumpst du fridlich in die archen der ewigen freuden / Traurig müst du sein in der büß / wann also redt sant Bernhart. Wir mügen nit frölich sein in diser zeit / vñnd darnach besitzen die ewigen freud. Es spricht auch Cristus in dem ewangelio. Sällich seind die hie klagen vñnd traurig seind / wann sy werden getröst / Er redt auch an ainer andern stat. Wee eüch die hie lachen vñnd frölich seind / wann ir werden wainen vñnd klagen. Du solt haben / lieber mensch / ain güctigs / demütigs / senffmütigs hertz gegen deinem nächsten (vñnd nit vnwirs sein als ertlich händig zornig menschen / die ir bösenatur nit überwinden mügen / vñnd in andern sachen in selbs fast hörte bürd auff legen) so bist du on alle gallen. Du solt auch

Dem

ainfeltig sein vñnd schlecht alls die taub / vñnd haben ain grünes zweig / das bedeüt / neuwe gute werck / Ach lieber mensch nach deinem güten anfang / geefür dich / Er dich nit an die falschn Propheren / der layder vil ist zu disen zeitten / Sich nit vmb in dein alts leben Als sant Augustinus spricht Nur zu rew vñ zu laid / vñnd das du nit werdest ain gespött der menschen / vñnd das dein sünd nit beschwärt werde / wann von sölllichen menschn spricht sant Peter. Es war nützer ainem yettlichen menschen / er hett den weg der gerechtigkeit nit erkant / dan nach der erkantnuß sich wider geben zu sünden Lasset jederman sein (lieber mensch) als er ist / wann also redt Gregorius. Wer seines nächsten missetat hertiglich vrtaylt der mag hart vmb sein aygen schuld gnad erwerben / vñnd schätz dich allzeit für den grösten sündner / vñnd beger nit das du gelobt werdest von andern menschen / so bist du demütig Hab groß mitleyden mit den belaydigten betrübten menschen / so hast du brüderliche lieb. Bis barmhertzig deinem nächsten / so will dir got auch barmhertzig sein / wann also spricht sant Augustin. Ich hab nye erfahren noch gelesen das ain güctiger barmhertziger mensch übel gestorbn sey. Lieber mensch fleiß dich zu halten sölllich tugent so würst du wol geschickt zu aufnehmen in deinem leben.

T Das man meiden soll vrsach der sünd vñnd was zu betrachten sey dar durch der mensch zu rew kün Auch nutz vñ aygenschafft d'zäher die ain mensch vergiessen soll.

anhebenden

Aya du anhebender mensch/
die bildung der sünd müst
du aufretten außs deiner
gedechtnuß/wilt du ledig steen von
sünden/vñ alles das dir ain vrsach
ist gewesen zü sünden/das müst du
meyden Es tñ deinem Esel wol od
wee/Es kan anders nit gesein wilt
du behalten werden Es sol dich ny
mer reiten dein esel Du solt jm ein
legen ain scharpffs gebiß / da mit
du yn mügest zämen/Das ist festi-
gung des leibs vñnd doch zymlich
als oben berürt ist/Du solt für die
leiplichen lüst vñnd fröde die du hast
gehabt in sünden / an dich nemen
die bitterkait der büß Als die ewig
weyßhait leert vñnd solt bedencken
deiner seel krankhait / armüt / el-
lend vñnd groß verdamplich scha-
den/wie oft du hast verdienet mit
sündñ/die ewigen verdammuß/vñ
wie du manige grosse sünnde ver-
bracht hast vnbillich wider got vñ
wider deinen nächsten/vñnd das du
manigen liechten vñ gnaden reich-
en tag vnnutzlich verzertt hast /
Vñnd daran die eer gottes vñnd das
hail deiner seel niet gesüchet/Göt-
lichem einsprechen offte widerstan-
den bist/vñ verschmecht hast / sein
haillige göttliche genad/vñnd noch
vil mer sünd verbracht hetest War
gott nit komen mit seinen genaden
dir zühilff Söllliche gedechtnuß
waiche das hertz vñnd bringe hayß
zäher Vñnd den wirt die seel aber ge-
taufft vñnd gerainigt vñnd wirt wí-
der ain gespons vñnd fründin got-
tes Vñ werden abgelest die hellisch
en peín Als sant Augustein spricht
Alle wasser auff erd mügen nit er-
leschen ain funncken des hellischen
feüres Aber ain zäher von ainem
reüwigen hertzen/lest ab die ganz

menckheit

en peín Auch spricht Gregorius lies
ber mensche hab lieb dein zäher laß
dirt süß sein/hab allzeit lieb zuwa-
nen dein sünd/biß als willig zu klaz-
gen dein sünd als willig du gewes-
en bist zü sünden Es schreibt sant
Gregorius in dem büch dialogorñ
das zwaierlay wainen ist Das erst
waynen kompt/wenn ain andech-
tige seel (die fast durstig ist zü got)
erschrickt ab irñ sünden/vñ fürcht
die ewigen verdammuß Vñnd dar-
umb würt das hertz erwaychet zü
wainen Vñnd würt genant das
bitter traurig wainen Das ander
wainen kumpt / wenn ain andech-
tiger menschlann gewaynet hatt
sein myssethat So enpfacht er ain
hoffnüg vmb ablaß seiner sünd vñ
wirt denn enzünnt in göttlicher lie-
be vñnd belange yn nach den himl-
schen fröden / vñnd von sölllichem be-
langen/kumpt das ander waynen
das da genant wirt ain süß trost-
lichs wainen/Nun merck die ayg-
enschafft der zäher vñnd was nutz
dem menschen darnon kompt Zu
dem ersten seind sy feicht Wan das
hertz hertz des menschen machen sy
waich vñnd fruchteber zü güten wer-
cken Item sy seind gesalzen/vñnd
machen die wercke der büß/Die da
seind ain speiß der seel/vñserm her-
ren wol schmeckenn Item sy seind
warm vñnd machen den rost der sün-
den außs brinnender lieb scheinen/
Item sy seind lautter vñnd machen
die vernunft klar zusehen gott den
herren Item sy kommen von dem
hertzñ als oben begriffen ist/Wen
der mensch gegencken ist sein sünde
in bitterkait seines hertzen so wirt
er bewegt zü waynen Item sy mas-
chen ring die innwendigen traurig-
kait des menschn von sünden weg

en Wann sy bringen in hoffnung der genaden/ Noch vil mer ander güterer tugent bringen sy dem menschen Als oben 8 leerer sprüch auß weysen/ Aber redt sant Augustein vnd spricht/ wer nit reüw hat über sein sünd/ der hatt kein lautteres gebeet/ Haben wir nun vnser leben veruontraynt mitte sünden nach dem tauß so last vnns vnser gewissen taußen mit haissen zähern Söllich zäher die der mensche waynem ist vmb sein sünd/ die erwerben allzeit vmb gott warumb der mensch bitten ist Also spricht Thobias/ Ich zweiffel nit daran / gott hab angesehen mein zäher vnnnd hab erhört mein gebeet Vnnnd darumb spricht sant Augustein O du starcker zäher/ du überwindest/ den nyemant über winden/ kan/ du bist gewaltig des aller gewaltigosten O lieber mensch enpfach vnnnd hör mit begirlichem hertzen / die trostlichen wort/ vnnnd bis gott danckber/ das du nit bist gestorben in deinen sünden Wann also spricht sant Gregorius wer vndanckber ist vmb die eingenomen güthatt / der ist nit würdig annder güthatt zü enpfachen Fröw dich das du hast erlangt von gott den tag / vnnnd komen bist in ain anhebent wesen der büße O wer hatt dir sollich genad von gott erworben Seyd das vil menschen vor dir gestorben seind/ die vvilleicht so vil sünd nit haben gethon als du vnnnd nyemant wayßt (on gott allein) wie es vmb sy gestalt ist Vnd darumb spar dich nit/ gib dich williglichen zü büßen dein sünde So wirst du erlediget auß dem gewalt der bösen feind Wan also redt ain lerer genant Johan. gerson Wer hie beklaget sein sünd/ der ist sicher

in seinem leben/ Wan wie er stirbt es sey in wasser od in feür oder wie das geschicht so stirbt er nitte übel. Des geleychen stat geschriben in dem büch der weyßhait/ Wan von anfang der welt Ist kein mensch nie verdampft worden/ der hie beklaget hatt auß erde sein sünd Er spricht fürbas/ die bösen seind haben allerlay menschen bey in auß genommen der büßwirkenden menschen Vnnnd darumb spricht Augustinus O büß was sol ich neüws von dir sprechen Alles / das gebunden ist/ das machst du ledig Alle wider wertigkeit machstu zäm Das paradieß sperrest du auß/ du bist schämen über das gold Du bist klarer dann die sun Sprichst du aber/ lieber mensche/ Ich hab layder mein iung tag übel verzert/ mit manigen grossen sünden/ vnd bin nun ale vnnnd krank worden vnnnd mag nit kein güet werck mer tün/ weder mit fasten / oder annder festigung des leibes Werck lieber mensche / wie trostlichen redt gott durch den propheten Ezechiel/ zü wellicher zeye der mensch seuffzet über sein sünde vnnnd reüw enpfacht So wil ich seiner sünd nymmer mer gedenncken Des geleychen nym dir trost von den die da spatt kamen in den weingarten Als der herr Christus in dem Ewangelio berürt / vnd doch geleychen lon mit den ersten enpfingen Vnnnd darumb spricht Iheronimus ain büßwertigs leben wirt nit geschätzt nach den iaren vnnnd nach der zeit/ Besonder nach reüw vnnnd waynen über die sünd Auch spricht sant Bernhardt ain zäher der da kompt von ainem reüwigen vñ andechtigem hertzen der nympt mer sünd ab hie in diser zeit/ dann

anhebenden

sehen iat in dem segseluere Doch
war got ain groß wolgenallen das
der mensch an hieb recht zuchün in
der Juger mit gesundem leib / dan
so er nitt mer gesunden mag vnn
die welt sein nymer begert zü iren
fröwden.

Der sündler soll nit verzweyffeln
in seinen sünden / vnn was nütze
dem menschen bring widerwertig
kait vnn trübsal.

All helt in die hailig ge
schrifte noch vil tröstlich
er wort vnn ebennbild als
len sündigen menschen die geren
hie auff erd kōmen wolde in ain
anhebends wesen der büß / Merck
wie vnser herr redt durch den pro
pheten Ezechiel / Er spricht Ist
das v sündig mensch an sich nimpe
ain büßwertigs leben vnn behale
meine gebott / So stirbt er nitt des
ewigen todes / sonder er wirt leben
Aller seiner sünde will ich nymer
mer gedencken / ist das er behart in
ainem rechten lebenn Er spricht
auch in dem Ewangelio Nempe
an ewch ain büßwertiges lebenn /
Wann das reich der hymel ist eüch
nahent Merck auch tröstliche Ex
empel David der künig do er ge
sündet het Als bald er sprach / mitt
reüw vnn layd seines hertzen / ich
hab gesunde Allzuhand vergab im
gott sein schuld Wann also sprach
zü im Nathan der prophet / fürchte
dir nichte Got hat vō dir genomen
dein sünd Aber das schwertt würt
nitt genomen von dein hauf / das
ist mitt fleiß zumerckenn den ver
nünfftigen vnn weyßen menschen /
die gesunde haben vnn die got er
kennen vnn auch das übel der sünd

menschen

David was ain besomnder frunde
gots vñ verbrachte wyssenlich groß
sünd das er seinem ritte genant
Urias beschlief seinen gemahel vñ
in darnach schickte / das er in dem
streit erschlagün ward / die misserat
ward im vergebenn Aber er müß
darnach hertriglichen büßen das
übel / das er gethon het Darumb
das er wyssenlich gesunde het Als
so wenn die menschen wyssenlichen
sünden auff die erbarmung gottes
so sünden sy in den hailigen gaist /
vnn sollich sünde in den hailligen
gaist werden on groß pen vnn büß
nit vergeben Als der herr Cristus
selb redt in dem Ewangelio Es
sey dan das der mensch sollich büß
verbring mit waynen vnn klagen /
Als sant Maria Magdalena ge
thon hat Und sant Peter vnn vil
annder außewelter menschen / die
nach ir bekerung vil widerwertig
kait vnn trübsal gelitten haben wil
liglich / Vnn darumb du anhe
bender mensch Ob dich gott straff
hie auf erd mit trübsal / mit krank
heit oder mit armüt erschrick nit
darab / oder was got über dich ver
henge von deiner sünd wegen / das
trag gedultrich Es ist ain schein
berliches zaychen göttlicher liebe.
Wann gott hie auff erd die seinen
straffte Als Johannes schreibt in
Appocalipsi / wen ich lieb hab den
straff ich spricht der herr / Merck
do der Engel Raphabel dem Tho
bias seine güte werck erzalt / dar
durch er gott genam was Do spr
rache er fürbas Seyd du gott ge
nam bist worden durch deine güte
wercke / do was ain notturfft das
dich got mit trübsal bewart Wan
er het vil schmach vnn trübsal vnn
spott müssen leiden von den mensch

B ij

en vnnnd was blind gewesen vor vil
iaren Vnnnd was allzeit gedultig
vnnnd dannckber vnnserem herren
Als der hailig Job auch thet / der
noch vil mer gelitten hat dan Tho
bias Trübsal vnnnd widerwertig
kairt rayniget die seel vonn sünden
Als Gregorius spricht Vnnnd gib
des ain ebenbild bey dem golde das
in dem feür geleüttert vnd bewart
wirrt / O lieber mensch hast du nit
sünd verbracht Vnd bistu noch in
dem wesen der vnnschuld So lobe
gott von gantzem hertzen Dan
nocht bringet dir trübsal grosses
verdienen vnnnd merung der fröde
in dem himel Wann also redt sant
Augustein Gott ist also gütt vnnnd
gerecht / verhengt er nit über vns
trübsal vnd bitterkairt in dyser zeit
so vergessen wir seyn gantz vnnnd
gar Fürbas spricht er / es ist kein
fründ gottes on trübsal Versteeß
du dich on trübsal / so bist du noch
nit zü gezelt der schare der aussere
welten Fürbas spricht er / wellich
er mensch on trübsal ist Der ist nit
von der gemainschafft der kinder
gottes Darumb lieber mensch hast
du verloren dein vnschuldigs klaid
nach dem tauß mit sünden vñ wilt
nit ewigklich verdampt werden so
biß in aller widerwertigkairt ge
dultig Thü als Dauid d ain stren
ges büßwertiges leben füret nach
seinem falle Er was barmhertzig
gen seinem nächsten / güttig vnnnd
milt / gedultig in widerwertigkairt
Vnnnd gotz söchtig vnnnd gerecht
in allem seinem lebenn Nym auch
für dich annder Exempel Sich an
sant Peter der von forcht des to
des vnnnd krankheit wegen d men
schait / vnnseren herren verlaugnet
vnnnd darnach sein lebtag die selb

en sünd hertzenlich allzeit beway
net Nun hast du oft laider tödlich
gesündet / als ich besorge vnnnd als
vil du todsünd verbracht hast Als
oft hast du gottes verlaugnet / nit
von forcht wegen des todes / doch
rüß zü goet mit reüwigem hertzen
So wil er dich vatterlich an sehen.
Als er sant Peter gethon hat Ge
nügt dich noch nit / lieber mensch /
so hör wie gott sein genad außgoss
sen hat vnd erzaiht an vil grossen
sündern vnnnd sünderin Als da ist
sant Paulus / Sant Matheus /
sant Maria Magdalena / bedeneß
den schacher an dem Creütze / den
offen sünder vnd vil ander die bey
gott herrschen yezund in dem ewi
gen leben vnnnd fröwden.

Die weisen diser welt werden zü
geleichte den kindern Irem offe be
chten bringe vil nutz Irem das nit
ain gütt zaychen ist wer frummen
menschenn übel redt Was leiplich
leben sey die Materi alle vint man
in disem Capitel.

Nun seind vil menschen / die
ir bekerung sparen bis an
die erbarmung gottes / vnnnd über
sich selbs kein erbarmung haben
wellen / das gar sorgklich ist Wan
also spricht Ecclesiastes O lieber
mensch erbarm dich über dein seel
so bist du gott wolgeuällig Dar
über spricht auch sant Augustein /
wilt du das sich gott über dich er
barme So erbarm dich von erst
über dich selbs Aber laider vil men
schen vnnnd besonder die weysen vñ
klügen der welt / der clüghait vñ
weyßhait nyemandt versteeen mag

anhebenden

Seid das sy tag vñ nacht mit dem irdischen / ir sel vñ hertz bekümmern darmit ir innwendigs gesicht vñd verstantnuß erblent wirt Vñd vn geschickt zū rechter weishait der sy nitt habenn Sy werdent weyß genant von der welt / Aber die hailig geschriffte nennt sy toren Als sannt Pauls berürt in ainer Epistel prima ad Corintheos. ij. Sapiencia huius mundi / stulticia est apud deū Die weishait dyser welt ist ain torhait bey gott Vñd kompt dauon das ir seelen (von sünden wegen) nitt geschickt seind / zū empfangen rechte weishait Wann also spricht Salomon Sapiencie . j. in dem büch vñ weishait In ain böse vnrayne seel geet nitt der gaisst der weyßhait Des merck ain figur an Adam / die weil er bestünd on sünd do was er begabt überflüssigklich mit weishait vñ anderen tugenden Also das er aller Creatur aygenschafft erkant vñ ynen ir namen außsagt Aber zehand do er die sünde verbracht / do verloh er das liechte der weishait / vñnd das merck an dem / das er so tolich antwortet der stym gotes in dem paradeis vñ sich entschuldiget durch das weyb Eua Do er sprach / herr ich hab gehört dein stym in dem paradeis vñ hab dich genörcht / wann ich was nackt vñnd hab mich verborgen Vñ do der herr sprach / wer hat dir gesagt das du nackt bist / nur allein das du geessen hast vom dem holz das ich dir verbotten hab das du dauon nitt ässest Do Antwortet Adam / Das weib das du mir geben hast das hat mir es geben vñ ich hab geessen.

menschen

Mer von natürlicher weishait

ES spricht ain leter das die weyßen dyser welt werden zū geleich den iungen kindern in ertlichen sachen Wann die iungen kinden schätzen ain klaine gab als ain appffel oder ain schellen / höher dann die gannzen welt Sy achten auch nitt was künsttig sey Wan sy haben nitt verstantnuß Sy haben ain leicht gemüte Also thund die weyßen dyser welt / die das zergänglich höher schätzen vñnd lieber haben dan das ewig Ir verstantnuß wirt auch so fast verschopet od verstockt durch das zeitlich / das sy nitt mügen bedenncken das künsttig / Sy seind nitt bestendig in irem leben Wan oft nach andacht vñd gutem willen werden sy leicht abgetriben von dem hail ir seel Als gemainlich geschihet nach den östlichen zeyten / Die kind haben auch nitt scham in irem wesen / des gleichen haben die weltlichen menschen kainerlay scham in iren sünden / weder gen gott noch gen den menschen vñnd wellen doch elüg vñd weyß geschätzt werden Ertlich die fast edel wellen sein / vñnd weyß wellen genant werden von andern menschen / die rümen sich ir aigen sünde Als die Ebrecher / Spiler / rauber vñnd brenner Vñnd vil vntugenthaffter wort vñnd werck die sy on alle forcht vor anderen menschen aussprechen Darumb sy grosse hellische pein müssen leyden Es spricht ain maister / wer im selbs nitt weyß ist / wie kan er andern menschen weyß sein Söllich menschen nach der warhait werden zū geleich den vñuernünftigen thieren / die gott nitt wyssen / die nur das irdisch vñd

B ij

leiplich süchere Als Danid spricht in dem psalter / d' mensch do er was in grossen werden / das wolt er nit erkennen Darumb ist er zu geschezter den vnvernünfftigen thieren vñ ist in gleich wordn / das erzaigt sich an dem das sy nit süchen / das ewig güte mit ernstlichem fleiß Besonder tag vnd nacht frñ vnd spat ist ir hertz vñ gemüt mit zeitlichen dingen bekümert Vñnd wenn sy in hoher andacht solten sein gen gott so ist ir hertz zerströwe hyn vnd her vnd bekümert / vñnd verzerend die zeyt der genaden vnnützlichen irer seel Sy seind auch nit willig auß andacht vnd götlicher lieb / ir sünd zubeichten / dann allain von forcht wegen vnd gebot der Cristenhayt / Fasten / beetten / frñ auffstehen / vñ predig hören wil in nit wol schmecken Das ist nit ain güte zaichen ainem frumen Cristen menschn der geren besitzen wölte das ewig leben vñ bringe im auch wenig lob vñnd eer gen andern menschen.

Mer von der weltlichen weyßhait / der menschen die / die frömen gaystlichen gotzforchtigen diener gottes verachten / ynen übel reden vnd sy verspotten.

Aya du anhebender mensch du müst dich ritterlichenn angreyssen vnd dich setzen vestentlich wider deinen Esel vnd nit nachuolgen seiner begir Besonder solt du in darzü bringen das er vndertanig werd deiner vernunfft vñ deiner gewissen Vñnd solt klain vnd groß sünd von dir legen / mer dan ain mal im iar / mit ainer andechtigen beichte Besonder in den vier zeitten des iars Nym dir ain leer von dem hund / der ist ain vnvernünfftig thier Wenn er etwas

schedlichs in seinem leib inwendig enpfindt / so ist er gras / dardurch er von im auß wirfft vnd seinen gesund wider gehalten mag Also wenn du in dir enpfindest das deiner seel schaden bringt als die sünd So begynn zusüchen erzney / das ist die haylig beicht vñ schick dich mer zü der hailign beicht dan ander. grob menschen / die allain in der vasten von gebots wegen beichtren / das zimpt ainem rechten anhebenden menschen in büß Vñnd bringt güte ebenbild andern menschn / wer das sicht oder hört vñnd ist ain wares zaichen ainer ganzen bekerung zü got Wan als oft Cristus der herr außserig menschen rainigt / so hieß er sy zühann gen zü den priestern Also verschmäch nit das Sacrament der beicht / harr nit auff die zeyt wenn es dir geboten ist zühin / so zaigst du auß lieb vñnd nit auß forcht deinen güten anfang darin du erlangn magst / das got mit seinen genaden zü dir kómen wirt in dein seel / vñ dich begaben / das die süß württ zühören das hailig gotz wort Vñnd alle güte werck werdene dir mer lieben dan vor Als beetter fasten frñ auffstehen vñnd almüßen geben / dir württ auch kurzweilig bey frumen andechtigen menschen zusein Vñnd gern mit in reden vnd all ir sach zü dem besten keren / dar wider vil grob menschen fast tünd vnd sich schwarlich versünden an vil gaislichen person Wann also redt Gregorius in dem büsch Dialogorum vnd spricht / das man sol die andechtigen fründ gottes nit belaidigen Wan wer yn übel thut oder sy verschmecht der belaidiget gott der in in wonung hat / wan sy seind ain tempel gots vñ besonder fründ

anhebenden

vnseren herren / vnd irem andech-
gen gebeet mag got nit wider steen
Als man list Das Moyses bar für
das volcke von Israhel Do sprach
vnser herr / laß mich / als ob er sp-
rach du bist mich nöten mit deinem
gebeet Vñ haltest anff meinen zorn
gen dysen volck / das großlich wi-
der mich gesunde hat Merck wie
man list in dem büch der geschöpft
Das got vil taufer menschen über
sehen hab / von zehen gerechtin men-
schen wegen ob sy gefunden wurd-
en in den sterten Sodoma vnd Go-
morra vñnd in der ganzen gegent
darbey Seid aber das nit gesein
mocht Do versante got die stert all
vñ ließ dareyn regnen schwebel vñ
feür Darüb solt aller gewalt gais-
licher vñnd weltlicher mit großem
fleiß darzü tün / das man ain rech-
tes gaisstlichs leben nach inhaltung
ge der regel / in allen Clöstern hielt
vil defter saltger waren sy all vñnd
herten mer gelücks vnd hail vñ mit
in land vnd leüt Vñnd wurd der zorn
ren gottes offte gesenfft / das so vil
übels nit verhengt wurd über vns
Etelich grob menschen nemen in
arckwon / ab den gaisstlichen / rayn
lauftern menschen Darumb das
etlich vnder in wol gestalt seind vñ
frölich vñnd ir anblick wol gefar /
Merck mit fleiß warumb das sey /
die weltlichen menschen haben vil
neid vnd hasß vñnd seind sorgfeltig
vnd vnlaute Darumb werden sy
blaiß vñnd etlich vngestalt Aber
die rechten fründ gottes / die got al-
lain loben in diser zeit vnd der welt
nit achten / die behalten ir natür-
lich gestalt vnd seind frölich in got
vñnd liebkossig gen irem nächstem
in aller erberkeit.

Merck vñ den frumen menschen.

menschen

S ist fürbas nit ain güte
zaichen / Wa ain mensch
übel genaigte ist in vnlieb
zü frumen menschen Wan also sp-
richt Augustinus / die menschn die
da gehörendt in ain lannd / wa die
seind in fremden landen so habñ sy
besonder lieb vñnd frumenschafft zü
ainander Also wer hie in diser zeyt
gemainschafft vñnd lieb sücht mit
den fründen gottes Der beweyset
damit / das er mit yn auch komet
wirt in das ewig leben Vñnd darüb
lieber mensch / hab lieb die fründ
gottes das dienet deiner seel fast zü
tugenden vnd zü hail vnd bewarest
darinn das du got recht lieb hast
Wan also spricht sant Augustein
wer got volkōmenlich lieb hat der
hett auch lieb alles das / das nach
got gebildet ist Vñ ye mer ain men-
sch für den andern in tugenden got
gleicher ist / dan ander menschn / so
vil ist er mer lieb zü habñ für ander
menschen Wilt du anhebend mens-
sche alle dysse wortt lassen für oren
geen vñ allain leiplich lebñ in diser
zeit So spricht dir sant Pauls ab
das ewig leben / Wann also redt er
in ainr Epistel zü den Rōmern an
dem. viij. capitel. O lieben brü ð vñ
schwestern / ir solt nit süchñ die zeit
lichen narung in wollust des leibs
wan ist dz ir also lebt nach dem leib
So wert ir sterben des ewigñ tods
Was aber leiplich leben haße legt
aus sant Augustein vñ spricht Die
menschn leben leiplich Die da essen
trincken / reden / schlaffen / lachen /
vñ kurzweilen / wen sy wöllen / wie
offt sy wellen / vñ wie vil sy wellen /
Vñnd ander werck des leibs verbrün-
gen / on forchet vñnd on notturffe /
Wer die seind / den ist nott hie auff
erd mit der hilff gotz an sich nemen

B iij

ain strengs büßwertigs leben/wel
len sy entrinen der ewigen verdam
nuß. Wan vil menschn die also leip
lich lebñ/die frenckñ nit allain irñ
leib vnd myndern ir leben/ Beson
der sy verliessen die würdigkait der
sel. Des merk ain figur bey Esaw
(Als samnt Pauls schreibt) der sein
erste würdigkait verkaufft seinem
brüd Jacob vmb ain schnöde speiß
von leiplicher begir wegen / die er
darzu het vnd wie wol er darnach
herzenlich klaget vnd wainet danñ
noch mocht er sy nymer mer erlan
gen. Vnd den seggen von seinem vater
ter ysaac nit ganz mocht bekömen
das mercken die leiplichen menschn
/ die sünd ring schätzen vnd
hoffnung vnd trost haben hie ain
genügen darumb zuchün das doch
on rechte ware büß selten geschicht

Das vil außerewelt menschen in
groß vnd vil sünd fallen/ vnd nach
irem val sich mer mit fleißigem vn
emstigem ernst üben in güten werck
en dann die in vnschuld von iuger
auff seind gestanden.

Al menschen die genodere
seind von anfang der welt
vnd fürsehen zü dem ewig
en leben hatt vnser lieber herr sch
warlich lassen fallen/ so er inen sein
gnad entzogen hat da von man list
in der alten vnd neüwen ee. War
umb aber das geschehenn sey/ da
zympt dir nit nach zuzorschn/wañ
das gericht gottes ist haymlich vn
vngrünlich/ Er kan vnd mag alle
ding allain messen vnd ordnen
nach seinem gefallen. Ecclesiastes
spricht was dir zuhoch vn zustrack
ist/dem solt du nit hochlich vnd clüg
lich nach forschen. Fürbas redt er
aber was dir got dein herr gebotñ

hatt das behalt in deiner gedech
nuß. **W**ider die geschriff vnd
leerer thünd ertlich menschen den
got ain süßkait seiner gnaden hat
erzaigt/ Die beginnen nachforsch
en großer kunst vnd göttlicher
haymlichkait/ das in nit notturste
ist zuwissen/ seid sy in dem anheben
den weßen noch ir übung brauch
en. Wenn sy aber ritterlichen mit
göttlicher hilff/das ain zeyt geübe
haben vnd in das auffnemen weß
sen komen sein/vnd den gerechten
füß gesetzt haben zü dem volkömen
weßen / So ist denn zymlichen sö
lich sach zuhandeln vnd nachz
forschñ/ doch als fer das man sich
weyßlich darynn halt mit großer
beschaidenhait. Wir sehen vnd
mercken offte/ das ertlich menschen
nach irem val vil vnd groß genad
von got enpfahen. Also das sy all ir
sünd/neüw vnd alt werden erken
nen vnd mit großem fleiß offte reich
ten/vnd die beseünffzen vnd be
waynen vnd darnach mer gais
licher übung vnd mer tugenthafft
tiger wercke verbringgen / dann die
menschen die von iugent auff be
standen seind. **W**arumb aber
die selben bestanden menschen nit
so ernstlich vnd sich mit so starck
em fleiß üben sein als dise/Spricht
samnt Gregorius Sy haben ainen
trost an ir vnschuld vnd besteend
also in zymlicher übung. **E**rtlich
werdñ in irem stand fast rouch hin
läßig vn eitel / als wir das lesen vn
hören/ das offte ain person fraw od
man die gefallen ist in schwar sünd
mer andechtiger güter werck vnd
übung verbringgt nach irem vall
dan ander zehen oder zwainzig vn
werden höher gesetzt in der ewigen
glori / dann die anderen von ired

anhebenden

strengen ernstlichen lebens wegen
 Des habenn wir ain Exempel an
 sannt Pauls vnnnd Sannt Maria
 magdalena Von soltichen büßwür
 ckenden menschen redt Christus in
 dem Ewangelio / vnd spricht / das
 den Engeln gottes im hymel mer
 ströwd ist über ain büßser dann über
 er. xcix. gerecht Söltlich menschen
 greiffen sich gar ritterlichen an vñ
 lassen sich nichts zergenncklichs ir
 ren Sy machen in vnderthenig iren
 aigen leib mit aller bösser naigun
 ge / vnnnd herrschen gewaltiglich
 darüber Seyd in die Sunn der ge
 rechtigkaytt erschynen ist / so ist ir
 hertz abgeschaiden gannz von al
 len irdischen dingen vnnnd werden
 starck in göttlicher liebe Davon sy
 wed gold noch silber / freünd noch
 kainerlay Creatur ziehen mag .
 Sannt Augustein spricht wer üb
 er sich wol herrschen kan / der ist ge
 waltiger zuscheygen / mer dann der
 lannd vnnnd leütt regieret Söltlich
 menschen komen auch in ain sicher
 leben der büß Vnnnd beleiben in der
 forcht gottes Sy üben sich auch
 gar trostlich in hoher anndacht /
 gen got / vnnnd in gücten wercken /
 vnnnd ebenbilden gen irem nechsten
 Sy werden wol geschickt zu demü
 tigkeit wann sy bedencken ir sünde
 Sy werdenn gedultig in trübsal /
 wann sy erkennen das sy wider got
 grösslich gesünder habenn Sy be
 greyffen grosse liebe Darumb das
 sy got in die büß genodert hat vnd
 setzen allen iren trost in got / der da
 ist ain behüetter aller der die ir hof
 nung in yn setzen Als David sp
 richt in dem psalter Auch spricht
 Isaias Mensch bist du wanderen
 in d' finsternuß vnd hast nit liecht /
 so setz deinen trost in got Sy habenn

menschlichen

auch nymet sicherhaytt vnnnd trost
 auff sich selbs Wann vil menschen
 die in selbs wol trauwen die fallers
 gar schwarlich Als sich das laider
 ofte vndt an manngen personens
 gaystlichen vnnnd weltlichen die yn
 selbs lannng zeit wol getraut haben
 das vnderweylen gar wunderliche
 ding geschehn seind Davon ich nit
 schreyben wil Wann wer wol bes
 steen wil der nym sein selbs wol ge
 war vnnnd hab nit vil besonnder ge
 haym mit anndern menschchen wie
 die genant sein / gaystlich oder wele
 lich / der böß seind kan vil arger list
 vnnnd kann die sünd wol bedeckenn
 als ob sy ain tugent sey Es spriche
 sannt Augustein / ich hab erkant
 menschen / die schwarlich gefallen
 seind den ichs als wenig getraut
 het als Jeronimo od sant Ambros
 sio Eya du anhebend' mensch nym
 der wortt aller wol gewar vnd schz
 reib sy in dein hertz als in dein büch
 Vnnnd besonnder biß auff merckig
 was der herr Cristus allzeit würck
 en sey / wenn er ain krankten men
 schen gesund macht So sprach er
 nym war / du bist worden gesund .
 See hyn vnnnd sünd fürbas nymet
 mer / das dir nit grössers übel wer
 derfar Das thü auch so bistu sich
 er in deinem leben .

Das der mensch festiglich wi
 dersteen soll den sünden Item was
 nutz die werck der büß bringen vnd
 das der mensch nit ganz trost hab
 wenn er bewaint sein sünd .

Ich ist dir ain notturf' et
 was zumerckñ du anheben
 der mensch wen du bist bey

andern menschen vnnnd hast nun
 dein sünd in beicht von dir gelegt
 vnnnd auff genommen büß / Vnnnd
 sich dann etwas erbilden wölet in
 dein hertz das an jm selbs sündig
 ist So laß die bildung nit lang in
 dir rüwen / das sy nit wurtz Des
 gleichen thü auch wenn der böß li
 stig veind dir für bringgen ist dein
 ale sünd in wollust Thü allen dein
 en fleiß das sy auß gereit werden/
 wellest du komet in auffnemends
 wesen der tuget vnnnd haylsamlich
 büßen Wer vntraut nit haben wöl
 in seinem garten der müß die wurtz
 von grund auß reütten ob es wech
 fre herwider Also sol von dir abge
 schaiden vnnnd enpfrembdt werden
 alle übung vnnnd vrsach der sünde
 Vnnnd gee denn auff die bewärtten
 werck der büß / das ist fasten / beete
 ten / allmüßen gebenn / Das fasten
 als sannt Augustein vnnnd Sannt
 Ambrosius schreyben / bringe dem
 menschen an leib vnnnd an seel groß
 frucht vnnnd nutz Sy dient zu laut
 ritait / zu demütigkait / zu frid /
 zu gehorsam / zu gedultrigkait / zu
 besonder andacht / Vnd zu schweigen
 Besonder dem leib zu grossen
 gesund Isidorus spricht / fasten len
 get dem menschen sein leben / Sy
 ist ain wurze der genaden / Sy er
 leüchet die verstanenuß / Sy ist ain
 behüterin der keüschait Sy enzünt
 des menschen hertz in göttlicher lie
 be Vnnnd vil ander güthaitten vnd
 nütz komet darvon / wer sy ordent
 lich helt. ¶ Vnd von dem beeten sp
 richt sant Augustein O lieber men
 sche mach lautter vnnnd rayn dein
 hertze So ist der in dir der dein ge
 beete erhört Sannt Bernhardt sp
 richt / O lieben brüder schäzget eü
 wer gebeete nit ring Ich sag eüch

für war / ee das die wort des gebete
 tes auß eüwerem mund geend / so
 seind sy got erkannt / vnd der zway
 er aines sollen wir alzeit hoffnung
 haben zu entpfahen / das darumb
 wir bitten / oder etwas anders das
 vns mer nutz bringt. ¶ Was dan
 almüßen nutz bringen sey der seel /
 Merck wie der hailig Thobias sp
 richt Das almüßen macht ledig die
 menschen von sünden / vñ von dem
 tod der seel / vnnnd macht finden die
 barmherzigkait gottes / vnnnd das
 ewig lebenn / Des gleichen merck
 wie Daniel redt zu dem künig Na
 buchodonosor Du solt ledig mach
 en dein seel von den sünden mit dem
 allmüßen Wann als das wasser er
 leschen ist das feür Also erlest das
 allmüßen die sünde / Es seind vil
 menschen den gat schwarz ist / wen
 sy geben sollen das got zu gehöret
 Aber was sy thün sölln durch wele
 lich eer / das ist in ring / vnd ist nit
 ain güet zaichen ainem frumen Cris
 ten menschen der sein güet das ym
 von gotte verlihen ist / also in hochs
 fatt oder zu leiplichen listen verzer
 ren ist Es spricht der herr in dem
 Ewangelio Gebent allmüßen / so
 werden eüwere werck lautter Aber
 spricht er / verberget das allmüßen
 in die schloß d' armen menschen so
 würdet es für eüch bitten gott me
 nen hymlichen vatter / Vber dyse
 wort spricht Beda Ist das wir dem
 dürftigen enziehen ir notturfft zu
 geben So kumpt vns das selb güet
 wed hie noch dort zu statten Desge
 leichen welicher mensch sein kraft /
 sein stercke oder sein stym sparet in
 dem dienst gots / dem geschichte ain
 sölichs Wen er gott wolt gerü lob
 en vñ dienen / mit fasten / beeten od
 singen so mag er nit / seyde er dz mit

anhebenden

gesunndem leibe versaummet hat
 Noch mer merck/ wer weyl vn zeit
 darin er got dienen sol/vnnützlich
 last hin geen über den verhennger
 got Wen er sich wolt got geben zu
 dienen so steet im mer irrung vnn
 kümernuß zu/ dann zu andern zeit
 ten/wan er sein leben ist Nun mer
 cke fürbas/ das die drei werck/sa
 sten/beeten/Allmüßen geben/wen
 du die üben bist/ymb gottes willen
 so bringen sy dir vil annder güter
 andechttiger übung Als herzlich
 seüßzen Vnn ain groß myßual/
 len haben gegen allen sünden/vnd
 vnderweilen hayß zäher vergiessen
 doch solte du sein in deiner gewar/
 wenn du wainen bist dein sünd vnd
 dich enpfindest in andacht/das du
 nie betrogen werdest Vnn nit zu
 vil hoffnung darauß habest Wan
 vil menschen haben hie bewaint ir
 sünd Vnn ertlich zaychen der an
 dacht gehebe Die doch ewigklich
 verdampft sein Wann sy seind nit
 gewesen in aint rechten waren büß
 Des gleichen spricht der herz Cri
 stus in dem Ewangelio Nichte ain
 yetlicher der zu mir schreie/herr/
 herr/geet ein in das reich der hym
 el Besonnder der da verbürgt den
 willen meus himlischen vaters der
 selb würdt eingeen in das reich der
 hymel Die zäher spricht Sant Au
 guste in waschendt ab vnn verdil
 gent die mackel der sünd/die da ge
 schehen mit reüw vnd laid vnd gü
 tem willen die sünd zulassen nach o
 beichte Vnd zu stund anheben güte
 werck/vnn das hailig gozwort
 gern hören/die gebort gotes vnn
 der hailigen kirchen fleißlich hal
 ten/ain zeyt für die anderen haben
 das ewig nit geben vmb das zeyt
 lich/Das waren scheinberliche zai

menschen

chen aines anhebenden menschen
 der söliche werck an dem anfang
 seiner bekerung begriff/der möcht
 dann fürbas mit der hilff gottes
 kömen zu dem auffnemenden wes
 en der tugende Vnn darnach vol
 kömen werden vnd begreyffen ain
 englich leben hie in diser zeit Doch
 soltu nit zuvil trost haben auff die
 barmherzigkeit gottes vnn dar
 auff sünden wissentlich on vrsach
 das dir nit geschech Als dem Ju
 das geschehen ist/vn dem Lucifer
 Sante Peter verlaugnet vnnsers
 herren von forcht wegen des tods.
 Sante Pauls/Maria Magdale
 na/Matheus vnd der schacher an
 dem Creütz/vnd vil ander menschen
 haben gesunde vnwissentlich/vn
 darumb haben sy genad funden.
 Aber lucifer vnd judas haben ge
 sündt wissentlich auß aigner bos
 hait/vnn darumb ist yn verzigen
 die genad gottes Des gleichen ge
 schichte vil menschen die nymer mer
 zu gnaden kömen Besonnder die got
 tes leichnam wissentlich in sünden
 enpfahen/die beleiben in ir blind
 hait/Nu möcht ain mensch sprech
 en die juden die vnnsern herren ge
 röt haben/die haben das vnwissen
 lich gethon Als sante Pauls redt
 in ainer Epistel Adcorin.da er spr
 richt hetten sy den herren der glory
 erkannt/sy hetten in nit gecreüzig
 get/vnn seind doch ewigklich ver
 dampft Antwort sante Anguste in
 vnd spricht Jesus Christus hat ge
 beeten an dem hailligen Creütz für
 sein seind Aber darumb das sy nit
 büß gewürckt haben vmb ir sünd/
 so seind sy von der gerechtigkeit got
 tes gesetzt in die ewigen verdam
 nuß/dauor vns behüt Maria die
 mütter gottes Jesu Christi.

Das vil menschen verfault
werden vnd ewiglich verdampft/
vnd was der recht Adel sey/vñ wie
die Edeln zu vnsern zeitten irn adel
brauchen ꝛc.

Kürze wort het ich für mich
genomen an dem anfang zu
schreyben/du freünd gottes
Nun über ain wort das ander/vnd
seid auch ist manigerlay wesen der
menschē. Darumb zukomen in ain
anhebends wesen der büß/ so sprich
ich in rechter warhait das vil men-
schen ewiglich werden verdampft/
vñ geschaydn̄ von dem anblick got-
tes/darumb das nyemant will ar-
bayten treulich/vnd vnnderwisen
werdn̄ weder durch sich selbs noch
durch ir beichtuater. Besonder die
Edeln diser welt/die sich selbs nitt
ernstlichen angreiffen wollen/das
sy komen in ainem waren anfang
der büß/von aigner krankheit
vnd waichmütigkeit wegen/vñ vn-
geordneter liebe die sy haben zu ir
selbs vnd zu weltlichē eeren. Beson-
der von forcht wegen die sy haben
auff büßwertige werck/vnd das sy
an sich nemen tugentliche werck/
als demütig sein/gütig/barmher-
zig/keüsch/milt/gehorsam/gern
vassen predig hören/vnd ander tu-
gent/die doch den rechten adel ma-
chen vnd zieren. Ertlich beichtuater
haben ain zeitlich vorcht sy zu
straffen/vñ in die warhait zusagen
Vnd also bleyben ir vil auß den ge-
naden gots/vnd sterben layder nit
wol nach der seel. Seid dan du an-
hebender mensch vñ leicht nach der
welt Edel bist/vnd magst nit nach
obgeschriben leer dein leben schick-
en von irrung wegen deines adels/
so merck was der adel sey/vñ ob es
dich billich hindern müß an ainem

waren büßwertigen leben. Sane
Augustin spricht. Wer den rechten
Adel haben wolle/der hab got lieb/
wann götliche lieb ist ain form vnd
leben aller tugent/vnd die tugent
würckent den adel/ Alts bald aber
die lieb gotes erlischt/so seind abge-
storben all tugent/wenn dann der
mensch nit tugent hat/wa ist dann
sein adel. Die wappen vnd der nam
machen nit edel vñ tugenthafft dem
menschē als er sein solt vor got. Be-
sonder die nachgeschriben tugendn̄
machen den menschn̄ edel/ als gots
fürchtig sein/gerecht sein/warhast
keüsch vnd demütig sein/als vorge-
schriben ist Vnd die eer gottes helf-
fen retten/vnd seine gebot vnd der
hailigen christenheit treulich behal-
ten/vñnd arm wittib vnd wayser
vestiglich beschirmen Das war
recht adel/der den menschen adelt
gegen got/vñnd sicher machet des
ewigen lebens Bist du also geadelte
so dient dir dein adel krefftiglich
zu allen tugenden ꝛc.

Von dem Adel der seel.

Du bist auch in warhait edel
nach deiner seel schöpfung
die mit irn krefftē vñ mä-
chtigkeit gewirdiget ist von got/
Wen du dein leben schickē bist nach
irem willen/also das sy gewalt hab
zu regieren nach irer verstentnuß
vnd vernunfft/vñ allzeit nach dem
willen gewaltiglich herschet über
den leib/als ain künig in seinem rei-
che So bist du den vast zünächten
ainem zünemenden wesen in tugen-
den. Vñ leicht aber dein leib herr-
schafft treibt über die seel/also das
du allain der begir des leibs bist le-
ben/so bist du nach der geschrißte zu
gleichet ainem vnvernünfftigen
thier Vñnd darumb so nym deines

anhebenden

adels wol gewar das dein lebē ver
nünfftig sey / vñnd als vil dein seel
edler ist dan der leib So vil mer bes
tracht tag vñd nacht got vñd dein
er seel zū leben / Hast du aber dein
en adel von gewalts oder von güts
wegen / oder allain von dem waps
pen vñnd namen / so ist zūfürchten
das du nymer mer kōmen mügst in
ain sichers hailfames wesen deiner
seel Wann die menschen die also ge
adelt sein on tugent / die seind grob
vñd vñerkant gen got vñd ziehen
auch ire kind von iugent auff mit
bösem ebenbild nach in / das in ain
besonnder merung ist der verdam
nuß Seyd nun zū disen zeytten die
menschen vnstrafflich seind / vñ von
vñgeordneter lieb wegen die kind
on straff vñ on zucht auff wachsen
vñnd was sy hören vñd sehen vor in
das würt in ir seel gebildet Es sey
güt oder übel Als Aristotiles sp
richt / Man sieht noch hört laider
nyemant zū hof vñd in den heüßern
der edlen vñd der reichen menschen
anders tūn dan singen vñd sagen /
vñd hochffart vñd vnkeüsch / üppi
kait vñd übermüt vñd weil vñ zeyt
mit kartten spilen tanzen vñd mit
vnzūmlichen schimpffen wort vñnd
werck wider got verzeren Vñd frū
vñd spät essen vñd trincken on alle
forcht / vñnd wachsen die kind also
auff von iugent in sünden vñnd be
leiben eittel vñd lā an götlicher er
kennung / dardurch würt auch ir
vernunft so ser erschöpffet das sy
harr erleucht werden Seyd das sy
mit als sündigen wercken über setze
seind vñ mügen nit wol begreiffen
ware erkennung / wañ die sünd ist
an ir selbs ain vnstērs graussams
ding Vñd also werden sy vngesch
ickt zū andechtigen vñd cristenlich

menschen

en wercken Als zū beerten / vassen /
beichten / das wort gotz mit andacht
zuhören / vñd besonnder die gebott
gortes zū behalten vñnd zū andern
tugetten als die obgenannten sein /
der mügen sy nit begreiffen Nur
das irdisch zubrauchē vñd leiplich
lust zūsuchen werden sy genaygt
vñnd leben on alle göttliche forcht /
als die haiden die got nit erkennen
Vñd wen sy zū iaren kōmen so wer
den ertlich genodert in der fürsten
rāt oder in werden pfleg oder ge
richt entfolhen So wäre yn dem
fast nottūfftig grosser weyßhait
der haben sy dann nit vñnd volgen
dann nur was in zū wissen thūt ir
blunde vernunft Wan zubrauchē
ware göttliche weyßhait der haben
sy nit gelernt noch gelebt / vñd sey
ir leben also grob vñd vñerkant ist
gen got in iren iungū tagen gewes
sen / so würt ir end auch nit hailfamt
Wann wer got nit erkennt der hat
gott nit lieb vñnd on göttliche lieb
würt kein mensch behaltē Als sant
Augustein spricht.

Merck noch mer.

Noch mer übel würt vort
in verbracht wen sy zū iar
en kōmen vñnd ertlich iren
adel ritterlichen brauchēn wellen
das nit anders ist dann iagen kart
ten spilen in den tauerne oder an
derswo vñd in den kriegen rauben
brennen Arm leürt fahen vñd besch
wären vñd wellen des gelimpff hab
en vñd sprechen es geschech in offen
kriegen vñd darumb wöllent sy nit
genant werden Rauber oder bren
ner vñnd sy doch selbs das güt das
sy also offentlichen nemen ain raub
hayssen vñd nemen das darumb sy
gott vrtailen würt an iren leffen

C

zeytten mit den verdampften als sy
 woll innen werden Etlich verhen-
 gen auch von zeitlichen nutz wegen
 mangerlay übeln in iren tauernen
 als spilen tanzen vnd scholdern vñ
 gott übel handeln vñ vil anders
 übeln das sy wol vndersteen möch-
 ten Darüb sy ain herzte rechnung
 thun müssen an iren letzten zeytten
 Als sant Augustein zu schreibt ain
 em graffen vnd spricht / für all die
 du hast vñnder deinem gewalt bis
 fleißig sy zu behüten / wañ du müß
 für sy gebenn ain herzte rechnung
 an dem iungsten tag Des gleich-
 en spricht Sedatus d bischoff / auff
 den erben all sünd die er vnder stan
 mag / vñnd das nit thut Noch mer
 übeln verbrinnen etlich das doch
 nit göttlich noch adenlich ist an ir-
 en hunderessen mit vngewonlicher
 vogtey vñnd hoff arbeit mer dann
 von iren vorfoderen auff sy geerbt
 ist darumb sy sich vnd ire kind sch-
 werlich verdamnen Etlich machn
 in zinsper od vogtebar der Clöster
 güter die die frumen andächtigen
 Cristen menschen für ledig vñ frey
 got dem herren vnd den lieben hai-
 ligen zu lob vnd den glaubigñ seel-
 en zu trost geben vnd auf geopffert
 haben Vñ das geschicht also / weñ
 die armen leüde hilff oder schirme
 süchen von den edlen von eigensch-
 afft wegen vnd sich dann darnach
 erzaigen mit ferten oder farn oder
 mit schenckung zu hailigen zeytten
 so wirt dann dar auß ain recht vnd
 ewiger zins vnd wirt von in ein ge-
 schriben in ir zalbüch der laider vil
 ist die das habenn gethon dar auß
 grosses übel kömen ist / O wie sch-
 werlich die verdampft werden vnd
 mit in verdamnen alle ire erben die
 söllich recht wöllen haben auff der

hailigen güte Als man list von ain
 em landegraffen von Türigen der
 ainem priester erschyn nach seinem
 tod vnd im sagt sein grose hellische
 pein von söllicher sach wegen Etz-
 lich werden so erblindt vnd schetz-
 en das gar ring vnd mainen sölich
 es übel söll nach irem versteen ab-
 nemen / der weychbrunnen oder die
 offen beicht / das doch nit geschicht
 Wañ es stat geschriben in kurzen
 wortten Gile vñnd gib wider welf
 du selig werden Auch spricht sant
 Augustein es wirt die schuld nym-
 er vergeben es werd dann alles wi-
 der geben O wie gar vil menschen
 ewigklich verdampft werden vñnd
 vnrecht güts wegen das sy haben
 geerbt oder selbs in irn gewalt ge-
 bracht Seyd der reich man in dem
 Ewangelio nit von vnrecht güts
 wegen verdampft ist Nur darumb
 das er es karcklich in hielt vnd dem
 armen Lazarus der vor seiner tür
 lag nit darmit zu hilff kam Das bil-
 lich zumercken ist den reichen vñnd
 den edlen die oft vnrecht güte nit ge-
 ben wöllen mit gesundem leib in die
 hend d armen menschen die sy offte
 in Lazarus weyß ellend franck vñ
 arm vor ir thür sehen die sy nit al-
 lain nit begaben / wolt gott das sy
 nit mit grossen zorn vnd vnwir-
 hait von irn heüßern getriben wu-
 den Als laider offte geschicht Dar-
 auß spricht Gregorius O was hel-
 lischer pein würt der mensch leiden
 der seinem nächsten sein güte nimpe
 Seid der reich man von seins eig-
 en güts wegen so herztigklich ver-
 dampft ist.

¶ Merck fürbas vñnd den edlen
 frauen.

anhebenden

Nun seind vil edler frawen die auch also vonn namen vñ geschlecht geadelt seind mit den die hoffart von iuger auff gewachsen ist / vñnd ander übel an in gewürcket hatt / als vil vnnütze wort vñnd werck vñd neid vñd hasz Ereckhait üppikeit vñnd vil ander vntugent / die sich all an ir hertz vñ ir gemüet so fast gewurzt habenn das kein beykrautter weder ebenbild noch predig noch forcht des todes noch des iungsten gerichtes auß irem hertzen gereütten kan noch mag Vñnd die andern iungen frawen mitt in verführen in sünden / vñd beleiben also heret bis an ir end vñ haben doch etliche wercke der andacht an in als beeten / vasten vñd vnderweilen wainen Darcin sy oft sezen ir hoffnung durch rate des bösen feinds Als ob sy auch etwas seyen vñ doch nichts ist / vñd seind sich selbs also verführen Wann sy wissen nit / die list des teufels d last den menschen vasten beeten / die weil er nur den menschen hat in ain er tod sünd als iesz obgemelt ist Vñ also dienen in die tugent yetz genant nit zü dem ewigen leben Wan sy geschehen nit auß ainem rechten grund der büß vñd götlicher lieb / vñd seind nit geziert mit demütigkayt vñd on die zwü tugent genallend got nit vnser werck.

Von den edlen frawen / die ire kind in sünden nach in ziehen Vñd wie sy steen werden vor got an dem iungsten tag / vñnd wie gar haylsam ist zü folgen den erwen beicht vatteren.

O Ir edlen frawen nach der welt / wie gar groß veynd ir ewch macht vñnd ziecht

menschen

an eüweren kindern so sy ir schulde an dem iungsten tag wid eüch schreyen / vñnd all ir schuld auß eüch legen werden / das geschicht durch vngeordnet lieb vñnd böß ebenbild dar durch das gyfft der hochffart von eüch würt eingegossen in sy in iren iungen tagen Vñnd als vil sy tragen mügen weltlicher wort vñd weyß vñnd gebard / werden sy belider vnderweyßt von eüch dann die gebott gottes / vñnd wachsen also auff on alle götliche forcht vñd erkantnuß vñnd legen sich nider vñd steen auff / on alle forcht vñnd andacht Sy essen vñd trincken on alles gebeert / das doch vnbillich ist. Seid das sy mer zeitlichs gütz von got haben dan ander schlecht menschen Vñd darumb spricht Sant Augustein das nützer war vñd got loblicher ain kind zu habn das gotz förchtig ist / dan hundert menschen die got nit erkennen Es geschicht oft vonn schuld wegen vatter vñd mütter / das sy nit würdig seind zü haben frumme vñnd tugenchaffte kind Darumb wer wol geschickte kind well haben zü tugenden der nem in leere auß dyßer geschrifte oder enpfelchs andern tugenchafften menschen zu straffen vñd zü leeren Also haben gethon vor zeytten die edlen / die got lieb hetten vñnd entsalhen ire kinder / gaystlichen personen in den Clösteren da man den ordenn hielt / da wurden sy vñd derweyßt got zuerkennen vñd seine gebot zuhalten vñnd gotz förchtig vñnd demütig sein Also ist geschehen Sante Vrlich sante Jos Sante Gallen Sante Bonifacius Sante Kilian Sante Bernhart vñd vil annder geborner leüet kynde Als Sante Gregorius bes

C ij

Greiffe in dem büch Dialogorū die all bey gaislichen person vnderweiste seind worden got zuerkennen vnd nach seinem willen zuleben. O ir edlen frawen wie gar anngstlich wert ir sein vor got / da ir antwort geben müße von weil vnd zeit von wort vnnnd werck für eüch vnnnd all eüwer hoffgesind vnnnd das ir mit fleiß vnd ernst mangerlay übel nie vnderstanden habe. Als vnnützlich schimpff zu hailigen zeiten / tag vñ nacht wenn man got mer schuldig war zudienen / verhängen seind Besonnder / spilen / Karten / tanzen / das als auffeüch erben ist / Wann on zweiffel durch soliche werck / vñ vnkeüsch schympff / vnd raizung (die ainem keüschem hertzen nie zimlichen seind zunemen) vil groß sünde volbracht werden. Aber etlich vnuernünfftig grob menschen sprechen dar wider / es sey nitt sünd / wenn die werck nit geschehē in sollichem schimpff / das doch nämlich wider die hailigen geschriffte ist vñ wider den gelaubenn der hayligen Cristenhait.

Werck aber von den edlen frawen.

Ir edelen frawen wie wol
 o gezieret wert ir kōmen an dem iungsten tage für den strengen zornigen richter mit eüwern pfawen schwenzen des langen gewands / mit eüwern hohen schlaierē / mit eüwern seyden recken / mit eüwern engen schüchlin / mit den güldin ringen vnnnd häffelin / mit eüwern blossen halßen / mit eüwern scharpffen brüsten / vnnnd mit aller zier eüweres tödtlichen leichnams / dardurch ir mänge sel habe vergift vnnnd bracht zu böß-

sen gedencken vnd willen das alles ain beschwörung ist eüwer sünde / Vnnnd wenn ir also wol gezieret herbringen seyt in übermüt / so wert ir genant in der hailigen geschriffte des teüfels iaghund Seyd dz manige seel durch eüch gefangen wurs. Als Cristus redt in dem Ewangelio vnnnd spricht / wer ain weib ansicht in vnlanter begir / der hat die sünd verbracht in seinem hertzen. Wann also redt Sane Johannes Chrysostomus mit dē güldin munde / Ob ain fraw sich auff machet den mannen zu gefallen vnnnd zu ir zeucht die augen der menschchen in lust / so müß sy leiden hellische peyn ob sunst kein sünd geschicht. Wan sy hat das gift bereit vñ hab halt nyemande vergift mit willen. Es spricht ain leerer genant Cyprianus die menschen / die iren leib zieren mit seiden vnnnd purpur vnnnd gold vnnnd edlem gestain vnnnd mit dem langen gewand / der welt zu gefallen / die verliesen die klaidung irer seel. In geschicht auch als dem reichen man / danon der herr redt in dem Ewangelio / das er begraben sey in der hell / darumb das er kostlich geklaide was. Es seind och etliche alte weib / in den die hochfart nit ganz abgestorben ist / vnd klain erkantnuß vnd liebe haben zu gott die annder iung vernünfftig menschen mit iren falschen rädren abweyßen / die sich gern zu gott in iren iungen tagen keren wolten. Solich menschen werden bößer geschätzt dann der böß veinde. Wann was die teüfel selber nit thun mügen / das verbringen sy durch sollich menschen. Vnnnd wee in darumb ewiglich / wann sy got den herren beraubē seind seins höchsten schatz

anhebenden

darumb er an dem Creütze gestorben ist.

Wercket da fürbas mit fleiß.

ya ir edlen person frawen vnnnd man / hatt eüch got hie auff erd mitt weltlichem adel / mitt schön / mitt zeitlichem gütt oder mit tugenden erhöcht für annder menschen / das bedencket vnnnd naygt eüch zu gott mit danckberkait eüwers hertzen vñ lernent den sünden nit vndertanig sein / also das sy ob eüch herschen Wann als Sante Johannes spricht / wer sünd thüt der ist ain knecht d sünd O wie vnbillich das ist / das ain herr vndertanig ist seinem verschmächten knecht / od wa ain edle fraw sich vndertanig machet ainer spinnerin / vil schnöder ist der mensch der sich vndertanig macht den sünden Darüb brauchte eüwern adel in erberkaye in frümkeit vnnnd in tugendren / vnd übernempt eüch nit eüwers gewaltes / Wann aller gewalt ist von got vñ nit von eüch Als sante Paulus spricht / laßt eüch die eer gottes vnnnd eüwer seel / lieber sein dan weltliche eer / dann gold vnnnd silber Mache eüch fast demütig / gütig vñ barmhertzig vnnnd willig zuhalten die gebott gottes / So wert ir gott vnnnd den menschn ain wolgefallen / vnd werde rechte edel geschätzt als die edlen saphir / Crisolitn / smaragt / vnnnd annder edel gestain / die wir edel haissen vnd lieb haben von tuget wegen vnd gütter eigenschafft die sy von got haben für ander vn edel stain Wann also spricht der Natürlich maister Katho / Der mensch ist edel den sein tugent edel machen / Folgt eüweren weyßen

menschen

beichtenätern die gotsfürchtig sein / vnd lieb haben eüwer seel die nicht zeitlichs vonn eüch begeren vnnnd nempt an eüch ain büßwertigs leben / dient gott mit fleiß / seydt das eüch die geschöpfft vndertanig sein So ist billich das ir dem gehorsam seydt der alle ding beschaffen hat / vnd erkennt eüch selbs wer ir seydt so werde ir demütig vnd gehorsam vnserem herren / ir wert eüch selbs vernüchten vnnnd allain gedencken vnnnd süchen eüwer seel hayl O wie gar ain grosse gab die ist von got / Wer sich selbs wol erkennen kan / Er mercket allain auff sich selbs vñ verschmächet nit seinen nächsten / Er gedencket offte in bitterkait seynes hertzen sein sünd / vnd weil vnd zeyt die er vnnutzlich gelebt hatt / Darumb ir fründ gottes / greyffte eüch ritterlichen an Gott wil eüch raichen sein hand / das ist sein götliche hilff vnnnd genad / erschrecke nit ab der büß bitterkait Wann ir reüwe / laid vnd seünffzen / in wainen vnnnd Klagen soll sy an gehebt werden Wan das alles gebürt zu ainer hail samen büß Erschrecke auch nit ab der menig vnnnd größe der sünd Gelaube in warhait Als vil ir eüch frömd macht den sünden / der welt vnnnd leiplichen lusten / als vil wil sich gott zu eüch naigen mitt seiner väterlichen lieb Vnnnd will eüch gehaym werden mit seinem götlichen einsprechen in besonder andacht vnnnd behartt ir dann also in dem anhebenden wesen der büß bis an eüwer ennd so werde ir auch edel geschezt in dem ewigen leben.

Des menschen büß vnnnd annder güthatt seind gott nit genam Er

C ij

sey dann in frid vnnnd lieb gen sey/
nem nächsten.

De allen dynngen ist ain
große notturfft / wer ko-
men sey in ain anhebendes
wesen der büß / oder noch
komen wöll Er sey edel oder vnedel
reych oder arm / das er mitt fleysß
merck die wort die Christus redt in
dem Ewangelio / vnd sich ereülich
halte Er spricht / ist das du legenn
wilt dein opffer auff den altar vñ
bist ingedechtig das dein brüder od
nächster etwas wider dich hat / so
laß dein opffer ligen vnnnd gee vor
hyn vnnnd versön dich mitt deynem
nächsten Da ist nit anderst an / wer
büßen wil hie auferd sein sünd dan
das er gefellig sey der ewigen weiß
hait Er spricht an ainer anderen
stat Ist das ir vergeben seit den die
in eüch gesunde haben so will eüch
auch vergeben Got mein hymlich
er vatter eüwer schuld Des gleich
en bitten wir täglich got den herrn
in dem Pater noster Das er vnns
vergeb vnser schuld als wir verge-
ben vnnsern schuldigen Nun du
fründ gots / bey dem opffer solet du
verstan nach auslegung der leerer
alle güte werck / als beeten / fasten
allmüßen geben vnnnd ander werck
der barmhertzigkait / wie wol sy an
yn selbs güte sein / doch seind sy got
nit loblich vnd ain wol gefallen vñ
dient nit zñ dem ewigen leben sy
beschehen dann in götelicher vnnnd
brüderlichñ lieb Nun betracht eb-
en wöllest du seyn in ainein waren
anhebenden wesen der büß / vnnnd
das dein güthät gott loblich seyent
vnd deiner seel hailßam / hast du ye
belaidiget deinen nächsten an sein-
en eren / an seinem güte an leib oder

an seel / haymlich oder offemlich /
das du ym darumb ain gannz ges-
nügen tüst nach dem gebott gottes
Wann also spricht die glos Chris-
sostomi über die wort vnnsers her-
ren / wilt du mir legen dein opffer /
so gee hyn von erst zñ deinem näch-
sten vnd versön dich mit im / als ob
er sprechen wölt / Ich wil gern die
zeit mangell haben meines loba vñ
meiner eren Wann ich mer lieb hab
fründtschafft vnnnd ainnigkait meis-
ner geläubigen dan ir güte werck
Wann die werck der menschn ma-
chen mir nit gewynn Aber ir lieb
binngt mir grosse cer / Fürbas sp-
richt der leerer / nempt war Gott
der herr wil nit nemen für güte / das
opffer der menschen die in zwitrech-
tung seyend Darauß man verston
soll wie gar groß übel ist vnfründ-
tschafft der menschen / wann durch
söllichs übel wirt von gott versch-
mecht dz werck / dardurch die sünd
vergeben würt / vnnnd als lang die
menschen in vnlieb mitt ainander
seind / als lang ist ir opffer / gott
nit genam Ir gebeert würt nit er-
hört / Gott wil nit sein ain fründt
der menschen die nit fründtschafft
vnnnd in selbs haben Er spricht
noch mer / in wellicher maß die be-
laidung geschehen ist / in söllicher
maß soll auch geschehen die versö-
nung / Hast du mit gedencen wiz-
der deinen nächsten gesunde / so solet
du mitt den gedencen genüg thun
Hastu mit wortñ belaidigt so thū
genüg mitt wortten Des gleichen
hast du in mit wercken belaidiget /
Wie die belaidung geschehen ist al-
so soll auch darüb ain benügen ges-
chehen / Besonnder hast du belaid-
iget deinen nächstñ an seinen eren
oder an seinem güten laimden / als

auch den menschen lang zeyt zules-
ben / hie auff erd als man list vom
Achab de künig Sy erwerben auch
von got Das der mensch dester bel-
der kumpt zu genaden Als Raab
dem gemaynen weib geschach Sy
erwerben auch ain aufhörung der
sünd / Das der mensch ain mißfal-
len gewinde in den sünden Item vn-
solte der mensch werden verdampft
so werden im geringere die peen vñ
der gücten werck wegen die er also
verbringen ist in den todsünden.

Der mensch sol nitt lang laßen
ansteen sein sünd zu beichten die
weil er mag.

Mag dich nun das manig-
faltig übel nitt bringen in
ain büßwertigs leben / so
gedenck mit süßzen dei-
nes herzen / das du oft vnbillich ge-
schmecht hast vñnd belaidiget mit
deinen sünden / den ewigen got das
höchst güet / der hymel vñnd erd be-
schaffen hat vñ dich lang zeit auff-
gehalten hatt auff besserung Ge-
denck das dir der morgig tag nitt
versprochen ist zu leben Eyl zu dei-
nem himlischen vater er wart dein
mit seiner barmherzigkeit Hast du
willen zu büßen dein sünd Als bald
du anhebt bist so kumpt dir zu nutz
aller außerselten menschen gebet
vñnd andacht / die barmherzigkeit
gottes mag sich vor dir nit verber-
gen Das verdienen seines grossen
vnschuldigen leidens / wil dir kom-
en zu hilf / wann er allain gestorben
ist von der sünd weg Er spricht
in dem Ewangelio Ich bin nit ko-
men hail sam zumachen die gerech-
ten Besonder zu behalten den sün-
der / kum lieber mensch die weil dir
die sünd der gerechtigkeit scheinen

ist / hast du dich versaumpt in deins
en iungen tagen mach im vñndert-
nig leib vñnd seel / fall für in nider in
deiner andacht Als d knecht in dem
Ewangelio / der nit herr das er be-
zalt die gelschuld seinem herren /
Thü als sant Bernhart spriche O
lieber mensch hast du gesunde vñnd
woltest gern zu genaden komen vñ
hast layd vñnd reüw vmb dein sünd
So thü als Maria Magdalena /
leg dich in hoche andacht nider /
auff das erdrich / vmbfuch die füß
vñsers herren / wäsch sy mit deinem
zähern / gib in dein kuß / hab scham
vñnd laid über dein sünd vñnd gücten
willen nymmer mer zu sünden So sp-
richt d here inwendig zu dir / Stee
auf / dir seind vergebñ all dein sünd
Der ewig barmherzig got geb ge-
nad allen menschen die in sünden
verhördt seind / das sy nach dyser
geschriefft ir hertz schicken vñnd mit
den wercken verbringen Vñnd dar-
nach in auffnemends wesen der rus-
get von tag zutag gericht werden.

Das vast schedlich ist nach der
beicht die sünd widerumb verbrun-
gen vñnd wie sieh ain warer büßer
halten sol.

In mensch der sich new-
lich in beicht mit reüw vñ
laid mit gott versönet hat
vñnd nun ist genant ain an-
hebender mensch / vñnd sein seel von
aller krankheit gehailt vñnd ge-
sunde worden ist / Dem ist fast not
zugeben ain regiment / darnach er
sein leben schickt das er nitt wider
fall in aler krankheit seiner seel /
Seyd / das die leiplichen arzt irren
siechen pflegen zutun Wan solten
die alten gehailten wunden der seel
wider verneit werdñ als laider an

anhebenden

mit nachreden So bist du schuldig ain benügen darumb zu thun/wan also spricht Sanct Augustein die sünd würdt nymmer vergeben es geschech dann darumb ain benügen/Darumb du anhebender mensch Wiltu sicher besteen in deinem anfang der büß/ vnd gütte werck got zu lob verbüngen vnnnd abteilgen hellische peyn / die du dir erworben hast mit sünden So nym dein allzeit gewar Wiltu mit got versönt sein Das du auch geen allen menschen gefridet vnd versonet seyst/vnnnd das Kayn mensch ichtz wider dich hab von deiner schuld wegen weder klain noch groß Hastu aber ettwas gen dein nächsten verschuldet so thu als oben geschriben steet/ so wirst du behalten.

Was übel dem menschlichen tödtlich sünd bringen vnd wie der mensch wider kumpt in die gnad gottes durch büß/vnd wie got die güten werck die in todt sünden geschehen nit vnbelont laßt.

o Mensch du edle Creatur gottes/sich innwendig an dein seel/ die dir got geben hat / vnd die er mit seinem bitteren tod herrtiglich erledigert hat/ sey die vermakelt mit sünden/vnnnd bist komen in ain anhebendes leben der büß mag dann dise leer alle / die büß her gescriben steet nichtz güts an dir würcken. So merck be deutiglich mit deinem erstockten hertzen was übel die sünd deinem leib vnd deiner seel bringen sey Als bald du tödtlich sündest sprichst sanct Augustein so ist dein seele vor gött tod Wan got ist das leben der seel/ vnd von todt sünd abschaydt vnnnd

menschen

empfrempft er sich von der seel vnnnd also beleibt sy tod/nit nach der Natur aber nach der gnad als der leib wenn von im schaiden ist die seel/ so ist kein leben mer in ym/ Hebst du aber an zubüssen dein sünd mit reu vnd laid deins hertzen/so wirt dein seel wider erküct zu dem leben Beleibst du aber auß der büß so merck noch meer übel das dir die sünd bringen Alle güte werck die du verbringn bist die dient dir nit zu dem ewigü leben/ seid das sy todte werck haissen vnd seind Vnd nymmer meer lebenndig werden/ darumb das sy geschehen seind in tödtlichen sünden Hebstu aber an dein sünd zu beichten vnnnd zu büßen So werden dir vergeben dein sünd/ Götliche gnad wirt dir wider geben/vnd deine güte werck die du denn würcken bist/ sein lebenndig vnnnd verdienlich des ewigen lebens Merck noch meer übel was dir todt sünd bringen/die zeit der genaden bist du verzern vnnutzlich deiner seele du bist ain abgeschnittes gelid von der gemeinschafft der hailligen christenhait Die bösen veind/haben größern gewalt über dich dan vor Deine güte wercke die du on todt sünd verbracht hast/ werden gethöt vnd bringen dir keinen nutz / ja zu dem ewigen leben/ Hebst du aber an die büß / so werden die getöten werck wider lebenndig vnd verdienlich zu dem ewigen leben. Aber die todten werck die verbrächet seind in todt sünden / werden nymmer mer lebenndig also das sy nutz bringen zu dem ewigen leben Doch laßt sy got nit vnbelont Als sanct Augustein spricht Er gibe den menschn gesund Weltlich eer vnnnd güte / vnd reichung vmb söllich güthait Er gibe

C iij

anhebenden

vil menschen geschicht So werden sy vil hörter vnd mit grösser müe dan vor gehailt als Johānes Chri softomus spricht O mensch nach dem ablaß solt du nit mer sünden/ nach dē so dein seel gehailt ist / solt du sy nit mer verwunden vñ nach der gnad gots soltu sy nit mer ver vnraimen Er spricht fürbaß O lieber mensch gedennck das die sünd grösser würt nach dem ablaß/ vnd die gehaylte wund grössern weera gen vnnd schmerzen bunge/ Dar vmb ist der mensch vndankber got vmb die vergebung der sünde/ der nach dem ablaß mer sündt/ vnd ist auch vnwürdig des gesunds / der nach dem als er gehailt ist sich mer verwunder Fürbas spricht er Es ist ain schwars vñ vnbillichs ding das ain vernünfftiger mensch sündt/ Noch vil grösser ist zuscherzen nach dē ablaß mer sündt zuverbringen Nun bist du genant neüw geboren in got von dein sünden durch das Sacrament der hailigen büß vnd darüb wiß dich zuhalten nach dem als man die innungen neüw geboren kindlin halten ist/ der leib lynd ist vnnd zart an dem anfang/ Von ersten wickelt man sy in windel vñ in färschen vnd legt sy gebunden in die wiegen Also sol der anhebend mensch alzeit/ sein sünsün gebunden haben das er nit wid geschickt werde zü sünden als vor Wan dar vmb werden die kindlin gebundñ/ das ir leib vnbelaidiget beleib vnd nit vngestaltt werd Es spricht der prophet / der todt der seel geert ein durch die fenster/ das ist durch die außwendigen sün Als hören reden greyffen sehen. Zu dem andern mal so ist man sy of baden Da bey verster/ das du oft dein seel nach vil

menschheit

vnseüberkait der sünd rainigñ vñ waschen solt mit deinen haissen zahren. Zu dem driten mal/ das die kindlin wol schlaffen mügen Vnd ir gesicht von dem gelast der sünen nit betrenckē werdñ/ so legt man sy gern an sinster stert Also du fründ got/ halt dich v gemainen leer vñ gee schlechtrlich den weg des büßwerttigen lebens vnnd beger nicht an deinem anfang hoher kunst vom hymlicher haimlichait Wann vil menschen an irem anfang die noch bloß sein an fetrach der tugenden/ wöllē fliegen vñ tieff nachuorschen sachen die in doch nit zimlich vñ begreiflich mügen sein/ on übung der tugent Zu dem vierden mal so gibt man oft den kindlin die speyß vnnd werden darnach geschickt zü vil schlaffen Also gedencck dz du of speiß gebst deiner seel / das ist/ das hailig gotz wort soltu gern hören vñ darnach dich gebenn zü schlaffen Das ist mit gerüwbtem gemüt die speiß der seel betrachten so wurdest du fast wachsen in tugent Als das kindlin an sterck vnd krafft auff nemen ist Zu dem fünften mal/ so ist man die kindlin behütē vor vnütz er vnzymlicher speyß/ vñ besonder vor gefelstem gespän/ dz da komt von haimlicher blödkait der frau en O lieber mensch nun merck die leer mit fleiß vnd gedencck das dein er sel speiß gerecht sey nach dem glauben vnd nit gefelst mit man gerlay lüpperrey vnd yngeläuben/ hab allzeyt zuflucht zü ainem vernünfftigen gelerten man / der dich vnderweyßen müg in aller irrung des glaubens / vnd halt zumerst nit vil von dir selbs das du nit betrogñ werdest/ biß oft ingedecheig der obgeschriben leer vñ schick dein

leben darnach/ Wann also spricht
Sant Jacob in seiner Epistel nit
werden die selig die das gots wort
allain hören. Besonder die das mit
wercken verbingen. Bist du den al
so dein leben führen so wirst du vn-
serem herren ain außersweltz kind/
vnnnd würt dich lieblich vmbfahen
als er gethon hatt hie auff erd den
kindlein vnnnd sprach zu seinen iun-
gern/ laßt die kindlin zu mir geen/
wann das reich der hymel ist ir. Be-
schicht das/ so wol dir an seel vñ an
leib/ das du den tag hast gelebt dar-
an du komen bist in ain sölich an-
hebennds wesen der blis. Darumb
du versönet bist mit gott vnnnd al-
lein hymelischen hör vnd beleibst du
allso bis an dein emnd so bist du ge-
wis des ewigen lebens.

Die sünd ist ain groß übel vnnnd
was zugedenckē sey dardurch man
den sünden wider steen mag.

Je sünd an ir selbs/ Ist so
gar schnöd vñ ain vnray-
nes werck/ das ir nichts zu
geleychen mag. Dann das
eyttel vnnnd schnöd an im selbs ist/
vnnnd ist zu erbarmen das ain men-
sch der die edlest creatur auff erd-
rich ist/ sich damit vervnrainen sol.
Vnd darumb du anhebender men-
sch/ Das dit noch meer leer habest
die sünd zu meyden vnnnd zu fliehen.
So merck wie der groß maister zu
Pareis genant. Wilhelmus schy-
reib vnd spricht. Ain frumer chris-
ten mensch sol allzeyt sich fleissig-
lich hürten vor sünden. Zu dem er-
sten von ir schnödikeit vñ des groß-
sen üfels wegen/ das sy dem men-
schen zu bringe an Leib vnd an seel/
ysayas spricht. Lúwer sünd habent

ainen vnnnderscheid gemacht zwys-
schen eüch vñ got. Es spricht auch
Seneca d' haidnisch maister. Wese
ich das mir gott allzeit genediglich
die sünd vergab/ vnnnd das ir auch
die menschen nit gewar namen/
Dannoch wölt ich ir nit verbin-
gen durch ir schnödikeit willen/
Sy macht auß der bildung gottes
ain bildung des bösen veinds vnnnd
ander vil üfels als oben gemeldt ist.
Zu dem annnderen mal/ so sol der
mensch gedencken das leben der lies-
ben hailigen/ wie sy den sünden fes-
stiglich widerstanden haben vnd
sol zuflucht haben zu dem hailigen
gots wort darmit man den bösen
veind vertreiben mag. Als der herr
Ihesus thet in der wüst do er ward
angefochten. Darumb spricht Gre-
gorius/ all vnnsere behüftung ist in
der hailigen geschrifte. Zu dem
dritten mal/ sol der mensch betrach-
ten wie gar billich er den sündin soll
widerston vñ sich nit machen ains-
en veind gotz/ der vnns so vil gütes
gethan hatt/ Er hatt vns beschaf-
fen Leib vnnnd seel/ die hatt er vns ge-
ben in mütter Leib/ vnnnd darnach
vns auff enthalten vnd behütet von
vil üfels/ vnnnd in vnnsere sünden
hatt er vnns nit lassen sterben/ vnd
mit seinem edlen tod erlöset vnd vil
ander güthar die wir von im tag-
lich entpfahen sein/ die solten vnns
billich fremd machen vnnnd behüt-
sam von allen sünden. Zu dem
vierdten mal/ ist gar ain trostliche
ergney wider die sünd/ das d' men-
sch fliech alle vrsach raitzung vnd
übung der sünd/ Als oben auch bes-
chribt ist/ wan wer on sünd wöll sein
Vnnnd nit fleücht die vrsach vnnnd
übung die den menschen raytze
zu den sünden/ Der chüce (als

anhebenden

Jeronimus spricht) als ainer der bey feur sitzt vn̄ wil doch nit hitz en pfindn̄ / Da merk wie David d̄ haylig k̄nig so gar schwarzlich gefalln̄ ist / Darumb das er nit dem gegen wurff v̄nnd der übung der sünd festlich widerstünd do er sach nack̄ er baden Bersabee / das weib Trier des ritters. ¶ Zu dem fünften mal sol d̄ mensch gedenc̄ken / das er got gehailget ist in dem tauß / v̄nnd wider sprochen hatt dem bösen veind v̄nnd allen seinen listen v̄nnd worden ist ain tempel gotz Als sant Pauls spricht. ¶ Ach lieber mensch bedenc̄ / sey man nun die gebild der hailigen / v̄nnd die hailigen stert / in eeren hatt / vil mer solt der mensch sein seel / die da ist gehailiger vn̄ ain bildung gotes / in eeren haben v̄nnd behüten vor sünden. ¶ Zu d̄ sechsten mal / sol der mensch gedenc̄ken wöll er den sünden wider steen / das vn̄ns der hymlich k̄nig vodret zū streiten wid die sünd Als er spricht durch sant Augustein / streit ritterlich ich wil üch helfen überwinden v̄nnd denn so wil ich euch krönen Es spricht sant Pauls / der herr ist so getreuw das er v̄nns nit laste versuchen v̄nnd angefochten werden / mer dan wir getragen mügen Er ist auch bereit vn̄ns zū hilff k̄omen mit allen englen v̄nnd hailigen v̄nnd ist begert vn̄sers gefigs wider die sünd / mit sampt vn̄sere krönung Wann also spricht sant Pauls / es wirt nyemant gekrönt er hab dan ritterlich gestritten. ¶ Zu dem sibenden mal / sol der mensch offte gedenc̄ken die zeit seines tods / das behüt vil menschen vor sünden Wann also spricht Jeronimus / Der mensch widersteet den sünden v̄nnd verschmecht ringlich alle ding / d̄ all-

menschent

zeit gedenc̄kt das er sterben müß vn̄ in nit wissenlich ist / wie sein end gestalt wirt. ¶ Zu dem achten mal / sol der mensch offte gedenc̄ken die gestalt seines leichnams / nach dem tod / wie gar vngestalt / forchtsam grausam vn̄ übel schmechtig er den menschen wirt / vn̄ vnwerd d̄ welt v̄nnd wie gar bald man in begraben ist / das er k̄om auß d̄ menschen augen / Ach lieber mensche / bedenc̄ das eben v̄nnd hör wie sant Augustein spricht / Der anblick des menschen (als bald sich die seel schaiden ist) wirt bleich / die augen brechen v̄nnd vallen ein / der mund wirt schwarz / vn̄ alle gelider die ye bey gesundhait in fröden / in wollust der welt gedient haben die werden schwarz v̄nnd krafflos / v̄nnd darnach der gantz leichnam in kurzer zeyt wirt zū aschen v̄nnd zū kott / v̄nnd die arm seel ist nit anders warten dan des vrtayles nach irem verdienem Als Johannes schreibt in apoccalipst Ire wercke / werden in nachfolgen. ¶ Zu dem neündten mal / ist haylsam zū bedenc̄ken dem menschen / wider die sünde / die hellisch peyn die on end ewig ist / v̄nnd so iemerlich v̄nnd groß / das sy nyemant erschätzen kan oder mag / das ist vn̄ mäßige hitz / forchtsam ansehen der bösen veind / grosse kalten / ewigs klagen v̄nnd trauern / ewigs wee on allen trost v̄nnd hilff V̄nnd noch vil peyn die sant Augustein berürt / die billichen ainen menschen solten ziehen von sünden Ich sprich in warhait / das die hellisch peyn so grausam geschriben stat von den hailigen v̄atern / vn̄ von den die erkücker seind worden vom dem tod / v̄nnd solt allain nur ain mensch verdam̄et werden / so wär nit vn̄billich das

alle diese welt ain groß mit leidern
solt haben mit dem ainigen mensch
en / Aber als die haylig geschriffte
inhelt vñnd vnser herr selb geret
hatt So wirt d merertail der mens
schen verdampft nitt allain der vn
geläubigen / sonder der geläubigen
christen menschen. ¶ Zu dem ze
henden mal / dient wol dem mensch
en wider all sünd / das er bedennck
die ewigen Glory der hymilischen
fröhd vñnd die gesellschafft aller hai
ligen Da solich vrolocken vñ wun
samkeit ist Als Sannit Augustein
spricht Solt ain mensch nit lenger
dann ain stund des tags sein in den
ewigen fröhden / darumb solt er sich
verzeihen aller fröhd die in vil hun
dert iaren hie auff erd mügen sein
Item vor allen dinnngen wider die
sünd ist ain nocturfft das der mens
che mitt begirlichem hertzen hilff
von got beger / das er festlich wi
der steen müg aller ansechtung vñ
naigung zu den sünden / wañ nach
dem vall Adams in dem par adeis /
ist die menscheit so fast getrenncke
vñnd genaygt zu übel / das sy den
sünden nit wider steen mag on gö
liche hilff die vnns allzeit berait ist
Item so ist auch gar ain Sichere
ergney wider all sünd / das d men
sch hab seinen leib in zucht / in ke
stigung / in arbeit / vñnd mit hert
zen klaidern / vñnd harte ligen vñnd
früw auff stan / vñnd das er in auff
setz ain regiment da mit er vñnder
tänig werd der vernunft / vñnd ver
bäng den willen gottes / Ach lieber
mensch nym auß den stucken allen
leere vñnd weyßheit / das du ledig
mügst besteen von sünden / in dein
em büßwertigen leben / hab tag vñ
nachte sorg vñnd grossen fleys zu be
hüten dein edle seel vor sünden / sant

Augustein spricht O lieber mensch
heest du amen tropffen blüt gefloß
sen auß dem leichnam Christi ver
borgen in ainem glas / wie gar mit
grossen fleis du das würdest behü
ten Nun ist dein seel gekaufft wor
den mit dem blüt vergiesen Christi
vñnd ist höher geschetzt worden dan
das blüt Christi / darmit sy erlöse
ist Darüb behalt sy in grosser hüt /
das du sy mügest antwurten goet
an dem iungsten tag lauter vñnd
rain on alle vermailigung / als sy
gewesen ist nach dem hailigē tauß
so hast du wol gelebt deiner seel hie
auff erden.

¶ Es ist fast nützig dyse matery dis
büchs offte zulesen oder hörn lesen /
vñnd das der mensch wol gefrydt sey
in seinem hertzen.

¶ In zu beschließung dyser
n ler vñ vnderweisung / wie
ain mensch komen mag in
ain anhebends wesen der
büß vñnd wie er sich darin halten sol
vñnd fest beleib bis er zu nahen müg
dem aufnemenden wesen Vñnd dar
nach komen mit der hilf gotz in ain
volkomes wesen / So ist im fast noc
türfftig dise leer offte zubetrachten
vñnd über lesen oder hören lesen vñnd
besonder sich zuregieren nach den
zwain regimenten die zu dem letzten
geschriben stünd / wañ hast du ver
nomen wie lazarus (den ich dir an
dem anfang für gelegt han) erkü
cket sey von dem tod vñnd darnach
vor sünden sich allzeit gehüt hat /
So merck auch wie er zu dem letzten
sein leben beschlossen hat in dē frid
gotz O wie gar ain hailamer frid
der ist darinn er gestorben ist Es
ist der frid den der herr Ihesus gab
seinen iungern an dem hayligen
Ostertag vñnd hernach als offte er

anhebenden

zu in kam do sprach er / der frid sey mit euch / Er sprach auch zu Maria Magdalena Geehyn im fride dir seind vergeben dein sünd O lieber mensch tracht nach diesem frid / das du in mügest erlangn das dein leben also beschloffen werd / als lazarus gestorben ist der dich bedeytete Aber ich besorg das du nit frid mügest haben mit got / du seyst dan vor wol gefridt mit deinem nächst en vnnnd darnach dein seel vnd leib seyen auch wol über ain in güttem fride Also das dein leib gehorsam sey deiner seel / vnnnd dein seel got so bist du zuhand in dem frid Wan es steet geschriben wo da ist frid / da ist got Soll dann deines lebens auff erd hie nymer sein / vnd solt in dem anhebenden wesen sterben So wirt dein ennd hail sam deiner seel / will dich aber got noch lenger lassen leben So ist ain hail samer radt das du fürbas solt arbayten zukomen von tag zutag in das ander wesen das da höher vnd loblicher ist / dan das erst von andaecht vnd tuget wegen / darin der mensch auff oder zunympt / dar durch du dann komen magst in das dritt wesen / das ist vvolkommen menschen wesen / die hie auff erd gantz abgestorben seind der welt / vnnnd in selbs / vnd allain in got leben das doch laider wenig menschen zu vnsern zeitten begreiffen vnnnd das kumpt offte von vnordenlicher lieb die wir haben zu vnself vnnnd zu irdischen dingen Des merck ain figur in dem Ewangelio do ain Jüngling frage vnsern herren / was er thun solt / damit er behalten wurd / do antwurt im der herr vn sprach / halt die gebot gotz vnnnd erzalt ym die nachainander / Do sprach der Jüngling / herr ich

menschheit

hab sy alzeit behalten Do antwurt ym Christus / wiltu vollkommen sein So gee hin vnd verkauff alles dein gut / vnnnd gibs armen leütten vnd kum denn vnd volg mir nach Also du anhebender mensch Wiltu vollkommen werden So halt dich dyser leer mit sampt deiner vernufft So komstu wol in die schüll Cristi Darin man solliche kunst lernen ist / bist du dann vnderweyft vnnnd geleeert So ist dir leicht zu predigen / Wann also spricht sant Bernhart die Groben menschen auß vil predigen mügen kaum ain wenig begreifen Aber die vernünfftig vndecktigen menschen / auß wenig worten mügen sy vil hail samer leer vnd vnderweyßung nemen als des gleichen oben an dem anfang dyß büchlin berürt ist Da ich auch also geantwurt han ainer erbern person der das büchlin geschriben ist / wie ich in kurzen worten etwas schreiben wolte / aber der selben wort auflegung solt v vernünfftig mensch selber suchen in übung vnnnd in andaecht götlicher hilf Amen.

C Das der mensch nit harren sol zukomen bey zeyt in ain büßwertiges leben.

Doch ist zu dem letzten gar ain mercklich figur in dem Ewangelio die da fast die net den trägen vnd saumigen menschen zu ir bekerung Ain iüngling wolt sich bekeren zu Cristo vn begeret frist das er seinen vater begrüb Do wolt im der herr so vil zeyt nit erlauben Vnnnd sprach zu im / laß die todten / ir todten begraben vnd kom du / volg mir nach O wie gar saumig bistu lieber mensch deines

Von

armen seel/ Mügen dich alle wort
oder ebenbild in diesem büchlin nit
weisen zu gott So merck doch das
lest von diesem iüngling vnnnd fleiß
dich es zuschreiben in dein hertz vn
laß dich nichts auff erde irren zu
suchen das hail deiner seele / weder
fründ golde noch silber / noch ye
mant anders / bist du dann wol ge
sterckt in deinem anhebenden wes
sen / so hab nit ain gnügen daran /
besunnder eyl fürbas zukomen zu
dem auffnemenden wesen / darvon
ich schreiben wil ain wenig got zu
lob vnd den schlechten ainseltigen
menschen zünutz / weñ ich das erst
wesen das vnns Lazarus bedeütet
gar beschleuß.

Von der beichte wenn die beichte
geschehen soll / vnnnd was ain not
dürfft sey zu der beichte vnd von der
beschwörung der sündt vnnnd von
frummen menschen gebeet das vil
nutz bringt.

Ich verstee / das fast notdürff
tig war den weltlichen men
schen etwas zuschreibn von
der beichte Seid durch die gesche
hen muß der anfang ains anheben
den wesens v büß / wann laider gar
vil menschen gar kintlich sich hal
ten vn beraitten zu der beichte / wie
wol das ist das manger vil güterer
werck verbringt Als vasten beeten
andechtig sein Aber beichten sein
sündt ist im schwar zuthun / das on
zweyffel nicht anders ist / dan von
dem bösen feind ain irrung Wann
er wol wayste den grossen nutz der
dem menschem kumpt / durch ain
ware beichte Darumb lieber men
sch (Als sannt Augustein sprichet)
seid du nicht willigklich vnraines

Dem

haben wilt an deinem leib / oder an
deinen klaidern / so nym allzeit wol
gewar deiner seel die von geschöpff
clar ist vn schön / Wenn sy vermas
ckelt sey mit sünden / so kum zu dem
brunnen der genaden / das ist / zu der
beichte / Darin sy wider gerainiger
wirt / Nicht ist notdürfftig zu beich
ten vnser erbsünd / wan die werden
vnns abgenommen in dem häylichen
tauff Aber abzutilgen von vnser
seel die lastlichen sünd / hat vnns der
barmherzig gott mangerlay erz
ney gegeben Als oben auch berürt
ist Aber tödtlich sünd mügen nit an
ders gebüß werdn dan durch das
Sacrament der büß / die wirt hail
sam geschätzt nach den stucken die
sy an ir haben sol / als reüw vn laid
von ganzem hertzen über die sünd
ain willigs vnd treüws aussprech
en der sünd in der beichte / vnd denn
darnach ain genügen darüber tün
nach radt des beichtuaters so wirt
die sünd vergeben Es spricht Beda
beicht eüer sünd got vn seinen prie
stern Nempt an eüch ain büßwer
tigs lebenn / setz eüwer hoffnung
gantz zu got vnd in sein barmherz
igkait / vnnnd gelaubt was ir in bit
ten seide / in ainem rechten gelaub
en vn ganzer hoffnung / das wert
ir empfahen Wann er allzeit berait
ist in seiner barmherzigkait allen
den die in anrüssen in warhait / zu
vergeben ir schuld vnnnd zu verlei
hen die ewigen rüw. **D**ise trost
liche wort schreib in dein hertz / Es
spricht auch Sannt Augustein O
lieber mensche biß traurig vor der
beichte / Als bald du aber die beichte
hast volbracht so biß frölich / wan
du hast erlöst dein sel von v ewign
verdammuß Von den grobn men
sch / die nit gern beichten / sprichet

anhebenden

menschenn

Cesarius D wie gar ain verflüch-
 re gewonhait die ist / ye mer etlich
 menschen sünden ye vngerner sy
 beichten / vnd ye mynder sy sich er-
 kennen Thū nit als etlich die mer
 im tar tren leib rānigen dan ir seel
 Thū nit als die / die allain zu den
 oßtern von gebots wegen beichten /
 wiltu nicht vnrains haben in dein
 em hauß so hab auch nit ain vnray-
 ne sündige seel / laß dich nicht zieh-
 en von der beicht / wenn du ir not-
 türfftig seyst / weder der menschen
 spot / noch forcht Tū als der hirsch
 wenn der vergiftt wirt von der sch-
 langen / so eilt er zu dem wasser das
 er gesund werde Du solt auch an-
 der menschen mitt sampt dir zu der
 beicht weyßen Als vil du magst /
 Das leert vnns Gregorius in ain-
 er geleichnuß vnnd spricht Es ist
 nyemandt vnder eüch der wöl geen
 zu dem bad oder zu dem wein / siche
 er sein gesellen müßig steen / er not
 od bit sy mit im zugeen Er spricht
 fürbas D wie gar ain groß werck
 der mensch verbünngt / der seinen
 nächsten beferet von sünden Er ist
 höher zuschehen dan der ainen tod-
 ten menschen erkücket Vnnd gibet
 des ain Exempel bey Lazaro vnd
 sanne Pauls Magst du aber nit
 gütz schaffen an deinem nechsten so
 fer dich an nyemandt / laß dein spot-
 ten als vil die menschen wöllen / ge-
 dencck das du gott allzeit ain groß-
 sers wolgefallen seist dan den men-
 schen.

Merck mer von der beicht:

D solt on vrlub nyemandt
 beichten dann deinem rech-
 ten pfarrer / hat er aber an
 im brechen vnd du im nit magst ge-
 trawen / das du versorgt seyst /

als ob er nit geleert genug wär /
 oder nit gewalt hett / oder nit ver-
 schwigen wär / oder bennig wär /
 oder in offen sünden ver vnlaymder
 So beger vrlub vonn im zu ainem
 besseren / Magst du das nit erlang-
 en von im so bitt vrlub von deinem
 bischoff oder von seinem vicary.
Nun merck die nach geschriben
 stuck / die du haben müß zu 8 beicht
 Zu dem ersten müßtū haben ain vor-
 gedencken vnd betrachten aller dei-
 ner sünd / Besonder der tödelichen
 sünd / die du vor nit recht vnd gantz
 lich gebeicht hast / vnd all beschwä-
 rung der sünd / Wan also redt sant
 Augustein / das der mensch haben
 müß über ygliche sünd mit ir besch-
 wärung besonder reüw vnd laid /
 vnd das sol geschehen ee das 8 men-
 sche gee zu dem priester / Die nach
 geschriben stuck oder sach beschwä-
 ren die sünd / Zu wellicher zeit / an
 wellicher stat / wie oft / mit welich
 er person / In welchem alter / wiß-
 senlich oder vnwissenlich / wie lang
 man in sünden gelegen sey / durch
 wes willen die sünde geschehen / in
 was gestalt die sünd verbracht wer-
 den. Das annder das du habert
 müß zu ainer fruchtberen beicht
 ist / ain mißfallen über all die sünd
 die du in deiner vorbetrachtung er-
 dencken magst Also das du geren
 woltest / das du kain sünd nye ge-
 thon hettest Es sol auch das miß-
 fallen also steen / das du kain wol-
 gefallen habest in etlichen sünden
 Wan het ain mensch zehentodsünd
 auf im / die neün werñ im laid vnd
 die zehent nit / so wär die rew vn dz
 mißfallen nit gerecht noch genug.
 Zu dem dritten / müßt du haben ain
 gemaynes mißfallen über all ver-
 gessen sünd / vn über all sünd die du

Von

vnwissenlich oder von blödiheit der mensche verbracht hast / das dir die all von hertzen laid sein. ¶ Zu dem vierden mal müst du haben ain auß hören / das ist / das du müst habenn ain fürsatz zulassen / besonnder von tödelichen sünden / vnd dir fürsetz mitt vleiß dich zuhütten hinsür vor allen tödelichn sünden / wan on das wär die beichte nit hailam der seel / wöltest du aber in ainr sünd beharren vnd nit dauon lassen vnd ander sünd bewaynen / das wär alles für nicht. ¶ Zu dem fünfften mal müst du haben ain güten willen / vñ fürsatz all todsünd zubeichten / die du vor nie gebeicht hast vñ von den du nit erlediget vñ absoluiert bist von dem priester. ¶ Zu dem sechsten mal müst du habn ain güten willen dein sünd beichten vñ nit von forcht wegen der menschn oder der pein / sonder auß götlicher lieb / also das die reu vñ die beichte geschehe das du von lieb wegen gern wöltest (vnd nit von forcht wegen der pein) das du wider gott kein sünd nie gethon hetest / wan also redt sant Augustin Man soll nit allain fürchten den richter / man soll in auch liebhaben Da werden gestrafft menschen die ir beicht sparn bis zu der Osterlichen zeit / oder bis an ir end / wann ir beicht geschicht nit auß götlicher lieb / sonder von forcht wegen. Es ist dir auch vast nütz / das du dich oft ersüchest in deinr gewissen / was du verfaumpet hast / oder gethon od geredt oder gehört od gedacht von der nächsten beicht / vñ das mit reu vnd laid bedenckest / vnd mit willen zu beichten / so bist du allzeit in den genaden gots vnd gesichert in deinem leben. Wilt du aber in tödeliche sünden wissentlich verharren vnd

Dem

dyßer leer nit nachvölgig sein / so bistu auff dem weg der ewigen verdammnis vnd kumbst hart zu genaden dir helff dan das verdienen der lieben hailigen vñ frumer menschen gebeert. Darumb ist gar hailam / das du allzeit anruffest die hailigen vnd dich empfelhest frumen andechtigen menschen wo du die erforschen magst Also ist komen zu gnaden Maria Magdalena durch dz gebeert ir Schwester Martha / Sanct Augustein durch die hailigen zäher seiner mütter genant Monica Des gleichen Sant Paulus durch das gebeert sant Scheffan Also spricht sant Augustein hee sanct Steffan nit gebeerten So her die hailig cristenhait Sant Paulus nit zu ainem prediger

¶ Wie d beichtuater gesitt sol sein das ist / was sitten er an ym habe / gütt oder böß vñnd was nütz dem kompt der offte beichte vñnd was nütz bring das gots wortt wer es mit fleiß hört.

¶ **A**l wär zuschreiben von d beichte das ich vñ kürz vñnderwegen wil lassen / Dan fleiß dich das du habst ainen treuwen beichtuater der weiß / güttig geleert / gotsfürchtig sey vñnd gerecht in seinem leben vñnd d dein seel lieber hab dann dein gütt / dem solt du ganz auff thun dein hertz vñnd geuölgig sein vñnd gehorsam Du solt in auch eren vñnd liebhaben als ainen Engel gots Vñnd was er mit dir reden ist in der beicht / das bist du schuldig zubehalten / wen du im gebeicht hast dein sünd mitt allem fleiß Vñnd dir nichts mer wissenlich ist So bitt in demütlich vñnderweissung in deinem leben D wie gar zu grossem nütz deiner seel dir

anhebenden

Das dient vñ dich in der forcht goztes behütet / wenn du offet im iar beycheffest vñnd in büß beharrest so wären dir deine wercke verdienlich zu dem ewigen lebenn. Du würdest auch genaiße zehören das goz wort williglicher dan vor / daran du vil leer vñnd vnderweyßung möchtest begreyffen / das dir wol diene zu deiner beichte Als die auslegung d' gebott goz / wie ernstlich vnns die seind gebotten zuhalten bey leib vñ bey seel / die du aigenlich wissen solt vñ treulich halten / wañ on die kein mensch mag hailßam werden. Die ersten drein gebott weisen dich wie du dich halten solt gen got Die andern sibne wie du dich halten solt gegen dein nächstn Dir kompt auch vil nutz vñ fleißigem hörn des gotu wort / dein sel wirt gaislich gespeiset / dein verstantnus wirt erleuchte dein begir wirt engzint zu got / in dem glauben wirstu bestättigt vñ gestercke / dein hoffnung wirt gemert / vñnd als dein leben bas geschicket zu gott dan vor / du wirst auch vnderweyße dich zu hütten vor dem nein fremden sünden Die dir auch nott seind zu wissen wie du darauß beichten solt / die ich mit sampt den zehen gebotten in sunderhait zunennen von kütze wegen vnderwegen laß Eya lieber mensch dir kan nyemande zuvil schreiben oder predigen Wenn du fleißig wärest dein gewissen offt zurainigen vñ on mackel zuhalten Du sahest in ir als dein leben vñnd wär dir ain spiegel darin du beschawen möchtest all dein sünd / als in ainem büch Ich mag nit vñnderwegen lassen dich zu ermanen d' syben haupt sünd / die mit gewalt herrschen in dem menschen Als hochffart zorn neyd geitigkeit

menschlichen

frasshait tracthait vñnd vnkeüsch auß den auch vil todsündt kómen Ach wie gar schnöd vñnd vnwerdlich der mensch macht der mit den todsünden überladen ist vñnd wissent darinn lebt Es spricht Sannit Augustein / merck eben / der mensch ist toschstiger vñ kóner der da schlaffen gethar / in ainer todesünd / dann ainer der da fechten tar mit sibnen die auf seinen tod geschworen haben / Vil übelß bringgt die sünd dem menschen / als hernach geschriben steert Amen.

Merck ain wenig von den Syben Sacramenten / von den wercken der barmherzigkait vñnd von den fünff Sünden.

Ir wär auch wol zumerck den wie du dich soltest halten zu beichten auß den syben Sacramenten / das ist der tauß firmung / büß / der hailig fronleichnam Christi / die priesterlich weichung / Das Elich leben / vñ die hailig öllung O lieber mensch da biß fast aufmercken mit hilff deines beichtuatters Wann laider sich die menschn fast ver sünden an den hailigen Sacramenten / vñnd sich wenig darauß wissen zurichten in ir beichte O wie clüg du würdest gen got vñnd den menschen / vñ wie gar grosser nutz deiner seel da von kómen möcht wenn du mit sollichem fleiß / achtest gott zu erkennen / seine gebott zuhalten Vñnd treüwlich nachforschen allem dem das die eer gottes berürt vñnd dem hail deiner seele dienen ist / Als die weltlichen menschen thünd zu dem irdischenn Noch mer muß ich dich ermanen / das dir nott ist zu deiner

D

beicht/ Als verſaumung der ſechs
werck der barmhertigkeit gäiſtlich
er vnd leiplicher Darnach vns gor
an dem iungſten tag vrrailen wil/
der nem woll geware zubrauchen/
Von erſten an deinr ſel Es ſpricht
Iheronimus iſt dein ſeel hungerig
So ſpeiſſ ſy mit dem gots wort Iſt
ſy durſtig ſo trennck ſy mit deinen
hayſſen zächern Iſt ſy bloß ſo be-
klaid ſy mit tugendū Iſt ſy krank
ſo ſüch ſy haim mit reüw vnd laid/
vnnnd bite ir erzney von dem hym-
liſchen arzte Iſt ſy gefamgen mit
ſünden oder geſtorben ſo mach ſy le-
dig mit beichte vnd büß Deß gleich
en verbrünng ſy leiplich an deinem
nächſten Wagſt du aber die leip-
lichen niet verbringen von armüt
oder krankheit wegen So ver-
bring die gäiſtlichen die da höher
ſeind zuſchätzen dann die leiplichen
Gib treüwen radt / ſtraff das übel
an deinem nächſten / Gib leer dem
vnnvernünfftigen / Vergib den die
dich belaidigen Trag gedultlich
en widerwertigkeit / vnd bic trew-
lich vmb all beirübet lebendig vnd
todt Es kam dir auch wol zewiſſen
die acht ſaligkeit Die ſyben gaben
des hailigen gäiſtes / Haſt du lieb
dein ſeel vnnnd fürcheſtu das ernſt-
lich gericht gottes So biß nit ſau-
mig zuſorſchen ander vernünfftig
menschen / oder zuſüchen in der ge-
ſchriſſe als lang biß du vnderweyß
ſung findſt Tuſt du das nit ſo biß
du nit ain treüwer beſorger deiner
ſeel vnnnd ain rechter anhebennder
mensch Noch iſt gar am merck-
lichen da mit die menschen faſt ſünd
en Als die ſünff außwendigen ſyn
Als hōm ſehen ſchmecken koſten vñ
greiſſen / darauß du in beſonder-
heit beichten ſolte / wie du ſy haſt

gebraucht wider gott / wider dein
nächſten vnd wider dein arme ſeel/
Wilt du ſein ain fründ gottes vnd
deiner ſeel So magſtu dir wol auß
diſer geſchriſſe beraitten ain ſchick-
ung zu ainer vernünfftigū beicht.

Wie die beichte geſtalt / ſol ſein /
vnd das die oft geſcheche / vnd das
man dem beychnatter gehorſam
ſol ſein.

Es dardas ich dir ſo vil ge-
meldet hon von der beichte/
beſonder wie der beichte-
vatter ſoll ſein geſyrt So
merck fürbaß wie die beichte geſtalt
ſol ſein. Zu dem erſten ſol die beichte
ſchlecht ſein / das du meiden ſolt vn-
nütze vnnnd überige wort / Also was
du mügeſt außſprechen mit dreyen
oder mit vier worten / da mach nit
zehen oder dreyßig auß / Darnach
ſol ſy demütig ſein / das iſt / das du
dich erkennen vnnnd ſchuldig geben
ſolt / aller deiner ſünd auß demüti-
gem hertzn Item ſy ſol lauter ſein /
das iſt / das du dein ſünd klar vnnnd
lautter on alles verdecken außſpre-
chen ſolt / Item ſy ſol ſein trew vnd
warhaſt on alles feiſchen Item ſy
ſol bloß ſein / das iſt / deutiglich vn-
mercklich ſole du deine wort ſetzen
on verziehung Item ſy ſol ſein ver-
nünfftig / das iſt / das du die groſſen
ſünd mit gröſſerm laid ſolt außſpre-
chen Item die beichte ſol willig ſein
das iſt / wider die menschen die von
forcht wegen oder gebottes wegen
beichten Item ſy ſol ſein ſchämig /
das iſt / das du außſprechen ſolt mit
ſcham deines hertzen dein ſünd /
Wan die ſcham die der mensch vor
dem prieſter hatt iſt ain groß cayl /
der genügtünng vmb die ſünd Al-
ſanctus Auguſtinus ſpricht Item

anhebenden

sy sol auch gantz sein / das ist / das du von scham wegen od von forcht wegen nichtz verweigen solt Item sy soll auch klaglich sein / das ist / das du in klagweyß mitt laidigem hertzen dein sünd dem priester der da sitzt an gotz statt für legen solt Item sy sol behend oder schnell sein das ist / dz du nit verlongern solt zü süchñ das hail deiner seel Als bald du straff hast innwenig in dir in deiner vernunfft Vnnd du den priester wol magst haben So eyl zü der beichte / Du solt auch in deiner beicht dich allain schuldig geben / vñ annder er menschen übel nitt sagen Dar durch ain mensch erkant müg werden dem priester / Es gehöret auch Vnnd ist dir zymlich das du dich offte schickest zü der beicht Vnd dich gehorsam machest dein beichte vatter / was er dir auff setzen sey das verbüß mit fleiß nach deinem vermügen Wann als bald wir todsünde verbüßungen So sey wir auß der liebe gottes vñnd auff dem weg der ewigen verdammuß Aber durch ain ware beicht komet wir wider in ain ware liebe gottes vñd fründschafft Den wir allzeit willig sinnden vnns auffzunemen in sein barmhertzigkeit.

Was nutz dem menschen rechte ware büß bringet / vñ was ain rechte ware büß ist / vñnd wie man den sünden wider ston sol.

Sist so hailfam vñd büßiget so grossen nutz das hailig Sacrament der büß / allen sündigen menschen das ich noch mer dauon sagen vñd schreiben müß Wann als offte der mensch in todsünd felt vñnd got be

menschen

laidiget vñnd geschmecht hatt So mag er mit ainer waren büß allzeit die huld gottes erwerben Aber ich besorg das laider wenig menschen warhafft büßer seind Als Sante Ambrosius spricht Rechte büß ist / wenn ain mensch bewaint sein vergangene sünd Vñnd fürbas willen hatt kain sünd mer zü verbüßungen Es spricht auch sante Augustein was hilfft dein waynen wen du anderwaid tust die sünde / Maniger geüß vil haiffer zäher vmb sein sünde der doch die mainung der rechten büß nitt hatt Der mensch hatt rechte maynung in seiner beicht / der ain gantz misfallen hat über all sein sünd / die er wider got gethon hat / vñnd atnen starcken willen hat / sich vor allen sünden züherten / besonnder vor todsünden Es spricht got der herr durch den propheten ysayas Ir solt eüwer seel waschen vñnd rain beleiben / Darüber spricht ain leerer Der mensch beleibt rain / der sein vergangene sünd beklaget vñd bewaint vñd hirt für nymer mer verbüßungen Aber die menschen die nach der beicht wider vmb sünden als vor / die zü geleiche Sante Peter den hundñ die das hirn geworffen aaf wider zü in nemen / Darumb lieber mensch halte die rechten mainung in der beicht vñd erschrick nitt ab der groß vñnd zal deiner sünd Wan got von götlicher natur Ist barmhertzig / vñd ist willig vñnd bereit den sündler hailfam zumachen auß seiner barmhertzigkeit / den er durch sein gerechtigkeit verdampft Eya lieber mensch / biß vest in deinem anhebenden wesen vñnd streite ritterlich wider den bösen seind vñ merck ain leer / die vns ain leerer genant Haymo

D ij

Non

fürlege vnd sprich Wenn vns vnser gemüt vnnnd begir ziehen wil zū sünden So sollen wir für vnns nemen vnd gedencken das wir vnser selbs nitt seind Besonnder das wir seind diener gotes / dem wir gehorsam sollen sein / der vns mit seinem blüt vergiessen erlöset vnd erkauft hat Wenn der leib in wollust würt angefochten Vnd die seel wil nach völligig sein So soll die vernunft der seel ir selbs gewar nemen Vnd also sprechen / was gedenckst / was wilt du thun / du bist dein selbs nitt gewaltig / du bist ain diener gotes / der dich erlediger hatt von dem gewalt deiner feind Vnnnd nun wilt du dich aber vndertanig machen irem willen Wenn der mensch sich also fürsach vnnnd gedachte So kam im on zweyffel zuhilff die gnad gotes Vnnnd wurd von vil sünden behüt darcin er täglich fele vnd sich vil zubeichten finde / Vnd doch vil besser war die sünd gelon / dann die beicht gethon.

Werck was nutz dem menschen kom von anndächtigem hören des gotes wort vnd der hailigen mes.

Du anhebender mensch
 o Seid du bis her bist vnder wissen wordē in disem büchlin / wie dein anfang vnd dein mittel sol sein Nun zū dem letzten merck auff das ennd das vast hailfam ist / vnnnd fürbas wol dienen würt zū auffnemen in tugenden / Hast du dich treulich geübt in den obgeschriben stucken vnnnd wilt gesterckt sein in deinem hailfamen wesen vnnnd wol gefürdert werden zū dem anndern wesen der menschn das vns bezaichnet **W**ar

Dem

tha vnnnd genant ist das auffnemen wesen So bis fleissig zuhörend das hailig gotz wort vnnnd behalte das in deinem hertzenn Vnnnd betrachte dein leben dardurch zū richten Wann wer predig hört / die da ist der seel speyß vnnnd sy nitt behelt / des selben menschen seel ist krank vnnnd nitt gesund an götlichen genaden / als ain mensch der nitt leiplich speyß mag behaltenn Des gleichen bis auch fleissig zehören das ampt der hailigen mes Das dich loblich machte got vnnnd den menschen Vnnnd vil besonnder grosser genad darvon empfangen bist Als vns die leerer schreiben vnd sprechen / das disen nutz vnnnd genad empfacht der püester vnnnd all menschen die mit fleiß vnnnd andacht hören das ampt der hailigen mes. **Z**ū dem ersten wirt die seel des menschen gaislichen gespeyst / Die verstantnuß des menschn wirt erleuchtet / Das gemüt wirt erfrewt Lust der sünd wirt gemindert Der gais des menschen würt erhöcht Der tod Christi wirt gedacht vnnnd vernewert Cristenlicher gelaub würt geziert vnnnd gefestet / die wunden der sünde werden gehailt / lallich schuld werden vergeben Der mensch würt gesterkt wider all anfechtung / vnd würt geleüttert von den bössen gedencken / Güte werck werden wider gegeben **E**s würt auch der mensch geschickt zū güten wercken / Die frumen menschn werden noch frümer Vnnnd die beschwäerten in trübsal werden getröst Der mensch würt getriben zū güten wercken **E**r wirt zū geselt den Engeln die werden in in mer hüt haben / wann sy gegenwürtig seind bey irem künig vnd herren Die mit

tödt sünd beschwärt seind vnd gert
 bey steend der hailigen mess Die
 mügen des belder zu genaden kom-
 en Vnd reüw empfahen über ir
 sünd von gegenwürtigkeit wegen
 vnnsers lieben herren Also ist ge-
 schehenn dem schacher am creüze
 Sane Marien Magdalenen vnd
 vil grossen sündern Die hie leiplich
 en zu dem herren kamen / vnd hail-
 sam wurden die sunst vileicht nym-
 ermeer zu genaden komen wären/
 Item ain frau die ain kinndlin ge-
 beren soll / vnd des selbigen tages
 bey ainer mess gewesen ist / die wirt
 sicherlich erfreüwet an ir geburde
 Dem menschen werden gemert die
 tugent vnd würt gesterckt wider
 all anfechtigung der bösen seind/
 Vnd würt tailhafftig alles vers-
 diones vnd vnschuldigen leidens
 vnd ellenden sterbens Jesu Chri-
 sti Vnd dar zu wirt er tailhafftig
 aller der gütehätt die geschehen in
 der hailigen Cristenhait vnd wirt
 darnach endtlich empfahen die ewi-
 gen glori in dem hymmel Söllich
 nütz vnd genad / du anhebender
 mensch erlangen magst von der
 hayligen messe / wenn du dich ge-
 reüwlich üben bist in allen obge-
 schriben wercken vnd tugenden
 Vnd du dich binden bist (Als la-
 zarus gebunden was) mit den ban-
 den der gehorsam gegen gott vnd
 deinem beichtuatter / vnd dich nit
 widerumb keren bist / in dein alltes
 sündiges leben Du solt auch mit
 lazaro beschwärt sein / das ist / das
 du allzeit haben solt ain beschwärt-
 tes gewysen das du dir selber nit
 sicherhayte gebest vergebung der
 sünd bis das der herr zu dir sprech
 inwändiglich / Lazare / küm her-
 für vnd dir eingieß ablaß der sünd

25
 Eya du warer büßer Du starcker
 ritter gottes in deinem büßwertis-
 gen vnd güten anfang bis gott
 danckber vnd freüw dich in gott
 mit allen Englen seyest du bestan-
 den vnd also gelebt dem ersten wes-
 sen vor allen dingen fleyst dich göt-
 licher vnd brüderlicher lieb zuhas-
 ben Des gleichen hab auch lieb die
 gerechtigkeit vnd frid vnd als
 vil du magst so laß nit vnfrid zwys-
 schen den menschen Wann das ist
 ain besondere gab von gott / wer-
 geren zu frid diener / Hab nit ain
 leichtuertiges hertze zu gelaubent
 übels von deinem nächsten Beson-
 der von den gaislichen menschen/
 Rö: allzeyt zu dem besten was dir
 sehen oder hören bist / von den men-
 schen / freüw dich mit den frummen
 Vnd hab mitleiden mit den bösen
 vnd bitt für sy das sy auch frum
 werden. ¶ Darnach solt du mit
 begirlichem hertzen arbeitren zu
 dem andern wesen Das vns Mar-
 tha bezaichnet Das da genant ist
 ain auffnemends oder zunemends
 wesen Davon ich fürbas mit der
 hilff gottes schreiben wil vnd hab
 ain genügen an dyser geschriffte /
 die fast schlecht vnd ainfeltig ist
 den volkomen menschen.

¶ Merck dyse wortte von dem der
 das büch gemacht hatt:

In ir lieben brüder vnd
 n Schwesteren in goet / den /
 die oben geschriben materi-
 zuhanden kumpt sy zu les-
 en oder zu hören Vnd ob ir darin
 herttigkeit vnd zuwil straff finden
 So erman ich eüch in götlicher lie-
 be / das ir eüch güetlich vnd gedul-
 tiglich darinn haltent / Wann die
 D ij

Von

lieb mitch dartzu bezwungen hatt
vnnnd ob ich vnwidig bin / ewch
sollich ding zu verkünden / yedoch
so ist es die ganz warhait vnnnd vil
menschen ain groß notturft Es ge-
schicht ofte dz ain mechtiger herre
ain schöneden diener hat Vnd doch
durch in verkündet seinē vndertho-
nen grosse ding zu tūn Vnd die sel-
ben verschmeihen nit den boten vñ
mercken nit wer er selbs sey Besun-
der sein portschafft vermercken sy
mit fleys zu verpringen Des gleich-
ent solt ir auch thun / ob ich ver-
schmecht bin in ewerē herze Doch
so behalt fleissigklich das ir hört ob
lesen seit in dissem pūch Das da al-
les berürt die eer vñ den willen gotz
vnnnd auch das hail der menschen
Salomon spricht / der mensch ist
Torricht vnnnd arm / der da ver-
schmecht die leer der weisen / vnnnd
Cristus redt in dē Ewangelio wer
ewch hört der hört mich / vnnnd wer
ewch verschmecht der verschmecht
mich selbs.

Deo gratias.

Ein end hat das Erst büch von
dem anhebenden menschen / bedeüt
durch Lazarum Nun volge nach
das ander büch von dem zünemen-
den oder auffnemenden menschen
bedeüt durch marthā / wie im An-
fang gesagt ist.

Dem

Jesus in deinem heyl-
ligen namen sollenn
sich alle knie naygen
die himlischē / die hel-
lischen Vnnnd die ir-
dischē Darumb ich
mein herz vnnnd leib
naig zu got meinem
hymnischen vatter /
mit Sant Paulus Davon ich hilf
beger vnnnd genad in deinē namen /
fürbas zeschreibē Von dem anderē
wessen der menschen genant das
auffnemen wessen Das vns Mar-
tha bedewtten ist Als an dem ann-
fanck des ersten cayll dis pūchlin
berüret ist Vnnnd dar durch man
komen mag mit übung tugentlich
er werck / zu ainr himlischē erkant-
nuß Als vil es dem menschē hie auf
erd möglich ist zubegreifen Seyd
das zwischen gott vnd der seel kain
mittel ist / dan die sünd / als der pro-
phet ysayas redt vnnnd also spricht.
ewer sünd habñ gemacht ain zway-
ung zwischen gott vnnnd ewer. So
merck leiber mē sch die nachgeschri-
ben matery mit fleis.

Wie der mensch sich schicken sol
zu auffnemen in tugenden vnd das
er meiden soll er gernus zugeben
anderen menschen / vnnnd soll lieb
haben diemutige claider.

Es freynt gottes sind dir
dein sünd abgenomē / als
durch pūß vnnnd hast dich
ritterlich geübt nach vñdweisung
vnnnd leer als oben geschriben stant
So ist dir das ain aug auffgethon
vnnnd erleucht worden / zuhand so
ist komet gott mit seinen genaden
zu deiner seele vnd hat erzünt dein
herz in lieb Darnach soll dir das
ander aug auch geoffnet werden /

auffnemenden

menschheit

Vnd begerst zu komen in das an-
 der wessen der menschen So müst du
 dich gantz ledig machen von der
 welt vnd von allem dem das dich
 irren mag ann auffnehmen der tu-
 gent / also da ist der welt zuwolge-
 uallen mit deinen claidern / vnd al-
 les außwendigen wandels solt du
 dich gantz verzeichen / das du nie
 seyest vsach deinen nachstē zu vbel
 Vn ergetnuß pringest ander mens-
 chen Wann also spricht sant Pau-
 lus in seiner epistel prima ad Corin-
 theos octauo . Weist ich das mein
 speiß ergetnuß gab meinē nachsten
 Ich wolt kein fleisch nymermer es-
 sen / das ist wider vil menschen die
 sich selbs vnd annder menschen ver-
 weissen vnd sprechen es pring niche
 schadn sich also aufzemahe Wenn
 nur allain das hertz woll geschickt
 sey / wider die aber sant Pauls redt
 vnd spricht Es ist nit ain genüge
 vnser hailligs lebenn Nur allain
 wir haben auch ain güeten laimde
 gen den mensche Darüber redt hu-
 go vnd spricht / vnser hailligs le-
 ben ist vns ain notturfft von vnser
 selbs wegn Aber vnser güeter laym-
 de ist vnns notturffe den wir haben
 müssen von wegē deren die pey vns
 wonent vnd vnser leben bescha-
 wen / das sy auch durch vnns ge-
 peffert werden / wider die menschen
 die sich also beschawen wölln Rede
 auch Sant Gregorius in der ome-
 ley vber das ewangelium von dem
 reichen man epulone . vnd spricht /
 war nit sünd bey scheynenden clay-
 dern Es hett Christus den reichen
 man (dauon man list in dem Ewā-
 gelio von seiner claidern wegen) als
 so nit vermerckt vñ gepeinigt Er
 hett auch sant Johansen den taufer
 mit seinen dimüctigen hertzen

claydern nit also hoch gelobe Vnd
 darumb du auffnemender mensch
 bis nit sorgueltig der welt zu gewal-
 len / mit außwendiger zier Besun-
 der sorg das dein sell woll gezire sey
 mit tugenden Als Sant Paulus
 spricht Dar durch sy irem gespöß
 Cristo ain wolgeuallen werde Es
 spricht Augustinus in seiner regell
 Erwer claidern sollen nit mercklich
 sein etwas vber die anderen Ir sole
 auch nit den menschen begeren zu
 wollgeuallen mit ewren claidern
 besunder mit ewrem tugentlichen
 leben Des gleiche spricht sant Je-
 ronimus / nicht das zart claid Be-
 sunder rainkeit des hertzen mache
 den menschn wollgeziert Aber redt
 Paulus / ir solt ewch nit gleich ma-
 chen den weltlichen menschn Nach
 differ leer aller / du frewnt gottes
 wiß dich zu halten in deinem außs-
 wendigen wandel.

Warumb die seel die da geraini-
 get ist von sünden gleich wirt ain-
 nem durchscheinenden spiegel vnd
 in wellicher maß man gott soll lieb
 haben vor allen dingen.

In seel die vor zeitten mit
 a sünden vngesalt vnd vnz-
 ster ist gewesen vnd nun
 erleucht / vnd gerainigt durch pei-
 che vnd pñs / ist wordenn wolge-
 schickt In göttlicher lieb vnd ist
 scheinē als ain wolgepolierter spie-
 gell Darumb hebt sy an zu erkennē
 vnd zu beschawen iren liebhaber
 den sy vor von vinsternuß wegenn
 nicht gesehen noch erkennē mocht
 Dauo spricht sy in ir selb vñ frage
 Wer ist mein liebhaber vnd auß-
 erwelter gespons . Antwort sy wi-
 der vnd sprach er ist der / der mir so

groß manigfalt gütthät verlichen hatt / das ich billich ob es möglich wär / von seinem lob vnd dienst mit dannckberkait zu keiner zeit vnnnd weil noch an keiner statt nit rühren solt / als David gethon hatt Da er spricht O mein seel / lob gott deinen herren Fürbas spricht er Ich wil wol sprechen vnd benedeyen meinen herren zu aller stund / vnnnd sein lob sol allzeyt beleiben in meinem mund Doch solt du / lieber mensch gott zuordrist nit liebhaben vmb sein gütthät Wan also hettest du in lieb von deines nutz wegen Besonder solt du in liebhaben zuordrist / durch in selbs / wan er ist dz höchst vnd vnbegreiflich güt / das da allain vnmesslich ist liebzuhaben ob allen Creaturen vmb sein selbs willen Wilt du nun grundlich in dich vestnen göttlichelieb So merk sannt Augustein / der spricht / das nichtz des menschen hertz also großlich in andacht vnnnd göttlicher lieb entzünd als fleysige betrachtung der gütthät die wir von got empfangen Darumb spricht Sannt Bernharde Gott hat mir als vil gütts gethon Vnnnd het mir es ain grober mensch geton Ich wär in schuldig lieb zuhaben got mein schöpfer den höchsten liebhaber / dem wil ich allzeit dannckber sein Vnnnd eingedächteig seiner gütthät Als vil ich vermag Des gleichen solt du auch thun / Wann mit keinerlay werck magst du gott ain genügen thun dann allain das du in von ganzem hertzen liebhabest Das berürt sant Augustein in seiner andacht vnnnd spricht / O lieber herr / vmb alle gütthät die ich ye von dir hon / begerst du anders nichtz von mir / dan das

ich dich liebhab Also hab in vil lieb als Maria magdalena / das dienet dir fast zu auffnemen in tugenden.

Dem auffnemenden menschheit ist nott das er ain auffmercken hab auf der hailigen leben vnd das taglich verneüweret werde sein gütter will vnnnd fürsatz.

Schreibet ain leerer geistliche manne Wilhelmus von parisi vnnnd spricht / wil der mensch auffnemen in tugenden / vnnnd fast entzünd werden in göttlicher lieb / so ist im nott ruffe das er ansech der hailigen leben / Die vnns manigfaltiglich fürgelegt werden mit iren tugenthafftegen werckenn den wir nachvolgen sollen Ach wie gar nichtz vnser leben ist zuschätzen zu irem strengen leben / Sy haben got tag vñ nacht fleysiglich gedienet / in hunger / durst vnnnd frost / in fasten / beeten / wachen vnnnd manigerlay trübsall vnnnd angstigkeit / Sy haben weil vnnnd zeit nützlich verzert / vnd oft von grosser süßigkeit ir andacht / vergassen sy leiplicher speiß züniesen Sy begeren nichtz zuhaben in dyser zeit vnnnd widerstünden aller weltlicher eer / reichung vnd wolust vnd auch iren leiplichen freunden Sy waren arm an zeitlichem güt / vnnnd waren reich der geaden gottes vnnnd der tugende / Gen der welt waren sy verschmecht / Aber vor gott waren sy auß der welt Vnnnd darumb nomen sy aufftaglich im gayst Das schreib in deins hertz du auffnemender mensch vnd thu als dich Sannt Iheronimus leert Der da spricht / lieber mensche / sich an der hailigen lebens /

auffnemenden

vnd lern von ainem demütigkeit / von dem annderen gedultigkeit / von dem dritten gehorsam Vnd also fürbas Es spricht auch Sanct Bernharde O lieber mensch / nach meynem rade So nym dir für ainem menschen der da führen ist ain tugenthaffrigs leben / den selben bild in dein hertz / also wenn du an in gedencst das du dich nach im ordnest vnd gleich machest Thū als ainer in ainem garten / der da abprichte mangerlay wolschmeckends kraut vnd im macht ain büschelin vnd halet das in seiner hand / vnd schmectt offte darzū Also thū auch in diser materi So wirt etwas tugenthaffrigs auß dir Ya du auffnemender mensch gedencst das du schienst in tugenden gen den menschen Vnd das du auch in warhayt also inwendig gen goet gestalt seyest Täglich solt du verneüwen deinen güten willen vnd fürsatz vnd dich üben in brinnender andachte gen goet Als ob du erst woltest ansehenn zū auffnehmen / Wann als Sant Bernharde spricht / Als offte du in deinem güten willen nachlässig bist Als offte nymst du ab in deinem wesen Des gleichen spricht auch Sant Gregorius in dem weg gods nitt für sich geen / ist hynder sich geen.

Sant Martha hatt vnnserrn herren Jesum Christum begirlich empfangen zuhaus / also sol der auffnemend mensch offte empfangen den herren in dem würdigen Sacrament / auch vil güter vnderweisung die dem menschen wol dienen zū auffnehmen.

menschlich

27
Ast du ebenn gemercket ist dem anfang des ersten tages des dys büchlins von Lazaro der da für gelegt ist worden dem menschen zū ainem ebenbild / der da ist in anhebendem wesen Das da Sanct Bernharde nent / ain grobs thierlichs wesen / darinn man nit aigenlich begreiffen mag die häulichait gotes Besonder auch täglicher großer streit ist zwischen dem leib vnd dem geist So merck nun Sanct Martham die den menschen bedeyt der in ainem auffnemenden wesen ist / vnd das nent Sant Bernharde / das vernünftig wesen darinn du yetz und got erkennen magst vnd dich selbs wider bringen in die ersten vnschuld die du durch die sünd verloren hast / Sant martha leben nym dir zū ainem spiegel Sy ist gewesen hie auff erd vnser herren wirtin Vnd hat in offtleiplich empfangen in ir haus Darumb der herr Christus sy würdiglich empfangen hatt in sein ewigs hymelreich Des gleichen solt du in offte begirlich empfangen in dem Sacrament mer dan ander schlechte menschen / vnd in seynem namen die armen ellennden williglich beherbergen Es ist aber nitt ain genügen / dein schickung zū dem hochwürdigen Sacrament / als der anhebenden menschen Besonder als der Marster Mathens von Craconia schreibe / dein lebenn müß gantz darzū ain beraitung sein / du müß in dir getödet haben all sünd / vnd stiehn alle leuchtuerchtig / wort vnd wercke / Vnd vrsach aller sünd klainer vnd grosser Vnd meiden alle außwendige kümernuß /

Von

Dardurch dein herz in seiner ernstlichen betrachtung nichts befehen mage Vnd dich üben in tugenden / in anndechtigem betrachten Besonder in grosser forcht / in tuffer demütigkeit in inbrünstiger liebe / in begir brinender hymlicher fröhd Vnd dich gänglich einsetzen in die wunden Jesu Christi vnd mitleidig sein den sündern / auff dich selbs nicht bauen Er spricht fürbas Ain mensch ist so vil bas geschicket zu dem würdigen Sacrament So vil er gänglich d welt / natürlicher naygung zu den menschen / Vnd leiplichen begir den vnwollust abgestorbū ist oder taglich begint abzusterben / Es seind aber vil menschen die sich selbs fast beschwaren mit vil fasten / beeten / wachen mit herren klaidern oder harteligen Dar durch sy kraffelos werden / vnd andacht verliessen / vnd werden vngeschicket zu dem hochwürdigen Sacrament Das kompt also / Wann sy haben etlich vntugent vnd leiblich oder weltlich begir / die sy nit tödten / vnd etlich haben böß gewonhait mit lachen / mit lautt löuffig sein / mit lieb oder has zu den menschen vnd ain wolgefallen zu zeitlichen kurzweilen vnd fröhd diser welt / vnd weltlich gesang gern hörn / vñ ain wolgefallen / zu weletlichen spilen / als zu kartten vnd ander kinder werck Sy haben auch wolgefallen in irn klaidern vnd leiplich begir zu manigerlay klainat Als gold silber vnd edel gestain vnd also haben sy trost in zeitlichen dingen Vnd wen sy dem allem gänglich abgestorben wären So würden sy denn recht geschicket / das hochwürdig Sacrament offtz zu empfangen vnd vil

Dem

mer dan ob sy tag vnd nacht groß gebeett volbrachten oder vil ander gütter übung thäten.

Evil menschen empfahent das hochwürdig Sacrament vnserlich / vnd was da bewarte zeichen seind / die den menschen wolgeschicket machen zu empfahen das hailig Sacrament.

E seind vil menschen die mit grosser vnserhaye das hailig Sacrament empfahent / die allain ain aufsehen haben auff ir empfänglich begir vnd andacht / zu dem hailigen Sacrament vnd vermaynen sich also wol geschicket sein Wenn sy empfinden süßigkeit in ir andacht mit wainen vñ herzenlichen seüßigen Vnd mit ander andächtiger begir / wenn sy aber der ding nicht finden an in So vermainen sy sich vngeschicket / vnd söllich menschen werden offtz betrogen Wann vil fründt gottes die sölliche zeichen der andacht nicht enhaben die seind in ainem hohen stand götlicher genaden / vnd widerumb vil menschen die söllich zeichen an in empfinden vnd haben / nach irem wolgefallen / die seind auß der genad gottes / Das verstee also Sy haben scheinberliche zeichen der andacht mit vil beeten oder wainen Vnd wollen doch nit gannz widerstecken sünden / vnd den wercken mit ir üppigkeit vnd hochfart vnd wollust irs leibs nicht widersagen vnd haben sich selbs vñ etlich menschen von leiplicher naygung wegen zu fast lieb vñ atich ander verborgen gebrechū habū sy an in / die sy selbs nicht erkennen vnd nicht mit grossen

auffnemenden

ernst/ gott anruffent in demütig-
keit / damit sy erleuchtet wurden /
Wann vil menschen verblent wer-
den in ir vernunfft von haimlicher
hochfart wegen / Vnd schätzen sich
etwas zu sein das sich doch in war-
hait nit also erfindt Welicher men-
sch ware zeichen vnnnd rechte zeug-
nuß haben wöll der gegenwürttig
keit göttlicher genaden Vnnnd wol
geschickt sein zu dem hochwürdig-
en Sacrament / der merck die leer
in dem nächsten vorgeschriben Ca-
pitel Vnnnd hab ain auff sehen auff
die inwendigen zaychen v̄ andacht
v̄n göttlicher genaden Das ist mis-
fallung aller menschen sünd / ware
reüw über aigen sünd / Rechte lieb
zu gott vnd dem menschen / haß al-
ler vngerechtigkait Ain stättegs /
demütigs hertz nicht in diser welt
wider gott zu begeren / Gedultig
sein in aller widerwettigkait / sich
selb ganz vernichten / vnd begeren
von andern menschen schnöd ge-
scherzt werden Wann allso spricht
Sanne Bernharde Ain warer de-
mütiger mensch wil von allen men-
schen schnöd geschätzt werden / V̄n
noch vil annder stuck Die oben ge-
schriben steend vnd das seind die be-
wärtten zeichen der andacht vnnnd
gegenwürttigkait göttlicher gena-
den Vnnnd bringen dem menschen
innwendig rechte göttliche süßig-
keit Wann als Sanne Augustein
spricht Die lieb zu zeitlich̄n irdisch
en dingen vnnnd die natürlich̄n nay-
gung vnnnd begirlichait / mag nit
getriben werden / auß des menschen
hertzen / noch ganz getöde wer-
den on besonder einfluß haimlicher
süßigkait göttlicher genaden / Vnd
darumb du anhebend̄ mensch solt
du dich trewlich üben vnnnd werck

menschen

berlich nachfolgen dyser obgesch-
riben leer So magst du sicher emp-
pfahen vnnnd würdiglich das hail-
lig Sacrament vnnnd dich teilhaff-
tig machen vnnnd enpfenglich der
frucht vnnnd nutz des Sacramentz
v̄ on zal vil ist V̄ wie hoch würdest
du geleert in der schüll Christi vnd
gesurdert zu dem wesen der volko-
menhait / wenn du dich also schick-
test zu dem würdigen Sacrament /
du würdest auch vnderweise groß
ser v̄n hoher ding durch haimliches
göttliches einsprechen das dir kain
leerer geschreiben mag / das alles /
bist her dir verborgen vnnnd vn-
kann̄t gewesen ist.

Dem leben Sanne Marthen sol
sich der auffnemend mensch gleich
machen v̄n den herren Jesum Chri-
stum lieblich bey jm wonen lassen
vnnnd woll gefest sein wider all an-
sechtung.

Ich hab oben geschriben
wie Marthā (die da be-
deüwt den auffnemenden
menschen) den herren Je-
sum Christum offte begirlich vnnnd
leiplich in ir herberg enpfanngen
hatt Nun solt du fürbaß mercken
ir hailigs leben in volbringung v̄n
fleißiger übung der werck v̄ barm-
herzichait / in behaltung der geboe-
gotes / v̄n wie sy ledig ist bestanden
von sünden / der soltu dich auch ge-
leich machen / seid dz du dich ergeb-
en hast zu dem auffnemend̄n wesen
Dardurch du fürbaß komē magst
ob du nit saumig bist zu dem wesen
der volkomenhait / V̄ wie gar ain
hailsamer stand der ist / durch den

der mensch also wol geschickt wer-
den mag zu gott / vnd in diesem le-
ben anhebt zu führen ain hymelisch
leben / weñ im die brechlichkeit der
natur vnd des lebens übrige sorg
feltigkeit nit hyndernuß brächten /
O lieben brüder (spricht sant Bern-
harde) das wir als begirig wären
göttliche genad zu suchen / als die
wellichen menschn ir begir stellen
nach dem zeitlichen O wie gar ain
grosse schand vns das ist / das die
das schedlich ir seele ist mit größe-
rem fleiß suchen / dann wir die eer
gottes vnd das hayl vnser seelen /
Nun du fründe gotes / der herr Je-
sus hat herberg gesucht bey Mar-
tha Erheb dein gemüt in besonder
andacht vnd bitt zu hauß den sel-
ben gast / der dir doch allzeit bereit
ist / vnd vor deiner thyr steet / ob
du im wöllest auff thun / so wölt er
lieblich bey dir wonen Wan er selb
spricht in dem büch der weyßheit /
das seind mein größe wollüst So
ich wohnung bey den menschn hab /
O lieber mensch möchtest du sölich
genad erlangen Vnd dein hertz
also berayten im wol zu gefallen /
das du von seiner hailigen wunsa-
men gegenwürtigkeit würdest ge-
tröst vnd erfrüwt / vnd er dir lieb-
kossig wurd / dein klag vnd gebee
früntlich zuerhören Dein begir zu
enzünden mit den flamen göttlich-
er lieb / also das / das feüwr deiner
begir zu leiblichen vnd zergeneck-
lichen dingen gantz erlest wurde
das wär ain gab ob allen gabenn /
der du dich billichen fröwen soltest
ymet vnd ewiglich Dir ist aber
nott das du vast fürsichtig seiest
vnd an dich nembst ain vnbeueg-
lichs gemüt / wider all anfechtig-
ung / die dir künfftig werden / vnd

die gott der herr über dich verhen-
gen ist dich zubewären Also hat ge-
thon ye vnd ye die ewig weyßheit
allen seinen liebhabern / Die mani-
gerlay vnd groß beerübnuß / vnd
widerwertigkeit leiden müssen hie
außer dem Darumb müst du von
dir legen alle frantmürtigkeit dar-
durch du gehindert möchtest wer-
den zu widersteen sölichem künfft-
tigen widerstreiten / Wan du müst
bewart werden als das gold in dem
feüwr sunst magst du nit komen zu
dem wesen der vollkommen menschen
Es spricht auch Salomon in dem
büch der weyßheit O mensch wilt
du werden ain diener vñ ain frunt
gots So bereit dein gemüt zu der
versüchung vnd manigerlay wi-
derwertigkeit.

C Der auffnemend mensch sol mit
geduligkeit woll bestatt sein vnd
starckmürtig in aller widerwertig-
keit vnd was den menschen gehyn-
dern mag in seinem auffnemen.

Artha martha du bist sorg
in feltig vnd fleißig in dein-
em würcken / vnd bist in
manigfaltigen sachen be-
kümert vnd betrübt / Also redt Cri-
stus in dem Ewangelio Diese wort
schreib / in dein hertz du auffnemen-
der mensch vnd gib dir selbs trost /
Seid du dein wesen on trübsal vnd
widerwertigkeit nicht verführen
magst Vnd darumb weñ der herr
über dich verhängen ist widerwer-
tigkeit So solt du wolbestatt vnd
gewest sein / mit der tuget der gedul-
tigkeit Die hatt iren vrsprung auß
göttlicher lieb vnd aigner demüt-
tigkeit vnd macht den menschen ge-
schickt zu dem ewigenn fride Es

auffnemenden

spricht ain lehrer / das vill menschen
 zu vnsern zeiten sind / eertlich keusch
 eertlich willigt arm / eertlich dremüer-
 tig Eertlich die vil durch got geben
 eertlich die beerten Aber wenig sind
 die in vbel handlung oder verma-
 hung oder falscher nachred sich re-
 cht gedultiglich halten Es spricht
 sant Gregorius gedultig sein in wi-
 derwertigkeit ist höher zuschä-
 tzen dan vil güetter werck verprin-
 gen Eya du freünd got / nym war
 das die tugent der gedultigkeit die-
 nen ist zu grossen nutz Sy nympt
 ab vergangen sünd Sy behüt den
 menschen vor künfftigen schulden
 Sy meeret göteliche genad Sy ist
 ain besunder widerlegung des lei-
 dens vnser herren Jesu christi vn-
 ist ain güet exempel allen menschen
Es pringet vil nutz vnser seel das
 wir hie widerwertigkeit habn / wan
 sy macht den menschen sich selbs
 erkennen / vnd das er nie er ost setze
 auff zeitlich ding Sy macht auch
 den menschen clagen vnd trawren
 vnd andächtiglich beerten zu got.
 Vnd begeren mit sant Pauls Der
 da spricht Ich beger zusterben vnd
 leben mit Cristo Also wolt der men-
 sch geren bald erlediget werden A-
 ber der herr der durch vns vil erle-
 ten hat will auch sein fründ mit vil
 trübsall vnd leiden bewären dar-
 durch sy wol geschickte werdenn zu
 komen in ain himelrechtigs volko-
 mens leben-

Merck fürbas

Edoch vnder vil Irung
 y darmit der mensch in sei-
 nem anfnemen mag gehin-
 dert werdñ Ist die gedechtnuß der
 vergangen sünd vnd des wollusts /

menschen

vnd frewd die der mensch darinn
 gehabt hatt Die würfft im der pöß
 veind für / wachent vnd schlaffent
 ob er noch darzu genayge mocht
 werden vnd ain wolgewallen dar-
 inn habn wurd In diesem streit / du
 fründ gotes / erzaig dein sterck / nie
 allain vestiglich zewidersteen den
 wercken Besunder auch den geden-
 cken Vnd darumb solcestu offte in
 besunder andacht mit vffgeheben
 herzen in dein gebet sprechen mit
 dem hailign David Herr kum mir
 zuhilff / O ewiger barmherziger
 got / Erleicht mir mein hertz vnd
 mein vernunft mit götelicher lieb /
 verleich mir ware erkantnuß gotli-
 cher weisheit götelicher forcht vnd
 ander gaben des hailigen gaittes /
 solche wort wurdñ dir fast wol die-
 nen in deinem auffnemenden wesen
 Die ander irrüg die got verhenge
 ist die schätzung vn groß der sünd /
 die wire dir so forchtsam in deinem
 herzen das du möchtest verzagen
 wen die gnad got nit dir zehilff kam
 Aber du solt da fürsichtig sein seid
 vnser herr solchs on vrsach nie ver-
 hengt Geschäch es an dem anfang
 deiner bekerung so möchtestu hart
 besteen Aber nun seid du etwas ge-
 stercke bist / vnd dich mit got durch
 büß versönt hast So verhenge der
 herr vber dich widerwertigkeit / dar-
 durch du vil verdienen magst So
 du bestendig beleibst. Die dritt Ir-
 rung die den menschen bekümere
 das er nite auffnympt / geschichte /
 das er vnderweylen trag vnd ver-
 drossen wirt in güeten werken Das
 kompt dauon das im der herr ent-
 zeucht sein gnad vnd sich frembde-
 lich erzaigt Darumb das sich der
 mensch kreftiglicher übe in seinem
 dienst Sölllich frembdikayt dienee
 ¶

zu aufnehmen dem menschen wann sy
macht in begirlicher suchn den her
ren vn̄ mit grossem fleiß götliche ge
nad zu behalten Darumb sol er nit
ser darab erschreckenn Ob sich der
herr frembdiglich oder herrlich er
zaiget / wann es offte geschichte von
grosses nutz wegen des menschen
Auch geschichte es vnder weilen vō
schuld wegen des menschen der die
götliche genad nit dancketberlich
nympt vnd vnordenlichen prauche
oder sunst vngeschickt ist v̄ v̄nd nit
würdig der empfindlichn genad got
tes Absolon nach dem v̄ v̄nd er ver
sönt ward mit dauid seinem vatter
mocht dannoch nit komen fur sein
angeficht bis zway iar vergangen
Da betracht lieber mensch wer Ab
solon sey vnd wer Dauid Es seind
noch vil irrung als taglicher streit
zwischen der vernunft vnd der sñli
chait der natur Da sol der mensch
wol gewar nemen / das die sel alzeit
hersch als ain fraw / vn̄ der leib ge
horsam sey als ain dienerin V̄ v̄nd dz
dis beschehn̄ m̄g an dir so hale dz
regimēt das du allain deinenn leib
verhengest die schlechten nocturft
an speiß an tranck an schlaffen / vn̄
mit herren claideren vnderweilenn
festigen Das im die gailt̄ait v̄ v̄nd
naigūg zu der sünd werd gedruckte
das fürder dich fast zu lautterk̄ait
v̄ v̄nd macht dich wol geschickt zu
got wann er selbs spricht im Ewan
gelio Sällig sind die da haben rei
nelauttere herzen Wann sy werden
got seh̄n Eya lieber mensch merck
noch mer irrungē dar wider du tag
lich streiten müst in disser zeit da
wirt nit anders auß Die bösen ve
nd / die welt mit irem spot / vn̄ leib
lich naigūg der menschn̄ / v̄ v̄nd be
sunder dein aigner leib mit dem na

türlichen einsprechenn das da gar
haimlich vnd betrogenlich ist V̄ v̄nd
darumb wenn du dir selbs hilfflich
wilde sein vnd manlich widersteen
wilde disen feinden so magstu v̄ v̄nd
got vil verdienen vnd vast auffne
men in tugeren.

In was tugeren sich der mensch
vben sol / das er wol geschickt wer
de zu auffnemen in seinem stand.

In deinē aufnemendn̄ we
n̄ n̄ ssen in vil erübsal vn̄ wider
streiten / die dir von aufwā
dig zu steend darin du vestiglich be
standen bist mit der hilf gotes Solt
du dich auch selbs fleißiglich vben
zu begreifen die nachgeschriben tu
gent die allain genant seind reich
tung vnd schatz der sel / dardurch
all hailligen komen seind in ewige
selikait / zu beschawen den k̄ung d̄
ewigē glozy in seiner götlichn̄ clar
hait on end / vn̄ nur allain du seist
gezier v̄ v̄nd geclaidt mit tugeren
sunst ist alles dein leben got nit wol
genellig Der aufwendig wandel /
den die menschn̄ an dir beschawenn
ist nit ain genügen Des gleichen /
dein vasten / sweigen / gaislich ge
wand / vil wachē (Als ain hailiger
altuatter spricht) Das alles macht
den menschn̄ nit volkomen / es mach
t in aber wolgeschickt zu tugere
denn / durch die der mensch volko
menhait begreiffe so er sy fleißig
lichen vben ist V̄ v̄nd darumb merck
die nachgeschribenn tugent v̄ v̄nd
üb darin dein lebenn so behaltestu /
v̄ v̄nd bauwest alle deine werck auff
ainem sicherem grund.

auffnemenden

¶ Fides catholica.

Er hailig Cristenlich ges
 d laub ist die grunduest dar
 auf du besteen müst vnbes
 weglich vnd anhengig sein der hay
 ligen kirchen die da ist ain gespons
 cristi vnd vnser aller mueter / mit
 der tugent bistu got vermachelt in
 dem hailigen tauff.

¶ Caritas dei.

Jeb soltu habē zu got / als
 l ain kind zu seinē lieben vat
 ter vnd im anhengig sein
 mit gangen deinen kreften vñ di ch
 erfrewē in jm vñ ain groß wollge
 uallē haben in aller seiner volkomē
 hait Diffe tugent leren dich alle ges
 schöpffe in himel vnd auf erden.

¶ Caritas proximi.

Jeb soltu habē zu deinem
 l nächstē Also das du ain ye
 elichē menschen liebhabest
 als dichselb vñ im lieb erzaigest als
 du dir woltest geschehen von deinē
 nächstē Dife brüderliche lieb halten
 auch die vngelaubigen.

¶ Humilitas.

Jemütig müst du sein vnd
 d dich schätzen den schnödi
 sten menschen / spoc vñ vbel
 handlung sol dir als woll smeckern
 als so man dich vast lobet / das war
 der rechte grund deinē diemütigen
 vñ gedultrigē hertze Merck dis eben
 bild. Ain iunnger sprach zu ainem
 hailigen vater wie in das volck für
 ainem toren hielt Er anwure vnd
 sprach / das hab ich ye vñ ye begere
 das schreib in dein hertz mit gros
 sem fleiß.

¶ Temperantia.

ässigkeit müst du haben in
 m speiß vñ in tranck vñ in all
 deinem lebē / also das dein
 menschait got müg dienen / vnd

menschheit

besunder müstu begirlich sūchen
 gaislich speis in v hailigē gschrieff
 dar durch du all tugent erkennest
 magst vnd beschawen als in ainem
 spiegel.

¶ Castitas.

Ain vnd keusch soltu sein
 v dar zu dir wol diene die tu
 gent der massigkeit / also dz
 dein hertz vñ all dein sūn aller vnnū
 tzer begir gantz ledig steen Sane
 Benedict do er hee anfechtung des
 leibs do legte er sich bloß in die dort
 Desgleichen haben vil hailig mens
 schen gethon.

¶ Gratitude.

Anckerkait soltu haben
 d täglich in all deinem leben
 vnd was dir zūsteet / es sey
 glückseligkeit od widerwertigkeit
 das ist alles vō got Als sane Augu
 stin sprichet Darumb soltu es danks
 ckperlich empfangen.

¶ Justitia.

Rechrightait soltu haben
 g also das du got gebest was
 im zugehört / deiner sel vñ
 deinē nächstē was du im schuldig
 bist / deinem oberen diemütige ge
 horsam.

¶ Misericordia.

Barmherzigkeit soltu du haben
 zu allen menschen vñ in miltiglich
 mittailen zeitlichē / vnd gaislichē
 nach deinē vermügen / nach der tu
 gent wil vns got richten an dē iung
 sten tag

¶ Naturitas.

Ernsthafte soltu sein vnd daps
 fer in deinem wandel vnd nit leiche
 uertig zu reden vnd lachen. Bern
 hardus sprichet Das Cristus vnser
 exempel vñ vorbild hat offte geway
 net hie auff erd / vñ nit sine man
 geschriben das er gelacht hab.

¶ Laboriositas.

Wachper vnd geschaffnig solt
 ¶ 4

Von

soltu sein vnd zu keiner zeit mässig
als sant Hieronimus spricht.

¶ Quies.

In rüw soltu dich setzen vnd sit-
chen außwendig ding vnd kümern
nuß als der Engel sprach Arsenio
stüch / schweig vnd hab rüw Das
dient dir wol aufzunehmen vñ denn
zukomen in ain volkommens wesen.

¶ Elevationis.

Erheb dein gemüt in got / Das
ist (nach vberwindung aller auß-
wendiger kümernuß) soltu habenn
göttliche ding zu beschawen Vnd
gott deinem schöpffer allain lieb-
kossig vnd anhengig sein.

¶ Silentium.

Sweigen hab lieb / wañ es dir
woll dient zu sollicher vbung Ain
hailliger vatter genant Agathon
erüg ain stam drew iar in seinem
mund das er lernete schweigen / es
behüte dich vor vil sünden.

¶ Verax.

Warbafft vnd schlechte soltu
sein vnd das in deinem hertzen / in
worten vnd in werckē beweissen als
vnns Christus die höchst warhait
geleert hatt.

¶ Spes.

Hoffnüg soltu haben mitsampe
deiner güte / zukomen in das ewig
himmelreich / durch das mit verdie-
nen des leidenn Christi / sant Bern-
hart wardt gefürt in ain gesicht
für das gericht gottes Da wolt er
nit verzweiflen Besunder das lei-
den Christi hiele er für dem pössenn
seind / da mit er in vberwand.

¶ Timor.

Sorcht zu gott vñ zu seinem etn-
lichen gericht soltu haben so wüt
destu behüte vor vill sünden als Sa-
lomon spricht.

¶ Discretio.

Dem

Bescheidenheit in deinem wüt-
ten soltu haben als oben in dem an-
hebenden wessen berürt ist vnd all
zeit radt haben vernunfftiget vnd
bewarter menschen vnd den gefölg-
nig sein / vnd auf dich selbs nit zu
vil pawen Disse tugent nennen die
leerer ain mutter aller tugent.

¶ Perseuerancia.

Beharrung in deinem güten
leben soltu haben / die dir allain er-
wirbt das ewig leben Wann dein
güt hailligs leben onn beharrung
hilff dir nicht zu der ewigen fallt
kait Also redt Christus der herre in
dem Ewangelio / Wer harret bis
an sein end der wirt sällig.

¶ Veritas.

Wirt so vil tugent oben be-
nennt sind die dir wol dienē
zu aufnemendem wesen / so
soltu doch besund auffmerckig sein
das du habest die tugent der gehor-
sam Wan durch vngheorsam hatt
der engel verloren den himel Der
erst mensch das Paradies Saul
der künig sein reich Es spricht sant
Bernhart Ist das wir gehorsam
seind vnseren gaisstlichen vatteren
So wil got gehorsam sein vnserem
gepeert Gregorius spricht Es ist
haillsamer ainns gehorsamen mens-
schen gepeert dan zehen tausent die
nit gehorsam sind Gehorsam ist die
leiter die Jacob der Patriarch ge-
sehn hatt / die von dem ertrich auf-
raichete bis an den himel vnd dar-
an er die Engel sach ab vñ auffstei-
gen Dar bey soltu merckenn / das
ain volkommēt gehorsamkeit der
weg ist zu dem ewigen himelreich /
Christus der herz wolt ee sterben
dann vngheorsam sein gott seinem
himelischen vatter Vnd darumb
die gaisstlichen menschen in den Clō

auffnemenden

fferen die da leben ordenlich vnder
ainer bewarten regel/ werden mer
lons haben in dem himel dan ander
menschen.

E Das der mensch nie betrogen
werde durch rat der falschn prophe
ten **E**r soll alzeit besten in der forcht
gog vnnnd stien vnnuzlich fremd
vnd trost vnd geru allain sein.

ya du frunt gog bist du in
den obgeschriben tugentē
woll geuestent vnnnd dich
nun in begir deines hertzen vast se
nen oder naigen bist mit dem volck
von Israhel/ in das gesegnet land
das ist in das volkomen himelrecht
tig wessen Aber des selben volcks ka
men nie mer darin dann; wen men
schen die anderen sturben all in der
wustin/ wie wol es in allen verspro
chen was worden von got Da heb
auff dein vernunft vnnnd betrachte
mit ainem erschrocken hertzen die si
gur/ vnd hym dein selbs wol achtet
das du nicht versumpet werdest vn̄
verderbest in der wust duffer welt
von mancherlay irung wegen/ vn̄
besunder durch die falschn prophe
ten die mangen wolgeschickten men
schen zu tugeten verlaiten mit iren
betrogelichen raten vor den selbst
falschen propheten bis fleissig dich
zu behuten Als cristus vns leeret in
dem ewangelio/ hab alzeit ain auf
mercken auff dich selbs vnd behalt
dich in der forcht gottes Gib dich
nicht vnzinlich fremd zusehen od̄
zu horen Wan offte sein wir frolich
vnnnd lachen so wir pillicher wain
ten vnd klagen/ wen wir vnser bes
sorglichs ellends leben recht betra
chten Aber von leichtmütigkeit vn̄
sers hertzen/ erkennen wir nie die
franchheit vnnnd prechen vnser sell
Wie sellig der mensch ist der von

menschen

im legen mag alle irung vnd hyn
dennus seiner andacht Sellig ist d̄
der sein gewissen rain vn̄ vnuermai
lige behalt in diser irung. Jeroni
mus spricht Als oft ich gewesen bin
bey andern menschen so bin ich nie
ganzger wider haym komen Dar
umb mach dich fremd den menschen
so wil zu dir nahen got mit seinen
hailigen engelen **E**s ist hailamer
sein von den menschen vnnnd dich
selbs wolbewarn/ dan ob du grosse
wunderwerck tatest vn̄ dein sel ver
somrest **E**s ist dir vast nutz in dein
nem auffnemenden wesen wenig bey
den menschen wonen/ nit gesehen
werden von den menschen/ vn̄ auch
nit die menschen sechen Was wile
du sechen das dir nit zimpt zusehen
sant Johannes spricht/ die welt zer
gat mit irer zier/ vnd ob du nit hast
gunst vnnnd fruntschafft der men
schenn/ das laß dich nit betruben
Wan also sprach Cristus zu seinē
iungeren Ob ewch die welt hasset
das laßt euch nit betruben Wan sy
hate mich och gehasset Aber das
sol dich betruben wenn du dich nit
halten bist nach dem willen gog vn̄
nach hail deiner sell **E**s ist dir vill
nutzer du habest kainen zeitlichen
trost hie auf erd/ wann zeitlich tro
tung beroubt dich des götlichen
trosts Darumb sprach Cristus im
ewangelio Wee ewch reich die da
hie habenn ewer trostung Du sole
dich vnwirdig schätzen aller gena
den vnd wirdig vil trübsal/ Wenn
du nun ganz bist volkomen in dein
nem auffnemenden wesen So wirt
dir bitter vnd swar alle disse welt.

E Will der auffnemend mensch ko
men in ain volkomen wessen/ so sol
er vor allen dingen für sich nemens
E ij

Non

Das würcken Christi iesu mit allen
seinem wandel vnd gepard.

Ach lieber mensch/wiltu
noch mer vnderweissung
annemen/seyd dir die Sun
der gerechtikait erwo vil erschienen
ist dar durch du vast begeren bist/
fürbas zukomen in aufnemē der tu
gent Nun sind dir vil tugent oben
benent/die du villiche in vbung der
werck nit al gehalten magst Als du
gern woltest vñ dir notürftig war
zu dem volkomen wesen dar zu sich
die begir deines hertzen seuen ist od
naigen. Als der durstig hirsch zu
dem brunnen des wassers/so merck
die wort christi/da er spricht in dem
ewangeli Wiltu volkomen werden
so gee hin vnd verkauf alles das du
besitzen bist vñ gib das armen men
schñ/vñ kom den vñ volg mir nach
Er spricht och an ainer andern stat
Nur all ain der mēsch verzeich sich
alles das er hat /sunst mag er nit
werden mein iunger Origenes spri
che vber disse wort Der mensch ist
darumb nit zūhand volkomen/der
sich also verzeicht aller ding nach
der leer christi besunder er wirt bas
geschickte zu erlangē tugent die in
weisent zu dem volkomē wesen. sol
lich tugent soltu sūchen in dem leben
der hailigen Als sant Ambrosius
vermanet da er spricht Das leben d
hailigū ist alles ain regel vnd eben
bild der menschen Aber zu vordriß
nach meinem radt soltu für dich ne
men den aller durchleuchtigestenn
spiegel aller tugent vñnd hailikait
das volkomen ebenbild /das leben
Iesu Christi/der darumb von hy
mel komet ist /das er vns war ain
vorgang in dem leben der tugent
vnd gutten hailigen siten/in weiß

dem

vnd gebat/zū gleicher weiß als er
vns beschaffen hatt nach seiner bil
dung also mit nachvolgen seynem
hailig/leben Seid nu wir mit sūn
den sein gebildung in vns vermac
felt habē So sollen wir als vil vns
möglich ist im widerumb gleich
machen Wann als vil ain mensch
hie auff erd in tugent sich gleicher
macht Christo So vill wirt er im
nachner vnd gleicher in der schö
nen clarhait Eya du frunt gotts
schreib in dein hertz das leben vnd
gepard Iesu christi wie gar diemū
tlich er sich gen den menschen ge
halten hatt Wie lieplich vñnd wie
freuntlichen gen seinen Jungeren
Wie mässig er gewessenn ist in essen
vñnd in trincken Wie gar barm
herzig gen den armen /den er sich
gleich hat gemacht vñnd zu geselt
Vñnd niemant versmecht Wie er
nit gelebt hatt zu wolgeuallen den
reichen vñnd den mechtigen Er ist
nit sorguelic noch angstlich gewe
sen vmb das zeitlich gūt D wie sch
amig ist er gewesen mit seinem gōr
lichen gesichte Gedulic in versch
mechung vnd in aller widerwert
kait/ Senftmütig in seiner ane
wurt D wie gar züchtig vñnd wol
gesitt/in allem seinem wandel/wie
fleissig vmb vnser seel hail D
umb er gestorben ist Mitleidig den
betrübten Wie gütlich er die sūn
der hatt auffgenommen/ Wie gehor
sam er gewesen ist Vñnd wie er nie
mant hatt ergerung geben / vñnd
noch vil mer söllicher exempel soltu
bedencken vñnd das alles schreiben
in dein hertz Vñnd in allen deines
wortten vñnd wercken ain auff se
hen vñ zūflucht habē zu seinē hail
ligen lebē So würdestu volkomer
licher auffnemen in allen tugenten

auffnemenden

Es sol auch sein dein höchste weisheit vn̄ kunst alzeit gedenccken das leben Cristti v̄nnd dich dem gleich machen v̄nnd nachuolgen nach deinem vermügen v̄nnd als vil dir genad von got verlihen wirt.

Das der auffnemend mensch müß manlich streitenn wider drey veindt wider die welt / wider dē teufel v̄nnd besunder wider seinen eigē leib / v̄nnd das man vil tugent v̄nnd in dem leiden Cristti.

Il widerstreits müßtu haben von der welt von deinem eignen leib v̄nnd von dem p̄ssen veindt / wiltu volkome lich tugent begreiffen Des habenn wir ain figur an dem hailigen Dauid der het dreyerlay sind Der erst was Saul der künig. Der ander das waren die philistey. Das dritte was Absolon sein aigner sun V̄nnder den allenn / belaidiget in kainer als ser / als sein lieber sun Absolon Dabey ist zu merken das erlich menschn̄ vestiglich wider steen der welt dem p̄ssen v̄nndt Aber durch irn eigen leychnam den vnns Absolon bedewt / werden sy ser belaidigt v̄nnd oft gänglich v̄berwundenn Darumb du frunt gotes Wilt du ganz ansigen v̄nnd v̄berwinden dein feind So heb an zürödden v̄nnd nider zu trucken dein leiplich begir v̄nnd nigung deiner natur Dar zu dir wol diene ist das lebē Cristti der sein clare raine menscheit also hertiglich gepeinigt hatt / die im doch in kainerlay weis̄ widerstünd das vnns allain ain leer ist v̄nnd ain spiegel Als sant Gregorius sage da er spricht / alle würckung Cristti des hern̄ ist vns ain v̄nderweisung Nun heb auf dein vernunfft v̄nnd dich darinn was dir aller bass dien m̄g in dei

menschen

nem auffnemenden wesen der tugēte Wiltu haben ware rechte lieb / die v̄nndestu in dem / das in nichts v̄nnd himel gezogen hat v̄nnd gepracht in dis ellend diser welt v̄nnd bis an das Creütz dan ewige lieb die er zu vns hat gehabt Wilt du haben willige armut die v̄nndestu in allem seinem leben von dem tag seiner gepurde bis an das Crüz das er nit het stat daran er sein hailig haupt genaigt möchte habē Wiltu habē diemütigkeit v̄nnd güctikeit so merk seine wort da er sprach Lerne v̄o mir wan ich bin güctig v̄nnd diemütig im herzen Wiltu habē gehorsam so merk wie sant Pauls spricht v̄o im Er ist gehorsam wordē durch vnsern willer bis an das crüz / wiltu habē barmherzikeit so merk wie barmherzig v̄nnd güctig er gewessen ist dem schacher an dem crüz v̄nnd manigem grossen sünd Wiltu habē lieb zu deinem veinden Er hatt gepeeten für sein feind die schuldig waren an seinem tod / lieb hat er auch erzaigt seinen freündē do er seinen ungeren gab zu niessen seinen haylligen waren fronleichnam Wiltu haben raineikeit So sich an sein raine gepurde v̄nnd die keuschen rainen iunckfraw Mariam Gerechikeit v̄nndstu bey dem do er sprach zu sant Johannes dem tauffer vns zimpt das wir v̄bringē alle gerechtikeit Die tugender sterck / da bey das er also m̄lich gestritten hatt v̄nnd volbracht ain gestrengs werck in seinem leiden Gedultikeit v̄nndestu Wann do er sein veind all in ainem augenblick möcht vertilgt habenn / den gab er sich williglich in ir hend / in zu handeln nach allen irn willen bis an das Creütz Wiltu habenn die tugender weisheit So merk wie

gar weislichen er den fürsten der in den vnd Pilato allzeit mit kürzen wortten geantwurt hat. **E**ya du gespons Christi Seid er ist die ewige weisheit seins himlischen vatters So ist vnzimlich all sein tugent zü begreiffen wañ alles das das gürtig / süß / hailig / tugenthafft / gnadenreich vnd wunsam ist / das vint man alles vber flüssiglich in jm / vñ darumb so sich dich für gar eben / das du nit sümig seist / wañ täglich magstu in woll vinden Ist das du in süchñ bist mit gangen dein herten / vnd ist nit noturft das du in süchest in verren landen oder in hohen schüllen Besunder in deinem schlafftamerlin / lastu aber die zeit der genaden an dir vnnützlich hin geen In der du yn vinden möchtest So kompt die zeit in der du yn nit findñ magst / wañ er spüht im ewä gelio / wacht vñ beet alzeit / wañ ir nit enwyft den tag noch die stund des todes / darinn man den herren hart vinden mag Sunder die menchen die mit gesundem leib seümig seind züsüchñ den herin vñ das hail irer sel / Die sind vast vnsicher vnd größlich züerbarmen.

Von andächtiger betrachtung des leides Christi das dem menschn vast hailfam ist vñ nutz ob allen anderen tugentlichen wercken

Eid wir so vil tugent vñ genaden vinden in dem werten vnd leben Jesu christi als oben berürt ist Vñnd besunder in seinem vnschuldigen leiden / des betrachtung dem menschen ob allen werckenn vñnd tugentlicher vbung gar hailfamlich dienen ist zü auffnemem Wann alle tugente

erfreiglich darinn begriffen werden Als das inn haltent all leerer der geschüfte vñnd als ain ietlichs andechtigs hertz in hoher betrachtung in jm selb woll enpfundñ mag Darumb du gespons Christi du andechtige seel / ist dir vast noturft / Wiltu vor d milten gütikeit gotes wol geschickte werdñ in allen tugenten So ermünder dich Heb auf die inwendigñ augen deiner vernunft vñnd deiner sell kreft nym woll gewar / plick an Jesum christum deinen gemachel hangen idamerlich an dem Creüz / in grosen pittern schmerzen vnd leiden / mit außgespannten armē / mit genaigete haupt / mit wainenden augen / mit außgeronē herten / mit angstlicher vnd trauriger gepard / sein schöner zarter leib aller zerrissen Ain wollgeneligs opfer got seinem himlischñ vater vmb aller welt sünde **E**ya vernym wer er sey / vnd bedenck durch wes willen er gestorben sey **E**s ist das vnschuldig lemlin dz aller welt sünd auff jm getragen hat Vñnd du arme Creatur ain vrsach gewesen bist seines sterbens / Vñnd gedenc wo das hin treff Wañ in geschüfte es dir niemant mag zewissen tün dan d allain den du vorhanden hast in deiner betrachtung **M**erck wie er ist gekrönt mit einer doornen kron / gespeist vñn getrenkt in angst des todes mit essich vñ gallē gemisch **A**ch edle creatur du auferwelte gespons cristli gib nit rñ deinē leben / bis fleißig in deiner betrachtung vnd sich in an in hoher andacht / vñnd wart genaden von jm / wart wenn er naigenn wöll sein haylige haupt vñnd birt von jm andacht das er sich gnedigklich zü dir wöll naigen.

auffnemenden

Werck fürbas gütte exempel/
was fröd gebracht hab die beywe-
sung christi.

Wie salig ist die seel/vnnd
o aller genaden voll/die ain
habitackell vnnd ain tem-
pel ist wordn irs schöpffers O was
hymlicher freud vnnd süßkait sy
begreiffenn mag / die furwar nye
manndt beschreiben mag / Vnd in
den wurdestu sant Martha zü ge-
leiche / da bey der herr Jesus Chris-
tus hie auf erd oft sein wonig het
Sant peter wardt so wunsam vnd
frölich auf dem perg Tabor ab der
clarhait Christi / das er begert ewy-
glich da selbst zü beleiben Maria
die mütter gottes ain schreyen aller
tugent die Jesum christum in irem
leib getragen hat / der offentlich be-
rüst ward vn gelobt von ainer per-
son (die da was ain dienerin sant/
Marthen genant marilla) vnder
der menig des volcks Als Lucas
schreibt die da sprach zü dem herrn
Salig ist der leib der dich getragē
hat O du andechtige seel betrachte
wie Martha den herren leiplich
(vnd die weil er noch tödlich was)
beherbergt hat Des gleichen Ma-
ria sein haillige gepererin in irem
rainē leib Aber du nit tötlich noch
leiplich Besunder gaislich wirstu
genant die arch die beschlossn hat
das himel brot / das da ain figur ge-
wessen ist des hailligenn fronlei-
ch-
nams Jesu christi.

Werck noch mer fürbas.

menschen

Du gespons Christi / ist die
o der herr in betrachtung
seines bitteren leidens zü-
sterben zunonzeit So sich auf / wann
die sunn hatt sich nun genaiget zü
vesper zeit / Das ist Christus der
naiget zü dir sein haillig haupt vn
will züflucht vnnd wonug bey dir
haben Tu im auf dein hertz Wann
sein hertz steert dir all zeit offen Er
will dich in seinem görliehen hertz
gern rüwen lassenn / vnnd dich der
haimlichen wollust vnnd süßigkeit
darinn enpfinden / das du im auch
in deinem hertzen vnnd in deiner sel-
woning verleihest Dar bey er sein
groß freud vnnd wollust haben ist /
als er selber redt durch Salomon
O du sallige seel / wer mag vns auß
gespräch dein sallikait / dein sicher-
hait / dein frolocken / vñ liebkossen
mit deinem liebē gespons Jesu cri-
sto Ach warumb sein wir also erag
in vnnserm leben / vnnser seel zübes-
raiten zü irem schöpffer / Was hie
meer züschreiben war / das enpfis-
ch ich die auffnemenden menschen
zübetrachten / Doch seid wir nun
durch tugent allain woll geschickte
mügen werden / so vint man sy nis-
endere als volkomenlich als in dem
leiden Christi / sant Bernharte sprit-
cht In rechter warhait bin ich vn-
derweist Das nichts in aller welte
haillsamers ist gnad zü erwerbenn
vnnd tugent zü findenn als in dem
leiden Christi Fürbas redt er vnnd
spricht Als lang ich leb in diser zeit
So will ich ingedechtig sein / der
mü vnnd arbeit Die Christus ge-
habt hatt / In predigen / in vassen /
in anfechtung / In hunger / in dur-
ste In wachen In spott / in elend
vnd in allem sein leben bis an das
ereüz Du gespons jesu cristi vbes

das empfillich ich dir zu betrachten das da nit benannt ist/ Wiltu vast wol geschickt werden so sich in den vnerschöpflichen aller genadenn/ der ainem yglichen gibt nach dem vnd ain yeglicher geschickt ist vnd ob du täglich dich darinn beschaw west vnnnd yn fleissigklich suchest/ So würdest du geen von ainer ruzgent in die anderñ/ als lang bist du den herren vn gespons der rochter von Syon sechen würdest/ nit alain in beschawen seiner werck hie auff erd Besunder auch sein haillige gothait wirt dir in sunder haimlichait bekant/ vnd darnach in ewigkeit von anplick zu anplick in hohen freüden zubeschawen Vnd von sollicher haimlicher vngewönlicher süßkait spricht sant Bernhartt Wer sy empfunden hat/ der mag sy nit auß sprechen Der ir nit empfunden hat mag das nit glauben.

Nun merck wie Jesus am crütz vnns bezeichnet ist in der alten Le durch die schlangñ moysi in d wüß.

S ist so lieptlich vn so wunsam der andechtigñ sell zu hören oder zelessen vñ dem gnadenreichen würcken des leidens Christi das ich noch mer deiner begir dauon schreiben wil Ach milte barmhertzikait Ach süße gütekait die vns erschinen ist von himel auß ewiger lieb die das alles gewirckt hat das du dich her: Jesu chrisste geben hast an das crütz daran du hail sam bist machñ alle krankait der sel Darin du wol geleich bist der irdischñ schlangñ Moysi dauo Johānes sagt in seinem ewangelio/ vnd spricht als Moyses erhöcht hat die schlangñ in der wüß Also müß erhöcht werden das menschenn kind **E**ya du besunnder fründe gottes

merck wie sant Augustin vber disse wort redt vn spricht also Die mensschñ die da belaidiget würdn in der wüß von den vergiftigen schlangē Als bald sy anplickten die schlangē Moysi/ do würdn sy gehailt. Fürbas redt er vnd fragt /wer sind die vergiftigen schlangñ anders dann die sünde die den menschen tödelich vergiften ist/ vnd in niches anders hailen mag dan die schlang an dem crütz/ das ist cristus iesus Fürbas redt sant Augustin O liebñ brüder seid die figur so grosen nutz hat praecht dem menschn zu seinen zeltē/ vil mer mag vnns nutz pringen die bedeutung der selbign figur Vñ dar vmb spricht er fürbas wiltu entweichen dem ewigñ tod/ wiltu die welt verschmechen/ vn vberwinden deinen aigen leib mit seiner bössen begir Wiltu von den vergiften schlangē/ das ist vor dein feinden gesichtert sein vn von den wunden der sünd gehailt werden so sich an Christum iesum vnsern herren hangñ an dem creütz Wann also rede sant Bernhartt/ ich vind nichtz so bewarnt vn fruchtperz zühailen die wunden der sel vn zuleitern die vernunft als die wunden Jesu chrissti mit gedächtnuß seines todes. Es spricht auch sant Augustin. O du andechtiger mensch sich an die fließenden wunden/ des der durch deinen willen gehangen ist an dem Crütz mit seiner angstlichen vnd lieblichen gepard Sein haupt hatt er genaigt dir zu geben den küß/ sein hertz auffgeran dich lieb zühaben/ sein arm auß gestreckt dich freüntlich zu vnuaben vnnnd allen seinen leib hatt er geopfert dich zülösen. Ach du süße liebhaberin Christi Wie hoch das alles zu schezen sey/ soltu mit kreften

auffnemenden

deiner seel emsiglich warnemē vñ
 als sant augustin spriche) In dein
 hertz soltu es grunelich setzen vñnd
 als der herr Christus ganz an dem
 creutz durch deinen willen gestorbē
 ist also sol er ganz beschloffen sein
 in deinē andächtign hertzē Durch
 besunder erkantnuß / durch brinnē
 de lieb / durch danckberkait vñnd
 durch hertzlichs mitleiden So ma-
 gstu den aber bas geschickte werde
 zu affnemen in tugenten / vñnd wif
 für war ye mer du dich vnserem lie-
 ben herren Jesu christo in tugentli-
 chem leben hie auferd gleich ma-
 chest So vil mer wirdistu im geles-
 cher vñnd gar vil nacher in den ewi-
 gen freuden.

Da merck von dem myrren bu-
 schellin der liebhabenden sell / das
 gemacht ist auß dem leiden Ihesu
 christi.

Sallige Martha du lieb-
 haberin Christi / wie groß
 ist dein lon in ewikait / seid
 du vns bezeichnen bist den auffnes-
 menden menschn in tugent So hilf
 allen den in das auffnemend wesen
 die mit begir irs hertzen sich Sen-
 nen oder schicken darein zukoments
 Nun du gespons Christi du ande-
 chtige seel / hastu alles / das bis her
 geschribenn ist / in dein gemut woll
 gefestnet / besunder etwas genomē
 auß dem leiden vñnd würcken Chri-
 sti / dar durch in aufnehmen der tu-
 gent dein leben etwas erneüwert ist
 das den das fürwar an dir wachß /
 vñnd das würcken vñnd leiden Chri-
 sti (darin vnser hail vñnd trost lige
 vñnd da man alle tugent finden ist) er
 was mercklichs tugenthafter werck
 in deiner sell scheinen werden so rñ

menschen

nach dem rade sant Augustins zu
 gleicherweiß als die liebhabnt sell
 dauonn geschribenn steet im buch
 der lieb Da sprach sy / Mein liebs-
 haber ist mir als ain büschel von
 myrren das ich stättlich trag zwē
 schen meinū brüsten / das ist in dem
 hertzen Also du auffnemender mens-
 sch mach dir ain myrren büschelin
 auß der bitterkait des leidens Chri-
 sti / vñnd heb an zusamen klaubern
 kurglich die mercklichn stuck Das
 ist zu dem ersten seinen einganck in
 disse welt Wan zūhand als er men-
 sch geboren ward hat er empfunden
 schmerzen / trübsall / ellend / vñnd
 armüt Als du selb wol in andacht
 begreifen magst Wie sein wessen
 in seiner iugent gestalt ist gewesen
 bis das er komen ist zu den dreissig
 Jaren / das betrachte wol So mag-
 stu in vill tugenten mit seiner hilf
 wol aufnehmen. Zum ander mal
 so klaub zu samen seinen hailligen
 wandel In Worten vñ werckē Lya
 lieber mensch wa ist ye erhört wor-
 den von ainem menschn hie auff
 erd / der in sollicher armüt vñnd Kes-
 stigung seines leibs / in hunger /
 durst / hitz vñnd frost / vñnd vnruhe
 gelebt hab als Christus iesus Wer
 ist ye so fleißig gewesen zu sūchen
 das hail der menschen in Stetten /
 auff dem land / auff dem wasser mit
 predigen / vñnd in vil wunderwerckē
 en in mangerlay schmahung vñnd
 gespöte / von den iuden geduldtlich
 gelitten hat Die im von seiner götz-
 lichen werck wegen zusprachen Er
 war behefft mit dem teüffel Beelze-
 bub vñnd er war ain verführer des
 volcks Vñnd vill ander grosser sch-
 mach vñnd werck. Zu dem drittem
 mall Das das myrren püschelin
 ganz werd / so tracht mit besunde

Von

dem fleiß seinen außgancß von der welt Vnnd hab zühänd nach seinem hailigen abent essen zü gedencen die bitterlichen angst vñ forcht Do er redt zü seinen iungeren / mein sel ist betrübe bis in den tod Da er heb dein gemüt du auffnemender mensch Vñ sich an deine heren mit ganzem mitleidigü herzen / als ob du in mit liplichü augen vor dir sehest an dem ölberg ligen auff seine angeicht in angst vnd betrübnuß Davon sein hailige menscheit mit plüt vber gossen was Vñ darnach das / das myrren püschellin noch paß gemert werd So gee andechtigell zü beschawen sein ellende fane knuß Spor / smach vnd vbel handlung Sein groß leiden in der gaislung / in der krönüg vor den vier richen Vñ wie er hin vnd her iemelich gepunden gefüre ward Jre die vnschuldigen vrcail Vnd den elenden gang zü dem tod O du frünne gots bestee da in andacht / vñ volg nach dem herren mit Maria vñnd sant Johannes / hilff im tragē sein schwarß kreuz Merck wie er an dz kreuz genagelt ond gehefft ward Stee zü maria vñ hör die süsse wort cristi Gedencē sein ellendē durst vñ wie er mit essich vnd gallen gedrecket ward Sein elendes sterbenn in grossen leidn vñ pitteren wee Dar durch nit allain der menschen herzen pillich beweget werden Besunder auch Süß vnd mon vnd ander creatur sich darab bewegen Das myrren püschellin Du edlle gespons cristi solcu fleisslich habn in deine herzen vnd wie es an im selb bitter ist so prünge es dir doch vill süßkait vñnd ist dir vast hillich zü auffnemen in andacht / in diemütkait / in gedulckait / in dantberkait

Dem

in allen tugettē Dar durch du fürbas komen magst in das vollkomen wesen zü Maria magdalena die ir den besten taill erwelt hat.

Chailsame leer die ain mēsch der wachsen wil in auffnemen täglichn betrachten soll.

In mensch der lang zeite
a in gewonhait der sünd gelebt hat / der mag nit bald on arbeit in ain auffnemends wesen kumen der tuget Vnd darumb du frünne gots So merck etliche gute stücklen die dir wol dienen mügn zü aufnemē ob du dir selbs wilt och hilfflich sein Es legen vns für die hayligen lerer Siben stuck die ain frumer cristen mensch der fürbas in andacht vnd gutten wercken zü got nachen wil täglich betrachten sol. **D**as erst das er bedencē sein sünd mit rew seines herzen vnd sol etlicher seiner grossen vergangen sünd zwaintig oder dreissig in besunderhait ingedechtig sein / vñnd wen er da mit belaidige hab / was er damit verlorren hab vñnd wie grossen schaden er im selbs da mit zü gezogen hab Also wirt er dester ee bewegt zü reu vñ laid / doch sol er nit zelang in diser betrachtung besteen daw im der böß teüfel nit lufft oder verzweiflung an der barmherzikait gots eintrag Das ander das der mensch täglich bedencē alle gütrat die er an seel vñ an leib von got empfangenn hat Besunder das im got zü cristenlichem glauben gefordert vñnd in ain sollichs wesen gesetzt hat darin er sein sünd gebüßen mag / vñ von vil sünden mag ledig steen vnd ander vil gütrat leichelich erwerben mag so ergot seiner gaben vnd gnaden danckber ist Das drit / er bedencē in sunder andacht

auffnemenden

die freud aller engel vñ auß der welt
 Und sol das als lang sein / bis sein
 begir in solchem freuden anzünde
 werd vnd sich darnach hertzlich
 naigen sey. Das vierde / das er im
 täglich fürnem mit der hilff gottes
 sich zehütten vor sünden vñ aufzū-
 nemen in tugeten vnd in götlichem
 leben / vnd differ fürsatz sol sich täg-
 lich vernewen bis an sein end. Das
 fünfte das er im für sein augen setz
 zu ainem bild ainē frumen mensch
 en vnd tugenthaftigū nach des sel-
 bigen leben er sich regier / als dann
 oben an dem anfang von dem auff-
 nemenden menschem begriffen ist
 Das sechste / das er täglich vor au-
 gen hab die zeit des tods / vñnd nie
 waiße weñ oder wie / auch das einst-
 lich streng gericht gotz an dem iun-
 gsten tag Auch sol er täglich betra-
 chtē die ewigū pein der verdampē
 die kein hilf noch barmhertigkeit /
 vñ got erlangū mügē Das sibente /
 das er täglich mit seinem fleiß be-
 trachten sol das würcken vnd leidē
 Jesu chisti Davon obñ ain wenig
 geschriben ist Du frünt gotz bistu
 darin erzaigū dein fleiß / so wiß für
 war als vil du auflegū bist auf die
 wag / als vil wil got herwider vmb
 auflegen zūwider gelten Als sant
 Augustin redt / vñ des gleichē der
 herr in seinem Ewangelio Das lu-
 cas schreibē. Gleich mit der maß
 ir auß leicht oder messe mit der sel-
 ben maß wirt eüch widergoltē.

Das der mensch in frid sey will
 er aufnehmen in tugeten / vñnd got
 billich dienen soll.

Du aufnemender mensch
 o Merck noch fürbas ain ge-
 maine leer / dar durch mit
 götlicher hilf wol geschickt werden
 magst / in deinem aufnemenden we-

menschē

sen Vor allen dingū setz dich in frid
 gen got vnd allen menschen Vñnd
 gedencē täglich wem du dich geben
 hast in deinem stand (das ist / got al-
 lain) zūdieneñ Vñ all zeitliche ding
 lassen die dich daran irren müger
 Vñnd seid du got zūlob vnd deiner
 sell zū hayll dich gebenn hast in sol-
 lichen wesen so soltu durch niemans
 wegn ab steen So will got dein
 ewiger loh sein Dem soltu trewlich
 dienen / wan so alle creatur im fleiß
 siglich dienen ist / nach ir ordnung
 Will mer ist billich das der mensch
 der vil gab vnd güttat von got hat
 den got der herr beschaffen hat nie
 als ander Creatur Besund er hate
 in höher gezierde mit gedachtnuß
 mit verstantnuß / vñnd mit freie wil-
 len geadele Er hat in gemache ain
 herren aller geschöpfe Er hatt in
 gebildet nach seiner bildung vñ ge-
 leichnuß Er hat des menschen nar-
 tur vñ geleichnuß an sich genomet
 vñ vil gelitten bis in den tod vmb
 des menschn hail Die seinem Cos-
 peren blüt uer giessen vñnd bitteren
 tod hat er den menschem erlediget
 von dem ewigen tod Den hailigen
 gaisst hat er im gesant Sein haili-
 gen fronlichnam im gebñ zū ainē
 speyß Er hat im auch bereit zū ge-
 ben das ewig lebenn O fründ gotz
 wie gar vil wir im schuldig seind
 zūdieneñ / für ander creatur vñ yn-
 lieb zūhabñ vber alle ding / der vns
 allso ob allen creaturen liebhart /
 Vñnd darum lieber mensch / seid dir
 nit eigenlich erkennen magst was
 got von dir habñ wil So empfilch
 dich gantz in die gehorsam deines
 gaisstlichen vatters der da ain rech-
 ter liebhaber ist der menschem sell
 dem selbigū soltu an gores stat in al-
 len dingū geuölnig sein dich selbs

In allen dingn durch die lieb Cristi verlassen ganz / vn̄ also in allen deinen werckē deinen eigen willen von dir legn Bistu dan̄ disser leer ingedechtig vn̄ dein leb̄n darnach regieren So wirst du in kurzer zeit wol geschickt zu dē wesen der vollkommen menschn vn̄ kumbst zu Maria Magdalena in das ewig leben.

¶ Vil gütter leer die ainem auffnemenden menschn nottürlich seind

Inem auffnemenden menschn ist ain grosse nottürlich wil er bestendig beleibē vn̄ nicht hinder sich geen das er noch mer vnderweisung hab dan̄ geschriben ist bis her / dar durch du geduldere vn̄ bestat magst werden in deinem hailtsamen wesen ¶ Zum erstn soltu clarlich vn̄ gantzlich erkennen all dein gebrechē vn̄ vntugent So wirstu billich demütig / geduldig vnd mitleidig deinem nächsten ¶ Es spricht sant Jeronimus. Sich selb wol erkennen / ist dem menschn nützer dann ob er erkantnuß her der himlischen / irdischen vnd hellischen wesen Söllich erkantnuß hat begert Sant Bernhart do er sprach. Ich beger vō got nit mer weißheit oder kunst zu wissen dan̄ mich selb wol erkennen / Wie gar ain hohe kunst / sich selb erkennet Von im selb wenig halten vn̄ von andern menschn allzeit wol reden vn̄ gedencken. ¶ Zu dem andern / soltu haben prinnenden zorn wider all dein böß naigung / gedenck / wort vn̄ werck vn̄ grossen haß gen alle sünden / vn̄ das würckē in dir götliche lieb die nit wonung hat mit den sünden / Zum dritten soltu haben stete forche vn̄ trauern v̄m all dein vergangn̄ sünde Seid dir nit wissenlich ist ob

du ain genüḡn getan hast mit pein der büß / das diennet dir zu rechter götlicher forche / die außschreibet all sünd als Salomon spricht ¶ Es spricht auch Isidorus Ain wasser diener gotz soll also sein sünd ingedechtig sein das er sy alzeit got mit wainen elagn̄ müg. Zum vierten soltu allzeit in schreckē vn̄ sorg sein / das du nit wider fallest in sünd ¶ In das behele dich in der lieb v̄nd freunterschafft gotz vn̄ diene wol in auffnemenden in tugenden. Zum fünfften / soltu dich selb halten in sollicher zucht / das dein v̄wendig sünd nit mit aller würckung des leibs ganz vndertanig seyen dem gaist / das ist der vernunft / zu dienen allain got dē her̄n. Zum sechsten soltu meiden all menschen vn̄ all Creatur die dir vrsach sein mügen zu sünden. Also hönd getan vorzeiten die außserwelten fründ cristi vn̄ sind ganz ledig gestandn̄ Darumb hat sy got reich gemacht in tugendn̄ / dar durch sy kōmen seind zu dem stand der volkōmenheit. Zum sibenden mal / soltu habn̄ ain süsse gedachnus aller gütthät / die du von got empfangn̄ hast vnd noch taglich empfahen bist / in danckperkait deines herzen Das er wirbe dir noch mer gütz von got Als sant Gregorius spricht. Zum achten / solt du auf dir tragen stete gedechtnus des creuz Christi / das hat vier ort. Das erst bedewet tödtung d̄ sünd Das ander bedewet verzeihung aller zeitlicher tröst Das drit bedewet abschaydn̄g der begird zu leiplichn̄ frödn̄ / fründn̄ vn̄ allen menschn Das viert bedewet / das du dich selb verשמāhen vnd gantz vernichten solt Bistu fleissig in disser leer dich zu halten nach dem vernüḡn / so wirt dir gegeben gnad vn̄

auffnemenden

menschheit

merung der tugent
Maria vñ alle hailligen habenn
 besunder wolgeuallē an den mens-
 schen/in den got wouung har.

Ch wie süß vñ wonsam ist
 a den andechtigē hertzen/die
 sich vben in sollichē hailsa-
 mē vnder weisungen als bis her ge-
 schriben ist / vnd wie scheinperlich
 das alles dient zu auffnemē / in gro-
 sser andacht / vñ tugenden / das du
 freunt gottes alles solt danckper-
 lich nemen von got als ob dirs ain
 Engel von himel het verkündt für
 besunder gab / seid vil menschen zu
 deinen zeiten gestorbn̄ sind vñ noch
 etliche leben / die sollich ermanung
 nie gehört noch geschē haben Vnd
 hab ain rings gemüt dar zu / vñnd
 ain ganz getrawē seid du mit hilf
 seiner gotlichen genadenn komenn
 bist in das haillig löblich götlich
 wessen / der auffnemenden menschn̄
 vñ stee nit stil / arbait fürbas in tu-
 getten vñnd in vbung andechtiger
 werck / dar durch du noch höher
 kōmen magst vñnd mer genad von
 got erlangen das geschichte on zweifel
 Wenn du dir also gētzlich bist
 abgestorben von allen zeitlichē din-
 gen vnd dich in rü gesetzt hast / vñ
 darumb so zimpt dir nit vil zesein
 bey anderen menschn̄ / vñ hören ire
 wort vnd sechen zeitlich werck Bes-
 sunder dein hertz sol nit rü habenn
 bis das es ersat werd seiner begird
 Als dan̄ sant Augustin spricht dau
 geschichte weñ du komst zu got Ach
 wie gar in grossen freudenn die sell
 ist die ir freud hact mit irem ge-
 spons Jesu christo in zu beschawen
 Mit im in hoher liebkosung seinn
 O du hochwirdige sell des auffne-
 menden menschn̄ / wie gar lieb dich
 haben wirt Maria die mütter gotz

So sy erkent das ir sun in dir bestos-
 sen ist Sy mag dich nit verschme-
 chen / noch ire augen vonn dir wēn-
 den wie wol du ain sūnder gewesen
 bist Wen sy sichte iren liebē sun nic
 allain ain stunn̄ im tag besunder
 stätiglich wonen in deinem andech-
 tigen hertzen / durch gedachnus sei-
 nes vnschuldigen leidens / vñ sichte
 in süßiglich in dir rüen durch enp-
 fahen seins hailigē leichnams denn
 du enpfahē solt nach dem rat sant
 Augustins zūm mynsten all Sun-
 tag Des gleichē al hailigen in dem
 himel haben ain ganz wolgeuallē
 in sollichen raynen menschn̄ in dem
 got also hailiglich rüwet O lieber
 mensch sehet nit clain weñ got als
 so mit dir verainigt ist den die hai-
 ligen Engel Als sant peter spricht
 alzeit begeren zu sehawen / vnd be-
 rait dich in also zu enpfahē Als dir
 besunder gnad / frucht vnd tugent
 von im begern bist Vñ also wirstu
 vast gefürdert vnd geschickt auff
 zunemen in tugenden vnd zūnabern
 dem volkōmen wesen darnach sich
 dein hertz vñ sel naigen ist

Ain kurze andächtige schickung
 zūempfahen das hailig sacrament
 Vñ das du in geschrift ha-
 n best ain kurze ermanung / so
 du geen wilt zu dē hochwir-
 digen sacrament vnd du geschickt
 bist als du bissher ghört hast / so fall
 nider mit dein̄ gemüt für got vnd
 sprich in deiner andacht. O du vn-
 erschöpflichs güte O du freudentref-
 cher trost aller begirigen hertzen /
 Mein got vñ herr Jesu christe Ich
 kum zū deinem küniglichē tisch zu
 enpfahē meiner sel speiß Ach lieber
 herr wo ist mein hochzeitlichs kaid
 ich besorg ich sey nit wol beklagt /
 Vñ fürcht ich werd außgeworffen

Von

In die außern vinsternuß Ach vaterliche lieb was soll ich thun **E**mpfach ich dich nit So wee mir **E**mpfach ich dich aber vngeschickt vñ on besserung meins lebens / so meer ich mein sünd **O** lieber herr bisher hab ich dich oft empfangen **A**ber laider wa ist mein gaisstlichs auffnemen. **H**ungrig gee ich zu dir vñnd onn frucht gee ich wider herdan **O** mein gürtiger herr vñnd getrewer vatter / ich erkenn das ich offte bin irr gangen **H**ilf mir so wil ich fürbas behütē mein hertz / mein gemüt / mein mund vñnd allen meinen wandel / darmit ich dich nimmer von mir treybe / vñnd mit sollichem willen vñnd fürsatz kum ich zu dir herwt **S**eide du das von mir haben wilde / da du gesprochen hast **N**ur allain jr niesser den leichnam des menschlichen Kindes vñnd trincket sein blüt so habe jr kain lebē in euch **E**ya mein allerliebster herre. **I**ch gerraw deiner milten gürtkait **D**u wöllst dich über mich erbarmē seid du mir gnad geben hast dich zu anruffen mit rewigem hertzen / vñnd hoffnung vñnd trost zu erlangen dein gürtkait **D**arumb lieber herr / du ewiger gote kum zu mir vñnd be Leib bey mir vñnd ich bey dir das ich ewiglich nimmer von dir geschaiden werd.

Ein andechtige vbung wenn man das wirdig Sacrament empfangen hat.

Enn du empfangen hast **w** das hochwirdig Sacrament **S**o ist billich das du dich vast innhaltest vñnd dich setzest auff ain ganze einkerung **D**as ist du sole nider knien oder sitzen vñnd

Dem

in deiner Innwendikait das leiden **C**risti betrachten **S**eid er vns das empfolhen hat das wir in empfangen sollen in der gedechtnuß seines leydens **A**ls **L**ucas schreibt in seinem **E**wangelio vñnd wenn du dich darinn fleißiglich geübt hast **S**o bist dann vmb sollich gütrat danckbar **V**ñnd sprich in besundret andacht **O** allerliebster herr **J**esu christe / **O** ewiges wort des vaterlichen herzens **O** genadenreicher prun aller tugent **W**ere in mir alles das / das dir ain wolgefallen ist an mir / das ich mit deiner gottlichen hilf auffnem in tugenden vñnd in dem stand darcin du mich auß besunder lieb gefodert hast **O** du süsse speiß der engel **O** du durchscheinender glätz der götlichen sunne erleichte die vinsternus meines hertzen **O** du hocher zederbaum / **W**ie hast du dich zu mir armen dürfftigen menschen genidere **O** barmherziger herr **J**esu christe ich pitt deinn vñnermessne gründlose gürtkait / das dise lebendige speiß mir sey ain abeilgung der sünde **A**in beschirmung wider alle schaden seel vñnd leibs **A**in merung der genaden vñnd andacht **S**ey mir auch ain wegfart in dissem iamer tall **O** süßer herr **J**esu **C**hriste ich bitt dich / das dein gegenwürtkait mein hertz vñnd gemüt also ver wandel / das ich kainer süßkait on dich empfindenn müg / das ich kain lieb hab die wider dich sey dan dich allain **J**esum **C**hristum den sun des höchsten gots vñnd der **J**unckfrawen **M**aria.

Ein guete ermanung wie sich der mensch vor vbell hütten sol das er geschickt werd erfunden zu auffnemen.

auffnemenden

Arnach du fründ gotz sole
 du sein behütet vnnnd fürst
 chrig in deinem leben / das
 du nymer in prechñ vallest / vn̄ hab
 gott stättigs vor augen in deinen
 gedencen / Worten vnnnd werckenn
 Vnd ob du dich erwan in klainer
 schuld vnndest das soltu nitt lassen
 vngepinigt / besunder zū hand eilen
 zū der beicht das du alzeit lauter be
 steen mügest in deinem gewissen vn̄
 ob du von alter gewonhait gesit
 wärest lichteuertige ding zū reden ze
 hören oder sehen / nachforschñ welt
 lichen sachen / vmb clayn sach be
 erübt werden / vbel gedencen von
 andern menschn̄ / vn̄ des gleichen
 die ain lauters gewissen vermakeln
 vnnnd got ain misfallen sein darüb
 soltu dein selbs wol warnemen Vñ
 dich also pindenn / das du raizung
 vnnnd vrsach sollicher ding fliechest
 D wte grosser nutz vnnnd fürderung
 der tugent du empfindñ würdest in
 ainem monat wen du dich also ein
 richtest / als du biß her gehört hast
 D lieber mensch / das du eingede
 chtig wärest wie die hälligen engel
 gottes seind mit grossen frolocken
 bey dir wonen / wen du das Sacka
 ment oder wen du andere andächti
 ge werck verbüngen bist Sicher
 lich du behütetest dein gewissen mit
 fleiß das laider vil menschen ring
 schätzen Vnd darumb seind sy kalt
 Vnnnd wachsen nit aus in tugentli
 chem leben Sy sind behend zū redñ
 Nach zūforsehen / zū lachen vnnnd
 andere leichtuertikeit zū verprin
 genn. Wiltu aber wol behütet sein /
 vnnnd gott allzeit wolgetallen So
 gedencet wie er an aller statt gegen
 würtig sey bey dir vn̄ ain auffmer
 cken hab auff als dein lebenn Als
 so würdestu billich dir vöchtenn

menschen

vnd erschrocken sein / vn̄ ain ganz
 aufmercken haben auf dein gedent
 wort vnnnd werck So würdestu dan̄
 aber bas geschickt zū auffnemenn
 in tugenden vnnnd würd dir dan̄ der
 weg zū komen in das völkomen wes
 sen (von solicher hütet wegen) auch
 erkant.

Der mensch vnde alles in Chris
 sto das er nocturteig ist an leib vnnnd
 an seel.

Chreicher barmherziger
 a gott / wie gar milictlichen
 bistu aussgiessen dein ge
 nad allen begirlichen hertzen vnnnd
 auch vberflüssig in deinen gaben /
 seid ich an dem anfang gar kurze
 wort hett willen zū schreiben Doch
 ist es nit in des menschen gewalt
 Besunder als Sane Jacob spricht
 alle güte ding komet von oben her
 rab von dem vater der liechter Da
 rumb du fründ gotz zimpe dir woll
 Wen du nun so ver komet bist als
 oben geschribenn steet / das du alles
 das man von Jesu christo prediget
 vn̄ list / mit grossen fleiß mercken
 seist Vnnnd seinem hailigen wandel
 nachuolgest nach dem als du bege
 rest in deinem haylsamen stand ges
 furdert werdenn zū auffnemenn Er
 ist durch deinen willen / von himell
 komet auff erd / das du das jrdisch
 fliechest / vnnnd mit begir süchest das
 hymlich ist / die welt ist süß Vil sü
 ser ist Christus . Sane Ambrosius
 spricht in dem das wir Christum er
 kennen vnnnd in nachuolgen / hab
 wir weishait vnnnd als hail Er spr
 icht fürbas / in Christo haben wir al
 le ding vnnnd Christus ist vnns alle
 ding. Bistu verwunder so ist Chri
 stus dein arzt Bistu hüzig mit sie
 S

as leiden
 vns das
 empfahen
 eines ley
 in seinem
 dich dar
 So biß
 danckbar
 andacht
 christe
 lichen her
 vn̄ aller
 das / das
 nit / das
 auff
 stand
 der lieb
 der
 da glän
 die vnn
 du hoch
 du dich zu
 nischen ge
 r Jhu
 merke
 se lebend
 gung der
 wider alle
 merung
 Sey me
 em iamer
 heisse ich
 wurk
 so verwan
 nit on dich
 kein lieb
 an dich al
 en sun der
 Junckfra
 wie sich
 ten sol das
 den zu auff

ber Christus ist der ware pün̄der dich laben ist / Bistu beschwert mit vbeltat / Christus ist die gerechtigkeit / Fürchtstu den tod / Christus ist das leben / Bistu slichen die vinsternus / Christus ist das liecht / Begerstu kommen in das himelreich / Christus ist der weg / Begerstu gespeist werden / Christus ist die lebendig speiß / In darumb wer christo nachuolgen ist / der mag nit jr gan / Wan also spricht er selbs in dem Ewāgelio / Wer mir nachuolgt / der wandlet nit in d vinsternus / Besunder er wirt sehen das liecht des lebens / O wie hoch dein hertz durch betrachtung des lebens cristi in lieb vñ andacht erzünet wirt vñnd erleicht mit götlichem liecht / Seid das vil vngeleerter vñ schlecht menschen gar hohe kunst vñ grosse haumlichkeit darin gefunden habn / Also magstu auch kunstreich vñ geleert werden in der schul Christi / vñnd ist nit nor das da dich gebst in fremde land züsuchen kunst vñnd von hohen dingen disputieren / das deinem stand nit zügepürdet

Von lieb vñnd erkantnus gottes vñnd ain kurze betrachtung des lebens Christi.

Du sprichst vileicht ich kan mich nit geben zü vben vñ nachuolgenn aller vorge schriben leer / von außwendiger jr rung wegen vñnd meinen aigen willen prechen / So bin ich nit ganz abgestorben / Als mir notürftig war / vñnd bin also weder kalt noch warm. Ey du freünde gots / bis vest vñnd nym an dich die waffen Christi / Als Sant Pauls vnns leere / vñnd streit ritteerlichen / vñnd ob du nit grosse vbung vñnd vill hoher beschauwung täglichen gehalten

magst / So gedennck das dein hertz wolgeschickt sey / zü gote vñnd deinem nachsten / In rechter prinnender lieb / Wan als Sant Augustin spricht . Die lieb ist ain lebenn aller tugent / vñnd ain form / Als pald die nymmer ist / so seind all tugent abgestorben / Nun spricht Sant Bernhart / Das der mensch gott nit müg liebhaben on erkantnus / wiltu dan gott erkennen vñnd mit im ewiglich regnieren / So heb an in dieser zeit (vñnd empfrembd dich nit von im) mit ainem güttigen diemütigen bergen vñnd lauterem gewissen / nahen zü im in andacht / bis gegenwürtig mit dem Engel Sant Gabriell in seiner hochwürdigenn potschaft zü Maria vñnd hab ain frolocken mit ir / vmb den hailamen ansanck vnser erlösung / Darnach bis bey seiner löblichen purde mit Joseph / Die wort der hirtten vñnd das lobgesanng der Engell vñnd ander wunderwerck die da geschehen seind / beschleuß mit Maria in dein hertz / bis bey seiner vmbschneidung / vñnd tum denn mit den hailigen dreyen küngenn gen Bethlehem an züpeeten das kindlin / vñnd offer im gold vñnd weirach / vñnd myrren / Die bedeutung diser ding soltu selb in deiner andacht süchen / als in dem ansanck des aufnehmens / den menschn ich dir empfolhen han / Darumb gee mit Maria vñnd hilf ir tragen das kindlin in den tempel vñnd laß dir vast wol sein mit dem hailigen Symeon vñ Anna der lieben wittib / vñnd merck eben auff ire wunsame wort vñ frolocken / die sy hetten gen dem herren / Darnach mit Maria vñ dem kindlein fleuch gen Egypten lannd . vñnd ob sich Jesus ain zeit empfrembt von dir

auffnemenden

so säch in mit sölllichem fleiß vñ be
 erübten hertzen Als maria teet do
 sy in verlorien het Zu gesell dich den
 iungeren christi vñ beschaw in anz
 dacht die löblichen wunderwerck/
 Durchschaw sein ellends lebñ/sein
 würdigs aubent essen/vnnd was er
 da gewürckt hat Darnach gee mit
 jm in sein gesencknuß vnnd merck
 mit laidigem hertzen alles sein leiz
 den/spot/schmach schand Vnd an
 der vbel handlung/sein milces plüt
 vergiessen/in der gailung/vnd in
 der krönung Vnnd an dem Creüz
 merck die vneer vñ den spot von He
 rode/hör die vitail von Pilato/sich
 an den ellendñ ganck zñ dem tod vñ
 auff jm das schwär kreüz Stree zñ
 maria vnder das creüz vñ beharr
 da selbst bis an das ende mit mitlei
 dnug/hilff in nemen von dem crüz
 vnd enp sach in lieplich mit deinenn
 armen/ Hab besunder andacht an
 zñ greiffen sein hailige wunden/vñ
 bereit jm dein hertz zñ ainer begre
 btuñß/vnd beschleuß jm darein mit
 ganzem fleiß Darnach säch in mit
 Maria Magdalena bis er dir in
 freuden erschein Verwunder dich
 mit seinen iungeren ab seiner löbli
 chen wunderbarlichen wunsamen
 auffart/vñ sitz dan zñ in in den ver
 sperren gemach da wart auch mitte
 in zñ enpfahen den hailigen gait/
 Gelaub fürwar wirt söllichs von
 dir mit ainem andächtigen hertzen
 ain claine zeit hie auff erd verpra
 cht Er wirt dich erhöchen hie in tu
 genden /vnd darnach in das ewige
 leben zñ im voderen Vnd begaben
 dich mit freudenn die kainen mens
 schñ möglich sind zñ schreiben.

menscheit

Von dreyerlay wesen der mens
 schñ der jeglichs sich schicken mag
 zñ komen in aufnemends wessen
 Archa du edle gespons cri
 m sti Dein prüder Lasarus
 den Christus iesus vñ dem
 tod erküct hat /ist vns fürgelegt zñ
 bezatzen den anhebenden menschn
 in büßwertigem leben Als in dem
 ersten Tractat geschribñ stat /nun
 bistu vns von deines würcklichen
 lebens wegen bedeuerten den auffne
 menden manschn in tugent/dauon
 ich zñ dissem mal geschriben vnd ge
 setzt hab vnderweissung/leer vnnd
 steur der pillich ain genügenn war
 ainem begirlichñ wolgeschickten
 hertzñ /das vil lieb vñ syns zñ gott
 hat Besunder ist vil da geschriben
 von dem leben vñ leiden Christi das
 ist darüb geschehñ Wan es spricht
 sant Augustin als oft ich bedenck
 das leiden Christi so wirt ich hailß
 sam Es spricht auch der groß lerer
 Albertus/ain andächtige gedech
 nuß des leiden Christi pringet dem
 menschen mer nutz dan ob er ain
 gāz iar vastete mit wasser vñ brot
 vnnd vill beec volbracht Dar zñ so
 findt man darinn die grösten schiz
 ctung zñ aufnehmen in tugeten/als
 das wol wissenlich ist den menschen
 die disse kunst geübt haben Nun ist
 der menschen wesen in disser zeit nit
 geleich/baider man vñ frawen Er
 lich sind frey ledig Etlich in eeli
 chem stannd Die ersten mügen als
 ir leben ordnen nach vnderweissung
 diser leer Also das sy aallin got vor
 augen haben vnd beleiben in rainē
 kait irs lebens bis an ir end Nach
 dem rate sant Pauls in seiner Epe
 stel ad corintheos Die anderen die
 behaft sind mit den panden der Le
 sollen vor an gott vor augen habent

S ij

vnd darnach ain auff sehen auff
 iren gemachel den sy gehorsam sch
 uldig sein sollen in pillichen dingn
 Vnd mügen yn auch nach disser
 leer / weg beraitten auff zunemen
 in tugenden als die ersten Aber nit
 so vil Wann die ersten süllen allain
 fleissig sein gott woll zu geuallenn
C Die annderen müssen gehorsam
 sein irem gemabel / doch auß diesem
 wessen komenn ertlich durch schic
 kung gottes / widerumb in wittib
 stand / darin sy erlangn mügen die
 sechzigisten frucht / Aber wie sich
 ain ietliche person der dreier wessen
 haben soll entlich / damit yede iren
 besunderen lon von gott erlangen
 müg Empfich ich dir selbs auß
 zürichten / das da alles vonn kurz
 wegen nit geschriben ist.

C Da merck gütt sitten / weiß vnd
 bard / das dir alles wol dient zu auf
 nemen vn dir vast nocturftig ist.

As disse Watery bechlos
 sen werd vnd fürbas ko
 men mügen zu schreibenn
 von dem dritten wessen der menschen
 das vnns Maria Magdalena
 bedewt So merck du frünt gottes
 in kurzen worten / das nach geschri
 ben Regiment dar durch du noch
 bas geschickt magst werden Vnd
 ist dir alles ain grosse nocturfft zu
 wissen vnd darnach zu haltenn in
 deinem leben Sant Bernhart spr
 che Alles gütt darin vnser hail steet
 wirt begriffen in dreyen stuckenn /
 Das erst ist / das wir die sündt mei
 den. **C** Das ander / das wir gütt
 werck volprungenn. **C** Das dritt /
 das wir in den selben guten wercke
 täglich auffnemen Vnd darumb
 in allem deinem leben hab gott vor

augen vnd hab in lieb Wann als
 Sant Augustin spricht Die görtli
 che lieb / ist ain vnerschöpplicher
 schatz / wer den hatt der ist reich /
 Bis dein selbs gewaltig vnd gib
 dein hertz niemant dan gott allain
 Verschmech niemant / vrtail ny
 mant Wa du magst / so bist dienst
 per den fründen gottes vnd armen
 durfftigen leuten Als Hugo vnns
 leert Vnd Augustin in seiner rez
 gell In der kirchen sich nit vill hin
 vnd heer / merck auff das / das du
 vorhandenn hast Mit deiner speiß
 bist mässig vnd bescheiden vnd da
 rin nym allain deins leibs nocturfft
 Wann als sant Hieronimus spr
 che Die begir bringet sünd vnd nit
 die speiß Also verstee auch mit dem
 schlauß / bist geren allain in deiner
 schlaff kameran Wann als Sant
 Bernhart spricht Wer das ainig
 wessen recht vben vnd halten kan
 der mag hart komet in die hell / nur
 vvilleicht (als Dauid in dem psalter
 spricht) Sy steigen ab in die hell le
 bendig / das geschicht / durch gede
 chnuß hellischer pein / fleisch müssi
 ge wort zür eden vnd zu hören Dei
 ne wort setz schlechtiglich Bey den
 menschen / bist frölich in erberkait
 Bist güttig süß vnd wunsam gen
 allen menschen als Cristus dem du
 nachfolgen bist / bist mitleidig den
 betrüben vnd tu woll den / die dir
 vbell tünd Als Christus vns gele
 ret hatt Vnd auß der straf bist nit
 leichtuertig mit deinem gesicht od
 mit deinem wandel / bist zu kainer
 zeit müssig / Wann müssigs leben
 Als Salomon spricht) bringet dem
 menschen vill vbel / Bist nit trüg
 in dem gotz dienst Wann (als sant
 augustin spricht) wer in dem dienst
 gotz trüg vnd verdrossen ist by dem

auffnemenden

ist nit der haillig gaist Die armüt
 Christi laß dir sein ain aufferwelte
 fraindin / vñ mache dich ir geleich
 als vill dir müglich ist Sich an die
 frünt gotz / wie gar erberen / demüt
 tiglichñ / schlechtñ wandel sy habñ
 in weiß vñnd geberd / in wort vñd
 in werck / in sitzen / geen vñd steen /
 in irem gemüt sind sy allzeit forcht
 sam Senft vñ güteig alweg in irer
 antwurt Sy sind vnclaghafte vñnd
 speiß / tranck / gewand / vñd ander
 zeitlich geprechen Wann sy erken-
 nen (Als Sant Augustin spriche)
 Das der sündler nit würdig ist / des
 brots das er niessen ist Besunder in
 grosser dannckberkait vñnd forcht
 enpfahen sy was in got zü schicken
 ist / wo du seiest allain oder by an-
 deren menschn so biß behüt (nach der
 leer Sant Bernharts) In dein ge-
 dencken / Worten vñnd wercken vñd
 in allen deinem wandell Als ob du
 gott den herren gegenwürtig sech-
 est / der vns richteit wirt / auch von
 vnser aigen gewissen wegn / die vn-
 ser verclagerinn ist Wer aber die
 menschen mer fürchtet dann gott
 oder sein gewissenn / der selb ist nit
 ain keüschler liebhaber / Biß nit sch-
 war noch angflich anderenn men-
 schen Vñnd hab nitte lieb zü sehenn
 oder zü hören lichtuertige ding In
 allem deinem leben tün vñnd lassen
 solt du schemig sein Vñnd also die-
 mütig in geperd sein das nymant
 durch dich ergerung nemen müg /
 Als Sant Augustin schreibet / dein
 lachen soll zimlich sein / vñnd rede
 also vonn deinem nächsten / der bey
 dir nit ist / als ob er gegenwürtig
 war Biß nit willig zühören vñnd
 reden von deinem nächsten / In dei-
 nen Worten biß nit lautebar Besun-
 der bind dein zungenn Wann (als

menschen

Sant Jacob redt) Wer sich verk
 maint gaisslich zü sein / vñnd nit
 zampft sein zungen der verfürst sein
 hertz vñd ist sein leben eittell Fluch
 weltlichen rüm / vñd behaltt deine
 gewissen lautter zü aller zeit / So
 magstu der obgeschribenn leer mit
 der hilff gottes von tag zü tag ain
 genügen tün.

Das wir durch erübsal kometen
 mügen in das volkomen wessen.

ya du fründt gotes / hastu
 e vorzeiten der welt gedient
 vñnd nun durch piß von
 dem anhebenden wessen in das auff-
 nemend wessenn der menschen ko-
 men bist Vñnd groß begir hast in
 das volkomen wessen So merck die
 figur in dem büch des außgangs
 der kinder von Israhell Wie die er-
 lediget würdñ auß Egipten land
 das vns bedewt das sündig leben
 der menschn / wañ Egiptus ist als
 vil / als kettigung / peinigung oder
 trübsall Darnach kamenn sy in die
 wüst da würdñ sy gespeist mit dem
 himelbrott / vñnd begabte / mit den
 zechen gebotten Aber vill trübsall
 erlitten sy da selbst / Ledas sy ko-
 men in das gesegnet land Also du
 auffnemender mensch Wiltu ko-
 men zü dem wessen der volkomen-
 hait So beraite dein hertz gedultig
 lich zu leiden trübsal vñ widerwer-
 titait Sunst magstu nit sein in der
 zall der kinder gottes Als sant Au-
 gustin schreibet Darzñ wirt dir ab-
 genommen vill sünd vñ pein des seg-
 feurs wen du gedultig bist in trüb-
 sal vñd in leiden / vñd magst nit an-
 ders kometen in das gesegnet land
 das ist in das volkomen wessen Dir
 wirt vil widerwertigs zü steen von

S iij

den welt kindern / vil anfechtung vñ
den pöffen veinden vñ von deinem
eigen leib Da nym dein selbs woll
gewart das du dich haltest weflich
deiner seel als in dem ersten tractat
von Lasaro geschriben ist Och sprich
sant Bernhart Christus iesus
der on sünd in dise welt komenn ist
on trübsall ist er nit gegangen auß
diser welt Darumb biß gedultig in
widerwertkait So wil got bey dir
sein Als dauid in dem psalter sprich
t Dar über redt sant Bernhart
O lieber herr gib mir alzeit trübs
fall das du alzeit wohnung bey mir
habest Ach du fründe gotz wif das
got nicht genamers ist vñ deiner
seel hailfamer in diser zeit dann ge
dultiglich trübsal leiden Vñ ob es
in deinen gewalt gesetzt war / so sol
testu mer erwelen / trübsall durch
got zu leiden / dan vil trostes haben
von der welt Wann also wirdestu
Christo gleicher vñ allen hailigen
zu nächten / Wan vnser verdienen
statt nit in trost vñ süßkait der
welt Besunder in vill widerwert
kait vñ trübsall zu leiden War etz
was hailfamer vñ nützer dan
leyden Christus het vnns das mit
worten vñ werken zu wissen getan
Er sprichet aber / wer nach mir ko
men wöl der verzeich sich sein selbs
vñ heb auf sein crüz vñ volg mir
nach ¶ Vñ darumb zubeschliessen
dise materi von dem aufnemenden
menschen / so ist kein ander weg zu
komen in das volkomen wesen / Vñ
darnach / in das himelreich / dann
durch mangelray trübsal vñ lei
den / darain vns helff Iesus der sun
Marie Amen. ¶ Vñ also hab
ain genügen du edle gespons Chris
t an der schlechten leer vñ vnder
weisung die dir in diser geschriffte

sürgeleigt ist / vñ dem anhebend
den / vñ aufnemenden wesen der
menschen Wan an dem anfang ist
dir nit mer versprochen worden dan
kurze wort zuschriben / aber die auß
legung der selben wort sind dir em
pfohlen worden auß zulegen vñ
zuberachten Nun ermünder dein
hertz vñ heb auf dein gemüt Gott
an zürüffen vmb gnad / das ich es
was in geschryft setzen müg / vñ
dem volkomen wesen der menschen
Als vill dann leibplichen menschen
en müglich ist zu begreifen / Dar
umb was gott vnns von genadem
mittailen ist / das empfach mit dan
ckberkait deines hertzen.

¶ Deo gratias.

¶ Ain End hatt der ander tail
vñ dem auffnemenden menschen
en. Nun hebt an der dritt tractat
vñ dem volkomen menschen / be
deüt durch Mariam Magdale
nam.

volkommen

Esu Criste aller welt
 erlöser / d anhebenden
 menschen ain trost /
 der aufnemenden / ain
 freud / der volkomen /
 ain vnersatze süßigkeit Du bist ge-
 ben vmb das irdisch das himlisch /
 vmb das zergänglich das ewig /
 vmb kurze trübsal wunsame freud
 Vmb die zächer der augen vnauß-
 hörendes lachen O du selliger we-
 chsell / wer mag dich verloben / da
 der sündig mensch durch anheben
 der piß Vnnd darnach in auffne-
 men der tugente komen mag in ain
 söllichs vnschuldigs wesen / als der
 erst mensch gewesen ist in dem irdi-
 schen paradeis / **E**s spriche der mai-
 ster von den hohñ Synnen / in dem
 anderen büch an der ersten vnder-
 schaid / got in jm selbs ist das höchst
 güte auß ewiger güte / nit von not
 turft oder nutz sein selbs / besunder
 allain auß seiner milten güte hatt
 gemacht den menschen vernünfftig
 das in jm erschyn die volendung /
 göttlicher werck Vnd hatt den ge-
 macht vnschuldig vnnnd gerecht on
 all sünd vnd geprechen / vnd hat in
 begabt volkomelich mit allen gena-
 den vñ tugenten Also das jm troff-
 net wurd die güte gotes **E**r hat in
 auch gemacht vol weisheit / das er
 got / sich selbs vnd all geschöpft er-
 kant / vnd also in jm erleuchtet göt-
 liche weisheit Vñ als Hugo der le-
 rer spriche Got hat dem menschen
 geben dreierlay augen / Die ersten
 sind die leiplichen augen / da mit er
 gesehen mag alle außwendige ding
 der aller erkantnuß im got gebenn
 hat Die anderen sind die augen der
 verstantnuß / da mit er beschawen
 mag das inwendig Besunder sich
 selbs wie er geschaffen sey / wie er le-

menschenn

ben sol / was er tün oder lassen soll /
 Die dritten / sind die augñ götlich
 er beschawung dar durch der men-
 sch concemplieren mag das höchst
 güte Vnd erkennen von wem er be-
 schaffen sey Vnd das gesticht differ
 augen hat der mensch verloren in
 dem val des ersten menschen Vnnd
 mag auch des nit gehabenn / er sey
 dan in sunderhait erleicht mit göt-
 lichen genaden mit dem glauben /
 vñ durch vnderweissung der haillē
 gen geschriß / vñ des geleichñ / ween
 der mensch treulich nachuolgen ist
 der leer vnd vnderweissung Als in
 dem büch geschriben ist.

E Durch vill trübsall vnnnd leiden
 kumpt der mensch in ain volkomē
 leben.

E ya du gespons Christi Ich
 verstee woll das dein hertz
 ist in vntñ vnnnd dich nach
 vbung der obgeschriben leer vonñ
 dem aufnemenden menschen in tuz-
 gent vast synnen vnd arbeiten bist
 zu komen in das gesegnet land / das
 ist / in volkomēhait des lebens hie in
 dieser zeit / vñ hast für geschickt zwē
 porten das die beschawen sullen die
 frucht vñ dir verkünden wie die ge-
 stalt sein / als geschribñ stat in dem
 büch Josue an dē andern Cap. wie
 das volck vñ Israhel nach vil mar-
 gerlay leiden vñ trübsal eingefürt
 wurden in das gesegnet land Vñ
 die zwen porten die du für gesant
 hast / das sind die zway wesen darin
 du dich lang zeit geübet hast / Als
 ich hoff / die pringen dir süß frucht
 vñ weisen dich fürbas in das geseg-
 net land / das ist / in das vnschuldig
 wesen / darin du clare erkantnuß go-
 tes vnd zier aller tugent begreifen
 magst / darnach die begir deines
 hertzñ tag vñ nacht sich schiken ist

Non

Was ainem menschen zu gebür
der da komet wil in ain volkomens
wessen.

Prichstu aber / ich beger
noch vnderweissung / als
ich in dem anfang gethon
hab Vnd was ich bissher an mir
nit gehalten han Als volkomne lieb
zu gott vnd zu meynem nächsten /
fleissig vbung in wercken der barm
herzikeit Beste bestendikeit in wi
derwertigen dingen vnd ander tu
gent Doch mit hilff des / der himel
vnd erd regiren ist / hon ich güten
willen hin für das alles zu verprin
gen Auch byn ich bissher vnder
weise worden von dem anhebenden
wessen / das der anhebend mensch
alzeit ain misfallen oder schmer
zen sol habn vmb vergangen sünd
Vnd starcken willen sich zu hütten
vor allen sünden Wollust haben zu
hören das gots wort Behend vnd
vnerdrossen sein zu güten wer
cken Vnd vil ander hailfamer vn
derweissung hab ich gemerckt / die
ainem anhebenden menschen zu ge
hören ¶ Darnach han ich wol ver
standenn / in dem anderen teill des
büchlin von dem auffnemenden
menschn Wie der alzeit ain fleissig
auffmercken soll haben auff sein ge
wissen Das er die selben lautter vn
rain behaltt Sich vast fremd ma
chen von zeitlichem güte vnd frün
den Nicht wollust habn in essen vn
trincken / schlaffen / paden Besun
der herte claiden antragen / hart li
gen Vnd mit ander festigung den
lechnam zamen Das er der seel vn
derränig sey / sich vben in tugenden
nach vnderweissung der rechtn ver
nuft Behalten die wort gottes / sich
gang vnderänig machn der götli
chn warhait / vn darnach sein lebñ

Dem

schickenn Darumb zu disser stund
Beger ich ain anfang zu erkennen
was doch ain volkomens leben von
vns menschen hie auferd genand
müg werdn / ob darin die begir mei
ner durstigh sel ain anfang möcht
erlangen / auf dise frag kan ich dir
nit antwort geben Wan mir selbs
das vnbeant ist / zu gleicherweiss /
Als amer der blint geboren ist Der
kein lauttere erkantnuß von gelei
chnuß vn varben der creatur ge
ben mag Doch als vill mir wissen
lich ist Sprich ich / das ainem men
schñ der ain volkomens leben führen
wil zü gepürd / ganz ledig steen vñ
aller aufwendiger irrung Got als
lain vor augen hab / volkomelichen
lieb habn sein veind / alle widerwer
tikait frölichn vn gedultiglich tra
gen / willig sein zu sterben vmb / die
eer gots / vmb vestigung des hailt
gen glaubens vn vmb das hail seins
nächsten / vnd ander vbung der tu
gent die dir von den genadn gotes
wol beant seind als ich getraw.
¶ Von zweyerlay volkomehait vn
was volkomenhait bedewten sey.

Ill geschriffte vnd exempel
v habn gesetzt die hailigen le
rer / Die in disser Materi
hoch vnderweist sein gewesen dur
ch götliches einsprechn / vn aigner
vbung da mit sy komet sein in gan
ze innikeit vn zu götlicher bescha
wung die dem wessen der volkomen
menschñ zü gepürde / hie soltu mer
cken Das zweyerlay volkomenhait
ist Die erste ist genant volkomens
hait des lebens Die and ain stande
vn wesen vñ volkomenhait Volkom
ehait des lebens ist / wen des men
schen gemüt verneut vn reformire
ist / also dz die beschafen bildüg des

volkommen

schöpfers widerpracht ist / Aber es gehörte vill dar zu Doch als der leerer sant Thomas spricht in dem anderen tail des anderñ seiner sum Ist / zuvorderst noturft / rechte ware lieb / dar durch der mensche sein hertz ganz sez in gott Also das der mensch ledig stee von aufwendiger kümernuß Auch von zeitlicher sorguelckait Dar durch des menschen gemüet gehindert möcht werden das es nit würllichñ in gott be Leibet Seid doch der mensch Also sein leben genglich ordnen soll / als vill es möglich ist hie in disser zeit / dar mit er got allain anhengig sey Nichtz anders gedencet noch willñ hab zu tün dan was gott löblich ist Wann zu disser ainigung des menschen gemüet mit gott / werden alle ding / die dann zugehören gaistlichem leben als zu ainem rechten end geordnet Und darumb spricht sant Pauls ad Thimoreum das end der gepott ist die lieb von ainem lautteren hertzen / güten gewissen vñ von ainem waren glaubñ Nun seid die volkomenhait Christenlichs lebens zuvorderst vñnd wessenlich stee in der lieb Wöchstu fragen / was das wort volkomenhait / aufweist oder bedeyt Soltu wissen / als Aristotiles schreibet Volkomenhait ist / dem nichtz von ist / vñnd kainen abgang hatt Vñnd das mag der mensche nit habenn in disser zeit Darumb (als der lerer sant Thomas spricht) Ist dreierlay volkomenhait Die erste gepürt oder gehöret got allain zu Davon ich nit schreiben wil Die annder volkomenhait gepürdet zu / den hatligen die in ewiger seligkait seind die on als mittel vñ on irrüg got ganz lieb haben Vñnd ir begir stärtig vñnd zu aller zeit würlper-

menschen

lich in got erhebt ist Die drit volkomenhait / die wir menschen hie auff erd mügen gehaben vñnd dar nach schuldig seind zu arbeiten ist / da der mensch von hinderung leiplicher note vñnd geprechen nit allzeit würlperlich mit begir vñ lieb gott anhengig sein mag Was das in disser zeit nit möglich ist / also das sich der mensch ledig mache von allen dingen die dann die bewegung seins gemüets in got gehinderen mügen / vñ die begir seiner seel nicht anhengig mag gesein allain got in inprinstiger lieb O du sponsa Christi merck eben auf disse wort Die da mit kurz / hohen syn begreifen / O wie groß salitait du erlangest / Ob du dich söllichen menschen gleich machest / Werck wer sy seind / sy sind lautter vñ plos got gelassen Sy süchen kainen trost hie auff erd Sy begeren nichtz / dann das lob gottes zu meren / vñnd den spiegel aller tugent Darin sy sich täglich beschawen das ist den genadenreichñ werckñ vñ dem lebñ iesu cristi seind sy nachvolgē mit allem fleiß Sy sezen iren willen ganz in den willen gottes Vñ wellen allain sein ain lautter werckzeug dem götlichñ willñ Sy sezen sich vnder al Creatur / vñnd haben all menschñ lieb in gott Sy sind der welt grundlich abgestorben Also auch die welt ganz in In tod ist Sy begeren nit meer zu wissen / dann was in gott von genaden mit tailen ist Söllich menschen haben ritterlich gestritten / vñnd vberwunden vill trübsal vñ anfechtung Vñ ob der herre mer wolt vber sy verhängen trübsal das war in ain besunderer freünd vñ seid got in sölich mēschñ außser welt / vñ großlich lieb hat darumb

seind sy auch von allen menschen
lieb zu haben.

¶ Von der volkomenheit des wes-
sens.

¶ **I**d du gehört hast von
der volkomenheit des le-
bens in ainer gemain So
merck fürbas von der volkomen-
heit des stands oder des wessens da
von der leerer sant thomas spricht/
das darzu gehört ain löblichs ge-
lübt des menschn/zü den wercken
volkomenheit/vnnd in dissem wes-
sen der volkomenheit seind zü vor-
drift all Clöster person die sich also
mit jr profession verbunden haben
das sy seind abgestorben allen zeitli-
chen dingen/darmit sy got fleissig-
licher vnnd mit freyem gemüt mü-
gen gedienen/erkennen vnd lieb ha-
ben/vn ynglicher mit got verainet
werden/vnd in dem steet die volko-
menheit des lebens als vor begriffen
ist Nun magstu erkennen warumb
die clöster vnd gaisstliche ordnung
gestift vnd erfunden seyen/vnnd so
löblich vnd als manigfaltiglich be-
gabt vnd gefreiet. Vnd zü dem er-
sten habenn sy angefangen in den
wälden/auf den pergen vn andern
ab geschaiden stetten von der welt/
Darumb das die gaisstlichn perso-
nen on al irrung der welt/mit ainē
wolgefretn gemüt/got all ain die-
nere/vn also rüwiglich kamen in
volkomenheit des lebens/darnach
all menschen sich senen/vnd richtn
soltent/wie wol laider wenig darein
komen Eya wie verr ist es nun da
von komn/vn die erst lieb vn begit
der frünt gottes zü dissen zeiten so
ganz in vns erloschn Ach wo wirt
yetz gehalten volkommē gehorsam/
wo wirt die rainikeit der keüshait
mit vermailigt Wo wirt willig ar

mit recht gehalten/wo ist hin komn
die gaisstlicheit sant augustino/die
strengikeit sant Benedict/die an-
dechrikeit sant Barnharts O wie
gar ist verschwundn aller haillign
volkomenheit Als da ist ganze ver-
schmechüg aller zeitlicher ding/in
prünstige lieb zü got/vnd der mens-
chen vbung aller tugent vn ander
hailigs leben Es ist laider als zer-
gangen vnd wir mit vnsern sündn
vnd geprechn seind erplent/vnd als
d prophet ysayas spricht Das edel
gold ist vinsten wordn vn die schön
varb ist ser verwandelt.

¶ **E**xempel vō maria magdalena
wie sy komet ist zü volkomenheit.

Maria Magdalena Die da
in vns bedwren ist den volko-
men menschn/als du oben
gehört hast/vonn den ersten zwain
wessen der menschen/die vns laza-
rus vn Martha bedeuten/die selb
maria wirt dir hie für gelegt zü ain-
nem spiegel Darin du dich aigen-
lichn geschawen magst wie du dich
in dissem dritten wesenn halten solt
mit rün vnd lassen Bedenck ir stren-
ge piß in irem anhebenden wesenn
Bedenck ir aufnemendes wesen in
vbung der tugent vnd gutem leben
Darnach bedenck (als Lucas schr-
eibt in seinem Ewangelio) wie sy
nach aller aufwendiger sorg/dies
mütiglich vnnd in hocher andache
gesehen ist zü den füessen des herren
vnd mit begirlichem herten seine
götlliche wort gehört hatt Sy hatt
auch treülich volbrachte die leer irs
maisters Da er spricht in dem ewā-
gelio Mathey Mensch wildtu vol-
komet werdn/so verkauf alle ding
vnd gib es den armen leuten vnnd
kum den vnd volg mir nach Sy ist
in williger armüt bestanden bis an

volkomen

ir end/wol ist sy geziert gewessenn
mit andacht in irem gepeet. O wie
groß mitleidn hat sy gehabt gen dē
betrübten menschen. Wie gar in-
prinstig ist sy gewesen in lieb zū irn
gesponsen/al creatur waren ir sch
wār zū hören vnnnd zū sehen. Allain
begert sy zū sein in ainkeit mit got.
Sy hett süßkeit begriffen in hören
der worte Christi. Sy stünnd ganz
trostlos vnd sücht kein freud noch
wollust in zeitlichen dingen. Sy ma
cht sich ledig vnnnd abgeschaidenn
von iren freunden vnnnd reichtung.
Sy begeret allaine zū haben die hö
chsten reichtung vnd schatz. Vnnnd
sücht mit allen kreften irer seel das
höchst güc vnd das ainig güc. Da
von christus sprach zū Martha ir
schwester. Martha martha du bist
vaf sorgfelig vñ fleissig in deinem
würcken. Ains ist notturt Maria
dein schwester hat den besten tail er
welt. O du gespons Christi/ nun er
heb dein hertz mit seüßzn/nym dein
wol gewar/durchgee als dein lebñ
Gedenck war zū dich got geuodert
hab. Gedenck wie oft du deinen wil
len in hoher andacht got auffgeop
fert habst. Gib nit rñ leib noch seel/
spar dich nit/vnd ker dich von dir
selbs/ heb tröstlich an zū komen in
das volkomen leben. Dein gespons
Christus wart dein/vñ wil dir sein
genad mite tailen. Du müßt aber ve
stiglich besteen. Als Maria Mag
dalena/Vnnnd dich kainerlay sach
lassen iren/nach von lieb oder von
layd abtrettenn. Man list von ir
nach dem als sy den herrñ sach ster
ben an dem Creüz. Vnnnd darnach
wider aufferstünd von dem tod/vñ
nah seyner hailligen auffart/das
sy begeret ganz abgeschaiden sein
von aller welt. Des gleichen hast

menschen

du offte gesehen deinen herren Jes
sum Christum sterben in andechti
ger betrachtung/vnd ist dir in deis
ner seel erstanden vnnnd auffgefaz
ren zū himell / so setz dich in abge
schaidenhait mit Maria Magdas
lena. So magstu den herren bescha
wen vnnnd in freuden süßiglichen
niessen.

Was den menschen zū vordriff
schicken mag zū ainem volkomeñ
leben.

ya du edle gespons Christi
ein tabernackell des aller
höchstenn/ du andechrige
seel/bistu nun dem spiegel dich ge
leich machen/nach deinem vermü
gen den ich dir hie für gesetzt hab /
Das ist Maria Magdalena / Als
oben geschriben ist/ vnd hast einge
tretten in das gesegnet lannd mit
freuden vnd begerst auch mit gott
allain ganz verainiget werden. Al
so das er allain in dir vnd du in im
in vnbegreiflicher süßkeit vñ
hohen freuden beleibest/ dar zū dir
zū vordriff wol dient die tugent der
volkomen abgeschaidenhait / Da
von ich dir noch mer schreiben will
in kurz. Seid du dich durch die tu
gent der abgeschaidenhait zū gote
aller mayst vnnnd aller nächst gesü
gen magst/vnnnd verdienen von ge
nadenn/das gott ist vonn natur/
Wann alle tugent haben etwas
auffenthalts vnnnd auffsehens auf
die creatur. So steet abgeschaiden
hait ledig aller Creatur. Darumb
sprach der herr zū Martha. Vñ
est necessarium. Das ist als vill ge
sprochn/wer vnberübt vñ lautere
wöll sein/ vñ müß habñ ains/das ist
abgeschaidenhait der da nicht enp
fentlich ist dan got allain/ in diser

abgeschaidenheit stünd der hailig
 prophet David Do er sprach / ich
 wil schweigen vnd hören was mein
 gott vnd mein herr in mir redet /
 Vnd darumb kürzlich zu redent
 So wiß für war / wenn ich alle tū-
 gent ansich So vnd ich keine die
 got so gar zūfügig sey als abgeschai-
 denheit Sperr auff deine oren
 vnd ermünder dein hertz / merck
 eben die nachgeschriben wort Es
 spricht der natürliche maister Au-
 cenna / aines gaites der abgeschai-
 denheit / des selbē adel ist also groß
 was er schawet das ist war / vnd
 was er begert / des wirt er gewert
 vnd was er gepewt des muß man
 im gehorsam sein Vnd wiß das
 für war Wen der gait freisteet in
 recheer abgeschaidenheit so zwingt
 er got zu seinem wesen vnd möche
 er gesteen formloslich / vnd on all
 zu val / so nam er gotes eigenschaft
 an sich Das mag aber nicht gesein
 Vnd darumb mag got nit mer ge-
 tū dem obgeschaiden gait / dan
 das er sich selbs im gibt / vnd der
 mensch der also steet in ganzer ab-
 geschaidenheit / der wirt also ge-
 zuekt in ewikait das in kein zergen-
 etlich ding bewegen mag Das ver-
 maint sant Pauls do er sprach / ich
 leb vnd leb doch nit Aber Christus
 lebt in mir Ach du edle gespons Cri-
 sti du raine seel / wie wol dir gesche-
 hen ist / vñ wie gar saliglich du mit
 got verainigt bist / vnd in dem le-
 ben der vollkomenheit so hoch auff-
 gestigen Seid du auch in warheit
 mit sant Pauls sprechē magst Die
 vorgeschriben wort : Woll dir hie
 vnd ewiglich Wan du hast vber-
 wunden alle deine veind / Du hast
 gewalt vber dich vnd vber all wi-
 derwertikait erlange Erfrew dich

Mit der hailigē frawen indich / seid
 du hast genad fundē bey dem höch-
 sten künig / du magst woll gespre-
 chen das wort das in dem buch der
 liebhabenden seel geschriben stete /
 Ich hab gefunden / den der mein sel-
 gang lieb hat Ich han in lieplichē
 vmbfangen / vnd wil in fürbas ny-
 mer von mir lassen

¶ Von zweyerlay abgeschaiden-
 heit / vnd was den menschen brin-
 gen mag in ainformikait mit gott

¶ Dem vorgeschriben Ca-
 pitell hab ich ain wenig
 berürt von der tugent der
 abgeschaidenheit wie die so gat edel
 an ir selbs ist Die dich pūngē mag
 in ganze vollkomenheit des lebens
 Vnd da mit du aller gleichest wer-
 de magst dem bild als du an dem an-
 fang in got gewessen bist Tu mög-
 stu fragen / was abgeschaidenheit
 sey Soltu wissen das zweyerlay ab-
 geschaidenheit ist Die erst ist ain
 außwēdige abgeschaidenheit / das
 v̄ mensch leiplich sich von der wele
 enpfremde vñ die ist löblich vñ nutz-
 den menschen die da begeren zūko-
 men in ain vollkomens leben Wan
 (als sant Bernhart spricht) Es ist
 nit möglich das der mensch in sei-
 nem gemüt reche abgeschaiden sey
 vñ vest besteen müg in beschawūg
 so er außwendig nit abgeschaiden
 ist ¶ Die ander abgeschaidenheit
 ist vil höher zūsehen / vnd ist an-
 ders nit / dan das des mensche gait
 als vnweglich stee gegen allens
 zūallen / liebes vnd laides / Eñ /
 Schanden vnd lasters / als ain
 pleyen perg vnweglich ist gegen
 ainem clainen wind Dise vnweg-
 liche abgeschaidenheit pūngē den

volkomen

menschen in grössere gleichheit mit
got/wan sy zeucht den menschen
in lautterkeit/vonn lautterkeit in
ainualterkeit/von ainualterkeit/in
vnrwandelberkeit/vn die ding prin-
gen ain gleichheit zwischen got vnd
dem menschen Doch die gleichheit
müß gescheen in genadn Wan die
gnad zeucht den menschen vnd lau-
tert in von allen zergentlichen din-
gen/vnnd macht in ganz lár sein/
aller Creatur/vnnd gottes allain
vol sein Also ist gestanden die groß-
liebhaberin gottes Maria magda-
lena nit allain in außwendiger ab-
schaidung/do sy nach der auffart
Christi ain verdriessen hert die men-
schen anzusehen vn ganz abschyd
von der welt/in ainen walde/da sy
ir leben verzert hatt Wer ist sy be-
standen in vnweglicher abgesch-
aidenheit irs gemütes Wann was
sy ye mit reden/sehen/oder wúrken
getan hat von noturft ir selbs oder
andern menschn/das hat sy allain
getan nach dem auseren menschen
vn stünd d inner mensch in ainr vn-
weglichen abgeschaidenheit vn
darúß was sy erúßsal oder widwer-
tigkait/lieb oder laid getan hat/so
stünd sy doch alzeit in ir inwendig-
keit vnweglich vn begeret nit an-
ders dann ainformig sein mit got
Eya du auserwelte gespons christi
Werk eigentlich vff diese wort/wilt
du mit freuden komen mit Maria
Magdalena darzu du dich in prin-
nend lieb vnd laid lang zeit gerichte
hast so müß dein hertz beratschafe
haben auff das allerhöchste vn müß
ganz sein auf ainem plossen nicht/
in ainer lautteren abgeschaidenheit
So mag denn got in dir wúrken
nach allen seinem willen Vnd wirt
dein dein begir ganz ersat/seid du

menschen

doch nicht begerest dan ainformig
sein mit got Dar zu dich bringen
mag söllich abgeschaidenheit/wan
über das wort Sant Pauls/da er
spricht Ir sind vill die da lauffen
nach der kron/das ist vmb das klas-
nat vn wirt doch nu ainem geben/
spricht der hailige Dyonisius/der
lauff ist nichts anders dan ain ab-
keren von allen Creaturen/vn sich
verainign in die vnbeschaffenheit
Vnd so die seel darzu kompt/so ver-
leürt sy irn namen vn zucht sy got
in sich das sy an ir selbs zu nichten
wirt Also die sun die morgentrót in
sich zucht das sy zu nicht wirt/dar-
zu bringet den menschen kain ding
dan lautter abgeschaidenheit/von
disem syn/spricht Sant Augustin
Die seel hat ainen himlischen ein-
gang in götliche natur/da ir alle
ding zu nicht werdñ Diser ingang
ist auff diser erd nit anders dan lau-
tere abgeschaidenheit/vnnd so die
abgeschaidenheit kompt auff das
höchste/so wirt sy von bekennen ken-
nelos/vnnd von lieb lieblos/vnnd
von liecht vinsten Darumb du al-
ler liebster fründ gotz wildu komen
auff das aller höchst leben in diser
zeit/vnnd begreifen ganze volko-
menheit So merk mit kurzen wör-
ten die nahgeschreyben leer: Halte
dich abgeschaidenlich vñ allen mett-
schen/halt dich lautterlich von al-
len eingezogen bilden/mach dich
frey von allem dem das zuváll/anz-
haftung vnnd kummer bringen mag
vnnd richt dein gemüte alzeit auff
ain tugentlichs beschawen/in dem
du got in deinem hertzen tragest/
mit starem gegenwurf/ab dem dei-
ne augenn nymer wencenn/Vnd
was ander sübung ist/Als vasten/
wachen/peeten vnd des gleichen/
G

die richte dar zu als auffir end Die
seind nit anders dann ain werck
zeüg Darum hab ir als vil / als sy
dich darzu fürderenn mügen so ge
winstu das end der volkomenhait.

Ain figur auß der alten **L**e wie
ain mensch komen mag in ain be
schawends leben vnd was den men
schen enpfencklich mach des götli
chen einfluss.

Ach der obgeschriben leer
Die ich dir gesetzt hab zu
ainem anfang / vnd dar
durch du komen magst zu dem end
ganzer volkomenhait ob du dein le
ben darnach schicken pist Solt du
nun mercken fürbas / das dir woll
dienen mag in deinem anfang / vñ
dich pringen mag in das gesegnet
land / das ist / in ain volkomens be
schawends lebñ Man list in der al
ten **L**e / das das volck von israhel /
auszoch von **E**gypten / vñnd kam
zu dem roten mer / Do zoch Judas
dem volck vor / in das getailte meer
vñ fürte ain panner als ain karfun
kel / vñ zuhand volgt im nach Ben
iamin der fürte ain panner gleich
ainer parillen Judas bedeut vnns
ainn liebhabenden verjcher gottes
Wan lieb scheint ob allen eugen
den / als ain karfunkel ob allen stai
nen Darum solt er billich vor zieh
en / aber Benjamin het ain panner
von parillen / in dem selben stain we
nig kraft scheint / vnd von natur
wenig kraft würket Also ist das sch
awet leben / das vns Benjamin be
dewt so hoch / das es an den mensch
en wenig scheint vñ die menschlich
natur kein kraft mag darzu gerün
sy müß hin für in dem beleiben vnd
ersterben / wan als geschriben stact
Genesis xxv. An dem pñch der ge

schöpff. Do Rachel Benjamin ge
beren solt / do müß sy sterben / also
geschicht och / weñ Benjamin des
götlichen beschawens wirt in dem
menschen geboren So müß die ver
nunfft an allen sñlichñ einuallen /
vnd alles das / das an der natur ist
ersterben Vñ darzu kompt der men
sch mit dreyen dingen Das erst ist /
dz er außwendig wol geordnet sey
vnd inwendig plos von allen pild
en. Das ander / er müß gott allain
mit ganzer zñfüglickeit in pin
nend lieb anhangen vñ vnerloschñ
beleiben Als ain gliend cyssen ny
mer erlechen mag als lang es feür
in im hat Das drit / er müß sich sel
ber in aller natürlicher weiß tode
findñ / dz geschicht / so er gantz plos
vñ ledig steet von aller zeitlichait /
seid doch kein zeitlich oder leiplich
trost gesein mag on gaistlichñ scha
den vnd also ist den der edel Benia
min gepoten / vnd salig sind die die
in dem herren tod sind Als Johan
nes spricht in Appocalipsi / wan sy
empfahen erst ain newes wunnigli
ches leben / vñ werden schowen goe
aller götter in syon als David spri
cht. Ach du edle gespons Nun steet
aller dein syn nach diser schowung
die allain genügsam ist zu ersaten
dein begir die du vñ dir selbs nicht
gehabenn magst Besunder durch
einfluss götlicher genaden Darum
zu vordrist dir nott ist das du dich
setzest in sollich heraitschaft / dar
mit du empfencklich werdest des
götlichen einfluss Vñnd das mag
nit gschehen dan mit ainformicait
mit gott Wann als vil ain iezlich
mensch ainformig ist mit got / als
vil empfencklich ist er des götlich
en einfluss Darumb / so vil ain lauz
ter herz ledig ist aller Creatur / so

volkomen

vil steet es in ainformkait mit got
vnnnd ist auch also enpfencklich des
götelichen einflus Das maint sant
Pauls da er sprach/legt an ewch/
Jesum Cristum vnnnd beleibt in im
Das anlegen mag nitt geschehen
dann mit ainformkait mit Christo
Ach du raines hertz / ich mag nitt
ain ganz genügen tün deiner hoh/
en begir mit meinem groben syn/
wan mir nit zimlich ist vil züschrē
ben von diser hohen matery des be/
schawenden lebens / dan als vil ich
dir ainen weg berait Vnnnd daran
soltu ain genügen haben Wan als
sant Bernhart spriche . Es mag d
mund nit auß sprechen / was ain an
dechtigs wolgeschicktes hertz begreif
fen mag Noch vil minder mag ich
dir das in geschriffte sezenn . Bistu
aber nachuolgenn meiner leer So
magstu in kütz enpfindū / was der
herr vonn genaden in dir würcken
wirt Doch solt du eben mercken die
figur in der alten Le / in dem büch
Exodi Do die kinder von Israhel
außgeführt wurden von Egippten
vnnnd volten eingeen in das gefeg/
net land / vnd müsten zū dem ersten
geen durch das rote mer / vnd in dis
ser wüst vierzig iar vil grossen kuz/
mer vn trübsal leiden Darnach en
pfiengen sy die gebot gotz / vnd mit
dem hymelbrot gespeist wurden /
Moyses der besunder fraind gotz
von ains klainen miserawens we/
gen zū gott / sterbenn müst Ausser
dem gefegnetten land / vnd darcin
nicht kommen mocht Wiewol er es
mitt leyblichen augenn auff dem
perg Nebo übersehen hett / Vnnnd
was dir das als bedeütten sey / das
laß ich von kütz wegen steen / vnnnd
empfilch es dir selb zū betrachten /
Als ich an dem anfang dis büch

menschheit

lins gesagt han / Darnach in dem
büch Josue / nach dem als Moyses
gestorben was / Do das selb volck
solt einnemen das gefegnet lannd /
do müsten sy dannochte geen durch
den Jordan Vnnnd vill streit haben
wider ire veind / vnnnd zerstören alle
stett / man vnd frauwen tödten mit
samt den kinden Le sy das land
rühiglich besaßen. Auß diser Ma/
teri soltu nemen das dir zū gepürt
ob du komenn wilt in das gefegnet
land ains beschawendū lebens Sch
solt du aigenlich mercken mit ersch
rockem gemüt Das von sechs hun/
dert mal tausent mann / on weib vn
on kind / den allen versprochen was
das gefegnet lannd Vnd all willent
heren darcin zükomen / allain zwen
man Josue vnd Caleph darcin ka/
men Das beschluß in dein hertz vnd
laß dich es erbarmen / das vil men/
schen ansahent vnnnd begtrig seind
zükomen in ain beschawendes vol
komens leben / vnd doch gar wenig
darcin komen.

Ein beschawender mensch sol im
kain zill sezenn / noch rüwe süchen /
sunst möcht er nitt komen auff die
höch des pergs Daron hie nach ge
schriben steet.

In andechtige sel die dan
a gott allain leben ist / vnnnd
nu frölich eingetretten hat
in ain beschawendes leben / die soll
grosser weishait pflegen das sy nit
zūspot werd iren veinden . Also er
man ich dich du edle sponsa des al/
lerhöchstenn / das du bey dir selbs
seist zū aller zeit Darmit dein feind
nit erfreüt werden / Dir zimpt nit
still steen in kainer weiß Dir zimpt
auch nit mitt vngestümikayt hoch

Von

fliegen Besunder von tag zutag st
lich vnnnd lancksam auff steigen in
diemürriger forcht So magstu ko
men anff die höch des pergs Da
von Isayas spricht Kumpt her vñ
last vnns auf steigen / zü dem berg
des herren Vnd zü dem hauf gotz /
Jacobs / so wirt er vns leern sein
weg / das ist / sich selbs wirt er vns
zü beschawen geben Er spricht / in
dem Ewangelio Mathei xxiiij. ca.
An welcher stat der leichnam ist /
da werdñ gesamlet die adler / über
das selb wort redt Sant Augustin
vñ spricht also Die übertriflichait
der götlichñ lieb ist kreftiger dann
der Adamant Vñ zücht an sich wü
derbarlich alle die / die seiner lieb
kein irrung tünd Vnd ist sy darzū
mit gnadñ zwingen / das sy haben
ain prüende begir vnd ain auffer
hebz gmüt allain an die stat / da er
selbs wonüg hat / nun erkennst du ai
genlich wol / wa dein lieb / dz ist got
selbs wonüg hat / darüb müstu auf
steign an de perg des schawendñ le
bens vnuerdroffenlich vñ darinnen
kein rü süchñ Als etlich vnuerstan
dñ menschen die nit versücht haben
was ain schawendes lebñ ist / die da
zü behalten vñ wider züpringen Ir
kreft / vnderweillen ablassen vñ rü
en Du solt in warhait wissen / Als
Bonauentura spricht / das söllich
menschen Ir kreft nit meren / oder
sy wider püingñ / besunder sy zersto
rens / oder zerstreuwenz / vnd gesch
icht vñ vñ offte das ain andechti
ger beschawender der da behendig
lich lauffen ist / groß süßkait vin
det / So ain anderer der da lang
sam gatz / vnd sein selbs zü vil scho
nett müd wirt vnnnd in kreffen ab
nympt / Darumb ist nichts edlers
dann mit Maria der Junckfawen

Dem

auff zü steigen auf den perg / mit be
henditait Als Lucas schreibt Tu
du aufferwelter fraind gotz / ob die
dise leer in deinem anfang noch zü
hoch wär / vnd deiner gleichait zü
vberschwenck So merck doch ain
natürlich exempel an ain menschn
der da ain perg auff geet Wen der
selb müd wirt mitten an dem perg /
so geet er nit wider ab zü tall Wan
also möcht er nymer meer auff den
perg komen Zü gleicher weis tünd
die gar tolich vñ mügn mit nichtñ
komē zü der höch des beschawendñ
lebens / die heüt vil oder wenig auf
steign vñ morgñ verdrossen werdñ
ob widerkeren zü dem tal / irs erstñ
stands / in die weit v vnvolkomen
hait Vñ nit erkennen dz sy gar hare
wis komen mügn an die stat darzū
sy vor aufgestign waren vñ das ist
die vrsach / als ich main das zu dis
sen zeitten / so gar wenig schawens
der menschen komen auf die höch
diss bergs / wann wo ain mensch
heüt auff gestigen wär / als vill er
möcht / vnd also bestünd in rüwe /
das er sich nit abkret / vnd morgen
von der selbñ stat fürbas höher er
hebe wurd / vnd da selbst auch setze
die süß seiner begir / vnnnd darnach
aber fürbas in auffsteign bestendig
vñ vnwandelber belib / ain sölicher
mensch als v cardinal schreibt Bo
nauentura möcht grösser werdñ vñ
höher komē in beschawendem lebñ
in ainem monat Dan ain ander in
fünftzig iaren der vnstat ist in sei
nem leben / vnnnd darumb das du
von got vñ allem himlischñ her ge
wirdigt werdest vñ lieb gehabt So
mach dich gleich söllichen hohen
menschn / laß dich nichts abtreibñ
noch irren Besunder nach allñ kre
ften leibs vnnnd seel / ob dich würck

volkomen

perlich mitte ganzer begir deines
herzē Als lang biß du gewachsen
vnnnd aufgestigen seist zu dem höch-
sten grad der volkomenhait / Also
hat gethan der haillig Patriarch
ysaac von dem geschribn ist in dem
büch der geschöpff Am xxvj ca. Er
gieng vnnnd wüchß vnd nam auff/
als lanng biß er gar groß ward in
volkomenhait Des geleichn hat ge-
tan der lieb dauid Davon geschrib-
ben steet im anderen büch der künig
am dritten ca. Er was auffnemem
in im selb vnnnd alzeit mer geschickt
Also müßtú auch al tag sterker wer-
den / vnnnd besser in deinem lebenn /
Wann als der haillig Job spricht.
Es mag der mensch nit in ain we-
sen beleibenn Darumb rede Sant
Bernhart Du diener gottes / du
magst nit stillsteeen in ainem stand
Darüb ist dir noc das du auff oder
absteigest Wilt du aber still stan so
müßtú ganz nider vallen Wan du
bist in der warhait nit gütt oder ge-
recht / so du nit willen hast nochbes-
ser zu werden Des merck auch ain
figur in dem büch der geschöpff /
Jacob der haylig Patriarch / itt
seinem schlaff sach ain laytter die
raicht auf an den himel / vnnnd dar-
an sach er die engell gotes on mit-
tel auff vnnnd ab steigen Die bedeut-
tung diser figur ist woll zumerken
Auff disen Syn Spricht auch der
haillig pabst Leo Die war gerecht-
tikait der volkomen menschen ist /
das sy zu kainer zeit ain genügen
haben wellen / vnnnd sich nit schezē
volkommen zú sein in kainer weiß /
Wann kain mensch / ist als volko-
men vnnnd als haillig er müg noch
hailliger vnd volkomner werden /
Des geleichen redt sant Bernhart
vnnnd spricht / das vnser volkomen

menschen

hayt darauff stee / das wir zu kais-
ner zeit vnns schätzen sollen volko-
men / Besunnder allzeit sollen wir
für sich geen vnnnd vnser atgen vn-
volkomenhait der göttlichen gütt
diemütiglich clagen Wan er ist vn-
sers endes ware volkomenhait / die
wir in diser zeit suchen vnd in ewi-
kait besizen werden.

Was ain beschawendes lebenn
genant sey / vnd was den Inneren
menschen laütterer vnnnd berait-
ten mög zu ainem beschawendem
leben.

Eich bistú in genaden vn-
er woll geziert mit tugendē
du sponsa Christi Darum
bistú wordenn ain freudenreicher
sall des ewigen gotz / mit dem du al-
so verpflichtet bist in hailliger ain-
kait das dir alle ding / die dich nit
in gott weissen / bitter vnnnd schwär
worden sein. Ach du innige liebhas-
berin / dein begir mag ich nit ersat-
ten mit meiner geschriffte / Wan es
ist vnmüglich / das ain ainiger me-
nisch / das ganz meer erschöpf Sch
darumb das dise hohe Materi al-
len rainen abgeschaidenn herzen /
kunt ist / die den darzú beraitchaft
haben / vnnnd enpfencklich seind des
göttlichen einfluß Davon ich oben
ain wenig geschribn hab Wöchtest
du sprechen / was doch ain bescha-
wendes lebē genant sey / seid es dem
volkomen lebē zugebürt Antwort
Gregorius vnnnd spricht Ain schaw-
wends leben ist / von außwendiger
würckung rüwen / vnnnd allam mit
prüenē begir dem schöpffer anhen-
gig sein Also das der mensch ganz
ledig stee vō aller sorg / vnd sein ge-
mütt enzünt sey allain zu beschawē
G ij

Von

den anplick des schöpfers / sant Augustin spricht ain schawendes lebñ ist ain götlich bewegüg dardurch ain andechtige sell in starker begir enzuckt wirt in die höch / vnd Als vill wirt sy inprinstiger als vill sy rainer ist Vnd als vil ist sy rainer als vil sy in gaisstlichait lebñ ist / vñ als vil sy leben ist in gaisstlicher Übung ir kreft Als vil sy von leiplich en wollusten vnd zergentlichen begirden abgestoben ist / sant Bernhart spricht Ain beschawends lebñ ist ain aufmerckigs fürschen vñnd ain lautere beerachtung / da ain mensch sich in jm selbs gesamelt hat / vnd in jm selbs beleiben ist / also das er mit götlicher hilf außwendiger ding ledig steet vñ got allain beschawñ ist Diser hailliger leerer wort / seind dir wol zumerken / wañ daruf magstu erkennen / was ain beschawendes leben sey Vñnd was darzñ gehöret Nun wil ich dir noch meer zñwissen tñn in kñrz / was deinen inneren menschn beraiten mag vñnd leütteren zñ ainem beschawenden leben Zñ dem ersten mall müstu dich vor trewlich geübt habenn in dem wückenden leben von dem ich dir geschrybenn hab in den Ersten zwain railen dis büchlins von Lasaro vñ Martha Wañ also spricht Gregorius wellicher mensch begeret zñkommen in ain beschawendes lebñ der sol vñ erstñ sich bewart habñ in ainem wückendñ lebñ sant Bernhart spricht / wer niessen wil der süsifitait des beschawenden leben / dem wirt zñ dem erstenn fürgelegt / die Übung des wückendñ lebens Was aber ain wückends lebñ sey schreibet der leerer Beda vñnd spricht ain wückends leben ist / so der außser mensch sich üben ist / in aller gere

Dem

ehrigkait / vñ vnnermaligt beleibe in diser welt Also das sich der mensch ganz vndertanig macht ewiglich got zñ dienen vñ mit allem vermügen den durftigen hilfflich sein / Den hungerigen speisen Den durftigen trencken Den nackendñ claiden Den ellendenn behaußenn Den krankten haim süchñ Den gefangñ trösten Den todten begraben Den irrenden weisen zñ dem weg der gerechtikait Den sñnder straffen / vñ ermanen / vñnd andere werck / Die brüderlich lieb erzaigen / trewlich volbringen / vñnd bis in den tod streiten vmb die gerechtikait Augustinus spricht / wückendes leben ist / vmb die lieb got / leiplich dienst beraiten Als üben werck der barmherzigkait Vñnd ander tugent die den menschen zñ got fügen Das ander dardurch du berait wirt zñ ainem beschawendñ lebñ ist innikait od ainikait Darin gewesen ist iacob der patriarch Davon man list in dem büch Genesis do er von Aranhaim zoch gen Mesopotamia Do schickt er vor an seine deiner Vñnd alles hauf gerade Vñnd belaid ainig zñ der selben zeit Do kam zñ jm der engell gottes Vñnd rang mit jm bis der tag auffgieng Do sprach er ich han gesehenn den herr en von angesicht zñ angesicht vñnd mein seel ist haylsam worden Auch spricht der herr / durch den propheren Ezechiel / zñ ainer jedñ andechtigen seel / gee ein vñnd beliew dich mitten in deinem hauf so wil ich zñ dir komē Also hatt gethan der haillige prophet Moyses als geschryben steet Exodi am xix. Capittel. Do er allain von allem volck gieng auf dem perg Synay in ain tuncel Vñnd ward vmb gehñ mit ainem wolck

volkomen

menschent

Do kam got der herr vnnnd reet mit
 jm als ain fründt zü dem ande-
 ren Also ist auch gefunden worden
 die aller höchst vnnnd würdigest be-
 schawerin die junkfrau magt Ma-
 ria von dem engel Gabriel als Lu-
 cas schreibe / do sy den herrn enp-
 fieng Darauf spricht Sant Bern-
 harte O Cristenliche seel beleib ai-
 nig vnd behalt dich in Innigkeit al-
 lain dem / den du vnder taußenten
 außserwelt hast Er spricht fürbas /
 dein gespons ist ain schemiger lieb-
 haber vnd wil sich nit geben an of-
 fen sterten Das merck mit ganzem
 fleiß Vnnnd volg diser leer So will
 sich din gespons zü dir verpflichten
 mit besunderem lieblosen.

¶ Von den tugendn dardurch ain
 mensch wol wirt geschickt zü ainem
 beschawendn leben das ist gar güte
 zü wissen.

alig sind die rainen hertzn
 ¶ wan sy werdñ got schawñ
 als geschribñ steet in dem
 Ewangelio Mathei am fünften ca.
 Darüber spriche Sant Bernhart
 Got ist ain vnaussprechenlich güte
 vnd unbegreiflich / vñ mag nit
 gesehen werden dan vnaussprech-
 lich vnd gar wunderbarlich Darumb
 begerstu das selbige güte züschawñ
 so raignig dein hertz / wan in kainer
 leiblichen form oder gleichnuß von
 dem schlaffenden oder wachenden /
 Besunder allain von dem rainen
 hertzen vnd in diemütiger lieb wirt
 er gesehem Vnnnd also die dritte be-
 raitenschaft zü götlicher beschawung
 ist raignigkeit des hertzen / vnd zü vor-
 driff (Als / sant Bernhart spricht)
 So sollen in dem hertzn zway ding
 gelauertete sein / Das ist verstant

nus vnd der wil Dife beraitenschaft
 hat größlich an jr gehabt / die raign
 liebhaberin Maria Magdalena
 sunst möcht sy nit als gar hoch auf-
 gestigen sein in götlichem bescha-
 wen Wann als David spricht / in
 dem psalter O herr wer ist der / der
 da auffsteiget vnnnd wunnlichlich
 rüwet auff deinem halligen perg /
 Niemand dan ain mensch mit vns
 schuldigen henden vnnnd mit ainem
 lauterem hertzn Das viert ist gantz
 lich ledig steen vñ abgestorben sein
 von leiplichen vnnnd zeitlichen trös-
 sten vnnnd wollüsten Wann es stat
 geschribñ in den trononio Das die
 kinder von Israel in der wüß nach
 vil festigung vñ mangel leiplicher
 tröstung / gespeist wurdñ mit dem
 himel brot Zü gleicher weis / sant
 Johannes der Ewangelist / do er
 was in der wüß vnnnd kainen zeit-
 lichñ trost hert Do sach er vil haim-
 lichatt / als geschriben stat in apo-
 kalipsi Auch spricht David in dem
 psalter Mein sel hat verschmachtet
 allen trost / Aber so ich an gott ge-
 dent so enpfind ich grossen wollust
 Darüber redt o hailig leerer / sant
 Bernhart vñ spricht Es ist pillich
 vnd recht / das die menschen die kat-
 nen trost haben in zeitlichen din-
 gen / getröst werdenn in götlicher
 beschawung Vnd in betrachtung
 der ewigen glori Vnd darumb du
 sponsa Christi Wiltu in götlichem
 beschawen wollust empfinden vnd
 getröst werden in süßer andacht /
 So müßtu gantz vernichten all wol-
 lust vnnnd freüden die nit mit gott
 seind / sprichstu aber es ist gar hert
 also leben in diser welt / vnnnd dem
 fleisch also ganz abgestorben sein /
 Die soltu mercken was Sant Gre-
 gorius spricht Der mensch mag nit



Komen zu grossen verdienen/vnnd zu himlischer süßigkeit/dann durch gross mü vnnd arbeit Auch spricht Sant Bernhart/ das die anserwelten Junger Christi nit empfindlich sein möchten/ des hailligen gaites/ noch empfinden mochten/ Inwendiger süßigkeit darumb das sy der aller hailligsten menscheit/ Christi also anhengig waren vnnd darinn allen trost süchten/ Vnnd du wilt deinen schnöden leichnam/ der davor ist alles vnflatz vnd man gerlay prechen/vnordenlich lieb haben Vnnd wilde darzu auch gaitlich getröst werden/es mag nit gessein Wann der götlich troste vnd die gaitlich süßigkeit ist also zart vnnd edel Das sy nit gegeben wirden menschen die in leiplichn oder irdischen dingen trost süchen sind/ Als Sant Bernhart spricht Wan feur vnnd wasser sind vngeleicher natur/ vnd mügen nicht bey ainander beleiben/ Das sinft das den menschen beraiten mag zu gölichem beschawen/ ist ain auferhebt gemüt/ Vnd ain betrachtung der ding die ob vns seind/ Wann also spricht got der herr zu Moysen als geschribn steet in dem buch Deuteronomio. Steig vff die höch des berges phasge/ vnnd erhebe deine augen zu dem auffgang/vnnd vndergang der sunnen/ vnnd beschawe das Erreich/ das ich ewch geben will Christus iesus als in dem Ewangelio Warheit geschryben steet/ am xviii. Capitel. Do er auf gestigen was auff den Perg Thabor/ Do ward er verwandelt vnd Clarificiert vor seinen jungeren/ Auff diesen perg steigen wir mit dem herren Vnnd werden in gott verwandelt/ so wir durch die krafft götlich

cher beschawung/also erhöcht seind das vnser andacht verwandelt wird in ain götlichs wesen Vnnd zu sölicher verwandlung müg wir salliglich komen Wenn vnser andacht also gewachsen ist/ das sy allain ain prinnende lieb genant wird/die dann sölich krafft würket/ das got der haillig gait sich einsetzet in die seel/vnnd ist erküchen/ vnd lebendig machen all ir krefft/vnnd denn durch sein selbs almehetigkeit/ ist er vnns zucken vnnd erhöhen über alles das/das wir in vns/vnnd auff vnns sein Wen das nun geschcheh ist/so sey wir den also verwandelt/das vnser will ist worden ain lieb/vnser verstantnuß ain beschawung/vnnd vnser gedechnuß ain lauttere weishait Vnd also sind die drey krefft der seel/ von irem natürlich en wesen entpfrembt vn in ain götlichs wesen der lieb/der beschawung vnnd der weishait verwandelt worden/ Nun mügen wir sölichs auff vnns selbs nit volbringenn/ Doch wenn vnser inner mensch darzu geschickt ist vnd an im hat beraiterschaft als oben geschribn stat So wirt er denn durch hilff götlicher genden/also wunderbarlich verwandelt/vnnd erhöbt in die höch zu götlicher beschawung Wann zu sölichen menschen spricht der herr/ durch den prophetem/ Esay am/ Ich will euch erhöhen über die höche des erreichs/vnnd will euch speisen mit der erbschaft Jacob eüers vatters Dar auf spricht Sant Bernhart/ Wenn das vernünfftig gemüt geläutert ist So mag es erhebt werden hocheding zu beschawen/vnnd das müß allain geschchehen in genden Dar vmb du andächtigs hertz Seid du nun alle beraiterschaft hast

volkomen

menschē

vnd doch vonn dir selbs nit erhebe magst werden / noch auff steigen in die höch götliches beschawens So setz dich in dein selbs ploß vernichten / vnnnd laß dich got gänzlich in allen dingen / Also das du trostlich sprechen mügest zū deinem gespons Jesu Cristo (als geschriben steet in dem büch d̄ lieb) zeuch mich zū dir so wöllen wir mit ainander lauffen in den wolgeschmack deiner salben Bedeütig diser wort empfilch ich deiner andacht.

Das mangerlay Contemplieren ist / als hie nach geschriben steet.

ya du woll gezierte spon
 sa Jesu chusti Seid ich
 dir versprochen hab al-
 lain zūschreiben ain schi-
 ckung zū ainem beschawenden lebñ
 Darinn sich üben sollen / die menn-
 schen / die da komenn seind in ain
 volkomen leben oder in das wesen
 der volkomenhait Der du auch ai-
 ner bist / vonn den genaden gottes /
 vnnnd hab nit willen zū schreibenn
 was süßkait / vnnnd wollust die be-
 schawenden menschn in jr andacht
 begreifen / wann es vnmüglich ist
 Als sant Pauls von jm selbs schrei-
 bett / da er in andechtiger bescha-
 wung enzuckte warde Do sach er
 söllich haimlichait / vnnnd enpfand
 söllich wunsamy süßkait / Als er
 selb spricht / das es nit zimlich was
 noch möglich den menschen zū wis-
 sen thün Darzū ist es vill loblicher
 du enpfindest es in dir selbs / dann
 das ich es dir in geschriste setzer /
 Nun hastu nach meiner obgeschri-
 ben leer alle beraitschafft / als ich
 hoff Vnnnd gebüß dir niches dann
 das du noch vnuerfücht bist Dar-
 umb bistu pillich in sorgen / Vnnnd

magest woll sprechenn in andechti-
 ger begir mit dem hailigen David
 Wer wirt mir federen geben / als
 ainer taubñ / das ich gefliegen mü-
 ge vnnnd rüe finden Wann nur al-
 lain / du seist wol gefedert / sunst ma-
 gstu nit wol in die höch gefliegen /
 Du müßt auch habenn zwen flügell
 der du vast nocturftig bist / vñ dar
 mitte du sicher gefliegen magst / in
 ain götlich beschawen Das ist in-
 prinstige lieb / vnnnd andechtig be-
 gir Wie du aber fliegen solt / schrei-
 bet der wurdig leerer Reichardus /
 In dem püch von dem beschawen-
 den lebñ / wir sollen ain aufmerken
 haben / auff die vogel von den wir
 altag ebenbild nemen mügen / wan
 sy mengerlay fliegen / pflegen seind
 Das erst / ist das fliegen der vo-
 gel / die Erst von dem nest fliegen /
 vnnnd beleibent nachent ob dem ert-
 reich / Also dein andacht / soll nitte
 zu hoch sein Besunder ob dir selber
 schweben vnnnd nit züuer fliegen
 vonn deinem ertreich / Du solt auch
 eigentlich betrachten in deiner in-
 wennkait / wer du gewesen bist vor
 zeitten / in wellicherlay wesen dich
 got geuodert hatt Vnnnd manger-
 lay übel das du begangen hast Vil
 güter werck die du versaumt hast /
 Auch das du noch vill angefochten
 wirst von den sünden / vnnnd vmb
 geben bist mit mangerlay geprech-
 en Auß diser beschawung wirstu
 fürsichtig vñ forchtsam in deinem
 leben / vñ das ist ain güter ratt den
 dir sant Bernhart gibet / da er sprit
 che O du diener gotes dein bescha-
 wung sol ain anfang haben an dir
 selbs / Wan ob du dein selbs nit ge-
 war nimmst so bistu eitel vñ vnütz für
 bas zū fliegen Es spricht Christus
 in dem Ewangelio Mathei xviii.

Von

Was pringet es dem Menschen nutz / der die ganz welt gewonnen hatt / vnd sich selbs verliessen ist / Als ob er sprach / was pringet es dir nutz so du fliegen bist zu hohen din gen / vnd von erst nit geflogen bist zu dir selbs Auch als Sant Bern hart sprichet Ob du die höchsten erkantnis herest aller haimlichkeit d himlischen / irdischen / vnd darzu der tieff des mers / vnd was darin ist / vnd dich selbs nit erkennest / So wurdstu zugeleichte ainem der da pawet on grunntest Darumb du edle sponsa Christi in deinem beschawenden lebenn mach dich von erst gleich den iungen voglen die erst lernen fliegen Vnd hab ain anfang bey dir selbs Vnd ob du in diesem fliegen nit vast möchtest bewegt werden in deinem gemüte zu süßkeit / So flüg fürbas mit den anderen vogelen / die da mit behendigkeit für sich fliegen in die weit / Vnd zühand in dem selben flug keren sy wider vmb schnelliglich hinder sich züfliegen / Des gleichn solt du mit deiner betrachtung für sich fliegen / Zu dem strengen gericht gottes / betrachten die zeit deines hinschaides von diesem ellend / vnd wie es da selben vmb dich gestalt würt / Betrachten die hellischenn pein / vnd da selbst aigenlich beschawen die bitterkeit / vnd die manigfaltigkeit der pein / Nach dem als ain jeglich mensch hie in diser zeit verschult hat Den soltu schnelliglich zu dir selbs fliegen vnd beschawen die groß / vnd manig deiner sünd vñ in diesem fliegen solt du dich trewlich üben Wan dar durch wirstu bewegt zu gödtlicher forcht / die da ist ain anfang der rechten weisheit Als David sprichet Doch soltu

Dem

nit zu lang harren in diser beschawung Nur als vil dir besund nutz dauon komen mag Vnd dich für das weissen ist zu ainem frölichn beschawen der götlichen gerechtigkeit Darinn du ain ganz wolgefallen haben solt Von diesem fliegen merk ain bedeutung in de püch der haimlichen offenbarung Do sant Johannes gesehen hett vier tier die hetten vorn vnd hinten / augen Vnd als Ezechiel sprichet von den selben tierren Sy gingen vnd keren sich schnelliglich wider vmb Nun ob du allain in diser beschawung belibest des andern fliegens so möchtestu vil leicht in ain zweiffung vallen Darumb soltu fürbas fliegen / mit den dritten sögelenn / die ain sollich gewonheit habn in irem fliegen / wenn sy lang zeit bey dem ertrich geflogen sind so erhebn sy sich den schnelliglich als ain polz vñ ainem arm brost in die hoch / vnd fliegen über sich / des gleichen wenn du lang vñ vil betrachtet hast dein selbs gepreschen vnd armüt / die strengigkeit des rechten richters Die hellischen pein / die den sünderen berait ist / vñ auch ander artickel / die zu diser betrachtung gehören So soltu denn über sich fliegen zu der milten barmherzikeit gotz / Vnd da selben trost süchen / in diesem fliegen ist gewesen der haillig Sant Bernhart / Da er also sprichet Alle lang ich bin mein selbs beschawer so bin ich vñ geben mit bitterkeit vnd schmerzen Wenn ich aber mein gesicht / über sich erhebe zu der grunntlosen güte vnd barmherzikeit meins herren So wirt mir geholffen Wann da vinde ich allenn trost / Nun du sponsa Christi in diesem fliegen deiner betrachtung solt du dich fleis

volkomen

menschen

siglich vnnd oft üben / vnd ain fro
locken haben an der grossen / vnnd
gruntlosen tief der barmherzikeit
gottes So wirstu begabt mit neu
wen freuden der göelichen genaden
darmit du fürbas fliegn magst als
hie nach geschriben steet:

In diesem capittel vndestu noch
meer vnderweysung von Contem
plieren:

Ieplich wirstu vmbfan
gen von deinem gespons/
Wen du also hoch geflogē
bist das du mitt deiner beschawūg
zū nāchnen bist dem thron der göt
lichen Maiesteet Darzū du loblich
komē magst ob du dich trülich übū
bist mit deinem fliegen Als oben ge
schriben ist Vnnd alls ich hernach
mer schribū wil Nun hastu gehōrt
von dreyerlay vogell / wie du dich
den selben in deinem fliegen geleich
solt machen So soltu fürbas mer
cken die vierden vogel die mit gro
ser behendikeit offte vnd dick on auf
hōren über sich in die hōch vnnd wi
der ab zūtall fliegen sein Also bistu
nun erleucht mit newen genaden/
Vnnd enpfundest wie got so barm
herziglich mit dir würckē ist / auch
erkenstu vill grosser güttat vñ gab
die du von gott enpfanngen hast/
So solt du mit deinem fliegen dei
ner beschawung in danckperkait/
über sich fliegen zū gott deinem her
ren / vnnd als vill du meer die güte
gores in dir erscheinen vndest / als
vil meer wirstdu in seiner lieb en
zünde Darumb wiltu in diesem flie
gen nit eitel bleiben / so betrachte ai
gentlich / vnnd mit fleiß / Wie vill
gott der herre dir lieb / vnnd trw be
wysen hatt in jm selbs / Vnd och an

dir in der gemain mit allen mens
schen Vnd auch in sunderhait für
ander menschen / So vndestu als
vil / das es niemant kan noch mag
erschreiben Vnd würdest auch pil
lich widerumb beweget / gott lieb
zūhaben von gangem herzen / vnd
vō diesem spiegel spricht sant Bern
hart . Der ist ain saliger mensch
der vmb ain yeglich gab der gena
den oder gütat widerumb laufft zū
dem der in ganger genücksamikeit
ist aller genaden Wan so mir dem
selben vmb die eingenomen genad
dancksagen so berait wir vnns stat
das wir noch grosser gnad enpfen
cklich werden Das fünffte fliegen ee
licher vogel ist / dz sy in irem fliegn
wandelbar seind / yetz fliegen sy zū
der gerechten / yetz zū der linckenn /
yetz hyn / yetz herwider Diffe form
soltu auch haben in deinem bescha
wen Wann bey der gerechten soltu
versteen / die gelickselikeit in disser
welt / Bey der lincken soltu verstat
vngelückperkait Vnnd also wenn
du betrachten bist / wie du in gelü
ckperkait / vnnd so es dir woll geet /
in leiplichen vnnd in zeitlichen din
gen vill gaisfliches schadenns en
pfahest Auch wie du in widerwer
tikait vnd trübsal got so innig wer
den magst vnnd vil gaisflicher nütz
erlangen So wirt dir pillich süß /
vnnd wunnsam / all trübsall vnd
was dir von leiden vnnd widerwer
tikait zū steet / Vnnd wirt in dei
nem hertzenn aller zeitlicher troff /
vnnd lieb zū disser welt ganz erlo
schen / Auf dissen Syn spricht sant
Gregorius Glücksalikeit in diser
zeit ist ain vtünd des ewigen laids
Vnd pitterkait der gegenwürtigū
trübsal ist ain vtünd d lieb vñ frūs
schaft des almechtigū gotz / Nu du

edle gespons Christi / wenn du dich nach der obgeschriben form in deinem beschawñ erwlich geübt hast In beschawen der egenanten ding die vnder dem himel seind / so soltu denn dein ferrachen erschwingen zu beschawen die himelischen Wan die recht ordnung ist / das man an dem irdischenn anhebe auff züsteigen vñ ordenlich für sich gang So mag man komen auff die hoch des pergs Also müßtu in deinem beschawenden leben ainen anfang haben / an dir selbs / vñnd gedenncken von wem du komen seyest / wer dich gemacht / wem gleich vñnd warzu er dich gemacht hab. In diser beschawung vindestu (Als sant Augustin spricht) wie großlich du vñ gott gewirdiget bist über alle Creatur nach dem gaist / Wan got hat dich gemacht ain vernünfftige creatur / nach seiner bildung vñnd gleichheit / er hat dich im vermächelt im glauben / in besunder lieb auß erwelt / vñnd begabt mit mangen tugenden vñ gnaden / Teur gekaufft mit seinem reichen plüt vergiessen Genodert zu der ewigen glory / vñ dich gemacht hat ainen miterben seiner ewigen saligkeit / wiewol du dich selbs ennerbt hast Vñnd dein wirdigkeit so seer geschwechet / das sol dir laid sein. Du solt eigentlich betrachten / wie du so gar adenlich gemacht bist Vñnd zu deiner zier in dich getruckt ist / die bildung der aller hailigistñ Trinitat / also hat getan Sant Bernhart / da er spricht nach dem inneren menschn vñnd ich dreü ding in mir dar durch ich götlich gleichnuß empfach / das ist gedächnuß / verstantnuß / vñnd der will / Vñ weñ ich an got gedenc so empfind ich grossen wollust / in der

verstantnuß beschaw ich got wie er in im ist / so vnbegreiflich on anfang vñnd on end Vñnd wie er in den Englen so wunsam ist / in den hailigen freüdenreich / in allen creaturen so wunderlich / wan er alle ding so mechtiglich beschaffen hat vñnd so weislich regieren ist Vñnd so ich got durch den willen liebhab So wird ich gantz in got verwandelt Fürbas spricht er. O mein seel er munder dich / vñnd lob deinen herrñ Wan er hat dir wol getan Er hat dir geben vñndölich natur / ain vñnzerpreehenlich substanz vñnd ewigkeit des lebens / sunst möchtestu nit sein ain bildung der ewigen trinitat Fürbas spricht er also O mein seel erken das dir dein schöpffer geben hat Ain schon wessen vñnd ain ewigs wessen Vñ darumb soltu erkennen dein schön / das du auch erkennen mügest wöliche schön du lieb solt haben Bonauentura spricht. O mein seel dein wunderliche wirdigkeit merck by dem das niemant rüen mag in dem hauß deiner wonung Auch nyemant mag dir ain wonung beraiten darin du rüen mügest / dan die almächtigkeit vñnd lautterkeit der ewigen Trinitat Vñnd also du sponsa Christi erkenn dein wirdigkeit vñnd hab dich selb in eren / vñnd ersöw dich mit Sant Augustin das du ains sölichen gaistes wirtin sein magst O wie gar salig du worden bist (Als sant Bernhart spricht) Seid du in warheit gesprechen magst Die wort die geschriben steen In dem büch Salomonis / der mich beschaffen hat / der hat rü gesucht in meinem tabor nackel. In diser beschawung dein selbs vindestu vill Materi / ob du fleißig bist / das ich von kütz wegn

völkomen

freuen laß / vnd solt mit dir sebs also
 anfahren / vñ was du vndest in den
 Creaturen vmb dich / in diser welt
 darinn soltu dein beschawen üben /
 Seid es dich doch alles in ain göt-
 liche beschawung weiser / vnnnd dir
 zü bekennen gibte / die mächtigkait /
 weißhait / miltikait / vnnnd gürtikait
 des schöpffers Vnnnd so du in deiner
 beschawung all Creatur überflo-
 gen hast / von irdischen bis zü den /
 englischñ / so vndest du das all Crea-
 tur von götlicher ordnung beschaf-
 fen ist / dir zü nutz vnnnd zü dienen /
 vnd also soltu her chñ über all crea-
 tur vnd sy ordnen in iren vsprung
 Wann als sant Augustin spricht
 Du bist gewirdigt vnnnd gehöcht
 über all ding Darñ mag ich woll
 mit deinem gemachel zü dir sprechñ
 Als geschriben steet in dem büch d
 lieb D aller schönste vnder allñ wei-
 ben / gee auß / vnnnd volge nach den
 fñritten irs schöpffers / das sind
 die Creaturen / vñ speiß / deine kiz-
 len pey den Tabernakeln der hirtñ
 Darüber spricht Augustinus / seid
 du bist ain spiegel der götlichen tri-
 ualitikait / so ker dein beerachtung
 zü den kören der engel / den du in na-
 tur gleich bist / vnd also soltu dich
 fürbas erschwingñ mit deinem flie-
 gen zü beschawñ die ding die ob dir
 sind Vnnnd nym ain form von den
 sechs vogeln / dauon ich dir fürbas
 in dem nach geschriben Capitel sa-
 gen will

Ain gleichnus vnnnd form vonn
 Conemplieren der himlischen freu-
 den.

Iffikait der himlischenn
 freuden / ist vnns in disser
 zeitt unbekant Darumb

menschen

mag ich oder yemand anders kait
 genügen dauon thün In geschribt /
 Wann als ysayas spricht Es hat
 kein aug gesehen / noch kein or nie
 gehört / noch kein hertz nie erkant
 Die wunsamen freud / die gott der
 herr seinen liebhaberñ bereit hat /
 ach du edle gespons des ewigñ gots
 ich erkenn das all dein begir erhebe
 ist allain zü beschawñ Hierusalem
 die stat des höchstenn gots Als der
 prophet spricht / darinn du vnder
 magst das ennd deiner völkomen-
 hait / vnnnd da du allain ersatt wer-
 den magst / aller wunn vnnnd saliz-
 kait Nun seid du von den genaden
 gottes bis her wol vnderweise bist
 wordñ wie dein lebñ gestalt sol sein
 Vnd auch mit deinem gespons / in
 sölicher ainikait verpflicht bist das
 er süßiglich in dir rüen ist Darumb
 soltu nit vil süchen vnderweissung
 von den menschen / seid du die höch-
 stñ weißhait in dir beschloffen hast
 Doch will ich dir mit meinem gro-
 ben syn ain gleichnus für legenn /
 bey den sechs voglen / die mit irem
 fliegen über ander vogell sich in die
 hoch erheben / Vnnnd als in ainem
 Circell / in die weite fliegen / Da-
 uon du vnderweissung nemen ma-
 gst Also das du dich in die hoch der
 hymel / mit deinem beschawñ erhe-
 bst / vñ da selbst als in ainem kraiß
 vmbfliegest zü beschawen die lobli-
 chen gesellschafft aller hailligenn /
 Die wirdikait vnnnd ewigkait der
 himlischen stat / vnd was du sunst
 meer begreiffenn magst mit deiner
 verstantenuß / Es steet geschriben
 in dem büch Numeri an dem xxvij-
 capittel Da spricht got zü Moysen
 Wenn du kumpst auff den Perg /
 So beschaw das gesegnet land /
 wie es gestalt sey vñ das volk das

darinn wohnung hat ob das ertrich
güt oder böß sey Vnd ob des volks
wenig oder vil sey darüber spricht
sant Bernhart O ir andechtigen
herzen/ ir solt ewr gemüt erheben
Vnd in andechtiger beschawung
hainsüchñ die obristñ stül der him
lischen stat Hierusalem da sind vil
wohnungñ die ir all durchgeen solt
mit diemütigem beschawen Vnd
solt eüch nider werfen für den tron
gottes vñnd des lemlins Vnd mitt
hailliger begir hainsüchen all kör
der engel Vnd mit allen hailligen
singen ain news gesang Als Sant
Johannes in Appocalipsy schreibt
Eya du edle gespons/ ain dochter
des ewigen künigs Laig dein oren
mit dem hailligen dauid Vnd merk
wan der künig hat begert deiner ge
stalt Lauff vñnd eil mit hailliger be
gir zu diser hailligen hochwürdigñ
stat Wan nit allain die engel vñnd
all haillig gaist Besunder auch der
haillig aller hailligen ist auff dich
warten Got der vatter begert dein
als seiner liebsten tochter Gott der
sun begert dein als seiner aller süß
festen gespons Got der haillig gaist
wardt dein als seiner außerwelten
freündin Gott der vatter will dich
machñ ainen erben alles güts Got
vñ sun wil dich machñ ain miterben
seiner hailgen gepurdt/ vñ ain lön
seines reichlichen plüetvergiessens
Gott der haillig gaist will dich ma
chen tailhaftig seiner ewigen güte
vñ süßkait. Dein begeren auch
all diener vñ dienerin des höchsten
künigs/das sy dich in ir gemainsch
aft empfahen. Darumb du andech
tige seel Als sant Bernhart spruche
Ob du nach dem leichnam wonüg
hast in disser zeit/ doch mit deinem
gemüt soltu wohnung haben in dis

ser himlischñ stat Es spricht auch
Hieronimus / in diser stat wirt si
zen das volck in den Thabernacke
len der clarhayet vñnd des frides/
Vñnd die lebenndig speiß die da all
hailligñ ersatten mag in genügsam
kayt aller freüden/ vñnd wollust/ ist
das vñschuldig lemlin Jesus chris
tus. Davon Johanneß schreibt in
apocalipsy/ Zu diser selligen wirt
schafft werden wir genodert in dem
büch der weishait Salomonis/ da
er also spricht Kumpt her vñ essent
vñnd trinkent vñnd werdent trunken
mein allerliebstñ freünd Auch von
dissen burgeren der himlischen sel
likait / die dann also gort in plosser
warhait niessen vñnd von dem län
lin in aller freüdenreicher süßkait
gespeißt vñnd gesat werden/ spricht
Dauid In dem psalter. Sy werdñ
truncken von aller überflüssiger
genügsamkait gottes / Vñnd von
der güß alles wollustes werdenn sy
getrenckt / vñnd das geschicht den so
der wunnsam weinschenck ain sun
des höchsten künigs / ain liecht der
vätterlichen glori/ Ain glantz des
ewigen lieches Ain schein der göeli
chen substanz Ain spiegel on ma
kel/ wenn der selbige wirt sich vmb
gürtten Als in dem Ewangelio ge
schriben steet Vñnd wirt das haylig
volck essen haissen Vñnd er selb wirt
in zütisch dienen. O du andechtige
seel betracht was grosser freüden
die saligen gaist empfahen/ von der
hohen würdigkait dis dieners/ von
der grossen lieb ains yeglichen mit
niessers von der kosperlichen speiß/
von lobgesang vñ harpfen die da er
hört werdñ In disem grossen wund
lichen abend essen würdest du hören
die engel iubiliern Die zwelffpoten
psalliern/ die martter über winden

volkomen

menschen

die peichtiger / vnd iunkfrawen lob
 singen Patriarchen vnd propheten
 frolocken / vnd all Engel vnd hail-
 ligen wirstu ainmütiglich Got den
 vatter Got den sun Got den hailli-
 gengaist loben hören / vnd mit laut-
 ter stym auf schreyen Hailiger hai-
 liger hailiger herr got Sabaoth /
 vol seind himel vñ erd deines lobs /
 Osanna in der hoch Vñ so du für-
 bas beschawen bist die ganzen vol-
 komen lieb / die da ist in den Engeln
 vnd hailligen / so vindestu das ain-
 yeglich hailig als vil freud hat von
 seines nächsten seligkeit Als von im
 selbs Vñnd seid dan die zall vnauß-
 sprechlich vil ist Also mag auch die
 himlischen freud nieman volsagen
 noch erzelen O was grosen freuden
 vnd süßigkeit magstu empfinden / so
 die würdig mütter gottes mit allen
 rainen Junckfrawen / vñnd auch
 dein aller liebster gespons mit alln
 seinen hailligen / dir in deiner bescha-
 wung engegen lau fft / vnd sich mit
 dir lieplich vnderreden wirt Woll
 dir ewiglich / wañ als Hieronimus
 spricht. Du magst in sicherhait vñ
 frölich stiegen in ain lieplichs vmb-
 fahñ deinen gesponsen / vñ mit der
 liebhabenden seel / magstu begeren
 den lieblichen vñ aller süßesten küß
 der dir nitt mag lenger verzogenn
 werden.

Ain leblichs Contemplieren von
 dem himlischen Hierusalem.

Illich möcht ich zuspott
 werden ainem beschawen
 den menschen / mit mein-
 em kindlichen schreiben / Das ich
 tün von dem stiegenden himlischen
 beschawen / seid es mir selbs fremd
 ist vñnd vnerkant Aber du edle ge-
 sponsa Christi / du solt ingedechtig

sein meiner vorgeschriben wort Da
 ich dir versprochen hab allain ain
 weg züberaiten Wann ich vnder-
 wind mich nitt offenbat zümachen
 daz an im selbs vnaußsprechlich ist.
 Ich wil dich schiken zü dem der den
 menschen kunst leerer Als David
 spricht / dem selben müstu dich las-
 sen. Vñnd mitt andechtiger begir
 anhengig sein / so wirstu erleicht /
 Als Gregorius spricht Es mag in
 lautter warhait kein zung volsa-
 gen noch kein verstantnuß begreif-
 fen Wie gar wunsam vnd freuden-
 reich ist / sein in den tören der engel
 Vñnd da selbst mit allen hailligen
 gaisten der glori des schöpffers ges-
 genwürtig sein vñ ewiglich bescha-
 wen die clarhait des göttlichen an-
 gesichts Darumb du andechtige sel
 ermündter dich vñ berait dich auf
 den weg mit der mechtigen vnd ed-
 len künigin Saba dauon geschriben
 steet im dritten büch der Künig nym
 zü dir spezerrey aller tugent / vñnd
 groß schatz aller güter wert Kum
 mit hocher / vñnd weiter begir zü
 dem himelischen Hierusalem zü be-
 schawen den künig Salomonem in
 seiner glori mit seine hofgesind vñ
 beschaw eigenlich alle zier vñnd
 freud / so vindstu / das die warhait
 vnmaßlich über treffen ist alle wort
 die ich dir schreib / vñnd als lobens
 das alle Engell / vñnd menschen
 tün mügen / Vñnd denn magstu
 woll sprechen in hohem Jubilieren
 deines hertzen mit Sant Peter Es
 ist güte hie zü beleiben / Hie ist das
 recht vatter land Hie vind ich vat-
 ter / vñnd mütter / vnd brüder / vnd
 schwester / darumb lieber herr laß
 vns beleibñ hie / so wöl wir machñ
 nur ain Tabernakel Ach du raine
 sel wie wol dir geschehen ist Wañ

Von

an diser stat hastu alles das / das du begeren magst / vnd was du nit haben wilt das hast du auch nit / Du hast groß frolocken mit allen haylign in viererlay weiß / das ist in den dingen die in dir seind / die auß dir vnd vmb dich seind / die vnder dir seind / vnd die ob dir seind Vnd in disen vier betrachtungñ findest du weit materi zů beschawen das ich nit geschreiben mag Besunder empfilch ichs deiner fleussigen übung. Es spricht der andechtig Anshelmus. Das hymlich lebn mag man leichter verdienen vnd rinnger dar zů kómen / dan mit wortē aussprechen. Wan als sant Bernhart spricht. Es werden all menschlich sint volkómen in jrm würcken Darum o mein sel / leg von dir alle lieb dises zergänglichē lebens / so würffst du entzunt lieb zů haben das künfzig leben / wan daselbst mag dich nit betrüben kainerlay widerwertigkeit Kein notturfft angstlich machen / Kein traurigkeit bewegen / wan da her scher allain ymerwerende freud vnd aller wollust / da beleiße vnser wesen vñ wandelbar / vnser erkantnis mag nit irren / vnser lieb mag nit belaydigt werden / da mag nit statt haben gantz kainerlay vngestalt / Franckhayt vñ vernichtung / da wirt ain neüwer hymel / vnd ain neüwes erdreich / da werden wir geleich den engeln gottes / da werden wir scheinen alls die sonn / da ist leben on tod / jugent on alter / ewige freud on betrübniß / frid on zwayung / liecht on finsterniß / das ewig regieren on ende. Fürbas spricht sant Bernhart. O mein sel betracht dein grosse freud / die du haben würdest von deinem clarificierten leichnam / der dir gantz volkómen

dem

lich gehorsam wirt / vnd in ewiger seligkeit ain merung vnd hilf wirt deiner ewigen beschawung. Auff disen syn spricht sant Augustinus Die haylign seelen im hymel haben ain belangen vnd große begir sich mit irem leichnam wider zů verainigen Wan ir selligkeit / vñnd auch jr Contemplieren mag nit volkómen sein on den leichnam.

Wie nach merk ain Contemplieren von d Gloiy des ewigen künigs

Du andechtige seell wie groß wirt dein gloiy Wenn du nun also beclaidt würdest mitt der neüwen stoll dar in du scheinen würdest über all Margariten vñnd edel gestain Auch wenn du also vmbgeben bist / mit deinem schönen Clarificierten leichnam / in dem leuchten werdñ als vil Cospellicher Margariten / als vill du hie in der zeit geziert bist gewesen mitt güteñ tugendñ O wer mag erschätzen dein vñnsprechenlich freud / dein wunderliche gloiy Vñnd dein vnbe greifenlich lob das du haben wirt Darumb das du deinen leib hie in der zeit so vestiglich gedruckte hast mit rainigkeit der keusch / vnd abprechung aller leiplicher wolüst Auch das du die welt mitt irem freuden geflöchen vñnd verschmecht hast / mitt den bösen vñnden so ritterlich gestritten hast All ansechtung vnd bewegung mitt fester bestendigkeit des gemütz ganglich überwunden Ich von allen deinen güteñ gedencken wortten vnd wercken vnd hailigen begirden / vñnd tugentlicher übung vñ yglichem in sunderhaie wirtstu haben ain ewigs lob Darumb O du sponsa Christi ker dich

volkomen

menschē

zu deinem gesponsen / vnd beschaw
 wie mit grossen freuden alle enngel
 vnd hailigen von im ersatt werden
 Darnach erschwinng dein fettach
 zu beschawē in demütiger andacht
 wie gar winsam vnd freudenreich
 ist das ainig güte / darin beschlossen
 ist gnügſamkeit vñ volkomenhayt
 aller freud / vnd süßigkeit aller güte /
 Vnd dise beschawung ist als vil über
 treffen alle vorgeschribne beschaw
 ung / als vil der schöpffer überref
 fen ist ain yeglich geschöpff. Von
 diser beschawung spricht sant Bern
 hart also . O du andechtige seel be
 schaw ob du magst / was die hailig
 en seelen süßer freude empfahen / in
 dem das sy stättiglich beschawen
 den spiegel des ewigen liechts / dar
 inn sy sehen alle vergangne / gegen
 würtige vnd künsttliche ding / die ir
 seligkeit zu hören. Sant Augustin
 spricht. Wenn wir kommen zu dem
 liechte des vatterlichen scheines / so
 mügē wir erkennen alles / das in den
 creaturen gesein mag . Es spricht
 auch der hailig leere Fulgentius.
 Zu gleicherweiss als wir durch ai
 nen spiegel dreyerlay gesicht habē /
 das ist / den spiegel an im selbs / vnd
 vns im spiegel / vnd was sunst dem
 gegenwürtig ist . Also durch den
 spiegel göttlicher clarhait beschaw
 en wir got / vns selber / vn all ander
 creaturen . Darumb du gesponns
 christi / seid du natürlich begerst vil
 kunst vnd weisheit zuhaben / so be
 ger allain zūbeschawē in disen spie
 gel / wann ob du in nur aineff sehen
 magst / so hastu alle kunst vnd weis
 hait begriffen. Es spricht der leere
 Beda. Der schein der ewigen glori
 Das ist der hymlich künig in seine
 zier / ist also vmbgebē mit clarhait
 vnd wunnlichē süsse / das die en

gel die da on alle maß liechter schei
 nen dan die sonn / der selbē clarhait
 nit mügen ersatt werden Vnd also
 du sponsa Christi / magst du billich
 zerfliessen von süßer wollust in di
 ser wunnlichē beschawung der
 göttlichen clarhait / du würst dich
 auch seer verwundern in dein selbs
 vñ aller creatur volkomner erkän
 nuss. O freudenreichs O wunder
 lichts O vnausspreichlichs cōtemplie
 ren . O got mein herz / Wie billich
 David von dir spricht Es ist besser
 ain tag in deinem haus / dan zehen
 tausent ausserehalb / wann Tausent
 jar vor deinem wunsamen ange
 sichte ist alls vil als ain tag der ver
 gangen ist Darauf spricht sant Au
 gustin. Die schön vnd zier der obri
 sten glori / vnd die wunsamkeit des
 ewigen liechts / ist als überschwenk
 vnd groß / ob ain mensch nur ain
 stund des tags möcht da gesein / da
 rumb sollte er billich vil tausent jar
 in diser zeit voll freuden vnd alles
 wollusts ganz verschmehen . Laß
 dich nit betrüben du freünd gottes
 was du leiden bist hie vfferden Es
 sey armüt / Erannckhait / spot oder
 übel handlung von den menschen /
 es kumpt dir als zu grossen freuden
 Du solt auch in sonderhait betrach
 ten mit andechtigem gemütte / wie
 gar vol aller süßigkeit vnd freuden /
 ist beschawen ainen menschen der
 da ist ain schöpffer aller menschen /
 Ain weibsbild die da ist ain mütter
 des selben schöpffers Vnd also be
 schawen die hohet clarhayt in der
 juncckfraw Maria / die clarificier
 ten vnd lauttern menscheit ires ai
 nigen suns Jesu christi / vñ sein vn
 ergrünliche gochayt in ainigkeit
 der person Auch beschawē drey göt
 lich personen in ainigem wesen der
 b

Von

substanzen / O wer mag gemessen die höch der hymel / vnd ergründen die tieffe des möres . Es spricht der weiß Salomon daz ain durchgrün der der götlichen maiestat wirt gedruckt oder verffossen von götlich / er glori Darumb wiltu genant sein in warhait ain gespons Christi / so beleib bey der zarten menschart Cristi / damit verdienst du in ewiger seligkeit zubeschawen die aller süßsten gothait Christi etc.

Dreyerlay andacht die ain mensch empfacht von dreyerlay cōtemplieren der hayligen gothait / vnd wie diß contemplieren menschlicher verstantnis zu hoch vñ überschwenck ist.

yemant mag erhöcht werden in beschawung hymli-
scher seligkeit / noch auffsteign zu d̄ höch des bergs

Von dem ich vor geschriben hab / er sey dan in jm selbs abgestigen in diser demütigkeit Darumb edle sponsa cristi / nach dem weisen rade sant Pauls soltu nit süchen zu vil hoher ding / besonder in demütiger forcht solt du allzeit beleyben / wann wer sich demütiger der wirt erhöcht / Vnd wer sichselbs erhöcht der wirt gedemütiger Als geschriben steet in dem ewangelio Luce am xvij. capitel. Nun müstu vor allen dingen in dem grund warer demütigkeit wol gefestnet sein / so magst du den fruchtberlich in andechtiger übüg dich ermündern zu stiegn ordenlich Als oben geschriben steet Vnd darnach wirstu endtlich geschickt zu dem sibenden stiegen / das etlichen vögeln in besonderhait zu gebürt / die sich erschwingen in die höch vñ an ainer statt mit zitterenden fettechen vnbeueglich beleyben / alls ob

Dem

synit fürbas wölln / vñ allain an d̄ ainigen stat ain genügen haben aller ding. Zu gleicherweiß geschichte dir so du in deinem andechtigen beschawen von einfließenden gnaden erhebt würdest über alle geschöpfte ding / Vnd die strömen deines contemplierens in götlichem wesen so vestiglich bestat hast / vnd den also in deiner vnbeueglichait würst du wunderbarlich engogen von dir selbs / vnd entfrembt von aller sündlichait. In disem hohen contemplieren findestu dreyerlay andacht Die erst / wenn du beschawen bist got in seiner höch / darin du entzuckt wirst in andechtigen verwundern Also das du sprechen magst mit der seligen künigin Hester. O heri du bist gar wunderlich / vñ dein angesicht ist vol gnaden Vnd die höch ist nit anderst dan gotes würdigkait / haylichkeit / allmechtigkait / vnd maiestat / die als hoch ist / das der glantz diser hailigkeit aller creatur beschawung widerglest Von diser beschawung spricht sant Bernhart. O gewaltige weißheit / du raichst allenthalben mechtiglich / O weiser gewalt / du ordnest alle dinng süßlich Also findestu in diser beschawung wie got ob allen dinngen / in allen dinngen / vnd aufwendig ist allen dinngen. In diser beschawung stünd sant Pauls do er sprach. O dis höch des reichthums / der weißheit vñ kunst gotes / wie gar vnbegreiflich seind deine gerichte / vñ vnerforschlich seind deine weg. Dise beschawung ist an jr selbs vnmaßlich hoch über annder beschawung / darumb du andechtige seel / nym deinselbs wol gewar vnd steig in diser beschawung nit zu hoch das du nit zu tieff fallest Auch bedenck das geschriben

volkomen

steet. Wer zu hoch fleiße dem werden die federn verbrinnen / vñ müß daß nider fallen. ¶ Die ander andacht die du empfachst in götlicher beschawung / ist / so du beschawen bist die vnwässigen lieb die in got ist vñnd in disem contemplieren würdest du entzückt in ain freudnreichs andacht / also das du in warhait gesprechen magst mit dem Propheten Jeremias. Der her: ist worden in meinem hertzen als ain beschlossenes feur in meinē gebain / vñ ich mocht sein nit gedulden. In diser beschawung götlicher lieb die da ist on anfang / on end / on zil / vñ on alle maß vñnd die dir vnbegreiflich ist / soltu betrachten die güttat gottes die er dir gerhon hat vñnd noch eint / darin so magst du bas begreifen die lieb gottes vñnd in disem beschawen ist dir zimlicher vñ nützer zuseen dan in dem beschawen seiner hoch.

¶ Die drit andacht in götlicher beschawung ist / so du beschawen bist die aller süßisten güttat gottes / dadurch du entzogen würst in ain vn aussprechenliche süßs deine andacht Also das du gesprechen magst mit dem hailigen Propheten Jeremia. Ich bin als ain truncken man vñnd als ain mensch der da begossen ist mit wein / von dem angesichte des herren / vñnd von dem angesichte seiner hayligen wort. Eya du sponsa Christi / hab ain genügen in meinē ainfeltigū schreiben / vñnd beger nit vil zu wissen. Es spricht Salomon. Was dir zustrack ist vñnd zu hoch / das soltu nit erforschen / wan es ist kain not zusehauen die ding die deinen augen verborgenn seind. Auch spricht der hailig Isidorus Die haylig Trinitet ist nyemant kund dan irselbs / vñnd dem ainigen menschen

menschen

in der trinitet vñnd dauon kan vñnd mag kain lauter creatur / wider in hymel noch auf erd nichts würdigs oder kain genügen von got gedencfen oder redn Davon spricht billich der hailig Job O wer mag den donner seiner groß ansehen / seid wir nur ain kains tröpflein seiner wort gehört habn. Darumb du andechtige seel / was ich von diser hailigait gereden mag / vñ was du hōm oder betrachten bist / das soll geschehen allain (Als sant Bernhart spricht) in brüender lieb / vñnd in demütiger andacht / Auf ainem begirlichenn vñnd tugentreichem hertzen / sunst bringe es kain frucht. Das man besteen soll in demütiger forcht / vñnd nit zu hoch fliegen in götlicher beschawung.

¶ Elig bist du Symon Bariona / wan dein flaisch vñnd blut hat dir das nit zuwissen gerhon / besonder mein vatter d in den hymeln ist Also redt Cristus zu sant Peter in dem ewangelio mathei / do Petrus bekant vor anderen jüngern vñnd sprach. Du bist Christus ain sun des lebendigū gots. Zu gleicher weis mag ich dir zusprechen du andechtige seel ob du auch in warhait genant magst werden Symon bariona. das ist. ob du mit Symon dich setzen bist in dein selbs vñ aller ding gantz verlassen hayt / vñnd volkomenlich gehorsam bist den geboren vñ radten gots / vñ deinen gaislichū vattern / vñ andn vernünftigū menschen dich mit demütiger gehorsam vñndertenig macheft / wan symon / als Beda spricht / bedelit ain volkommen gehorsamen menschē / Bariona würstu genant ob du an dir hast ainfeltigkait der tauben / vñ an dich nemen bist ir a
H II

genschafft / die dir in deinem hohen stand vast nordürfftig seind / wañ als der leerer Kabanus spricht. Bariona / ist als vil gesprochen / als ain sun der tauben Vñ also du würdige spon sa Christi Selig bist du mit Symon Bariona Ob du in warhait also gestalt bist / vñ demütiglich also nach uolgest meiner obgeschriben leer die ich bissher geton hab / wañ dein hoch würdiger gespons cristus Jesus wirt dier auffschliessen die schatz vñ reich tumb seiner glori / vñnd wirt dir zu wissen thünin deiner andacht söliche haimlichait die nyemant geschreybñ mag Er wirt dich auch erleuchten mit dem liecht seiner gotthait Dar durch du kommen magst zu solicher erkantnuß / die nur offembar ist den hohen menschen / die in andechtiger übung vil zeit darnach gearbeit haben / vñnd dartzu wolgeschickt seind / als ich dir vor geschriben hab / doch mag ich dir nit erlauben in kain weiß das du dich außs dir selbs zu vil bekümerst in der betrachtung oder in nachfragen / mit den dingen die dir zuhoch seind / wañ also findestu nit in deinselbs ganz verlassenhait / vñ möchtest auch nit gehaissen werden Symon Bariona / Hastu aber ain krafft als got So vmbgib dich mit zier / vñ bist hochwürdig vñ vol eren Den so magstu fragen was got sey / Als geschribñ steet in dem büch Job am xij. capitel. Es spricht sant Bernhart. Wer got beschawen will / der soll merckñ was got sey in diser welt In den engeln / in den menschen / in den verdampfen / in imselbs. Er ist ain regierer der welt Ain erlöser der menschen Ain zier vñ süßkait der enngel Ain erschrecken der verdampfen In imselbs ist er on anfang vñ on end In den creaturen ist er wund

berlich In den engeln ist er wunsamlich In den verdampfen ist er vnleydenlich In imselbs ist er vnbegreiflich Darumb sprach er wol zu Moy sen. im büch des Aufgangs. am iij. capitel Ich bin der ich bin. Vñnd der hailig Johanes in dem büch d' offenbarüg / sach ain beschlossn büch das mocht nyemant auffgeschliessen dan das lamlin / das vff erd gerödt ward Das beschlossn büch ist / die würdigkait vñnd hayligkait gottes / die mag nyemant mit voller erkantnuß auffgeschliessen dann der sun gottes / der an der menschait durch vnser hailgerödt ward Davon haiste in auch die liebhabend seel ain beschlossn büch Wañ als Isayas spricht. Nyemant mag außlegen sein geburt Wie got der sun von got dem vatter ist geboren Vñnd also du raine seel / du magst gottes begeren / du magst auch nach got seuffzen Aber als sant Augustinus spricht Nyemant mag von got würdiglich gedencñ oder reden / darumb will ich nit meer von diser materi schreiben / dann mit dem hailigen sant Pauls fall ich nider auff meine knie / vñnd bit got den vatter / das er mir vñnd dir geb zu erkennen vñnd zu begreifen mit allen hayligen die hoch / die tieff / die leng vñnd die brayt der liebe gottes / darauß wir schöpfen mügen viererlay cōtemplieren / darinn wir vnser andacht treulich üben söllen in demütiger forcht So kompt dem der tröster Got der haylig gaist mit reichen genaden / vñnd erstreuwet vnns. Nun solt du aigenlichen mercken / das sollich andechtig übungendes gemüts aller gaistlichen menschen etwan gehaissen werden ain gedencñ / etwan ain meditieren od ain betrachten / etwan ain cōtemplieren oder ain beschawen

vollkommen

menschlich

Zu dem ersten wenn ain mensch sich
 über mit gaiselicher betrachtung / vñ
 im got mit zufließenden gnaden nie
 beholffen ist / also das er sich on ge
 nad mit vleissigem ernst üben ist / so
 haist es ain gedannet Also maine
 sant Augustin da er spricht Der ge
 dannet ist ain yegliche würckung
 der verstantnuß / vnd solche übung
 ist hõr vnnd on lust. ¶ Zu dem an
 dern / so sich ain mensch über mit
 vleissiger andacht / vnd im got dar
 zu hilffe mit einfließenden genaden
 Also das er grossen lust empfindet /
 vnd doch in seiner betrachtung bey
 im selber beleibe / vnd menschlicher
 verstantigkeit Sollich üben haist
 set meditern oder ain betrachtung
 ¶ Zu dem dritten / so des menschen
 andacht also hoch ist gewachsen /
 das in got mit einfließender genad
 zeücht in ain gewonliche genad / da
 er solche ding begreife / die mensch
 lichem wesen vnbegreiflich seind /
 Er kumpt auch in ain sollich freü
 denreich trunkenhait / darin all in
 ner vñ außser sinn nach menschlich
 er weiß vnuerstandenlich seind / vñ
 sollich andacht vnd innerkait haist
 cõtemplieren oder beschawen / wan
 in sollicher hailiger übung bescha
 wet d mensch solliche ding die hoch
 seind über all menschlich erkant
 nuß Die genad geschicht allain von
 götlichem einfluss / vnd kumpt er
 wan ee der mensch die gnad beget.
 Darumb du sponsa christi soltu all
 zeit bereit sein / vnd der gnad entge
 gen lauffen Also hat gethon David
 da er spricht. Meine augent stönd
 stättiglich zu got dem herren / vnd
 mein seel trag ich zu allen zeiten in
 meinen henden. In solchem cõtem
 pliern (als sant Thomas schreibt)
 mag ain mensch komen zu beschaw

en die lautteren gothait in irem wesen
 Also ist geschehen sant Paulsen
 der in seinem cõtemplieren entzuckt
 ward in den dritten hymmel / da be
 schawet er das bloß worttlos wesen
 gottes Alls sant Augustin schreibt
 in dem büch von götlicher beschaw
 ung Vnd das ist der höchst grad in
 dem beschawenden leben Vnd muß
 ain mensch der dartzu kumen soll
 durch götlich krafft von aller leib
 licher empfindlichkeit / vnd von aller
 bildlicher form vnd betrachtung /
 auß imselbs gennzlich entpfrembt
 werden. Nach disem cõtemplieren
 soltu dich nicht senen oder naigen in
 diser zeit / wann ich find in aller ge
 schrifft allain zwen menschen die dar
 zu komen seind / das ist sant Pauls
 Vnd der hailig moyses / als die hay
 ligen leerer Augustinus vnd Tho
 mas schreiben / vnd sprechen das sy
 hie in disem zeit beschawet habn clar
 lich die blossen götlichen warhait /
 Als sy in ir verborghenheit ob allen
 dinngen vnd formen schweben ist /
 die wir in ewiger seligkeit mit allen
 engeln vnd hailigen / in aller lauter
 kait frölich beschawen werden.

¶ Was dem menschen allernütze
 sey zu cõtemplieren / vnd dardurch
 er meer bewegt wirt zu andacht vñ
 götlicher lieb.

¶ Ich her ich eüch zu sagen / ir
 müge es aber yetz nicht alles
 v getragen / wenn aber der trö
 ster kumpt den ich eüch schi
 cken oder senden will / der wirt eüch
 alle warhait zu wissen thun Also re
 det Christus zu seinen jungern Als
 sant Johans schreibt Eya du spon
 sa cristi / hab ich bissher von dem an
 fang dis büchlin vil wort geschri
 ben / dartzu mich allain die lautter
 lieb getriben hatt / die hatt kain zil
 H ij

noch maß Darum soltu mein schre-
ben in der selben lieb gülich aufne-
men vñ dein leben darnach schicken
So würdest du lieb gehabt von der
höchsten lieb/die got selbs ist Nun
hab ich dir ettwail geschribn von
dem beschawenden leben/vñ hab ge-
setzt mangerlay beschawen oder cō-
templiern Darumb möchtestu bil-
lich fragen/wöllliches cōtempliern
nützer sey/vnd dir baß dienen müg
zū andache. Antwort ich dir mit
dem hailigen leerer sant Thomas.
Die ding die dich zūordrist beweg-
en zū gölicher lieb/die bringen dir
auch grösser andacht/wan die lieb
macht dich behend vnd willig alles
das zūvolbringen das deinem lieb-
haber ain gefallen ist Vñ also das
contempliern von got vnd von den
dingen die in got seind/ als allmech-
tigkeit/ewigkeit/gütigkeit/grund-
lose weisheit/vnd ander volkomen-
heit die in got seind/bringen dir in
inen selbs grosse andacht/vñnd en-
zünden dein gemüt grösslich in göt-
licher lieb/wann alsuail ain ding
edler/wirdiger vnd schöner ist/als
vil ist es meer liebzuhaben über an-
der ding Vnd also die beschawung
gotes vnd gölicher volkomenheit
in im selbs/ist dich über all annder
beschawung bewegen zū lieb vñnd
andacht. Auf disen syn spricht sant
Bernhart Das erst cōtempliern ist
ain hochs verwundern der gölich-
en maiestat. Das ander ist von vn-
begreiflichkeit des geriches got-
tes. Das dritt ist von überflüssiger
gütat gottes. Das vierdt ist von
gölichem versprechen oder verhaiß-
sen von den dingn die er vns gelobt
hat. Fürbaß soltu merckn als sant
Thomas schreibt/wiewol dem also
ist das ain beschawends lebñ zūuo-

drift vnd wesentlich steet in beschaw-
ung gölicher warhait/doch ange-
sehen vnser vnuermügen vnd blö-
ditait/auch vnuolkomenheit vn-
sers erkennens So ist vor allen din-
gen nüt vnd hail sam zubeschawen
got in seinen wercken/Vnd also dir
andechtige seel/ist deinerhalbñ nüt
vñ not das du zūordrist in deinem
cōtempliern die wunder werck got-
tes beschawest/seid du die gölichen
warhait in jr selbs nit ganz bescha-
wen magst/wann als sant Pauls
spricht. Die verborgenheiten gotes
die vns vnichtig seind/beschawet
man in den dinggen die da sichtig
seind Das ist als vil gesprochen/bey
der hoch vnd groß der hymel vñ als
ler geschöpfft magstu erkennen die
hoch vñ mechtigkeit des schöpffers
Bey der schön vnd ordnung der ge-
schöpff/erkenstu die weisheit des
schöpffers Bey der treuwen pfleg
vnd behalennuß der geschöpff/erken-
nest du die vnmässigen güthait des
schöpffers Vnd also in den geschö-
pffen/beschawestu die hailigen Tri-
nitet/Got den vater/got den sun/
got den hailigen gaist.

Merck fürbaß von diser materi
Sch solt du mit besonderm
n vleiß merckn/das du in kai-
nerlay weiß Got vñ die göt-
lich volkomenhayt baß er-
kennen magst/dann durch bescha-
wung seiner gütrat/die er an dich
vnd an all menschen gelegt hatt/
dardurch du billich engündt wür-
dest in lieb vnd andacht/Vnd dar-
umb radt ich dir mit gütten getreü-
wen/ob du in andacht vnd genaden
begerst hoch zukomen/vnd mit deis-
nem gesponsen lieplich verainiget
werden/Solt du dich üben täglich

volkomen

in andechtiger beschawung vñ betrachtung des würdigen leidens Christi / vnd was er in seiner edlen menschayt durch deinen willen erzüget hat / darin findest du allain das du sunst in andern contemplieren nit gefinden magst In diser aller seligsten beschawung leernest du erkennen die allmechtigkait / weisheit / mildekait / gürtigkait / gerechtigkeit / vnd amnder volkomenhait gottes / dar durch magst du dann komen in ain beschawung der götlichen warhait die da ist ain end aller vnser würckung / vnd ain ewige volkomenhayt aller freud Als sant Augustin spricht Das selbig contemplieren wirt in vns volkomen in dem künfftigen leben / so wir got von angesicht zu angesicht clarlich beschawen / vnd den volkomenlich selig werde / aber hie in disem zeit beschawen wir got durch ainem spiegel vnd in figuren Als sant Pauls spricht Vnd das selbig beschawen soltu haben zu vordrust in dem lautern spiegel der mensschait Christi / vnd in allen sein wercken Also hat gerhon d hoch cōtemplierer sant Bernhart da er spricht O herz ich sich dich nit wo du rüest mitten in dem tag / das ist / die höch deiner gohait Sonnder dich mein behalter iesum beschaw ich an dem crütz / da find ich ganze sicherhait da find ich gnüg samkeit aller freuden vñnd genaden / da hast du mich krestigklich vmbfangen mit den armen deinet grundlosen lieb / da fließet wasser auß deiner seitten / blüet auß dein wunden vnd hertzen / dein haylige seel schaydet sich von dem junckfrewlichen leichnam / da soll mein wohnung sein ymer ewigklich wann da ist geöffnet die apoteck voll genaden vnd aller süßer spezerey /

menschenn

vñ was ich begern bin / des find ich ain ganz genügen / da ist mir auß geschlossen aller schatz götlicher weisheit vnd süßigkeit / das ist das holtz des lebens allenthalben durchlöcher / an dem stam vnd an den östen / Nur ain beschawender mensch setz in dise löcher die füß seiner begir / sunst mag er nit begreiffen die fruchte des holtz Als Bonauetura spricht vñnd redet fürbas allso. Es ist nichts das ainen menschen als vast erleucht zu erkantnuß / entzünd zu lieb / beweg zu danckberkait / das gemüt erheb zu cōtemplieren / vñ hayhaltigkeit der seel würck inwendig dan die beschawung des leidens Christi Vñnd also du sponsa Christi / ist dir kurzlich geantwortt auff dein frag mit krestigen worten der hayligen leerer.

Wer in warhait sein wöll ain gespons Christi der müß in seinem cōtemplieren sich einsencken in die wunden Christi vnd darin rü suchen als hie nach geschriben steet.

Sponsa Christi würdest du billich gehaissen / wenn du dich mit bünender andacht in deiner beschawung senckest in die wunden christi / vnd dar ein bist mitte der liebhabenden seel nisten / als ain taub in die löcher d felsen / darumb würdest du hoch gelobt von deinem gesponsen in dem büch d lieb / da er spricht. Mein liebe freündin / mein liebe taub in den löchern des fels Also werden gelobt all andechtig beschawer des leyden Christi durch den propheten Isaya da er spricht. Wer seind die / die da fliegen als die wolcken vñ als die tauben zu iren löchern Als ob er sprach Wol in / sy seind hoch zu loben / wann sy haben die höchsten weisheit ges
H iij

funden O du selige sponsa Christi/
wie gar inderlich würstu liebgehabt
in disem contemplieren / von deinem
allerliebsten gesponsen / der sich mit
deiner seel in hayliger ainigung so
gar lieplich verainigen ist / darum
begerst du zukomen zu der höchsten
weißheit / vñ auf den höchsten grad
des beschawenden lebens hie vñ in
ewigkeit Auch zu begreifen ganze
volkommenhayt in disem leben So
schaw mirt dem hailigen David in
das angesicht deines hayligen ge-
sponsen / da er hangt an dem creutz
Vnd such stete ru in den zeichen sei-
ner hailigen wunden / das ist v̄ weg
vñ die thür zu dem leben / vñ wer
auf disem weg bleiben ist / der mag
niet irren / vñ ob du darauff be-
stendig bist in andechtigem cōtem-
plieren So wirt dir aufgethon das
dir lang zeit verborgen ist gewesen
Vñ wirt dan dein gespons sich mit
dir lieplich vnderreden vñ sprechē
Als geschribē steet in dem buch der
lieb O mein liebe Schwester O mein
schöne gespons / du hast mir ver-
wundet mein hertz in ainem deiner
augen / Das ist als vil gesprochen.
Wein süsse sponsa / die ich mir ver-
mähel hab mit meinem reichē blut
uergießen / durch dein schön vñ lieb
bin ich seer verwundet an dem creutz
Steig zu mir auff den palmbaum
mit seiner eigenschafft Es schreibet
Isidorus. Der palmbaum ist Edel
vñ hoch über ander baum Zu aller
zeit bleibet er in schöner gestalt / win-
ter vñ sumer behelt er seine bletter
Er hat ain bitter wurz / die ist vn-
der dem ertrich in manger lay weiß
ausgetailt Der stamm ist hert vñ
starck das man in nie leichtlich zer-
hackē mag / er hat vil ost vñ schöne
bletter / Die frucht dis baumes ist

umbscheiblich vñnd gar süß / Der
palmbaum ist auch fast hoch / vñ in
seiner höch wird die gewonhayt an-
derer baum ist er sich fast außbray-
ten in die weit / er bringet frucht bis
auff die hundert jar Solich eigen-
schafft dis baums seind dir wol zu
mercken / wan dardurch würst du
vnderweist wie du dein lebē zu der
höchsten volkomenhait ordnen solt /
vñ dis findestu als in dem contem-
plieren des lebens Christi / vñ seines
vnschuldign leidens Davon hat er
dich billich in dem buch v̄ liebhabers
den seel zugeleicht dem palmbaum /
da er also spricht zu seinem liebē ge-
sponsen. Dein stand vñ gewachs ist
gleich dem palmbaum / vñnd dein
brüst seind gleich den weinreben /
Wie du dich aber süß sole in disem
cōtemplieren / ist kein nordurffe zu
schreiben / seid es dir selber kundt ist.

Arumb zubeschliessenn dis
büchlin von dem volkomen

D menschn / den Maria mag-
dalena bedeuten ist / empfih

he ich dich deinem gespons / dem du
dich selber gantz lassen müst / So
wirt den in dir aufgon ain neuwes
liecht / vñ wirt außereyben all vñ
sternus / den magstu wol sprechē in
freudentreicher andacht Als gschri-
ben steet im ewangelio Mathei an
xxv. Tempwar mein gespons ist
komen / vñ ich bin berayt mirt im
einzugeen zu der hochzeit / Er hat
mich imselbs vermähelt mit seinem
fingerlin / vñ hat mich beklaidet mit
kostlichem gewand / mit haßtelin vñ
edelm gestain hat er mich wol ge-
ziert / vñ hat mich gekrönt als sein
gespons mit ainer edlen cron Aufs
seinē mund hab ich honig vñ milch
empfangen / vñ sein edels blut hat
meine wänglin schön gemacht.

volkommen

menschen

Widerumb würstu höm von deine gespons die lieplichen wort / die geschriben steend in dem büch der lieb Rum her mein aufferwelte / ich hab begert deiner gestalt / wann du bist ganz schön / vnd kein mackel ist in dir / du bist edel vnd wol gezieret / vn durch mein liebe hastu gelassen alle dinng Du hast williglich gelitten spot vnd verschmehung von den menschen / du hast ritte rich gestriten wider all deine veind / besonder wider dein aigen leib / vnd hast gesamelt vil tugent / dardurch du ain wol gefallen bist dem allerhöchsten. Rum vnd gee in die freud deins gespons / die dir berait ist von anfang der welt Darnach magstu wol sprechen mitt der edlen gespons Christi Sant Agnes. Nemprwar das ich lang zeit begert hab / das beschaw ich / mein hofnüg ist erfült Ich bin den zugefügt im himel / den ich auf erd hab lieb gehabt von gannzem herzen etc.

Hie nach merck ain schloßred von der vorgeschriben matery.

Ach Christi geburt 1440. jar / ist gemacht worden dis büchlin Got zu lob vö drey erlay wesen der menschen / bezaichet bey Lazaro Martha vn Maria magdalena / darin ain yeglich mensch nach seinem stand vnderweisung finden mag wie er sein leben hie in disem zeit ordnen soll seiner seel zuhail / vnd ist außgerayllt in drey tail. In dem ersten steet geschriben von ain anhebenden menschen In dem andern von ain auffoder zinemendn menschen In dem dritten von ainem volkomen schawenden menschen Vnd also zu end diser geschriefft Bitt ich got den ewign vatter durch seinen aigen sun Je-

sum christu vnsern ainigen herren / das er auffschliesse die schatz seiner güte / vnd sein genad reichlich mitail allen den / die dis büchlin lesen oder hören lesen / das sy frucht empfaben auß diser geschriefft / damit sy komen von dem ersten anhebendē wesen in auffnemen der tugent vnd gutem ledem Durch das ander wesen vff des bergs hoch in ganze volkomehait des dritten wesen / darin sy dem höchsten got in hailiger ainigung zugefügt werden / das sy mit sant Pauls in selbs vn allen dingn gannz abgestorben sein / vnd allain leben Christo irem lieben gesponsen Vnd begeren auch ob allen dingern erlediget werdenn von dem kercker ire tödelichn leichnams / vnd wesen lich sein mit Jesu christo / in dem sy allain finden mügn volkomne rin / vn ain ganze ersattüg irer begir / vnd darumb beger ich vnweiser vn dürfftiget mensch auch gesunden werdñ in der zal sollicher aufferwelten menschen / den ich auß meinem ainseitigen sinn / zu lieb vnd dienst geschriben hab dis büchlin in schlechter weiß / das sy mit mitrailen vn entreisen lassen die brosem die sy in irer hoher andacht verreren seind / Also das ich durch ir edels verdiē erhöcht werd auß dem übel schmecken den for diser welt / in ain volkomens beschawends leben Vnd darnach entlich erfreüt werd von irn allerliebste gesponsen / mit der wunnsamen stimme / da er also sprechñ ist Rumpfe her zu mir jr gesegneten in meines vatters reiche / das eüch von ewigk ait berait ist etc.

Deo gratias.

h b

Das

Register

On dreyerlay wesen /
vnd das erst wesen be-
deut vns Lazarus. am
andern blat A ij

Wie ain mensch sich
dartzu schicken soll das
er genannt werd ain anhebender
mensch A ij

Durch knechtlich forcht kumpt der
mensch in ain büßwertigs hail-
mes wesen oder leben A ij

Der anhebend mensch soll sich freü
wen der bekerung vñ betrachtung
seiner hoffnung A ij

Die bekerung des sünders von sei-
nen sündn gschicht nie on seinselbs
hilff A ij

Das der mensch vest beleib in seine
anfang vñ liebhab scham vnd wa-
nen über sein sünd A iij

Das abbrechen leiblicher gelüst / d
seel hailfam ist mit bescheidenhait /
vñnd gar schedlich ist ainsinnikait
A v

Warumb etlichen menschen vnder
weilen andacht verzogen wirt / vñ
was nutz widerwertigkeit bringen
ist A v

Wie gar hoch das büßwertig lebñ
geschezt vñnd gelobt wirt von den
leerern der geschrieffte A vj

Das vil sachñ seind die den mensch
en solten ziehen von sünden / vñ fast
hailfam ist zuleben in ainem closter
da man ordenlich lebt nach der res-
gel des stifters A vj

Das die weltlichen menschen in ain

nem sorglichen leben stond vñ was
sy treiben soll zu got A vij

Vil sachen irrend den menschen an
seiner bekerung / vnd die weishayt
d welt ist ain tohait vor got A vij.

Von den trägen menschen zu der
büß / vñ das wir fast traurig sollen
sein von vnser sünd wegen A vij.

Das man soll meident vrsach der
sünd / vñ was zübetrachten sey dar-
durch der mensch zu reü kom Auch
nutz vnd eigenschafft der zäher die
ain mensch vergiessen ist A vij.

Der sündler soll nit verzweifeln mit
seinen sünden / vñnd was nutz dem
menschlichen bring widerwertigkeit
vnd trübsal B ij

Die weisen diser welt werden züges-
leicht den kindern. Item oft beiche-
en bringt vil nutz. Item das nit ain
güt zaichen ist wer fromen mensch
en übel redt / was leiplich leben sey /
Dis mater alle findt man in disem
capitel B ij
Aber von natürlicher weishayt.

Von der weltlichen weishait B iij

Merck fürbaß von den frummen
menschen B iij

Das vil außserwelle menschen in
groß sünd fallen / vñ nach irem val
sich meer üben in gütten wercken /
dan die in vnschuld von jugent auf
seind gestanden B iij

Das der mensch vestiglich wider-
steen soll den sündn. Item was nutz
die werck der büß bringen / vñ das
der mensch nit ganz trost hab wenn
er waint sein sünd B v

Das

Register

Das vil menschen verfaumpe wer-
den vnnnd ewigklich verdampft/ vnd
was der Adel sey/ vnd wie die edlen
zu vnsern zeiten iren Adel brauchen

Von dem Adel der seel **B vi**
B vi

Merck noch meer **C i**

Merck fürbas von den Edlen frau-
wen **C ij**

Von edlen frauwen die ire kind in
sünden nach in ziehen/ vnnnd wie sy
steen werden vor got an dem jün-
sten tag/ vnd haylsam ist zu folgen
den er eüwen beichtuatern **C ij**

Merck aber von den edlen frauwen **C ij**

Merck da fürbas mit vleis **C ij**

Des menschen büß vnd ander gü-
tät seind got nit genam/ er sey dan
in frid vnd lieb gen seinem nächsten **C ij**

Was übels dem menschen tödelich
sünd bringen/ vnd wie der mensch
wider kompt in die gnad gots durh
büß/ vnd wie got die gücten werck
die in todsünden geschehen nit vn-
belont laßt **C iij**

Der mensch soll nit lang lassen an-
stecken sein sünd zu beichten dieweil er
mag **C iij**

Das fast schedlich ist nach d beicht
die sünd widerumb verbringen/ vn
wie sich ain warer büßer halten sol **C iij**

Die sünd ist ain groß übel/ vn was
zügedencken sey dardurch man den
sünden widerstecken müg **C v**

Es ist vast nütz dise matery dis bü-
bes offte zulesen oder hören lesen/ vn

das der mensch wol gestreyt sey in
seinem herzen **C vi**

Das der mensch nit harren soll zu
kommen bey zeit in ain büßwertigs
leben **C vii**

Von der beichte wenn die beicht ge-
schehen soll/ vnd was ain nordurfft
sey zu der beichte/ vnnnd von der bes-
chwärung er sünd/ vnnnd von der
frummen menschen gebeet das vil
nutz bringe **C viij**

Merck nun da meer von der beichte **C viij**

Wie der beichtuater gesitt sein sol/
vnd was nutz dem kommet der offte
beicht/ vnd was nutz bringe das got-
tes wort wer es mit vleis hört **C viij**

Merck ain wenig von den siben sa-
cramenten/ von den wercken der
barmhertzigkeit vnd von den sünff-
sinnen **D i**

Wie die beicht gestalt soll sein/ vnd
das die offte gescheh/ vnd das man
dem beichtuatter gehorsam sol sein **D i**

Was nutz dem menschen rechte wa-
re büß bringe/ vnd was ain rechte
büß ist/ vnd wie man den sünden w-
derstecken soll **D ij**

Merck was nutz dem menschn kum-
von andechtigem hören der hailig-
mens **D ij**

Merck dise wortte von dem der das
büch gemacht hat **D iij**

Wie der mensch sich schicken sol zu
auffnemen in tugendn/ vnd das er
meiden soll ergerung zugeben ande-
ren menschen/ vnd soll liebhabers
demüctige klaiden **D iij**

Von

Warumb die seel die da gerainiget
ist von den sünden gleich wir ainē
durchscheinendū spiegel/vñ in wöl
licher maß man gott soll liebhaben
vor allen dingen D iij

Dem auffnemenden menschen ist
not das er ain auffmercken hab auf
der hailigen leben/vnd das täglich
verneüwet werd sein güter will vñ
fürsaz D iij

Sant Martha hat vnnsern herren
Jesum christū begirlich empfangū
zu haus/Also soll der auffnemende
mensch offte empfaben den herren in
dem würdigen sacrament Auch vil
güter vnderweisung die dem men-
schen wol dienen zū aufnemen D v

Vil menschen empfabent das wir-
dig Sacrament vsicherlich/vnd
was da bewarte zaichen seind/die
den menschen wolgeschickt machen
zū empfaben das hailig sacrament
D v

Dem leben sant Martha soll sich d
auffnemend mensch gleich machen
vnd den herren Jesum christū liep-
lich bey im wonen lassen/vnnd wol
gewest sein wider alle anfechtung
D vj

Der auffnemend mensch soll mit ge-
dultigkeit wol bestat sein/vñ starck
müctig in aller widerwertigkeit/
vnd was den menschen gehindern
mag in seinem auffnemen

Merck fürsaz L j

In was was tugenden sich d men-
sche üben soll/das er wolgeschickt
werd zū aufnemen in seinem stand
L j

Dem

Von dem glauben/von göttlicher
lieb/von brüderlicher liebe/von de-
müctigkeit/von mässigkeit/von
keuschait/von danckberkeit/von
gerechtheit/von barmherzigkeit
von dapperkeit/von werckperkeit/
oder arbeitssamkeit/von rüw/von
erhebung des gemüts/von schwei-
gen/von warhafftigkeit/von hoff-
nung/von der forcht gots/von bes-
chaidenheit/von beharung/von
gehorsam L ij

Das der mensch nie betrogen werd
durch radt der valschen Propheten
Er soll allzeit besteen in der forcht
gots/vnd stiehen vnnütze freud vnd
trost/vnd gern allain sein L ij

Wöll der auffnemend mensch kom-
men in ain volkomens wesen so soll
er vor allen dinngen fürsich nemen
das würckū christi Jesu/mit allem
seinem wandel vnd gebard L ij

Das der auffnemend mensch müß
manlich streiten wider drey veind/
namlich wider die welle/wider den
teüfel/vnd besunder wider seinen
eigen leib/vnd das man vil tugent
findt in dem leiden Christi L iij

Von andechtiger betrachtung des
leidens Christi/das dem menschen
vast haylsam ist vnnd nüt ob allen
andern tugentlichū wercken L iij

Exempel was freud gebracht hab
die beywesung Christi L v

Merck wie Jesus christus an dem
creüz vns bezaichnet ist in der alt-
ten Le durch die schlangen Moysi
in der wüst L v

Das

Register

Merck von dem mirrenbüschelin der liebhabenden seel/das gemacher ist auß dem leiden Christi L vi

Dailsame leer die ain mensch d wach sen wöll in auffnemen täglichen bes trachten soll L vi

Das der mensch in frid sey/will er auffnemen in tugenden/vnd got bil lich dienen soll L viij

Vil güter leer/die ainem auffnemen den menschen nordürftig sein L viij

Maria vnd all hailigen haben beson der wol gefallen an den menschen in den got wonung hat L viij

Ain kurze andechtige schickung zü empfaben das haylig Sacrament L viij

Ain andechtige übung wenn man das würdig Sacrament empfangen hat L viij

Ain güte ermanung/wie sich der mensch vor übel hütten soll/das er werd gefürdert zü auffnemen L viij

Der mensch findet alles in Christo das er nordürftig ist an seel vnd an leib L i

Von lieb vnd erkantnuß gottes/vñ ain kurze betrachtung des leidens Jesu christi L i

Vondreyerlay wesen der menschen yeglichs sich schicken mag zukomen in auffnemends wesen L ij

Da merck güte sitten/weiß vnd bard das dir alles wol dient zü auffnemen

vnd dir vast nordürftig ist L ij

Das wir durch trübsal mügen kom men in das volkomen wesen L iij

Durch trübsal vnd leiden kompraint mensch in ain volkomens leben L iij

Was ainem menschen zü bürdt der da komen will in ain volkomens we sen L iij

Vonzwayerlay volkomenhait vnd was volkomenhait bedeytñ sey L iij

Von der volkomennhait des wesens L v

Ain ebenbild von Maria magdalena na/wie sy komen ist zü volkomenhait L v

Was den menschen zü vordr ist schiz cken mag zü ainem volkommen leben L vi

Von zweyerlay abgeschaydenhait/vnd was den menschen bringen mag in ainformigkait mit got L vi

Ain figur auß der alten Le/wie ain mensch komen mag in ain besthaw ends leben/vnd den menschen empfen cklich mach des götlichen einflus L i

Ain beschawender mensch soll im kain zil setzen/noch rüw süchñ/sunst möcht er nit komen auff die höch des bergs Davon hienach geschribent steet L ij

Was ain beschawends leben genant sey/vnd was den innern menschen leüttern vnd ber ayten müg zü ainem beschawenden leben L iij

Das

Von den tugenden dardurch ain
mensch wol geschickt wirt zu ainem
beschawende leben / das ist gar gut
zu wissen G iij

Das mangerlay cōtemplieren ist /
G v

In disem capitel findestu noch mer
vnder weisung von contemplieren.
G vi

Ain gleichniss vnd form von con-
templieren der hymlichen freuden
G viij

Ain lieplichs cōtempliern von dem
hymlichen Jerusalem G viij

Hie nach merck ain contemplieren
von d' glori des ewign künigs G viij

Dreyerlay andacht die ain mensch
empfach von dreyerlay cōtemplie-

Register

ren der hailigen gottheit Vnd wie
dis contempliern menschlicher ver-
stentnuß zu überschwenck ist H j

Das man bessehn sol in demütiger
forcht / vnd nitt zu hoch fliegen in
gölicher beschawung H ij

Was dem menschn allernützeß sey
zu contempliern / vnd dardurch er
meer bewegt wirt zu andacht vnd
gölicher lieb H iij

Wer in warhaytt sein will ain ge-
spons Christi / der muß in seinem cō-
templiern sich einsecken in die wun-
den Christi / vnd darinn rüw süchē
H iij

Merck ain schloßred von d' vorge-
schriben materi H v

Also ist geender das schön loblich büch Granatöpf-
fel / das hierumb bequemlich also genant wirt / wan zu
gleicherweiss als die Granatöpfel schön geziert seind
aufwendig mit roter schölffer / vnd innwendig ordent-
lich erfülle mit vil vnd manigen süssen vnd gesunden
hail samen kömlin / Also dis büch hat in im beschlossen
vil vnd manig schön / süß vnd hail sam leeren / mit wol
gezierten ordentlichen sprüchen der hayligen leerer.
Gedruckt zu Augspurg bey sant Ursulen Closter am
Lech / durch Maister Hansen Stmar / mit hilff vnd
verlegung des fürsichtigen Jörgen Diemars / auff
Mittwoch vor Johannis Baptiste / Des jars do man
zalt Tausentfünffhundert vnd zehen zc.

Und wie
icher vor
ist hi

müetige
fliegen in
hi


müetige
redurch
acht und
hi

vill ein ge
n seihen
in die man
rüm juch
hi
in d'pog
hi

...

Am Ende dieses Buches...
...in dem Jahr...
...des Herrn...

**Ein gaistliche bedeu-
tung des aufgangs der kinder
Israhel von Egipto**



¶ Populum Israhel (ait Pharaon) persequar et comprehendam/
Et uaginabo gladium meum et interficiet eos manus mea Sed flauit
spiritus tuus dñe et operuit eos mare Et submersi sunt quasi plum-
bum in aquis uehementibus. Exodi xv.



der Juden

Noli timere sed descende in Egiptum / quia faciam te in gentem magnam et descenda tecum et reducam te. Genesis xlvj.

So steet geschriben in dem buch d' geschöpft / in dem sechshundvierzigsten capitel / vnd sind die wort die got sprach zu dem hailigen Patriarchen Jacob. Du solt dir nie fürch-

ten / wann ich will dich zu ainem grossen geschlecht machen / darumb gang ab in Egipten land / vñ ich will mit dir abgon vnd will dich widerumb dannen führen in das haylig gelobte land. **W**iewol nun das ist gesprochen zu dem Patriarchen Jacob in dem allen gesatz vor Moyses zeit / Doch mag es noch gesprochen sein / allen den die jr eigenschafft begeren vnd sollen haben in dem hymmlischen gelobten land / in dem ewigen leben. wann diemüssen vor in Egipten diser welt abgeen / vnd darin gedruckt vñ eribuliert werdn / vñ darnach durch manig ellend rauhe wüstin wandlen **E**e das sy über den Jordan durch das rot mör mit trucknem füß kommen. Ach wie ist der so selig / der den rechten weg für sich nimpt vnd frölich auffgeet gegen dem lannd des hymmlischen Jerusalem / wie soll der so klain achten was jm auff dem weg ellends begegnet so er sich waist wandlen in dem rechten weg / wenn aber der weg so vil seind / in den man irret **A**lls sant Peter spricht Das der gerecht kaum behalten werd **U**nd vns sant Pauls manet / das wir für vns sollen sehen / das wir sicherlich wandeln **U**nd darumb das du dein selig

von Egipto

keit findest fürderlich / vnd dich auff den rechten weg zu weisen zu dem hymelischen Jerusalem / das du mit den irrenden nit gefunden werdest / der so vil ist **S**o hab ich gedacht das ich dir ain Exempel sagen will / wie got das volck / das von dem hailigen Patriarchen Jacob ward geboren / vnd außgeführt ward ab in egipten / vnd von Egipto durch das rot mör über den Jordan in das gelobte land / vnd wie er wunder mit in wütet / vnd in die zehen gebot gab zuhalten **S**o ich aber selb blind bin vnd vnweis / vnd selb irgang in meinen manigfaltigen gebrechen **D**arumb ruff ich an die vngemessen ewigen weisheit / das ich warlich sagen mög / wie man auß Egipten diser welt williglich kern soll durch das rot möre in das gelobte lannd / **U**nd das man das desterbas verneme **S**o will ich sagen zu dem ersten / wie die hailigen Patriarchen geboren wurden / vnd wie sy in Egipten land kamen / vnd so manigen druck vnd horigkeit dälitten / vnd darnach zugen in das gelobte lannd / **D**arumb solt jr wissen / das wir lesen / das d' Patriarch Jacob zwo frauen het / die ain hiefs Lya / die annder Rachel / vnd jr yeweder het ain junckfrawen **D**ie erst junckfraw hiefs Zelpha / vnd die hett den gebrechen das sy vil trannck vnd ward truncken **D**ie ander hiefs Bala die hett den gebrechen das sy vil reder vnd zünil wort was / **L**ya gewan zu erst vier sün Ruben Symeon Levi vnd Judas. **A**lso hat der mensch zwo frauen in jm selb **D**ie begird ist Lya / die vernunft ist Rachel / **D**ie sinnlichkeit ist der begird junckfraw vnd hat den gebrechen / das sy nymer kain benigen hat der sinnlichen ding **A**ber der vernunft junckfraw ist die

Von

bildnerin/die hat den gebrechen/das
 sy zu vil redet/vnd irer frauwen der
 vernunft zu vil bildung eintraget/
So nun ain würeckend leben vor
 dem schawenden lebenn erfüllet soll
 werden Darum so soll Lya/die das
 üben oder würeckend leben bedeiüet
 vor geen/vnd zu erst fruchtbar wer
 den/vnd jr frucht soll Ruben sein/
 das ist/göttliche forcht/wann sy ist
 ain anfang aller götlichen tugent/
 Als die haylig geschrifft sager. Ain
 anfang der weißhayt/ist forcht des
 herren. Der sun wirt geboren so der
 mensch seinen gebrechen betrachtet/
 vnd dartzu gottes gerechtigkeit vnd
 seine verborgne vrtail Wen nun der
 sun geboren ist/vnd der mensch rech
 te gotsforcht hat/vnd den sichte das
 er got so oft vnd dick erzürnet hatt
 So felt er in betrüblich schwanger
 hait/vnd wirt denn Symeon geborn
 Das ist/herzleid vnd betrübnuß vñ
 mißfall seiner manigfaltigen gebre
 chen Vnd so nun der herr gesprochen
 hat Selig seind die da wainend wañ
 sy werden getröst Vnd darumb so
 bald betrübnuß geboren ist in dem
 menschn so bald wirt er wid schwan
 ger vnd gebürt denn Lemi/das ist/
 züuersicht/wenn so der mensch ye
 grösser laid hatt/so er ye meer züuer
 sichte soll hon zu got/also das jm got
 wöll vergeben sein sünde Vnd wenn
 nun der mensch züuersicht gewinnet
 vnd got seiner güte getrawet das er
 in nitt lasse/so entspringt ain freünd
 schaft vnd ain liebezwischen got vñ
 dem menschen/das denn der mensch
 sein getreüwen manung war nimpt
 vnd wirt den Judas/das ist/die lob
 sam lieb/vnd gottes verjehnung ge
 born/wañ do Lya Judam geboren
 het do sagt sy got lob auß innerlicher
 lieb/Das ist der edel sun dauon das

Dem außgang

geschlecht ist komen von dem der sun
 gottes solt geboren werden. Der sun
 soll ain künig sein aller seiner bñder
 wann auch die edel tugent der lieb ist
 ain cron vnd künigin aller tugent.

Histori.

In lesen wir/do rachel sahe
 n das Lya vier sun her/vnd sy
 vnberhaffe was/das sy do be
 gert/das Jacob bey irer junck
 frawen schlieff/das sy auch ain kind
 möcht von jr haben Nun beschach es
 das jr junckfraw Bala zwen sun ge
 wan Der ain hieß Dan/der ander
 Neptalim/vnd do die geborn waren
 vnd Lya sach das die junckfraw Ra
 chelis zwen sun her/do begert sy auch
 das jr man Jacob bey irer junckfraw
 Zelpha schlieff/vnd es beschach das
 jr junckfraw zwen Sun gewan/der
 ain hieß Gad/der and Asser. Das
 bedeiüet anders nichts dan so die göt
 lich lieb geboren wirt in der begird/
 vnd die herrschet in dem menschen/
 so begert die vernunft das selb zü be
 kennen/das den die lieb gemeert wirt
 vnd wenn sy das nitt lautter on bild
 vnd form bekennen kan/so begert sy
 auch das jr junckfraw die bildnerin
 zu den ewigen dingen sich auch ke
 vnd sy nitt den bilden leer bekennen/
 vnd dem zu hand so gebirt die bildne
 rin zwen sun Der erst ist/angesicht
 der künfrigen ding der pein/vñ haif
 set Dan Der ander sun ist/angesicht
 der betrachtung künfriger seligkeit
 ewigs lebens/vnd der haifset Nepta
 lim Wen nun die bildnerin zwen sun
 hat/vnd die zwen sun die begir sichte
 So will sy auch das jr junckfraw
 die sinnlichait/vnder tenig werd irem
 man dem gemit/vnd von dem anse
 hen so sy dan die künfrigen pein an
 sichte So gebürt dem die junckfraw
 Gad/das ist/ain abbrechen aller lust

der Juden

sinnlicher ding Darumb das sy der
 helle entfliehen Vnd so sy Nepralim
 die ewigen seligkeit ansicht / so ge-
 bürt sy Affer / das ist / ware gedult zu
 leiden / durch d freud willen alle drück
 vnd widerwertigkeit klain darumb
 scherzē / wēn nun ware gedult in dem
 menschen geboren wirt / so wirt der
 mensch an seiner begird mit besonde-
 rer freud vnd lust berürt von got /
 vnd wirt im das joch des herren so
 süsse / vnd sein bürd so leicht das er
 sich freiwet in got / vnd das im auch
 widerwertiger dinng bitterkeit süß
 wirt Vnd wenn das geschicht so ist
 von Lya / das ist / von der begird
 Isachar geboren / das ist / freud vnd
 süßigkeit Wenn nun der mensch der
 süßigkeit gottes empfindet / so will er
 zu got gebunden werden / vnd zu al-
 len götlichen dingen / das er ain miß
 fallen gewindt in allem dem / das wi-
 der got ist / vnd wider sein Ere / vnd
 mag es an nyemantde weder sehen
 noch hörn mit wol gefallen Sonder
 in grossen trawren vñ laid alles das
 darinn er gebrechen vnd gottes vneer-
 erkennet / vnd damit wirt Babulon
 geborn / das ist / zornlichkeit wider all
 vngöttlichkeit / wēn aber der mensch
 das selb auch in im finder darumb er
 ander leüt erkennet straffber / so fallet
 er in scham sein selbs / vnd so er nun
 on gebrechen nit mag sein / so schämet
 er sich innerlich vor gott allain / vñ
 so Dyna die tochter / geborn von Lya
 der begird / wirt / wān ain fraw vñ
 natur schämiger ist dann ain man /
 darumb das Babulon nit zu vil zürn
 So wirt nach im geboren die junck-
 fraw Dyna / das sy sein zorn mittel
 oder milder / vnd in güttigkeit kere
 vnd yn behalt / das er sein zürnen nit
 zu vil brauch / vñ das er allain straff
 auß güte seines hertzen Wenn nun

von Egiptō

das geschicht das sich der mensch
 nit vor got allain / sonnder auch vor
 den menschen schämet / vnd dick vor
 scham wegen der leüt die ding thut
 oder last / so geet Dyna auß vñ wirt
 enteeret / oder jr rainikeit beraubet /
 wān es geschicht offte so der mensch
 andrer leüt gebrechen sieht / das er sich
 denn erhebt / darumb das er sollicher
 gebrechen nit hat / noch darein gefal-
 len ist Vnd also geet Dyna auß vnd
 wirt von üppigem erheben gedruckte
 Das ist / jr junckfreulichait gewalt-
 samlich beraubet Das soll denn der
 mensch billich rechen / vnd sein ma-
 nigfaltig gebrechen fürsetzen / vñ die
 an aller überflissigkeit wort vñ werck
 beschneiden / vnd doch nit die krefft
 eröden vnbeschaidenlich / alls die
 brüder Dync / Symeon vnd Leui
 theten / meer / er soll sy mit maß vnd
 mit beschaidenheit beschneyden / das
 kan er aber nit gethün / es sey dann
 Joseph / das ist / weise vnder schid ge-
 born Der edelsim ward erst geboren
 do Jacob alt was worden / von Ra-
 chel / wann da gehöru vil jar zu / das
 der mensch dartzu kom / das er weise
 vnder schid gewin aller einfäll / vnd
 wol erkenn / wenn yegklichs inniges
 werck zu vil oder zu lüzgel sey / Das
 thut Joseph / wān maß vnd mess al-
 len tugenden vnd allen leütten gibet
 er weise vnder schid Darumb so müß
 sen alle annder tugend weise vnder-
 schid anbeeten / wann er beschaydet
 tröm vñ alle bild der fantaseyen / vnd
 beklaget seine brüder / das ist / alle an-
 der tugent / wa. jr zu vil ist / oder zu
 lüzgel Vnd das ist etwas widerzän-
 den audern tugenden / vnd mügend
 rechte maß nit geleiden Wenn nun der
 mensch hatt in seiner vernunft Jo-
 seph den weisen vnder schaiden geboren
 So lernet der mensch bey im selbs

erkennen sich selbs / vnd wenn er in
 im selbs sicht das bild der hohen tri-
 ualigkeit So beginnet in seiner
 vernunft ain lecht enttspringen /
 das ist / götlichs schawen in sein
 selbs bild wissen / wenn nun das göt-
 lich schawen entspringt So muß die
 vernunft sterben / wenn sy bey weit-
 rem weg dartzü nit mag raichen /
 Wann also lesen wir Do Rachel
 Benjamin gebat / das sy an dem
 kind starb / Wenn nun Benjamin
 bedüret götliches schawen so be-
 schicht auch also in dem menschen
 Wenn götlichs schawen in im ge-
 boren wirt / das die vernunft vnd
 allesinnlich einfall / vnd alles / das
 der natur ist / das müß sterben vnd
 herniden beleyben / Dartzü kompt
 der mensch nit / dann mit dreyn ding-
 en Das erst ist / das er aussen an wol-
 geordnet sey / vnd innwendig vnges-
 hindert / vnd on alle verbildung /
 Das ander / er müß got mit geain-
 ter lieb anhangen on vnderlaß /
 Also das er sey erzüht in liebhaben
 als ain glient eysen des feurs on al-
 les erleschen. Das dritt / er müß sich
 selber verlorn haben als in ainer vn-
 wissennden vinsternuß / das er sich
 selbs nit kind finden nach der iridi-
 schen begir / denn so ist der edel sun
 Benjamin geboren / vnd die müter
 die vernunft ist tod. O selig seind
 die / die also in got tod seind / wann
 sy empfahent erst in im ain neüwes
 wunnigliches leben.

Histori.

In lesen wir das Jacob sun
 der lieb het zü seinem Sun
 Joseph / seid er yn in seinem
 alter gewan vnd machet im
 ain rock bis auff den enckel / vnd do
 ward Joseph darnach seinem vat-
 ter sagen / wie sein brüder wider got

leben Darumb hasseten yn sein brü-
 der / vnd nach verlauff der zeit ver-
 kauften sy yn in Egipten Do layd
 er vil vnd lang / vnd ward von sein-
 er keuschait wegen gefangen / vnd
 lag lang in ainem kercker. Aber got
 gab im gnad vnd weishait der träm
 künfftiger ding zü beschaiden / dar-
 umb er auch erhöhet ward zü ainem
 fürsten des reichs vnd landes Egi-
 pten Also das er das gantz land be-
 soiget vnd versach in hungers nöd-
 ten Vnd darumb auch sein brüder
 zü im kamen vnd hilff süchten bey
 im Vnd auch zü dem lesten sy vnd
 ir vatter zü im in Egipten land zu-
 gen von theit in vnd hungers we-
 gen / den sy in irem aigen land heren
 Also kam Jacob der Patriarch mit
 sibenzig personen in Egipten land
 Was bedeit nun das / das Joseph
 seinem vatter Jacob lieber was dan
 sein brüder: Nichts anders dann
 das weise vnder schayd der tugent
 vnd der gebresten so gar liecht vnd
 hoch ist für ander tugent Darumb
 het Joseph ainen rock bis an den
 enckel / wan sy begreiffet alle tugent
 wo zü vil ist oder zu lüzgel / wan also
 beklaget sy die demütigkeit / wenn
 sy zü vil sich trucken lassen Auch be-
 klaget sy die essentüchtigkeit / wenn
 sy die vner gots nit straffer / Also
 beklaget sy die hertikeit des lebens
 der menschen / So der mensch über
 sein krafft sich selbs angreiffe / wenn
 aber der mensch gar in vil jarn erst
 dartzü kompt / das er weise vnder-
 schid gewint / das in allen seinen wer-
 cken nit zü vil sey oder zü lüzgel Das
 wirt wol bedeit bey Jacob / der fast
 alt was / do er disen sun gewan Aber
 son nun dem menschen in seinem für-
 nemen wider ist maß vnd maß haben
 Darumb so verkauft offte die begir

Der Juden

von Egipto

vnd auch die werck des menschlichen
 Joseph / das ist weise vnder schid jr
 brüder in Egipten land / das ist / in
 diser welt weishait vnd vnder schid
 wann in ist nit einzubilden mas vnd
 zil der innwendigen ding Vnd also
 zuhand so Joseph / das ist / weise vn-
 der schid verkauffet wirt / vnd von
 seinen brüdern komet So erhept sich
 theurin vnd gebrechen in dem land
 tseiner brüder / wann allen tugenden
 gebriest / wenn sy weisen vnder schid
 verlieren vnd werden zu vntugen-
 den Darumb so müssen alletugend
 weise vnder schid haben / wann sy ist
 ain fürst aller tugent / von dem das
 sy aller gesicht träm vnd bedünnus
 beschaidet / vnd darumb an jr gnad
 komet / wann sunst müssen sy ge-
 brechen haben vnd verderben / Doch
 wirt sy oft gedruet mit der welt
 weishait / wiewol jr lauttere weis-
 hait zu dem letzten fürbricht / das sy
 erhöcht wirt von billichait in alle wir-
 digkait.

Süro sagt die hystori

Vn beschach auch darnach
 in do die hailigen geschlecht in
 Egipten waren / das in das
 land fast liebt / vnd nit für-
 bas begerten / dann das sy da jr leb-
 tag solten verzeren / wann sy hetten
 eer vnd gütt / vnd kurz weil gnüg /
 darumb ver henger got das inen ain
 neuwer künig ward / der wisset nit
 vmb Joseph vnd Jacob / vnd der
 erucktet das volck gottes fast schwär-
 lich / vnd demselben künig müssen sy
 vndertänig sein / der ordnet in groß
 arbeit das sy müssen ziegel vn alg
 brennen / vnd steet bauwen / vn straf
 vnd weg machen / vnd vn sauber kait
 ab weg tragen / darzu irret er sy an

allen güttin dingen die sy da nit vol
 brachten / Er hieß auch alle kind die
 knaben geboren wurden errencken /
 Darumb auch Moyses in ain kurb-
 lin wol gebicht ward gesetzt / vnd auf
 das wasser geworffen Doch das be-
 schach also durch besonder ordnung
 gottes / wann das ersach des künigs
 tochter die hüß in auff vnderzoch in
 Wir lesen auch als lang sy in Egi-
 pten waren das sy gar vil kummer
 mit irem vich hetten vnd vil böser
 versüchung vnd ansechtung / do sy
 sahen das die Egiptier die abgötter
 anbeteten / vnd doch so vil trostes
 hetten in disem zeit vnd gelücks / vnd
 sy also in schwarzen drucken vnd ley-
 den vil vnd manig jar waren in Egi-
 pten / bis das yn got halff auß dem
 land zu der statt des frides. **Seid**
 nun Egipten dis welt bedüet So
 beschicht es gar vil das dem mensch
 en in disem zeit gar vil ding liebt /
 wen er in eer vnd gütt sein zeit in kurz
 weil vertreibt vnd versaumet sich zu
 vil das er kain belangen nach der
 ewigkait hat / vnd verbildet sich so
 vil das er nit amders dann zeitlich
 ding in Egipto diser welt begeren
 ist Darumb so ordnet dem der ewig
 got die er darzu angesehen hatt in
 ewigkait / das in maniger druck in
 diser welt geschicht Vnd das ge-
 schicht darumb das in die welt nit zu
 vil liebe / das sy ain bewegenden jar
 mer gewinnen nach der ewigkait /
 Er verhenger auch auß grosser lieb
 das sy dick von bösen menschen diser
 welt in arbayt vnd in layd gesetzt
 werden / wann so der mensch hart
 lasset die welt / darumb so müß er
 hart gedruet werden Auch müß er
 strafs vnd weg seubern / vnd alle vn-
 seuber kait austragen ee das er auß
 Egipten land diser welt komet.

J iij

Von

Wann alle demüthigewerck seind der natur widerzaim / vnd darinn müßer sich hart müen / vnd sich darin überwinden ee er auß **E**gipten land kommet. Es müssen vor auch alle Knaben getödt werden vnd in das wasser geworffen / wann alles das da wachset auß dem menschen von dem blüt / flaisch oder begird / oder willen des mannes / das müß vor alles erst erben ee das der mensch auß **E**gipten land kommet. Aber allain die begird der himlischen ding die ain verbergung nymmet in den zeitlichen nordürfftigen dinngen soll behalten werden / als Moyses in dem binnin körblin / wann Moyses soll den menschen führen in das gelobland / das ist / begird himlischer ding. Auch beschicht es offten gottes freunden / das sy in diser zeit in groß wunderung / beforung oder versüchung fallen vnd gesetzt werdün / so sy sehen das die kinder der welt so in grossen gelück seind vnd trost / vnd abey sehen das die freünd gottes so in grosser verschmäch vnd in grossen truck vñ leiden seind / als ob got nichts vmb sy wiss / vnd jr gantz vergessen hab / das setzet den menschen in grosses wunder vnd beforung / bis das er von egipten gantz geschaydet / vnd denn sieht wie sich das rot möre auffschüt den freunden gottes / vnd alle jr feind trencket.

Sprach ain mensch führen die kinder von Israhel gleich zuhand auß **E**gipten.

History.

A solt wissen / wiewol sy doch vil leydens hetten / doch so wolten sy nit von dannen / bis das got groß blag sandt über **E**gipten / wann alle was-

Dem außsgang

ser wurden blüt / vil frösch regnet es vil staubmücken wüchsen / die alle frucht verwüsten / vnd die frösch in andie bett risen / vil flügen die sy bis / der schelm des vichs / zerbröckung irer haymlichkeit / vil hägel vnd donrschleg / vil hewschickel Auch vinstet nuß die man greiffen mocht / vnd rödrung aller erstgebornen. Vnd die blagen giengen über **E**gipten / das den kindern von Israhel nicht / geschach / noch sy der ding kaines berüret. Vnd do sy die blagen sahen / do begertten sy erst hinweg. Doch führen sy nit bis das sy künig Pharaos selbs hieß dānen hinweg faren / vñ die von **E**gipten sy austreyben vnd maneren das sy zuhand hinweg schieden.

Also beschicht noch oft / wiewol d mensch in der welt vil leydens vnd leydens hat vnd vngemach / das im die welenitz zu lieb werd. Democht will er die welt nit lassen bis das im solich groß leiden begegnet vnd blagen das yn die welt selber lasset / vnd yn von jr austreybet / vnd all so mit schwarzem leiden außjaget.

Histori.

Prächst du / Wie kamen sy von land? Ir solt wissen das sy von des hässen gottes entlechneten vil klainat / silbaine vnd guldinegeschir: von den hayden in **E**gipten / vnd nam yetlicher ain stecken in sein hand / vnd namen auch mit yn materi zu offeren got in der wüstin / vnd namen meel das sy brot hetten vñ machten nach irer notturft. Vnd all so führen auß frauwen vnd man mit iren kinden / mit ainem ganzen willen nymet mer widerumb zu kommen.

der Juden

¶ Bedeutung

As nun das bedeutet / solt jr wol vernemen Will der mensche auß Egipten diser welt faren in die wüstin vnnnd gegen dem gelobten vatterlannd so soll er nitt allain seine klainat vnnnd sein silbergeschirz / das seind seine aygen tugentreich übungen mitt im nemen Besonder er soll auch in sein begird vnnnd liebe alle tugent vnnnd tugentreiche übung von allen andern menschen juden vñ haiden oder von wem sy beschehen / in sein begird vnnnd lieb beschliessen / vnd sy hin mit im tragñ in williger übung / vnnnd hat er meer lieber begird in den selben tugentreichen übungñ so seind sy meer sein / wañ also soll er alle klainat der tugent entlehnen / in allen menschn die tugent üben / sy seyen böß oder gut menschn Vnd soll denn zu im nemen den stab des creüz / wañ die warhait gesprochen hat. Wer mir nach will gon der soll sein selbs verlaugnen / Das ist / sein eigen willen lassen / vnd soll sein creüz auff sich nemen / Das ist / abbruch aller gelüst / mit fester williger gehorsam / vnd soll mir nachuolgen / wañ das creüz dein / ist nichts anders dan so etwas deiner natur widerzaim ist / vnd du dich doch willigklich dar ein gibst / Es soll auch der mensch mit im nemen materi zu opffern / die er got opfer in der wüstin / das ist sich selbs / wañ das ist got das allerliebste opffer für alles das er got geben mag Darumb spricht der andechtig leerer Bernhardus. Quid nos offerimus ei. Was sollen wir im opffern oder geben / vmb das / das er für vns hat geopfert / wañ kain edlers opfer noch kosperrlichers het er / dann sich selbs / vnd das gab er für vns / Wer ist der mensch der sich selbs widerumb opffe

von Egipto

ret. Ach herr got / wer gibte mir / das dein maiestat mein opffer empfach / Ich hab allain zwen haller / das ist / leib vnd seel / künd ich dir die begirlich opffern / so hett ich sy behalten / will aber ich sy mir behalten / so hab ich sy verloren Doch soll der mensch mit im nemen mel / das ist / gaisstliche trostung / das in got in allen dingen versorg vñ speiß / vnd im nymer mißcraven Vnd also sol der mensch auß egipten diser welt ziehen / mit ainem stäten willen vnd festen gemüt nymmermeer widerum zu keren Vnd darumballe vrsach fliehen die im ain widerker möchten machen / vnd darumb furet got das volck von Jsrahel gar durch wunderlich selzam weg / das sy müsten vmbziehen selzam fremd vnd ferz weg / das sy nit widerum lüften in Egiptenlannd Also soll auch der mensch im selbs verlegñ vnd verwerffen die weg die yn wider in die welt möchten gefürn / vnd ob er auch gern wölt widerkeren das er vor der welt scham nit künd noch möcht wider zu der welt komen.

öchten jr aber sprechen / was ist den menschn die allermaist vrsach wider in die welt zu komen? Solt jr wissen / vns nütze üppigeliub vnd weltliche gesellschaft Die zway seind die größten vrsachen / wann sy thünd so vil / vnd ob ain mensch war komen biß zu dem dritten hymel / so fellend yn die zway ding herwiderab in die welt / auch in abgrund der hellen Darumb so sollen sich alle menschen hütten vor sollicher vnnützer üppiger lieub / vnnnd auch gesellschaft / vnd sich wenden zu den dingen die da in got seind geliebt / alls tugent / vnnnd der tugent übung.

¶ Hystori.

Von

n In solt jr wissen wie sy durch
das rot mör seind komen Do
sy drey tag von Egipten ka
men in die wüstin/do kamen
sy an das rot mör an ain eng/also das
zu der ainen seitten das mör vor inen
was/ vnd an der andern seitten ain
gar hohes gebirg/über das sy mitt
nichten mochten komen/ weder hin
noch her Vnd des ward gewarung
Pharao von Egipten/vnnd zoch in
nach mitt sechstraussent wagen/vnnd
mit grossen volck/ vnd wolt sy wider
in sein land treiben Also waren sy an
allen enden in nödten/ vnd mochten
niemert weichen/ weder hin noch
her Vnd darumb wurden sy in groß
angst vnd not gesetzt/ vnd reuwer sy
das sy ye von Egipten schieden/vnd
nurtelten wider den lieben Moysen
vnd Aaron/vnd sprachen Warumb
habent jr vnns außgeführt von Egi
pten Vermainten jr das vnns grö
ber zerrunnen wären/das wir nun
hievor Moysen müssen sterben/ Do
sy nun also in getrang waren/ do er
schyn in ain saul/die stünd zwischen
in vnd den veinden/das sy ire veind
nit mochten gesehen/das waren die
von Egipten/Vnd als die saul fin
ster was gegen den Egiptern Also
gab sy liecht den kindern von Isra
hel/das sy all mochten vmb sich sehen
Auch in der nacht/Vnnd do tröset
Moyses das volck vnd nam sein stab
vnd schlug an das mör/vnd zuhand
taylet sich das mör/das da zwelf tru
cken strassen da wurden durch das
mör/vnd gieng die saul vor Vnd do
das Moyses sach/do gieng er in die
strass/vnd im wolt nyemandt geren
nach gon/bis ainer von dem geschle
cht Juda mit den seinen hinnach trat
Vnd also kamen sy all durch das rot
mör/mitt trucken füßen/vnd hetten

Dem außgang

zu bayden handen oder seitten wasser
des möres in maut weiß hoch erhebt.

¶ Bedeutung.

Solt jr nun wissen/wie es de
nenergeet/die auß Egipten
diser welt ziehen/wan yn ge
schicht gleich als den Juden
geschehnt ist/wan so sy drey tag waid
(das ist/mit den drey kreften der seel/
gedechtnuß/ verstenuß/vnd wil
len) auß der welt ziehend So komen
sy dick in grosse not/wann sy sehend
vor in ain endlos mör/das ist/vil bit
terkait/die in vnleydenlich scheinent
vnd die forcht vnd die schamzuleidn
vor der welt/vnd manigfaltiges er
sterben/das sy thün müssen/wollen
sy fürbaß gehen Vnd zu der andern
seitten die hohen gebirg/das seind die
höhin der tugent/das yn die zu hoch
seind zu etuolgen/vnd sy die übung
der tugent nit mügen leiden/sy wöl
len dann ire sinn verliern (als sy be
dunckt) Vn also kan der mensch we
der hinder sich noch für sich kommen
Vnd wenn das vermerckt Pharao
Das ist der böß gait Sonimpter zu
ym die kinder d welt/vnd fare nach
widerumb die menschen zu fahen vn
widerufft in Egipto zutreiben/vnd
komet mit maniger bößer verfühung
vnd irrung/vnd machet den men
schen betrübt in seinem hertzen/das in
gereuwer das er die welt ye geliefs/
vnd gedencet bey im selber/was haff
du dich selbs gezigen Du haff lust vn
trost gelassen/vn müßt doch in ainem
weg als wol als in dem andern ver
loren sein Dir war vil baß geschehen
hetteff du dir selber wol lassen sein in
der welt alls annder leüt die doch zu
hymel wöllen komen/alls dann spre
chen die welt kinder Vnd so d mensch

der Juden

also gedrencke wirt vnnnd spricht zu
 in die welt Maynest du das dir das
 himmelreich allain erschaffen sey/
 vnd es dir got allain gemacht hab/
 Was zeichst du dich selbs / wilt du
 geren dein sinn verlieren. Auch so
 komment annder die sprechen. Die
 weil du jung seyest so laß dir wol sein
 Du kompst des noch wol über vil
 jar / das du got dienest / Auch ander
 sprechen / Hale dich allain frumb/
 Elich / vnd laß dir wol sein in der welt
 du magst in der weiß nit besteen / die
 vnd die habents auch versücht / vnd
 seind doch nit bestanden / vnd hond
 wider vmb kert / vnd seind darnach
 der welt spot gewesen / also mag dir
 auch geschehen / Darbey komment
 aber annder vnd sprechen Es scha
 dent freud vnd kurzweil nicht in er
 berkait Es schadet auch nit wie die
 menschen beklaydet gond / wenn nur
 das hertz gürt ist / Auch so kommet
 Pharao der böß gaist vnd würffet
 dem menschen für freud vnd kurz
 weil vnd machet dem menschen so
 anngst das er sich selber erbarmet/
 vnd gedencet was hast du dich selbs
 gezigen / wie ain kläglich ding ist es
 so du nymmer frölich solt werden /
 vnd solt ymmer in betrübnuß sein /
 Du magst es die leng nit meer erley
 den / vnd gereüwet den den menschen
 en oft das er die welt hatt gelassen /
 Vnd denn findet man etlich So sy
 also gedrengt seind / das sy geden
 cken / du magst nit also besteen on
 auffenthalt / du müßt dir selbs mitt
 etwas kurzweil zuhilf komen / vnd
 kompt oft dartzu das sich die kurz
 weil meeret / das der mensch gleich
 wider in Egipten lannd kommet /
 Aber die aufferwelten kinder gottes
 die rüffent got an in disen nödten /
 vnd gedencent das alle freünd got

von Egiptō

tes müssen durch leyden kommen in
 freud vnd rüw / vnd sehen denn also
 an die saul des glaubens / wie der
 glaub vns ymmerwerend freud zay
 get vnd gibt / vmb gegenwürtiges
 leiden / vnd wie er vnns tröstet / das
 vnns got nit will lassen in kainen
 nödten noch gebresten / vnd in allen
 angsten will er bey vnns sein / vnnnd
 die grösten bürd tragen / vnnnd das
 klain leyden will er auff vnns lassen
 fallen / das wir dann mügen erley
 den / vnd alle betrübnuß will er vns
 in freud keren Darumb so schlahen
 sy denn in das möre der bitterkayt
 diser wele / mit irem stab / das ist /
 mit ainem güten vertragen zu got.

Wöchten ir aber fragen / vñ spre
 chen Warumb das wär das die welt
 zügleicht würd dem möre?

All ich nun eüch das sagen

So wise ir wol das das mör
 bitter ist / vnd fast groß wel
 len hat / vñ wilde thier darin
 seind / vnd selten still steet / vnd dar
 umb ist es wol billich zügleicht der
 welt / die da vil bitterkait hat / das ist
 vil widerwertigkait / vñ wüstin / vnd
 vil wilder tier Darumb frag / was
 ist neid / has / vngedule diser welt /
 wie verbitternd sy manigem sein her
 ze Sich an die stat viler menschen
 Seind sy nit mörwunder Auch wiß
 wir wol das alle Element dem men
 schen nach seinem leben stellen / vnd
 müß doch das leben durch die Ele
 ment auffenthaltten werden / Wir
 wissen auch wol das die kinder diser
 welt grossen has tragen den kindern
 gotes / vnd sy verspoten / vnd in ma
 nig trübnuß drucken vnd bitterkait
 vnd in dem müß d mensch verwegen
 lich vnd verachelichen gon vnd sich

Non

göelicher güte empfelhen / vnd will
er sich der tieffedes möres entsetzen
So soll er mit der rüt Moysi an das
mör: schlagen / vnd die selb rüt ist nit
annders dann betrachtung ewiger
pein Vnd die verborgen vrtail got-
tes die da so streng sein / das der ge-
rechtkaum behalten wirt Als sant
Peter spricht Wenn er das wol be-
trachtet so soll er sich billich in das
mör: der bitterkait diser welt wogen
vnd weñ das got sieht so mag er den
menschen von seiner güte nit lassen /
vnd rait im das mör: das er mit trus-
cken füßen dardurch kömmer.
Wöchten jr aber sprechen / was be-
deütet das sy das mör: hetten zü bay-
den seitten als ain maur / vnd was
bedeütet die zwelff strassen: Solt jr
wissen das alle / die die welt wöllen
fliehen / die haben bitterkait zü den
bayden seitten / wan betrübnuß vnd
jamer vmb ewig ding vnd vmb an-
dacht vnd vmb ernst / ist das mör: zü
der gerechten seitten Aber betrüb-
nuß vnd socht der ewigen pein / ist
das mör: zü der gelincken seitten / vnd
zwischen den zwayen bitterkaytten
muß der mensch lauffen durch das
mör: Aber die zwelff strassen bedeüt-
ten annders nichts dann die zwelff
rat vnser herren Jesu christi / oder
die zehen gebot mit den zwayen ge-
botten der liebe Als wir got söllen
liebhon ob allen dingen / vnd vnsern
nächsten als vnns selbs Also nun in
dem habe jr wol vernumen vnd ver-
merckt das got hiemit beweiset hat
das er den menschen nit will lassen
in seinen nöden / er will müßerna-
türlich helfen von allen drücken vñ
beswörungen / als er den juden thet
do et des möres grund trucken ma-
chet / Auch habe jr vernommen das
Juda das erst geschlecht was / das

dem außs gang

Moysi zü dem ersten nach dratt in
das mör / wann Juda / das ist / ain
liebhabender verzeher vnd bekennet
gottes / der laufft vnd eylet / da ain
träger mensch still steet Also mer-
ckent jr wol wie Sy durch das rot
mör: seind kómen.

Histori.

Es ist fürbass zusagen wie
es darnach gieng. Wir le-
sen also / Do der künig Pha-
rao vñnd sein volck gewar-
ward / das das volck gottes mit tru-
cken füß durch das rot möre was
kommen / do eykten sy hinnach vnd
wolten sy gefangen haben vnd er-
schlagen / do thet sich das mör: zü /
vnd errecket sy all Vnd do sahen
die kinder von Israhel das jr veind
tod an dem land lagen / das sy das
mör: außwarff Do sahen sy das got-
tes gegenwürtigkeit was mit yn /
Vnd darumb wurden sy erfreuet
vnd fiengen an zusingen ain newes
gesang / bayde jung vñnd alt / man
weib vnd kind / vnd sangen den psal-
men. Cantemus domino gloriose etc
Wir sölen eerlich singen dem herren
Nun was auch da Maria die Schwe-
ster Moysi / die hett ain trummen
oder harpfen für sich gehencke / vnd
auch annder frawen / vnd viengen
an zusingen den benanten Psalmen
vnd viengen an zutanzgen / vñnd an-
der frawen sangen jr nach mit gan-
zer grosser freud. ¶ Wie billich
ist es / das sich der mensch fröw / so
die gannz welt in seinem hertzen er-
trinckt vñnd erstirbe / wie selig war-
der / der durch das bitter mör: kó-
men wäre Solt er sich halt nit bil-
lich freuwen / das er so grosser bit-
terkait des bösen neides vñnd hasses

der Juden

falschait vnnnd vntrew / vnd ander vnrainigkait ist enpflohen vnnnd al so dem meer diser welt entrunden. Da so maniger mensch in seiner plintheit inne ertrincke / vnd im da ewig pein erholt Ach wie ist der so fallig der das meer nit mer vor im sichte Allain hinder im / Der mag woll sprechen mitt Sancto Paulo Bonum certamē certauī. Ich hab ainen güten streit gestritten / vnnnd mag denn wol mit freuden singen Regnum mundi et omnem ornatum seculi contempsi. Das reich d welt vnd alle gezierd diser welt hab ich verschmächet vmb liebe meines herren Jesu Cristi / den ich hab gesehn den ich hab geliebt / in den ich hab gelaubt / Vnnnd mag wol mit freuden in warhait sprechen / Eya woll an falsche welt / dein freud vnd luste / vnd alle dein kützweil die ich von dir ye enpfeng / wie sind sy so gar anders nictes (Dann als ain traum vnnnd ain regenbog) gewesen Vnnnd darumb var hin Wann ich nicht in dir erfunden han dann falche trw vñ vnstatikait / vnwarhait vnnnd betrübnuß Darumb sey dir hewt vnnnd ymer vrlub gebenn / Wan wer dir es ioch nit gibt / dem gibst du es / vnnnd lasset in in nöten stecken Also mercke jr wol / wie billich der mensch nit allain mit trumen vnd harpffen (Als Maria die Schwester Moysi) vill mer mit allem seinem saitten spill soll got lobn Vnnnd mit sießem gesang singenn vnnnd springen / vnd das aines künzde süßiglich in den oren gottes syn gen So solt ir wissen das / alles gesang vñ sechß noten gemacht ist / Auß den man alle saitten spill / vnnnd lieder zeüchet Vnd haissent / Tré my / fa / sol / la / Vnnnd ist ye ainer

von Egipto

höher dan der ander Vnnnd ist der erst der niderst / vnnnd bedewt demütikait des hertzen Der ander erstorbenhait leipliches gütz zu süchen / Der drit ain mit leiden / Der vierert innige gebeer. Der fünft götlicher trost Der sechst ist götlich andacht des hertzen Mit disen noten wirt götlich gesang volbracht Vnd auß dise noten sollen all deines hertzen begir / recht als die saiten gezogen werden vnd gedönt sein / So mag sich der gaist in godes süßikait meren / in allem lust vñ freuden.

Wöcht ain mensch fragenn / seind nun nitt alle ding verpracht / das d mensch fürbas hatt alle ding überwunden So er auß Egipten land kommet oder komen ist durch das moß diser welt.

Ist ir wissen Nain / wan d mensch müß drey außkeren tün / d erst von egipten diser welt Der ander vñ der wüstin sein selbs Der drit vñ der wüstin sein selbs / über den iordan / in das gelobe land.

Sprecht ir aber / welcher bedarff des grösten vleys?

ercket / die geschriefft beweist in das / wan die juden zugen von Egipto in drey tagen / Aber durch die wüstin / müsten sy wol vierzig iar züchen / Da bey ir wol merckent wie lang der außker von imselbs weret. Sprechet ir ich vermainet es solt genüg sein an dem.

Nain / ir solt wissen Ee das volbracht wirt das der mensch den iordan sech wider bergs lossen vnd sein wasser nit meer in das rot moß gang So müß er vor manig iar in der wüstin / sein selbs wonen. **W**an

R

Ir wissent wol / wenn ain mensch in der welt gelebt hat vnd sich dannen löset / vnd denn in sich selber siche. So vinder er anders nit / dann ain dürre vngebaute wüstin / vnd vinder sein hertz vol vncrautes / vol gewürms vol böser gewonhait vñ arger wüßlicher pild. **L**e das nun ayner durch die wüstin komet mit ayner ganzen ersterblichait alles natürlichen gesüches. **S** wie vil zeit gehört darzu. **S** was müß der mensch in diser wüstin beginnen / anfahen vñnd erleiden. **S** wie müß er in imselbs umbkreysen o was müß er stilligens tün / was müß er hinder sich gan vnd den wider für sich. **L**e das er kommet durch dise wüstin / vnd was müß er hiez vnd költin vñnd elends bestan vnd den empfinden gottes beystand vñ himelische trostung vnd den auch üsserung vnd fremdheit als ob er von got verlassen sey. **N**un das ir aber nit verzagt / so will ich eüch fürbas sagen wie got mit seinem volck / so wunderlich vñ so väterlich würcket in der wüstin. Als er auch thün will mit allen den die sich in die wüstin wogent.

Solt wissen / das die saul des wolcks aber fürbas gieng / drey tage waid. **D**arumb die kinder von Israhel der das was sechsmalen hundert tausent man / über die zwanzig iar / on frawen vñnd kind / die zugen der saul nach von dem rotten mör drey tag waid in die wüstin / vñnd funden kain wasser zütrinken. **D**o kamen sy gen Marath vñnd funden wasser das was ser bitter / das weder sy noch ir vich / das wasser mochten drincken. **V**ñnd da wurden sy mürmelen vnd vast vngedultig werden

vñ geraü sy das sy ye auß Egipren waren komē. **D**o nam Moyses ain holz / das was von art bitter. **V**ñnd warff das in das wasser. **D**o ward es zühandt süße zütrinken. **D**arumb do sy gedruncken / do zugenn sy gen Helin / vñnd funden zwelff prunnen vnd da by sibenzig Palm paum / da schlugen sy ir hütten auf bey dem wasser. **W**as wolt got hie mit bedewten / dann allain / das die menschen die in das gelobt land wöllent komen vñnd geführt werdn. **W**en die in die wüstin ir selbs drey tag in ir kreffe kerent / wie woll sy nun da frölich hand gesungn / vñ mitt begierd hand got gelobt bey dem mör. **S**o wirt in doch alles wasser hailliger andacht vnder zogen. **D**as sy so dürre werden / das sy verdriffen zü beeten / zü wachen / vñnd aller tugentlicher würckung vñnd übung / vñnd beschicht denn offte / so sy toch zü wasser komet / als zü dem prunnen des hailligen Sacramentes / oder sich gebenn zü beeten oder ander tugenden das in das wider zäm ist vñnd pieter. **V**ñnd kain begir noch engündung in yn selbs vident. **V**ñnd denn künd sy dick / als die iuden / **V**ñnd hebent an zü murmellenn wider alle die / die yn hand von der welt geratten / vñnd rewt sy das sy die welt ye hand verlassen / vñnd sprechend denn zü imselbs. **D**u wondest wenn du die welt lieffest / das dir als woll mitt got wurde / vñnd das dir tugent als süß wurden vñnd wären. **N**un empfindstu weder gottes noch kainer süßheit der tugent vñnd hast baldents halb verloren die welt / vñnd auch got / vñnd komet denn offte der mensch dar zü / möchte er vor got oder der welt / er kerte wider in Egipren

der Juden

von Egipto

land Ach so solt der mensch so gar gedultiglich sich in die dürre vnnnd in das ellend lassen / als es der herr vult / mit ainem gütten vertrauwñ Vnnnd wen jm / also bitterkait begegent So solt er das edel bitter holtz Des hailligen Creützes vnd des leidens vnser herren Jesu Cristi für seine augenn spannen vnnnd gedentcken / wie er so gar auß grosser lieb vnd ynnikeit an dem holtz des creützes hat gelitten Vnd solt der mensch sein leiden vnd sein Ellend messen gegen dem leiden vnser herren Jesu Christi So sach er das sein ainigen leidenn / so gar klain ist weder das leiden Christi Vnd das solt im sein leidenn süß machen Ir solt auch wissenn wie bitter das wasser des móres ist So wirt es doch süß von dreyerlay sach wegen Ain sach ist die / wenn das wasser durch die aderen des ertrichs rinner Die ander so die Sun das wasser auff zeucht Die dritte / wenn man das bitter wasser in Junckfraw wasser setzet / so wirt es süß Also soll der mensch sein gemüet aineweders einsetcken in das ertrich der tieffen die mütikeit So tüt im kain leiden wee oder aber er sol es auffserhebenn zü den Ewigen frewdñ / der er wertig ist Vnnnd Also nach der sumerlichñ sunnen ewiger sallikeit gedentñ / so wirt im alle arbeit (wie bitter sy ist an ir selbs) süß vnd angenam Vñ ob es im nit genüßsam hilf gibe / so sol er sein bitterkait in seinem glaff setzen in das junckfrawen wasser / das ist in das leiden des rainen junckfrawlichen leibs Jesu christi / vñ wie er so gar in grosser bitterkait gestanden ist Vnnnd also soll im billich alles sein leiden süß werden vñ leicht als den iuden beschach Do in

das bitter wasser süß ward / Also tüt gott Allen seinen lieben frainden / das er in alle ir ellend vnnnd bitterkait in freud vnnnd lust wendet / vnd ordnet Wenn nun dem menschen eriebnuß etwan vergeet So wirt denn der mensch in der ellenden wüstin gefürdt zü zwelff purnen Das sind / die zwelff frucht des hailligen gaistes Davon Sanctus Paulus schreibt / Denn so vindete der mensch die edlen Palmpaum Die bedewtent waren gesig der vntugend Wann ware züuersicht zü der hilf gottes / macht den menschen fürbas angesigen allen groben gepresten.

Vñ wil ich eüch fürbas sagen wie es in ergieng / darnach in der wüstin / Wir lesen fürbas Do die saull aber fürbas begund zügen in die wüst Do zoget das volk hyn nach Do ward in gebresten des melbs / das sy auß Egipten herten getragenn Darumb begunden sy aber zümurren wider Moysen vnd Aaron / vñ sprachen / warumb haben ir vnns außgeführt Vnd wölte got das wir wider in Egipten wären Vnd do erzaiet in aber gott sein gütin / vnnnd gab in das himelbrot an dem morgen Vnnnd zü vesper / gab er yn staren so vill als sy bedorfen Davon wurden sy aber gesterckt vnnnd zügen fürbas in die wüstin bis gen raphin Do gebrast in aber wassers vnnnd wurdenn vngedultig wider Moysen vnnnd wolten mit gewalt wasser han Vnnnd wolten auch hier mit versüchenn ob gott bey in wär oder nit Vnnnd do schlug Moyses zwirund an ain felsenn / der gab wasser in allen voltkomenlich Vnnnd do

R ij

Egipten
oyles ain
itter Vnd
Do ward
ann Der
do zügen
den vñ
sig Palm
hatten an
s wols gen
allam das
gelobt lob
für wñ
r selbs
wie wñ
jungñ / vñ
gelobt by
h alle
oder ygn
das in
chen / vñ
ung vñ
nn off
t / als
Sacro
in beten
in das m
Vnnnd kñ
in yn selb
id sy dich
ent an
ie / die
den / vñ
hand re
denn in
du die wñ
mit gott
ent als hñ
an empf
iner wñ
t bald
vñnd mich
er der m
gott oder
Egipten

zähannnd kam das volck Amelech/
 Die amelechiten die begunden wi-
 der sy zustrreiten Do hüß Moyses
 sein hand auff zu den himlen/vnnd
 als lang er sein hend auß hüß so lag
 das volck von Israhel ob Vñ gesi-
 get/Vnnd wenn er die hand nider
 ließ So lagen sy dar nider/Vnnd
 gesigten jr veind Vnnd darumb/
 do hüben im zwen sein arm auff das
 waren Aaron vnd Hur Do sy nun
 dissen streit behüben Do zugen sy
 biß an den perg Sinay / Do stünd
 die saul still ain gang jar Darumb
 schlugen sy da ir zelt auff vnnd beli-
 ben da bey dem perg Aber Moyses
 ließ das volck vnnd sein pruder vnd
 die seinen / Vnd gieng allain auff
 den perg in ain duncklin Do redet
 gott mit im als ain fraind thut zu
 dem anderen/vnd gab im da die ze-
 hen gebot. ¶ Nun nemet war was
 das bedeuert / Ir wist woll das vil
 menschen noch das tünd als die iu-
 den So sy vonn Egipten ziehend/
 vnd got loben wöllend So getrau-
 wend sy gott nicht gänglich vnnd
 behalten in selbs ymer etwas auff
 enthaltung / das sy nit verderben/
 das bedewt das meel das die iuden
 hetten Da mit sy sich versachenn/
 Vnnd die weil das meel weret Do
 santt in gott das himelbrott nit Al-
 so enzücht in gott das meel seiner
 hilff Die weil das mel irer behelf-
 fung weret Aber do in des mels ge-
 brach / Do santt in gott das himel-
 brott Vnd das geschichte auch gar
 dick das ain mensch der sich vonn
 der welt keret / Vnnd dannochte
 die bildung der welt in seinem hers-
 zenn traget / vnnd im lustlich ist/
 nach den weltlichen dingen / zuge-
 dencken die er erwann getriben hat
 Die gedancken seind annders nit /

dann das meel vonn / Egipten
 mit dem sich der mensch dick be-
 hilffet Vnd wenn das meel gebrist
 vnnd auffhöret So gibet gott für
 bas meel das ist das süß himelbrott/
 Also das dem menschen die hymli-
 schen ding werdent schmecken / wile
 du aber wissen / was die starren be-
 deütten / So wist / das die selbenn
 vogel die art hond das sy über mö-
 stiegen Vnd wenn sy müd werdent
 So lond sy sich in das mö- mit ain-
 nem vettach vnnd den anderen he-
 ben sy auß / das sy der windt treibe-
 gen dem land. ¶ Vnnd das bedewt
 wenn der mensch von seiner tranck-
 hait wegen nit mag aufgezogē sein
 in seiner andacht / so soll er sich her-
 ab lassen in zeitlich ding / die doch
 nit wider got seind / vnnd in nit ir-
 rent an den genaden Wan also sol
 sich der mensch nymer gar absent-
 en in die zeitlichn ding / das er bay-
 de fectach darein sent / sunder das
 ain soll auffgericht sein / mit aller
 zeitlicher übung in gott vnnd al-
 lain leben nach der leitnung des
 hailigen gaistes So treibe in den
 der wind zu dem gelobten land / zu
 der ewigkeit da er rüen soll Wenn
 nun der mensch sich disser ding al-
 so vleisset So beschicht gar oft das
 er in vngedulter vallet / vnnd mur-
 melt wider sich selbs / vnnd zürnet
 wider die lewte / vnnd offer vill mer
 dann do er in Egipten was disser
 welt / Aber doch so ist es mir ain
 böses zaichen / wen üppige lieb-
 vnnd zeitlicher trost machen den
 menschen gedulzig / vnnd gürtig /
 vnnd solich gedulzikait komet offer
 vonn grossen gebrestenn / vnnd ist
 nit zu loben / voraus / So der men-
 sch ist dauon gekert / vnd ye mer er
 sich dauo wendet / so wirt d mensch

der Juden

von Egipten

offt von klainem ding gar liederlich vngedultig / darein lasset in gott vallen gar offt von grosser lieben wegen die er zu im hat / das der mensch also lern erkennen sein aigen gebrechenlichait / vnnnd Franchheit Vnd ist ain klainer gebrest / so er dauon kompt Nun beschicht dann fürbas / das im offter einfelt das er gern wissen wölt / ob gott sein dienst genam wärent / Dar zu hett der mensch gerent vill wassers begirlicher andacht / denn so soll der mensch got nit versuchen vnnnd soll ain trawen zu im habenn Vnnnd soll denn thun als Moyses / so im wasser der andacht gepuistert vnnnd soll das Creutz zu im nemenn vnnnd an sein herzes verstainedes hertz schlahenn / das ist / wenn der mensch in laikait wät vnd in höritait / so soll er sich der ding vleissen die im widerzäm sind / vnnnd seiner natur ain Creutz Vnnnd so er sich mit dem Creutz also peinniget So würt sein höritait mit dem wasser hailliger andacht / fließen Vnnnd wenn das wasser kompt / so kompt denn der böß gaist mit seinen bösen bilden / vnd sendet aber sein diener zu dem menschen / das der mensch fast angefochten werd / denn so soll der mensch Als Moyses sein hend auffheben vnnnd sich zu ernstlichem gebet keeren / mit dem so mag er allen seinen veinden angesigen Vnd ist im dann sein gemüt zu schwär zu beeten / so sol er zwen bey im han die im sein arm seiner begird auffheben Das ist betrachtung ewiger frewd mit erostung die zu bekomen vnnnd betrachtung ewiger pein die zu empfiuchen / oder die zwen seind ainikait / vnnnd diemürtikait Wan die helffend das gebet volbringen /

vnnnd lasset er dann sein gebet nit vnderwegen / ob es in halt saur ankomet so fürer in denn got aber fürbas an den perg Synay / da er in seinen willen in den zehen gebotten offenbarer mit dem er gelert wurde wie er sich haltenn soll in allen dingen / Das im aber die lauttere offenbarung geschehe götliches wilens / So muß er als Moyses thun vnnnd muß das volck / vnnnd sein geschlecht / vnnnd sein Prinder / vnnnd sein knecht lassen vnnnd alle geschafentlichait / vnnnd muß mit ainem freyen ker / allain auffgeen auf den perg der ewigkait / mit seinem gemüt vnuerbilder / vnnnd muß sich in ain vinsternis thun / vnd in ain vnwissenhait wogen / Da wil denn got mit im redn / als ain haimlich freünd mit dem anderen.

Nun möchten ir sprechen / wër nun auf den perg nit komn kan wie sol sich der selb halten.

Ist das der selb soll Im selbs ain hütten pawenn hieniden an dem perg als die Juden terten / wölt ir aber wissen was die hütte sey / so solt ir wissen / das das ain hüt ist / so ain mensch in sich selber gat / vnnnd gottes willen wartet / Die ander hüt ist / so ain mensch in im selber sein gepresten / vnnnd sein verloren zeit betrachert / Die dritt hüt ist / so ain mensch das edel leben Jesu chrisi betrachert vnd sein würdigs leiden / Die vierd ist / so ain mensch den ewigenn frewden nach gedencet / Die fünfte ist / so ain mensch lautter vnstraffenhait seiner gewissen in im selbs vinder Die sechst ist / so ain mensch der süßkait gottes

R ij

Non

in im selbs empfindet / Der hüteten
soll der mensch aine im selbs pau-
wen vnd darinnen wonen ob in in
ainer verdreisset / so soll er geen in
die anderen / Das er recht bey den
hütten vñ bey dem perg beleibe.

Die histori.

In solt ir wissen fürbas
n auß der geschrifft / do Mo-
yses auß dem perg was /
viertzig tag / Do ward das volck
verdriessen vnd hetten gern etwas
aufenthaltung gehebt vnd warn
noch der pildung vol von Egipten
land Darumb wolten sy nitt enpe-
ren / yn müß Aaron ain abgot ma-
chen Vnd darumb gaben sy dar /
golde vnd silber / vnd ander ire
clainatt / Das sy ainen abgott ma-
chten vnd viengen an vnd dantz-
ten vmb den selbigen abgott / vnd
assen vnd druncken im züetrenn /
Vnd do nun Moyses ab dem perg
kam / vñ des abgotz gewar ward /
vnd den abgott zerprach / vñ das
übell strafft / vnd die vñ Er got-
tes rach / Do erschlug er / mitt der
hilff leui des geschlechtes / der die
da schuldig waren / bey drew vnd
zwainzig tausent man vnd frau-
wen / vnd zerwarff auß zoren die ta-
felen der gebott gottes Vnd dar-
umb gieng er wider auf den perg /
vnd was da verzig tag Do wur-
den im aber die gebott in geschrifft
gegeben Vnd als gott vermarckt /
das das volck was genaigt / auff
abgote vnd sichere ding / vnd er-
was auffenthalte wolt han / Dar-
umb hieß gott machen die hailigen
arch vnd den tabernackel vnd wen
sy das gemachten / so solten sy da
mit ziechen durch die wüß / vnd lee-

Demantsgang

ret da den Moyses wie Aaron solt
beclaidet sein Vnd zwelff stain vor
seinem hertzen tragen vnd glöck-
lach vnden andem kelch hangen an
seiner stirnen Vnd wie er ein solt
geen in die hailigkeit der hailigen /
vnd pitten für das volck Er hieß
in auch zway silberinne horen ma-
chen / vnd ir paner oder fanen bes-
raitten Wann ain iertlich geschle-
cht für ir besunder bannet / besun-
der geserbet / vnd ain Racionall /
das der oberst priester / Aaron vor
seinem hertzen trug Er hieß sy auch
ain rot rind Priemen Vñ die aschen
behalten / Darumb Wenn sy den
aschen in ain wasser wurffen vnd
sich da mit besprengten das half yn
für ir gepresten Do sy nun die ding
alle bereit hetten Do was ain ganz
iar vergangen von dem tag Do sy
an den perg Sinai waren komen /
Do hüß sich aber die saul auf vnd
gieng fürbas in die wüßin.

Wöchten ir nun sprechen wie
was der tabernackel vnd die arch
in im selbs geschaffen.

Solt ir mercken zu dem er-
sten / von der arch / das an
der hailigen Arch sechß
ding waren Das erst / sy was von
sethim holz gemacht Vnd das selb
holz ist der natur / das es nymmer
erfaulet noch verprümmer Das an-
der / das sy aussen an vbergült was
Das drit / das ain gulden tron dar
auff stünd an dem ende. Das vierte
das ain guldin tafel dar auff stünd
Das fünft / das ain guldin Sera-
phin zu der gelincken hand was der
hielt die tafell auff Das sechß / das
ain seraphin zu der gerechten hand

stünd vnd da die guldine tafel auff
hüb Die zwen Engel warn also ge
schicket / das sy mit beykerendem
anclütz ainander ansachenn / in die
guldin tafeln vnnnd ir ierweder hett
seine verrach außgespannen Als ob
er fliegen wolte Vnnnd ir ierweder
hett ainen fuß auf gehebt als ob er
geen oder springen wolt.

Von dem Tabernakel solt ir
wissen das er also geschaffen was /
das er getaile was in zwen tail Auf
zehen Ellen lang was er behenket
mit seiden / vnd gedorst nyomande
dar ein gan dan der oberst Prieſter
Darnach was er zwainzig Ellen
lang vnd da mochten ander priester
eing een altag Vnd im selben taill /
stünd ain guldin altar / da die pite
ster mit iren guldinen ranchfassen
umbgiengen / vnd stünd auch ain
guldin kerzstall darinne / mit sibem
lucernen / vnd was der tabernakell
bedeckt mit heütten vnd mit seiden
tücheren Vñ außwendig / stünden
woll sibenzig saüll / dar vmb warn
seideny tücher angehenckt vnd zwi
schen den seüllen vnd des taberna
kels stünd ain Erin altar / da was
das feür inn das da pran on vnder
laß vnd von dem himel herab kome
was / vñ auff den selben altar / op
fert man auff die oschen vñ die böck
vnd ander offer.

Die gaisstlich bedeutung.

Scht ir nun sprechen was
m bedeutent die ding **E**r
solte wissen Wie gar dick
geschichte / das ain mensch der sich
außwendig von Egipto keret vnd
reü gewint / das in gereüwert das
er sich hat von der welt geschaiden
Vnnnd gewinnet ain verdriessen so

sich gott im etwas entpfremdet
Vnd denn so gedennet er nach dem
bilden / vnnnd abgötten / so er dann
gesehen hatt in Egipten / vnnnd
gedennet wie ist den so woll / vnnnd
was haben sy gelückes die in Egi
pten lantid lebend / vnnnd sich mit
welcher lieb vnnnd kurzweill er
gerend / Du magst nite also ver
derben / Du solte dir selb ain abgot
machen / vppiger lieb in / vnnnd val
let denn der mensch dick so in groß
begird vppiger lieb in / das er gern
sein silber vnnnd gold dar würffet /
das er ettwar hab in vppiger lieb
mit dem er sich ergeret / Vnnnd
wenn das beschicht / das er im selb
ain guldin kalb machet / So wer
dent die taffeln der zehen gebote
zerbrochen vnnnd zerworffen / vnnnd
wirt gott so schwarlich erzürnet /
das oft dem mensch sein leben /
wirt gekürzet / Vnnnd im gott ge
sunthait vnnnd alles gelück vnder
zeüchet Beschicht aber / das er im
das guldin kalb zülieb lassent wer
den / das ist ain zeichen ewiger ver
damnuß des menschlichen / Wie woll
auch der mensch durch schuld mag
hie gestraffe werden / das sein übel
hie an facht / vnd dort ewiglich we
ret / Nun aber (wie dem allem)
so ist got also güte / wenn Moyses /
das ist / des menschlichen ernstlicher
vleiß / nach weissem radt / wider zü
keret auff den perg / So wil er im
die zehen gebote wider geben züer
füllen / Vnnnd auch da bey versor
gen / wie er fürhyn ziech durch
die wüstin / Vnnnd dar vmb haisset
er yn die arch machen vnnnd den ta
bernackell beraitten / Das er sich
da mit behelff in seiner krankhait
**Die guldin arch bedewtet an
ders nite / dann ain beschawend**

R iij

Von

leben / Wann in schawenn seind
sechß ding od staffel vñ die werdent
bedewet bey / sechs dingenn die da
an der arch sind / das ist / holtz / gold
ain gulden tron / ain gulden tafel /
ain gulden seraphin / zü der gelin-
cken seitten / ain gulden seraphin /
Zü der gerechten seitten ¶ Das
holtz bedeuñt vermerkung der gesch
öpft / Wie vil / wie schön / wie woll
geordnet Das gold / die erkantnuß
darinn / der götlichen güte / als vrs
sach warumb sy sein Wann sy flie-
sen auß dem aller höchstenn güte
Das erst würckt die bildnerin als
die bildnerin Das ander die bildne-
rin als die vernunfft / Vñnd also
wirt erkennet die Creatur was vñ
wie / vñd warumb / vñnd auch der
himlisch schöpffer / als ain verbor-
gen / schön / mechtig / groß vñd gü-
tes güte / vñnd also wirt das holtz
vergüldet / bey dem tron vermerck
wir den dritten staffel / Wann die
vernunfft auß den dingen verpil-
det gleiche zier vñnd schöne vñsicht
pore ding Als wie schön sey gerech-
tikait in jr selb Was die würkung
der gerechtikait / in dem nebel der
welt solch liecht der eeren gibt Des
geleichen rainikait vñnd ander tuz-
gent götlicher zier Bey der tafel /
die schawung vnnsers gemütes in
liebhabung götlicher zier / der him-
lischenn ding in gottformlicher be-
gerung / da der mensch begir vñd
frewd nympt an im erfunden vñnd
in im behabenn die selben ding Bey
dem Seraphin bey der glingken sei-
ten verstanden wir die schawung
die da über die vernunfft ist vñ dem
götlichen liecht allain / als der ge-
laub / vñd haist der Seraphin der
gelinken hand Wann Seraphin /
ist einprinsfikait der lieb Die ge-

Dem aufsgang

linck hand ist disse welt / als der ges-
laub ist / weil wir auß erd sein Dar-
nach besitzenn wir das wir hie gelau-
ben das ist anschawung die diuinali-
kait der person vñnd andere ding /
die wir nach vernunfft nicht erkennen
Seraphin zü der gerechten hand /
oder seitten / ist ain innerlich lieb /
vñnd begir auß himlischem einfluß
der erkantnuß gotz / vñnd aller göt-
licher ding / züniessen / besitzenn / bes-
schawen ewiglichen / Vñd die ding
sind ganz über die vernunfft des
menschenn / vñnd allain auß dem
liecht des götlichen einfluß Doch
geschehen sy nit on die vernunfft /
Wann des menschen gemüet müß
sich auß erheben über sich selbs in
die ding die nit leiplich sind / noch
nach leiplicher gestalt. Welt ir-
nun die arch bawenn / So vñndt ir
vein edell gold in ewch selbs Wann
was der sichteigen oder leiplichen
oder empfindlichen ding / oder also
leiplich erkennelich sind so es in göt-
licher weis angesehen wirt / also wie
schön vñnd wie güte es ist / so ist es
holtz zü der arch Aber wen der men-
sch betrachtet ewige vñsichtbare
ding / vñnd die gaislichen vñbild-
lichen ding / da bey erkennet / das ist
vein lauder gold / damit die arch
vergüldet wirt / das ist die arch göt-
licher weisheit Aber die zwen En-
gel / die fünften vñd die sechsten sta-
ffel schawendes lebens Wenn sich
der mensch darein hören will / So
sol er in die gulden tafel sechen / das
ist / sein selbs gemüet Da sichte vñd
schawet er die hohen übereinlich-
chen diuinalikait in im leuchtrenn /
die so hoch über alle vernunfft ist.
Dar zü soll der mensch die fetrach-
der begird / des außserenn vñnd yn-
heren menschen ordnen / vñd ainm

füß seiner begird auf heben zü sprin-
gen in die höchen vom der welt/
Das der ander füß der bedewtnuß
auch hin nach stieg Das er also bes-
traitt werd zü fliegen in die höchin
der gottheit Vnd da on hinder-
nuß gefunden werd Nun soll auch
darnach der mensch ain Taber-
nackel machen vnd bawen Da die
gulden arche innen stand Dieser ta-
bernackel hat drey tail Der ain tail
was ain kirchoff da das volck inn
stünd vnd der erin altar Vn was
der altar vmb schlagen vnd vmb-
hangen mit seiden / vnd bedeüt den
ausseren menschen das er sol vmb-
henckt sein vnd beschlossen Vnd
das er sol auff dem erin altar opffe-
ren haillig übung / des ausseren
menschen / als man dann die ochs-
sen auff dem altar opffert / vnd den
das selb opffer verprant / in dem
feür das von himell kam / Also soll
der mensch sein ausseren menschen
opffern auff den altar hailliger
übung / Vnd verpennen in dem
feür göelticher lieb in Darnach des
tabernackels vorder taill / was als
ain kirch da v guldin altar vn das
guldin kerzstal inn stünd / da allain
die priester darein giengen / Vnd
was behenckt mit heuten vn mit
sergen vnd bedewtet den inneren
vernünfftigen menschen Wan der
ist der vorder taill des tabernackels/
da söllend allain eingeen die got lo-
ben wellend Da soll der mensch ein-
geen alls ain Priester zü dem gul-
din Altar / der in brynstign lieb mit
dem rauchsaß göelticher andacht
vn da sich selbs aigen opffer zü ai-
nem opffer mit williger gehorsam
Willens / verstantnuß / vn gedeche-
nuß / Auch soll da sein das guldin
kerzstal des lebendigen gaifts / der

erfüllen will was im gott gibet zü
erkennen Daran söllen hangen
siben lucernen / Das seind die siben
gaben des hailligen gaiftes / die sol-
lend allweg pünnen in dem mensch
en Der drit taill was das hinder-
taill des tabernackels / als ain tor
hinder ainer kirchen / Doch vnder
ainem gleichen dach / da der oberst
priester allain eingieng / vn bedeüt
den gorwilligen gorgesomten vnd
gorgelbenden menschen Da müß
v mensch allain eingeen ploß / vor-
berait mit zwelf stainen v zwelf rat
vnser herren Jesu Christi wölche
rade hie nachdölgig ordenlich ges-
chriben seind ¶ Der erst ist wil-
lige armüt. Der ander gedulig ge-
horsamkeit. Der drit ist raine laue-
rekeit. Der vierde / vnaußschiden-
liche liebe der freünd vnd auch der
feind. Der fünfte / sensmütige ge-
brauchenlichkeit. Der sechste / willi-
ge freywürckende barmherzikeit.
Der sibente / schlechtheit der wort
Der acht / flucht der vrsach / der
sünd. Der neünd / rechte mainung
der werck in gott. Der zehend / ge-
leiche würckung mit der leer. Der
aylffte / nit züvil sorguelig sein in
vnnützen dinngen. Der zwelfte vn-
der letzte / liebhablich sein in prüder-
licher straff / Vnd auch mit den
glöcklin ains güten lobs vnd ains
hailligen lebens. Vnd also zü got
geen Da ist kain lucern / noch brint
da kain geschafften liecht / Nur als
lain die clarheit gottes. ¶ Wie
aber der mensch solle eingan / mös-
ckest du wol durch die gesatz / Wie
der priester eingieng mit dem plie
des lamms / Das ist / in vleissiger
betrachtung des rosenwarben vnd
kospelichen plüttes Jesu Christi /
Auch sol der mensch aschen aines

Von

rotten rinds han / Wenn er mysse
thū das er sich mit der aschen vnn
mit dem wasser dar ein er sy würf
rainige / Die asche ist nitt anders
dann das der mensch in reu verp
net was er in lustitait ye gewürck
hat wider got Vnd die aschen soll
er behalten Das ist / das er der sel
ben seiner gebresten nymer sol ver
gessen / vnd wenn er in hoffart oder
in ander gebresten vallet / so sol er
die aschen in das wasser werffen /
der rew vnn sy für sein augen spa
nnen Das ist der hailig Thaberna
kel dar zū ansehen hond / Moyses
vnd Aaron Moyses ist als vil / als
ernstlicher vleiß zūfürsehen alle vn
tugend Vnd wissen alle gepresten
vñ auch ordnung der tugent / Dar
umb wen d mensch das in im selber
vindet So ist Moyses da / Aaron
ist als vil gesprochen / als ain einker
zū gebeet vnd ain anruffer gottes /
Necen wir die zwen fürer So für
ren wir gar sicher durch die wüstin
vnd wenn der mensche misserait von
seiner krankheit wegen So soll
Moyes bereit sein zūpeinigen vñ
festigen / vnd die gebot gottes her
für ziehen / vnd den zoren gottes
stillen Vnd wenn dan dem mensche
en von seiner krankheit wegen ge
präst vnd im die ding zūschwar wöl
ten sein / so sol Aaron der anruffer
gottes hilfflich dem menschen sein /
Wenn auch der mensch misserhüt
So sol zūhand Aaron eingan vnd
got bitten für sein krankheit Der
sällig Aaron andacheitigs gebetes
vnd auch Moyses ordner d tugend
sollen auch opffer bringen / auf den
andern außeren altar der erin was
Das ist / der außser mensch sich sel
ber opfferen / mit fasten / vnn mit
wachen vnd mit peinigen des lei

Dem außgang

bes Darnoch sol aaron gen zūopfe
ren auf den innerñ guldin altar vñ
dar auf opfern / das opffer des in
neren menschen / das ist seüßzende
begird vnd iamer des herzen nach
ewigem lebent vnd nach tugentrei
chem würckñ / die dem inneren men
schen zū gehörend **S**o nun der
mensch das alles in im vinder / den
sol er zwū busaunen machñ / die al
lem volck zūsamem rüffen / Die ain
ist forcht des lungsten gerichz / die
busaun ist also greilich vnn ersch
rockenlich / Das der lieb Hieron
mus sprach / ich eß oder trink / ich
schlaff oder wach So hilde mir in
meinen oren die stym Stund auffir
todten vnd kompt für gericht Die
ander busaun ist / die vngemessenn
barmherzikait gottes / Die vnns
soll alzeit rüffen in vnseren oren /
komend alle vnn essend mein brott
vnn trinket den wein den ich eüch
gemischer hab Das ist / komend vñ
würckend vmb den ewigen lon mei
ner erbermd Darnach soll auch d
mensch zū allen zeitten sein vannen
vor im tragen des hailigen Crüz /
das er von Christo vnn vonn sei
nem lieben diener vor getragñ wer
de Das Crüz Jesu Christi ist sein
leben / der vnn die pildung seiner
tugentreicher werck / das sol vnns
allweg vor gan / als er auch zū Mo
ysen sprach Sich an vnn thū nach
dem Exempell das dir gezaigt ist /
auff dem perg Vnn also mag der
mensch frölich ziehenn durch die
wüstin / So er das alles hat gema
che vnd also bereit vor im vinder.

Wie sy von dem perg zugen.

In will ich ewch fürbas
n sagen wie sy do zugen von
dem perg / wann do sy ain
iar da lagū do hab sich auf die saul
vnd ging fürbas in die wüstin drey
tagwaid ver: Zū dem anderen hü-
ben (die von dem geschlechte leui wa-
ren geboren) die hailligen Arch vñ
trügern sy drey tagwaid nach / ee
das das volck hin nach kam Vñnd
namen zū in die saullen / vñnd was
zū dem Tabernackel gehort / vñnd
trügen das mit in Also das etlich
er trüg ain saul / etlicher ain rauch
uaf / etlicher die sergen / etlicher
den guldin Altar Zū dem drittenn
soch das volck nach drey tagwaid /
das sy nit gerüweten durch die wü-
stin bis das sy kamen an die stat die
sy hießen darnach / die greber der
begir Wann sy wurden da mur-
mellen von arbaite die sy da hetten
gehabt mit lauffen vñnd mit tras-
gen Davon kam ain feur des zornn
gots / das ir vil sturbū von der sünd
irer begird wegen Vñnd darumb
zū dem vierden wie woll sy das hi-
melbrot hetten / Doch ward sy gelu-
sten vlaisch züessen vnd sassen nider
auff die erd vnd sprachen / wer gibe
vnns flaisch züessen Wir gedenken
an die visch die wir vergebens het-
ten in Egipten vñnd komend in vn-
seren syn die kirpsen vnd lauch vnd
zwiller das wir in Egipto hetten /
da vnns so woll was / Ach was ha-
ben wir vnns selbs gezigenn / das
wir ye auß Egipten sein komen / vn-
ser leben ist hie dürr / vñnd sechem
anders nit vor vnns dann das hi-
melbrot Des ward vnser herr erz-
ürnet vñnd er hoire ir begir in zorn
ne / vñnd sant in staren so vill vñnd
so lanng / bis das sy in widerzām

würdn Zū dem fünften vieng Ma-
ria Moyses vñnd Aarons schwe-
ster an zūmurmellen wider Moys-
sen vñnd hinderredt ym Darumb
das er bey seiner frawen nit wolte
wonen / vñ das er dem volck so hört
was Darūb schlug sy got mit feld
süchtikait das sy sunder siech ward
Aber Moyses bat got für sy Dar-
umb macht sy gott widerumb ge-
sund Aaron ward aber nit geschlä-
gen / wie wol er auch murmelt / das
rette got von wirdikait wegen der
priesterlichait Zū dem sechsten ka-
men sy do fürbas in die wüestinn /
Pharon / vñ schickten da auß vort-
yglichen geschlechtū etliche / die sol-
ten beschawen das gelobte land wie
güt es war vñnd wie güt früchte in
dem land wären Vñnd die kamen wē-
derūb nach vierzehen tagen vñ pra-
chten ain trauben so grossen das sy
in kum mochtū getragen an ainem
psal / vñnd brachten auch granat
öpffel vñnd veigen / vnd lobten das
land vnd sprachen / es fleüßet alles
von honig vñnd millich Do sy nur
das land woll lobten Do sprachen
sy vor allem volck / das land ist edel
aber es ist streitbet volck darin / wir
haben da gesehen risen / vnd ee wir
in das land komen so syn wir alle
ertötet vñnd mügen es nit gewin-
nen Do waren zwen vnder in Ca-
leph vñnd Josue / die zwen tr osten
das volck vñnd sprachen / Es war
das land mit gottes hilff wol zü ge-
winnen Do sprachū die anderen / es
war vnmüglich zü gewinnen vñnd
erschrachten das volck seer / das sy
wurden wainen / das sy auß Egipten
waren komen / vnd ward sy seer
gerüwen vñnd wurden murmelen
wider Moysen vñnd Aaron vñnd
sprachū o was haben ir vns gezigū

Das ir vns ye auß Egipten gefür
 ren Vnd wurden so gar vmmüdig
 das sy von zorn Moysen vnd Aa-
 ron wolten haben versteiniget Sy
 waren geren wider keret in Egipten
 Do kunden sy des weges nit vñ
 hetten auch kein hauptman der sy
 wiste in Egipten zufüren / Vnd
 darum sprach sy / waffen vñ wez-
 waren wir tod das vnser arbeit vñ
 elend ain end heet / wir müssen doch
 täglich hie verderben / ist nit besser
 wir kerenn widerumb in Egipten
 land / vñ lassen vnder vns ainem
 hertzogn vñ fürer setzen der vnser
 hauptman sey vnd vns widerüb in
 Egipten füre Do viellen Moyses
 vñ Aaron nider für vnsern herren
 vnd batten in seiner gnad / vnd ba-
 ren für das volck Wan got was al-
 so erzürnet das er das volck wolde
 vertilget haben war Moyses vñ
 Aaron nit gewesen / von der geheet
 ward er milder Doch schwür er dz
 ir kainer nymet in das gelobe land
 kam dan allain Caleph vñ Josue
 aller der die über zwainzig iar wa-
 ren / vñ schwür das sy solten vier-
 zig iar in der wüstin weislos hin
 vñ her ziehen / bis das sy starben /
 doch mainet got da nit Moysen vñ
 Aaron Wann über die was er nit
 erzürnet Darumb do das geschach
 do gingen sy vierzig iar in der wü-
 stin vmb kreisen / hin vñd her / bis
 ainer nach dem anderen starb.

¶ Was nun das bedeyt sölle / ir
 mercken / weñ ain mensch ist auß-
 wendig von Egipto geschaldñ / so
 werdent im dann die gebot göttes
 fürgehalten / weñ das beschicht so
 sol der mensch warnemen / wa die
 saul des hailligen glaubens hin-
 gang od stille stand / da sol er auch
 sich hin wenden vñd still stan / vñ

wenn sy fürbas gar vñd den mens-
 schenn also in sein selbs wüstin wei-
 set / da vil dornen vñd prömen seind
 böser verpildung vñd böser gewon-
 hait / wellicher vñd wilder werck.
 So soll auch der mensch hinnach
 durch die wüstin / sein selbs ziehen
 drey tagwaid Die ain tagwaid ist /
 ansehñ sein selbs gemüt des einwen-
 digen menschen wie gar wüst vñd
 wild das ist. Die ander tagwaid ist
 ain ganz miswallen der gebrechen /
 oder der sünd. Die dritte / ain gange
 begird ledig zu werden der bild vñd
 geprechten. **¶** Zu dem andern so er
 also will durch die wüstin ziehen.
 So soll er ymer etwas helffen tra-
 gen / wan so sich ain mensch verbin-
 det lustlich ding zenermeiden So
 tragt er ain saul. Aber so ain men-
 sch sein außwendig synn bedeckt so
 tragt er ain sergen. So er innwen-
 dig ernnst hatt in lautterem ker zu
 got So tragt er den guldin altar.
 So er gern in geheet ist / so tragt er
 ain rauchwass / wenn er sich vleissi-
 ger übung über in den saligtären /
 das ist ains armen willens / gütig /
 klägig / recht / begirig / barmher-
 zig / fridig / lautter / gedultig / So
 tragt er das guldin ferkstall mit
 den siben lucernen / das ist / mit den
 siben gaben des hayligenn gaists.
 Vñ so er imselber abpücht so tragt
 er die heüt d' todten vich / damit der
 thabernackel was bedeckt. Also soll
 d' mensch ymer etwas tragñ durch
 die wüstin / vñd hiebey so nemene
 war / was ain yeglicher trag nach
 dem vñ gemeldet ist in disem stuck.
¶ Zu dem dritten so beschicht denn
 gar dick so ain mensch etwas ge-
 tragen hatt / vñd sich etwas übung
 angenömmen hat / das in denn der
 übung verdriesset / vñd hebt den an

der Juden

zu murmeln / vnd gedencke wie ist
das so gar ain horte lebni / wie ist dir
gott so horte vnd so vnheimlich / er
acheet dein nitte / vnnnd waiste auch
vmb dich nitte / vnnnd lassete denn der
mensch dick sein haillig ubung vn-
derwegen Darnach zu dem vier-
den So der mensch on ubung ist /
So steet denn zuhand in im auf pie-
terliche vnd wildlich begir Vnd be-
ginnet im widerzam zu werden vnd
sein / das lebendig himelbrot des hai-
ligen Sacramentz / vnd begint den
selten darzu gan / vnd vachet denn
an lusslichn zu gedenccken nach Egi-
pten land / vnnnd spricht zu im selbs
Ach wie was dir so woll / do du in d
gesellschaft warest / vnnnd do das /
vnnnd das beschach Ach wie bist du
nun so gar beraubt alles trostes /
vnnnd mußt nun also verderben Ach
sehest du noch in Egipto land auff
den haffen mit fleisch / da hettest du
zweifell vnd knobloch / Was ist der
knobloch vnnnd zweifell vnnnd das an-
der / dann allain leiplich vnd welt-
lich begir / vnd kurzweil / vn schön
hait / vnnnd eer der welt / Wann die
blendent vnd plaet in hochfart / den
menschen die inneren augen / vnnnd
plaent auf den leib vnd bekerentent
vnnnd machend yn kalt Also sollich
gedenck erkentent des menschn herz
an aller götlicher lieb vnnnd beschie-
che den oft das der mensch verleu-
ret alle sein begir zu gott / vnnnd ge-
winnet lust zu allen zeitlichen din-
gen vnnnd sücht denn hin vnd her et-
was kurzweill Vnnnd so das got er-
sichte So wirt er erzürnet Das er
offt vonn rechtem zorn / lassete dem
menschn seiner begir genug gesche-
en Das sind die staren die er in zorn
ne sendet den iuden / do yn das hy-
melbrot widerzam was Aber doch

von Egipto

41
soll der mensch ymmer begnad wer-
den So komet aber gott / vnnnd sch-
lecht den menschen mitt leiden / vnd
mit crucken / das im alle kurz weil
schwar wirt / vnd das tüt got auß
grosser lieb / vnnnd das der mensch
zu im selber kum Vnd also fürbas
in sein selbs wüsten ziech Zu dem
fünften So beschicht es auch / das
ertlichem widerzam ist das Sacra-
ment / vnnnd doch nitte begir hat lust
licher ding / Doch so valler er in sol-
lich heretikait / vnnnd vrrailet ande-
re menschen vnnnd schazet sy böß /
vnnnd sich selber güte / wenn die nitte
tünd als im geuolt / vnnnd darumb
so werden sy so hart geschlagñ von
gott Als Maria die schwester Mo-
ysi die veldsiech ward Also werden
sy abgeworffen von inselbs vn auß
inselbs Vnnnd wirt in gott vill vn-
heimlich / das sy sich von not müß-
sen erkennen / in iren aigen gebrestn
Aber Moyses weiser rade / leere
vnnnd das wir vleislich sollen pittn
für die / die vns vrraillent vnnnd nitte
wider sy zürnen Zu dem sechsten
beschicht gar dick / so der mensch
sicht wie gott oft richtet vnnnd pei-
niget / die in erzürnend / vn er sichte
da bey falsch vnnnd üppitait / vnnnd
vnsterikait der welt / vnnnd das me-
niges so sorglich in der wüstin diser
welt stirbt / der sein leben mitt herz
hart keret zu dem ewigen land / vnd
begird hat nach der fröd / vnnnd süß-
sikait ewiges lebens So spriche er
in betrachtung zu ym selbs / Ach
gott wie mag die wunn vnnnd ymer-
werende fröd so groß sein O wiste
ich wie es da gestalt war / vnnnd ge-
schaffen Vnd so der mensch allain
darnach betrachet / Das ist nach
den ewigen freuden / vnnnd im wer-
dent fürgehebt / die frücht des lan-
L

Von

Dem aulsgang

Des/ vnd d' edel traub der menschart
 Jesu christi/ vnd wie der aufgedur-
 cker ward in der kälter des bitteren
 leidens/ dauon im d' wein aller süß-
 sikait ist kommen/ vnd auch wie die
 menschart Christi von würckung
 des hayligen gaissts ist komen über
 natürlich Darumb es wol haisset
 die frucht des hailigen landes/ vnd
 dabey wirt im dan auch gezayget
 durch betrachtung die feigen/ das
 ist/ sein süsse gotthait/ vnd Granat-
 oppffel seiner seel/ darin als in Gra-
 natoppffeln seind vil kömlin der tu-
 gent vnd der gnaden Vnd wen das
 beschicht das Caleph/ der was von
 Judas geschlecht geboren/ vnd be-
 deutet ain freudenreichn liebhaber
 Vnd Josue der von Josephs ge-
 schlechte geboren was/ vnd bedeütet
 weise vnder schid/ das land wol lo-
 bent dannen die edlen frucht komet
 seind So komet den vil ander vnd
 erschrecken den menschen vnd spre-
 chen/ das land ist edel vñ güt/ aber
 wer darnach leben will/ der müß so
 groß arbait vnd leiden haben/ das
 er ee zeit stirbt/ vñ verleürt sein syñ
 vnd wirt zuspott/ vñnd doch hinden
 nach so müß er ablassen/ vñnd so er
 es lanng treibet so wirt er eben alle
 wol verloren alle sunst/ ob er gleich
 der welt lebte/ gott empfacht doch
 den sündler an seinem end Vnd ma-
 chent den weg der tugent denn also
 schwär/ das der mensch erschriekt/
 vnd hebt an zu zweifeln/ vnd gereüt
 in den dick/ das er ye auß Egipten
 diser welt ist komet/ vnd wirt denn
 hassen alle die/ die im ye gerietten
 auß der welt/ vnd beschicht den offte
 das der mensch weiß vnd weg be-
 denckt/ wie er klügklich vnd mit et-
 was zymlichait wider in die welt
 vnd kurzweil der welt komet müg

vnd nit also verderb/ vnd gebüßt im
 dick amders nit dann welt scham/
 künd er nit vor welt scham er kame
 gern wider in Egipten/ vnd so be-
 schicht denn dick/ das er im üppige
 liebe fürsetzt/ darin er maint insel-
 ber wider zu freuden helfen/ vñ den
 so wirt got so schwärlich er zürnet
 das er dick sein gnad von dem men-
 schen keret/ vnd das er in in der wü-
 stin lasset verderben/ vñnd schwere
 das er in das hailig land nymmer
 kum/ vnd ist denn Moyses/ das ist
 fleißiger ernst/ vnd Aaron/ das ist/
 gebet in fleißiger andacht nit in dem
 menschen/ so wirt der mensch ganz
 getilget von dem lebendigen büch/
 vnd laßt im got den Egipten land
 zu lieb werden/ zu seiner ewigen ver-
 damnuß Aber so die in dem menschn
 seind so wirt der mensch in sich selbs
 geschlagen/ vnd bekennet sich denn
 gen got/ vnd so miltet got sein vñ rail
 vnd lasset aber den menschn hin vnd
 her kreysen vil jar in der wüstin/ da
 er sunst in kurzer zeit durch komet
 wär/ vnd geet denn der mensch in die
 wüstin seinelbs für sich in tugendn/
 den hinder sich in gebresten/ vnd den
 aber für sich so er tugent übet/ vñnd
 denn aber hinder sich so er gebresten
 würcket Also stirbt manig mensch
 in der wüstin in den vierzig jaren

Ain nordürstige vnd nützliche frag-
 öchten jr nun fragen/ wü-
 m den sy all verloren die in der
 wüstin in den vierzig jaren
 starben: Mercket/ Lain/
 wann jr vil bekanten sich gegen got/
 vñ gaben sich güttlich in das ellend
 das sy litten/ vñnd hetten reuñ vmb
 jr vñ willen/ vngedult vñ murmeln
 vnd erkanten jren gebrechen vnd bet-
 ten got vmb gnad/ vñ darumb ward

er vill behalten Doch so vergunde
got allain den zwayn Josue vñ Ca
leph vnder sechs malen hunder tau
sent die waren gewesen über zwain
zig iar / in das gelobe land lassen
kommen Zu ainem zeichen das der so
wenig / vñnd lüzsel sind die zu dem
ewigen reich kommen werden vñ der
souil die da werdñ verdamnet.

Sprächent yr aber / wes begi
engen sy sich die vierzig iar in der
wüstin / od verließ sy gott gänzlich
vñnd keret sich von in.

Rsölte wissen / wie woll sy
got hetten schwarlich er
züret / mit dem das es sy
oft geraw / das sy auß Egipten wa
ren komen / vñnd so oft vñnd dick ge
ren wider warñ gefaren / doch wenn
sy die begir nie zu wercken brachten
Vñnd ye in sich selber wurden gesch
lagen Darumb tere in got genädig
lich vñnd wolt sich nie von in keren /
hierumb beweiset er inen seiner lie
bin vil in den vierzig iaren / Auch
sölte ir wissen das si die saul allzeit
hetñ / die gab in bey dem tag schatñ
bey der nacht liecht Vñnd auch das
himelbrot vñnd die hailigñ arch / vñ
Moysen vñnd Aaron bey ynen vñ
die batten ye für das volck / wenn sy
von krankheit in gebresten viellen
darzu würdñ ire claid nye ale noch
zerrissen vñ wüchsen an den kindñ
als die kind wüchsen Darzu besch
irret sy got vor iren veynden Auch
leeret sy got durch Moysen Das
sy ain rotte kü verpranten vñnd die
aschen bey in behielten vñnd wenn
sy in gebrechen viellen / so sölten sy
sich da mit rainigen Also tüt got
noch heit / das er den menschn nie
will lassen / der auß Egipten komñ

ist / wie wöl es in dick gerewet / wenn
er nun fürhebe die saul des gelau
bens vñnd die hailligen arch der ewi
gen weisheit durch die hailligen le
rer So hat auch der mensch das
war hymelbrot / mit dem sol er sich
behelffen / vñnd Moysen vñnd Aaron
das ist geheet vñnd ernstliche auffe
re übung / Wie woll es den mens
schen offte saur an kompt Dennocht
so sol er nie ablassen Auch seine claid
der sölten nit ale noch zerrissen wer
den Das ist die tugēt / die ain claid
sind der seel / die der mensch in der
dürin vñnd in der wüstin sein sel
bes gewürket hat Das die nie ver
altent noch vergond vñder den au
gen gottes vñnd soll den der mensch
sich gelassenlich in die wüstin gebñ
züleidñ das ellend wie lang das der
herr wil vñnd alzeit ansehen / die saul
des hailligen gelaubens / vñ Moysen
vñnd Aaron das ist geheet vñnd
außer übung nit von im lassen / so
behütet in got wol vor allen seinen
veinden Auch soll der mensch die
aschen ans rotten rinds mit im tra
gen / wenn er missehtñ das er sich
mit wasser / darein er die aschen
würfet rainige Die asch ist anders
nit / dann so der mensch in liebe ver
brent / was vichlichkeit er gewürket
hat wid got / so sol er doch die aschñ
behalten Das ist / er sol seiner gepre
chen nimer vergessen / vñnd wenn
er in hochfart oder in ander gepre
sten vallet / so sol er die aschñ in was
ser der reu werffen Das ist / mit
grossen mysuallen sein selbs / sich
erkennen.

Möchten ir sprechen ich wisse
gernn wie ain dürre kalter mens
sch sich selber solte behelffen vñnd
wie er möcht entzündt werden.

Von

A solt wissen/ das Got will
dick den mensch in dürre
vnd in ellennd haben Doch
seind sechs ding die offte ain
i Falten lawen mensch enzündent/
Das erst ist ain ernstlich bedencken
der vntwandelbere gerechtigkeit got
tes/ vnd seine verborgne vrrail. Das
amnder/ so sich der mensch zwinget
zü gücten wercken die er dann thät so
in im war williger ernst. Das dritt/
so sich der mensch in demüctigkeit
vntwürdig schätzet der freudenreiche
haynsüchunng gottes. Das vierd/
das er dannocht mit allem vleis got
saget danck der gnaden/ vnd die groß
schätze So doch got in mit erhört nach
seinem willen vnd begir. Das fünfte
ist/ er soll sein willen geben in den got
lichen willen wie in got haben will/
das will er in ewigklich wollen also/
vnd darinn beleiben in der weis/ das
sein eer in im erfüllt werd. Das sechste
Er soll vleisigklich betrachten was
got ewigklich durch seinen willen hat
gethon Dieding soll d mensch vleis
igklich behalten in seinem gemüt.

Chystori.

In solet ir fürbas mercken/
wices yn ergieng nach disen
n jaren. Die geschuift sagt we
nig was sy all cherten/ in den
jaren. Wann fürbas sager der tert.
Do das vierzigest jar kam/ da gieng
die saul fürbas/ vnd trüg man die
arch der saul nach/ vñ zogt das volk
nach. Vnd Judas vor mit seinem
paner/ das was von carfunckelstein
gleich vnd mit Isachar vnd Zabur
lon Do zogt auch nach Ruben mit
ainem baner/ vnd Beniamin mit
ainem baner/ was barillen gleich/
vnd also yegklich geschlechte mit sei

dem anfang

nem baner/ vnd kamen in Cades des
ersten monats des jars. Zu dem an
dern lesen wir/ das in da wassers ge
brast/ vnd wolt das volck ye wasser
hon. Do hüt Moyses ain rüt auff
gegen ainem felsen vnd sprach Mo
y nend ir das wir auß dem felsen müg
en wasser bringgen/ vnd redet das in
mistrawen/ das er das nit vermö
chte durch vnd von got zubünngen
aus dem velsen/ darumb ward gott
über in erzürnet/ vnd versaget in
das gelobt land/ das er nymer darcin
solt kommen/ vnd über das schlug
Moyses an den velsen Do gieng was
ser herauf in allen genüg. Zu dem
dritten santen sy zu dem künig Edom
das er sy ließ ziehen durch sein lannd
on sein schaden/ das wolt er nit thun
Hierumb müsten sy etwas hinder
sich ziehen/ vnd sein land vmbtray
sen. Zu dem vierdten Do kamen sy
zü dem berg Hor/ do hieß got Aaron
auff den berg gon/ vnd sterben/ vnd
seinen sun Eleazar an sein stat klay
den/ als ain obersten priester Davon
zoch er sich willigklich auß/ vñ klay
der seinen sun/ vnd leger sich gestreck
t nider auff den berg on alles wee vnd
starb Zu dem fünfften do kam Ca
naneus vñ strit mit inen/ vnd wolt
inen wören/ aber sy gesigten in an/
Dese müsten sy aber vmbtraysen/
vnd wurd sy der arbaye verdrießen/
vnd wurden aber murmeln vñ unge
dultig Vnd wiewol die gücten vñ
der inen nit müd wurden/ wie verz
sy giengen/ doch die vntvolkommen
wurden müd/ vnd thet in die arbaye
wee/ vnd murmellen vil/ darumb
blaget sy got vnd sant vnder sy feu
rin schlangen die bitten sy/ vnd ma
chten in rot heülen Darumb von góe
lichem hayssen machet Moyses ain
erin schlangen/ vnd hangt in an ain

der Juden

krucken/vnd wer in ansach der ward
 gesund. Darnach baten sy den künig
 Seon/das er sy ließ durch sein land
 ziehen/das versaget er inen/darumb
 zugen sy mit gewalt durch sein land/
 vnnnd erschlugen in Do begegnet in
 der künig Edom / den erschlugen sy
 anch/Das erhört der künig Balach
 vnd sendet nach dem propheten Ba
 laam/das er dem volck flüchte/vmb
 des willen das er in möcht angefign
 Aber got wolt in seinem volk nit las
 sen flüchen Besonder er weissagt von
 in Doch gab er dem künig ain bösen
 rade/vnd sprach/ er solt in frauwen
 an den weg setzen/die abgötter anbeet
 teten Vnd so die kinder Israhel für
 zugen so würden sy mit in tösen/vnd
 denn fallen in sünd außs begir Vnd
 damit wurden sy ren got erzürnen
 das sy denn sigloß wurden / vnnnd so
 möchte er sy desterbaß bestreiten/
 Vnd von des bösen radts wegen do
 wurden vil välltig/vnd ward da ma
 nig tausent zutod geschlagen/durch
 verhengnuß gottes Aber die gütter
 vnnnder in dieließen die frawen sitzen
 vnd zugen für / vnnnd redten nichts
 mitt in Zü dem sechsten/do kamen
 sy auff das veld Moab / vnnnder den
 Jordan vnd Jericho Do hieß got zü
 morgen frü Moyses auff den berg
 geen/vnnnd das er sach in das gelobe
 land/vnd hieß in auff dem berg den
 nocht sterben/vnd hieß in das volck
 Josue empfelhenn/wann der solt in
 hertzog vnd fürer sein in das gelobe
 land an Moyses stat Das alles thet
 nun Moyses/vnd sach vff dem berg
 in das gelobe land allumbvndvmb/
 vnnnd machet da vor ain neiwes ge
 samng/das hebet an. Audite celi que
 loquar. Hörend in hymmel was ich
 würd reden/vnd leget sich nider ge
 stracks frisch vnd gesund/vnd starb

von Egipto

on alles wee Vnd was in allen seinen
 tagen nie siech noch kranck worden/
 vnd do bewainet in das volck dreissig
 tag kläglich. ¶ Wölt ir nun mer
 cken was das bedeiüt/wen ain mensch
 in der dürren wüstin seinselbs gelaf
 senhait wonet So geet aber die saul
 fürbaß/vnd treget man die arch göt
 licher weisheit nach/vnd zugen die
 baner nach mit dem volck.

¶ Bedeutung.

m öchten in sprechün/was bedeiüt
 tet das Judas zü dem ersten
 zoch mitt ainem baner von
 carfunckel/vnd Judas bedeiüt ain
 liebhaber/vnnnd Beniamin bedeiüt
 ain schauwend leben / das auch das
 edlest ist/mitt ainem baner barillen
 farb/der doch nit der edlest stain ist.
 ¶ Wissent das Judas ain inbrünst
 ger liebreicher verieher ist gottes/in
 seiner bedeiütunß Nun ist die selbtu
 gent ob allen tugenden Als ain car
 funckelleuchter über all annder stain
 Darum soll er billich vorziehen mit
 ainem sollichen baner/Aber Benia
 min/der da hett ain baner Barillen
 zier gleich/vnnnd alls in dem selben
 stain wenig krafft scheinert/vnd von
 natur nit großdinng würcket Also
 ist auch das edel schawend leben/wie
 hoche ist so scheinert es doch andern
 menschen wenig oder nichts zu sein
 vnnnd ist doch so hoch/das die natur
 kain krafft mag thun darinn/vnnnd
 sy müß herniden beleiben vnd sterben
 Als auch Rachel/Beniamins müt
 ter starb/do sy in gebar.

¶ Wöchten in aber fragen/Trüg
 man die arch vor dem volck oder en
 mitten vnnnder in.

L iij

Von

dem außsgang

w Iffend das mansy in der wi
 stin vor trüg / vnd wenn die
 saul still stünd / so setzet man
 sy auch nider / vnd legten
 sich darüm die geschlecht / als gegen
 der Sonnen aufgang Dalag vmb
 den Tabernackel Judas geschlecht /
 Isachar vñ Zabulon. Gegen d sonen
 vnd gang lagen Beniamin / effraim
 vnd Manasses geschlecht / Vnd dar
 nach lagen die andern sechs geschle
 cht nachinander zü bayden seitten /
 doch lagen sy etwaser von dem Ta
 bernackel / da die archallzeit eingesetzt
 ward / wenn sy still lagen. ¶ Vnd be
 deutet das annders nit / dann so ain
 mensch in sich selber sieht / vnd schau
 wet in sein innwendigkeit wie es da
 stand So ist die arch ennitten vnder
 dem volck Wenn aber der mensch
 sieht vnd schauwet was im gebüß /
 an warem lautterem schawen der
 ewigen weisheit / vnd wie gar verz
 er noch hat zü ainem innwendigen
 leben So wirt die arch verz vor ge
 tragen / vnd zücht er verz hernach /
 Wenn aber der mensch setzet sein be
 gir in die vnichtigen ewigen ding
 Die im doch in kainem schawen wer
 den für gehalten / denn so laufft der
 mensch in begird vor der arch Wen
 aber der hailig Tabernackel still steet
 vñ die arch dar ein gesetzt wirt / so sol
 sich der mensch vmb die arch legen
 zü Judas dem liebreichen verzeher /
 vnd zü Ruben götlicher forcht / vnd
 zü Symeon warer reüw / das er all
 zeit in disen geschlechten gefunden
 werd bey der Arch . Das ist / will er
 der Christenlichen kirchen eingelei
 bet sein als ain gesundes lebenndiges
 glid / so müß er haben die lieb gotes /
 er müß sein ain verzeher vnd beken
 ner gots durch den waren glauben /
 er müß hoffnung vnd vertrauen ha

benin gottes gnad vnd barmhertzig
 kait / vnd so d mensch die lieb also übe
 gegen got vnd seinem nächsten so wirt
 er gefunden bey dem geschlecht Ju
 das / Er müß auch haben göttliche
 forcht damit er gezogen werd von vn
 zimlicher übung seiner gelider vnd
 außserlicher sün / vñ innerlicher begir
 lichait / das die seel nit abgeschaiden
 werd von d gehaymsamkeit vñ huld
 gotes / vnd den wirt er gefunden bey
 dem geschlecht Ruben Das ist / bey
 götlicher forcht So er nun hat übüg
 götlicher lieb vñ forcht so müß er von
 nocturft haben reü vmb sein sünd vñ
 fürsatz got füro hin nit meer zuerzür
 nen / vnd den wirt er funden bey dem
 geschlecht Symeon / das ist bey wa
 rer reü sein sünd zc. ¶ Zü dem ande
 ren beschicht auch die so der mensch
 wänet in dem besten zusein / das im
 aber wasser der andacht gebrist vnd
 ernsts / vnd denn recht in ainem zwei
 fel faller göttliche beystands / vnd
 gedencet / got achter dein nit / er will
 nit vmb dich wissen / vnd dauon wirt
 got schwärlich erzürnet / als wider
 Moysen / der durch des misstrawen
 willen müß außserhalb des gelobten
 landes sterben Das ist ain erschrock
 enlich ding / das der haylig Moyses
 kund nit sollicher gewar samkeit sein
 das er außserhalb des gelobten lands
 müß beleiben / das er sollich genad
 verlor mit ainem klainen misstrawen
 On zweifel das soll vnns wol ain er
 schrecken bringen / das wir alle zeit in
 forcht vñ in behüt samkeit sein sollen
 vñ got nit misstrawen / wie dürr wir
 sind / oder wie law wir vns selbs fin
 den / vil meer wir sollen an den hörn
 felsen schlahn vnser hertzen mit hä
 liger übung in der dürrin / vnd vns
 dartzü dringen vnd zwingen / so mag
 vns wol der gnaden wasser komen in

allen vnsern nöden. ¶ Zu dem drit-
ten beschicht auch dick das v̄ mensch
wol mit ainem kurtz̄n weg ain durch-
bruch thät / durch vntugent zeitlich
er verbildung v̄ v̄nd anfechtung So
fallent jm ein seingeborn fründ oder
annder bey den er wonet Dieselben
irrend in / als EDOM der künig / v̄nd
also muß offte v̄nd dick der mensch
lang v̄mbtrayssen / der sunst mit ai-
nem schnellen durchbruch kam durh
sich selbs. ¶ Zu dem vierden Seider
Aaron was der oberst p̄riester / der
für das volck solt bitten / der auch
was ain figur des höchsten p̄riesters
Jesu christi vn̄sers herren / darumb
solte er billich auff dem hohen berg
Mor / das ist / auff dem berg der mil-
titait sterben / seider sich Christus so
auf grosser milder lieb v̄nd erbarmd
hat geopffert an das creutz. ¶ Aher
ckent eben / das Aaron mit kam in das
gelobelannd / wan seider Aaron der
oberst p̄riester bedeūt ain mensch̄n der
da got opffert auff dem außern altar
außwendiger übung / als da ist fasten
wachen waynen / v̄nd auff dem in-
nern altar opffert innwendig seuff-
zen v̄nd andacht seines hertzens / v̄nd
in dem ewigen hayligen lannd kain
solliche übung ist / noch seuffzen noch
waynen Darum so soll Aaron außser
dem hayligen lannd sterben. ¶ Er
solte auch dabey mercken wenn aines
naher den vn̄sichtigen dinngen die
ewig seind / so fallent jm dick ab alles
beeten mit allen wortten v̄nd mit
aller z̄t̄er den er von jm selbs ye ge-
het v̄nd denn ist Aaron tod / v̄nd
Eleazar sein sun wirt an sein statt
gesetz / wann Eleazar ist als vil ge-
sprochen / als gottes hilff / der muß
er sich genzlich empfelhen in ainem
lauctern glast seines hertzens / v̄nd
denn mag der mensch frölich on al-

les weesterben. ¶ Zu dem fünfften
Wenn Aaron der beeter stirbt So
koment denn groß anfechtung in
dem menschen / v̄nderweilen von iip-
piger liebe v̄nd naigung die den men-
schen anfechten / v̄nd er sich jr nitt
erweren kan / das der mensch in gros-
ses gedreng innwendig gesetzt wirt /
v̄nd v̄nderweilen so nympt die an-
fechtung dem menschen etwas über
hand / v̄nd so der mensch denn sichte
v̄nd streit so lang / v̄nd will der streit
so lang weeren / so wirt der mensch
fast enntsetzet / das in dick des wider-
streittes verdreißt / v̄nd denn begin-
net er aber wider gott zumurmeln /
v̄nd wirt in aller tugent verdreissen /
Darumb so wirt der mensch dick
geblaget mit feür in schlangen / das
ist / mit leiplichen entzündunḡn / v̄nd
die verderben denn den menschen gar
seer / er sech dann an den erinn schlan-
gen an ainer krukken / das ist / die er-
storben v̄nd verworffen menschait
Jesu christi / v̄nd sein würdigs ley-
den / nympt er das dick für seine aug-
en so vertreibt es jm die bösen schlan-
gen So aber die anfechtung v̄ffhört
so kompt denn aber ain solliche beko-
rung oder anfechtung / von den nitt
ist zuschreiben / v̄nd wenn die kom-
mend so fahen sy an zu streitte alls
die starcken künig / denn mit lüstig-
kait der welt / denn mit leiden die got
v̄neerlich seind / alls ist der gait der
schmähung / v̄nd über das alles so
kompt Balaam / der böß gait / v̄nd
setzt dem menschen bild für / die jm
aber widerwertig seind / denn wider
den glauben / den dunckt den mensch̄n
was er thū es sey alles todsünd / denn
dunckt den menschen er hab nitt recht
gebeicht / denn dunckt in er muß ver-
dampt werden Ach so soll der mensch
Eleazar ansehen / das ist / sich gât
L iij

Von

licher lieb empfelhen mit ainem götlichen trawen / als Job sprach. Et si interficeret me / in ipsum sperabo. Vnd ob er mich tödtet / dannocht getraw ich in in Vnd soll der mensch thün als die frummen jüden thetten Wiewol man men die schönen frauen an den weg fürsatz / des achteten sy nit / vnd zugen für / vnd redten nichts mit in Also soll auch der mensch thün / was im wirt für gehabenn Davon soll er nit betrübt werden / noch widerstreitenn / noch fechten / meer er soll sein nit achten / vnd fürgeen / Vnd als mār vil als wenig / Seid sy in nit bewegent in wol gefallen oder begir / wann so der will dar zu nit kert ist / so ist es alles nit schad / sonder es rainiget dieseel / vnd leüttert sy / vnd behelt den menschen / Nun beschicht es gar offrt das Balaam beschach / des esel weiß was / das menig warlich esel seind / vñ vnweiß geschetz seind in den augen der welt Die sehend warlich die enngel gottes die die kinnder der welt (die den kindern gotes übel redent oder sporent) nit sehent / vnd so sy den kindern gottes ye meer wöllend flüchen / yemeer wirt es gewent zu ainem segen Aber es geschicht auch layder widerumb / So Balaam / das seind die kind der welt / koment mitt bösen rädren / vnd sprechent / wānest du das dich vngehalte schnöde klaiden hailing machen Ist das hertz gut so ist es alles gut / Mit solicher red komen sy vñnd rädren dem menschen gar klügklich wider zu der welt / vñnd sprechend Du solt dahin gon von der freünd willen Vnd du solt dich also behelffen / das du bey deinen sinnen beleibest / Also wirt manigs mensch von den bösen rädren Balaams vällig in grossenn schaden / das er ain höll kinnd sein

dem ausgang

müß Darumb soll sich der mensch fleissigklich vor balaams rädren hütten. Zum sechsten / beschicht die das got den menschen für auff ain besondern berg / vñnd zaiget im die cron der ewigkayt / die er ewigklich soll niessen / vnd hinsüro empfinden in seiner ewigenn seligkayt der süßkayt der süßen tröpfflin / die da von dem hymlichen Jerusalem fallent in sein hertz Vnd das bedeüt das moyses in das gelobte land sach / vnd do so bald starb / vnd Josue das volck empfolhen hett / Also mag der mensch denn wol singen / vnd sterben on alles wee / der von Egipto komen ist durch die wüstin Vñnd die kinig der betörung vnd anfechtung bestritten hatt Vñnd im also ain vor empfindung worden ist ewiger seligkayt das sein seligkayt am gaist hat hie angefangen

¶ Sprachend jr / was bedeüt der herzog Josue / der das volck einfürten solt.

¶ Bedeutung.

Erkennt das Josue ist ain figur gewesen vnnsers behalters / des namen ist Jesus / Darumb hiefs man in auch Jesus Nun ist Jesus als vil gesprochen / als ain behalter / wān der mag allain in das gelobte land komen den Jesus vnnsers behalter darcin fürer / Auch ist wol Josue ain figur gewesen vnnsers behalters / wann Josue was von dem geschlechte Efraim / der da was ain sun Josephs / vñnd der Patriarch Jacob / Josephs vatter / do er sterbenn solt / do gabe er auch den segen den sünen Josephs / vnd gab in dem Efraim in creützes weiß vñnd zaichen / zubeweisen das wir allain mitt dem verdienen des

der Juden

des kreuzes Christi / vnd vnser er-
storbenlichayt in das gelobte land
gefuret werden.

Histori.

Iso domum Moyses tod was
do nam sich Josue des vol-
kes an / vnd sprach got zu im
Er solt sich aufmachn über
den Jordan / des waren dritthalb ge-
schlecht Ruben / Gad vnd das halb
geschlecht von Manasse / die hetten
sich des landes (das hindisen dem
Jordans was) angenommen / für ain
tail / wann sy hetten vil vichs / vnn
was güte wayd hindis halb Doch
also das sy hulffen den andern ge-
schlechtern das gelobte land erstrit-
ten / vnd die selben machten sich auff
mit den andern über den Jordan zu
faren. Zu dem andern / hieß got
das die priester die arch zwaytau-
sent elen vor solten tragen vor dem
volck bis in den Jordan. Zu dem
dritten / do die priester tratten in den
Jordan mit der arch / do vieng der
Jordan wider berg zu geen / vnd floß
niet meer ab in das rote mo: Sonder
er geschwall auff gegen seinem vr-
spunnung vnd floß doch niet für über
das gestad in das feld Darum gien
gen die priester mit truckem füß in
den Jordan / vnd stündn da mit der
arch. Zu dem vierden / do zoch
das volck alles durch den Jordan /
mit truckem füß auß der wüstin in
das gelobte land. Zu dem fünften
do hieß got zwelf hailig stain nemen
von der stat da die priester stündten
mit iren füßen / vnd hieß die heraus
an ain böß stat legen / vnd hieß auch
da zwelf stain nemen von der bösen
stat / vnn legen an der gürtten oder
hayligen stat in dem Jordan da die

von Egipten

priester stündten mit der arch. In
dem sechsten / do das volck hinüber
kam alles Do stündten danoch die
priester still in dem Jordan bis das
sy got hieß fürbaß geen Do er sy das
hieß / do trügen sy die arch hinüber
Vnd also zuhand vieng der Jordan
wider anzustießen / als vor was nach
seinem natürlichen fluß.

Bedeutung.

As nun das alles bedeitet.
w Nichts anders dan das
vns got aller rüffet / das wir
außer der wüstin vnser selbs
über den Jordan sollen ziehen / Das
ist / außer vnser selbs in got / der dan
ist vnser gelobte land: Nun beschicht
es / das das dritthalb geschlecht hie
dis halb beleiben / Das ist Ruben /
Gad vnd das halb geschlecht Ma-
nasse / die drei geschlechter haben vil
vich / wann noch heüt des tags vil
vichschait in dem mensch ist / der
niet will über den Jordan sein selbs
verschmehung / Aber nun wiewol
der vichsch oder vichlich mensch niet
on das vich will sein so soll doch Ru-
ben / das ist / göttliche forcht / vnn
Gad / der streitter wider vntugent /
Vnd das halb geschlecht Manasse /
das ist / vergessenhait zeitlicher ding
da beleiben / wan der außer mensch
soll in forcht besteen / vnn in streit
der übung sein / vnn wiewol er on
die zeitlichen ding nie gantz gesein
mag So soll er sich doch niet gantz
darein sencken / vnd soll der zeit halb
vergessen / vnn das güte soll er wol
bedencken / vnn das bedeitet das
Manasses geschlecht halber hie dis
halb dem Jordan belayb Vnd allso
sol der vichlich außer mensch dem
inzeren menschn helfen in tugendn

Von

sich zu üben / das heilig land zu
 bezwingen. Zu dem andern so
 soll die arch zwü tausent elen vor
 dem volck getragen werden / von
 den priestern Die priester die da der
 seel hütter seind vnd die arch tragē
 söllent / ist fleischliche erfündung der
 ding die dem menschen verborgen
 seind / vnd emsigs betrachten wi-
 derumb der ding die man da erfün-
 det. Die zwen tragen die arch der
 weißheit Wen der mensch vleisslich
 erfündet vnd sich selb vnd die zeit-
 lichen ding recht an sichte / vnd den
 vleissiglich das betrachte so vindert
 er so vil schädlichkeit vnd gebresten
 Das ers denn von billich an sichte /
 Zu dem dritten / so sol sein begird
 die vor abloß als der iordan in das
 rot mer / sterblich zeitlicher ding / das
 die selb begird denn über sich gang /
 gen dem göttlichen vrsprung / das
 denn er aller göttlicher ding bege-
 re / vnd den so wirt der abfließend
 iordan der begird gar trücken das
 er nit ab in die irdin ding fleisset
 vnd schwöllet sich hoch auff das
 man in sichte in saraphan / das ist
 als vil gesprochen / als leiden vnd
 druck / wan so des menschen begird
 nit meer auff sich selb noch auf zeit-
 lich ding fleisset / so ist dem mensch
 en alles leiden vnd druck klain an
 zusehend vnd sich darcin zugeben /
 Ach wie ist es so ain edel ding so der
 abflus des iordans Das ist / die be-
 gird also gestillet wirt vnd allain
 zu seinem vrsprung aufgerichtet ist
 Vnd das mag nit beschehen / dan mit
 der arch göttlicher weißheit die
 muß vorgetragen werden zwü tau-
 sent Ellen vor dem volck / Ain tau-
 sent / ist volbringen alles / das der
 mensch vermag in tugenten Das
 ander tausent / volbringen alles

dem ansgang

das der mensch vermag / vnd bil-
 lich thun soll / Die zway tausent
 gebrechend vill menschen / Wer
 ist der / der das alles tut das er ver-
 mag / oder von billich thun soll /
 Darumb wirt die arch wol zway
 tausent elen vor getragen verr /
 vor vns. Zu dem vierden / So
 der iordan Also still stat vnd nit
 meer abfließet So lossent denn all
 kreft vber den iordan in das gelobte
 land Als das volck trett. Wann /
 wenn aller vnser hinfließend begir
 besonnd das sy nit meer in disse ird-
 dische ding gericht seind / So eil-
 lend all kreft nach / in das gelobte
 land. Zu dem fünften / so soll
 der mensch den die pössen stain / an
 der güten stat legenn / vnd gute
 heilig stain / an der pössen stat
 legen / das ist anders nit / Dann so
 der mensch in güter rü stat vnd
 im gatt nach seines herzen willenn
 so soll er an die bösen stat vnd zeit
 gedennen in den er vill erlitten hat
 Vnd auch wenn der mensch et-
 was güts thut / so steet er auff ain
 nem heiligem stain. Vnd denn sol
 er böß stain an der güten stat legen
 Das ist / er soll gedennen nach sei-
 nen gebresten / das die also manig-
 ualtig sind Vnd das darumb Das
 er sich von der tugent die er thut /
 nit erheeb in hochfart / Wenn
 auch das ist das d mensch auf bösen
 stainen steet / der versuchung vnd
 im die vill zü streng sind / das er et-
 was an gott begindet zu zweiffen /
 So sol er den die güten stain legen
 an der pössen stat Das ist / er soll
 sein güttat / vnd güthun herfür
 lesen / Die er ye gethet Vnd wie
 vill er in tugenden hatt getan vnd
 im selbs abgebrochen Vnd soll sich
 den behelffen wider das zweiffeln

der Juden

Als Job thet do er saß auf dem mist hauffen/do laß er all seine güte werck herfür/das er nit verzweifelte. Zu dem sechsten/wen des menschen gemüet die ewig weißhayt gewirdiget hat/das ist/die arch/so soll er darauf beleiben vnd still steen bis das in got oder sein gaisstlicher vatter anders hayset/oder nordurfft des leibs bezwinngert Darumb stünden die püester all still mit der arch in dem Jordan/bis das sy got hieß herauf gon Und wen die arch vnd das volck alles herüber komet/den so fließet der Jordan nach seinem natürlichen lauff/das ist/wen der mensch in das ewig land kommet den so fließet der Jordan nach seinem natürlichen lauff/Das ist/die begierd nach gemach vnd lust vff jr edel gegenwürff vnd nach aller irer maynung.

Prächent jr/kompt ain mensch in disem zeit nit auch dar zu/das sein arch stand auff eruckem land des Jordans/vnd hinüber tragen werd/vnd das der Jordan abher fließet nach seine natürlichen lauff.

So solt wissen das sant Paulus spricht/das er die arch seines hertzen hett gesezt bis in den dritten hymel/dieweil er democht in dem zeit was tödtlich Und sein begird alle aufgericht waren/sonil das er vmb dise ding nit wist/ob es zwischenn seiner seel bey dem leib wär oder nit. Nie merckent jr wol das es gar wunderlich was in andechtigem hertzen Also sind die die sich selbs vnd alles das/das got nit ist/verschmehend/Wir sehen auch das etlich mit jr selb verschmähung darnach lassend den Jordan

von Egipten

lauffen in seines natürlichen gemaches lauff nach seiner natur So sy vor vil wachen vñ vasten/vñ hirt übung herten/dieweil sy in der wüstin jr selbs waren/darnach so sy jr selbs gesüch ganz seind erstorben so schlaffen sy/vnd essend jr nordurfft/vnd süchend gemach in ordenlichen dingen Aber doch so ist in not vleissiger hüt/das sy nit mer über greiffen Und das bedeut das v Jordan über sich wüchs/vnd doch nit gieng über die gestad Und hiebey merckend jr das die edlen frumen kind vnd menschen wenn sy auß der wüstin jr selbs komet/das sy wol bekemen wenn sy essen vnd trincken vnd schlaffen sollen jr nordurfft/wan denn halten sy sich als ainuellig frumb Crister leüt in aller ordnung der cristenhait

Sprächend jr aber/was bedeut/das die arch vor dem volck getragt ward durch die wüstin vnd den Jordan an mittren darein/vnd das volck doch vor der arch kam in das gelobe land.

Issend die weil das der mensche in sein selbs wüstin ist/so ist er hinder der arch götlich/er weißheit/vnd wirt im vor getragt in dem liecht des glaubens bedeckt Aber wen der mensch durch die wüstin sein selbs kompt/so beginnet er mit allen seinen begirden sich fern in das ewig land/das er doch nit ersicht oder schawet/Und wenn nun ewigs schawen nit wirt geben/es sey dan da ware begird Hierumb lauffet die begir vor der arch in das haylig land.

Von

Fragtend ir/lüffe das volck/
alles schnell durch den iordan oder
gienggen sy gemach/ ain taill auß
der wüßtin.

Da söllend ir mercken/ertlich
erügen swär vnd giengün gemach/
ertliche giengen in lauffender weiß
Dch ertlich waren alt/ertlich jung
ertlich in dem bestün Also yz zu dem
ewigen vatter land / so seind üben/
de menschen die geend vnd tragend
schwär/ertlich ain saul/ertlich ain
erün altar Ertlich ain rauchwas/
Aber die bekerten menschen in sich
selbs in gödlicher betrachtung/die
lauffend/vnnd die menschen die da
seind in schawen die fliegennd/Die
seind iung die aller erst anhebent/
got zü bekennen/Die seind alt / als
auch die alt sind die angehebt hand
in ernst/vnnd abnemen/vnd in ver
drossenheit vallent/ Aber die seind
an dem bestün/die da seind ains star
ken willens vnd gemüts all tugent
in gebotten vnnd in raden/zü üben
vnd in leiche ist / zü tausent malen
sterben durch gottes willen Hierin
merck ain yeglicher ob er iung od
alt ist/vnnd ob er gang oder lauff
vñ was er trag durch den iordan.

Histori.

In will ich ewch füro sa
gen / wie es inen darnach
ergiang/wir lesen also/do
sy all über den iordan kamen Do be
schnitt sy alle ire kind vñ sich selbs
Wan in der wüßtin ward kain kind
beschniten Wann sy wissen nit wie
lang sy an ainer stat beliben / die
auch die in Egipten waren besch
nitten wordenn / vnnd waren über
zwainzig iar komen/die waren all
tod in der wüßtin / dan all ain zwen
auß genommen Caleph vnnd Josue

Dem außsgang

die kamen allin auß Egipto in das
gelobt land Zü dem andern/do ver
gieng die saul die in was vor gän
gen von Egipto durch die wüßtin/
Zü dem dritten / hort auff das hi
melbrot vnd viengen an die früche
des gelobten landes zü essen. Zü dem
vierden/begiengün sy die oßtern mit
dem lemlin. Zü dem fünfften / do
schlügen sy die hütten gen dem auß
gang der sunnen. Zü dem sechsten/
hieß sy der Engel iericho zerstören.

Bedeutung.

Ey den dingen söle ir mer
cken/welche menschn seind
auß der wüßtin ir selbs ko
men in das hailig gelobt land / den
valler alle überflüssig ab/an wor
ten/gedencken / vnd an allem wan
del/das ist die beschneidung/wann
ire wort seind /ia ia/nain nain Sy
seind auch beschnitten von allen lei
plichen dingen/lustes vnd aller vn
notürftigait wort vnnd werck vnd
claiden vnd wandels / vnd alles des
sy notürftig sind Was bedeyt das
anders das die saul vergeet / dann
wen der mensch / in das ewige land
komet so höret auf der gelaub/wan
wen ain mensch über den iordan ko
met / so wirt er mit sunderem liecht
über leichret der ewigait mit besun
derem plicken Das er denn zümall
das liechtes des gelaubens nit brau
chet/Wann er bestat bey seiner er
kennuß / erleucht mit himlischem
liecht Als bey ainem liechten mitag
Es kompt auch der mensch darzü/
wenn er beharret durch die wüßtin
Das er die ding die er vor kaum ge
laubt hat / findet in jm selbs vñ siche
vñ enpfindt es durch ain wissen vñ
nit durch ain gelaubn. Zü dem drit
ten So vergeet das himelbrot das
in ain figur was / wan die figuren

der Juden

vnd gleichnussen die vergond dem menschen / vnd die clar wissenheit oder weishait offenbarer sich in dem menschen / das er den des hinfüro nit empfindet / was er neuisset der süßigkeit gottes / das seind die fruchte des ewigen gelobten landes. Zu dem vierden so begat den der mensch die frölichen Ostern Von der schreibe Bernhardus / vnd haisset die geblümet Ostern. Wir wissen ee ain baum frucht bringet so müß er vor blüen vnd blüen hon / vnd das haisset die blüent ostern. Weñ aber ain mensch wonet in den violen der demütigkeit vnd in den rosen des leidens vnd der truckung / vnd in den weissen lilgen der reinigkeit / vñ in den feldblümen der gedultigkeit. So begeet er die ersten ostern / die die juden begienngen do sy von Egipto außschieden / vnd dannoche vil weg es vor in hettem / Aber weñ der mensch über den jordan komet / vnd durch sich selber warlich komet / mit ainem lautteren verzeyhen seinselbs / den so begeet er nit als ain die geblümet ostern / meer er neuisset den die fruchte der blümet / vñ empfindet den die süßigkeit vnd edelkeit der tugent / die im vor so widerzäm waren / vnd in so gar sawr an kamen / die werden im den süßs vnd frölich ob allen freüden diser zeit / vnd opffert den warlich das osterlämlein dem ewigen vatter / durch des lämlins willen er sich in die wüstin gewogen hat. Darnach zu dem fünfften machet er fürhütten seines gemüts / auff gegen dem aufgang der sonnen vnd lasset innen die ewigen sonnen leuchten / vnd würcken ire edle werck in aller zierhayt vnd klarhayt. Vnd wird den erst der mensch ain beklaideter mensch in ainuältigkeit vnd vnder schid aller ding.

von Egipto

41
 ment war wol ain edel ding n ist sichselbs überwinden in diser welt / nyemand meer fürchten dan allain gottes süßigkeit brauchen / vnd die frucht der tugent niessen / vñ ewigs lebens in götlicher haymlichkeit empfinden / vnd dem obersten süßengüt allain leben wollen / Wie ain wunntreichs leben das ist / wie gern solt der mensch von Egipto schaiden Darnach / auf das sich das bild der wüstin / vnd von Egipto der zeitlichkeit nit meer offenbaren in dem menschen. Darumb hieß got durch den engel Jericho zerstören. Wie nun das ergienng das solt jr mercken.

Thyffto: i.

Es steet geschriben das dem e hertzog Josue der engel gottes erschyn / vnd der gab im weisung vnd weg / wie er die stat Jericho solt zerstören. Also / Es wurden zwen speher fürgesendet / vnd den halff Raab das sy nit gefangen wurden. Er hieß auch zu dem andern mal / das man die hailigen arch solt zu sibem malen vmb die stat tragen. Zu dem dritten / weñ der tag kam so solten sy all rüffen mit lauter stimm. Denn so wurden die mauren fallen / Zu dem vierden hieß er sibem busanen oder hörhorn machen / vnd die solt man vor d arch tragen / vnd solt sy blasen. Zu dem fünfften / das man nyemande solt leben lassen in der stat weder vich noch leütt / on allain die Raab vnd jr gesynd / die die speher mit ainem roren strick hett über die maur gelassen. Zu dem sechsten so solten sy es alles zerstören vnd verbrennen was in der stat wäre / vnd kain ding das sy funden / solten in selbs haben noch nichts behalten / dann allain was von gold vnd von silber vñ von

Von

Er vnd tysen wäre / das söletensy zü
görlichen dingen opffern vnd nit ver
brennen Darumb auch ainer hies
Achor getödtet ward / vnd auch die
seinen / wan er thet wider das gebot.

Er nun wyll gen dem hym
w
lischñ Jerusalem ziehen / der
müß über den Jordan der hin
fließenden begir zeitlicher
ding / vñ auch die stat Jericho grünt
lich zerstörn / Jericho ist als vil / alls
gedechtnuß des menschlichen / das ist /
die krafft der seel mit der wir gedenc
en alter vnd vergangner ding / wie
wir ettwan in Egipto gelebt haben /
vnd was vnds da begegnet ist / das
dan die bildner in fürrege so wir et
was sehen oder hören / O woll selig
wâr der mensch in dem die stat zer
stört wâr / so vil / das im die ver gang
en ding vnd bildung verbrent wâren
vnd im außere ding nit meer bräch
en verbildung / wol wâr es so ain lust
reichs leben / so also alle bild vergien
gen / das d mensch vmb nichten meer
wißt dann vmb sich selbst / vnd vmb
got / wan also viel im ab alle sorg vnd
alles trawen Darumb sogibt sant
Paulus ain bild dise stat zü erstörn
vnd spricht. Ich will vergessen der
ding die hinder mir seind / vnd will
nicht fern zü den dinggen die da vor
mir seind Darum spricht auch Chri
stus Wer der ist der sein handt legt
an den pflug / vnd sicht hinder sich /
der ist nit geschickt zü dem reich der
himmel Darumb ward auch in der
altene Lotes frau zü ainer saltzseul
das sy hinnder sich sach / Das hinder
sich sehen / ist alles Jericho / hetten
wir die stat zerstört so füren wir gen
der edlen stat Jerusalem mit freuden
vnd frölich mit der arch der ewigen
weißhait / Wöll wir nun die stat ge

dem ausgang

winnen / so müssen wir die zwen spe
her außschickenn. Die zwen speher
seind fleißig fluchender gebrechen / vñ
ernstlichs ersüchender tugent / Die
zwen erspehend die stat / das wir sy
wol mügen gewinnen. ¶ Das ander
ist das wir die arch sibentag sollen
vmbtragen Dise arch als ir vorgehört
hond ist schawende weißhait die wirt
gerragen mit fleißigem nachfragen
vnd emsigem betrachten nach got /
vñ als got alle ding erschuff in sechs
tagen / vnd an dem sibenden rüwet /
Also sol der mensch vmbtrayen alle
geschaffenlichait / vnd nit allain die
werck die got an ainem tag beschuff /
meer alles das er ye geschuff / vñ soll
nit rü in der geschöpft haben / meer
sy vmbgen vnd vmbtrayen / vnd al
lain in got rüwen Als dan spricht die
ewig weißhait in der person der edlen
junctfrawen Marie. In omnibus re
quiem quesivi ⁊ in hereditate domi
ni morabar. Ich hab in allen ding
rü gesucht / vñ in dem erbtail des he
ren hab ich gewonet / Ich bin allain
vmbgangen den kraiß des hymmels
¶ Das drit / wen der mensch durch
siben tag kommet / das die außeren
werck vñ bild in rüwstond in ainem
menschñ / so soll er rüffen mit lauter
stym Dises rüffen ist anders nit dan
ain lebendiger gait in gunst zü got
als seines ersten versprungs mit inni
ger begird in ganzer inbrünstichait /
vnd des begern vnd in allain fürbas
suchen Das ist das geschray / das da
dinget durch die lüfft vnd durch die
hymel Von dem geschray fallen ni
der die mauren alles mittels zwischñ
vñser seligkeit / was wir aber auß
wendig schreyen vnd bitten / das ist
dem geschray gar ferz vnd vngleich
¶ Das vierdt ist / das wir sollen si
ben busanen haben die vor der arch

ewiger weyßhait werden geblasen /
 Die erst busan rüfft das der mensch
 sein mund in dem hertzen trag. Die
 ander das der mensch in dem liecht
 seiner verstantnuß wol geleitert sey.
 Die dritt das sich der mensch auff
 das niderst setzen sey. Die vierdt das
 der mensch lebendig sterben sey. Die
 fünfft / das der mensch schweigend
 fragen sey. Die sechste / das d mensch
 des götlichen worts an dem jüngsten
 tag gehörig sey. Die sibend / das der
 mensch der obersten krafft der seel le-
 ben sey / Das sind siben edel busanen
 Die soll man tragen vor dem schrein
 der edlen weyßhait / ist das man die
 stat will gewinnen. ¶ Das fünfft ist
 das man alle dingg die da lebend soll
 ertöden / wann alle dingg die in des
 menschen gemüt sind die müßent al-
 le vergeen vnnnd sterben / vnd nit al-
 lain die vichlingñ ding / meer auch
 die bild / on allain Raab / das ist /
 vnser seel / die jr hauß gezieret hatt
 mit ainem roten sail / Das rot sail
 ist anders nit dann ain bild des ley-
 den vnser herren Jesu christi / mit
 dem wir vnser hauß sollen bezeich-
 nen / das jm die feind kein schadñ thū-
 en / vñ was wir darin hond / darnim
 lesen wir in dem propheren Ezechiel
 Juuenem ac senem interficietis. Al-
 so sprach der enngel. Die jungen vñ
 die alten solt jr töden / auch frawen
 kind / vnd alle menglich / on allain
 die jr sehent bezaichnet mit dem zay-
 chen Thaw / wann die selben soll man
 nit töden ¶ Das sechste ist / das man
 gold / silber / eysen vñ öre sol got opfe-
 ren / das bedeuert was d mensch in jm
 selbs findet / gold ewiger weyßhait /
 lautter silber / rainigkait des hertzens
 Eysen vnd öre / stättigkait ains gü-
 ten willen / wañ allen gesig aller vn-
 tugent soll er jm selbs nit zūaignen

allain gottes Ker / vnd seiner vätter-
 lichen genad / Darumb sprach Chris-
 tus zu seinen jüngern. Cum feceris
 tis omnia. Wenn jr alles das thund
 das eüch geboten ist so / sollen jr eüch
 dannoch nennen vnnnd bekennen vn-
 nütz knecht. Wer nun dise stat hatt
 gewonnen vnd zerstört die schedlich-
 en stat Jericho / die den menschen so
 dick machet hinndersich sehen So
 steet dem auff frid vnd freud vnd al-
 le seligkait in dem menschen / vnd dar-
 umb manet vnns der hailig gaisst so
 er spricht in dem propheren. Audi fi-
 lia et vide. Hör rochter vnnnd naige
 dein oz hierzū / vnnnd vergifs deines
 volcks / vnd des hauß deines vaters.

¶ Nun Jericho zerstört war

a de Do fürn sy fürbaß gen-
 ainer stat die hieß Day / vnd
 legten zū der / hirt vnd herr-
 schaffe / vnd gewonnen die stat / vnd
 verdammerten die stat / vnd vertilck-
 ten die stat / vnd reüchten die auß Do
 kamen zū dem andern mal fünff
 künig zusamen / vnd wurden streit-
 ten wider das volck gottes / vnnnd do
 der tag wolt vndergeen / do bat der
 lieb Josue got / vnd erhört in got das
 die Sonn still stünd ain zeit / als ain
 ganntzer tag lang ist Vnd also ward
 der selb tag zwayer tag lang / bis das
 das volck gottes / die künig vnnnd jr
 volck alles zütod schlug Do das an-
 der künig hortten do kamen sy zusa-
 men zū Raphain / zū Raphin dem
 künig / vnd zugen auß zū streiten wi-
 der das volck gotes / vnd wurden er-
 schlagen Also lesen wir das ain vnd
 zwainzig künig wurden erschlagen
 von Josue. Zū dem dritten do ersch-
 lüg Josue auch die von den risen wa-
 ren geboren / vnd alle die / die in wer-
 den mochtam / die dann abgötter an-
 40 ij

beerehen/der ließ er kain leben als vil
er mocht. Zu dem vierdten do kamen
sy gen Diba/vnd sagenda die arch
nider/da zu beleyben ain zeit. Vnd
machten tailauffer dem hailigū land
vnd wurffen da das los was yegkli-
chem solt werden/ Also viel ain tayl
von Jerusalem dem geschlecht Ben-
iamin/ das begeret das im voraus
wurd die statt der risen/ do dann die
risen gewonet hetten/ vnd do Abra-
ham vnd Isaac waren/ vñ das ward
in gegeben. Zuden fünften do sprach
got Es sollend die priester kain tayl
an dem land haben/ wann er wolt sel-
ber jr erbtail sein. Doch durch jres
vichs willen/ vnd das sy wenig heten
do wurd in erwaül gegeben. Zu dem
sechsten wurden da sechs stett gesetzet
zu der flucht vnd geordnet/ in den
man frid solt haben/ weñ von geschich-
te ain mensch den andern erödtet.
In den stetten solten wonen die man-
schlechtig waren/ bis das der oberst
priester starb. So mochten sy wider
haym geen in frid. Vnd deren drey
waren jenhals des Jordans/ vñ drey
herdishals. Do das alles beschach/
do setzten sy sich in das land/ vnd be-
sassen es darnach langzeit in frid
vnd in rü.

Bedeutung.

Wir nu wolten wissen/ was
das bedeiit so merckent Hay
die statt/ die bedeiit anders
nit dann die bösen wurzel die
wir von Adam haben/ von der weg-
en wir meer genaigt seyen auff böses
dann auff güttes/ vnd wie das sey/
das dieselbbewegung etwas gedru-
cker vnd getämpert werd. Doch so wirt
sy nimmer gar außgereüret/ es be-
leibt vichlichkeit in dem menschen/
wann also tödreten auch die kinder

Israhel das vich nit das in der statt
was/ wann die vichlichkeit laßt sich
betrechen alls das feür. Aber die hitz
wirt nit erlöschet gar noch sein wirt
lichkeit. Darum so muß man jr allzeit
mit fleiß hütten legen vnd lang/ das
man jrem streitten müg begegnen.
Zu dem andern so beschicht es dan
nocht den vollkommen menschen/ die
joch über den Jordan kommen sind.
Das die fünff sinn/ als die fünff
künig wider den menschen fechten/
denn soll der mensch got anruffen/
das die Sonn der vernunft nit vn-
dergang/ das er nit beschadet werd
in seinem gemüt von der ankriegung
seiner sinn/ bis das er jrem gesüch
ganz ersterb. Den so ist got also wun-
reicher lieb vnd laßt die Sonnen vn-
beweglich wider die natur stillstehen/
Zu ainem zaichen das er den mensch
ernit lassen will in kainem streit noch
leiden/ er wöll im übernatürlich helf-
fen. So er yn anruffet in ainem gü-
ten vertrauen. Darnach aber so ko-
ment vil mächtiger künig zusammen/
das seind die zeitlichen ding vnd bild
die dann die bildnerin fürwürffer/
wider die soll der mensch fleißiglich
fechten/ vnd sy außreiten/ vnd all-
zeit bey jm haben den schilt des glau-
bens/ vnd den helm/ schämigkeit/ vñ
behüttsamlich sein in dem banzer der
gedult/ vnd haben ain sper gütter zu
uersicht zu got/ vnd das schwert des
gölichen worttes vnd der hayligen
geschriefft. Vnd dem also mag er vil
wol angesigen allen seinen feinden/
vnd will er von jm allen sicher sein/ so
soll er sich setzen in gannzedemüt/ so
mügen sy in nit nider stossen. Die de-
müt ist anders nichts dann gelassen-
heit seines eigen willens/ das er ni-
chts wöll noch thū/ dann als yn sein
gaislicher hertzog vnd fürer haist/

Auch so soll denn der mensch nemen
das klaid der liebte / damit wirt er
bedeckt das er die starckenn rissen er-
schlecht / das seind die starckenn ver-
suchungen der welt.

Nun möcht jr aber fragen / Ra-
men sy gantz züfride / do sy die streit
allegeton heren also das sy nyemand
meer anfacht.

Ain / wann die Philistei / die
n belyben alle zeit / vnd rbetten
in vil großlayd / vnd kunden
sy nye außreiten / vnd was
doch ain klaines volck zurechnen ge-
gen men / vnd gegen den die sy vor be-
stritten vnd ertödet vnd abteil ge-
hatten Als rissen vnd mächtig künig /
wann das klain volck facht dannoche
wider die kunden von Israhel zü den
zeiten Sauls vñ Davids / vnd noch
heut seind ir nachkomen auf erderich

Fragten jr was das bedeytet.

Issend / das es noch heit be-
w schichte / das ain götlicher
mensch mit der hilff gottes
groß gebresten überwindet /
vnd kan doch eerlich klain gebresten
niet überwinden / noch der gar ledig
werden / vnd die lasset im got darum
beleyben / das er destermehr in demüt-
tigkeit beleibe / vnd in selber alle zeit
missfall / so er sieht das er die klainen
gebresten niet kan überwinden / Es
thut auch got darumb / das der men-
sch erkenne das er auß seiner aigner
kraft die grossen gebresten niet hab
überwinden Seid er die klainen niet
kan überwinden / Er thut es auch
darumb / wann hette der mensch kain
anfechtung noch leiden So wurd er
offt als trag / vnd sagte sich zü vil in
ruw vnd sicherheit / oder getrawete
in selber zü vil / vnd übte destermehr

der tugentreiche übung vnd werck /
vnd das wäre sein grosser schad / dar-
umb gibt got etwas druck vnd ley-
dens seinen allerliebsten freunden.

Zu dem vierdten / so wirt ain los
geworffen So man das haylig land
taylor. Nun des spils art ist / das es
nyemand föle durch sein zütin / also
oder also / wann mit kainer tugent
mag man verdienen das ewig leben /
wann es kompt allain von den gena-
den gottes / wann es doch wirt genant
aintail. Merck / das es nyemande
gantz mag begreifen / wann das ist
das grundloß schawen vnd niessen
gottes Hierumb wirt es in ain tayl
gegeben Als Cristus sprach im ewan-
gelt. Maria optima partem elegit.
Maria hat außserwelt den allerbest-
en tail. Nun Jude vnd Benjamin
das ist / ain inbrünstigñ liebhabet /
vnd dem schawenden leben / in dem
loß fallet die Edel statt Jerusalem /
das ist / gesicht des frids Nun finde
man ertliche vnder den liebhavern
gotes die niches benüget / das sy tu-
gend üben / allain als sy an sy gebra-
cht seind Meer sy süchent new weis-
der tugent zu üben / vnd wöllend an
yetlicher tugent etwas besonders
würckens haben / vnd steigen in den
tugenden auff das allerhöchst / vnd
doch so wöllent sy vnder den besten
die klainestenn sein / Vnd die seind
bey Caleph bezaichnet / der von Ju-
das geschlecht geboren was / wann
der wolt voraus habenn die star der
rissen / vnd der hailigen patriarchen
Das was Jerusalem. **Z**u dem
fünfften So nun got wil ain erbgüt
aller menschen sein Doch will er be-
sonder erbrail sein deren die im opffe
ren sein Sun / als die priester / Also
thund auch alle die d'z Sacrament
niet begir vnd vñ empfahenn /

Von

Auch aller der menschen die alle ding
vmb gots willen lassent / vnd nit meer
nemen von der zeit / dann ain blosser
notdurfft ist des ausseren vichischen
menschen / der erb wil er selb sein / das
bedeut / das die priester zu irer wonig
ertlich schlecht flecken / vnd nit recht
tail von dem land empfiengen. ¶ Zu
dem sechsten / wenn nun des menschen
Kranckheit groß ist / vnd er oft von
seiner Kranckheit faller in tödlich
gebresten Darumb so hat im got ge
ben sechs stöck darein er fliehen soll /
da er dan frid innen mag haben Ain
stat ist / betrachtung der trüch vnd
falschs der in Egiptro ist diser welt /
wenn der mensch das wol betrachter
das sicher in wol vor der bösen welt
Die ander stat ist / ainigkeit / das
der mensch gern allain sey Die drit
ist / betrachtung des tods Die drey
stöck seind hiedis halb des Jordans /
gegen der wüstin / da soll der mensch
einfliehen wenn er anfechtung diser
welt fürcht. Die andern drey waren
jenhalb des Jordans / gegen dem ge
lobten land Das seind auch drey stöck
darein man fliehen soll all feind. Die
erst ist / das inwendig gemüt / da das
hoch bild der hailigen Triualigkeit
innen leuchtet. Die ander ist / die
brünnend lieb in dem hertzen vnnsers
herin Jesu christi / da findt v mensch
alle sicherheit innen. Die drit das ist
das gross vnaußsprechenlich wesen
gottes / als er in verborghenheit ob al
len dingen vnd formen schweben ist /
wer darein fleucht der ist wol sicher
vor allen veinden. Ist aber das der
mensch nit von geschicht / das ist / on
gefärd / noch von Kranckheit / oder
von vnwissenlichkeit sündt / dennocht
so hat er die grundlosen barmherzi
keit zu ainer stat da er ein fleucht In
soll dennocht in die vorbenentten stöck

dem außs gang

fliehen / da findt er gantz frid vn
sicherheit / wan der tod des obersten
priesters Jesu christi vns zu frid vn
son bracht hat / vnd bringet allzeit bey
seinem vater Also was es / wölllicher
ainert ödt od den tod verschuldet her /
floch er in der sechs stert aine so was
er da sicher Vnd wenn der oberst prie
ster starb so mocht er wider haym zie
hen / vnd was frey vnd sicher allent
halben.

In dem allem solt jr mer
cken die grossen s. r. engenge
n rechtigkeit gotes / seind vnder
sechshundert Tausent / die
über zwainzig jar waren / auß Egi
ptro giengen / vnd nit meer dan zwent
allain in das gelobte land kamen / das
was Josue vnd Caleph.

Auch sollend jr mercken an diser
materi / grosse grundlose erbarmd
gotes / vnd sein güte / das er das volk
als oft wider gnadet hat / wie vil sy
in erzürten. ¶ Weer auch wie er sy
getröst hat mit v saul / mit dem hym
mel brot vnd wunderlichait des was
fers. ¶ Bey dem merckt jr auch wol
wie der mensch müß getruckt werd
ee er von Egipten land kommet.

Auch merckt jr wol / wie sy mit
streiten vnd mit fechten / vn müß vn
ellend seind komen in das gelobte land

Vnd auch merckent jr wie groß
das nützlich ist / v den dienern gots treu
wen beystand thut / als Raab het die
die speher verbarg / darumb auch sy
vnd jr freünd wurden behüt vnd be
halten bey leben / vnd bey allem dem
das jr was. ¶ Zu dem letzten wie der
mensch alles truckts / leidens vn lay
des ergetzt wirt tausentfältig.

Auch wieder mensch sundern fleis
haben müß zu den gebotten gottes /
Hierum beschleuß ich das alles vn
rüß an die ewigen weisheit vn alles

der Juden

hymlich hör vnd beger vnns allen
weisung vnd leitung auß Egipto
durch die wüstin in das ewig vatter
lannd/ das wir alle bitterkayt diser
welt/ vnnnd den abfluss vnnsrer begir
nach irdischen dingen (als die kinder
von Israhel das rote märe/ vnd den
Jordan mit trucken füß) durchgan

von Egipto

ger vnnnd zurrucken stossen/ on alles
widerkeren Also das wir die blossen
warhait rechter leer vnd tugent be
greiffen vnnnd würcken / das wir sy
in ewigkait niessen Des behelff vns
die ewig Triualtigkeit got Vatter
vnnnd gott Sun vnnnd got hailiger
gast Amen.

¶ Gedruckt zu Augspurg von maister Hansen Schmar
gessen bey sant Ursula closter am Lech/ Durch ange
ben des fürsichtigen Jörgen Diemers/ dieses büchs ver
leger Anno dñi 1510.

1000

Handwritten text in two columns, likely a list or index, written in a medieval script. The text is mirrored across the page, suggesting bleed-through from the reverse side.

Handwritten text in a single line, possibly a title or a specific entry, also appearing to be bleed-through from the reverse side.

Die gaislich spinnerin.
 nach dem Exempel der hailigen wittib
 Elizabeth/wiesy an ainer gaislichen guncel/flachs vnd woll ge
 spinnen hat Geprediget durch den wirdigen Doctor Johannem
 Gayler von Kaisersberg zc.


Labores suos dispersit et dedit pauperibus Ideo iusticia eius
Exemplaris manet in seculum seculi etc.



Sal
am le
hat g
finge
C
befon
mir n
durch
en für
Aue
her
rind
beth
gin
Woll
roct
eren
meine
füche
Wier
barr
zu D
gors
sy sie
erner
hat
aber
wend
deche
will i
baffer
nan et
and

Vor red

In dem namen gotes hebt an die
Erst Predig von der gais-
lichen Guncckel.



llerliebsten brü-
der vnd schwe-
stern in dē her-
ren Jesu/ Die
wort die ich eü-
wer lieb fürge-
halten hab in
dem latein/be-
schreibt d̄ weiß

Salomon in dem büch der sprüch/
am letzten capitel also lautend. Sy
hat gesücht flachs vnd woll/ vnd jr
finger haben begriffen die spindel.
Kürzlich von disen worten/ vnd
besonder in disem werck zu redn̄/ ist
mir not die gnad gotes zu erwerbē
durch die fürbitung der hymelisch-
en künigin/ Griessend sy mit ainem
Aue maria/ Groß gnad vñ barm-
herzigkait sey mit d̄ hochgelobten
vnd weiberumbren wiriben Eliza-
beth/ die da gewesen ist ain Herzog-
gin vnd Landgräuin von Hessen
Wöllen wir vnser guncckel oder
rocken anheben/ der zū lob vñnd zū
ereen ich für mich genommen hab
meine fürgelegten wort. Sy hat ge-
sücht flachs vnd woll ic. vbi supra.
Wiewol sy ain künigin was der ge-
burt/ wān jr vatter was ain künig
zū Hungern/ vnd kam sy doch von
gotes genadn̄ zū solicher armüt das
sy sich mit jren aigen henden müße
ernerren/ was sy leiplich gespunnen
hat/ drückt die hyston außs/ was sy
aber gaislich gespunnen hatt inn-
wendig in jrer seel/ vnd wie ain an-
dechtige seel spinnen soll/ Dar auff
will ich mein red keren. Und zū
besserung/ weñ ich ansich das spin-
nen elizabeth So begegnet mir ain
amder spinnen das sy gethon hatt

vnd ain yetliche seel thün soll. Was
ist dasselb spinnen. Nichts anders
dan ain ernstliche betrachtung got-
licher vñ gaislicher ding/ wie ain
mensch die spindel erwüschet oder be-
greiffet/ vñ sy schlecht an das werck
der guncckel/ vnd heffret mit seinen
fingern an/ Also ain betrachtende
seel schlecht jre finger an/ ernstlich
zu ersüchen vnd zu nemen was got
anriffet. Nun wolan. Was hat
gespunnen die andechtig witib Eli-
zabeth. Sprichst du/ wie soll ain an-
dechtige seel spinnen Sy hat jr selb
gespunnen ain mantel innwendig
an jrer seel/ mit den fingern jrer be-
trachtung/ mit wellichem mantel
sy hat bedeckt alle jre sünd In wöl-
chem mantel sy frölich ist erschinen
vor dem angesicht des allmechtigē
gotes/ vñ vor allem hymelischen hör.
Was ist diser mantel. Es ist nicht
andere dann Christenliche liebe/
Christenliche liebe ist der mantel vñ
das klaid/ damit bedeckt müß wer-
den alle sünd. Als sant Peter sprith
prima Petri iij. Die liebe bedecket
die menig der sünd. Wer dis klaid
an hatt der wirt frölich eingelassen
in die ewigen seligkait. Das klaid
het mitt an der/ der zū d̄ hochzeit ge-
laden was/ darumb er außgeworff
fent ist in die aufferlichē vinsternuß
von dem das ewangeliiu sagt Mat-
thet xxiij. Diser manneel ist also
hoch das er das haupt oben bedekt.
das ist/ er raicht hinauff bis zū got
dem allmechtigen. Er ist als brayt
das er raicht von got zū dem men-
schen. Er ist als weit/ das er vmb-
schleüßt alle ding die got antreffet
seind. Die andern mag er nit bedek-
cken/ da ist er zuschmal zū. Er soll
nit hinab in den dreck raichen. Wie
weit er sein soll/ vnd wie er vnndert

Die

abgeschnitten sein soll / gegen den
irdischen dingen Darvon will ich
weiter sagen so ich würd predigen
von dem bilger Will es got so will
ich etwas hernach dauon melden/
wie er geschickt vn gestalt soll sein.
Die will ich sagen wie man in
spinnen soll. Tun wolan. Es seind
dreyerlay menschn die disen mantel
spinnen / das ist die götlich liebe / sy
haben sich aber anderst vn anderst
Die ersten menschen haben got lieb
von ganzem hertzen / also das alle
ir gedencen / alle ir begird / aller ir
will / alle ir verstantnuß vnd gemüt
on vnderlaß sein gericht in got den
herin Ir hertz flammert auf vn brin
net on auffhören in götlicher liebe /
also das sy nicht anders thun / dan
got liebhaben on vnderlaß Sy sin
gent allwegen Sursum corda. Ire
hertzen sein allwegen auff erhebt zu
got. Wer seind die selben menschen
Es sein die in der ewigen seligkeit /
die haben got also lieb auß ganzem
hertzen / also mag got nyemant lieb
haben hie auff disem erderich / wan
es ist vns armen menschen nit müg
lich / wir mügen nit also on vnder
laß an got gedencen / wir seyen in
zuschwach / es ist vnns nit möglich
das vnser hertz also ganz an got
haffte / es ist allain denen möglich
in ewiger seligkeit. Die andern
menschen haben got lieb / aber nit
also ganz als die ersten Lieber got
du bist ain mensch / du müst schlaf
fen vnd wachen / du müst essen vnd
trincken vnd ander ding thun / dar
zu dich die natur treibt vn eringe /
Aber dieselben menschen thun ains
vnd stellen ab alles übel das sy dar
an gehindern mag / vn souil sy mü
gen / Eren sy ir hertz zu got / vn zie
hen ir hertz ab von allen zeitlichen

Erit

dingen Es sey im closter od außser
dem closter / es gilt gleich an disem
ort. Tun wolan. Sy sehn das inen
das zeitlich güte inen willen vn das
hertz zu fast besitzen will / darumb
verlassen sy das zeitlich güte / vnd
geben sich in willige armüt. Sy se
hen / solten sy in die ee komen sein /
das sy bekümmert müsten werden
mit den mannen vn mit den kinden
oder herwiderumb ic. darum wolt
sy nit weiben oder mannen / vn bley
ben keusch. Item darum das sy nit
dürffen sorgen was sy tun oder laß
sen sollen / so vnderwerffen sy sich
ainem andern menschen an gotes
stat / der sy regier vnd nach des ge
hais sy leben. Dise ding fürderen
die menschen zu götlicher lieb / vnd
nach gemainem lauffe ist es besser
mit gelübt dan on gelübt. Aber bes
ser ist es (sprich ich) nah gemainem
lauff das sich ain mensch selbs dar
zu zwing vn ering / vnd sich darzu
verbinde mit gelübt / dan so es das
on gelübt thut. Also thünd alle die
die in die closter geen wollen. Tun
wolan / das sein die andern mensch
schen. Die dritten menschen vnd
die letzten / dieselben haben got nit
als lieb als die ersten / das sy got al
so on vnderlaß gegenwürrtlichn
liebhaben. Nain / auch nit wie die
andern Sy verlassen nit also alle
ding Sy gond nit also gerad vnd
also stracks den weg gotes Sonder
sy süchen umbtrayß oder umbweg
Sy greiffen in die ee / sy habn weib
vnd kind die sy versorgn müssen / sy
haben zeitlich güte damit sy umb
müssen geen / sy kinnden ir hertz nit
also mit got bekümmern Aber sy wol
ten vngern wider got thun / sy wol
ten got vngern erzünnen mit ain
em vnnützer wort / sy wolten umb

Dre dig

Kainet sach willen tödtlichn sünden
 Vnd das ist not vnd genüg zu der
 ewigen seligkeit / vnd wer got min-
 der liebhat dann also (sag ich dir)
 das er nit ist in dem stat d seligkeit
 Nun sprichst du. Nun wolan. Ich
 hab wol verstandn was der mantel
 ist / wie soll ich in aber überkomen.
 Das will ich dir sagen / du müst in
 spinnen Waraus müst ich in spini-
 nen / du müst in spinnen auß flachs
 vñ auß woll. Was ist d flachs / vnd
 was ist die woll / was ist die guncckel
Nun merck. Da will ich in die
 materi geen **Es** sein dreyerlay gunc-
 ckeln. **Es** ist ain flachsine guncckel /
Es ist ain hänfine guncckel / das ist
 die annder / Die drit vnd die leest ist
 ain kuder guncckel / od von grobem
 werck / vñ an allen den dreyen gunc-
 ckeln spint man / aber gar vngleich
 garn. **Nun merck.** Will nun die
 guncckel geraten / so hast du all dein
 lebtage daran zuspinnen / vñ wärest
 du in ainem wildn wald / vñ hortest
 nimmer kain predig meer / vñ wär
 nimmer kain mensch bey dir / so her-
 rest du wol all dein lebtage damit zu
 schaffen / vñnd würdest nimmer
 meer vrdrügig / vnd würde dir die
 zeit nimmer zu lang. Will sy nun
 geraten / sprich ich **Es** gerat auch
 nit allwegen Ich wais auch nit all
 weg was ich sagen will Ich wais
 wol was ich für mich genomen hab
 zusagen / es geschicht aber oft das
 mir etwas anders einfelt / das mich
 nützer bedunckt zusein / dar auff ich
 bleib / vñ gedenk des nimer das ich
 gestudiert hab. **Nun wolan.** Was
 ist die guncckel / sprichst du / daran
 man disen mantel spinnen soll. Die
 guncckel ist nichts anders dann das
 Creüg Jesu christi des herren. Die
 guncckel an jr selbs / der steck daran

man den flachs binndet Ich wais
 nit wie jrs nennen Ich hab nit vil
 guncckeln zu spinnen gewonet. Die
 guncckel oder wüchel die daran ge-
 bunden ist / ist christus Jesus vnser
 herr / warer got vnd mensch / mit al-
 len seinen volkomenhayen vnd tu-
 genden so in im beschlossenen sein / vñ
 mit allen seinen gaben vnd genadn
 so er vns bewisen hat. **Nun wolan.**
 Ich will dir den flachs vnd die woll
 zusamen bindn an ain guncckel. **Es**
 gilt gleich / was ist der flachs / was
 ist die woll. Der flachs ist nichts an-
 ders dann die gothayt Christi. Die
 woll ist nichts anders dan die men-
 schait christi. **Nun** sich an d flachs
 Das ist der weis gleschtig flachs der
 da ganz fein / glatt vnd zart ist / on
 alle äggen **Er** ist ganz lautter vnd
 clar on alle knöpff / **Nun wolan /**
Nun sach an vñ spinn mit den firt-
 gern deiner betrachtung **Nun** die
 guncckel für dich / schlach daran die
 finger deiner verstentnuß / zerzayß
 die härlein / zeüch sy heruß / lüg was
 findest du in der guncckel / Das erst
 das er ist der allmechtigest / ain här-
 lin / das er ist der allerweisest / aber
 ain härlein / das er ist der allerbarm-
 hertzigst **Aber** ain härlein / das er ist
 d allerreichest / aber ain härlein / das
 er ist der allgütigest **Ja** er ist der
 abgrund aller güthait. **Er** ist das
 vnbegreiflich güte **Er** ist das vnge-
 schranckte güte / er mag nit vmrissen
 werdñ / er mag nit vmgeschrancket
 werden **Nit** allain ist er der allme-
 chtigest / sonder er ist die vnumreis-
 lich mächtigkait **Nit** allain ist er
 der allerweisest / er ist die vnumb-
 reislich weisheit **Nit** allain ist er
 der allerbarmhertzigest / **Er** ist die
 vnumbreislich barmhertzigkait /
 was will die seel anders dan das sy
 a iij

spinnen soll hie den mantel der göt-
lichn liebe / wie künd es gesein / wenn
du dise ding ernstlich / betrachttest /
dein hertz müßt bewegt werdñ / got
von hertzñ lieb zu haben / was wolt
anders darauß werden dan das du
gedechtest Ach hertz so du bist das al-
lerbest / das allerhüpschest vnd das
aller edlest güte / wenn wolt ich dann
anderst mein hertz geben dann dir /
du bist der / d̄ sein allain würdig ist.
Nyemān gib ich es billicher dann
dir / wann du bist allain der / der
mein gemüt vñ mein hertz ersettigē
mag Auch so bist du allain der mei-
nen begirden gnüg thun mag / In
nyemande find ich rñ. dan allain in
dir / Nyemān güm ich mein hertz
baß dan dir hertz / Seid du mir gün-
nest das ich dich liebhab / warumb
wolt ich dann mein hertz bekümeren
mit disen zeitlichñ üppigen dingen
die mir doch nit mügen genüg sein
Ich will mich selbs zu güte darzū
gedunckē / seid du mich also geadelet
hast / vnd wölte ich also schnöd an
mir selber sein das ich mein lieb ver-
lassen wölte / das ich also ain Krämer
hertz wolt haben / hütten eüch vor
dem Krämer hertz Es ist gar ain ar-
me kost da man den kram allso sayl
erregt / du magst es wol hertzñ ziehñ
das dir dein hertz bewegt werde zñ
götlicher liebe / als die forcht d̄ ewi-
gen verdambnuß / oder der lon der
ewigenn seligkeit Aber lüg das du
nit darauß standest / du solt got ent-
lichen liebhaben / darüb das er das
höchst vnd best güte ist. Nun wolan
Wölte ich aber also schnöd sein das
ich mein liebe also sayl wolt tragen
das ich mir sy wölte lassen bezalen /
so ist doch nyemant der mir sy baß
bezaln mag dan du / nyemant mag
mir sy baß vergelten. Nun sprichst

du lieber hertz got Ich kan nit miter
der guncel / lieber got / das ich all
mein lebtag also gedent / es beweget
mir das hertz ganz nichtz / darumb
bin ich nit also volkomen / das ich
got also vmb seinen willen kind lieb
haben. Nun wolan. Ker die guncel
herumb / greiff sy an dem amderm
end an / lüg ob sy dir gelingen wöll
Zerzayß die hārlin noch baß / was
findestu da. nichts anders dan das
er dein schöpfer ist Herz bistu mein
schöpffer / warüb wolt ich dich dan
nit liebhabē / du hast mir geben leib
vnd seel / du hast mich gemacht ain
vernünfftigen menschn / nit ain vn-
uernünfftiges vihe / sonder du hast
mich gebildet nach dir dem bild der
hailign̄ trualtigkeit Ach hertz seid
du mein hertz also geschaffen hast /
das es vffer was fallen mag / das es
lieb hat / wāhin wolt ich dann mein
hertz vnd liebe annderst keren dan
auff dich. Will es noch nit stat ha-
ben so ker die guncel herumb / sich
den flachs noch baß an / zueich ain
ander hārlin her auß / was hārlins-
das er dein erlöser ist / wān got hat
vns auch erlöset / nach der gothait /
was meer / das er dein behalter ist /
das er dein register ist / das er dich
für sichte / das er dir souil güts hats
bewisen auff disem erdrich / das er
dich hatt lassen werden ain christen
mensch / das er dich nit hatt lassen
verderben zum dickern mal in dein
sünden / das er dich vnder souil men-
schen hat außgerait vnd erwölt zñ
seinem dienst. Vñ hat dich gezogen
in ain closter Ja lieber got / sprichst
du / vnser hertz got hat mich nit ge-
zogen / sonder mein vater vnd miter
haben mich vmb güzwillen hin
ein gethon das sy die amderm kind
desterbaß erziehen möchtñ Ir may

Pre dig

nung was nitte gut / Du solt wissene
 lich wissen das es die fürsichtigkeit
 gottes ist / der dich also für gesehen
 hat / das du sein soltest sein / wiewol
 sy ain böse mainung haben gehabt
 vnd sy die hell an dir verdienet ha-
 ben / Doch hat es got also für sehen /
 got geb du seyest in gottes namen /
 oder des teufels namen hinein kom-
 men / so du nur darinn bist / wie der
 has in den pfeffer kompt so ist er da-
 rinn / Lieber her: got / sprichst du.
 Mein maynung was auch nitte gut
 Ich soht mein mütter würd zornig
 ich müst es wol thun / So schöpffe
 vnd mach du dir yetz selber ain gü-
 te maynung / vnd gedennck du wöl-
 lest es vm gots willen thun / vñ mach
 dir selb auß d' not ain tugent / Es ist
 alles die fürsichtigkeit gottes / wie
 wol ich nymer daran wölte sein das
 man solche kinder einnam / Gedennck
 darnach / was dir got sonderlichen
 gnad hat geton für ander menschn
 Nun wolan. Will es noch nitte gon
 so ker die guncckel herumb / greiff
 die wol an / du wayst wol wen man
 spint so müst man die guncckel ymer
 zu umbkern / das man sy gleich spinn
 das kain zapff daran werde. Nun
 wolan. zerzaiss die selbē hārlin auch
 das ist die weis raitn woll des vn-
 schuldigen vñ vnbesleckē lāmlins
 die da gemacht ist von dem schöpff-
 er auf den es tauwet / als geschribn
 stat Judicum. vi. von Gedeon / von
 wölchem bezaichet ist die küniglich
 juncckfraw maria / von den allerrai-
 nisten blutstropffen ires juncckfreu-
 lichen hertzen / die weis woll gema-
 chet / durch würckung des hayli-
 gen gaittes / sich in an so findest du
 alle tugent in im beschlossē / auff
 das allerhöchst vñ auff das allertuol-
 komnest so sy gesein mügen / Sich

darnach an all gaben vñ gnadn so
 er vns bewisen hatt / das er mensch
 ist worden vmb vnsern willen / das
 er gestorbē ist / das er ain kindlin ist
 gewesen / er hatt gelitten frost vnd
 hitz / er hat gelitten hunger vñ durst
 Müe vñ arbeit hatt er gehabt mit
 predigen / vñ mit wunderzaichn zu
 thun / das er für dich gelitten hat / ja
 ain sollichen schmerzen den kain
 mensch litt für sein aigne seel / als
 got für vns gelitten hat / das er dich
 in seinem leib erlöset hatt von dem
 ewigen tod / das er dir verdient hat
 die ewigen seligkeit / warlich wenn
 du dise ding also ernstlich betrach-
 test / es möcht kom gesein du würdest
 bewegt / got von ganzem hertzen
 lieb zu habn über alle ding / es müst
 aber warlich betrachtet sein / es rit
 sein nit also oben hin / du müst fleis
 an kern vñ mit ernstlichen seufftzen
 zu got dem herren bitten / das er dir
 zuhilff kom Als mit vnserm armen
 gebeer / das ist mit dem Miserere /
 vnd dem Pater noster / vñ mit dem
 Dñe ne in furore etc. Aber es ist kain
 ernst da / da her kompt es auch das
 vns got nit erhört in vnserm gebeer
 Lieber got / sprichst du / wie soll ich
 aber thun / es will mir nitte geraten
 Ich hö: woll geren darvon sagen /
 aber wenn ich es soll angreifen / so
 will es mir nitte von stat gon / es will
 mir auch nitte zu hertzen gon / wann
 das gemüt felt mir auff andre ding
 Es will nitte in mir haften / du sitzest
 vor der guncckel vñ sichst sy an / als
 ain kalb ain neüwes thor / es geet
 dir an deiner basen hertze / so kompt
 den der teufel vñ stoßt dir die kuder
 guncckel dar / an der selben guncckel
 spinst du zwilich / vnglückhafteige
 hadern vnd kuchen lumpen. Nun
 sprichst du. Ich kan niches mit der



Die

Gummel von der du mir sagst Ich
 fer allen mein vleiss an / es will nite
 helfen / die spindel felle mir ymerzū
 in den dreck Wie kompt es / sprichst
 du / das es mich so hart an kompt /
 Ich will dir es sagū / du hast o gum
 mel nite gewonet / du hast sy nye in
 die hennd genomen / das ist / du hast
 dein hertz nye damit bekümert / du
 hast dich nie darin geübt / vñ schlot
 tere dir dein spindl / du hast den wir
 ten der gnaden nie daran / darumb
 kanst du nit güt garen spinnen. In
 die götlich gnad schaffest du nichz
 Die spindel schlotere dir / sprich ich
 das ist / du bleibst nie vff ainr betra
 chtung / darumb erlangstu auch nit
 das end o betrachtung / was ist das
 end aller betrachtung / das ist / das
 dardurh das hertz bwegt wirt / das
 ist das end / darumb alle betrachtung
 geschehen soll / wen du nun nit auff
 ainem beleibst / so kan dir dein hertz
 nit bewegt werdū. Nun wolan. du
 nymst etwas für dich was es den
 ist / du stelst Jesum für dich in o ge
 stalt / als er gegaiselt ward / oder in
 ainr andern gestalt / so aber dich be
 dunckt es wöll dir nit gelingen / vñ
 felse gleich von dem auf ain anders
 vñ von demselben aber auff ain an
 ders / vñ schwanckest also daraffter
 gleich als ain tochter jaghund / o
 nit wol gewant ist / wen der auf ain
 spur kompt / auff o selben spur felle
 im etwas zu o dreü andere Ist dan
 er ain güter hund so laufft er o erstn
 spur nach. Nun wolan. Er spüret
 ain hertz / in der selben spur felle im
 ain anders zu da spüret er ain hasen
 so verlast er die erstn spur vñ laufft
 dan der spur nach / in die felle auch
 ain andre / so verlast er die auch vñ
 laufft deren auch nach. Vñnd also
 laufft er allen spüren nach vñ facht


Erst

nymt kein gwild. Also geschiche
 dir auch wen du also in deinem ge
 müt hin vñ her schmeckst vñ bleibst
 nymt auf ainem ding / du nymst
 etwas für dich das dir gefele. Nun
 wolan. du last das fallen vñ facht
 an zu beerten / über ain klaine weil
 vahest an vñ lifest / da lifest du das
 büchlin / da ain anders / vñ schwan
 ckest ymerzū wider vñ für / hieher
 vñ doithyn ye von ainem zu dem an
 dern vñ wirt nichts dar auß / das
 aber ich vñ meins gleichen also dar
 affter in den büchern schwanceln /
 warlich das müssen wir dir zu lieb
 thun / das wir es dir in amnder vñ
 ander gestalt für geben / das du nit
 vrdüzig werdest. Erwan geschiche
 es auch von fürwitz / die zwu sachn
 machen das wir also daraffter sch
 wannckeln vñ schmecken in den bü
 chern / deiner fürwitz halb / da siche
 ainer das an / da dises / allain dar
 umb das er will sehen was darumb
 sey. Es geschicht mir zum dieckern
 mal. Es ist zeit verliern was du für
 dich nymst / sprich ich / dar auff be
 leib ob es dir nit zuhanden geer. Es
 schadt nit du müst warten / nit lauff
 darumb gleich daraffter schreyen
 vñ gellen / es war dann das dir die
 gehorsame das gab / die ding hond
 alle vñnderscheid / yetlichs stücklin
 das ich sag / bedörfft ain besondere
 predig Ich kan dir es nit alles ains
 mals sagen. Nun sprichst du. lieber
 got / ich wölt gern spinnen / ich kan
 es nit Ich will dir sagen / es schadt
 nite du müst es lernen / die junnigen
 kinder wiewol sy nie künden spinnen
 dannocht müssen sy spinnen / darub
 das sy lernen / vñ sehen sy vatter vñ
 mütter lieber spinnen dan die groß
 sen töchtern die wol spinnen künden
 es steet inen baß an. Thū du im als

Hör dich

man den selben kindern thüt / die müter sprichet erwan zu ainem sollichen kind . Nun wolan . sprichet sy / spin so wollen wir zwäheln darauß machen / vnd bindet im erwan stro oder böß werck an die guncel / vnd dasselb garn treget man dan an ain ennd erwa hin vnd machet zwäheln darauß / daran man die hend erückt mit Also thü du auch / weñ du es nit kanst / so solt du danoch nit auff hören spinnen / das ist betrachten / vnd ob du joch nit erlangst das aygen end d betrachtung / das ist das dir das hertz nit bewegt wirt / die bewegung des hertzen ist das aygen end der betrachtung / so hastu wol gehört ob du joch dasselb nit erlangest / so erlangest du doch ain ander end das dir erwan nützer ist / Was erlang ich / sprichstu . das erlangest du / das dir dein sünd dardurch vergeben werde / das ist das ain . Item du verdienst auch die ewig seligkeit / Die zway end erlangest du damit / vn darumb solt du es nit gleich lassen fallen ob du joch ain stund oder zwo gang kalt vn rouch beleibst ob ob dir joch das hertz gantz nit bewegt wirt / das du das aygen ennd gantz nit erlangest / das du also roch darvon gach . Nie laß dich verdriessen / du hast nit vergebens gearbeit / sach es zum dickernmal an zu lest lernst du es doch / du waist wol weñ die kinder lernen spinnen so sitz ent sy vnd draen vnd draen vn müßs ains die spinndel offte xv . oder xxx . mal schlagen / ee das es ain faden spinner . Ain fraw die wol spinner kan die spint in ainem schupff ain faden Sy nympt die spindel zwisch en die hend vnd fert ains mals dort außhin mit der spindel vn spint ain fadn ich waiß wie lang heraußher

Also geschicht dir auch . Nun wol an . du setz dich an ain ort erwan / vn wilt dich einkern / du nympt erwas für dich zu betrachten / du kerst allen deinen vleiß an vnd sitzest vnd syinst / vnd wirt dir bitterlich saur . Du fellst ymerzu ab / es will nicht naher gon / laß dich nit irren / gang für vn für / weñ du es morgen aber ansachst so wirt es ainwenig besser vnd also ye von tag zu tag / so gewonest du sein bis zu lest gut garn darauß wirt / laß dich der arbeit nit verdriessen / lob got den almechtigen / das er dir hat geben zeit vnd weil im zu dienen das du nit darffst an der kuder guncel spinnen / das ist / das du nit darffst mit weltlichen sachen umb gon / du wöltest dann das selber thün / zerlest du es hinein vnd machest dir selbs ain affenspil im kopff / warlich du müß es haben Es ist sichst du also weñ du erwan bey dir selbs sitzest vnd machest dir selber ain guncel spil vor / vnd gedennkest in die welt / an zeitliche ding / an hüpsche klayder / an güte / an zeitliche eer / vnd sprichst haymlich in deinem hertzen / Ach was hab ich mich gezigen / war ich in d welt so het ich was ich wölt / war ich in d ee / so war ich also vnd also gehalten war mir dan so wol so het ichs wol geschafft / weñ der man haym kommet so stinckt im dan das maul von wein / so herest erwan drey oder vier rotholben umb dich lauffen / wäre dir dann so wol auffgeholfen / vnd weñ dieselben eesrauwen gern wolten got dienen vnd sich mit gott bekümmern so müßen sy dem man gehorsam vnd vnderredig sein . Ich wölt dir wol darvon sagñ / aber es gehört nit daher . Nun wolan . Ich gang zu weit auß dem weg / ich hee



Willen darvon zusagen das solt je
 mir glauben/ Wa was ich daran/
 Ja ich was an d wollen/ vñ an der
 flachs in gunckel/du solt sprich ich
 dein vleiß an kerem/ wenn du es ain
 weil getreibst/ so wirt doch etwan
 gut garen darauß/ alls du gehörte
 hast. Will es dir aber über ain nit
 geraten/ so thū als die jungen töch-
 tern erwan thünd wenn die mütter
 nit dahaym ist/ vnd wenn die mütter
 haym kompt vnd sy nit gespunnen
 haben/ so fahen sy an vnd wainen/
 Also thū du auch/ wenn du also sitzst
 vnd dir dein hertz nit will bewege
 werden mit allen deinen arbeiten/
 so sach an vñ erbarm dich selbs/ vñ
 gedenc/ Ach got wie bist du so ain
 armer mensch/ das dich die ding al-
 le nit bewegen wollen/ wie bistu so
 ains herten hertz/ wie bistu so gar
 verwüß in deiner seel/ alle krefft dei-
 ner seel seind doch ganz verhor in
 den grund hinein/ O wee got wie
 will es mir gon/ d abend gerat sich
 nahne/ die zeit ist hin/ es ist bald die
 zeit hie das ich die gespunst zaigen
 soll/ der herr kompt schier vnd will
 sehen was ich gespunnen hab/ wie
 will ich im annerwurren/ o wee mir
 wa will ich mich hin verbergen/ ich
 sich das ich seinem zorn vnd seinem
 angesicht nit entrinnen mag/ vnd
 also beweg dich selbs/ Ich wolt et-
 was güttcs/ darumb geben das alle
 closter menschen wisten/ wie so ain
 arms vnglückhafftes ding in der
 welt ist Beweg dich selbs. sprich ich
 Vnd wenn dan got der allmechtig
 siche dein vleiß/ so erbarmet er sich
 über dich/ vnd überschütet erwan
 ain solchen menschen mit genaden
 das im das hertz ganz zerfleußt vñ
 gewonet sein/ wan wenn er nun et-
 was für sich nympt/ so er nymmer

daran gedennckt so wüschte im das
 hertz ains mals hinauff/ hindenach
 kompt es darzu/ das ain sollicher
 mensch allenehalben spinnen kan/
 als die wälhin thünd/ Steckent die
 gunckel vnder die gürtel/ vñ gond
 über feld vnd auff den markt/ vnd
 lauffen vñ reden was sy wollen/ vñ
 spinnen nichts dest minder. Selig
 ist die sel die also spint an diser gun-
 ckel/ das sy ansacht zusingen das
 gesang d liebe vnd andacht in irem
 hertz/ als so erwan ain junge toch-
 ter thut/ vnd singt wenn sy über die
 gunckel sitz vnd spint/ also singen
 auch erwan die selben andechtigen
 menschen inwendig in irem herten
 Ja das sy sich auch nit enthalten
 mügen von völlin des herten/ das
 sy auch aussprechen mit gebarden/
 erwan mit hend winden erwan sunst
 mit frölichait/ das die selb mensch-
 lich freud außbricht in dem ange-
 sichte/ nach dem dan die innerlichen
 bewegunge seind/ erwan brechen sy
 auch auß mit stymen vñ mit wort
 ¶ Also hat auch gesungen die müt-
 ter sancti Angustini Monica do sy
 ain mal in der kirchen was vnder
 dem volck da rüffet sy mit lautter
 stym vnd sprach. Volemus in celū.
 Lassent vnns zu hymel fliegen. Ir
 glaubigen lassent vnns fliegen/ nit
 lassent vnns hie bleyben. Darnach
 ward sy gefragt warüb sy geschry-
 en het/ Sprach sy/ das ir hertz also
 über gossen war gewesen das sy sich
 vor d völle des herten nit het mügn
 enthalten sy müßt also ausschreyen
 ¶ Also hat auch gethon die haylig
 wittib Elizabeth/ mit der ich es an
 gefangen hab/ das ich der selb nit
 vergess. Ainest do sy in der kirchen
 was/ het sy ir angesicht keret gegen
 dem altar/ vnd het ire angen ernst-

Die dig

lich geschlagen an den alectar / das man sach das sy etwas besunders sach / darnah do sy haim kam ward sy vnmächtig / das ist / das jr geschwand / als dan ainem solchen menschen geschicht / wan betrachten vñ studiern macht den menschen krafft loß Ich würd nyendert müder dan in den armen / Sy sancck hinder sich nider / vñ jr junckfrawen aine empfieng sy / vñ lag jr also in d' schoß / die sy nant jr gespil / wiewol sy ains künigs tochter was So nennet sy doch all jr junckfrawen jr gespilen Do sy jr also in der schoß lag vñ hee jr augen geschlagen in den hymel / do sy ain klain weil gelag / fieng sy an innerlichen zulachen / Darnach schlug sy jr augen nider vnd fieng an bitterlich zu wainen / über ain weil thet sy die augen wider vff vnd fieng an inniglich zu lachen / darnach thet sy die augen wider zu vnd fieng aber an zu wainen / aber über Elaine weil thet sy die augen wider auff vñ lachet inniglich Do sy es lang also getrib / sprach sy Ja herr wiltu mit mir sein so will ich auch gern mit dir sein ewiglichen. Do sy wider zu jr selber kam / jr junckfrawen baten sy freüntlichen vmb gotswillen / sy solt inen sagen / warumb sy also geredt het Sy theten es nit von fürwitz / aber darumb das sy sich dauon besserten. Sant Elizabeth wist wol das man nit alweg schweygen soll / dan man soll nit allweg schweygen zu solchen dingen / man soll auch nit allweg klappern. Wen man ainem kind ain liecht in die hennd gibe / so stoft es gern das har daran / oder d' wind erlöschets jm / wen die junngen narren etwan etwas empfinden in in selber / vnd gleich daraffter lauffen klappern /

Ich hab gewainet vñ ist mir diß vñ ihenes geschehñ / Kompt etwan das inen got der almechtig solche gnad vnderzeücht / das sy inen nymmer mer wider wirt / es gehöret beschaydenhait darzu Aber solche menschen haben es von den gnaden gots / das sy wissen wen sy reden od schweygen sollen. ¶ Der selben menschen ains was Elizabeth / do sy jr junckfrawen also gebeeten hetten / fieng sy an vñ sprach Ich sach den hymel offen vñ sach den herren Jesum / er erzayget sich mir also gürtiglich mit als frölichem anlit das ich mich nit enthalten mocht / ich müste von herzen lachen / Darnach verbarg er sich wider / do müste ich von herzen wainen / darnah erzaygt er sich mir wider / vñ das thet er also offte / hinden nach naiget er sich gürtiglich zu mir vñ sprach / wilt du so will ich also mit dir sein / Do sprach ich die wort die jr gehöret haben. Siehst du allso ist got lustlichen bey sollichen menschen zu wonen Ja got der almechtig mag ainem sollichen menschen nichts versagn was er in bitten Solche menschen seind nützlich vñ ganzen christenhait. Sprechen etwan die thoroeten oder narrißchen menschen Ich wais nit war zu der mensch nützlich ist / er ist nyemande nützlich dann jm selber / du wais nit wem er nützlich ist Ja jr gebeet ist also hais das es etwan auch and' menschen enzünt. ¶ Also thet auch Elizabeth ain mal do sy in die kirchen wolte geen / do kam ain junnger gesell dör her getreten / vñ was gebrisen vñ zerzerret / vñ het sich außgestrichen vñ vff gemustert / als steiff als er ymmer kund Sy sah in an vñ sprach zu jm Wöchtestu auch leiden das ich got für dich bäte / Ja fraw / sprach er /

Sicht im dei
hindernach
ain solliche
ginnen Zeit
Suctem die
/ vñ god
marck / vñ
sy wöllen / vñ
inder. Sch
air die ge
uflingew
Da che in
in junck
en sy wörl
/ also sing
andechte
in rem her
nit ent
i herzen / da
ie geb
em an
selb me
in dem
innerlich
an beche
vñ mit
ngen die
Donica di
was vmb
mitr laun
mus in
fliegen
is fliegen
en. Darn
rüb sy g
as jr den
en das sy
mit her
so auß
von die
e der ich
th der
in der
he her
augen

Ich möcht es wol leiden Sy sprach
Wolan so gang in die kirchen vnd
beet auch. Er gieng in die kirchen
vñ do sy anfieng zu beeten ernstlich
für den menschen / ward dem sein
hertz also entzündt das die hitz außs
brach in dem leib / das er anfieng
zu dampffen / ye meer sy bat ye heißer
im ward / vñ im ward also heiß
das er die klayder außszoch vnd sy
von im warff / er fieng an zuschreyen
sy solt auffhören zu beeten / ye mer
er schry ye meer sy bat / hindennach
fieng er an zu wütten als wär er
schöllig vnd sprach sy solt auffhören
zu beeten oder er müßt verbrinnen /
do hort sy erst auff zu beeten / Sich
wie krefftig jr gebeet was / das es
ander menschen auch hitzig machte
das was ain starcks gebeet. Nun
wolan. Ich hett im willen ich wölt
dir den flachs zerzayst haben / vnd
die klöz vñ die äggen darauß gezo-
gen haben / das ain junnger anfa-
hender mensch künd daran spinnen
vñ wolt dir ain A b c gemacht habē
in dem ich dir den flachs gehächelle
wolt haben / vñ den staub vñ den sel-
ben blunder darauß geschütelt. Es
was men nit gar laid vmb das selb
gefört Sy werden gar oft trag das
sy nit spinnen mügen / wan sy habn
nyemandt der in die äggen schütelt
Du müßt es aber selber schüteln /
nyemant thut dir es vor. Vnd wolt
dir auch gsagt habn von den zway-
en guncckeln / das ist von der kuder
guncckel / an der selbn spint man gar
bald vil garnes / in ainet stund xx.
oder xxx. apperich / vnd von d henn-
sin guncckel / an der selbn spine man
auch nit güt garn / es ist weder güt
noch böß / es ist dir dēday / nieman
waist was das selb ist / Das ist des
rechten schachers creutz / wenn du

maynst du hanggest gar am creutz
so henckest du ain menschen daran /
wen du maynst es ganng auß göt-
licher liebe / so geet es auß mensche-
chem animüt Sy ist nit ganng böß
als die kuder guncckel / vñ noch nit
also güt als die flachs sin guncckel /
aber hüt dich daruor das es sich nit
zu weit einreis / das nit die kuder
guncckel darauß werd. Es ist auch
ain liebe die man etwan hat zu den
swestern / oder zu den brüdern / oder
zu den ölttern / oder zu andern perso-
nen / vnd du selbs maynst es sey als
güt / so vermüschet sich der schälck /
der menschen lieb daruor / fer dich
mit vleiß zu d flachs sin guncckel / das
ist das creutz Christi / vñ ist die han-
sin guncckel des rechten schachers
creutz / vñ die kuder guncckel ist des
lincken schachers creutz. Ich hett
müt ich wölt sy alle drey außgelegt
haben / aber die zeit gibe es nit / yer-
lichs bedörft aint besondern predig
Vnd wolt gesagt haben wie ain
mensch darzu kompt das er allent-
halben spinnen kan / als die wälhin-
tünd / wie ich es elich vor gsagt hab
Also ain sölicher mensch kompt hin-
dennach darzu / er arbeit / er ess / er
trinck / er thut was er wöll so richtet
er sein hertz stäts auff zu got. Aber
darumb das die erst guncckel die
flachs sin noch vil bedarf / sol sy recht
behefft werden in ain andechtiges
hertz / So will ich hinsüro weiter
daruon reden.

Die ander Predig.

Sy hat gesücht flachs vñnd
woll / vnd ire finger haben
begriffen ic. Es ist noch
wol eingedenket / als ich main / das
ich zum nechstn gesagt hab / wie die
andechtig seel soll ir selber spinnen
den mantel göttlicher liebe / vñ gab

Pre dig

darzu vrsach zu reden/die hochwir
 dig vnd vil gelobesant Elizabeth/
 der spinnen vnd jr hayligkait hatt
 vns gedienet von der guncel zu re-
 den. Diser mantel ist nichts anders
 dan götliche vnd christenliche liebe
 Wie man disen mantel spinnen soll
 Vnd was die guncel sey/vnd was
 der guncel zugehört Nun sein mir
 etliche stücklin empfallen/darumb
 will ich es kützlichen wider herfür
 ziehen vnd durchlauffen/vmb des
 willen das jrs deßerbaf verstandn
 Die guncel ist (hab ich gesprochen)
 das creüz Christi des herren. Das
 wickel das an die guncel ist gebun-
 den/ist christus Jesus vnser herr/
 warer got vñ mensch/mit aller sei-
 ner volkomenhait vnd tugent so in
 im beschloffen seind nach d gothait
 vñ menschaite/vnd mit allen gaben
 vnd genaden so er vns dan bewisen
 hat. Nun wolan So thū die augen
 auff vnd schlag sy an die guncel.
 Sich an den flachs/ich main Chri-
 stum an dem creüz Wer will gnüg
 ersehñ den weissen flachs/wer wolt
 die hārlin alle zerzaysen/wer wolt
 gnüg ersehen sein allmechtigkait/
 da zeuch ich den flachs zu nach zu
 samen Ich sprich allmechtig Er ist
 der allmechtigest/ In dem wort be-
 greiffe ich etlicher maß ain vnbe-
 greifflich güt Ich begreiff etwas/
 wan ain vnbeschloffen güt vñ das
 ist nit in got Darum muß man got
 frey lassen lauffen/du kanst got kai-
 nen namen geben der im eigentlich
 zugehört/wann was namen du im
 gibst/in dem begreiffest du etlicher
 maß ain vnbeschloffenhayt/wenn
 man spricht got/das wort got/bes-
 greift in im ain vngeschranckt güt
 Er ist das vñvmbreifflich güt/das
 vngeschranckt güt/das vñvnb-

schließlich/das vnbegreyfflich güt
 Er ist das außfließig güt/kain
 schwell mag im gesezt werden/er
 außfließt vñ überfließt all schwel-
 len Er übertritt alle schrancken/er
 mag nit vmb schranckt werden/er
 mag nit vmbrißen werden/als ain
 ding das man vmbreißt oder vmb
 schranckt/als man ain ding in sch-
 rancken beschleußt Ich kan es dir
 nit bas reütchen/ Ja er ist d hauff
 aller güthait. Selig ist die spinne-
 rin die da nit gesitz vor diser gunc-
 kel/selig ist die seel die nit gesitz in
 got/er ist mein schöpfer/er ist mein
 erlöser/die da nit gesitz in got/er
 ist mein behalter Aber er ist ain hō-
 hers dan alles/das man gedencken
 oder von gott sprechen/oder bes-
 greyffen mag/Selig ist die seele/
 sprich ich/die da nit also in got ge-
 sitzt/sonder jr gemüt frey laßt lauf-
 fen vñ vñvmbreifflich in das vñ-
 vmbreifflich güt. Nun wolan. das
 ist der flachs Sich darnach an die
 seel christi des herren/die allerhöchste
 begabet mit allen tugenden/dann
 auff das allervollkomneß Ja mitt
 den tugendñ die da im zū stond/nit
 hat er gehabt glaubñ oder hoffnüg
 Warumb. Er bedorffte jr nit/Der
 glaub geet über sich gegen dem das
 der vernunft über greiffenlich oder
 vnbegreiffenlich ist/allso das die
 gothait drey person sey vnd ain göt-
 liches wesen/das glaub ich/ich kan
 es nit begreiffen/mein vernunft
 kan sich nit so weit außgestrecken/
 Aber Jesus christus vnser herr vñ
 behalter schawet on vnderlass das
 gantz götlich wesen/darumb be-
 dorft er nit glaubñ/er sahe es/was
 du sichst das bedarffst nit glauben.
 Hoffnung die selb über sich gegen
 dem das der mensch nit hat. Ich

Die

hoff das ich verdienen/vñ mir wer den soll die ewig seligkeit Ich hab sy nitt / aber Christus in seiner seel was selig im ersten augenblick als er empfangen ward in müter leib/ Sich an darnach den allerzertesten leib Christi des herren/ der von den allerrainisten blütskröpflin gemacht ist/des juncckfrewlichen herzu Marie/ durch würckung des hayligen gaites/an stat der natur/ also das alles das/das die natur würcker/das würcker der haylig gait/ Er ist gewesen der würcker an stat des mans/ das er in dem selben leib für dich gelitten hat/ ja ainen solichen schmerzen den kein mensch litte für sein aigne seel/wer wolt sollichen schmerzen leiden vmb seiner aigen seel willen als Christus für vns gelitten hat/warlich nyemāndt. Dis sein die stücklin die mir empfalten waren. Auch sein mir etlich seid herzu gefallen. Nun wolan. Nun hast du die guncckel vñnd hast den flachs vñnd auch die woll Sich wie gar eigentlichen Christus der herre wirt geleicht der guncckel/ wann wie der flachs vñnd die woll vñnder ainander gezogen ist in ain guncckel Also woltest du gewaltig vñnd abentüerig sein/ als wöltestu flachs vñnd woll vñnder ainander spinnen So zügest du es wol in ain guncckel/ vñnd also der flachs vñnd die woll vñnder ainander gezogen ist vñnd beleibe doch yettlich in seiner art/ vñnd flachs beleibe flachs/ vñnd die woll beleibt woll/vñnd ist doch ain guncckel/vñnd wirt nitt ain natur vermische vñnder die ainander/ das ain drittes dar auß entspringet/ Alls man wein vñnd wasser vñnder ainander schütt/ so vermische sich das wasser vñnder den wein vñnd entspringt ain drittes

Erst

da/es bleibt wed wasser noch wein. Also ist es auch hie zu mercken/wie die woll vñnd der flachs beleibt/yettlich in seiner aigen art/Also sein zwo natur in Christo/ vñnd ist doch nit meer dann ain person in im/die göttlich vñnd menschlich natur/doch die zwo naturen beleibt yettliche in irer aigen art/die gottheit bleibe gottheit/vñnd die menschait beleibt menschait/ nit das die zwo natur vñnder ainander vermische seyen/das da vffgehört hab zu sein die gottheit/ oder das die menschait vermische sey in die gottheit/ das da aufgehört hab zu sein die menschait also das ain drittes entspringen sey Als man wasser vñnd wein vñnder ainander mischet/ als du vor gehöret hast Schüttest du schwarz vñnd weiß farb vñnder ainander/ es entspringe ain dritte farb/ sy wirt graw oder ainanderst/es beleibt weder schwarz noch weiß. Also ist es nit in Christo vñnserm herren. Unus omnino nō confusione substantie / sed unitate persone. Spricht Athanasius. im psalmen Quicūqz. Er ist ainer nit gemische oder geschüttet vñnder ainander als wein vñnd wasser. Nun het ich im willen ich wölte den flachs gehächelt vñnd die klöz vñnd die äggen dar auß geschüttelt haben/ vñnd do ich in ansah/ sahe ich das er ganz lauter gelochen vñnd gehächelt was Vñnd die klöz vñnd äggen all dar auß geschüttelt waren/ vñnd also clar vñnd rain an die hend bereit/das ain yetlicher mensch daran spinnen mag/ er sey wie ainfellig er wöll/ Wer hat in also gezayset vñnd gehächelt/ Es habends gethon die lieben hayligen zwelfspoten/ in den zwelfpartickeln des christenlichen glaubens Da findest du flachs/ da findest du

die woll / du findest auch da die got-
 hait / du findest da die menschaic Ich
 glaub in got Sich da den flachs / die
 erst reyßt Vater allmechtiger schöp-
 fer hymels vnd erden / gantz flachs /
 Vnd in seinen aingebornen sun Ich
 glaub in den hailigē gaist / gemain-
 sam der hailigen / ablaß sünd / als
 sampt flachs. Nun sich da die woli
 Vnd in Jesum christū der empfangū
 ward vonden hailigen gaist / geborn
 von d junckfraw Maria / gelitten /
 gestoben / begraben / auffgefarn zū
 den hymeln / abstig zū den hellen /
 am dritten tag erstünd zc. von danen
 er künfftig ist zurichten böß vñ güt.
 Sich da als sampt eytel woll / wie
 wol in diser auffart erschien auch die
 gothait. Nun wolan / sprichstu / ich
 wölt auch gern betrachten / als sant
 Augustin betracht hat / vnd die an-
 dechtig sant Elisabeth / der gespunst
 wir ain anweisung nemen diser gaist
 lichē gespunst Ich hör wol gern dar-
 von sagen / aber es geet also mit groß-
 ser arbeit zū / ich bin im zu schwach /
 ich bin noch ain jungs kind / ich kan
 nit güt garn spinnen / die finger seind
 mir noch zu waich / künd ich es von
 zū hörn lernen / das selb wölt ich ge-
 ren thun. Ain warlich du lernest es
 nit von zū hören allain Also vil ler-
 nest du wol darvon das du waist wie
 du es angreiffen solt / aber du müß
 es angreiffen. Ainer müß lang zū se-
 hen schmiden bis er ain schmid wirt
 er müß den hamer indiehend nemen
 vnd müß im lassen blatern in seinen
 henden werdū. Zum ersten fert er ym-
 mer zū nebū ab / vñ wen er ain wenig
 gewonet so schlecht er auff den anboß
 Darnach schlecht er auff das eysen
 darnach lernt er das eysen Umbvnd
 vmbwenden in der hand / vñ also von
 tag zū tag lernet er bas / vñ hindenach

das es im gantz nicht zuschaffen gibe
 vñ also wirt ain schmid auß im Also
 müß du auch thun / ob dich der wind
 zum ersten rauch an waet des müß
 du nit achten / daher kompt es sichst
 du / das du zū nympt / du hast den fe-
 lir vñ den bernhart / vnd den vnd den
 gehört / vnd hast sy all gehört vñ bist
 eben heür als ferd / du bist ain jar im
 orden gewesen vñ bist noch eben als
 des ersten jars do du in das closter
 kamest. Nun wolan / Ich ganng zu
 weit auß / doch ligt nit vil daran ob
 ich nit gleich in der ordnung beleyb.
 Nun wolan. Nym die gunckel für
 dich vñ sach an vñ spin / das ist / be-
 tracht / aber ich sprich betrachte / ich
 sprich nit gedencē / wañ anderst ist ge-
 dencken / anders ist betrachten / das
 haist gedencē / da ain mensch lang
 an ain ding gedencē. Aber das haist
 betrachten / da ain mensch etwas für
 sich nimpt vñ griblet hinein ernstlich
 mit der vernunft / vnd zwingt sein
 gemüt darzū mit grosser arbeit. Nun
 wolan. Sach an vñ spin / das ist / be-
 tracht / was spricht die andechtig seel
 Ich glaub in got / spricht sy / bist du
 mein got / das best güt / warlich so ist
 es billich das ich dich liebhab / vnd
 will mein hertz nyemant gebener trō
 mirs dan ab / als ainer bösen frawer
 die ain man herder jrs abtrōet das sy
 in liebhaben müß so sy es schon nit
 gern thut / wil ich mir mein lieb also
 lassen abtrōen / warlich so ist nyemā
 der mir grausamlicher trōet dan der
 prophet am vij. Psalmen. Nisi con-
 uersi fueritis / gladium suum vibra-
 uit zc. Es sey dan das jr beker wer-
 den so hat er sein schwert geschöp-
 fet / das jr lassent eür wer thohaye /
 Es sey dan das jr ewer hertz zū mir
 keren / das jr mich liebhaben so hat
 er sein schwert geschöpfer da er mit

durchsticht leib vñ seel / das ist / züfü-
gung ewiger verdammuß. Nun wol
an / das ist die erst reyß Ich glaub in
got (spricht die andechtig seel) meer
Vatter allmechtigen Bist du mein
vater / vñ bist got / wie hab ich so ain
reichen vatter / der mir in allem dem
gehelffen mag das mir anligt / hab
ich so ain edlen hohen vater / bin ich
so ains grossen herzen tochter / was
zeich ich mich dan selb / das ich mich
selbs also schnöd halt / das ich also
kain mach mein adel / das ich also
meiner eeren vergifs / ich mach mich
aller welt gemain / ich sitz in den weg
en / nyemant versag ich mein hertz /
Allem das da anklopft hün ich auff
Ich gib stat allen liebhabern / allen
büben / ich las mich beschlaffen / ich
las mich enteeeren / alles das da kom-
met das findt herberg bey mir / mein
hertz ist ain gasthaus / alles gestübt
das da fleügt / das geet da auß vñnd
ein / vñnd ob ioch mein hertz nit bekü-
mert wär mit bösen wüsten gedanc-
en so bekümers ich doch mit narreten
dingen zu gedenccken / die da niender
für nütz seind Herr ich will mich zu
dir keren / ich will meinen adel anse-
hen / ich will mich selber zu güte dar-
zu geduncken / das ich mit der thoz-
hait vmbgang / ich will im zu stoltz
sein. Ach merck was das ist / das
ich dir da sag Es ist gemain so sy ko-
men in das geschwert / das ist / wenn
sy erwan glorijeren in der thozhait /
das sy sich berümen irer freünd vñnd
sagen den von grossen eeren / von gross-
en gütern / vñnd liegen oft gar starck
dartzu Ach mein müterlin ist so lang
nit bey mir gewesen / vñnd mein vater
vñnd mein brüder / vñnd ist angst vñnd
norda Lieber was bedarffest du ir /
was gond sy dich an / was hast du mit
jmen zuschaffen / haben sy dich auß

gestossen als ain reüdigen hund / vñ
als ain pffisigs hün / das man ainem
haylgen gib / wär ich in ainem solli-
chen closter / ich wölt alls stoltz sein /
ich wölt mich ir schämen / vñnd kompt
erst vñnd glorijerst in jnen / nit sprich
ich / das das dein mainung söll sein /
got soll dein maynüg sein / es schade
aber nit das du das zuhilff nympt /
es schade nit das du mit dem puluer
schüssest / lüg nur das du ain recht
stain schießest / das ist / das es in got
geender werd / das got dein entliche
maynüg sey / da erwan ain stoltzhait
der natur in dir ist / so keer es daruff
Wilt du gern so far neben auß in das
Vater noster / vñnd spñ ain apperich.
Vater vnser der du bist in den hym-
neln. Bist du mein vater / billich ist
es das ich dich vor augñ hab / das ich
dich fürcht als mein vater / warüm
wolt ich nit deines willens pflegen /
warüm wolt ich dich nit von her zu
liebhaben / seid du mir gñneß / vñnd
ich dich gedar nennen / vatter / wer
wolt gedüren sprechen / vater vnser /
es wär dan das es vns Christus der
herr selbs gehaißen heet. Sprechent
Vater vnser der du bist in den hym-
neln Oremus preceptis salutaribus
moniti ꝛc. audemus dicere. singe der
priesster in der mess / in der prefacion
Vns ist gebotten auß gödlicher auff-
sazung / das wir mügen sprechen /
Vater vnser ꝛc. Wilt du gern so far
fürbaß. Der du bist in den hymneln.
Herr ist dein wonüg in den hymneln /
wahin soll anderst mein belangñ sein
dan dahin da du bist / nit soll ich mein
gemüt lassen rüen auf disen zeitlich
dingen / sonder alles mein gmüt soll
sich dahin richten da du bist. Gehay-
liget werd dein nam Herr hilf dz dein
nam in mir gehailt werd Herr hilf
das dein nam in mir gelobt vñnd ge-

Die dig

lobt vnd geere werde/ das er in mir
 clarificieret werd/ das ich in groß
 mach **N**ic mag ich dich groß mach
 en/ aber hilf das ich dich groß acht
 Also solt du dich gewänen/ wenn du
 hörest got nennen / das ain erwir-
 dig forcht in deinē hertzen aufgang
 Hilf mir herz/ das dein nam also in
 mir gehailget werd/ das er groß ge-
 schetzt werd in meinē hertzen/ nit al-
 lain in meinem hertzen/ auch in den
 hertzen aller menschn. Vnd sar für
 vñ für das ganz Pater noster. auß
 wiltu gern/ es güt geletch/ du müst
 nit als eben das betrachten/ das ich
 dir sag/ Ich gib dir nit meer dann
 ain zaichn wie du im tün solt. **N**im
 für dich was dir am aller annützig-
 sten ist/ das du nit in den agnen be-
 leibest/ Glaub mir/ es ist der recht
 weg/ wenn ain mensch waist das
 er ist auff dem rechten weg/ so geet
 er offt auff dem rechten weg wenn
 er über feld geet/ in bedunkte wol es
 sey d recht weg/ bekompt im erwan-
 ainer so spricht er zu im/ Lieber ist
 das der recht weg dahin/ wahn er
 dann will. Spricht er/ ja es ist der
 recht weg/ gang frölich hin/ so get
 er noch frölicher dann vor. **E**s ge-
 schicht das ains etwas list in ainē
 büch/ wenn es von ainem andern
 hört/ so geet es noch als tieff in das
 hertz als sunnst. **N**un wolan. was
 spricht nun die andechtig sel. **S**chö-
 pfer hymels vñnd erdrichs. **H**erz
 warumb wolt ich dich dan nit lieb
 haben so du mich also groß schetzst
 das du mir alle creatur nun zu lieb
 geschaffen hast/ das sy mir dienen
 sollen/ Du hast geschaffen hymmel
 vnd erden/ sonn vnd mon/ den lufft
 vnd das wasser/ die vōgel des hym-
 mels vnd die thierlin auff dem erd-

trich/ nit allain das ich ab inen vee
 wundern soll/ das sy mir seyen staf-
 feln an den ich auffgeen soll in die
 vnsichtigū ding/ sonder das ich sy
 auch niessen vñ brauchū mag nach
 meiner notturfft/ das ich sy nit al-
 lain brauch/ das sy ander menschn
 mit mir brauchū/ das mir die sonn
 nit allain schein **H**erz das selb hast
 du mir zu lieb gethon/ das mir die
 weil dester kürzer wäre/ was wole
 ich allain auf erdrich tün/ du hast
 andre mensche auch geschaffen mir
 zu trost das mich dester minder ver-
 diefs **H**erz das sy mir bürdlich vñ
 schwär seind/ das sy mir widerwer-
 tig seind/ dasselb ist meiner bosheit
 schuld/ es ist meiner vnart schuld/
Herz die schuld ist nit dein/ also ant-
 wurt dir selbs/ wenn es dir einfele
 fürbas **E**W in Jesum seinen ainē
 gen sun vnsern herzen/ da magst du
 das ganz ewangeliū herein ziehen
 Gedencet wie der mensch ist worden
 vmb deinen willen/ vnd im dannck
 sage. **O** herz jesu hast du mir solche
 ding gerhan/ so du bist das vatters-
 lich ewig wort/ dz du dich also hast
 gedemütigt vnd bist mensch worden
 Gedennck darnach/ wie er geboren
 ward/ wie er ain kinndlin ist gewe-
 sen/ wie er gepredigt hat/ was er ge-
 litten hat/ vñnd das gantz ewan-
 gelium auß/ **N**ic sprich ich/ das du
 dardurch sechten solt/ das du vil be-
 trachten solt/ was dir das hertz al-
 lermäist bewegt/ darauf beleyb/ du
 kompst vñnd sprichst/ Ich hab das
 ganz leiden vnser herzen auß vnd
 auß betrachtet/ Du hast es wol ge-
 schafft/ du bist müd im kopff worden
 anders hast du niches darvon ge-
 bracht. **N**un wolan/ das ist die erste
 reist/ **N**ym den fünfften auch her
 für vñ zerzais in auch/ was sprichet
 b

vnser spinnerin. Ich glaub in den
hailigen gaist/die hailigen christen
lichen kirchen/gemainsam der hay
ligen// Was gemainsam der hay
ligen/Gemainsame der hailign ge
schrieffe. Herz ich danck dir das ich
mag geen über den tisch der haylig
en geschrieffe/ vnd da gespeist mag
werden/ vnd ander menschen auch
leeren. Bist du ain priester/ bist du
kainer/ Herz wie kan ich dir ymer
meer gnüg gedanken/das du mir
günnest/ so reichlich/so überflüssig
zu hören das wort gotes/in dem ich
vnderweisen vnd geleert mag wer
den/ was ich thün vnd lassen soll/
das manichem menschen so frembd
ist/ der da geren recht thät/ ettwan
in grossen stetten da groß manngel
ist an dem gotswort ꝛc. Als zu **V.**
vnd zu **VI.** vnd in vil andern stetten
Da steet ainer am morgen auff die
Cangel vnd verkündet die tag/dar
nach bringet er ain langen zedel vñ
verkündet die todten/ vnd weeret
weiß wie lang/ da verkündet man
die banbrieff/den blunder/vnd also
geet die stund hinweg/so leüt man/
da ist es auß. Nach ymbis/ da karr
man/ da geet man zum wein/ also
geet es/ Sy sprachen zu mir wie sy
im thün solten/do sprach ich/es tüt
der pauren hochfart/vnd der pfaf
fen geitigkeit/damit verantwurt
ichs/herren die mensche daselbst nie
mer dan die lere/ der jr maslaidig
seind/ es schüff ainer ettwan groß
sen nutz daselbst/ so wir hie ymmer
dar anhin gond/vnd wirt nichts
darauf/ Ja sprichst du/es ist doch
etwan ains darunnder an dem es
frucht bringe/des walt got/es wär
en dort etwan hundert Nun wolan
Gemainsam der hailigen geschrieffe
Was meer. Gemainsam der hailig

en sacrament/ des Sacrament des
tauffs. Herz gelobt seyest du ewig
klichn/das du mich hast lassen wer
den ain christenmenschen/ das du
mich hast lassen geborn werdñ von
christenmenschen/das du mich nitt
hast lassen geborn werdñ in der hay
denschaft/ da ich in dem vnghaubñ
verdorben war ewigklich Herz got
wie kan ich dir ymmer gnüg danck
sagen/ das du mich hast lassen kom
men zu dem hailigen Sacramente
des tauffs/wie vil seind der/die da
verschayden in mitter leib on den
tauff/vnd deines angesichts berait
bet werden ewigklichen. Herz was
hab ich dir fürbas geton meer dan
dieselben menschn/ wer hat es vmb
dich verdient/ wañ ich mocht noch
weder güts noch böß gethün/ Nitt
allein hast du mich ain christenmen
schen lassen werden/ sonder du hast
mich außersesen vñ außerswelt auß
andern menschen dir zu dienen/ du
hast mich gezogen in ain closter/du
hast mir geben zeit vnd stat dir an
zuhangen/ das manigem menschn
theür ist/ der dir gern dienen wölt/
geren sein herz mit dir bekümmern/
so hat er weder zeit noch stat darzu
Vnd also ernider dich selbs/wenn
dir die zeit zulang will werdñ/vnd
dich verdriessen im closter zu sein/
Es ist sichst du/wenn du vrditig
würdest ob der guncel/du bist der
guncel müd worden/du vermagst
dich jr nitt meer/ facht an/ an der
kuder guncel/an der selbn guncel
hast du gar bald vil aprieh gespun
nen/in ainer stund xx. oder xxx. das
selb garn zaige man dann am frey
tag vnd sambstag Bracht dan der
beichtherz das sein auch darzu/so
würd auch etwas darauf/so hasp
elten wir es vnder ainander/du

Pre dig

darffest dich darumb nit schämen/
 das du im closter bist / du bist dan
 noch ain mensch / wärn ainem alle
 gebrechñ darumb abgenommen wēñ
 es in ain closter geet so würd naht
 die gantz welt gayslich / aber du
 müst dich jr erwerben / vnd mit jnen
 streitten / du würdest jr in aym tag
 müd mit jnen zustrreiten / darumb
 bist du da / es ist dein arbayt die du
 zuchün hast / darumb hatt dich got
 als ain besonder klainat außser welt
 vnd als ain getreüwen haymlichen
 freünd / Ain künig oder sunst ain
 grosser herr hat zum ersten vil dien-
 er / als sein gemain diener seind / es
 ist ainem ain grosse eer das er ains
 künigs diener ist / Darnach hatt er
 auß den selben / die sein sonnderlich
 diener vnd rath seind / als die Gra-
 fen vnd Ritter / es ist jnen noch ain
 grössere eer / auß denselben hat er ee-
 lich die jm besonder haymlich seind
 Sy seind sein allerhaymlichest rat
 denen er all sein haymlichkeit ver-
 trawet / die da tag vnd nacht bey
 jm wonen in seinem haymlichen ge-
 mach / als in seiner kamer / wär nun
 der nit ain grosser nar: den der herr
 erwelet das er bey jm wonen solt in
 seinem gemach / vnd solt in des her-
 ren kamer sein / vnd er sprach / nain
 ich mag nitte bey dem herren sein in
 seiner kamer / ich bin lieber bey den
 pferdē in dem stall / yederman sprā-
 ch / er wär ain nar: Nun wolan.
 Wir seyen alle von dem hofgesind
 gottes des allmechtigen / wir seyen
 Christen / es ist vnns ain grosse eer /
 Got der allmechtig hat vns beson-
 derlich außserwelet auß aller welt /
 vnder den hat er etlich die seind be-
 sonder sein rath / als die gaislichen
 priester schafft / vnd ander gaislich
 personen / vnder denen hat er etlich

besonder erwelet auß allen menschn
 Als die denen er sein besondersten /
 allerhaymlichsten rath offenbaren
 will / vnd sein haymlichs gesprach
 mit jnen haben / das seind die in den
 elöstern / die hat got besonderlichen
 außgelesen / als die kostlichen mar-
 garithen / des solt du got von hertz
 en dancken / zum dickern mal / dan-
 noch was besonnder gnad dir got
 gethon hat für anndre menschen /
 yeelichs nem sein tail für sich / es ist
 selten ain mensch es hat etlich gnad
 vñ gaben von got empfangen / oder
 got hab jm etwas besonders gutat
 gethon / die er ainem andern men-
 schen nit geton hat. ¶ Gemainsam
 der hailgen Sacrament / wölicher
 Sacrament / des sacrament des al-
 tars / du hast die gunckel mitt der
 gunckel / du hast den flachs mitt der
 wollen / will dir dan nit genad wer-
 den so wais ich nit wa sy dir werdñ
 will / will dir dan nitte genad werdñ
 in dem brennen / wie will es dan dir
 werdñ an dem runf. Gemainsame
 darnach der hailigen weyhen. Bist
 du ain priester des neüwen taufts /
 vnd s andern hailigkeiten / die vns
 got der allmechtig auff disem erd-
 trich gelassen hat zñ erzuey vñ hilf
 wis den bösen gaisst / als das weich-
 wasser / der priesterlich seggen / vñnd
 desgleichñ. Nun wolan. das ist ge-
 mainsam der hailigen Sacrament
 zc. Was meer / gemainsam der hai-
 ligen / der hailgen in s ewigen selig-
 kait. Herr ich lob dich das du hast
 geschaffen da so vil hailiger engel /
 das sy mir dienen sollen / vnd mich
 beschirmen sollen auf disem ertrich
 mit denen ich niessen sol dein ewigs
 götlichs wesen / vnd die lieben hay-
 ligen in ewiger seligkeit / zñ den ich
 zñflucht mag haben / wann ich in
 b ij

fünd fall vnd sy anruff das sy got für mich bitten / vnd besonnderlich die künigklich mütter Maria. Gemeinsam darnach der hailigñ auff diesem ertrich. Herz ich lob dich das ich mag tailhaftig werdñ alles gütten das die chriſtenlichen menschen thun auff diesem erdtrich. Nun wol an / das ist gemainsam der hailigñ. Ablass der sünden. Herz wie kan ich dir ymer gnüg gedancken das du mir souil grosser sünd hast vergigē das du mir so güttlich überschen hast / vñ mein so lang gebitten hast das du mich nit hast lassen gächlin gen sterbē in mein sünden / in denen ich ewigklichñ verdoiben war / sonder du hast mich lassen zu reuē vnd büßs kōmen. Nun seind vil der menschen die verderben in iren sünden / die da nit als vil sünd haben gethon als ich / denen nymer in ir herz kōmet das sy sich bekeren / du sindest gar manigen menschñ der da gar offte gedenckt / ach du soltest dich bekeren / ach herz vnd da hast du mir geben das ich mich offte von herzen zu dir bekerē hab. **E**rstend des fleischs / vnd das ewig leben. Herz got ich lob dich dz du mich beschaffen hast zu ewiger seligkeit / das ich sollich groß güt niessen soll ewigklichen / vnd also betrachte für vnd für / zeich du es weitzer auß / stand darauß / als es dir diener / ich gib dir nit mer dan ain anweisung wie du im thun solt / got gibt genad in disen dingen / vnd gewän dich also das du dich künndest einkerē vmb vnd vmb wa du bist / nit das du allwegen in den büchern müßest lesen. **I**n wen dir ain lauß über die leber ist gelaußen / das du allwegen den beichtuater damit betriebeß / mach dir selbs ain büch in deinem kopff /

Nit sprich ich / das du nit in den büchern lesen solt / **N**ain das verbeit ich dir nit / du solt dich aber nit gewānen das man dir alweg müß ain büch für heben / trag es im kopff / das ist dir wol besser. **N**un wol an. **N**un habe ir die ersten gunckel / ir habt gehōret was die gunckel sey / vñ wie man daran spinnen soll. **N**un seind etlich sachen die da irren vnser jungen töchtern das sy nit spinnen mügen / sy mügen nit ob d gunckel beiben / vñ das alle welt daran gewent war / vnd dasselb will ich hernach melden gib mir got genadñ.

Die dritte Predig.

y hat gesücht flachs vnd woll / vnd ir finger zc. **I**r habt gehōret wie die andechtig seel spinnen soll / vñnd was die gunckel / vnd der flachs sey / die gunckel / sprach ich / ist nicht anders dan das creüz Christi. **D**er flachs Jesus christus vnser herz / mit allen seinen volkōmenhaiten so in im beschloßen seind nach der gotheit vnd nach der menschait / vnd wie der flachs vñ die woll vnder ain annder gezogen ist in ain gunckel / **A**lso seind in Christo vnserm herren zwo natur / die gotheit / vñ die menschait / verainiget in ainer person / also das wir züscreyben d gotheit die menschait / vnd d menschait die gotheit / **W**ir sprechen / got ist mensch / vnd sprechñ / der mensch ist got. **W**ir sprechñ / got hat gelieten / got ist gestorben / ja nach d menschait / nit nach der gotheit / wir sprechen / christus vnser herz / der mensch hat geschaffen hymelreich vñ erdtrich / ja nach der gotheit / nit nach der menschait. **D**ie jung tochter adoleſcentula / die da spint an d gunckel ist die andechtig seel / vñ gar aigen

Ihre dig

lichen wirt sy zü geleicht ainer spinnerin / wie sich haltet ain spinnende frau also haltet sich auch die beträchtend seel / etwan so singt sy / wie sy dan in irem hertzen geschickt ist / also ist auch der gesang / wie der gezeüg ist / also tünd jr auch / schlechtf du an ain glocken / sy gibt iren don schlechtf du an ain kessel er dönet anderst / schlechtf du an ain bley / es gibe ainen wilden don ꝛc. Ad propositum. Nach dem vnd du geschickt bist in deinem hertzen / also seind dein gebard von aussen / nach dem seind deine wort / nach dem singstu auch Du sprichst offte zü ainer / warumb redest du / warumb singst du / was soll dir das singen / was soll dir das reden / lieber was wilt du dar aus machen / es ist des gezeügs / es dönet nit anders dan wie der zeüg ist / also ist auch der don / sy rütteln jr aigen nest als ain specht d' junge hat / etwan so bickt er / vñ bickt ymerdar mit dem schnabel in das nest / vñ verrüttelt also sein aigen nest / wenn man dan hört wo das nest ist so kommet man vñ nimpt im seine jungen auß. Also verrütteln die jr aigen hertzen / an den aussertlichen geberden merckt man was im hertzen steckt / wie sy geschickt seind von innen / es falet selten / wenn der sack nass ist so seind die spreüwer feucht. Nun wol an. die dreü begegnen vnser spinnerin ob der guncfel / etwan so singt sy / etwan so nahtet sy / etwan so entschlafft sy / etwan so würfft sy die guncfel gantz von jr hinweg vñ laufft an die fenster. Selig ist die seel die da also sitzet vor diser guncfel die ire augen also krefftiglich hat geschlagñ an disen flachs / von wölllichem ansehñ jr hertzen bewegt wirt zu singen das gesang der andacht /

von wölllichem bewegen vnd völler hertzen sy sich nit enthaltē mag sy müß aufwagen / etwan mit wortten oder vngewonlichem erzaygen vnd gebardñ / es ist etwan ain hertzen erspringē das da außbricht in den leib vñ mag doch nit gewarter werden / wann die begird ꝛc. Das seind die bewegung des hertzen / müßgen nit mit wortten außgesprochen werden Du kanst wol gesagen was du gedenkst / aber wie dir dein hertzen bewegt wirt dasselb kanstu nit mit wortten aussprechen / Ain mensch spricht oft / mir ist wee / ich weiß nit wie mir ist / spricht ains zü im / wie ist dir / es spricht Ich kan dir nit gesagē / mir ist gantz vnrecht / aber ich weiß nit wie mir ist / also künden die selben nit sagen wie men ist / es ist ain außbrechende freud / die nennen die hayligen leerer Jubilum / Selig ist die seel die da also ire augen hat gehefft an dise guncfel / vor wölllichem ansehen sy verformiert wirt von den lastern in die natur / von d' natur verformet wirt in den glauben / von dem glauben verformet wirt in ain schawen / von ainē schawen in ain clares ansehen / das wirt dort werdñ in ewiger seligkeit Sy wirt verformet sprich ich / von den lastern die sy überkommen hat durch böse werck in die natur / du hast gewont bey dem knecht in dem hauß mit ainem löffelholz / mit ainem gesunden Johanes / du bist zü dem tanz gangen / du hast hüpsche klayder gerragen / da hast du dich der vnd der freuden genietet in der welt / wiewol es dir laid ist / wiewol du es gebeichtest hast / / danoch beleibet dir in hertzen stecken /

b iij

Die 111 111 Dritt

vnd dieselben zotterst du mit dir in
das closter hinein/ was du thust so
ligt dir das im kopf/ du kanst nichts
darvor geschaffen/ wilt du beeten/
oder was du thun sole so kompt dir
ymmerdar für/ vnnnd kanst sein nit
ledig werden. Wenn am pferde ledig
wirt von dem barn/ so es sich schon
wol von dem barn abzerret/ nichts
destminder lege im die halffter hin-
denmach/ vnd mag man leiche hant-
men so fache man es wider/ Also
wiewol vns die sünd vergeben wer-
den noch dannoche hangt vnns der
blunnder ymerdar nach/ das seind
die nachwee vñ die affterschlag vñ
das leggelt das vns die sünd last zc
Nun wolan. du fachtst an vñ vnder
steest dieselben bösen gewonhaitten
außzureitten/ mit grossen strengen
hörten übungen/ mit vassen/ mit
wachen/ mit disciplinen/ mit arbay-
gen/ darumb soll man die junngen
kind nit gleich über ain heußlin las-
sen sitzen/ es wirt nichts güts dar-
aus/ es muß vor erübt werden/ es
thut sein sunst nit. Nun wolan. so
du dich nun lang geübt hast/ als ich
dir gesagt hab/ von tag zu tag mü-
dert sich die böß naigung in dir/ es
müß aber warlich mit stäter übüg
zu gon/ vnd mit ernstlichñ starcken
gebeeten/ es wirt sunst nichts dar-
aus. Nun wolan. wenn du dein fleiß
ankerst so kompt es doch hindenach
darzu das dir dein hertz erleüchtet
wirt in etlicher maß das die dinng
dir dein hertz nit meer also hart be-
trüben/ es bekümert dir dein fanta-
sey nit meer also hart. Nun wolan.
Die natur steet nun frey in irer art
Ich main nach der vernufft durch
die der mensch entschayden ist von
allen andern thieren/ nit ist er als
ain vich. Nun lüg wa wir daran

seyen in geystlichem leben/ Souil
jar bist du im closter gewesen mit
souil grosser strenger übung/ vnd
bist erst verformet in die natur/ du
hast die dinng abgekert damit die
natur behengt was/ die natur steet
frey Sy mag sich keren wa hin sy
will/ du bist aber noch nit verforme
in den glauben/ das ist/ die ding die
den glauben antreffent/ herzigent
dich noch nit/ die hell will dich noch
nit erschreckē/ als das dir dein hertz
darvon erschüttern/ erzittern oder
erbidmen vnd erschreckē/ Ewige sel-
ligkeit will dich verlassen/ got will
dir noch nit annütig sein/ das hertz
will dir noch nit aufgon/ wenn man
dir sagt von ewigen dingen/ als es
dir erwan thet gegen weltlichen sa-
chen/ du waist wol wie dir erwan
was wenn man dir sagt von ainem
rang/ der da erwan auff ainer stu-
ben sole werdñ/ das blüt begund in
dir zu syeden/ du mochtest nit an
ainer stat beleyben Kurtz/ so was
das gang hauß wolauf vñ darvon
Nun sprichst du/ lieber got/ wie sol
ich im aber thun. Du solt dich zum
dickern mal geben auff ernstliche
betrachtung des leidens vnser
herren/ oder auff etwas anders
was du dann im glauben findest/
das dir allerbast dienet. Ainem die-
ner diß/ ainem andern ain anders
Ob es dir nit gleich zuhanden geet
darüb erschrick nit/ ob du ain weil
law vnd kalt bist/ laß darumb nit
ab/ es müße geübt sein/ es geet dir
warlichen nit selber ein/ wenn dan
got der allmechtig deinen fleiß siche
so kompt er dir zuhilff/ das dir die
ding annütig werdñ/ vnd von tag
zu tag beweget es dir dein hertz ye
meer vñ ye meer das du begerest
in deinē annüt/ so fahest du dein an-

DIE DIT

müß zu werden / vñ dir vnſchmack
 haſtig werde alle zeitliche ding / du
 achſt ir ganz nit mer man th was
 man wöll / man ſinn man ſag / es
 gibt dir gar nichts zuſchaffen / alle
 weltliche freud iſt dir ain bitterkeit
 Nichts iſt dir frölich dann das got
 antriſt / Kurz / du nimpt nichts
 war dann got vnd dein ſelbs Vnd
 ain ſollicher menſch iſt allen men-
 ſchen ain narz / wenn er geet etlich
 er maß eingezogen / alls aines dem
 diſe irrdiſchen ding frembd ſeind /
 ſoll es mit zeitlichem geſchefft vmb
 gon / es ſteet im überzwerch an / ſoll
 es an dem rad hinauß reden es redt
 etwas diſam daher / es geet im nit
 alſo geſchliffen her auß / es geet vñ
 der den andern anhin / es iſt ir aller
 geſpöc / lüg ſprechen ſy / was will
 die neüwes anſehen / vnſer conuent
 iſt alſo lang geſtanden / es ſeind ſo
 vil gütter alter ſchweſtern binnen
 geweſen / wir haben des gerimmels
 vnd des geferts / vnd des lebens nie
 meer geſehen / vnd iſt die karz grofs
 vnd auß dermaſſen grofs / aber ain
 ſollicher menſch achtet der ding nit
 vil / wañ warumb / er hat ſein hertz
 annder wo. Nun wolan. Du biſt
 verformt in den glaubn / vom glau-
 ben wirſt du verformt in ain ſchaw-
 en / das iſt / das du dein ſelbs vergif-
 feſt Nit allain vergiſſeſt du der zeit-
 lichen ding / ſonnder du vergiſſeſt
 auch dein ſelber gang / alſo das du
 nichts vmb dich ſelber wiſt / wann
 es ſchweigen vnd werden in rñ ge-
 ſetzt alle auſſerliche ding / man ſing
 man red / die glock ſchlag / man klo-
 pffe / man leüt / man thü was man
 wöll / du wiſt nicht darumb / wañ
 das gemüt iſt außgezogen vñ vmb
 gebn mit dem allerbeſten gü / was
 iſt es wunderen / wenn die ſeel allſo

ſtzt vor diſer guncel / vnd alſo auß
 ſicht diſen flachs / das iſt / ſo ſy got
 begreiff / als iren ſchöpfer / als iren
 vatter / wenn du gedencſt das got
 dein ſeel / vnd mein ſeel / vñd aines
 yeden menſchen ſeel lieber hat dann
 kain vatter vnd mütter ir kind ye
 gewan / was iſt wunder / ſprich ich
 das ſich das hertz zerdönet vnd zer-
 flüſt / das ſy anſacht zuſingen ir
 irem hertzen das geſang der liebe.
 Cantate domino canticū nouum.
 Pſalmo xcviij. Singent dem hertzen
 ain neüwes geſang / Was iſt das
 new geſang. Es iſt das geſang der
 liebe / Was iſt das alt geſang / Es
 iſt das geſang der forche / do got
 der allmechtig die zehen gebot gab
 in den ſtainen tafeln in der alten ee
 Er gab ſy mit groſſem donnſchlag
 mitt blizen vnd mit hageln / er gab
 ſy mit grawſenlichem tröwen / Es
 ſey dan das ir haltent meine gebort
 ſo müſſent ir das vñnd das leyden /
 als dann in der Bibel ſteet Exodi
 am xx. vnd xxxi. capitel. vnd Deu-
 tronomij am ix. capitel. Aber do er
 das neü geſetz geben wolt / do gieng
 chriſtus Jeſus auß ainen berg mit
 ſeinen jünger vnd ſaß gürtiglich
 zu men nider / er hagelt nit / er don-
 nert nit / er tröwet nit / ſonnder er
 thet auß ſeine augen vnd mund vñ
 ſprach Mathei am. v. capitel. Sel-
 lig ſeind die armen des gaitſ / wañ
 iren iſt das reich der hymel / Selig
 ſeind die fridsamen / wann ſy wer-
 den genant ſün gottes. Selig ſeind
 die reinen hertzen / wann ſy werden
 got ſehen. Sich das iſt das geſang
 der liebe. Er tröwet nit / ſonnder er
 verhieß zc. Nun habent ir gehört
 wie die ſeel geformiert wirt / vnd al-
 ſo verſtand alle die wörtlin die ich
 in gewonhait hab zu reden wenn ich
 b iiii

sprich der mensch wirt geformiert
 von den lastern in die natur. Nun
 wolan. Ir habt gehört wie die an-
 dechtig seel singt ob der gunckel/
 Also hat aine gesungen/ von d Jo-
 hannes Gerson schreibt/ dieselb sasz
 an der predig/ vñ hort wie d mensch
 also geformiert wirt von der natur
 in den glauben/ vnd von dem glau-
 ben in ain schawen. Da steng sy an
 vnd ward ir hertz also vol vnd also
 begirig das sich die adern auffhet-
 ten vnd blüt von inen gaben/ vñnd
 starb allso an der predig. Sy ward
 bewegt vernünfftiglichen/ vñ ver-
 nünfftig ward sy/ vnd starb selig-
 klichen. ¶ Nun merck hie ain we-
 nig. Es wirt selten gepredigt/ vnd
 ist doch dem menschen not zu wissen
 Die hailigen leerer thünd ain frag
 Wen der mensch also begirig wirt
 in der liebe gottes das im das hertz
 allso weit ansgienng das er an im
 selbs merck/ ließ er es also fürgeen
 das im das hertz brechen müst/ vnd
 also stürb/ ob er es solt lassen gesche-
 hen. Ich sprich nain/ wen du mer-
 ckest das du sterben müst/ oder dir
 sunnst ain grosser bärlicher schad
 darauß entsprängen möcht/ so bist
 du schuldig bey ewiger verliering
 der seligkeit/ das du an dich haltest
 vnd dich dauon kereest/ vnd d gleich
 verstand auch von allem überflissi-
 gem vnmüt/ trauren/ angst vñ ver-
 zagen/ da du dich selbs ennhalten
 magst/ wilt du nitt schuldig an dir
 selbs werden/ als du auch würdest
 wen dir etwas am leben geschähe/
 oder das du verderblichen schaden
 daran empfundeest/ wen es dir aber
 geschäch on dein willen/ so schadet
 es dir nitt/ du mercktest nitt das dir
 so grosser schad darauß entspräng
 vnd ee du es mercktest so war es ge-

schäch/ also geschäch diser frawen
 Sy ward vernünfftiglichen be-
 wegt/ es was nit ir maynung nach
 irem fürnemen/ das sy sterben solt
 Sy mercket auch nitt das es sich so
 weit einreissen wolt/ darumb ward
 sy selig. Nun sprichstu/ wie kompt
 es/ nun het ich doch gmaint es war
 gar ain seliger tod. Sag mir was
 ist doch das end aller vnnsrer güterer
 werck/ ausserlich vñ innerlich/ das
 end vnd der knopff aller vnser gü-
 ten werck soll sein der wolgefellig
 will gottes. Nun hat dir got gebor-
 ten das du dich nitt selb tödten solt/
 wen du dich dan selbs tödtest so thä-
 test du nitt das gefallen gottes/ du
 thätest wider got. Ich het sicher nit
 müß so weit daruon zu reden. glau-
 bent mir/ doch es ist auch gü. Also
 het auch gesungen die müter sancti
 Augustini von der ich dir auch vor-
 mals gemeldet hab. Do sy ain mal
 zu dem hayligen Sacrament was
 gangen/ ward ir hertz also enzündt
 das sy ausschray mitt wortten/ als
 ich oben gesagt hab. Nun wolan.
 Was bewegt vnnsrer tochter meer
 wenn sy über die gunckel sitzt. Ich
 main die andechtig seel von der ich
 rede/ darumb wirt sy genant ain
 junge tochter/ das sy vnaltlich ist/
 die seel ains hundertj ärigen men-
 schen ist nit ölter dann ain kind das
 ains tags alt ist. Sy wirt nit gemes-
 sen nach der zeit. ¶ Zum andern be-
 gegner d andechtig seel das sy ent-
 schlaf ob d gunckel/ ja sy entschlaf-
 fet auch erwan ains güten schlaffs
 wenn entschlafte sy also/ wen sy die
 augen ires gemütes also starck ge-
 hefft hat an disen flachs/ von wöl-
 chem ansehñ ir die augen erstarrten
 an diser gunckel/ das sy beraubert
 wirt all irer sinn/ all sinn vergond.

Ihre dig

jr/ja die aufferlichen vnd die inner
 lichn. Wie allain üben sich die auß
 serlichen nit/sonder auch die inner
 lichen. Wie allain hört ain sollicher
 mensch nit was vmb in geschicht/
 als so er nit hört leiten oder klopfen
 singen oder sagen/ Ja es hört auch
 oft auff sich zu üben die gedech
 nuß. Sy wirt auffgezogen nach
 dem höchsten tail der vestentnuß/
 sy wirt bildlos/jr vergond alle bild
 nit allain die bösen/sonder auch die
 güten bild/wann sy wirt verzuckt
 vnd umgeben mit dem allerhöch
 sten liecht. Sy hat verborgen jr an
 gesicht in das bildlos wesen gotes/
 darumb sy auch bildlos worden ist
 Von disem schlaff schreibt David
 im Psalter. In pace in id ipm/dor
 miā ⁊ requiescam. In dem frid in
 dasselb will ich ruwen. Er spricht/
 In id ipsum. in dasselb will ich ru
 wen in das/das/spricht er/waruff
 du zaigest/das hiediser got ist/das
 ist nit das/das/ich bin nit das/das
 ich was do ich her auff gieng/ Ja
 ich bin wol ainer stund älter/dar
 umb bin ich nit als ich was do ich
 auff den predigstül gieng. Kurz
 alles das daruff man zayget das
 hiediser gots ist/das mag nit spre
 chen/ich bin das/das ich bin/Got
 ist allain das/das/Ego sum qui
 sum. Exodi iij. sprach got zu Moy
 sen. Ich bin der/der ich bin/sprich
 zu den kindern von israel/Der/der
 da ist/der hat mich gesandt Got ist
 das ainig ist. Da yah ich widerum
 an. Das ist ain güterer schlaff/selig
 ist die seel die da also erstaret an di
 ser gunckel mit ainem vnbegreiff
 lichen vnd vnumbreißlichen erken
 nen/ gegen dem vnumbreißlichen
 güc/ Von disem schlaff spricht der
 her: Canticon. iij. Clügent das

jr mir sy nit erwecket/also lang biß
 das sy will/das ist der erst schlaff.
 Es ist auch ain andrer schlaff/vnd
 das selb ist ain böser schlaff/Es ist
 wen du ob der gunckel sitzt/vn nit
 spinnen magst/als die faulen weiber
 thünd/fahen an vnd sticken vn mas
 chen haidnisch werck/es möcht wol
 haidisch darauß werdñ/es wär bes
 ser du machtest cristen werck. Nun
 wolan. du vermagst dich v gunckel
 ganz nit über al/das ist/gaistliche
 ding wöllen dir nit schmecken/dit
 fahest an vnd gedencst an zeitliche
 sündliche ding/gedencst in die
 welt/an hüpsche klaiden/an zeitlich
 güc/an v welt freud Ach werest du
 in der welt bey deinen freunden/so
 wär dir wol/so hetestu was du wöl
 test/vnd wärest also in eeren gehal
 ten/als die vn die/vn ergetest dich
 also in denselbē gedancken/vn wen
 du den entschlast so felt dir dan der
 kopff an die erden/vnd traumer die
 so geer dan das schiff. Nun sprichst
 du/ich entschlast nit also/aber ich
 entnast/das haist entnastzen/wen
 ains ansacht zuzschlafen/vn zucker
 doch wider/mir fallen die gedenc
 ein sprichst du/ich stand ain weil
 daruff/aber wen ich gedenc das
 es wider got ist/so zeich ich wider
 hinder mich vnd ker mich darvon/
 Hüc dich vor dem entnastzen/wan
 warlich wilt du des vil treiben/dit
 entschlast hindennach/das dir der
 kopf zu v erden felt/du machst dich
 nit meer dan müd im kopff/damite
 magst du hindennach den kopff nit
 mer heben/vn vernim da den gayst
 lichen schlaff(v da böß ist) bey dem
 natürlichn/wen man güc schwenc
 treibt so würffe gern vmb der karz
 oder wagen. Nun sprichstu. lieber
 got ich müß mir selber auch erwart

Die

lütteren/wer kan allwegū mit ernst
 vmbgon/solten wir nit erwan kurz
 weil süchen/solten wir nit ain kün-
 gin machen/vnd etwan auch allso
 schympff treyben/als jr wellichen
 etwan thünd. Solten wir sprichst
 du nit auch also erwan freud habn
 so möchten wir gott darnach aber
 defter bas dienen/ Jamassiglich/
 das man nit lang darauß stand/
 vn nit zu vnzichtig sey/ain beschay-
 denliche freud ist verdienlich gegen
 got/wan merck gar eben/kerst du
 dich noch heüt auf ergetzlichkeit/di
 bist morgn vil vngeschickter zu got
 dann du gestern warest Soltest du
 ain berg auff geen/vnd wen du hal-
 ben hinauff kamest/woltest du dan
 wider ab kriechen/das du morgen
 defter bas geen möchtest/di kamest
 nimmermer hinauff. Gang allge-
 mach den gozweg für vnd für/hüt
 dich das du nit still ständest/ja es
 mag nyemant still steen in dem weg
 gotes/wer nit für sich geet der geet
 hinder sich/wer aber beschayden-
 lich die ergetzlichkeit braucht vn nit
 wider got thüt/noch willen hat zu
 thun/der geet auch für sich. Nun
 sprichst du/Lieber got wie soll ich
 im thun das ich also entnaffz. Du
 solt im thun als David im Psalter
 spricht. Ich will nit rü geben mein
 em schlaf/bis ich gebaw dem herin
 am hauß. Nit gib rü deinen schlaf-
 fen. Wie soll ich aber thun. Du solt
 die schlaff vnd die stirn reyben/mit
 ainem rauhen tüch/so vergeet dir
 der schlaff. Spricht Augustinus/
 das der schlaf da her kompt das die
 schlaff innwendig beschwärt wer-
 den/vnd den fahen die menschen an
 zú schlaffen/Im latein haissent die
 schlaff/zeiten/das wort Tempora.
 Warumb haissent sy zeitten/dar-

Dritt

umb/da sieht man allerbaseß des
 menschlichen zeit an dem schlaff/das
 erst das da gräwet an dem mensch-
 en das seind die schlaff/vnd das erst
 das da anfahet zu alten in der seel/
 das seind die gedanken/wen ains
 alt wirt/spricht es ain ding so ver-
 gift es des ains wegs Sichstu von
 innen altent zum ersten die gedencf
 vnd von aussen am leib die schlaff/
 Nun wolan dieselben schlaf sprich
 ich/die solt du reyben/das ist/be-
 trachte die zeit Sag mir/was hond
 alle hüpsche menschen/seellose leüt
 von allen freüdn/von allen tanzzen
 von allem mitwillen/vō allem wol-
 lust/wie ichs nennen soll/die sy vil
 gannzer jar haben gehebt/nichts
 überal/es ist dahin/als wät es ine
 worden Gleich als ain traum seind
 alle zeitliche ding/nit anderst dann
 ain traum/der da schlaf dem traum
 met wie er da in grossen eeren sey/
 da ist er in grossen lust vn freüden/
 da geet er mit grosser reichumb
 vmb/vnd wen er erwächet so ist es
 nichts. Also vnd nicht anderst ist es
 mit vnd vmb alle kinder diser welt/
 Sy geend hie als in ainem traum
 ymermeder hin in grossen eeren vn
 in des leibs lust ꝛc. Vnd wen sy er-
 wachen/das ist/wenn sy gesterben
 so men die augen aufgeend so sehen
 sy das es nichts ist gewesen/damit
 sy vmb seind gangen/Aber alle die
 weil sy hie seind so sehent sy es nit/
 sy haben die angn zu/als ainer der
 im schlaff geet/etwan der selb geet
 ymermed anhin/wenn man in aber
 beschreyt so felt er/ist er hoch so felt
 er zutod/Also geschicht denen men-
 schen auch/sy gond hin in schlaff d
 sünd/aber wen da wirt komet der
 forchtlich tag so sy got beschreyen
 vnd sprechū wirt. Ite maledicti ꝛc.

und Die dig

den werden sy fallen in den ewigen
 tod / Das ist / in die tieffe der hellen.
Betrachte darnach den angel vñ
 die bitterkait die da verborgñ ist in
 dem lust der sünden Betrachte was
 lones die welt gibe Sich wenn ain
 junckfraw jr junckfrawschafft ver-
 leiret / so wirt sy erwan mit ainem
 kind gon / vñnd wirt aller welt zu
 schanden so hatt sy dann ain nagen
 vñd tragen vñd ain beissen in irem
 hertzen / vñ allen schmerzen kumer
 vñd angst vñ not die sy leyden müß
 So ist da meer traurigkait dann
 freud / meer giffe vñnd gallen dann
 honigs vñ triacker s Sichst du mit
 disem rauhen tuch reib die schlaff
 ernstlich so vergeet dir der schlaff
 gar bald. **D**as dicit das da begeg-
 net vnser jungen tochter so sy ob d
 gunckel sitzet / das ist / sy würfft die
 gunckel hinweg vñd laufft an die
 fenster oder vnder das thor / vñ spi-
 let der blinden maus mit den knech-
 ten / vñd desselben geferts / **U**nd die
 frawen tünd es auh erwan wen die
 mann auß dem haus komet / Sole
 ich den weltlichñ predigen so würd
 ich die zung weiter strecken / aber
 es bedarff sein nit. **N**un wolan / wa
 laufft das böß meclin hin / **E**s laufft
 in das fenster / es mag nit spinnen /
 das alle welt darzü thät In wölche
 fenster / in die fenster der augen / du
 magst nit bey dir selber beleybñ / du
 fahest an vñnd ergetest dich in den
 creaturen in der gesichte / du nimpst
 war der grossen hüpsche vñ nuzber
 kait der creatur / **G**eeft du über ain
 bruck / kompt erwan ain schiff das
 man entladen will / **F**ur z / du magst
 nit für geen / du müßt dich vmsehen
 du müßt auch lügen was darinn ist
Sichst du erwan ain man für dich
 geen / du müßt lügen wie er schüch

an hab / **B**ist du dan ain man / geed
 ain fraw für dich / du müßt lügen
 wie jr d roek dahindñ außgeschnit-
 ten ist / **B**ist du im closter du sichst
 den hymel an / da sichstu den baum
 an / du sichst erwan wie ain vögelin
 dar auf sitze / du laufft zu der schwe-
 ster in die zell du müßt auch lügen
 was sy thüt / du sichst erwan ainer
 spinnen zu wie sy mucken fache / **f**az
 het sy erwan ain mucken vñ würffe
 sy in die spinnenwep vñd sichst wie
 sy mit jr umbgat. **N**un wolan. das
 vnflätlin hat noch nit gnüg damit
 es müß weiter schneicken / wa laufft
 das nârlin meer hin / es laufft an die
 anndern fenster auch zu den thoren
 in die selben nebent fenster / du bist
 maslaidig ob der gunckel worden /
 du vermagst dich jr gantz nit / **f**az
 heft an vñ höst dem wachter zu vff
 dem turn / vñ sprichst / beyt ich müß
 höm was a liedts will er machen / dit
 höst ain auff dem zincken blasen /
 do beeret ich eben ain Pater noster.
 zu der prim zeit / do müßt ich losen
 was er machen wölt / beyt ich müß
 auch hören was die sagt zc. das vn-
 flätlin benügt noh nit / es müß noch
 meer schneicken / es mag nit spinnen
 das vermag alle die welt nit. **W**a
 laufft das böß megtlin meer hin / es
 laufft an die anndern fenster auch
 gucken zu den nâslöchern auß / **D**u
 geest in den garten da schmackst du
 an ain blümlin / da an ain maylin /
 da an diß da an ihenes / allain vmb
 lustes willen das du dich also er-
 getest. **N**un wolan. der hüdel hat
 noch nit gnüg geschneicket / es be-
 leibt nit an dem fenster / nain über-
 al nit / der vnflät laufft auch an die
 anndern fenster / an wölche fenster
 meer / an das versüchñ / da versüch
 est du das / dort jenes / allain darü

Die

Viert

das du auch lügen wilt/wie das ob
ihenes schmack/das thüst du allain
ymb lustes willen/vnd von fürwitz
Nitt durch notdürfft/allain dar
umb das du dich im lust ergetzest/
Noch ist kein benügen da/das vn
fläclin hat kein rü/es sey dan an al
len fenstern gewesen/Wa laufft es
dan meer hin das netzlin Es laufft
an das fenster der berürde/da greif
fest du dich/da ihenes/da zeühest dir
selber das küßlin vnd richst es dar
umb zu/das du sanfft ligest/allain
ymb lustes willen/In den dinnge
ist grosser vnder schaid/An alren
erubten menschen soll man anderst
halten dann ain jungen vnerlebten
menschchen/Du solt schlaffen/essen
vnd trincken als vil dir not ist/lüg
das du nit bösen lust darinn süchest
Ich red von denen die es vō fürwitz
wegen tünd vnd lust darin süchen/
yetz greiffest du deren ir hennd an/
vnd des narrenwercks vil/das sprü
chet got der vater zu ainer solichen
seel/als geschribē stat im buch Can
ticorum am ersten capitel. Du aller
schönste/du hast dein selber verges
sen. Nun wolan. gang hin vñ way
dne deine künzlin bey den hütten der
hirten/Als ob er sprach/Du aller
schöneste/die da gebildet bist nach
mir dem bild der hailigē trinaltig
keit/du aller schönste die ich geziert
hab mit allen götlichen tugenden/
wie vergiffest du dein selbs so thoz
lichen/das du so thozlich dar affret
lauffest/vnd hast dein selbs verges
sen das du also hoch geachtet bist/
vnd hast vergessen deiner schöne/
das dir alles das so schnöd vñ gleich
ist/das auff diesem erdrich ist/war
umb berayrest du dein hertz nitt zu
mir/so ich doch der bin d dir gnüg
mag sein/der deines hertzen allain

wirdig ist. Nun wolan. spricht er
in gespöc weiß Gang hin vnd way
dne deine künzlin bey den hütlin der
hirten. Bey den hütlin werden ver
standen alle zeitliche ding/Die hüt
ten der hirten/heist stonnd sy/morgē
bricht man sy ab vñ setzet sy an ain
annder ort ꝛc. Also vnd nit anderst
seind die zergenglichen ding Nun
wolan spricht got der allmechtig/
Seid nun ist das du dich mein nitt
mer vermagst/vñ du dich von mir
getere hast so gang hin vnd waidne
deine künzlin allesampt/etwan zu
ainem jungen menschen spricht er/
Nun wolan/las sehen wilt du dan
kein güc tün so lauff hin/Also sprü
chet auch got d hert zu ainer solichen
narrin Gang hin waidne deine au
gen die selbē künzlin Gang hin way
dne dein örlin ꝛc. Ergetz dich rechte
in allen creaturen/Bis dir selber
rechte genug in allen dingen/las se
hen Gang hin vñ waidne deine kün
zlin/auf wölchē künzlin werdē groß
böck/wölche böck got d allmechtig
wirt ausscheiden von den schafflin
an dem jünngsten tag/zü denen er
wite sprechen Gond hin ir verflüch
ten in das ewig seüt/darvor vnns
got behüt.

Nun volgt nach die viert Predig.
y hat gesücht flachs vnd
woll ꝛc. Ir habent zu dem
nechsten gehört etlich sach
en die da irren vnser spin
nerin das sy nitt ob der gunckel be
leybet/vnd nit spinnen kan/ob sy
auch schon darob bleibe/vnd nem
lichen/was die ain sach das sy ent
schlaft ob der gunckel/oder aber sy
entnaffzet/etwan würft sy die gun
ckel hinweg/vnd laufft dar affter
schneickern/vnd wie got der allme
chtig ir auffhebt vnd verweist ir/

Pre dig

se narhait/da er spriche. Ignoras
 te o pulcerima inter mulieres. Na
 bend jr gehört. Nun seind etlich sa
 chen mer die sy ab der guncel trey
 ben/ vnd wen sy alle zusamen kom
 men würden/ so werden jr velleicht
 siben oder acht/ aber ich will jr sag
 en also vil ich mag. ¶ Nun sprichst
 du/ Wie kompt es das die groß tho
 ret narin nit ob der guncel beley
 ben mag/ was ist dan die sach/ Die
 erst sach ist das die spindel jr offt in
 den dreck felt/ das ist/ sy felt ymer
 meder ab von irem fürnemen. Nun
 wolan. Du wilt betrachte. Ir wiste
 wol was die vnder schaid ist vnnder
 dem betrachten / vnnd vnnder dem
 gedencken vnd vnder dem schawen
 Das haist gedencken/ wenn du et
 wan lang an ain ding gedenckst al
 so hin vnd her/ du gedenckst an dein
 vater vn an dein müter/ oder sunst
 etwas/ hieher vn dorthin/ Gedenck
 en geet on arbeit zu/ vnd on früche
 vnd bedarff nit vil arbeit habn/ du
 hast jr on das meer dan dir gut ist/
 Aber das haist betrachten da ain
 mensch binder oder heft sein gemüt
 an etwas vn griblet hinein mit der
 vernunft/ vnd tringe vnd zwingt
 sich selber dar zu mit grossem fleiß
 etwas zu süchen vnd zu erkennen/
 das er vor nit gewist hatt/ vnd ge
 dencke in im selbs Sich da hab ichs
 gefunden Ich het nymermeer ge
 maine das das darhinder wäre ge
 wesen. Betrachten geet mit gros
 ser arbeit zu/ vn mit grosser frucht
 Aintweters das du etwas neuwes
 erkunnest vnd innen würst/ das du
 uor nit gewist hast/ oder aber das
 dein hertz beweget wirt in lieb / oder
 in begirden/ od in forcht/ nach dem
 dan dein gegenwurf ist. Aber schaw
 wen gat zu on alle arbeit/ aber mit

grosser vnd meerer frucht/ das die
 vor lanng hast gesücht mit grosser
 arbeit vnd mit der vernunft also
 hinach gestupfft vnd hinein gegrib
 let/ das selb findest du da in ainem
 augenblick ainsmals wüschet oder
 tringet das gemüt hinauff/ vnd ist
 kein vnder schaid vnder dem schaw
 wen vn vnder dem betrachten/ dan
 leichte vnd schwäre. Ad propositu.
 Du sitzest nider vnd wilt betrachten
 du nimpst etwas für dich auß dem
 leyden vnser herren/ oder sunst et
 was das den glaubn antrifft/ was
 geschicht/ du felft gleich ains rucks
 wider darvon/ dir felt etwas nar
 renwercks ein. Nun wolan. du he
 best das gemüt wider auff vnd fas
 heft aber an vnd felft wider ab/ vnd
 also ymerdar ains umb das ander
 in ainer stund/ ja in ainem viertail
 ainr stünd noch xv. cxx. xl. mal eben
 als ain hewschrickel/ der selb hupfft
 auff vnd felt wider nider zu d erden
 er beleibt nit oben schweben/ die flü
 gel seind im zu klain/ vn ist das leib
 lin zuschwär/ er kan sich nit auff
 schwingen in die hoch alls die lerch
 Ain lerch die hebt an/ an der erden/
 vnd schwingt sich hinauf ymerme
 der für vnd für bis sy ganz hinauf
 kompt. Also ain betrachtender mens
 sch der geet auff mit seiner vernunft
 vnd schwingt sich auf als ain lerch
 Ain schwalb die wüschet ains mals
 hinauff. Ain arenwey der fleüget in
 ain kraiß umb vnd sicht also weide
 als das gannz land ist. ¶ Also die
 andechtigen seelen haben ir übung
 vnd gewerb anderst vnd annderst/
 Aber der arm hewschrickel/ das ist
 der ansahend mensch der noch nit
 erübe ist/ der sich von ersten ergibe
 zu diser selign gespanst/ der kan nit
 hinauff tomen/ er felle ymermeder

Die

herwider ab / aber darumb solt du
 nit ablassen / wann es ist dannoch
 besser du hupffest auff vnd ab / dan
 das du ganz im mist ligst zuwilen
 vnd zu nisseln in essen vnd in trinck
 en / vnd in flaischlichen lusten / eben
 als ain kockeser / der nimmer aus
 dem mist kompt / hüt dich das du
 nit also in dem mist beleybest / hupff
 ymerzu wideruff / als d hewschreck
 Als offte dir dein gemütt abfelle / so
 hebs wider auff / du treybst es ye so
 lang / bis das der hewschreck flü
 gel gewinnt / hindennach wirt ain
 vögelin dar auß / das ist / du wüsst
 verformiert von den lastern in die
 natur / von der natur in den glau
 ben / vnd also für vnd für / Wenn
 ainer in ain ander land kompt / Zu
 dem ersten facht er an vñ thüt sich
 seiner köppischen weiß vnd groben
 gebärden ab / Darnach verkeret er
 das krumb maul / er facht an vnd
 lernet das krumb maul spizen / vñ
 verwandelt die schwäbische sprach
 bis das er hindennach ganz trans
 formiert wirt von ain schwabn in
 ain Elsässer / Ain dorffmensch das
 in ain stat kompt / von ersten facht
 es an vnd thüt sich seiner dörflich
 en weiß vnd gebärden ab / vnd lügt
 wie annderleüt thün bey denen er
 wonet / Es lernet zucht / darnach
 lernet es in der stat / stettisch reden
 Vnd also lernet es alle tag etwas
 bis das es gantz verformiert wirt
 von ain dorff menschen in ain stat
 menschen / häiliges creütz sprichstu
 Ich het nimmermer gemaint das
 das mensch auß ain dorff war ge
 wesen / man hörts jm nit an / Noch
 auß grossen vleiss den es ankert so
 gewonet es ir / als het es sy von art
 Also thü du jm auch vñ greifs zum
 dickern mal an / hindennach geet

Vierd

das schiff von stadt / das auß dem
 kockeser wirt ain hewschreck / auß
 dem hewschreck wirt ain vögelin /
 hindennach wirt ain salck vnd ain
 adler dar auß. Nun sprichst du. wie
 kompt es das es so kaum naher geet
 Ich will dir sagñ. Es ist somes pec
 cati 2c. Es kompt von der erbsünd
 her. Le das Adam viel in dem para
 dis / do het jm got der almechtig ein
 gegossen ain liecht / wo die vernunfft
 hin wolt / da giengen alle krefft hin
 nach / das was die gab d vrsprüng
 lichen gerechtigkeit / aber als bald
 er viel / do entzoch jm got d herre die
 genad / vñ ist nun gleich das wider
 spil / wa die sinnlichkeit hin will / da
 henger die vernunfft / vnd der frey
 will hinach / der schwar klöz zeucht
 vns ymerdar zu der erdñ / du waißt
 zum dickern mal auß der vernunfft
 wol das ain ding nit recht ist / du er
 kennst es wol / du gedencst / du solt
 es vnderwegen lassen / aber die sinn
 licheit will nit hernach / sy zert vnd
 zacket hinder sich / alls ain tag die
 man zu der stuben ein will ziehen /
 du kanst sy nimmer hinein beingen
 ¶ Item ain wasser das ain berg ab
 laufft mitt dem darff man kain ar
 bayt haben / es laufft selber herab /
 aber soll man es richten das es den
 berg auff lauff / das ain brun auff
 dem berg werde / warlich es müß
 grosser gewalt da geschehē / es müß
 mit grosser hörter arbayt zu geen.
 Also diß wasser (Ich main dein be
 girden) soll das übersich quellen /
 das ain solcher brun in deinem her
 zen werd / von wölichem brunnen
 in dir werden die lebendigen wasser
 die da springent in das ewig leben /
 warlich es müß mit grosser hörter
 arbayt zügen / da geet kain loch
 durch / es ist kain schimpff in hymel

Ihre dig

zu komen/das sag ich dir wol. Nun das ist das erst das da hindert vnser spinnerin/das sy nit ob der guncckel beleyben mag. ¶ Das amnder das vnser tochter vnd die grossen narin von der guncckel treibt/das ist/das v̄ mensch nit erlangt das/das der betrachtung end ist/das ist/die spinndel schlortet jr / Ir gebriß der wirt oder enspyn/das ist/du beleibst nit auff ainer betrachtung/du schwaif fest daraffter im gemüt hin vnd her/du nympt für dich die schar der hayligen zwelfspotten/vnd dich geduncket dir wöll nit gelingen/du last es faren/vnd geest zu den hailigen martirern/es will dir auch nit lieben als dich geduncket/du nympt etwas anders für dich/vnd von demselben aber auff ain anders/vnnd also schneckest du ye von ainem zu dem andern/vnd schaffest nichts/ebenalls ain hund der auff ainer spür laufft Ist es nit ain gütter hund/so laufft er allen spüren nach/vnd fahet nimmer nichts / er facht weder hirt noch hasen zc. Ich will nit dar auff ston Ich habß eüch in der ersten predig auch g sagt Ich hab von dem vor an auch weitter geredt/also lasß ichs nun fallen. ¶ Das dritt das da irret vnser tochter das sy nit spinnen mag/das ist/die guncckel ist voller knöpff/vnd voller äggen/Also sprechen sy ettwan/ey ich mag den wußt nit spinnen/gib mir ain andere guncckel/vnnd werffen sy ettwan hin weg. Ad propositū. Du sitzest nider vnd wilt spinnen an diser guncckel des Christenlichen glaubens/den ich dir angelegt hab für die guncckeln/was geschicht/du zeüchst so vil hörtter knöpff her auß/das du sy nit spinnen kanst / die zeen die seind dir zuschwach/du magst dieselbē knöpff

nit zerbeissen/als die frawen die wol spinnen künden/die zerbeissen dieselben knöpff oder klöz. Was seind die selben knöpff oder klöz Es seind hört schwäre materi/die dir einfallent in dein betrachtung / die den glauben antreffent / Dir felt etwan ein von dem hailigen Sacrament Wie mag es gesein/das Christus vnser herr gantz sey vnnder dem hailigen klaynen Sacrament / ist er doch ain getader man gewesen/wie gat es nun zu zc. Item dir felt ein/müssen wir an dem jünngsten tag alle wider erseeen / wie ist es müglich so ains zu puluer wirt oder verbrent/wie kan es wider lebendig werden/es ist freylich nit war. Item dir felt ein/wie kan got vatter/Sun/vnd hayliger gait ain got sein/vnd drey personen Vnd seind der knöpff so vil/das es on zal ist Erschrück nit an disen geduncken/nit lauff darumb ab der guncckel spinnt für dich/Endraw ich will etwas anders ansahent / ich möcht vnglaubig werden/es ist besser ich lasß vnnder wegen. Nain nit also. Wie soll ich im danthün. Also solt du dieselben klöz/wen sy dir vnnder die hend komen/her auß ziehen vnd solt sy also gantz hinweg werffen/lüg das du sy nit zaysest/Wa sol ich sy hin werffen? Du solt sy auff den mist werffen Auff wölben mist? Würff sy in die schül/also gantz/damā die klöz zertailt/würff sy in die geleerten/die mit denselben dingen vmbgond/nym du dich sein lautterer nit an/schlach es auß so oft es dir einfelt/will es nit helfen/du müßt sy ye spinnen/das ist/sy fallen dir ymer zu ein/du kanst jr nit ledig werden/so thū ains/vnnd lasß grob eingeen/spinn es also gantz/als ettwan die kind thünd/die spinnends ein wie es

In heraus geet / Thü jm auch also /
 spinn es gantz / lüg zerreib nitt die
 klöt / das ist / gribel nit darin / sprich
 ich bin ain christenmensch Ich glaub
 alles das / das der christenlich glaub
 innhelt / Got hatt mir es gebotten zü
 glauben / er hatt mir es nitt bevol-
 hen zü erfahren Ich will es denen be-
 uehlen die starck zeen haben / die da
 künden saugen auß den felsen honig
 vnd auß den hörten stainen das öl /
 Das ist / Ich will es beuehlen den
 hochschauenden menschen / vnd
 den geleereten / die über das / das sy
 andacht haben / auch also starcke
 vnd klare vernunft haben / das sy
 künden auß hörten vnd schwären
 materien frucht brünngen / Ja sprich
 chest du Es fele mir ymermeder ein
 Es ist / du wilt aber nitt das es ist /
 Ja so fele mir aber ein Ich will es
 ist / du wilt aber das selb wollen auch
 nitt / Alle die weil du deinen willen
 nitt dartzü gibst / vnd darenin gehel-
 lest nitt verdachtem mir so schadet
 es dir nitt / Sprich ainfeiltiglich /
 Ich glaub. Thü alls die katz thüt /
 Schreibe der groß leerer vnd Cantz-
 ler Johannes Gerson. Das ain katz
 vnd ain fuchs kamen zusamen vnder
 ainen baum / vnd redten mittainan-
 der / der fuchs sprach zü der katzen /
 liebe katz weñ der jäger mit den hun-
 den an dich kompt / wie thüst du / die
 katz sprach Ich spring gleich auff
 ain baum hinauff so mügent die
 hund nit zü mir / so bin ich den frey
 Ly du nerrin sprach der fuchs kanst
 du kain andere kunst dann die Ich
 treib dich und wol ain halbe stund
 vmb / sprech der fuchs / dann lauff
 ich hierumb / denn dort herumb / ich
 süch noch zwaynzig oder dreyszig
 renck / denn lauff ich vmb den baum
 denn lauff ich neben dem baum hin /

vnd zeich jm den schwantz durch
 das maul / vnd wenn er wänt er hab
 mich so laß ich jm das har im maul
 vnd lauff dahin vnd daruon / der
 kunst hab ich ain gantzen sack vol.
 In dem so sy also reden so kompt der
 jäger mit den hunden / die katz wüs-
 schet stracks auff ain baum / vnd
 die hund an den fuchs hin / der fuchs
 lieff vmb den baum / den nam er den
 ranck hieher / dann dort hin / vnd be-
 halff sich lang mit dem baum / hins
 dennach do er lang gelieff do ward
 er müd / vnd vieng an vnd strecket
 die zungen heraus vnd stien an zü
 lallen vnd zü feichen vnd mocht nitt
 meer hinkomen / do er griffen yn die
 hund vnd erschüttele den im den balg
 Do saß die katz auff dem baum vnd
 sach zü vnd spottet sein daran / Also
 solt du auch thün alls die katz thüt /
 Sprich schlechtlich Ich glaub / sitz
 auff die gunckel hinauff so mügent
 dir die hund nichts gerhün / ver-
 spot den teufel Als sant Bernhart sprach
 do jm der böß gedanck einfiel in der
 predig / do er jm eingab Ly wie wol
 thüst du yetz predign / do sprach sant
 Bernhart / Ich hab dir zü lieb nitt
 ang efangen / ich will dir es auch zü
 lieb nit vnder wegen lassen / Wilt du
 aber vil renck süchen / warlich dir
 geschicht alls dem fuchs / Das ist /
 wilt du die fragen alle verantwur-
 ten / warlich der teufel er greiff dich
 hindennach. Nun wolan. Die felle
 ain frag ein / du verantwurtest die
 selben frag / in die antwort felle ain
 andere frag / in die selben antwort
 felle ain ander argument ein / hin-
 dennach kanst du es nitt meer verant-
 wurten / so ergreyff dich denn der
 teufel vnd erschüttele dir den balg /
 hüt dich daruon / thü alls die kinnd
 etwan thünd / wenn men die spinde

Dre dig

verwoit wirt/so sitzen sy darüber zu
zay sen/vnnd ye meer es daran enntz
würren will/ye mer es verwürret/
wenn es die mütter sicht so nimpt sy
die spindel Gib mirs her/spricht sy/
vnd sitzt darüber vnd machet sy glat
vnnd gibt sy dem kind wider. Nun
wolan/laß sehen spricht sy/sichst du
thū auch also/Gibs der mütter vnd
laß dir es verrichten/wölcher müt-
ter/der mütter der hailigen Christen
lichen kirchen/die da durch die haili-
gen Consili hat ausgesprochen was
man glauben soll/vnd was man nie
glauben soll/Darnach durch die hai-
ligen leerer/sy hatt ketzerrey aufge-
reidt. Sprich/ich halt es mit der hai-
ligen Christenhait/was die glaubt
das glaub auch du/was sy verwürff
fet/das verwürff auch du. Sprich
Ich will mich sein nitt annemen/ich
bin im zu schwach/Thū als die tau-
ben/die da erkennen zwayerlay hab-
bich/Ich bin noch ain junges töch-
terlin/die fingerlin seind mir noch
zu klein/ich will mich sein nitt vn-
derwinden. Nun wolan/das ist das
dritt. ¶ Das vierd/das da irret vn-
ser vnfläclin/das es nit ob der gun-
ckel beleibt/das ist/der gunckeln stin-
cket der atem Also spricht etwan ain
alter mensch/wenn es etwan ain
gunckel hatt die da steübt/besonder
der hannff So thūt es inen wee in
dem haupt/vnnd spricht/ich mag
an der gunckel nitt spinnen/sy stin-
cket/vnnd die jungen thünd es auch
etwan/wenn sy nitt geren spinnen/
so sy annder werck an der gunckel
haben/Also wenn ains schellig im
kopff ist/wenn es an der eselheffte ist/
vnnd in vnordenlicher liebe gefang-
en zc. alls die büßler/des teüfels mar-
terer/So spricht man/es hat werck
an der gunckel Also thünd die sel-

benjungen/etwan werffent sy die
gunckel hinweg/sich/ich mag nitt
spinnen/der gunckel stincket der atem
Besonder was des vnützigen volcks
ist/erdencken also sprichwörtlin/
Nun wolan. Du sitzt vor der gun-
ckel/vnnd wilt gar ernnstlichen spin-
nen/das ist/du wilt betrachten das
leiden vnnsers herzen Jesu christi/
So kompt der teüfel vnnd stoßt dir
die kuder gunckel dar/vnnd würffte
dir teüfels kot darein/alls etwan
die bösen lecker thünd denjunct frau-
wen/werffent men saltz in die gun-
ckel oder pfeffer/wenn sy dann spin-
nen wöllen/vnnd an die gunckel leck-
en/so verhörent sy den mund/Also
thūt dir der teüfel Er würffte dir teü-
fels kot in die gunckel/dasselb ist
ain ding das da stincket auß der maß-
sen übel/es hayßet des teüfels kot/
man gibt es den frauwen wenn sy
nitt wol geben mügen/vnnd laße
sy daran schmecken/Ja es ist war-
lich ain stinckendes kot/das er dir
darein stoßt/alls du hören würst.
Nun wolan. Der teüfel kompt vnd
würffte dir das stinckend kot in die
gunckel Es ist/wenn du bey dir sel-
ber sitzt etwan/vnnd kerest dich
ernstlich zu dem leyden vnnsers her-
zen/als er an dem stam des hailigē
creüz gehanngen ist So kompt der
teüfel vnnd gibt dir so schandlich
gedancken ein/das es nitt außzu-
sprechenn ist Bist du ain frauwen
bild/vnd hast dir Chustum den her-
zen eingebildet/so fallent dir etwan
so vnrain gedancken ein von den ge-
burt gelidern vnnsers herzen/Bist
du dann ain mansbild so felt dir ein
von der rainigkeit vnnsers liebenn
frawen/allso vngestat vnnd also
greisemlich das es nit zusagen ist/
du gedarst es dem beichtuatter nitt
c iij

Die

sagen/so es als nariſch vnd bibiſch gedancken ſeind/vnd weiſt nitt wie du im thün ſolt/vnnd iſt angst vnd not da/Die hayligen leerer nennen das in dem latein Blaſphemiã/das iſt/gotsleſterung. Item dir fallend ein verzweifenlich gedancken. O wee got hat dich geordnet zu ewiger verdambniß/ es iſt alles verloren das du thüſt/ vnd lauffſt den ab der gunckel/vnd laſt ſyligen/vnd magſt nitt meer ſpinnen/das iſt/du wilt nitt meer herr achten/warumb? du biſt des teufels gewar worden/er hatt dir deinen mund verhönt. Nain/nitt allſo/du ſolt darumb nitt ab der gunckel lauffen/wann damit iſt dem teufel geſpillet. Er thüt es darumb das du ab der gunckel lauffen ſolt. So ſprichſt du Ja lieber herr got/wie ſoll ich im thün? Du ſolt dich vermeſſen vnnd gütere hoffnung haben/das dich got hab fürſehen vnnd verordnet zu ewiger ſeligkait/vnnd ob es möglich wäredas du wiſteſt das in ainem ganngen land nitt meer dan zwen menſchen ſolten ſelig werden ſo ſchätz dich für ainem/vnd ſolt gedancken/das got ſöllichs über dich verhenngt vmb deines nutz willen/der teufel maynet es böß/er thüt es darumb/das er dich nitt ſöllichen gedancken abtreyb/oder das du dar durch falleſt in gotsleſterung vnnd verzweiflung. Aber got der allmechtig maynet es güte/vnnd verhenngt es dem teufel darumb über dich/das er dich darumb erburzen vnd erbayzen will/das er dich dardurch auß berayten vnnd ſchön machen will/vnnd im ſelber ainem auß erwelten beſondern menſchen auß dir machen will/mit dem er etwas beſonders vnnd groſß würcken will/ſo er ainem andern menſchen laſt hingehen in

Vierd

ſeiner thorbait. Er geet allſo an hin/es weiſt weder von diſem noch von dem zu ſagen/es iſt gar güte/kompt hayl ſo haben wir es/es müß warlich erburzet ſein/ſoll etwas auß dir werden/es thüt ſein nitt allſo/Du müß gedult haben/vnnd gedancken den ſpruch ſant Pauls ſo er ſpricht Das den güteren geduligen demütigen menſchen/alle ding komet zu güte/Das iſt die dritt verſach. Item darumb verhenngt es got über dich/das du dardurch geübt vnnd erfahren werdeſt/das du hernach andern menſchen auch kündeſt radren. Tu ſprichſt du. Lieber got/wie ſoll ich aber nun thün/das ich nitt darin verderb. Nun merck. Soll ich dich leeren/wie du im thün ſolt. So ſolt du lernen beeten on bild/da ains für das ander bitte. Du ſolt diſe gedancken verlaffen vnnd verſpotten. Zu dem dritten/du ſolt ſy nitt ainem yerlichen/vnnd allwegen offenbaren/Du ſolt ſprich ich/lernen beeten on bild/Wie kan ich beeten on bild ſprichſt du? ſoll ich beeten ich müß ye ain bild vor mir haben/wie künde ich ſunſt beeten/ich müß mir ye etwas laſſen bilden? Nun merck/ich will dir es zaigen/das es möglich iſt du müß ſehen das ich war ſag/Sag mir/wenn der priester das Sacrament auff hebt/was ſichſt du in des priesters henden? Du ſprichſt/ich ſich die weyſſne/vnnd die rotunde/was beeteſt du an/beeteſt du die weiße vnnd die rotunde an? Nain ich ſprichſt du/was dann? Ich beet Jeſum chriſtum an/der vnnder dem hayligen ſacrament verborzen iſt. Nun merck Ad propositū. Du laſſeſt das das du ſichſt vnnd geest hinein nitt dem glauben/vnnd beeteſt an das das du nitt ſichſt. Allſo thü im bie auch/

Pre dig

Da gedenckst du an christum Jesum
 Gannig hinein mit dem gläubenn/
 gedennck / wer ist er? Er ist warer
 got vnd warer mensch Er ist der
 allermächtigest Er ist der allerge-
 waltigest Er ist der allerweifest Er
 ist der allerbarmerzigest Er ist der
 allergütigest / der allermilrest Vnd
 also beweg dein hertz / vnd laß dein
 hertz also auffgon in betrachtung
 der volkommenheit des hymlichen
 vatters / so beetest du on bild / wenn
 du gedenckest Er ist der allerweifest
 Weißheit hatt kein bild / sy ist weder
 groß noch klein / weder weiß noch
 schwarz / wenn du gedenckst Er ist
 der allermächtigest Mächtigkait hat
 kein bild. Nym ain anndere gleich-
 nuß. Ain Knab der seinen vatter nye
 gesehen hat Er ist in frembden lan-
 den etwan über möre / der selb vatter
 schickt dem sun ymerdar etwas / da
 schickt er im ain rock / da etwas an-
 ders / da das / vnd das ꝛc. Wie be-
 greiffet der selb Knab seinen vatter?
 er begreiffet in alls ain wolkhätter /
 Ach / gedenckst er / wie hast du so ain
 gütten barmherzigen treuwen vat-
 ter / der dich so väterlich vnd so treu-
 lich versicht / vnd also geet dem kna-
 ben sein hertz auff gegen seinem vat-
 ter / vnd hatt doch kein bild von im /
 er waißt nit ob er weiß oder schwarz
 ist / ob er klein oder groß / lang oder
 kurz ist / wie er ain gestalt hatt / wan
 er hatt in nye gesehen / vnd was bil-
 des im einfelt so gedenckst er / nain er
 ist nit also. Sichst du wie sich der
 Knab haltet gegen seinem leiplichen
 vatter / also halt du dich gegen got
 dem allmechtigen / deinem hymlich
 en vatter Gedennck / er ist mein got /
 er ist mein herr / er ist mein schöpffer
 mein erlöser / mein erbarm er / mein
 behalter Vnd also laß dein hertz auf

geen in die lieb zu got / so beetest du on
 bild ꝛc. Nun sprichst du. Sich du
 widersprichst yegunnd aller deiner
 red / du kerst die guncel gannig her
 vmb Du hast mir christu Jesum an
 gelegt an dem creüz für die guncel
 yegunnd verbeüest du mir / ich soll
 mir selbs kein bild machen Soll ich
 dann die bild nit brauchen? Werck
 mich eben / Ich sprich mit das du die
 bild nit brauchen solt / nain / wer das
 spräch das war ain kerzerey Ich sprich
 nit das du die bild nit brauchen solt
 Ich sprich / du solt nit auff den bild
 den steen / das ist / So dir der teüfel
 wirt für halten vnnerschämpte ein-
 fall / laß das fallen / vnd ker dich zu
 dem / das zu andacht dienet / alls der
 ölberg / du solt dir christum Jesum
 lassen einbilden / alls so er am ölberg
 knyet / vnd blütigen schwaifs schwi-
 tzet / alls er an das Creutz genagele
 ward / alls er gekrönt ward / alls er
 durchstochen ward Lüg aber vnd
 beleib nit ennelichen auff den bildern
 Also das du auff den bildern klebest /
 Nun wolan. Du fache st an vnd
 durchschawest alle glider / du geest
 von den augen zu dem mund / von
 dem mund zu den henden / vnd geest
 also von wunden zu wunden / vnd
 durchschawest die ding allesampt /
 Nun sprichst du / was schadt es mir
 dann / das ich also auff den bildern
 beleyb? der schad kompt dir darauß
 das dir dein hirn erödet oder eröset
 wirt / du wirst halben schöllig im
 kopff / vnd wenn du ain tritt thüst /
 so würst du sein oben im hirn gewar
 Vnd wenn die anndern singen so be-
 derfftest du wol das du schlieffest /
 vnd wenn die anndern vasten so be-
 derfftest du das du äßest ꝛc. Darum
 spriht sanctus Paulus Rationabile
 sit obsequiu vestrum. Ad Roman.
 c iiii

anrij. capitel. Eüwer dienst sey ver
nünfftig vnn beschayden. Item das
kompt dir darauß / weñ du vermay
nest du sitzest bey dem creütz Christi
des herzen / so verschwindet dir der
herz am creütz Lüg / alls ich vor ge
sage hab / weñ du nit rechte auffmer
ckest / so müschet der teüfel gallen vn
der das honig / vnnnd beleybt nichts
da / dann des schachers creütz / vnnnd
die möder / vnd die juden / das seind
die teüfel / die selben lassen dich dann
vnnnder desselben schachers creütz li
gen / das ist / so du vermainst du wöl
lest haylige berrachtung haben / so
felst du in goglesterlich gedanken /
in wüß vnkeüsch gedanneken / vnnnd
etwan in also wüß schamlichesa
chen / das es nitt außzu sprechen ist /
Nun wolan. das ist das erst das du
haltten solt / das ist / das du leernest
beeren onbild / will das nitt helfen /
die bild fallent dir ymmer meder ein /
du kanst jr nitt ledig werden / so thū
ains vnd ver spott sy vnnnd rüß got
den allmechtigen an Sprich / herz ich
erkenne wol das ich es nitt meinen
sünden wol verschuldt hab / das du
mich straffen solt Aber herz ich bite
dich du wöllest dich mein erbarmen
Nitt sich mein sünd an / sonnder sich
dein barmherzigkayt an / Herz du
erkenneß mein vnwissenhait / mein
blödigkayt / mein kranckhait / Ich
bite dich / ist es dein göttlicher will /
so nym mir dise anfechtung ab / ist
es aber nitt dein will / vnnnd willt das
ich es also leid so gib mir genad vnnnd
hilff nitt deinen göttlichen gnaden /
das ich es künd tragen nach deinem
lob vnnnd cere / das ich dich nit erzür
ne Vnd mach das zaichen des hay
ligen creützes für dich / hast du ge
weichts wasser bey dir / so besprenng
dich nitt weychwasser / die ding soll

man nitt verachten / wir geleertten
verachten etwan die ding / darumb
so kompt etwan ain ainfeltiger men
sche / da wir nitt türffen hin schme
cken. Warumb? wir verachten die
dingg. Ita clamauit Augustinus.
Surgent indocti et rapiunt celū rē
Also schreibe sant Augustin. vnnnd
beklager sich vnnnd spricht. Es stond
die vngeleertten auff vnnnd zuckent vns
den hymmel / vnnnd wir geleertten wer
den mit vnnser kunst zu der hell ver
sencker. Wenn du dan den herzen al
so angerüft hast / komen sy dan meer
so veracht vnnnd verlach sy. Thū alls
ain brüder thet Es was ain brüder
in der wüße / der het dise anfechtung
gelitten wol zwainzig ganntzer jar /
er getoist es nyemandt sagen / hinden
nach erherziget er vnnnd gedacht / du
müß des an ain ennd kommen Nun
was gar ain hailiger altuatter in der
wüße / gar ains berümpren lebens /
Der brüder schrib die anfechtung
an ain brüeflin vnnnd bracht es dem
altuatter / er getoist es jm nitt sagen
vor grosser scham Do der altuatter
das brüeflin las / sprach er Brüder
kom zu mir her / der brüder gieng zu
im Er sprach / leg mir dein hannnd
auff meinen kopff / Er leget jm die
hand auff seinen kopff Der altua
ter sprach / Die sünd die du gethon
hast in diser anfechtung die sey auff
mir / alls dein hannnd auff meinem
haupt ligt Der brüder erschraek vn
sprach / Vatter wie redest nun / may
net ich doch ich het got so großlich
ertzürnet das ich kaum für dein an
elitz getoist kommen / Do sprach der
altuatter / Hastu yetain gefallen in
disen gedanken gehabt. Vainich /
sprach der brüder / sy seind mir all
wegen ain hellische pein gewesen /
Do sprach der altuatter / das ist ain

Dre dig

zaitchen das sy nitt dein seind gewese-
 sen / sy seind des teufels gewesen / der
 hatt sy in dir gewürcket / du hast sy
 nitt gewürcket / vnnnd darumb wenn sy
 dir meer einfallen so sprich / Teufel
 auff dein kopff / die gedancken seind
 nitt mein Sy seind dein / ich hab jr
 kein sach / ich will nichts darmit zu
 schaffen haben Vnd 3 brüder gieng
 haym vnd volget dem altuatter / vnd
 ward also seiner anfechtung ledig /
 Also thü du jm auch / veracht vnd
 verpott sy / alls etwan ain junge
 tochter thüt / wenn jr etwan ain bö-
 ser knab etwas in die gunkel würft
 so veracht sy es etwan / wenn der dan
 sicht das sy es verachtet / so laßt er
 erst darvon / wolt sy sich aber fast dar
 ab streiffen so wäre dem erst angehol-
 fen. Das dritt vnnnd das lezst das
 du haben solt / das ist / Du solt die
 gepunst nitt yederman zaiagen / wañ
 so du etwan mainst du wollest radt
 oder trost finden so verdirbst du / du
 solt auch nit dauon beichten Sonder
 wenn du sy ain mal ainem weisen er-
 farnen beichtuatter sagst / dem du
 vertrauest / das er dich künd vnder
 weysen Ja ich sprich ainem erfarn-
 nen darumb ist nit vnrecht oder vn-
 weislich gethon / wenn es aus dem
 grund geet / Das man nit laßt ain-
 nem yeglichen weltlichen beichten
 Ja auch ainem yeglichen gaisstlich-
 en / ob er schon ain münich ist / vnnnd
 in seinem geduncken ain grosser
 gaisstler ist / wañ warlichen ist er nitt
 erfahren / er hat dich bald verderbt /
 er sey wie geleert er wöll / laß in schon
 ain Doctor sein / Aber ainem erfarn-
 nen getreiwem beichtuatter / sprich
 ich / dem solt du dein anligen ain mal
 gantz vnd gar sagen vnd er zelen /
 Sprich / vatter / also vnd also geet
 es mir Ich bitt eich / sagent mir wie

soll ich mich halten / vnnnd nach radt
 aines sollichen beichtuatters halle
 dich / vnnnd beicht darnach nitt vit
 meer darvon Sonder beichts inder
 gemain vnnnder andern sünden nitt
 meer dann mitt solchen wortten / das
 der beichtuatter mag verston was du
 maynst / oder beicht gantz nichts da-
 von / vnnnd denn sollen die beichtuät-
 ter fürsehen das sy solliche menschn
 güetlich vnnnderweisen / vnnnd sy nitt
 anschnauwen vnd sollen inen behilff
 lich sein / vnd sy trösten / damit das
 sy jr sünd geherzlich vnd vnerschro-
 ckenlich mügen erklären / das sy nitt
 etlich sünd verschweygen vnd ver-
 dampf werdñ. Das bewärt Cirillus
 in ainer Epistel zu sant Augustino
 in der er jm schreibt von ainem jüng-
 ling der hieß Ruffus / der selb starb
 in dem achtzehendñ jar seines alters
 Vnd nach seinem tod er schin er dem
 genannten bischof Cirillo 3 in bey jm
 auff erzogen hett / vnd sagt er war
 ewigklich verdampft / vnd do in sant
 Cirillus fragt warum er verdampft
 war so er doch in seinem leben so wol
 gelebt het Do antwort jm der jüng-
 ling vñ sprach zu Cirillo / wiss das
 ich vñ nichten anders verdampft bin
 dan das ich im spilen grossen lust ge-
 habe hab / vñ damit die zeit vnnützlich
 verzert / vnd auß vnuerstendigkeit
 hab ich das veracht vñ nit gebeicht.
 Darum sprich ich / die beichtuatter
 sollen jr beichtkind vnderweisen / sy
 fragen vñ trösten das sy nit in forcht
 vñ verzweyflung fallen auf das inen
 nitt geschech als aineß ainem alten
 narren geschach von dem man list
 in Vitis patru. Es was ain junger
 brüder in der wüste / der hett anfecht-
 ung des flaischs / do er die lange zeit
 gelitten hett / ward er in jm selber zu
 radt / vnnnd wolte radt süchen / vnnnd

Kam zu ainem altuatter vnnnd Klage
 im sein anligen/vnnnd da er vermay
 net zufinden die ertzney/da fannd er
 das giffte/wann er maynet er ware
 weiff/do was er ain allter narr/Do
 er horet des junngen brüders klag/
 schnurret er yn an/den er yezunnd
 solt getröster haben/den er yezunnd
 solt auffgehebt haben/den stiesse er
 selber in die grub der verzweiflung/
 vnnnd sprach Pfeü du bist ain wüster
 mensch/du soltest nit münich klay
 der an tragen/du soltest nit vnnnder
 den altuattern wonen inder wüstin/
 hast du den namen aines gaislichen
 münichs/vnnnd bist ain sölllicher/Do
 der junng brüder das erhört/do er
 schrack er/vnnnd gedacht/ist im also
 so ist vil besser du gangest in die welt
 dann das du allso hie verderbest Es
 ist besser du lassst dir auch die wellt
 zu lieb werden/dann das du weder
 hie noch dort freüid hertest zc. Kurz
 Ermacher sich auff vnnnd gieng auß
 der wüstin/vnnnd zu der stat/vnnnd wolt
 geen volbrünngen das/das er anges
 schlagen hett/So er also geer/vnnnd
 auff dem weg ist/so kompt im ain an
 derer altuatter gar ains hailigen le
 bens/vnnnd vast wol erfahren/do er
 den brüder ansach/sach er wol das
 im nitte recht was/wann dieselben
 menschen etlicher maß wissent seind
 Sy sehent ainem gar bald an den
 augen/wie ainem ist Er grüßter den
 brüder vnnnd sprach im freüntlichen
 zu/der jung brüder lieff bald für sich
 Appollo der altuatter/allso hieß er/
 der sprach zu dem junngen brüder/
 Lieber wie ist dir/ich sich wol das
 dir nitte recht ist/dir gebrest was es
 wöll/der brüder wolt im nichts sa
 gen/wann er hett yezunnd nit meer
 im willen radt zuzüchen/sonnder er
 wolt ain außseragen geben dem das

er angeschlagen hett Der altuatter
 batt in freünnelich er solt im sagen
 was im gebrauch/vnnnd bat in ye allso
 lang bis er es im sage Er fieng an
 vnnnd sagt im alle ding wie es im er
 gangen was/vnnnd was im willen
 er wölte seinen anschlag volbringen
 Do es der altuatter horet/sprach er
 zu im Nain nitte allso Gann wider
 in dein zell Sich/in dem allter als
 ich bin/vn nach vil strenger übung
 so bin ich solcher anfechtung noch nit
 ledig/diser hatt sich nit bessers ver
 standen Es was vmb kain/der jung
 wolt sich nit an sein red keren/wann
 er was yezunnd gefallen in den strick
 der verzweiflung Er bat yn vnnnd
 sprach/Lieber vmb meinen willen
 thü alls wol vnnnd beleyb nitte meer
 dann noch zwen tag in der zell/wirt
 es dann nitte besser/so geest du dan
 nocht wol da du hin wilt Der volgt
 im vnnnd gieng wider in sein zell Der
 altuatter Apollo gieng zu des alten
 narrenzell/der dem jungen also ge
 raten hett/vnnnd hüß sein hend auff
 gegen dem hymmel vnnnd sprach/All
 mechtiger got du der da erkennest al
 le hertzenn Ich bitt dich/die anfech
 tung des jungen brüders laß kom
 men in des alten narren hertz/auff
 das/das er wisse was anfechtung
 sey/das er im allter lerne das er in
 allso langer zeit nitte gelernet hatt/
 das er fürbas künd mittleyden ha
 ben mitte denen die mit diser anfech
 tung bekümmert seind Do er diß ge
 beet volbrachte/do sach er ain schwar
 zes mölin auff des alten brüders
 zell/das da hett ainen handtbogen
 vnnnd schoß on vnnnderlaß gegen dem
 alten narren Er vieng an vnnnd lieff
 vmb in der zelle von ainem winkel
 zu dem annderen/alls ware er schel
 lig/hindernach mocht er nitte meer be
 leybn/Kam eben auf den weg den der

brüder gegangen was Der altuater Apollo macht sich auch auff den weg / vnnnd gieng im entgegen / do er zu im kam / sprach er / Vatter / wo wöllent jr hin / wie thünd jr so thörllich / wa ist all eüwertapfferhait das jr also nährisch gebarent / do er verständig das es vñ hailig altuater Apollo merckt / wie im was / er stünd vor im vnd künd im vor scham nit antwurtē Do sprach Appollo zu im / Gang wider in dein zell vnd lerne fürbaß ander rādt zu geben dann du dem jungen brüder gegeben hast / vnd lerne mitleiden haben mit denen die in anfechtung seind / der teüfel hatt dich villicht nit gewist / oder du bist im villicht nit güternüßig gewesen / das er dich anfechten solt / vnnnd darumb bist du auch nit würdig gewesen / das dir got als anndern hailigen vātern zu streitten gabe wider den teüfel / vnd also gieng der altuater wider haym / vnd der Apollo / vnd vielen bayd an jr gebet / vnd also wurden sy bayd / er vnd der jung von der anfechtung erlöset.

Die fünffte predig / in der erzelet werden noch etlich vrsachen / darumb die nährisch spinnerin von der guncel laufft vnd nit spinnen mag

Y hatt gesücht flachs vnnnd woll / vnnnd jre finger haben begriffen die spindel zc. Jr wissen wol das wir noch seyen in der materi von vnser spinnerin Nun hab ich etliche stücklin erzelet die sy irrent an irem spinnen / vnd ain tayl außgerichte / Vnd was das erst / die spindel felle jr ymmermed in den dreck. Zu dem anndern so

schlotert jr die spindel. Zu dem dritten so ist die guncel zu klozet. Zu dem vierden so stincket vñ guncel vñ atem / die hab ich also außgerichte / vnd das ich eüch nit lang auffhalte mit vil vmbreden / wann kindlich vnnnd vnnütze ist es gethon / da man lange vmbredenthüt / es ist die zeit verlieren / So will ich auff dismal außrichten noch etlich sach / die da irren vnser spinnerin / vnd die nächst predig nach diser materi von der ersten guncel ganz beschliessen. Nun merck / das ich in die materi kumm / Die fünffte sach / vnd auff dismal die erst / darumb vnser nährin nit spinnen mag zc. das ist / Sy beissen die fliegen vnd die schnacken / vnnnd das selbig geferd das steübt jr vnder die augen Alls sy erwan sprechen / die fliegen vnd die schnacken thünd mir als vil zu layd / das ich vor jren nit kan spinnen. Was seind die selben mücken vnd schnacken oder fliegen / Es seind vnnützig züfliegend gedanken. Nun wolan / Du seiff dich nider vnd wilt gar andechtig sein / als du mainst / du wilt etwas betrachten / vnd wilt dich recht von allen dinnngen keren / so seind der vnnützer gedanken so vil / das du nichts vor men geschaffen kannst / da bauwest du ain schloß / da bist du auff dem marckt / da gedencst du an die frauen / da an den man / gedencst wie er oder sy geschaffen seind / kurz du bist auff allen jarmarckten im gemütte / So kompt dann erwan ain veyfelterlin darzu / dem selben lauffest du nach bis das du gantz müd würest / alls die jungen kind erwan thünd / wenn sy am weg sitzen vnnnd spinnen / vnd fleügt erwan ain veyfelterlin da vor men / so lassen sy die guncel ligen vnd alles was sy has

Die

ben/vnd lauffen im nach/vnd wenn sy lang gelauffen so keichen sy vnd werden müd/vnnd entfleügt inen/so werden sy waynen/so es inen entflogen ist/was seind die weyfelterlin: Es ist wenn dir erwan ain amütiger gedanck einfelt/so laufest du im nach/das ist/du erlustigest dich darinn/vnd gedenckst im nach Ach wie war das so ain fein ding/hieher/vnd dorthin/vnd machest es dir zu tausent malen hüpscher im kopff dann es an im selbs ist Es bin get manigen menschen zu sünden/vnd wenn du dich lang also erlustigest/vnnd ist das weyfelterlin so hübsch vnnd so gesprennckeler/rot/gelb vnd grün/vnd wenn du am besten bist so entfleügt es dir/oder nit am besten bist/es ist nit güet/es ist sichst du/wenn du es lang also im kopff daraffter hast gezogen so entwüß dir der selb gedanck/vnd waist nyemandt was es gewesen ist/Gedenckst auch wie das es so ain hüpsches ding was/wo hin ist es dir kommen/vnd felse denn in ain thorliche traurigkeit/darumb das du es verloren hast. Nun wolan/das ist zu dem sechsten/so beysent sy die floch/sy kan vor inen nit spinnen/sy müß aufsteen/vnd müß sich flohen/Da felle dir zorniger gedanck ein/du süchst die selben floch/das ist/du gedenckst im nach/du griblest vnd grebst ymmermeder hinnach Lüg das hatt sy mir gethon/du kriegest ernstlich vnnd ist nyemandt bey dir/da felle dir ain rachlicher gedanck ein/sy müß mir es freylich garnen/ich vertrags jr nymmer/da ain neidiger gedanck/vnd also ymmermeder on vnnderlaß ainet vnd der annder/darauff erwachst grosser neyd vnnd hass/der schwarlich

Vield

zu vertilcken ist/weder beichtuatter noch nyemands mag es darnach darvon bringen. C Drei ding seind hart außs des menschen hertzen zu vertilcken/der hass vnnd neyd verschlecht es/cher von der geisten/das ist/vnrechts güet/vnd das dritt verblendet/vnordentliche liebe Also sprich ich/es ist kein rüwd da/wann die floch lassen dich nit schlaffen/wa her kompt es das dir die schnagken vnd der selb blunder also vil zu layd thünd: Es kompt daher/das dir dir hertz noch nit erlart ist Als du noch ob got will hören würst. C Das sit bend das da irrt/das ist die anhebert seel/die da noch jung ist in dem gots dienst/das ist/das sy so vil mit den kinden vnd knechten zuschaffen hat vnnd sunst mit hauff gethat oder geschafft/das sy ainen faden nit spinnen kan Als erwan ain frau sprichet Ich hab so vil im hauff zuschaffen/das ich kein faden spinnen kan/was ist das selb: es ist zeitliche sorg/die selb gibe dir souil zuschaffen das du nichts güets betrachten kanst/du bist in der kuchin/du bist auff dem marckt/da gedenckest du wie man das vn ihenes versorg/da bedunckt dich es ganng nit recht zu/vnd ist anngst vnd not hinden vnnd fornen/Die/die ampter haben/die von amtes wegen vnd von gehorsam wegen sorgen müssen/den es beuolhen ist/von denen rede ich nit/du solt dir all wegen die gehorsam fürsetzen/wolttest du also ob der gunckel sitzen vnd wolttest die schwesteren lassen mangel leyden/die du fürsehen solt/da hürt dich vor Es ist nit yedermann erlaube also ain gunckel zuspinnen/Es ist auch nit yederman geschickt dartzu/erlich wären wol geschickt dartzu so haben sy der zeit nit

Pre dig

Du findest ettwan ain frauen in
 ain hauf die war wolgeschickt dar
 zu/aber sy hat der zeit nit Under de
 nen im clostern war erwan ain schwe
 ster wolgeschickt dartzu/so ist sy be
 kummert mit amptern/die annndern
 hetten wol die zeit so ist men nit wol
 damit/vnd darumb soll die Priorin
 vnd die obern auffsehen haben das sy
 yederman aufflegen das er ertragen
 mug/die da geschickt dartzu seind/
 die laß man darmit vmbgeen/die
 andern die nit geschickt dartzu seind
 den geb man etwas anders zu thun
 Darumb solt du nie vngedultig wer
 den/wenn man yemandt etwas be
 vilcht/man musß Martham vnn
 Mariam magdalenā bey ainander
 haben/darumb soll Martham nit mur
 meln/das Maria müßig sitze Lüg
 warumb laßt man die sitzen/war
 umb bevilcht man der das vnd das/
 warumb bevilcht man mirs nit?
 du bist nit geschickt dartzu Ja sprü
 chst du/wenn es auß dem grund
 gieng/so möcht ich es wol leyden/
 Du solt dich vermessen es gang auß
 dem grund/vnn solt allwegen ge
 dencken/es gescheh in der maynung
 Vnd darumb sichstu/die da müssen
 bekümere sein mit den geschafften
 die will ich hierinn nit begriffen ha
 ben/Ich main die/denen es nit be
 uolhen ist/die es nit an gat/die wol
 möchren ledig steen/vnd sich nit al
 ler ding annemen/Sy habent sorge
 vnn seind an allen emnden/vnn vnd
 vmb im gemüt/sy rüchten alles das
 auß im gemüt/das steübe vñ fleügt
 Sy fürchten vnn vnd vmb jnen ge
 schech nit rechte/vnd ist angst vnd
 not an allen orten/laß die sorg denen
 es beuolhen ist/vnd biß du zu frid/
 du machest dich selbst nit meer dan
 müß darmit/anderst wirt dir nicht

daron/vnd samlest dir schwarze re
 chenschafft zuthun gegen got auff
 din seel. Das achtent/das dairret
 die groß narin das sy nit spinnen
 mag/das ist/die gunckel ist rauch
 vnd spreisset/wa sie sy angreiffet/so
 sticht sy sie in die hennd/wäre es ain
 gedreie gunckel/spricht du/so span
 ich deßter lieber daran. Ein warlich
 sy ist rauch/sy sticht dich an allen
 orten wa du sy angreiffest/Was
 ist die selb rauch gunckel? Es ist das
 creüz vnser herren/dauon ich dir
 am anfang gesage hab/Ich main
 nit das hülzin creüz/Auß vnser
 thoretten vnwissenhait fallen wir
 in vil irrunng/wenn man spricht/
 das creüz/Tymm das creüz auff
 dich/verstanden wir nit das hülzin
 creüz Ja es ist ain thozhait/ich main
 ain gecreüzget leben/das haist das
 creüz Christi gecragen/dem herren
 nachuolgen in ainem gecreüzigten
 lebē Warlich betrachten oder hertz
 lichen beeten/ist nit ain klain creüz
 Sole du dartzu sechten/das du kom
 mest zu ainem vngereiten außberait
 ten gebeet/das macht den affen guck
 en/was man sunst thun soll das hast
 du ee geleernet/soll man vasten du
 hast es bald geleernet/auff dem stro
 sack ligen du hast es bald geleernet/
 Ain esel ligt auch auff stro er kan die
 selben kunst auch wol/zü mettin auff
 steen hast du bald geleernet Ain koch
 star auch auff/oder ain ander handt
 wercksman/du gewonest sein hin
 dennach/du magst nit meer beley
 ben ligen/den Psalter lesen hast du
 bald geleernet/du lifest vier oder fünf
 psalmen nachainander oder am
 ganzen Psalter/es gibt dir nichts
 zuschaffen/soll man singen im chor/
 deßgleich ain wenig heülen/du küßt
 es als ain ander werck/du gast allso

anhin / Hütere euch vor derselben
güthen gewonhait / vnser gaystlerin
wen ich sprich / Hütere euch vor gü-
ten gewonhaiten / künden es noch nit
versteen / ich mayn die güthen ge-
wonhayt / da ain mensch alle ding
aus gewonhayt thut / es geet also
hin / Leitet man zu chor / es geet an
hin / leitet man zum capitel du geest
zum refectoriū / zu disciplin nemen /
du thust es vnd geest also dreissig jar
anhin vnd bist eben heurwer als ferd
du bist gerad als am ersten do du in
das closter kamest / wie kompt es / du
lebst nit in übung zu zunemen in der
volkomenhait / du bist der welt noch
nit abgestorben / du zeuchst die ding
nit in deinen annüt / du last dir nit
dienen darzu / darumb es aufgesetzt
ist Hütere euch darvor sprich ich /
es ist ain verderblich schedlich ding
Nun wolan. Ich will meer darvon
sagen Aber es ist mein mainung nit
dar auff zu steen. Nun wolan Du
hast die ding alle bald geleert sprich
ich Aber das du komest zu ainem gan-
zen gebeet / das alle dein begird / ge-
dechnuß / annüt / vnd all dein kre-
ffte seyen gericht in ains / das du all
dein lieb die du hast zu andern din-
gen / zu deinen freunden / zu deinen
büchlin / zu deinen hailigen oder zu
deinen klaydern / wie ich es nennen
soll / die solt du abzerren / vnd all ain
alle dein lieb dar ein richten / warlich
das macht den affen zusehen sprich
ich / du befindest nimer bas dann so
dir das selb entgeet / das du lieb hast
wenn man dir etwas nympt / sprich
hest du / ich hett es nimmermer ge-
maint / das es mir also wee hett ge-
thon / ich hab nit gewist / das es mir
also lieb was / du hast sechs oder ze-
hen jar ain ampt getragen / nympt
man dir das ampt / du kanst der rach

seligen gedancken / vnd der bösen
anschleg nit ledig werden in vil jarn
Nympt man dir ain rock vnd gibe
yn ainer andern / du magst es nit
wol geleyden das sy yn treget / Du
magst es nit leyden das dir ain an-
dere in deinem büchlin lese / mein müs-
terlin hat mir es kauft / vn ist angst
vnd not da / Du hast etwan meer
lieb gelegt an ain ding das nit ains
pfennings wert ist / dann maniger
an tausent guldin / du würst betrü-
bet wenn man dir es nympt / dann
maniger der tausent guldin verlei-
ret Got der allmechtig wigt nit was
du lieb hast / er wigt was aus dem
hertzen du lieb hast. Merck ain Ex-
empel. Es kam ain brüder zu ainem
altuatter in der wüstin vnd sprach.
Vatter wie soll ain rechter münich
sein / Ich hab den Psalter gelesen /
vnd hab gefastet / vnd hab gewachet /
vnd hab allmüsen gegeben / vnd hab
das alles gethon / was soll ich meer
thun? Do hüß der altuatter die hend
auff gegen dem hymel / vnd fieng an
vnd beetet / do fiengen im an die ze-
hen finger all zu brinnen / vnd gieng
der flam von den fingern gegen dem
himmel / Do sprach der altuatter /
Also solt du sein / alle die weil du nit
also bist / so bist du noch nit ain rech-
ter münich / als ob er sprach. Also
gantz soll dein hertz entzündt sein in
götelicher lieb das es auch außering
in die gelider. Nun sprichst du /
Wie kompt es nun / das also wenig
mensch an diser guncel leeren
spinnen? da will sy nyemandt in die
hand nemen Warum? sy ist rauch /
sy sticht ains in die hend / es ist nit
güt dar an spinen. Nun merck Eua-
sach an den baum / Sy sach an die
frucht / sy sach das sy lustig was / die
selb guncel die was ir annütig /

Ihre Dig

sy gesiel jr wol / sy stracke jr hennd
 auß / vnd griff darnach / vnd brach
 sy / vnd gab irem man auch / Die
 gunckel die was jr anmüetig / sy
 was lustig / sy was linnd / aber yetz
 und so ist die gunckel vmbgekeret /
 Der baum was lustig / Aber das
 creüß ist bitter vñ hert / wir müssen
 also in das hymelreich kómen / es ist
 nit anderst daran / dort werden wir
 das süß einnemen. *Euntes ibant
 z flebāt mitterentes semina sua. Psal
 mo cxxv. Waynent seind sy gangñ
 zū säen ire samen / waynent seind sy
 gangen auff disem erdrich / durch
 trübsal / angst / leyden vnd not vnd
 vnderänigkeit / zu säen den samen
 irer güten werck. Aber. Venientes
 aut venient cū exultatōe zc. vt sup.
 Aber kóment sein sy kómen sich mit
 freüden zürspringen / cum exulta
 tōe / tragent die garben in iren hen
 den / das wirt dort werdē in ewiger
 seligkeit / so got der almechtig von
 in wirt nemen alle traurigkeit / vñ
 sy werdñ sich mit im freüwen ewig
 klich. ¶ Die neünd sach die da irret
 vnser spinnerin vnd den chorechten
 vnslat / das sy nit ob der gunckel be
 leyben mag / das ist / jr ist eben alls
 säß sy auf eytel nesseln vnd anmayß
 sen Sy mag nit beleyben sitzen /
 das vermag alle dise welt nit / die
 blitz kómp sy an / als sy erwan spre
 chen Ich mag nit bleyben sizē Ich
 hab die blitz / Es ist sichst du wents
 sy der kluck an kómp / alls die hen
 nen wen sy brüten wóllen so gewint
 nen sy den kluck vnd den pspiffs vñ
 solchs gefert. Was ist das selb. Es
 ist weltliche liebe / die dir noch im
 hertzen steckt / wen ich sprich / welt
 liche liebe / so main ich alles das da
 zeitlich ist / ich main nit die vnrain
 liebe / alls ain löffel ain narin lieb*

hät / Ich main alles das / darñ die
 liebe hast / es sey zū deinen freunden
 zū deinen büchern / zū eeren / zū deir
 ner gespilen / zū deinen hailigen / zū
 amptern / kurz / wie ich dir s neñen
 soll / weltliche lieb ist der leim darñ
 du gefangen bist / wenn ain knab
 ain spezlin gefacht so binnde er es
 an ainen faden / etwan ains arms
 lang / oder zwayer oder dreyer / vnd
 laßt das spezlin fliegen vnd behelle
 den faden in der hand so fleüßt das
 spezlin auff vnd maynt es wóll hin
 weg fliegen / so zeücht der knab den
 faden zū im so felt das spezlin her
 wider ab. Also die seele wolt geren
 hinauf / wañ von art ist sy sich über
 sich zu richten / Aber die weltlich
 liebe laßt sy nit / sy zeücht sy ymmer
 meder wider herab. Ain beer der an
 aint kettin ligt / er ist statck genüg
 zu lauffen / aber die kettin zeücht in
 hinder sich / vnd hebe in das er nien
 der kómen kan / Also die seel hatt
 wol krafft sich über sich anff zu rich
 ten / sy hat naifswan von aigner na
 tur ain gwicht in jr das sy über sich
 zeücht in das von dem sy geflossen
 ist / Aber der leym vnd die kettin
 weltlicher liebe laßt sy nit / da her
 kómp es / sichst du / das du nit bey
 dir selber beleyben magst / Du fin
 dest manigen menschen du kündest
 im kain grössere peyn an thün dann
 das er bey im selber solt sein / solt er
 allain also bey im selber sitzen / er
 würd halben schellig. Du findest
 ain anndern menschen der gern al
 lain ist / im ist nymer bas dann so es
 still vmb in ist / aintweders er hatt
 es von natur / oder er hatt es über
 kómen mit grosser übung / oder er
 hat es von gotes genadñ / du habest
 es wäher du wóllest so ist es güet / du
 habest es von natur oder von übüg

oder von den genaden gottes/die menschn die ainer zichtigen natur seind/die seind geren allain/was d senftmüctigen herzen seind/ Aber die ainer vnzichtign frechen natur seind/die mügent nitte allain sein/was aber der vngezämpften natur seind/den das hertz voll weltlicher liebe ist/die mügent nit lang an ain em ennd sein oder beleiben/all prim seind inen zu lang/ alle mess/allergogdienst ist inen zu vil/kurz alles das das got antrist ist inen zu war
Es ist alles gift vnd gall/wie kommet es/da ist sy d pspiff oder klück ankommen/wie soll man aber inen den klück nemen das er in vergang Ich will dir sagū/man soll im eben tūn als man ainer hennert tūt weñ sy der klück an kompt/vñ weñ man geren hatt das sy nit brüten soll/so stoßt man sy in ain kaltes wasser/vñ reibt sy mit nesseln vnd betupfft sy vñnd stürzt sy vñnder ain megen/
Zu dem erstn stoßt man sy in ain kaltes wasser/Was ist das selb/Es seind grosse starcke häftige leyden/die dir das hertz ganz fassent/klainne leiden schaffen nichts/es müssen grosse starcke vñnd vil leyden sein.
Spricht die geschriift. Vil wasser haben nit mögen außleschē die liebe Das ist. Vil widerwertigkait haben nit mügen außreiten oder außleschen die lieb/vñ nach gemainem lauff ist nit möglich das ain mensch vollkommen werde dann durch grosse leiden Antweders der mensch muß sy im selbs eruelen durch abzerren seines hertzen vnd grosser übung/oder das sy von aussen zu fallent/sunst ist es nach gemainem lauff nit möglich das ain mensch kom zu volkommen leben/darumb wenn dich all creaturen an pfeisen vnd gegen

dir bellen so danck got/wa du hand anlegest/es stoßt dich alles von im eben alls ain büben den man vmb gibt an aines herzen hofe/so geben sy den büben etwan also vmb/Es haist helffen vnd geben/es steend er wan xx.oder. xxx. man in ain ring vñ steet der knab mitten vnder inen Sy vmbgebent den knaben das er nit auß dem ring kommen mag/so facht ainer an vnd stoßt den büben auff den nächsten der bey im steet/der selb stoßt in den fürbaß auff ain andern/vnd also stoßt ye aint dem andern dar/vñ zu wölchem er kommet so maint er/er soll in beschirmen so stoßt er in von im Was tūc ain sollicher knab annders dan das er sich damitten in den ring setz vñ beleibe da sitzen. Also geschicht dir auch/wenn du sichst das dir alles das nit gelingen will das du an greyffst/es ist alles überzwerch/es kert dir alles den rucken/so kert du dich den ganz zu got/vñ gedencst Nun wolan. was ist es dann/es ist doch alls nichts/vnd darumb wenn dir dein gespil ain bofhaye thūt so sy dich vervntreüwet so lob got vñ gedencst/das hertz hieng dir sunst zu fast zu jr/oder an jr/Wenn dich alle creaturen von inen stossen/das sy dich mitte vntreüwen maind Ja in d warhait so mainen sy dich mitte reüwen/wann sy zaigent dir was sy seind/Gang für sprechen sy/wir seyen in den dein hertz zu rüwen soll sein/sy weisen dich auf got Sichst du/das ist das kalte wasser darein man dich stossen muß/dardurch das hertz erkület vnd erbuget wirt/von weelicher lieb Ain ochsen haut wenn man dieselb garben vnd bereit ten will so henncket man die in das wasser/vnd laßt sy etwan ain tag

Die dig

oder zwen hangen / darnach so lege man sy in eschen vnd laßt sy erbaytzen Ich wöle dir wol ainen ascher zurichten / wen ich mich auff dieselben matri gebenn wolt zc. wenn sy gnüg gebaytzt ist so nympt man sy auß dem aschenwasser vnd straißt das har ab vnd hencet sy darnach wider in das wasser / es muß warlich erbaytzt sein / es thut sunst nit. **E**xempel **E**s kam ainst ain brüder zu ainem almuatter vnd sprach. Vatter / wie soll ain rechter münich sein? Der almuatter nam die gugel die er auff hert / vnd warff sy an die erd / vnd drat mit den füßen dar auff / vnd sprach / also soll ain rechter münich sein / alls ob er sprach / du bist nit ain rechter münich du seyst dann allso überboldert vnd vnder gedruckt durch widerwertigkait / das du kündest leyden vnd gehalten werden als sich die gugel halter on alles mürmlen vnd vngedult. **N**un wolan / das ist das erst das man der hennen thut. **Z**u dem andern / so beraut man sy mit nesseln. **S**olt ich yetz den weltlichen predigen / ich wöle dir wol sagen wie man denselben den kluck nemen solt wen er sy an kompt / den faigen weibern / vnd den faigen töchtern / wenn sy kain güte wöllen thun / wie man sy mit nesseln reyben soll / das ist / mit bengeln vnd mit güeten stecken / vnd schleiß sy in ain kamer / vnd laß sy ain monat dar inn sitzen vnz das jr der kluck vergeet **A**lso soll man denselben den kluck nemen **A**ls ihener seiner frauen thet die maint ye sy möcht sich nit allain mit irem mann begeben sy müste ander swo auch hausen **D**o hieß er jr an allen vier adern lassen so vergieng es jr. **N**un wolan / es ist nit mein maynung dauon zu reden / **E**s darff sein hienit. **A**d propositum. **M**an soll sy

sprich ich / mit nesseln reiben / das ist mit herten strengen übungen / mit vasten / mit herten ligen / mit disciplinen / vnd mit andern übungen / die jr dan hond / es seind fast güte ding wen jr es recht betrachten / vn besonder die jungen vnd die starcken soll man redlich üben / die die danoch vnerlebt vnd vnerstorben seind / dieselben soll man darzu ziehen / man soll sy nit gleich also nider setzen ain gunkel zuspinnen / sy seyen dann vor wol erübt / es würd sunst nichts güts dar auß. **N**un sprichst du. **I**st doch sant Benedict also nider geseßen / er was noch ain junger frischer vnerlebter mensch / vnd do in got der allmechtig berüffet / do saß er gleich nider / vnd füret ain schowends leben. **D**as sich sant Benedict gleich auff ain schawends leben hat gegeben / vnd ander meer von den wir lesen / das selb gab in got auß sonderlichn gnaden / vnd das got der allmechtig etlichen menschen also auß besonderlichn gnaden hat gethon / das will er nit yederman thun **S**ant Benedict hat es gethon / er radt es aber nit yederman zuthun sonder er widerradt es den jungen / wan die müsten groß arbeit thun die vnder im waren / **D**arumb jr jungen greiffent es redlich an / lassent euch den leib nit so übel tauren / es ist besser dich verzer ain adler / dann das dich ain schwarzer rapp fress / **J**a ich fürchte ich werd vngeschaffen / sichst du in den spiegel ob du noch röselet seyst. **N**ain sprichst du / wir haben kain spiegel hinne / du sichst aber in den weickessel / oder sunst in ain stillsteend wasser / sichst du dir selber die hand an / vnd lügest ob du mager seyst worden **N**itt acht das du vngeschaffen oder mager werdest / du müßt doch vngeschaffen werden / du

müß auch runzeler vnd mager werden / thü es als vmb gotswillen / vnd in dem dienst gotes / als vmb der welt willen / vnd dem dienste des teufels / laß als mår den adler vnd den salcken dein flaisch verzehren / das ist gorden allmechtig / als den schwarzen rappen / Man sech die an die in d ee seind ee sy ain halbjar darin seind so würt das ermess ellendest ding dar auß / es möcht ainem erlayden anzusehen / so werden sy mit kunden geen / so mügen sy dan nichts / so ist den wee da / weñ sy sollen geben / so müssen sy res lebens besorgen / sy müssen den kunden wachen vnd mit men vmbgon / vnd komet dort her vnd seind gelber vnd häßlicher dann nymmer kaine im closter wirt / vnd wenn sy schon vil blunder ansich hencken / vnd sich auffmusteren auff das aller kostlich est so ist es doch ain ellennde gestalt / vnd darumb so laß dich deinen leib nitt tauren / greiff es tapfferlich an / doch mit bescheidenheit / Bescheidenheit soll allweg vor gon / du solt dein nordurfft nemen an essen vnd an trincken vnd an schlaffen / so wil / das du mügest das joch mit der gemain / hinziehen / du hast nitt nur ain tag zu leben. Nain sprichst du / ich will es wol vier wochen erzeügen / du hast nitt nur vier wochñ zu leben / ich will es woll ain jar erzeügen / du hast nitt nur ain jar zu leben / du müß es vil leicht zechne oder zwainzige treyben / Ja ich möcht schier sterben / du möcht est villeicht auch lebendig beleyben / du müß es nitt dem nach rechnen / du müß es messen nach dem alls der gemain lauff des alters ist. Ja sprichst du / wer will mir sagen oder wie kan ich wissen wenn ich im zñ vil oder zñ wenig thü / Laß dich vnder die gehorsam vnd regel deiner obern Bitt got

den allmechtigen / das er dir eingeben zñ regieren dir gehorsam zu sein / das es im loblich sey Nun wolan. das ist das ander. Das dritt das man den hennen thüt das ist / man rupfft sy / Ainen kopen berupfft man oben auff dem kopff / was seind die federn die du auhrupfen solt / es ist zeitlich güte Du besindest das die selben federn dich beschwårn / das du nitt also hoch flügen magst mit deinem gemüt / als du sumst thättest / du hast jr zu vil. Vögel die zñ vil federn haben die mügen nitt also hoch fliegen als die die nitt zñ vil haben / als ain gannß oder ain pfaw / die habent vil federn / die beschwårn sy das sy nitt hinauff komet mügen Ain küniglin ist das aller klainest vögelin das man finde / vnd fleugt doch höher dann kaine anderer vogel / es fleugt bis an die sper hinuff Nun wolan. Du bist in der welt / du besindest das dich das zeitlich güte hindern will / es zeicht dir das hertz auß sich / das hertz will dir zñ fast daran kleben / du berupffest dich selber / du verlast das güte / vnd gast in ain closter / du gelobst willige armüt bis in tod / wie wol du es nitt mit wortten außtrücket / aber es ist in dem beslossen. Ich gelob der Prouin oder dem Prouincial / wie jr dan eiuwere wort setzen. zc. Nun wolan. du hast dich selber berupfft / aber es ist nitt genug / weñ du in das closter kompst so berupfft man dich auch / das ist / was dir anmütig vnd geliebt ist von klainem narrenwerck / Et wan das / oder sumst was du hinnein bringest / das nimpt man dir / vnd gibt dir ain anders / solüg den das du dich auch laßest berupffen / wenn du dich selber berupfft hast / so lüg laß die federn her auß / das ist / weñ du das güte ver lassen hast von aussen / so lüg das dir

114
Ihre dig

das hertz noch nit daran klebe / ja lüg
Soltes mir nit wee rün / das die den
belz oder den rock trege / mein müter
lin hatt mir in gekaufft zc. vñnd ist
angst vñnd not da / Ist erwan ain tho
rethes hailglin oder sunst etwas wen
man dir s nimpt so kan dich nyemant
getröffen / hür dich daruor / würf die
federn hinweg / schüttel sy von dir /
das ist / zer dein hertz daruon vñnd
ficht darwider. ¶ Das vierd vñnd das
letzst das man der hennen thür / das
ist / man stürzt sy vñnder ain megen /
oder büten. Nun wolan / du bist in
der welt vñnd befindest das du den kluck
hast / so thüß du ains vñnd stürzt dich
selber vñnder ain büten oder megen /
vñnd geest in ain closter / wen du in das
closter kompst / so lüg vñnd bestürt dich
auch / das ist / zeuch dich ein / vñnd be
leib dir selber in behütsamkeit deiner
sunne / nit schlach ain schwarz auff
mit ainer hie / mitt der andren dort /
du steest bey ainer schwärzest / so du
schlafen solt geen / vñnd das dich das
licht an die hend brennet / halt dich
zū deiner zell so vil du magst / vñnd wen
du in der zell bey dir selber sitzest / so
befindest du erst was in dir ist / wenn
man erwan zū denselben menschen
kompt / vñnd wen man spricht / wiele
bend jr / wie geet es eüch / so sprechen
sy / ich maint ich het die welt geflohñ
so hab ich sy erst gefunden / so may
nent sy / sy reden vnrecht / wañ sy be
finden erst der welt in jnen / aber die
weil sy in dem wüthen vñnd in dem ge
trümel waren do kunden sy jr selbs
nit gewar nemen / wann das auffer
lich gab jnen genüg zuschaffen / dar
umb sprechen sy / ich maynt ich hett
die welt gelassen / so hab ich sy erst ge
funden / Ich hab es erwan von Car
theisern gehört / oder joch auch von
väteren vnser ordens / du solt dich

zū deiner zell halten Sprich ich Ja /
da red ich von denen die da ainer zich
tigen natur seind / oder aber sich er
übe haben / das es still wetter vñnd sy
ist Aber die die da noch vñnerlebt sind
oder die noch ainer vnzichtigen na
tur seind / denen war nit gut das sy
also in der zell sassen / wañ so du main
test du woltest betrachten / so vielest
du erwan in vnkeüsch gedancken /
oder in vnwürß kriegisch gedancken
Du sachst an vñnd kriegest erwan mit
ainer die niendert bey dir ist / felst je
in das hat / vñnd annder schaden die
daraus kommen / Oder ist es / ob du
schon nit böß wüß gedancken hast /
so magst du dich doch vñnützer tho
rether gedancken nit erwören / wann
du kanst dich nit einkeren / vñnd sitzest
also zū zieren / vñnd bestichst dir sel ber
dein finger an / vñnd griblest in a ym
spelclin mitt ainem hölzlin etwa
vñnd darumb den selben vñnersto:ben
menschen soll man nit gestatten in
der zell zu sitzen / man soll sy üben /
darumb seind fensterlin in den thür
lin / das die visitierer in hinein müg
gesehen / wenn sy vñndgeend / Ja sy
muß ain fürziglin für das selb fen
sterlin haben / so soll aber dannocht
ain löchlin in dem selben fürziglin
sein das man hinein gesehen müg /
auff das nyemandt frey sey / man
schafft nit allwegen guts in den zel
len / die klainen ding soll man nit ver
achten / wañ es hebt an den klainen
dingen an . Augustinus spricht /
Wer der klainen ding nit acht / der
felt hindernach in die grossen / wenn
die bandt auffgond so springent die
raiff ab / so felle den das vaf zu hauf
fen / Also wen man den klainen din
gen nachlaßt / so koment die andern
hernach / bis das es als zū scheitern
geet Es seind guldin predigñ ainem
d ij

jungen menschen der gern recht thet
 Nun wolan sichst du / die selben vn-
 erstorbenen menschen sollen sich nit
 geben auff innigkayt / sy sollen sich
 vor wol erüben mit arbayten / vnd die
 die da bekümerett seind mitt ansech-
 tung von den ich gesage hab / denen
 ist auch nit güet das sy also bey in sel-
 ber sitzen / sy sollen sich geben vff ain
 würcklich leben / vnd auff ain außser-
 liche übung die da güet ist / als da ist /
 den stechen warthen / vnd sunst was
 dir die gehorsame gibt. Nun wolan
 dienächst predig will ich die materi-
 ganz beschliessen / von der ersten gun-
 ckel. Nit meer dan als wir versam-
 melt seind zc.

Die sechste Predig.

y hat gesücht flachs vñ woll
 zc. Ir habent gehört in was
 gestalt die andechtig seel spin-
 nen soll. Noch steet auß zu
 verantworten was der lon ires spin-
 nens sey. Zu dem andern / ob joch ir
 der selb lon nit würd / ob sy darumb
 soll auff höm zu spinnen / vnd wie sy
 sich dartzü schicken soll / oder ob sy
 vergebens arbayt. Zu dem dritten /
 wa oder wen sy spinnen soll / vnd wie
 sy sich dartzü schicken soll / diß ist ain
 frag / wen du sy aber recht ansichst
 so seind ir die / wa / wenn / vnd wie.
 Zu dem ersten sprichst du / als du
 gehört hast / Was ist doch der lon
 des spinnens / seidmal so groß arbayt
 darauf geet / als du mit ymermeder
 gesage hast: da hör / das du vil spri-
 chest / vnser herz got wirt es wol belo-
 nen mit ewigem lebñ / das selb ist ain
 pauen antwurt. Ich frag nit nach
 dem selben lon / ich frag nach dem
 lon der spinnerin / ich het geren den
 pfenning den man der spinnerin gibt
 Was ist doch der pfenning vnd der

selb guldin den man der selben güten
 spinnerin gibt sprichst du: Ich will
 dir es sagen. Der lon diser spinnerin
 ist nichts anders dan Amor per fe-
 ctus. Ganze vollkomenheit götlich
 er liebe / was ist die selb liebe so ganz
 außberayt: Es ist ain kurz wort /
 ganze lieb. Aber es hatt vil in im be-
 schlossen. Es ist nichts anders dann
 da dir die liebe das hertz ganz besitzet.
 Vnd nym ain gleichnuß. Ain nãrri-
 scher mensch der da etwan ain büß-
 schaffe hat / auff die er sein liebe ge-
 legt hat / der selb / was er thut / er es
 oder trinck / er gang oder schlaff / er
 stand auff oder gang nider / kurz / er
 thut was er wöll so gedencet er ymer
 zñ an die person. Bey diser gleich-
 nuß versteeft du aller basest wie diser
 mensch verfahren ist in der narrethen
 liebe / man sing / man sag / man treib
 schimpff / oder ernst / man thut was
 man wöll so steet im das hertz dorthin.
 Also ain mensch der da hat ain gan-
 zevolkomne liebe zñ got / dem flacke-
 ret sein hertz allwegen auff in götli-
 cher liebe / lobt man dan got so geet
 im das hertz auff / vnd zerfleußt vnd
 zerdonet sich / dargegen alle creatu-
 ren seind im ain manung zñ got / er
 es / oder trinck / er schlaff oder wach
 er thut was er wöll so flacket im sein
 hertz ymermeder auff in götlicher
 liebe / wenn er des nachts erwacht /
 das erst das im gegenwürtig ist das
 ist got / was er sieht / was er hört / es
 manet in alles an got / diß haist vnd
 ist ain vollkomne liebe. Sichst du nun
 wie der anfang vnd das end zusamer
 komen / was was der anfang / es was
 götliche vnd christenliche lieb: was
 ist das end: es ist götliche liebe / Göt-
 liche liebe was der mantel / den ich dir
 am anfang hab für gegeben / vnd
 der lon des spinnens ist götliche lieb.
 Nun sprichst du / Wie reympt sich

Pre dig

das zusamen/ist der anfang die lieb
 vnd ist das end die lieb/wie mag das
 gesein/wie kan der anfang vnd das
 end ain ding gesein/was da ange-
 fangen wirt/das wirt angefangen
 vmb des ends willen/was ist das end
 darumb du erzney nympt: Es ist
 gesuntheit. Gesundheit ist das end
 vnd das vermaint/darumb du erz-
 ney nympt. Nun sprichst du. Die
 götlich liebe sey der anfang vnd das
 end/wie kan es gesein: Es mag wol
 gesein/vmnd nym ain gleichnuß/so
 sichst du das ich war sag. Ainer will
 gen Rom gon/was ist des selben an-
 fang auß dem er getriben vñ bewegt
 wirt zu geen: es ist Rom/Alles das
 er vff dem weg tüt/das thüt er alles
 darumb/wen er dar auff oder dahin
 kompt/so hatt er das end erlangt/
 sichst du nun wie das end vnd der an-
 fang ains seind. Ad propositum. Die
 liebe ist das ennd/ auß dem du getri-
 ben wirst güts zu würckn/wann du
 thüst es auß götlicher liebe/vñ das
 ist auch das ennd/wann du thüst es
 darumb das dein hertz entzündt werd
 vollkommenlich/vñ außgebrayt werd
 in götlicher liebe/ee das ain mensch
 darzü kompt/so müssen gar vil hertz-
 bewegungen vor geen/allß forche/
 schmerzen über die seind hoffnung
 ꝛc. Wiewol die bewegungen das end
 seind der betrachtung/aber das end
 der hertz bewegung vñ aller übung
 ist die lieb/vnd darumb solt du alle
 übung hier ein messen/vnd allso vil
 sy dir zu disem dient/also vil brauch
 sy vnd nit meer. Es sey vassen/wa-
 chen/discipliniern/betrachten/beet-
 ten/Sich da bestimest du aber dar-
 auff/wie du solt lernen on bild beet-
 ten Was ist das ennd alles gebeets
 vnd alles betrachtens: Es ist liebe/
 was end erlangst du nun wen du al-

so auff den bilden steest: das ennd er-
 langest du/das du zü ainem narren
 würdest/das dir das hirn im kopff
 schlottert/das ist nit das ennd des
 gebeets Aber alle weltliche lieb muß
 sent vor außgeryt werden/vnd dar-
 umb hört grosse beschaydenheit dar-
 zü. Nun wolan. also hast du die ers-
 sten frag veramt wirt/was da sey
 der lon des spinnens/Hast du es ge-
 hört/es ist vollkommeliebe. Die an-
 der frag. Nun sprichst du. Lieber
 got/würd mir nur der tagpfeuting
 vñnd der guldin nit/den man der
 spinnerin gibt wär mein arbeit ver-
 loren: Ich sitz vñnd bett chat drey
 oder vier stund/es will nit von stat
 vnd ee das ich mich versamel so muß
 ich hinweg Ich muß meiner gehor-
 same nach geen/ich hab nit zeit das
 ich im nach künd gon/ich mag sein
 nit außwarten Nun wolan. der pfer-
 ning wirt mir nit/ist mein gespinnst
 darumb verloren: Ich sitz vñnd ges-
 denck vnd betrachte/so würd mir alle
 wellliche freud gegenwürtig/mir
 kompt alles für was da steübr vñnd
 flüigt/vnd hab mit denselben gedan-
 cken allso vil zuschaffen/wie ich sy
 ymermeder austreib/sy geben mir
 allso genüg zuschaffen/das ich vor-
 jnen nichts geschaffen kan/vnd wen
 ich außstand so bin ich also roch als
 do ich nidersaß/hab ich darumb mei-
 nen lon ganz verloren: Nain/was
 lons wirt mir darumb: Nun merck
 da will ich ston. Der erst lon der dir
 darumb wirt/der ist/das dir dar-
 durch dein sünd verzeigen werdenn/
 das ist/das du dardurch gnüg thüst
 für dein sünd. Das annder/du ver-
 dienest damit ewige selikait. Zü dem
 dritten/vnd die dritt frucht ist/das
 du dardurch geschickte wirst zü er-
 langen den selben pfaming. **Die**
 d iij

Die

dem ersten sprichich/erlangst du die frucht das du damit gnüg thust für dein sünd/das ist/dadurch wirt dir abgelassen die pein/die du müstest leyden im fegefeur/die sünd müsend dir vor vergeben sein/durch reu vnd beichte Aber die pein die du im fegefür müstest leyden/die legst du damit ab Warumb? darumb das es ain penitentlylich arbaysam werck ist/vynd vergib dir got dein sünd/darumb das du fastest/darumb das du dich selber kessigest/mit disciplinen/mitt herrenligen/darumb das du zu den hailgen geest/oder andre penitentlyche werck thust/last er dir darumb ab die pein des fegefeures/warumb wolt er dir nit ablassen so es dich hörter vñ schwärer ankompt dan der andern werck kaines das ich dir genant hab/du fastest senffter ertwaniltag/dan das du dich also üben müst. Nun wolan. das ist das erst das du erlangest 2c. wie ich vor gemelt hab. Die ander frucht ist/das dir got der allmechtig darumb will geben den tag pfenning der ewigen seligkait/wie wolderselb pfenning d' spinnerin auch gegeben wirt/aber gar anderst weder diesem/im wirt gar ain vil grösser vnd schwärer guldingegeben weder diesem Nun wolan. dir wirt dadurch geben ewige seligkait/wen du dann den selben pfening hast/so bistu wol bezalt/du hast nit vergibens gearbait/wann darumb gib dir got die ewig seligkait/das es ain gütt werck ist/vnd got will kain gütt werck on belonet lassen/will dich got belonen mit ewigem leben vmb ain allmüsen das du ainem armen menschen gibst vmb seinen willen Ey warum wolt er dan dich nit belonen/vnd dir darumb geben ewige seligkait/so du im doch gibst das best vnd das aller kost

Sechst

lichest das du hast/das ist dein herz Ja du müst all deine innerliche kreft dartzu üben/gedechtnuß/vernunfft vnd dein freyen willen Ey wie billich ist es das dir got geb ewige seligkait Nun wolan das ist die ander frucht Das dritt ist/das du dar durch geschickte wüsst zu betrachten/du fahest an vnd gewänest dich selber dar durch zu den dingen/so du es zu dem dickern mal übest/solt du es überkommen du müst es üben/mit schmidn/wirt ainer ain schmid/mit predigen wirt ainer ain prediger Es müß er übe sein/all die weil ainer das nit nit so lernet er es nit Also wilt du betrachten so müst du es anfahen/du lernest es sunst nymermer. Ja sprichst du/künd ichs ich wolt es gern thun/ich kan es nit/kündest du es so dördest du es nit lernen/darumb das du es nit kanst so müst du es lernen/du wilt dich nit geben in das andechtig geebet/du wilt nit betrachten/du bist kalt vnd hört/thust eben als ain den übel freurt/vñ es war ain groß feur vor im vnd er sprach Ich mag nit zu dem feur geen/mich freurt/war mir haiss so wolt ich zum feur geen Darumb das dich freurt so solt du zum feur geen/vnd solt dich wörmern darumb das du kalt bist/darumb gang zu dem feur so wüsst du warm. Ja sprichstu/es hilfft mich nit/ich sitz ertwan vier oder fünf stund vnd hab groß arbait vñ ker allen fleis an/vñ beleib dennocht ymermeder kalt vnd dürr/ich empfind kainere besserung in mir Ich bin eben als do ich nider saß/du tregst dennocht etwas darvon wiewol dich ertwan bedunckt das du ganz gleich seyest wie vor Aber wen du dich ertwas aufker est so empfindest du erst ainer güten geschicklichkait in dir/als ainer der bey ainem

Ofen steet vñ sich wömet / weñ es fast
 kalt ist / die weil das er bey dem ofen
 steet so waist er nit das im warm ist
 Aber weñ er von dem ofen hinaus in
 das kalt kompt so empfindet er erst
 das im warm ist / weñ du deinen en-
 gel vnd die hailigen angerüfft hast /
 du sachst an vñ thust dein fleiß / vñ
 übst dich mit grosser arbeit / du hast
 dich der zufallendñ gedanken zu er-
 wören / du haltest dein begir den an
 dich / als ambösch pferdt das ain ent-
 lauffen ist / du samlest dein gemüet
 ymer meder zusammen / du zwingst vñ
 eringst dich selber wie du kanst vnd
 magst / was geschicht: laß sein das
 du das erst mal ganz roch darvon
 geest / zwey / dreu oder vier mal rē.
 aber darnach wirt es ain wenig bes-
 ser / das er dir das hertz etlicher maß
 eriffet / es geradt etwas in dir haften
 Vnd also nimpst du all tag zu ymer
 meder für vñ für / was geschicht dar-
 nach: es geschicht das dir gleich auff
 ain stund erwan das hertz auffgeet /
 vñ beleibst in got also hangen mit
 deinen begir den / das du darnach das
 hertz ains mals auffschwingst on alle
 arbeit So bald du nun ain güten ge-
 dancken für dich nimpst / so bald du
 es nur anblickst mit der vernunft /
 gleich ains mals laufft dir das hertz
 hinauff / als die güten spinnerin tünd
 in ain dräwen laufft die spindel dort
 hin Sich / also gewonest du von tag
 zu tag / vnd das dich zum ersten hört
 vnd sawr ankam / das geet dir dar-
 nach selber on arbait dar / kerest du
 rechten fleiß an / das du es nach ain-
 ander übest / wilt du aber yetz betra-
 chten vñ wilt es den lassen ligen vñ
 über vier wochñ anhin so wirt nicht
 darauß Du wirffst die guncel in den
 winckel vñ laßt sy ligen / als die sau-
 len weiber thünd / so fellt vñ staub dar

106
 auf / vñ nisten die meiß dar ein / über
 vier wochen süchstu sy wider her für
 Es tür sein nit / du überkompst es nit
 in ainem tag Ja weñ du dich rrr. jar
 übest so lob dennoch got weñ es dir
 wirt / Ains kompt auch ee dar zu dan
 das ander / du findest ain menschen
 er überkompst meer geschicklichkeit
 in ainr stund dan ain anders in vier
 wochen / erwan von geschicklichkeit
 seinr natur / erwan von grossen fleiß
 vnd übung / oder durch die grad got-
 tes / wa sy alle dreu bey ainand wirt
 das war ain fein ding / da gieng das
 schiff von stat. Ad propositu. Ain sol-
 licher fleissiger mensch der sich also
 übt für vnd für / derselb wirt etwas
 incorporiert in die liebe / also das er
 ain gewicht in seinem hertz gewint
 das in über sich zeucht / er kan sich ein-
 keren weñ er will / er bedarf nit meer
 also mit der vernunft hinnach stopf-
 fen vnd also hinauff kleber an den
 creaturen / es ist gar ain arme kost /
 weñ du dich also müst begeen vñ be-
 helfen / weñ du den schlayer vff ruffst
 so gedencst du an die Cron vnser
 herzn Man müß also anfahen / weñ
 man ain gewölb will machen so müß
 man vil gerüst darumb machñ / ain
 ganz gespenst richteet man auff / vñ
 auf den selben behülfe man sich vñ
 das das gewölb gemacher wirt / so
 thut man den das gerüst vnd dasselb
 gespenst hinweg / vnd stat dann das
 gewölb frey auff im selber / aber on
 das gerüst vnd on das selb gespenst
 kan man das selb gewölb nit machen
 Also kanst du auch dar zu nit komen
 du müst es brauchen vñ das du des
 gewonest / hindenach kompt es dar zu
 das du vmb vñ vmb spinnen kanst /
 als die wälhin thünd / die stecken die
 guncel vnder die gürtel vnd gond
 überfeld / vnd auff den marck / vñ
 d iij

Die

spinnend nichtsdestminder / das ist
 sichst du / das der mensch schauwer
 vnd arbeit mitainander Also das in
 das arbeiteten nit irret an dem schau
 wren / eben als die selben walhin ründ
 Sy gond auff den marckt / vnd kauf
 fend vnd redent / vnd thünd was sy
 wollen / vñ spinnen nichts destmin
 der damit ymer dar anhin / das kauf
 fen oder reden oder geen / irret sy nit
 an dem spinnen / noch das spinnen
 an dem kauffen oder reden / Also ain
 söllichen menschen / irret nit das wür
 cken an dem schauwen / noch schau
 wren an dem würcken Sonder ain sol
 licher mensch würckt auß dem schau
 wren / das schauwen gibt dem würck
 en ain gestalt die ain sollicher mensch
 thüt / es gestaltigt vñ außberait die
 werck das sy vollkommen werden / der
 mensch kan desterbast würcken / wan
 der mensch würt etwas engelförmig
 Was thünd die engel : sy hütten vn
 ser / sy regieren vns / vnd beschawent
 dennocht got nichts desterminder /
 Darumb list man von Maria / das
 jr hertz alle zeit auffgehebt was / wie
 wol sy würckt / Das ist gefigurirt
 worden bey der layter Jacob / Gene
 sis am xxvij. cap. die er sach / an der
 die engel auff vnd ab giengen / auff
 in dem schauwen / ab in dem würcken
 Die menschen wiewol sy sich keren
 zu den nidern dingen mit außserlich
 er übung / so ist dennocht jr hertz auf
 erhebt zu got / als die spinnerin ründ
 bey denen ich die gleichnuß gegeben
 hab / Vnd wilt du es noch bast mer
 cken / so nym noch ain gleichnuß /
 Ainer der da schreibe der muß dreyer
 ding mitainander warnemen Ains
 ist / er sichte das büch an das er vor im
 hat auff das er schreibe. Das ander
 ist das liecht das im zündt. Das dritt
 so sichte er d' feder zu mit der er schrey

Sichst

bet Also sichst du / diese menschen die
 thünd was inen beuolhen ist / da für
 sehen sy ire mitschwestern / da üben
 sy sich in mitleyden gegen irem näch
 sten / vnd in den wercken der barmher
 zigkeit / da in gerechtigkeit Seind
 sy erwan bey den leuten sy reden mit
 inen / sy gebent in antwort / es seind
 aber gar kurze wort / es ist nit ain
 anzelwerck Nain / es ist nit des dings
 es ist gar ain schlechts tapfers ding
 vmb sy / wan sy seind die waren an
 beeter die den vatter anbeeten in dem
 gaist vñ in der warhait Johannis iiii
 Nun wolan Also hastu die and' frag
 was dir doch zu lon wred zc. Recas
 pitula. Ob dir joch d' guldin nit wirt
 der der spinnerin zu gehört Es ist /
 das du dar durch gnüg tüst für dein
 sünd. Die amder frucht das du dar
 mitt verdienst die ewige seligkeit.
 Das dritt / das du dar durch geübe
 wüsst / das du dar zu kompst / vñ dar
 nach / wen ain mensch dar zu kompt
 alles das er sichte vnd hört das manet
 in an got / geet er über veld / sichte er
 ainen hirtten der der sew hütet / so ge
 denckt er an den verlornen sun / vñ an
 den barmherzigen vatter / gedenckt
 wie got so barmherzig ist / das er den
 sündler so bald zu genaden empfaht /
 vnd geet im sein hertz auff in grosser
 hoffnung zu got Die dirnen mügent
 auch daran gedencken / wen sy hören
 den hirtten die gassen außstreiben zc.
 Sichte er ain armen beetler so geden
 cket er an den armen Lazarum vñ
 an den reichen mann / Sichte er ain
 thierlin das seinen herren eeret / alls
 ain hindlin / wenn es sein herren sichte
 so springt es gegen im auff zc. So
 gedenckt ain solcher mensch wie das
 wir got so vndanckber seind von
 dem wir alles das empfangen haben
 das wir seind vñ haben / so doch das

Die dig

vnueruüffrig thierlin seinen herin
 allso eeret/ das war ain rechte frau
 metz/die also vmbvndum künd hauf
 halten/als man frau metz malet/da
 hat sy ain korb mitt ayern auff dem
 kopff/vnd ain schüsselkorb hinnden
 auff dem rucken/vnd hat ain katzen
 auff der achsel Sichst du/war das
 auch also ain rechte frau metz hie/
 die also ain katz auff der achsel hatt/
 vnd den selben blunder/vnd an allen
 orten künd haufhalten Also solten
 die obern vn die fürwesser sein/ frau
 metz/das sy künden die schwestern
 fürsehen in den dingen die inen not
 seind/vnd niches destminder jr hertz
 bey got haben Ja sy soleen also sein
 sprich ich Aber es ist nitt not zu ewi
 ger seligkait/du darfst darumb nitt
 erschrecken Es ist genug wenduerst
 leernest spinnen mit den künden/das
 ist/so du in gottes gnaden bist Nun
 wolan. Also haben jr die andern ant
 wurt zc. Die dir vn die lezst frag
 Sprichst du Ich hab wol gehört wie
 ich erlangen soll die groß haupt
 frucht/durch wöllliche mittel ich sy
 erlangen mag/vnd wie ich mich dar
 zu schicken soll/das ich sy überkum
 Ich wölle auch geren wissen wahn
 ich sitzen solt/was statt soll ich mir
 außervölen: wa es dir allerbafest
 dienet/du solt dich neben auß ziehn/
 an ain ainig ort/da es ganz still vn
 dich ist/vnd da du allain seyest/aber
 das allerbest emd zu sitzen/das war
 ainigkait des gemüts/wen du allain
 wärest in dem gemüt/wen du schon
 leiblich allain bist vnd nyemane bey
 dir ist/sobistu dennocht nit allain/
 warumb? du bist an allen orten im
 gemüt/du bist auff dem marckt/du
 bist in der kuchen/gedenckst an die
 frauen/da an die mañ/darumb so
 bist du nitt allain Des beklaget sich

sant Jeronimus demüctiglichen/da
 er spricht. Do die gebain zusamen
 rasplet vff d erden/vn mir die haut
 die gebain kaum zusamen hüß/do
 was mein hertz denocht zu Rombey
 dem tanz/vnd bey den frauen Hat
 sich d groß hailig des beklaget nach
 souil grosser übung/was will dann
 ain armer sündler thün/der noch al
 ler saighait/fraydigkait vn frölich
 kait vol ist/das ist/das all haylige
 vätter beklaget haben zc. Nun wolan
 Also allain im gemüt/sprich ich/das
 war die best ainigkait Ja ain solcher
 mensch ist dannocht auch nitt allain
 Wer ist bey im sprichstu: Es ist bey
 im die geselschafft gots des allmech
 tigen/vnd der hayligen engel/vnd
 der lieben hailigen/ Ja sprichst du/
 ich sich jr nitt/wa seind sy:ich sich
 nyemands:darumb das du sy nit ge
 sehen magst/nicht destminder seind
 sy bey dir/wenn dein freünd an dem
 redrad oder an der winden zu dir re
 dent/wiewol du sy nit sichst/so waiff
 du doch wol das sy da seind Also ist
 got der herz bey dir/vn die lieben en
 gel Aber dein flaisch/das ist/dein
 leib dartzwischen irret dich/das du
 sy nitt gesehen magst Gedenck war
 dein vätter da/oder soltest du durch
 ain tüch mitt im reden/wie dir das
 hertz anfieng zu klopfen Also ge
 denck das got vn dein hailiger engel
 an allen stetten gegenwürtig seind/
 vnd darumb das du dich schämest zu
 thün wenn du bey den leütten bist/
 desselben solt du dich auch schämen
 wenn du allain bist/wan dein engel
 sicht es alles sampt/was du thüst/
 Nun wolan/du solt allain sein zc.
 Was statt soll ich aber dartzu erwölen
 sprichst du:wa es dir am allerbafsten
 kompt/in der kirchen oder in der zell
 wie es dir dienet/du findeest ain men

Die

schen dem diener ain weitte statt / als wenn er sicht auff ain weittes feld / Also ist ainer gewesen sant Augustin / vnd die stifter des selben ordens Dieselben clöster ligen also auff dem feld / als die wald clöster / vnd feld clöster / Ainem andern menschen dienet ain ennge statt Manigem dienet wenn er in dem Wald ist / vnd die baum vnd die hirs an sichte / Also ist gewesen sant Bernhart vnd dieselben stifter der selbñ clöster / ligen allweg gemainlich in den walden / darumb oder darauf radtschlag ichs / Ainem andern menschen dienet es in der kirchen zu beeten / also ist ainer gewesen sant Arsenius / der stünd in der kirchen hinder ainer saul wenn er beeten wolt / Manigem menschen dienet es wenn es gantz still vmb in ist Ainem anndern dienet es wenn er hört singen im chor / Also was sant Augustinus ain mensch / wenn er hort singen in der kirchen / so zerfloß im sein hertz / was es dir allerfürglichest ist / also thū im auch Gewan vnd zeuch dich zu deiner zell / vnd doch solt du dich nicht also leeren einziehen / das du dich niendert amderst kündest einziehen dan da / du solt dich an allen orten leeren einkern vñ einziehen / doch gewan dich allermaist zu deiner zell / oder zu dein stublin / was du dan dein wonig hast Ich sag von den die erübt seind Nun sprichst du . Ich hör wol wir sollen vñ müssen ainer yeglichen ain stublin bawen das sy ein sasz da hüten euch vor / wenn ich vil käm mit od künich in ain closter sich so gerat mir schwelckern / es ist ain zaichen der eigenschafft / wenn also ansacht ain yed ain stublin zumachen / so gat das schiff Nun wolan / also hört ir wo ir spinnen solt / wölche zeit ir spinnen solt zc . Es ist allerbest des nachts wenn du

Sechst

aufgeschlaffen hast / den so ist es am allerbesten . ¶ Zu dem ersten deinert halben / den so hastu abgedewet / vnd bist am aller geschicktest zu betrachten / den bist du erniechert vñ vnbeschwert von der speiß vnd von böser dampfen die da von dem magen auff riechen / Ich red von denen die sich zimlich halten mit essen vnd trincken vnd die da mäßiglich leben Aber die sich zu abents füllen / wenn sy in der nacht erwachen so riechen vñ stincken in die braten noch auß dem hals / das wir nichts auß Aber die sich haltend mit essen vñ trincken als solchen leuten zusteet von denen red ich / den ist es allerbest des nachts zc . Nun wolan / das ist deiner geschickheit halben . Item auch deshalb / das es vmb dieselben zeit allgerüwigest vñ stillest ist / was es fruer in d nacht so war es nit so gantz still / wann die trincken hüdel vnd die vollen krug lauffent noch affter weg schreyen vñ gellen Ist es später so stont die handt wercks leut auff vnd arbeiten vñ machen ain gebössel vnd gerümel / vnd treibt der hirt anß / vñ sy machen ain geschrey das du nichts darvor geschaffen kanst . Item in d nacht bist du allain vnd bedarffst nit sorgen das du fallest in üppige eer so es niemant von dir sicht / wie soll ich mich darzu schicken : sprichst du . ¶ Das ist die letst frag Soll ich gon od soll ich ston oder soll ich knyen oder soll ich creutz weiß ligen / wie sol ich mich halten zc wie ich dir von der statt hab gesagt / also sag ich dir auch von der weiß / was dir allermayst zu andacht dienet / dienet es dir das du sitzest so sitz / dienet dir knyen so knye zc Aber nach gemainem lauff so ist das das allerbest / das man sich in winckel setz / wann wölche weisen den menschen

auff sich selber ziehent / die irrent den
 menschen Als weñ ains lang knyert
 so würt es müd / vnd werden im knol
 len an den knyen / stast du auff vnd
 zablest mit den füssen / alls ain katz
 die in dem herd ist gelegen. Ich hab
 sprichst du / geknyert das mir knollen
 an den knyen seind worden / so hast es
 wol geschafft / was weiß dir dienet
 die brauch Ja wenn du allain bist /
 aber bey dem conuent thū wie der con
 uent thūt / da solt du kain besondere
 weiß brauchen. Es spricht Wil
 helmus Parisiens. ain doctor / das
 das die bequemlichest weiß sey / da
 ains sich steürt auff den lincken arm
 Als sich ains auff den elenbogñ steü
 ret / vnd das haupt auff die hand lay
 net Ja er redt nach seiner gaislich
 kait / es dienet im also. Aber Johan
 nes Cancellarius Parisien doctor /
 der selb wenn er betrachten wolt / so
 saß er an ain saul vñ laynet sich hin
 den mit dem rucken an die saul / alls
 ob er läg Er schreibt es / aber er nen
 net sich nitt / er spricht / ich waiß ain
 menschen / weñ er also spricht so may
 net er sich selbs / Es spricht ain ander
 rer / das das die aller best weiß wär /
 wenn ainer auff vnd ab gieng Ja es
 ist güte zu ainer rüw / weñ ainer müd
 ist worden zu betrachten so ist es güte
 darzü / das ainer gerüwig im haupt
 wirt / Aber du solt dich nicht ge
 wänenn also auff vnd ab zugeen
 weñ du betrachten wile / sonder ket
 dich in ain winckel / da es still vmb
 dich ist. Nun sprichst du. Solt ich
 mich also allwegen üben so wär ich
 woll ain armer mensch. Nun lüg
 weñ du dich nit damit übest ob du dar
 umb aller gedencß ledig seyst / nain
 warlich / weñ du nitt an der fläch in
 guncel spinnest so spinst du aber an
 der kuder guncel Ich wöltedir wol

vonder selben guncel sagen / ich hab
 manig abbüch daran gespunnen /
 Es wär ain güte vastnacht guncel
 finde dich der teüfel müßig geen /
 warlich er geet nitt müßig / er richte
 dir die kuder guncel zu / vnd darumb
 so üß dich hierin / wañ damit hilffest
 du dir selbs zu rü / was ist frölicher
 vnd lustlicher dann ain ledig frey
 unbekümmert hertz Aber ain vnsau
 bers gewissen das ist allwegñ vnru
 wig / vnd ist nichts erschrockenli
 chers weder ain vnraines gewissen /
 Also spricht der weiß salomon Sem
 per em presumit seua / perturbata cō
 scientia Sapientie xvij. Das gewiß
 sen das sich schuldig waißt / ist all
 wegen in forcht vnd angst. Nun wol
 an. Also will ich die materi von der
 ersten guncel ganz beschlossen ha
 ben Seid wir versamlet seind zc Got
 geb vnns sein gnad Amen.

Die sibend Predig.

Quinqz aut erant fatue zc.

9 Mathei xxv. Die vngründ
 lich barmhertzigkayt gortes
 vnser hmylischen vatters /

der kostlich verdienst des schmerz
 lichen leydens vnser herren Jesu
 christi / müß vns erscheinen in vnser
 letzten nöden / wer das begere der
 sprech Amen. Allerliebsten vñ
 schwestern in dem herren Jesu / die
 wort beschreibet vns sant Matheus /
 vnd lauttent also. Fünff vnder men
 waren choret / von disen worten kütz
 lich zc. Ave maria. Groß gnad vnd
 barmhertzigkeit Amen. Ich habe ich
 im anfang diser materi gesagt von
 dreyen gunceln Die erst / ain wey ch
 necht guncel / an d selben spinnen die
 weisen junkfrawen. Quinqz pruden
 tes virgines Ich main die andechti
 gen Christenlichñ seelen / die da weiß
 worden seind durch dierecht weißheit

Dise sitzen vor der guncckel vnd spin-
nent/das ist/sy betrachten vnd bes-
kümmern sich mit got dem herren/sy
seind die/die da spinnen das klaid der
götlischen liebe/sy seind vnmissig/
vnd hond werck an der guncckel/sy
mügent nit missig gon/inen ist nit
recht sy gangen dann mit got vmb/
sy seyen dan bey jm/in irem gemüt/
so ist inen nit wol. Adolescentule dis-
lexerunt te nimis Canticoꝝ am er-
sten capitel. Herz die jungen juncck-
frawen vñ jüngling haben dich gar
willieb gehabt. Sy spinnen linū vnd
lanam/flachs vnd woll flachs der
gothait Woll der menshait/das ist
vnsere junge tochter. Ich main ain
vnschuldige andechtige seel/die sich
bekümmert mit dem herren. Quae sunt
lanam et linum ꝛc. Sy hatt gesücht
flachs vnd woll/von diser guncckel
hab ich gesage von ersten. Die
ander guncckel ist ain vassnacht gunc-
ckel/ander selben guncckel spint der
vnflac/ Ich main ain vnflacige wü-
ste seel/die da gantz im grund ver-
hönet vnd verderbrist/in allen iren
trefften/durch die sünd Die selb sitze
vor d guncckel/sy spint/das ist ains
Sy diat vmb die spindel/das ander
Sy netzt/das dritt/sy windt den fa-
den auff die spindel/das vierdt Sy
haspelt/das fünffte/Sy webt/das
sechste/so will sich denn der schimpff
machen/wen sy anfacht zu haspeln
so geet das schiff von stadt/sy spynt
Sy wybt aber warlich nichts güts.
Nun wolan/diser vnflac spint/aber
es wirt nichts güts darauß/sprich
ich/es werden nit Samare rock dar-
auß/oder das hochzeitlich klaid/dar-
inn die andechtig seel frisch vnd frö-
lich geet in das reich der ewigen sel-
ligkait/für das angesicht gotes des
herren Es werden wüß kuckelums

pen darauß/damit man die häfen
zu dem feür hebt/das ist/damit man
die seel würff in ewige verdammuß
Das ist die annder guncckel/die die
vassnacht guncckel haist/vndan dis-
ser guncckel spint man kuder/freilich
wunderliche dinng/das sicht der
beichtuater wol/am sambstag wen
man die gespunst zayget. Die dritt
guncckel ist die gemain guncckel/da
man durch das ganz jar an spint/
das gesind vnd yederman ꝛc. ander
selben guncckel spint man hanff/vnd
in disen dreyen guncckeln wirt begrif-
fen alles das/das man spinnet/ Ja
sprichst du/wa ist dan die baumwoll
vnd seiden. Es ist begriffen in der er-
sten guncckel/die seid in der leinwat
im flachs/die baumwoll in der wol-
len/wölte ich mich darauß geben ich
wölte dir auch wol sagen/wie die
baumwoll wirt gezogen vff Jesum
christum/wie er ist die baumwoll/
Als die baumwoll wechset auß dem
baum/also ist Jesus christus gehan-
gen andem baum des hailigen creüz-
ges/vnd wie sy wechset/des gleichen
die seyde Alls die seyde wirt gespun-
nen auß den würmlin/allso ist chris-
tus Jesus das würmlin/dar auß ge-
spunnen wirt die rait zart seyden/
dar auß man macht das kostlich Sa-
mat klayd/wan er nennet sich selber
ain würmlin/da er spricht. Ego sum
vermis ꝛ non homo. Psalmo 117.
Ich bin ain würmlin vnd nit ain men-
sche Wölte ainer sich die ding lassen
ziehen er het allweg zusagen Ich lass
es bey der wechnacht guncckel beley-
ben/was die selb guncckel sey/vnd
der flachs/vnd wie der flachs vnd
die woll vnderainander gezogen ist
vnd wie die seel zügleicht wirt ainer
spinnerin/wie sich halt ain spinne-
de fraw vor der guncckel/also haltee

sich auch die betrachtent seel/erwan
so singt sy/erwan so entschlaft sy/
erwan so wüßte sy die guncel hin/
weg/was das selb alles sey/habent
ir gehört Nun geet zu nächst daruff
die kuder guncel/von der selbū hab
ich in meiner maynig eüch yetzund
zusagen Es ist zeit das ich sy anleg
soll man anderst sy abspinnen Es ist
schier fastnacht/ir söllent aber nite
dar an spinnen. Nun wolan/kurz dar
von geredt das ich in die materi kün
Was ist sprich ich der kuder an der
guncel: Der kuder an der guncel
ist dise welt/das ist/was du hast
für ain gegenwurff/daran du dich
erlustigst wider got/was ist dasselb
Sant Johānes der ewangelist ant
wurt dir darüber vnd spricht. Omne
quod in mundo est ꝛc. j. Johānis ij.
Alles das da ist in der welt/das ist
aintweder begird des flaischs/oder
begirde der augen/oder hoffart des
lebens/das seind die drey hanndvol
kuders/darinn begriffen wirt alles
das da in diser welle ist/Es seind
flaischlich lüst/es ist geitrigkeit/vnd
hoffart/wie aber dafs wort/welt/in
manign weg wirt außgelegt/erwan
wirt es außgenommen für alles das/
das got geschöpft hat/erwan bedeu
tet es die weltlichen menschen/das
seind die sündler Als sant Johannes
spricht Johā. j. Er kam in die welt
vnd die welt hat in nite erkant. Ich
laß es fallen/ich mayn es hie all so/
wie ich gesprochen hab/was du hast
für ain gegenwurff/daran du dich
ergerest wider got/Es seind sprich
ich/flaischlich lüst/oder das daran
sich ergetzt das flaisch/alls fressen
vnd sauffen vnd ander ding darinn
der lust des flaisches gesücht wirt/
Nite sprich ich/mit lust essen/daz das
sünd sey/der lust lauffet mit/da ist

nichts vor/Es ist ain grosser vnder
schid auß lust essen/vn mit lust essen
Das haist auß lust geessen/da dich
der lust zu treibt vn tringt Aber wen
du auß nordurste yßest so treibt dich
nite der lust/was treibt dich dann:
dich treibe vn tringt das gebot gotes
Got hatt dir gebotten/du solt dich
selber nite töden/nun magstu on essen
nite lebū du solt im tag ain mal essen/
Saget sant Thomas. Aber das du
nite lust empfindest in dem essen/das
ist nite möglich. Nun wolan. Ad pro
positū. Es seind/flaischlich lüst/es
ist geitrigkeit zeitlichs güts/es ist
hoffart Er geiz/sy wöllen gesehen
werden/vnd groß geacht/Ob aber
ich die wort vnder ainander schützen
würd/das ich erwan würd sprechen
gegenwurff oder begird oder anmit
od lust/ob ich nite aigentlichen rede/
nite achtend es. Augustinus spricht
Wir müssen erwan meer vn aigent
lichen reden dann aigentlich. Nun
wolan. Ir hörent den kuds/Was ist
aber die guncel/sprichstu: Die guncel
daran der kuder gebunden ist/
das ist sorg/angst vn not diser welt
Zeitlicher ding/damit dan die welle
ymbgeet Es ist das creüz des linckē
schachers Er hieng eben als wol am
creüz/als christus Jesus/Also die
weltlichen menschen/Wiewol sy wi
der gott lebenn/wiewoll sy mit diser
welt vmb gond/nichts desterminder
hangent sy am creüz/das ist/sy has
ben eben als wol angst vnd not/all
die güeten menschen/die da got dem
herren dienen Ja zu tausent malen
meer/wiewol es die güeten zum ersten
hört vn saur ankomp/aber hinden
nach wirt es men leicht vnd lustlich/
so die vnglückhaffren menschen müs
sen ymer zu angst vnd not haben/vn
wen der güeten menschen leiden ain

end hat/so facht der bösen menschen
leiden erst an/ vnd wenn sy lang ge-
spinnen so gibt inen die welt den lon
Als sant Pauls spricht Ad Romani
am vj. cap. Stipendia peccati mors
est. Der sold der sünd ist der tod. Ja
der ewig tod. Nun wolan. Sy hang
en am creüz/ Es ist ain creüz/da ist
kein nainan/ vnd wilt du sehen das
es ain creüz ist Nym das oberrayl
des creüz/hoffart/gedunkte dich nit
das es ain creüz ist? Ja es warlich/
was angst vñ not die haben die nach
eeren fechten/das ist nit außzu spre-
chen/ da fichtest du nach dem ampt
da nach den eeren/da müßt du denen
vergeben/ da müßt du lügen das du
dienitt erzürnest. Nun wolan/ da
müßt du die schwestern auch vor au-
gen haben/ob man ain Priorin wöln
löle so gab sy dir auch ain stim Nun
wolan/du müßt die andern schwester-
ren auch nit verachten/ wer waiße
wa du jr bedarffst/ wer auf den banck
will steigen der müß ain schämel ha-
ben/ wer den schämel verachtet der
kompt nymermer auff den banck/da
hat man inen nit eeren genüger bot-
ten/da hatt man sy nit recht ange-
hen/da fürchten sy die eere wöln inen
entgon/ vnd ist jamer vnd not ymer
dar auff allen orten Hö:st du/ Sy
müß yederman fürchten/all die welt
Ain mensch d got fürcht/der fürcht
sunst nyemands Es ist ain arm volk
spricht sant Bernhart. D geitigkeit
der eeren/wie bistu so ain groß creüz
denen die dich liebhaben/das ist das
oberrail. Sich darnach das vnder
tayl das in der erden steet/vnkeüsch-
hait/was creüz die selben tragen/die
damit umb gond/die selben befinden
es/wen sy der man umb den kopff od
schedel schlecht/vnd sy müßent mit
den kindn umb gon/seind sy klain so

müssen sy sorg vnd angst vnd arbeit
mitt inen haben wie sie sy erziehen/
seind sy groß / noch grösser sorg/ da
will der sun nit wol/da müssen sy der
tochter sorgen vñ fürchten/da finden
sy sie nit herlich gnüg versorgen als
sy gern thäten/vñ ist angst vnd not
ymbvndvmb/den befinden sy das es
ain creüz ist wen sy müd werden/als
sy selber erwan sprechen/ Ach es ist
doch nyemant bas dan denen die got
dienen/sy dürfen nit sorgen vñ essen
noch vmbtrinken/sy haben ire klay-
der/vñ wissen wa sy es nemen sollen
sy dürfen nit sorgen das sy der man
schlach/sy seind vnbetümet von den
kinden zc. sy seind mit güter rü/vnd
seind vnbetümet mit yederman Ach
sprechen sy/wie ist inen so wol/vñ fa-
hent an vnd lobent/das sy nit thun
wöllen Was vnglücks aber die ha-
ben die mit d schamlichn lieb gefang
en seind/mit hofieren zu nachts/wie
sy stond in d kirchen mit aufgeschnit-
ten klaydern/glatten schühen/vñ er-
frieren sy möchten malertig werden
vñ zittern in den aufgeschnitten klai-
dern als ob sy das fieber od der rits
schit/ was vñ vñ arbeit sy haben
Da lüget der leffel wie er der mezen
volgefall/vnd laufft inen nach zc.
wie d stier der kü/da hat sy angst vnd
not wie sy sich auffmustere zc. was
angst vñ not haben sy biß das sy die
boßhait volbringen/da werdñ sy dan
zuschanden/ist sy ain juncckfraw ge-
wesen so wirt sy mit ain kind gen-
was angst vnd not sy dan haben von
scham/das ist nit aufzurechnen/wie
sy geängstet werden in inen selbs/so
ist den da ain nagen d conscienz/vñ
gewint nymer kain rü noch rast ewi-
lichen/es ist ain arm ding darumb
sy müssen es hindennach selbs verze-
hen/wen sy des spinnens lon gewar

werden/die waiße nit was die man
 seind Sprechen sy/ich hab es erwan
 von den alten hagelkocherin vñ azeln
 gehört/hörst du wie alle sy worden
 seind/wie weiß sy geschehet seind/so
 werden sy doch nymmer weiß/es ist
 ain arm volck. **Nu** wolan/das ist
 das vnder tail des creüz. **Nym**
 darnach das ort zü der rechten hand
 Das ist/geirigtait/damit man nach
 dem güte greife/wie dieselbñ vnglück
 haßrigen menschen gecreüziger wer
 den/vñ sy das güte sticht als die dort
Sy gewin nymmer Frid in men zc.
 Allweg zablet in das hertz nach güte
 sy künden nymmer vol werden/sy haben
 angst vñ not tag vñ nacht/sy schlaf
 fen nymmer mit rü/rumpelt nit meer
 dan der wind am laden so vermaine
 er es sey ain dieb/geet er über feld/
 bekompt im erwan ain armer mensch
 so maint er es sey ain mördere/bekom
 met im ain arm mensch auff der gas
 sen so erschrickt er vnd söcht er wöll
 ain allmüsen hayschen/er müß gelt
 außgeben/ist es güte wetter so ist angst
 vnd not/da söcht er das Korn wöll
 wolfail werden/wievil mainstu das
 ir yezund seyen/die mainen sy müß
 sen verderben/darum das das Korn
 nit meer dan ain schilling oder zwen
 hat abgeschlagen zc. vñ ist angst vñ
 not vmbvndvmb. **Nim** darnach
 das ort zü der lincken hand/das ist
 d'neid/mainstu nit das es ain creüz
 sey Ja es warlich/sy gond vnd frist
 sy der neid/das sy geel vñ grün wer
 det/sy gewinnen zee als ain eber/sy
 mügen weder grünen noch deyen/
 da söcht er es wöll dem zu wol gon
 So söchten sy die sachen wöllenzu
 richtig naher gon/vnd werden vmb
 vndvmbgepeiniget wa es wol geet/
Nu wolan. **Nu** haben jr was die
 guntel ist **Es** ist/hab ich gesprochñ

angst vñ not diser welt/vñ wirzüge
 leicher den creüz des lincken schaz
 chers/der selb layd eben als wol am
 creüz als Christus/er starb eben als
 wol/wiewol er verdampft ward/Al
 so dieselben armen menschn/wiewol
 sy gebunden seind an die welt/nichtz
 destminder werden sy gecreüziger/
 wiewol sy sich daran verderben/wie
 wol sy verdampft werden nach irem
 sterben/nichts destminder müssen sy
 das creüz tragen bis in die hell hinab
 da sacht es denn erst recht an/Dise
 welt ist ain creüz/sprich ich/denbö
 sen **Sy** ist den güten menschen auch
 ain creüz/aber gar anderst Spricht
 sant Pauls Ad Galath. vi. **Nicht**
 mundus crucifixus est et ego munda
 Die welt ist mit ain creüz/vnd ich
 bin der welt auch ain creüz. **Nu**
 merck/du findest manigen menschn
 der sich der welt ganz nichtz vermag
Im ist alles wiß damit die welt vmb
 geet/es ist im alles gift vnd gall/di
 sem ist die welt ain creüz/aber er ist
 der welt nit ain creüz/warumb
 darum/die welt will sein nit müßig
 gon/er müß bekümmert sein mit welt
 lichen sachen/die welt will in nit dar
 von lassen/da müß er bey dem tanz
 sein/dabey den höfen/dabey den hoch
 zeitten/da müß er bey der rechnung
 sein/da mit der güte bekümmert sein/
 da mit den zinsen **Bistu** ain frau so
 müßt du bey mans personen wonen/
 bistu ain man so müßt du bey frauen
 wonen **Kurtz**/die welt laßt dir kain
 rü/du möchtest d'welt ganz enbern
 Aber sy will deinnit embern/die welt
 ist dir tod/aber du bist der welt noch
 nit tod/wenn es aber darzu kompt/
 das du der welt vnwerd wüßst/das
 sy sich dein nit meer vermag/das du
 ain arbeitfeliges mensch wüßst/das
 sy dir die ferssen vnder das antlitz

e ij

stofft Ey war für ist das mensch nütz
 man kan es doch niendert zu brauchn
 Es ist weder zu disem noch zu dem
 nütz auff erdrich zc. Wenn dich die
 welt also veracht / den so bist du der
 welt ain creütz Als auch sant Pauls
 spricht an ain andern ort. Wir seyen
 worden als die opffelschölff die man
 zu den fenstern auß würfft / vnd als
 das gnüß od die feget die man gantz
 außwürfft oder außker dienyeman
 nütz ist Also waren die jünger Crissi
 des herren / vñ die christglaubigñ im
 anfang der christenheit / vñ also soll
 man versteen das wort sant Pauls /
 so er spricht. Michi mundus zc. die
 welt ist mir geerüziget / vnd ich bin
 geerüziget der welt Wir lesen es in
 dem capitel / vñ singen das in den si
 benzeitten / aber es hertziget vns nit /
 das ist / wir nemen des nit war / das
 thüt allenschaden Ain mensch das
 mit fleiß predig hört / vnd darin sich
 über / der kam gar bald zu klarer ver
 stentnuß Ain geleter / der da list die
 geschriß / vnd war nimpt was er list
 vnd sich darzu über / der kam zu groß
 ser kunst. Sant Bernhart spricht.
 Nyemant mag verstonden David
 nyemant mag verstonden sanctu Pau
 lum Augustinu Gregoriu zc. Nyemant
 mag verstonden die geschriß / es
 sey dan das er also geherziget sey /
 als die gewesen seind / die dise wort
 geredt haben / denn versteeß du recht
 den psalmen Die ne in furore tuo ar
 guas me zc. Psalmo vj. Her got in
 deiner vnsinnigkait od grimen wöl
 lest mich nit vrtailen / neqz in iratua
 corripas me. Noch in deinem zorn
 wöllest mich nit straffen / denn ver
 steest du in recht / wenn dir ansacht das
 hertz zu erzittern vor der vnsinnigñ
 tobhayt gottes / in der er ewiglich
 strafe die verdampfen / vor dem zorn

gotes in dem er etwas gnediglichñ
 straffe die in dem segeur seind / Also
 was dem Dauiddo er disen psalmen
 laß vnd beeten ther. Aber wir beeten.
 dnene in furore zc. ist die speiß bereit
 was wollen wir essen. Miserere mei
 deus. Ist die stub warm / es ist ain
 arme kost darumb zc. Nun wolan.
 Ir habent den kuder / ir habent die
 gunkel Nun wais ich wol ir wölten
 gern sehen wie der vnflar vor der gun
 ckel sitzt vnd spint / ich kan es im nit
 bas erbietten / es ist nit meer ain vn
 flarlin / es ist ain grosser vnflar dar
 auß wordn Ir wölten gern sehen wie
 sy spint / sprich ich / wie er spint / wie
 er singt / wie er auch erwan entschlaf
 fet Ir sollenes aber nit leeren / hüt
 ten euch darvor. Nun wolan Nym
 die erst handuol kuder s / als vnkeu
 schait / flaischlich lust / oder alles das
 daran sich das flaisch ergetzet / alls
 fressen vñ sauffen / ich sprich nit essen
 vñ trincken / wann das ist nit sünd / als
 du vor gehört hast / Wiltu sehen wie
 der vnflar spint / er sitzt vor der gun
 ckel vñ facht an den kuder herauß zu
 zopffen / wenn ist das selb: den so du an
 fachtst zugedenckñ an flaischlich lust
 du sitzt bey dir selber vñ gedenckst
 Ach wärest du in der welt so hettest
 auch ain man / vñ herest hüpsche klay
 der / so wärest auch gehalten als die
 vnd die / vnd hettest auch knecht vnd
 magt vñ junckfrawen zc. da geden
 ckst du an das baslin / da an das
 mümlin / vnd zetterst es also im kopff
 vmb / du gedenckst daran / es ist aber
 noch ain rauch ding darumb / es be
 wegt dich gantz nit überal / du sitzt
 vor dem creütz des lincken schacher s
 Aber er ist tod / du gedenckst dar an
 als an ain gemaltes ding / ainer ge
 denck gar oft an ain ding / es bewegt
 in aber nit / als ainen der predigen
 müß / der müß daran gedencken soll

er anderst daruñ sagñ / es bewege in
aber nichtz Aber wen der vnflat lang
heraus gezopffte so facht er den an zu
draen / wen draet er: den facht er an zu
draen wenn du bewegt würest in den
glidern vñ doch schlechtlich befündst
ain bewegung in den glidern / als vil
als in ainem lust. Nun wolan. Es
ist noch güte / es ist kein todsünd / dar
nach facht der vnflat an das garn zu
nemen / das ist / wen die vernunft dar
zu kompt das du warnimpst mit der
vernunft warmit du vmbgast / aber
schützlingen die vernunft blicke das
auff in ainer gähe / es ist noch nit ain
todsünd / wen du es aber lassst ein
reissen so du sein warnimpst vñ mer
ckest warmit du vmbgeest vnd lass
die gedanckñ in dir fürgeen vñ steest
dar auff willigklich / denn hastu den
faden aufgewunden / das ist / du hast
tödelich gesündet / wen du ain gefal
len hast in disen gedanken / vnd wär
dir layd wen sy nit wären gegenwü
rig / den so hastu den faden überwun
den / über dich selbs / wiewol du die
werck nit wölest thun / aber du ergetz
est dich in den gedanken vñ hast lust
darin / das ist ain todsünd. Tit sprich
ich / das verwilligung in den lust des
gedancks / das das ain todsünd sey
Nain / es ist ain grosser vnder schyd
zwischen der verwilligug in ain tod
sünd / vñ zwischen der verwilligung
in den lust des gedancks / wann ver
willigung in ain todsünd ist ain tod
sünd Aber nit ain yetliche verwilli
gung in den lust des gedancks ist ain
todsünd / nain / vnd nym ain gleich
nuß / Ich nym für mich zu predigen
von etlichen wercken / soll ich dauon
predigen / ich müß daran gedencken
Ich hab ain lust in den gedanken /
es gefelle mir wol / das mir der ge
danck also hayter vñ als scharpff für

Kompt / ich hab ain wolgefallen dar
ab das ich also scharpff vnals may
sterlich kan in die sach sehn / ich mein
ich künd es dester bas fürlegen / das
es dester begreifflicher vñ dester ver
stentlicher sey / diser gedanck ist nun
nit ain todsünd / wiewol ich in mitt
willen auff nym / ich verwillig mich
in den gedanck vñ lust des gedancks
vnd gefelle mir wol / ich beleyb dar
auff ston mit willen vñ mit verdach
ten mit / solch verwilligung in den
lust des gedancks ist nit ain sünd der
vnkeuschait Spricht sant Thomas
Es ist ain sünd der fürwitzigkayt /
oder ist kein sünd / wen ich aber das
ließ fallen / vnd keret mich auff den
lust der sünd / vnd her lust vnd freud
in den wercken der vnkeuschait / vnd
ergetz mich in dem selben lust / der
selb gedanck wär mir ain todsünd /
wiewol ich die werck nit thun wölt /
dennoche d gedanck wär ain todsünd
Darnach haspelt man das garn / das
ist / wen du auch verwilligest in das
werck / vnd möchtest es zu wegen brin
gen so wölest du es thun / du suchest
weg vnd zeit / da geest du an die vnd
an die ort / vnd schlechst es an in die
selber / also vñ also wär im zu thun /
vnd gedenckst hinach / den hoffest du
es müg wol gesein / den zweifelst du
es müg nit gesein / vñ ist kein hindern
an dir / wan du es nit gerhün kanst /
du kanst weder stat noch zeit dar zu
finden / man lügt dir zu fast auff die
eyssen / vñ das ist noch ain schwärere
sünd / Darnach so windt der vnflat
das garn / das ist / so du außbrichst
mit den gebärden Es ist / sichst du /
wen sy da ston in d kirchen vñ wind
halsig werden / vnd in der halß allso
gleichig wirt / vñ fahen an vmb lauf
fen / als ain garn wind / da zu dem
tannz / da zu den höfen / da man den

den Kolben gibet/war ich vor den welt
lichen so wölte ich daruon sagen/sy
sahen an vñ muß der man alles das
tun das sy wöllen Ach wir solten den
nachbauren laden so thäten wir doch
auch ertwas so giengen wir auch nit
müssig/wir müssen auch zu den nach
bauren geen/vnd lauffen allso vmb
wie ain garnwind/solt ich dir sagen
wie sy die gunctel herkeren/sy sitzen
vnd küwen vnd küwen vnd zopffen
heraus/vnd wenden die gunctel vñ
vnd vmb/den in hoffart/da wöllen
sy gesehen sein in klaidern/da in ge
bärdn/da im gefang/das man auch
hört wie ain güttelstym du habest/od
so nyemandt bey dir ist/so du allain
bist so hast du gefallen an dir selber/
Also gieng jenes brüderlin das auch
geren war gewesen ain bischoff/Es
was ain armes brüderlein in ainem
wald/das saß also bey im selber vnd
war auch gern ain bischoff gewesen
vnd sieng an vñ weyhet vnd macht
vñ thet eben wie ain bischoff tüt/also
thet er auch Tu kamains mals ain
hailiger vater zu im vnd wolt lügen
was das brüderlin thät/do er zu der
zellen kam do hort er ain gefert in der
zell/der altuatter sach zu der zell hin
ein durch ain spalt vnd ligt wer bey
im war/do gieng es dort vñ weyhet/
vnd was auß dermassen vnmüssig/
vnd hielt mess/vñ fieng an vñ sang
herzlich/der altuatter sach im ymer
dar zu/hindennach klopffet er an/
das brüderlin thet diezell auf/do das
brüderlin den altuatter sach/do er
schrack es vñ forcht der altuatter her
es gehörte singen/vnd sprach/vatter
wen seind jr komen/do sprach der alt
uatter/ich kam ebendo du die prefatz
sangest/do schämetsich das brüder
lin vor dem altuatter. Ain ander brü
der was/der war auch gern gangen

als ain priester/er hett ainen kurzen
rock an als ain layenbrüß/do gieng
er vnd nam ain maz vnd näet sy an
den rock/vnd gieng also mit der maz
en daraffter zeteren/das ist/das die
hailigen grosuatter geklagt haben/
Darnach wie sy die gunctel vmbke
ren im geitz oder in der geittigkeit/
wie die selben sitzen zu küwen/der
geitig hat er kein gelt so hat er angst
vnd nor wie er gelt überkom/hatt er
dan gelt so hatt er angst vnd nor wie
er es anleg/daligt er wie er das ge
werb müg werben/da das im der wü
char nit entgang/darvon darff ich
nit vil von sagñ/es darff sein hic nit
Es was ertwas das man die leüt in
die clöster nam/nit vmb güts willen
besonder vmb gots willen/vnd gab
ains nach seinen vermügen/aber es
ist gantz nicht überal/sy seind der
ding also ledig/allso der hundert
flöch im augst/besonder die frauen
clöster/darum darff ich nit daruon
sagen ich laß es fallen. ¶ Item im
closter von eigenschaft/Vain spri
chest du/es hat nyemandt kein eigen
schafft hie/du magst eben also eigen
schafft haben an ainem klainen büch
lin/an ainem grifflin oder hailglin
als an grossendingen. Spricht sant
Thomas/es ist dir gelihñ/du magst
aber nit leyden/das es yemands an
ders brauch dan du. Item darnach
in dem neyd/so will dich die da vers
tringen/da hatt man die zu vil her
für gezogen/so gedunckt dich sy hab
hüpscher gebärden dann du/vnd ist
des dings kein end Solt ich den selb
en blunder allen her außschüteln ich
het ain ganz jar daruon zu redigen
wan ich schon alltag predigete/ich
möcht es dennocht nit gar außsagñ
Nun wolan.wenn dann das garen
gewunden wirt/so faren wir zu

hre dig

dem weber / das ist / wenn du es zu
 den werckenn bringst / das du die
 werck angreiffest / vnd gibst ainen
 auftrag dem das du vor hast anges
 schlagen im hertzen / den so waschest
 du das tuch / vnd wenn du ansachst
 so kompt got v allmechtig vn schney
 det dir das wepp ab. Dum adhuc or
 dixer succidit me. spricht der prophet
 Dauid. Als der weber den faden / al
 so hat er mich abgeschnitten / wie hat
 er dich abgeschnitten : do ich noch
 dannocht zettel / do hatt er mich ab
 geschnitten / das ist ain ellendding /
 wenn ains noch nit auß gesetzelt hat
 Le ains ansacht weben / das man
 ainen das garn abschneidt / ee etwas
 dar auß wirt Also geschicht den men
 schen / die daz sach setzen auß lust vn
 freud diser welt / wenn sy vierzig jar
 der welt gedient haben / oder sechzig
 jar / vnd in die welt zu lieb wirt nach
 allen irn willen / vnd wollen sich erst
 rechte rüsten dar zu / sy geraten erst
 rechte zu gewonen / vnd wollen in erst
 rechte lassen die welt zu lieb werden /
 es ist noch vmb den ersten wurff zu
 thun / vnd so sy wänen an dem besten
 zusein / so geschicht zu dem dickern
 mal / das got der allmechtig ainen
 söllichen menschen sein lebenn ab
 schneydet / durch den tod / vn verder
 bet in ewigklichn / Der weber wenn er
 weber so sicht man nichts von dem
 wepp das er machet / dann das er vor
 im hatt auß den stülen / vnd das selb
 ist velleicht ainer halben ellen / oder
 ainer ellen brayt / Das amder das
 gewebe ist / das ist alles verborgen
 auß dem holtz draumb es gewunden
 ist / das ist der baum der fornen an
 dem webstül ist Allain das / das auß
 dem holtz ist / oben auß / das amder
 ist darunder verdeckt / Also ist vn
 ser leben vnd nit amderst Wir ha

bennichts von vnserm leben dann
 das gegenwürtig / das vergangen
 ist dahin / das künfftig haben wir
 noch nit / du wayst nit ob du es ge
 lebst oder nit / du hast nichts von
 deinem leben dann das gegenwürt
 tig / Nun / vnd ee du das wort ge
 sprichst so ist es auch hinweg . Nun
 wolan / Darnach facher der vnslat
 an vnd sinngt / was ist sein gesang ?
 Es ist / wenn sy es bringen in gewon
 hait / wenn sy verschämpt werden /
 das sy sich nit meer schämen Sont
 sy wollen des berümpft sein / vnd bres
 chen auß mitt faygen vnzüchtigen
 gebärden Sy glorijeren in iren sün
 den / vnd haben freud vnd mütt dar
 inn / Alls der weiß man Salomon
 spricht Prouerbiorū am ij. capitel.
 Letantur cum malefecerint / et exul
 tant in rebus pessimis ꝛc. Sy freu
 wen sich so sy übel haben geton / vnd
 sy haben sich ersprungen in freuden
 in den allerbösesten dinngen / Dar
 nach so entschlaffet der vnslat auch
 ettwan ob der gunckel / das ist / wenn
 sy ganz vnd gar verrücht vnd ver
 stopfft werden / das sy kainer güct
 hait meer achten / sy fürchten weder
 got noch den menschen Sy mügens
 nit hören von got sagen / sy werden
 ettwas formiert in die bosheit vnd
 in die laster Sagt man von got / von
 den hailigen / oder von dem hymmel
 reich / so ist inen eben alls sagt man
 von schlauraffenlannd / inen ist eben
 als erwachten sy auß ainem traum
 Es ist inen nayßwan ain frembdes
 ding zu hören / wie ainem menschen
 der da Christ förmig ist worden / von
 der welt ist zu hören / Also ist disen
 menschen wenn sy hören von götz
 lichen dinngen sagenn / Sy werden
 also toll vn als thum das sy eben hin
 gond als schliefen sy ander predig /
 e iij

wa man dann von got sagt/da ist jr
 zu vill Von diesem menschen sagt
 Dauid. Dormierüt somnū suū zc
 Psalmo lxxvij. Sy haben geschlaf-
 fen iren schlaff vñ die man der reich-
 tumb habennichts gefunden in iren
 henden/Sy haben geschlaffen iren
 schlaf/das ist/sy seind also verstopft
 gewesen in den lüften vñ freüdn diser
 welt/das sy nyemant hat künden er
 wecken/weder durch tröung gotes
 gerechtigkeit/noch durch ermanüg
 gotes barmherzigkeit/eben als ain-
 em dem da traumer/(der herc schlafte
 das in nyemands erwecken kan/da
 ist er zu Franckfurt bey der kaufman-
 schafft/dazü Venedig/da ist er ge-
 wesen in eeren/da in grossen freüden
 vñ lust des leibs/vñ wen er erwachte
 so ist es nichtz dan ain traum gewe-
 sen Also ist es ain ding vmb dise zeit-
 lichen ding vñ nit anderst/vñ wie
 dan dem also getraumer hat/also ge-
 schicht inen auch die damit vñ gond
 sy gond also hin vñ traumer inen ym-
 mer meder vntz das sy erwachen/wen
 erwachen sy: den erwachen sy/wenn
 da kompt der tod/denn so gond inen
 die augn vff so sehen sy das es nichtz
 ist gewesen/sy finden nichts in iren
 henden/wan sy haben nichtz von allen
 dem damit sy vñgangen seind/es ist
 dahin als ain traum/in volgt nichtz
 nach dan der ewig tod/als sant Pau-
 lus spricht Ad romanū vj. Stipendia
 peccati mors est. Der sold d sünd ist
 der tod Dis ist warlich die recht fast-
 nacht gunkel/warum die fastnachte
 gunkel: es ist gantz nichtz vmb sy/
 es ist gantz kain lust d gnaden in ihen
 Das seind die lumpen damit man an
 der fastnachte vñ laufft/die man an
 der stangen vmbtreget/damit sy das
 anlüz berüssigen d seelen. Also sprit-
 che d prophes Tren. iij. Denigrata

est facies eorū. Ir angesicht ist schy-
 wartz über die schwertz der hasen/das
 seind die hasenlumpen damit verbun-
 den wirt das angesicht der seelen/das
 sy vñerkannt werden got/vñ allem
 hymlichen hōr/als die schümen oder
 buzen anlüz die man zu fastnachte
 an rüt/die machen das man den men-
 schen nit kent wer er ist Also wirt ain
 mensch d im selb gleich ist/naiswan
 vngleich/er gewint naiswan ain an-
 dere gestalt/ain anders wesen/vñ
 ander gebard/das sich die menschen
 ab im verwundern die vmb in wonen
 weder er vorzeiten was Sich/wie ist
 er so zornig/so vngedultig/so leicht-
 fertig/er ist gantz nymet der mensch-
 der er vor was/er ist gantz vmbkeret/
 Ja ain mensch verwunderet sich er-
 wan an im selber/das er gedennet/
 wartzu bistu komen/was ist auß dir
 worden Dis seind/sprich ich/die wü-
 sten lumpen/damit/so die seel wirt
 begriffen/wirt sy zu ewigen schan-
 den. Selig ist die seel die dise gunkel
 hinweg würffet/vñnd jr müd wirt
 das sy jr gantz vrlöb gibe/Als etwa
 ainem menschen geschicht der diser
 welt vrdüzig wirt/wen es im nye-
 nen zu handen will gon Du sprichst/
 Die welt gibe böser lon/jr soltten es
 alles vor bedennē/es kompt oft das
 ain solcher mensch bey im selber sitz
 vñ im selber angedenket so er vñter
 der welt gewar wirt/vñ sich selbs er-
 kenne vñ bedennet/wie bist du so ain
 vnglückhaffrig mensch/war es nit
 als güt du littest dich vñ gotes willn
 Er gab dir doch das ewig leben dar-
 um/du müst doch vnglück vñ leyden
 haben vñ verdirbst ewigklich damit/
 du wilt dir selber nit meer also übel
 thun/vñ facht an vñ kere sich von
 ganzem hertzen zu got dem hertzen/
 vñ gibe der welt vrlöb/vñ kere jr

den ruckē vnwürflich Eben als ain
mensch der von zorn die gunkel hin
weg würfft / vnd sy nit meer mag an
sehen / selig ist ain solliche seel / sprich
ich / die got der herr also erleuchtet /
das sy nit vergasset vñ verharret an
diser gunkel vnz an jr end Also rind
die die sich also hört einwickeln in di-
sen kuder / das sy darinn verderben
ewiglich / eben als ain hün tüt / das
sich in kuder verwickelt vñ nit meer
dar auß kan komen Also hangen die
selben armen menschen diesem kuder
vñ in den hudlen diser zeitlichē ding
vnz das sy der böß gaist erwüschet an
irem letzten end / da sy ewiglich ge-
fangē müssen sein / das seind die lum-
pendamit der prophet auß der grū-
ben ward gezogen Der prophet Jere-
mias ward in ain grūben geworffen
oder gelassen / das er darin verderbē
solt / da kamen seine freünd vñ brach-
ten ain sayl vnd wolten in her auß
ziehen / vñ liesen im das sayl hinab /
vñ do er das sayl in die hend nam vñ
wolt sich daran heben / do zer schnaid
es im die hend / es was im zuscharpf
vñ zu rauch / er mocht es nit geheben
do namen sy lumpen vnd banden sy
vñ das sayl vñ zu gen in also her auff
vnd also ward er erlöset. Nun wolan
Wir sitzen in der finsternuß / der grū-
ben diser wele der blindheit vñ vner-
kennuß. Nun mügen wir vns selbs
nit dar auß gehelffen Got der allme-
chtig tüt ains vñ last vns her ab das
sayl seiner gebot / daran er vns auff
zeücht in ewige seligkeit / wollen wir
nun hinauff komen so müssen wir das
sayl in die hend nemen / das ainer dir
vil ain sayl beüt / vnd du nit daran
greiffen wöltest / warlich du kämest
nymermer hinauff Kurtz / nyemant
mag zu hymel komener greyff dann
an das sayl / da laß nye kain pfaff

für Onhaltung der gebot gottes
mag nyemant selig werden / wilt du
eingon in das reich der hymel so halt
die gebot gottes / sprach vnser herr
Matthei am xix. cap. Nun wolan
du greiffst das sayl an / was geschicht
lieber got / es ist zu scharpf vnd
rauch / es schneider dich in die hend /
du solt got liebhabē auß ganzender
nem herzen / auß ganzer deiner seel /
vnd auß allen deinen kreften / vñ dei-
nen nächsten als dich selbs. Ja sprich-
hest du / solt ich alles das in got ri-
chten damit ich vmbgann / solt ich
alles vnrecht güt wider geben / solt
ich allen weltlichen freunden vrlaub
geben / allen flayschlichen lüsten ab-
sterben / vnd mein begird also in mir
töden vñ tammē / vñ solt mein leib
also angreifen mit fasten vñ andrer
festigung des flaisch / das er vnder-
tänig würd dem gaist / wer wolt das
erzeugen Item solt ich meinem nä-
chsten vergeben der mir layd gethott
hat / vnd solt mich nit an im rechen /
ich kan es nit an mir finden Kurtz /
das sayl ist dir zu vil rauch / du may-
nest ye du mügest es nit geheben So
thū ains vnd entlehen die lumpen /
vnd bind sy vmb das sayl / was seind
dieselben lumpen / das leben / das ley-
den vnd das exempel der lieben haili-
gen / die sy hinder inen gelassen habē
in dem sy vns vor seind gangen / das
wir innach sollen volgen. Nun wol-
an / du bist im closter / du hast dein
regel auff dich genommen / du bist sy
nun schuldig zu halten / das dir vor
ain rat was / das ist dir nun ain ge-
bot / du maynst ye sy sey dir zu hört /
solt ich mich selbs also hört angreif-
fen / lieber got ich bin im zu zart / ich
bin zart erzogen / so bin ich sunst zart
von natur der complexion / vnd bin
von dem vñnd von dem geschlecht /

sicht dich nur dein nächste Schwester
 Krum an so sprichst du/war sy da aus
 sen gewesen ich het sy nie an gesehen
 das sy mein dienst Kellerin war gewe
 sen/vn müß das vn das von jr leidn
 Soll man etwas arbairen im closter
 es ist dir zu vil/singen/lesen/vasten
 wachen/es ist dir als zuschwär/kurz
 das sail ist dir zu rauch/du magst es
 nit in den henden gehalten/Was
 solt du thün Lym die lumpen in die
 hend/gedenck was da gelitten haben
 die hayligen juncfrawen/der tag
 vil im jar komen Katherina Barba
 ra Dorothea Agatha Apolonia zc.
 sy seind eben als zart gewesen als du
 bist/als edel/als schön vnd als reich
 als dunymer würst/vnd habenden
 nocht solliche grosse schwäre marter
 gelitten/sy seind eben als wol menschen
 gewesen als du bist/sy haben eben
 als wol widersprechug jrer sinnlich
 kait gehabt als du/vn haben sich al
 so größlich überwunden/vn jr leib
 vn seel also in schwäre marter geopf
 fert got dem herren/du findest mani
 gen menschn dem dienet es nit zu ge
 dult/das er ansicht das leyden vn
 sers herin/warum/darumb/sobald
 er gedencke/Ach vnser herr hat doch
 auch gelitten/so felt jm ein/ia er was
 got/er het gewalt seiner sünlichkeit/
 die da nit wis sprach seint vernunfte
 Er mocht leiden was er wolt/wenn
 er aber ansicht seinen gleichen/also
 das er gedencke/er was ain mensch
 als du bist/er hatt das gethon/es ist
 jm eben als saur worden als dir/vn
 gewinnet den ain hertz/du magst die
 sonnen nit gesehen in jr selbs/aber
 wenn sy an ain berg scheint oder an ain
 maur so sichst du sy wol/Also ist es
 auch hie Ist dir das leiden christi zu
 scharpff/so sich an das leiden der lie
 ben hailign/die da eben als wol men

schen sein gewesen als du Ja sprichst
 du/got gab jnen genad Der selb got
 lebt noch Er ist eben als gewaltig/
 als gütig vn als milt als er die zeit
 was/er ist eben als schnell dir zu hel
 ffen als jnen/du müst aber das dein
 auch darzu thün Es ist auch den lie
 ben hailign nit selber dar gangen/sy
 haben es müssen angreifen/du wol
 test als geren tugent überkomen on
 arbeit/es thut sein nit/Ach sprichst
 du/ich sach gern das ich gut wäre/
 es geet warlich nit mit schlaffen zu/
 Exempel. Es was ain altuatter in
 der wüste zu dem kam ain andrer vater
 ter/do er zu jm kam do saß er vn spei
 wet blüt auß/ Der altuatter sprach/
 vatter was ist dir das du blüt auß
 speiwest/do sprach er/es seind eitel
 wort die ich in mich getruckt hab/do
 ich betrübt ward/die ich gern geredt
 het/vn die haben mich also getrenget
 von innen/das ich blüt außspey/All
 die weil man dir nichts thut so wärest
 du wol geduldig/aber wenn man dich
 erzürnet so ist es auß/Lite also/ge
 denck an die lieben hayligen/was sy
 gelitten haben/vnd wie größlich sy
 den herren gebeten haben für die die
 sy marterten/vnd leine gedult bey
 jnen/man hat dich noch nit mit krö
 weln vn hocken zerzerret/vnd dir die
 büß abgeschnitten/Als dan spriche
 sant Pauls zu etlichen/die da auch
 mainten sy hetten grosse ding geton
 Ir seind noch nit gestanden zu ver
 gießen eür wer blüt/Las dich deinen
 leib nit zu übel tauen/dir müß doch
 die hell saur werdñ/ob du schon dem
 vn dem teüfel dienest/dennocht bist
 du nit on leydn/ey so las dir als mar
 sein (als ich dir zum dickernmal sag)
 dich vertzer ain salck/als ain rapp/
 Vnd dien got mitte fleiß/er gib dir
 darumb das ewig leben/Darzu helff

mit vnd eüch/got der vatter vnd der
sun vnd der hailig gaist Amen.

Nun komet die dritt guncckel vnd
die lezst/gar ain natürliche leer.

Ir seyen noch in der materi
w der guncckeln/an der da spin
net die vnuernünfftig seel/die
da von got geschaffen ist ver
nünfftig Darumb hab ich für mich
genommen meine fürgelegtn wort **L**e
digi eius apprehenderunt susum/
Vnd ire finger haben er wüsche die
spindel. Ich main die weisen vernün
ftigen juncckfrawen/ das seind die an
dechteigen seelen/ die da spinnen an d
weichnächte guncckel/die haben er
wüsche die spindel mitt den fingern
irer verstantnuß/das ist/sy betrach
ten vñ bekümmern sich mit dem höch
sten gütt/das ist/ mit christo Jesu/
den sy angelegt habñ für die guncckel
vñ spinnen faden darauß/ man ma
chet den kostlichñ samat darauß/von
wölllichem samat gemacht wirt das
hochzeitlich klayd/dar in sy frölichñ
werdñ in ewiger seligkait/von disen
ist kain zweyfel zuhabñ Sy spinnen
güt garn/sy seind die da spinnen Li
num vñ lanā/ flachs vñ woll/flachs
der gohait/woll der menschai/wañ
was wolt anders darauß werdñ/sy
betrachten christñ Jesum mit sampt
aller volkomenhait/tugenden vnd
genadñ/ so in jm beschlossn seind in
bayden naturen/das ist/nach d got
hait vnd nach der menschai/Was
wolt anders darauß werden/sprich
ich/dañ das klayd d götlichen liebe/
damit verdeckt werdñ all dein sünd
die du hast verbracht/ja du habest ge
thon was du wöllest/bringst du diß
klayd mitt dir es verdeckt alle dein
schand vor got vñ vor allem hymli

114
schen höt/dav ist/das dir got der all
mechtig dein sünd nymet meer auß
hebt oder verweyset/was maynst du
das David gesagt hab Psalmo xxxi
(Beati quorū remisse sunt iniquita
tes ⁊ quorū recta sunt pctā ⁊c) von
den hailigen die hie vil laster gethon
hond/die sy wider abgelegt/vñ göt
liche lieb eingebildet haben Diß klayd
spint man an diser guncckel on zweifel
Wickünd es gesein/wen du also be
trachtest was güts er dir geton hat/
dein hertz müst warlich bewegt wer
den got von hertzñ lieb zuhabñ Diß
ist die erst guncckel/von diser guncckel
hab ich eüch gesagt vormals. **A**n
der andern guncckel/das ist/an d fast
nacht guncckel oder ander kuder gunc
ckel spinnen die thoretchen juncckfraz
wen/sy seind ganz thorecht/dieselbñ
thoretchen juncckfrawen die da kuder
spinnen/an denen ist kain zweifel sy
spinen böß garn/es wirt nicht güts
auß irer gespunst/sy türffen nie ges
dencken/das auß irer gespunst Sa
mat werd oder das hochzeitlich klayd
damit sy mit den weysen juncckfraw
en eingelassen werden in ewige selig
kait. **N**ain warlich/es wirt nichts
darauß/es werden güt kuchenlump
en darauß/hafenfergen/vñ fürtüchet
damit man die hafen zu dem feür he
bet/das ist/damit man die seelen he
bet zu ewiger verdammuß/diß ist die
ander guncckel/die hab ich eüch auch
vor außgelegt/aber in der mainung
als sy ain fastnacht guncckel ist ge
nant/hab ich die ganzen vassen vil
dauon gesagt. **N**un will ich sy für
ain gemaine guncckel außlegen. **E**s
ist die dritt guncckel/vñ dasselb ist ain
gemaine guncckel/od ain mittel gunc
ckel/oder ain tägliche guncckel/oder
wilt du gern so mach ain fasten gunc
ckel darauß/wie du wilt also nim sy

An diser gunckel verhöhen sich vil
 menschen/die da maynen sy spinnen
 gar güte garn Sy schwüren tausent
 ayd sy spänen eytel flachs/ vnd wēn
 sy es an dem liecht besehen so ist es
 hanff/ ain arm ding/ es wirt zwilch
 darauß/ das ist/ sy maynen es gang
 alles in göttlicher liebe zū/ so geeret
 auß natürlicher liebe/ auß mensch-
 lichem annüt Sy spinnen ymerme-
 der also anhin/ vñ maynen es sey gar
 ain hüpsch ding/ vnd wenn man die
 wepp zaigen soll/ vnd man es an dem
 liecht besicht so ist es nichts werdt/
 das ist/ wēn sy kōmen an jr lezst end
 vnd mayn sy haben Samar gespun-
 nen so ist es zwilch/ vnd wēn sy may-
 nen einzugeen mit den jungen weisen
 junckfrawen so schiessen sy ain fāler
 Sy verfarñ vnd gond in den hymel
 da die engel mit bengeln vñ mitt kol-
 ben vmb lauffen/ vñnd schlecht das
 hellisch feür zū dem fenster auß Vñ
 die gunckel will ich auch auß dis-
 mal außrichtē/ vnd das ich eüch nit
 lang auff halt so will ich es in dise or-
 dnung setzen. Zū dem ersten was die
 gunckel sey. Zum andern was d̄ steck
 sey daran die gunckel gebunden ist.
 Zum dritten/ war bey du erkennen
 solt wēn es ain kuder werdē will. Zū
 dem vierden/ wie du von der hanffs
 gunckel magst kōmen zū der flachs
 gunckel/ vnd auß disen vier stucken
 wirt die gunckel ston. ¶ Nun sprü-
 chestu/ was ist doch die gunckel von
 den du nit sagst: ¶ Nun merckent vñ
 nement der wort eben war Es seind
 alle creaturen geschaffen die got ge-
 schaffen hatt/ angeblickt vnd augen
 auß sy geschlagē/ als so sy güte seind
 in jrer aigner art/ oder in jrer natür-
 licher art/ vnd nim es also Es ist der
 mensch/ dein nächster mensch/ nit du
 selber/ oder auch du selber/ du may-

nest dich selber/ darumb augen auß
 in geschlagen vnd lieb gehalten/ alls
 er güte ist in seiner natürlichen art/
 Du hast ain menschen lieb/ warum
 hast in lieb/ darumb/ er ist jung/ er ist
 hüpsch/ er ist reich/ er ist edel/ er ist
 wolgespräch/ er ist wol gebärig ꝛc.
 Item er gehört dir zū/ er ist deinsipr
 blüt/ er ist dir angewandt/ er ist dein
 man ꝛc. was der natürlichen gaben
 seind/ damit got der allmechtig ain
 menschen begabet hat/ das ainen an-
 dern menschen raizen mag vnd zie-
 hen/ das er ansicht also das ende der
 menschen lieb zu haben/ wiewol du
 es nit ansichst als dein lezstes ennd
 vnd als dein lezstes vertrauen/ wēn
 du es also ansichst alls dein lezstes
 end/ vnd als dein lezstes vermainer
 Also würd kuder darauß/ also sichst
 du es nit an ¶ ain/ du ordnest es aber
 auch nitte weiter in got/ du beleybst
 also da kleben/ vnd nit meer/ aber es
 ist noch nitte ain schwäre sünd/ alls
 liebt ain sünd den andern/ ain haid
 seinen nächsten Aber die weiß seele
 sicht alle creatur an in der art jres
 schöpffers/ so bald sy die creatur an-
 blickt stracks/ so fallet jr ein die art
 vnd güte des der sy gemacht hatt/
 wan alle creaturen bringen nit swar
 mit jnen die art jres schöpffers/ Al-
 so in dem werk ergleitet die kunst des
 werckmaisters. Wēn du ain hüpsch
 bild ansichst stracks so feldt dir ein
 die kunst des werckmaisters/ vnd ge-
 denckst/ ist doch das ain feiner künst-
 licher mayster gewesen der das bild
 gemacht hat. Also steet im ewangeli
 Omnia bene fecit. ¶ Marciam vij. ca.
 Er hat alle ding wol gemacht/ Also
 sicht die weiß junckfraw die creatur
 an/ nit als stain/ nit als holz/ nit als
 silber/ aber als das werck das da za-
 get seinen maister/ wēn in allen crea-

115
Ihre Dig

zu verergleitet etwas (also zuredn) alle vollkommenheit die in got ist beschlossen / vnd in got versamelt / vnd die ist in den creaturen außgetailt vñ zerströwet / sein allmechtigkait / sein weißheit / sein gürtigkeit In der beschaffung ist erkant sein allmechtigkait / in der regierung sein weißheit In der auffenthaltung vnd begabung sein gürtigkeit / vnd also ist es flachs der ordnung halb / wöllicher ordnung halb: Das es in got geordnet wirt / vnd also verdienet die weiß seel ymer zu / wann sy sich in allen dingen an / das end / das ist / got den herren / den sy gesehen hat alls jr letztes end vnd vermainen / wenn du die creaturen also ansichst / warlich so spinnest du ymer dar flachs vñ nichts anders / vnd das ist das spinnen der weisen junckfrawen. ¶ Die thoreten junckfrawen die selben sehen an die creaturen in jr lieplichait / vnd schlahen die augen auff sy mit begirden / bis zu verachtung gottes / vñ daz du es recht verstandest Es sprechen die lehrer Es seind dreyer lay werck ¶ Etliche seind an jnen selbs gürt / alls ainē armen menschē ain allmüsen geben der des nordürfftig ist / es ist ain gürt werck deinem nächsten zu hilff komen in nöden. Item es ist ain gürt werck den siechen dienen / vnd ander werck der barmhertzigkayt thun / es seind gürtte werck. Item deinem nächsten übersehen / es seind alle gürtte werck an jnen selbs ganz gürt von jrer art Es seind anndre werck / an jnen selbs ganz böß von jrer art / als diebstal / ebruch mainayd / neid vnd hass / die selben werck seind an jnen selbs ganz böß von jrer art. Es seind die driten werck / die selbē seind von jnen selber weder gürt noch böß / als ain schimpflich wort reden / dasselb ist an jm selbs

weder gürt noch böß / es mag aber gürt oder böß werden / der ordnung halb ¶ Redest du darumb ain schimpflich wort das du ain menschē ergetzen wilt vnd auffheben / der da überladen ist mit vngeordneter traurigkeit so wirt ain gürt werck darauß / du verdienst damit ainen grad in ewiger seligkeit / Redest du es aber darumb das du ainen menschē raizen wilt zu zorn / zu vnkeuschait / es wirt dir ain todsünd. Das werck ist an jm selbs weder gürt noch böß / aber es wirt gürt oder böß / der ordnung halb / vñ des ends halb das darin angesehen wirt den ist es verdienlich / den so ist es verschuldlich Der hat ain görtliche ordnung / so hat d ain teüflische ordnung (soll ich also reden) wiewol du den teüfel nit darin maynest / du mainest dich selbs Aber des ends halben vmb wölliches ends willen du berayt wärest alle andere ding zu lassen / Vñ nym ain andere gleichnuß Du yffest ¶ Nym das selb herfür / Die weiß seele yffet darumb das sy in dem leib müg beleiben vnd got dem herren dienen / das selb ist jr maynung vnd anders nichts / sichst du / got ist allain das end vnd das lezst vermainet / oder die lezst maynung / darumb sy yffet / vñ damit verdienet sy ain grad in ewiger seligkeit / Ich sprich mercklich / Sy verdienet ain grad in ewiger seligkeit. Quia diligentibus den omnia cooperantur in bonū Ad Rom. viij cap. Denen die da got liebhaben entspriessen alle ding zu gutem / wann sy erfüllen das gebot gottes damit / Allso spricht sanctus Thomas / das ain mensch schuldig ist alle tag ain mal zu essen / nach gemainem lauff / vnd also verdienet diser mensch / wann er hatt got gesücht alls sein leztes end / darumb er yffet / Aber die vns

weiß chorecht seel ysser nitt auß ver-
merckung der nordurfft/sonder des
wollusts halb vñ der frashait/vnd
setzt das selb als sein letztes end/vñ
wölches ends willen er berayt wäre
all andie ding zu lassen. Es seind die
die sich an der ascherigen mitwochen
zu nacht füllen/got geb sy werdn vol
weins oder nit/es sey wider got oder
mit got so wollen sy irem lust genüg
tün/es gang joch zu wie es wöll/so
wollen sy vol sein. Es ist kein masch
beschaydenhait da/allas wñ dir die
hend vnd augen vnd das mau alles
in der schüßelligt zu nieselen vnd zu
erfüllen den lust. Vñ die begir ist al-
so darauß gebeffret/das du nit ach-
test/got geb es sey gebannen oder ge-
boten/es sey fasten oder Oßtern/wñ
du (sprich ich) also berayt bist/das
du nit achtest got zu erzürnen es treff
an die gebot gottes oder der hailign
Kirchen/so sündest du tödlich/es
treff an was es wöll/wñ du also last
kleben dein hertz an den creaturen/es
sey leibs lust/es sey zeitlich güte oder
es sey dein nächster mensch/wie ich
es nennen soll/das du es ansichst als
dein letztes end/vmb wölches ends
willen du berayt wärest alle andere
ding zu lassen/als ich yetz gesagt hab
so tust du allweg ain todsünd/wñ
du die creatur also ansichst so spinst
du ymermeder kuder/wie hener güte
mensch ymerdar flachs spint/der die
creatur anblickt in der weiß als ich
dir vor gesagt hab/dem ersten seind
sy staffeln daran er auffsteigt zu got
Als Paulus spricht. Durch erkant-
nuß der creaturen komet wir in er-
kennung des schöpffers/dem andern
seind sy ain strauchstain vñ ain wez-
stain zu ewiger verdammuß. Also das
er sich daran verderbt/er brauchet sy
nit recht. Von disen spricht der weiß

man. Creature dei facte sunt in mi-
scipula pedibus insipientiu rē. Sa-
pientie riiij. Alle geschöpffe seind wor-
den zu ainer mauschfallen/den vnwei-
sen/das seind die kinnder diser welt/
die da hayssen die vnweisen vor got
dem allmechtigen/den selben seind
worden/spriecher/die geschöpfft zu
ainer mauschfallen/sy seind an jnen
selbs güte/got hat sy güte geschaffen
Vñ dicit deus cuncta q̄ fecerat rē. Ge. j.
Got sach alle creatur an/vnd er sach
das sy gar güte waren/sy waren fast
güte/spriecher die geschriefft/sy seind güte
geschaffen von got/dem menschn zu
trost vñ zu gütem/das er sy brauch
en solt zu seiner nordurfft/aber der
vnweiß hat sy im selber gemacht zu
ainer mauschfallen vñ zu ainem strick
darcin er sein halß stoffet/vnd sich
selbs daran verderbt vnd erwürget/
Es seind die/die die creaturen bran-
chernach irem lust/vnd nach allen
irem willen/wie es sy ansicht. Sane
Bernhart spricht. Es brine mitten
in der hell der aigen will. Aigner will
ist aigner gesuch/da ain mensch sich
selbs sücht/er will im selber genüg
sein/er achtet nit ob es wider gottes
willen ist oder nit. Der mensch hat
ain aigen willen/der sein willen nye-
mant will gleichförmig machen/er
will sein aigen willen brauchen wie
er will/vnd nach seinem sin. Sich/
spricht man/wie ist das/so ain aiger
williger mensch/wie ist er so aigen-
süchtig/er will sein weiß haben wie es
geet/wñ du aber dein willen gleich-
förmig machst dem willen gotes/vñ
deinem oberen/deñ so hast du ain ge-
mainen willen vñ nit ain aygen wil-
len. Es kompt erwan wenn sich ain
mensch zu got keren will/vñ den got-
tes weg tapfferlich will geen so sprit-
cht man er sey aigenwillig/er facht
an vnd haltet sein gebannen vast ag

Ihre Dig

Er geet an dem feyrtag in die kirch
 er will dir nit meer helfen gesellschaft
 laysten. Item bist du im closter/dur
 fachst an vnd wilt dein orden halten
 als du schuldig bist/du wilt den son
 tag nit brechen zc. so kompt etwan
 das ain solcher mensch für aigenwil
 lig geschätzt wirt so er nit will thun
 als die andern/die desselbñ geferd
 nit seind/es schmeckt jnen nit/dar
 umb gefelt es jnen auch nit Lüg wie
 ist das so ain aygenwillig mensch/
 wie ist es so verrücht/darumb das
 es deinen thorethen rädren nit volgen
 will/darumb ist es aigenwillig/dar
 umb es seind willennit gleichförmig
 macht nach dein willen/darum hat
 es nit ain aigen willen/mit wem hat
 ain solher mensch seind willñ gemain:
 er hat ain gemainen willen mit got
 dem allmechtigen/mit des willen er
 seinen willen gleichformiert Ad pro
 positum Der mensch setze/sprich ich
 die creaturen vnd sichselbs als sein
 letztes end Hast du woll verstan
 den/bey disem der da yffet vmb lusts
 willen/vnd wär auch bereit alle an
 dere dinng zu lassen/all du gehörte
 hast. Der drit mensch/der yffet vnd
 ordnet es nit in got als der erst/nain
 weder gegenwürdiglich noch an
 heblich/der in frage vñ sprach/war
 umb yffest du: er sprach/ich yffe al
 lain vmb lusts willen/darumb das
 es mir wol schmeckt/Ich hab sunst
 genug Aber das ist daran/er wölte
 got nit darumb erzürnen/wäre es
 wider got er ließ vnderwegñ Si. hst
 du/der setze die creaturen alls sein
 end/der lust in der speiß ist sein end/
 Aber nit sein letztes end vnd sein letz
 tes vermainen/sein entlich vermai
 nen ist got/als ich dir vor gesage hab
 Vnd das ist gar güet zu wissen den
 menschen die da vnfridsamer consci

enz seind/sy maynen allwegen weñ
 sy nit alle ding in got ordnen gegen
 würdiglichen/es sey ain todsünd/
 Nain/das wäre ain hört ding/das
 du ainen griessst auß güter freunt
 schafft vnd im die hannd beürest/
 solt das aintodsünd sein das wär ain
 hört ding/oder das du ain menschen
 liebherdest auß natürlicher lieb/die
 herdest deine kindlieb/darumb das
 es deine kinnd seind/nit weiter/die
 natur gib dir das gewicht in dein
 hertz/das ist nicht ain todsünd/
 weñ du aber dein kind allso lieb her
 dest das du im allso vil nach lieffest/
 das wider got wär/eedu im wöltest
 wören/vnd es wöltest erzürnen/ee
 wöltest du got erzürnen/weñ du es
 also lieb hast/warlich so wirt es dir
 ain todsünd/aber das du es sunst
 lieb hast/ist nit ain todsünd. Merck
 da/wie die mütter sant Ludwigs
 des künigs zu im sprach/vñ auch zu
 andern die dabey waren/Edas ich
 wölte das mein sun Ludwig ain tod
 sündthät/ee wölte ich das er leiplich
 sturb/sich sein legend. Vñ sprichst
 du Ich maint doch der mensch mö
 chee nichts gerhin/aintweder er
 verdient oder er verschuldet sich/nain
 Es sprechen etlich der hailigñ leere
 Als Thomas/vnd die andern/der
 meerer tayl die da mittrilich reden
 das ain mensch das annder liebhat
 auß natürlicher lieb/oder sunst auß
 gütter herzigkeit Ich sprich nit auß
 flaischlicher lieb Ich sprich auß na
 türlicher lieb/dasselb ist nitte sünd/
 es wär dan zu solcher zeit/so du schul
 dig bist gegenwürdiglichñ got lieb
 zu haben/vnd dein hertz zu got keren
 Glaub ich das du das schuldig seyest
 an dem feyrtag ain mal/denn so soll
 sich der mensch entschuldigen von
 den todsündens/ist er anderst in tods
 f ü

sünden/durch reü vñ layd/ vnd soll den Glauben vnd das Pater noster sprechen/in dem das er den glauben spricht/so erkennet er got als das höshest vnd allerbest güt/in dem das er das Pater noster beeter/so vergicht er in als seinen vatter/den er über alleding liebhat Vnd also will ich das erst verantwort haben/was da sey die gunckel: es seind alle creaturen/sprich ich/angeblickt vñ angesehen als sy güt seind in irer aignen art/oder in irer mittel art Ich wölte es wol bewarn mit vil sprüchen der leerer/ich las es fallen Wiltu es sehen so sich den maister von den hohen sinnen/in dem büch sententiarü. Bonaventurā/ vnd seim Thomā/da sindest du es Es ist nit haspelwerck das ich dir da sag/ od bissher gesagt habes hatt ain grund. Nun wol an. Ir hond die gunckel. ¶ Nun für das ander/was ist aber d' steck daran die gunckel gebunden ist: es ist vnriw/ vnd wirt von den leeren thörllich gehalten vñ geacht Alle vnriw die da diener zu sünden vñ lastern was der mensch darin hatt/ fleissig sorg/ vnd eylung sölchs züvolbringen/ als all reüfels marterer thünd/eylent mit grossen fleiß züvolbringen ire anschleg diener zü sündn/ als ain frau thün mag oder ain man mit langem verziehen der zeit/ sich zu mustern vnd auffzumachen in hoffart. Item die frässigen mit grosser vnriw der speiß beraytung Die geytrigen mit verdeckung der gewissen Die übermütigen vnd eer geizigen/ wie sy ere vnd hohen stand überkomen/darum ist da zu merckn/ wie sich die vnriw tailt in kain schuld/oder in verdienen/oder in grosse schuld/vñ von erffen von der natürlichn vnriw/wie ich dir vormals gesagt hab/ so der

mensch sein letztes vermaynen hat darbey. Inquietudo mentis. Wie wol du/spüchich/deinen nächsten also liebhaft allain auß annüt Es ist die hanffin gunckel/das ist war/es wirt nit die kuder gunckel darauß du übersehest dann das spil/nichts destminder geet es mit vnriw zü/da hast du angst vnd not/wie du die person herfür ziehest/das jr auch ain ampt werd/da fürchst du man verachte sy/so will man sy zu fast nider truckn/so fürchtest du da jr wöll gebiessen/waystu etwas das sy gererhet oder jr annüttrig wäre so hast du angst vñ not wie es jr werde/vñ hast ymerdar angst vñ not vmb dein hertz Ich möcht dir der dinng vil herfür ziehen/ich las es fallen/wen ich die ainsnem/so verstand du das ander darbey Also thet Jacob nach Rachel Gene. xxix. cap. Dannocho die leeren entschuldigen in nit von läflichen sünden/als Bonaventura. Nun wol ansichstu/das ist der steck daran die gunckel gebunden ist/das ist vnriw des gemüts/Wirt von Gregorio vñ Isidoro ain tochter der geytrigkeit genant/ vnd begreiff überige sorgueltrigkeit. Nun merck eben wa ich hin will/vñ das du es recht verstandest sonym die gunckel zusammen/die flachs in gunckel ist vast güt/der kuder ist ganz böß/ Aber der hanff ist das mittel zwischen disen zwayen Er ist nit ganz güt wie der flachs/so ist er auch nit als ganz böß als der kuder Es ist ain do:ffgunckel/ Der kuder ist das allerböß od ergest das man auß dem flachs zeücht/all die äggen vñnd die knöpff vñnd die bollhacken die man auß dē flachs zeücht Aber der hanff ist besser/aber nit als ganz güt als der flachs/Also ist die natürlich liebe zü den creaturen das

117
Ihre dig

mittel zwischen götlicher liebe / vnd
 flaischlicher lieb / sy ist nit ganz gut
 als die götlich lieb / sy ist dir nit v er
 dienlich / so ist sy auch nie ganz böß
 als die flaischlich liebe / aber sy mag
 gut oder böß werdñ Sy ist das creütz
 des rechten schachers / der selb hat
 sich nit also ganz vndem herñ ge
 fert als der linck schacher / er was
 nit also verhöret / so hat er sich auch
 nit zu dem herñ gefert anfencklich /
 er stünd naßwan in mittler maß /
 aber so bald in der schadt berüret von
 dem leib Christi des herren / allso das
 ain leerer spricht / das die son schyn /
 vñ gieng v schatt von dem leib Chri
 sti vff den rechten schacher / als bald
 in der selb schatt anrühret do keret er
 sich zu dem herñ vñ sprach. Herz bis
 mein gedencck weñ du kompst in dein
 reich / dauon hab ich eüch die ganz
 vassen gesagt Sichst du / da keret er
 sein maynig vñ begird vff ain ding
 Als er das sach als sein letztes ver
 mainen / vnd als sein letztes end / das
 was auf christu Jesum / vñ als bald
 was er in der stat v seligkait. Chri
 stus sprach zu ihm / warlich sag ich dir
 heüt würstu bey mir sein in dem pa
 radeiß Aber der linck schacher / der
 keret sich ganz von dem herñ / vnd
 sprach in seiner bosheit / bistu gotes
 sun so hilff dir vñ vns / vnd also belib
 er in der bosheit oder hertikeit / vnd
 in dem keret er sich von got / daruñ
 ward er verdampft ewigklich Sichst
 du wie sich dise schacher gehalten ha
 ben zu dem herñ an dem creütz Also
 halt sich die natürlich liebe / vñ merck
 das auff drey weg All die weil sy stat
 in ihm mittel so ist sy weder gut noch
 böß / das ist / sy ist dir weder verdien
 lich zu ewiger seligkayt / noch ver
 schuldlich zu ewiger verdampnis
 Aber weñ du die natürlich lieb rich

test in got / vnd last die natürlich lieb
 fallen / vnd nympt den menschn für
 dich / als er ist das bild gots / du hast
 den menschn lieb / nit darumb das er
 dein kinnd ist oder dein freünd / dein
 gespil / dein gesell zc. Aber darumb
 das in got geschaffen hat nach im
 selbs / das er in erlöset hat Item dar
 umb das er mit dir zu ainem gemay
 nen vatter sprüche Vatter vnser der
 du bist in den hymeln / das ist / auß
 der natürlichen lieb wirt die götlich
 lieb / weñ du deinen nächten also lieb
 hast so irret dich nit ob er vngeschaf
 fen od hüpsch ist // er sey dein freünd
 oder frembder / er sey jung oder alt /
 er sey wolgebärtig oder vngebärtig
 es gile dir gleich ob er reich oder arm
 ist / edel oder ain pauir / wan du hast
 die ding nit für ain gegenwürff / dar
 umb das du in lieb hast Aber daruñ
 hastu in lieb das er geklaydet ist mit
 dem blüt Christi des herren / Denn
 so faller dein liebenit ab / der mensch
 chü dir guts oder böß / wan das dar
 auff du dein grund setzest das weiche
 dir nit / daruñ nympt dein lieb auch
 nit ab Vnd allso kompst du von der
 hanff guncel zu der flächsinguncel
 Fallest du aber auff das widerspil /
 das du dein hertz last kleben an dein
 em nächten / vnd last es also mit im
 einreißen / vñnd dir dein hertz also
 ganz fassen / das du dadurch die ge
 bot gottes übertrittest / warlich so
 wirt kuder darauß / weñ du mit be
 girden also also auff in falst / das du
 in also lieb hast / du wilt im genüg
 sein da hilffer nichts für / es er eff an
 was es wöll Sedu den menschn wöl
 test lassen / ee wöltestu lassen die gebot
 gotes / den spinst du kuder / das ist /
 du kerest dich von dem creütz Christi
 vnd greiffest zu dem creütz des linck
 en schachers / der sich ganz von dem

heran kert/vñ ee du sichst das es kuder
 ist so hast du wol ain ganzen hauffen
 kuder gespuñen/dennocht schwürest
 du ain ayd er wär eytel flachs/das ist
 du maynst du habest den menschñ lieb
 auß göttlicher liebe so hast du in lieb
 auß flaischlicher liebe / du sprichst/
 es geschicht als auß güetter maynüg/
 du ver achtest in / du beschuldigest in
 du beschirmest in / du entschuldigest
 in / du glaubst nichts wiß in / du über
 redst dich selb also / aber der grund ist
 falsch / du verfarrest. Nun sprichstu
 Lieber got / wer will mit sagen weñ
 es kuder oder flachs ist / wie kan ich es
 wissen: Ich wil dir sagen / man sichte
 es bey den äggen wol / weñ ains spint
 so fallen in die äggen in die schoß /
 bey denselbñ äggen sichte man wol ob
 es flachs oder kuder oder hanff ist
 Ich hab dir sibden äggen auß gesücht /
 vñ wölche du vnder disen sibden äggen
 aine sichst fallen so wiß das es kuder
 ist. ¶ Die erst ägen ist / vnnütze wort
 Es ist weñ sy erwan allso sitzen vnd
 spinnen / vñ also bey ainander sitzen /
 es seind die gaislichen man / sy nen
 nen sy gaislich / so facht man den an
 zuschwägen vnnütze ding / man sage
 nichtz meer von got / von den tugend
 den nichtz meer / od von der conscienz
 Nain / nit ain tropfen / man facht an
 vnd frage ainander wie man leb / vñ
 wo man also lang gewesen sey / vnd
 was man gethon hab / vñ das man nit
 meer als lang auß soll sein / vñ facht
 an wie man ymer zu an ainander ge
 denck / vñ das man ymer meder in al
 len sachen gegenwürtig ist im gemüt
 vnd nichtz on ainander kan schaffen
 vñ das man nyemant lieber hat auß
 ertrich / weñ du die äggen sichst fallen
 hürt dich es ist kuder / das ist die erst
 ägen Vnnütze wort. ¶ Die ander
 ägen ist in den gebärden / das ist / weñ

sy ainander geraten anzusehen / vnd
 ainander die hend zu ruckten / vñ die
 hend also lang in ainander haben vñ
 magst nit leyden weñ er fer: von dir
 sitzt / weñ sy geratñ zusammen rucken /
 müß dein rock an sein rock rüren / es
 gibe dir gleich nayß wan ain kraffe
 weñ du in an den rock rürest / es geet
 also zu vnd d' gefalt d' raynkait Ach
 er ist d' raynest man Ich kan es eüch
 nit gesagen Ir seinnd dinnen im clo
 ster beschlossen / so wonen ir nit mit
 mannen / es geschicht erwan den gais
 lichen her außsen / weñ sy erwan lieb
 beichtuarter haben / od sunst die gais
 lichen frawen vñ mans personen zu
 samen gond / beywonüg tüt vil Es
 ist ain gemain sprichwort / weñ ain
 closter ain jar offen ist so wirt selten
 etwas güts derauß / wa ain offen clo
 ster ist / aint weders es seind thorethe
 töpeldarin oder es ist nit fer: dar
 von / es falt selten / es mag nit beston
 nach gemainem lauff. ¶ Die dritt
 ägen ist / vnnützes hertzen Es ist weñ
 du nit bey der person bist so magstu
 weder rüw noch rast haben / du tüt
 anderst nichtz dan an sy gedenten /
 was du thüst so ist sy dir ymer meder
 gegenwürtig im gemüt / ach wa mag
 sy yetzunt sein / was mag sy yetz tun
 wie mag es jr gon / ach das ich sy nit
 sich / das ir nur nichts gebrest / vnd
 was du thüst so zetterst du das im
 kopff vmb / weñ dir die ägen also ge
 raten in die schoß fallen vñ in die äg
 gen stüben so sich für dich / es ist kuder.
 ¶ Die vierd ägen ist / weñ man
 anfacht vñ ainem in allen dingen ge
 wunnen gibe / es ist als sampt reche
 was man tüt / so man aine ain küß in
 vnd die elbogen lege / vñ ainem die
 conscienz also leicht macht / solt das
 als ain groß ding sein / was ist dann
 vnrechts daran / man vmbfacht offte

Pre dig

ain kindlin. Item es ist in ertlichem land solcheweis vnd gebard/ desgleichen in andern sachen/ was man sagt so kan man ainem den wagen schmirben/ hüt dich vor solchen beichtuatern od andern menschn sy verderbñ dich/ aber sy seind erwan allerliebft Ach es ist d' allerbest mensch/ es kan ains in allen dingen erösten/ Ja es eröset dich wol vntz du in die hell hinab ferst/ hüt dich daruor es ist kuder. ¶ Die fünft ägen ist/ vngedult das ist/ du magst nit leyden das sich der mensch mit nyemant anderst bekümere dan mit dir/ oder das er sich nichtz anders annem das nit auß dem anschlag geet/ vñ darauß kommet dan vngedult od neyd/ da ist er bey der gestanden/ so ist er da gewesen/ so solt er nit da gewesen sein/ so hat er da geessen/ so hört er die leng/ er beicht dann dich/ vnd trawen ich waiß nit was die kan/ das er die also beicht hört/ er tüt mirs nit/ er macht nit so vil gesprächs mitt mir als er mit der thüt/ vñ ist im vmbvndvmb nit recht/ kurtz du magst nit leyden das er yemantz anders liebhab. Das thüt nit die hailig lieb/ sy ist gemain vñ wünschet vnd gönnet yederman was im von got güts beschicht zc.

¶ Die sechste ägen ist/ wen da komet die süßen brieff/ vñ die lieben gäblin/ wen man ainem brieffsender vñ seind die selben brieff mit hüpschen geblümpren wortten gesezt Item wen da komet die weissen tüchlin vnd es alles sampt also müß gefaltet sein vñ auß gestrichñ/ hat er dir nur ain klainat lingeben/ ey das kanstu nit gnüg behalten/ als war es haylrumb/ ach das hat er mir geben/ es müß all mein lebtag bey mir bleybñ. Item wen man am morgen auf stat so zeücht man es her für/ das man es zum erstñ ansech

solt man es auch nit küssen/ es wäte ain wunder Von disem schreibt Jeronimus vnd spricht/ wen da komet solche süße briefflin/ die machen den tanz/ solche gaben/ solche tüchlin/ alles an den galgen/ Es ist nit fast ain gützzeichen wen die beichtuatter alleding also gegossen hond Die haylig liebe begert nit diser ding überal ¶ Die sibend ägen vñ die lezst dabey du magst erkennen wen es ain kuder ist/ das ist vnbleyblichait/ od vnruw des leibs/ du magst nyenen bey dir selbs beleyben/ vñ wilt sein den mit beichten abkumen/ du lauffst zu dem minster/ vñ lauffst von ainer kirch zu der andern/ vnd kanst nymer zu ruw komet/ du kanst nymer gnüg beichten/ wie kompt es lieber got/ du hast villeicht den beichtuatter selbs an d' gunckel/ du bist fürwizig/ od du bist villeicht im widerspenig/ oder hast kain trawen in in/ man müß dir ain malen/ vñ darffst es villeicht im nit sagen/ vñ daruñ so lauffst du also dar after vñ füllest allen psaffen die oren vol/ du versüchst ye ainen nach dem andern vñ kanst doch nymer zu ruw komet/ wan dein hertz klebt ymer mer der dort/ das ist die sach deiner vnruw vnd daruñ wirt dir nymer wol/ wan du würst sein nit mit beichten ledig/ Siehstu/ das seind die sibend ägen dar bey du magst erkennen wen es kuder ist/ wen du diser ägen aine siehst/ so lüg für dich/ das es sich nit zu weite einreise/ vñ du also verderbest ewig/ klichñ. Dis spinnen verbeüt gar ernstlichñ sant Pauls da er spricht. Bieder übertragēt ainand in gölicher liebe/ vñnd in Christenlicher liebe. Er spricht gar aigenlichen/ in christenlicher lieb/ nit in natürlicher lieb nit in flaischlicher lieb/ nit in geselliglicher lieb oder in gespillicher liebe/

f iij

nit vmb aigens nutz willen/nit auß schalckhait/nit auß zoren oder auß neyd/nit auß geirtigkait oder tragkait/aber auß götlicher liebe. ¶ Es leydet etwan ain mensch den andern vnd maynet er thū es auß götlicher liebe/so ist es natürliche liebe/du leydest es von dem menschen/thāt es ain andrer mensch du littest es nit/warumb leydest es dan: er ist dein natürlicher freünd/er gehört dir zū/er ist dein sipblut/er ist dir verwandt darumb leydest du in/ther es ain ander mensch/kurtz du littest es nit/aber darumb das er dein freünd oder dein kind ist so leydest du dich mit im/das ist nit verdienlich gelitten in götlicher liebe/ ¶ Es ist ain natürliche liebe ¶ Zū dem andern so leydet ain mensch den andern auß flaischlicher lieb ¶ Es seind die menschen etwan in ainem hauß bey ainander so die fraw jung ist vnd der man alt/lieber goder man het die stuben gern warm/so hett die fraw geren kalt/so leydet sich yeains vmb des andern willen/vn maynen es sey nichtz anderst dan götliche liebe so ist es flaischliche lieb ¶ Item es geschicht das etwan knecht vnd kellerin bey ainander seind in ainem hauß die da etwan gefangen seind in böser liebe gegen ainander/so leydet der knecht was er mag oder die kellerin herwiderum/all ain das ains das annder in seinem gunst behalt/das geet auß flaischlicher liebe zū/in societate et sodalitate. ¶ Zū dem dritten leidet ain mensch den andern auß gefelliger od gespillischer liebe/es leidet etwan ainer den andern oder von ainem/er litte es von ain andern nit/warumb: er ist sein gesell. ¶ Item die im closter/du leydest von der Schwester/thāt es ain anndere du littest es nit/warumb: sy ist

dein gespil/sichst du etwas von jr du schweygest darzū Ja wol/het es ain andere gethon/es müßts die Priorin wissen/es müßts die Prouincial wissen/vn der mayster des ordens/alle weytre welt müß es wissen/aber so es die gethon hat so schweygest du/Ja wol du redest nit ain wörlin.

¶ Zūm vierden so leydet ain mensch den andern vmb seines aygnen nutz willen/er hat etwas nutz von im darumb leydet er in/er thūt eben als ain färlin das ain rappen auf dem rucken treget/wen ain färlin am feld geet so koment die rappen vnd fliegen im auff den rucken so das färlin ymerzū daraffter geet so laßt es den rappen auff im sitzen vn treget in also hin vn her/warumb: der rapp krazet es vff dem rucken mit dem schnabel vn list im die leyß ab/darumb leydet es in/es tüt im wol das er im also krawlet ¶ Es treget den rappen vmb seins nutz willen Also leidet gar oft ain mensch den andern vmb seins aignen nutz willen. ¶ Zūm fünfften leidet ain mensch den andern auß vnwirshait vnd grimhait ¶ Es ist etwan ain mensch des vermagst du dich nit/du leydest den selben menschen/du laßt in gon er thū was er wöl so schweygest du darzū/du redest nit ain wörlin zū im/nit das du seingebresten also gedulttiglich leydest/das du in nit damit betrüben wilt/das du im seingebresten sagest/nain/du hast nit ain güte hertz zū im/du vermagst dich sein nit du lassst in geen für seinen werd/du tust im wed güts noch böß/du magst dich nit so vil beküernern das du mitt im redest/du bist im nit günstig Also lidten die sün Jacobs iren brüd Joseph/sy hetten etwas vnrechts geton das het er irem vater iacob gesagt/darum wurdn sy im gehaß vnd giengen

Dre dig

also vnd schwigen still vnd behiel-
 ten den grim vnd grollen also in mer
 vntz zu leyst / do verkauffen sy in
 vmb xxx. pfenning / vnd wolten sich
 also an im rechen Genes. xxxvij ca.
 Also layd Absolon sein brüder Amon
 Amon d her dem Absolon sein schwe-
 ster geschwecht / wann sy hetten ain
 Schwester die was nur des vatters
 halb Amons Schwester / vnd Amon
 der schwecht sy / sy was aber vatter
 vñ mütter halb absolons rechte schwe-
 ster / vnd do sy der Amon geschwecht
 het / do gieng Absolon zway ganze
 jar also vñ trüg den zorn vñ grim in
 im gegen dem Amon vñ schwig doch
 er redt nit ain wörtlin mit im / es was
 ain geschechne sach / man müst das
 best darzü reden / vnd ainest hert der
 Absolon ain kolben oder wirtschafft
 aufgerichte vñ lüd sein brüder amon
 darzü / vnd d wirt der den kolbñ gab
 der lüd iren vatter David auch dar-
 zü / vnd do sy geessen hetten vnd der
 amon vol weins was / do sprach Ab-
 solon zü seinem knecht / fall über in
 vñ schlach in zu tod / vnd sy erschlug
 en in. ij. Xegü riiij. ¶ Zü dem sechs-
 ten so leydet ain mensch den anndern
 auß schalckhait vnd auß auffsz ¶ Er
 schweigt vñ leydet sich / aber er nimpt
 war wen es fñg hat vnd zeitt das er
 sich gerechen müge / das er seinem
 schadñ auch zü kom / das er sein palm
 lin auch an in müg geschiesen / wie
 wol das auch auß schalckhayt geet
 das ich yez gesagt hab von absolon
 der och der zeit warnam / aber es ist
 der neid vñ der hass vnd der rachs-
 darbey / aber dis geet allain auß schal-
 ckait / da ain mensch warnympt der
 gelegenheit der sachen / eben als der
 fuchs tüt / der fuchs wen in hungert
 so geet er auff ain acker vnd strecket
 sich als lang als er ist in ain furch /

vnd henckt die zungen heraus / vnd
 tüt eben als sey er tod / wen es die rap-
 pen sehen so komet sy vñ hupfent vff
 in vñ maynen er sey tod / vnd all die
 weil sy vmb in hupffen so ligt er still
 vñ regt kain aderlin / vnd wen er also
 ligt so wänen die rappen er sey tod vñ
 hupffen auff in so wüschet er herfür
 vñ er wüschet ain bey dem kopff vnd
 dräwet im den hals vmb vñ frist in /
 Also tünd die selben menschen auch /
 so in etwas geschicht / er leydet sich /
 er hatt aber nit im willen das er es
 wöll lassen faren / er behalt es vntz
 das er seine palm lin auch geschiesen
 mag. ¶ Zü dem sibenden vnd letzter
 leydet ain mensch den anndern auß
 tragkait oder faulkait / man rede im
 an sein ere / man thü im wie man wöll
 so schweigt er vñ geet anhin / nit das
 er als volkomen sey das er es nit ver-
 antwurt / od das er es vmb gots wil-
 len leyd ¶ Ain / aber er mag sich selbs
 nit so vil bekümmern / eben als ainer d
 da vnder dem tach troff ligt vnd sich
 nit so vil bekümmert das er sich vmb
 wende / er laßt im ee den troff die au-
 gen außschlahñ ¶ Es ist nait wan ain
 tumhayt vnd ain ainfeltigkayt ¶ Es
 seind die menschen die da ainer vnent-
 pfindelichen complexion seind. Dis
 seind siben vrsachen auß den sich der
 mensch leydt / aber diemaint nit sant
 Pauls da er spricht Supportantes
 inuicem in caritate. Leydent ainan-
 der in chrisenlicher vñ in brüder-
 licher vnd schwesterlicher liebe / als
 sün vñ töchtern aines vatters / auff
 das ye ains dem anndern helff / bis
 wir komet in vnser vaterland / da wir
 ewigklich bey ainander sollen beleybñ
 in freüden / wir seyen hie in dem Jaz-
 mertal / da nichtz ist dan becrübnuß /
 hat dein nächster mensch etwas an
 im das dir schwär ist / leyd dich mitt

in/gebenet/ist dir das schwär an im
 villeicht hast du etwas an dir das im
 vil schwärer ist/also leid sich ye ains
 mit dem andern vnz das wir haym
 komen in das vaterland/Also auch
 sant Pauls spricht Ad Galath. am
 vj. cap. an ainem andern end. Alcer
 alterius onera portate zc. Je ainer
 trag des andern Bürde/vñ also erfül
 len jr damit das gesatz Christi/Also
 leidet ain brüder den andern/als wir
 lesen in der altuatter büch. Es gieng
 genertlich brüder mit ainander/die
 wolten dateln essen/bey den was ain
 alter brüder/den was von alter vnd
 von grosser abstinenz vñ kessigung
 d hüst an komen/das er ymer meder
 müst speyen vñ außwerfen/do gieng
 ain brüder neben im/dem speüt er al
 so auff den mantel/der brüder vnwil
 ler darab vnd wagert sich in imselbs
 vnd gedaucht in er möcht nit leyden
 das er im auff den mantel speüwet/
 vñnd weñ er sich bedacht so gedacht
 er/er sölt es leyden/so facht in denn
 aber an er sölt es nit leyden/hinden
 nach do er mit im selbs also lang ge
 facht/do nam er die selben spaychel
 vnd legt sy in den münd vñ sprach zu
 im selbs/Aintweder du müst das
 essen/oder müst schweygen/vnd also
 überwann er sich selbs. Also haben
 auch geton die sechs brüder/von den
 wir lesen in Vitis patrū. Es waren
 sechs brüder die wurden vertryben
 auß der wüste da sy wonten/vnd ka
 men in Egipten/in den alten abgot
 tempel/der was zerstört Tun waren
 zwen vnder in die öltesten vñ die für
 nemisten/der ain hieß Pymenius/
 der ander Ambs/vnd sy wurden zu
 radt vnd fragten vnder ainander ob
 sy bey ainander wölten beleybñ oder
 ob yettlicher allain wölt wonen wöl
 ches men das nüzest wär Do sprach

der altuatter Ambs/ain yettlicher sey
 in ain winckel des tempels die sechs
 tag/vñ red eüwer kainer kain wort
 Sy theten also/yeder saß in ain win
 ckel vñ schwign still Tun stünd noch
 ain altes bild auff ainer saul in dem
 tempel/vnd do es an dem anderntag
 ward am morgen frū/do stünd der
 altuatter für das bild vnd sieng an
 vnd schalt es vñ flüchet im/vñ warf
 es mit stainen/vñ do es abend ward
 do viel er für es vñ bat verzeyhung/
 vnd das thet er aller tag/die sechs tag
 auß/das er allweg an dem morgen
 stünd für es vnd schalt vñ warffes/
 vnd wen es abend ward so bater ver
 zeyhens/Sy schwigen all/nyeman
 trost redñ/dodie sechs tag auß waren
 do gieng der altuatter Pimenius zu
 im vnd sprach/vater was hast du da
 mit gemaint/all morgen bist du für
 das bild gestandñ vñ hast es geschol
 ten vñ hast es mit stainen geworffen
 vnd an dem abend hastu es vmb ver
 zeyhens gebeeten/was maynig hast
 du darin gehabt/sy wisten woldas
 er es nit vergebens het gethon/Der
 altuatter Ambs sprach/habent jr sein
 auch war genomen Ja sprach er/sol
 ten wir sein nit war genomen haben
 wir haben vns gröflich dar ab ver
 wundert/do sprach er/so sagen mir/
 do ich das bild schalt vñ im übel rede
 vnd es mit stainen warff/was redet
 es dar zu/oder wie hielt es sich gegen
 mir/ward es auch zornig/od flüchet
 es auch wider um/vnd do ich an dem
 abend verzeyhens bat/ward es auch
 hochfertrig daruon/klaget es sich
 auch/ward es auch rot vñnder dem
 antlüz. Er sprach/Tain/es thet
 nichts zu disen dinggen allen/es be
 lib in seiner farb wie es yetz ist/Do
 sprach der altuatter Es sey dan das
 wir vnns also gegen ainander halt

Ihre dig

ren/als sich das bild gegn̄ mir gehalten hat/so mügen wir nit beyainander beleyben/vnd ist vns nit güt das wir beyainander wonen/es sey dann das ye ainer des andern zoren müg übersehen vnd vertragen/das er im wider böse wort bitt/sonder in gedul eigklich leyde vñ trag/vnd im übersehe/des gleichen wen er in verzeyhens bittet/das er darvon nit hochfertiger werd/vnd sich sein überhebe/also wen dein nächste Schwester dich verzeyhens bitt/vñ du dan ansachst vnd dich bläest in hoffart vñ sprichst Sich/gelt sy müß mich verzeyhens bitten/nun sicht man wer recht oder vnrecht hatt gehabt/vnd sachst an vñ sagst jr den text erst recht/das ist nit die leer sant Pauls da er spricht Supportantes inuicem in caritate. Leydent ainander in götlicher liebe Dis hat vns selber geleert Christus vnser behalter/do er auß diser welle schaydñ wolt/sprach er zñ seinen jünger an dem letzten nachmal. Habent ainander lieb als ich eüch lieb gehabt hab/vnd darbey sicht man das jr meine jünger seind Er hates auch in den wercken erzaygt/do er getragen hat den schwarzen last des creütz/vnd damit aller menschn̄ sünd. Ecce agnus dei. Sehent/das ist das lamb gores/das da hinnympf die sünd der welt. Also hat auch getragen jren nächsten die weiber umbt vnd hochgelobt wirtib sant Elizabeth/mit der ich dis materi angefangen hab/vñ mit der ich es auch enden will/Sy hat volkomenlich erfüllt diewort vnd das gebot sant Pauls da er spricht. Supportantes inuicem in caritate. wan sy hat alle menschen nit anderst lieb gehabt dann in got/Ja auch jre natürlichen kind/wan do sy befand in jrem hertzen ain gewicht zñ jrem

Kind/wie dann zñ andern/do bat sy got den herñ das er auß jrem hertzen wölt nemen alle natürlich lieb so sy het zñ jren kinden/so bald sy got gebat/stracks fiel sy an den rucken/do viel auß jrem hertzen alle natürliche lieb so sy het zñ jren kinden/also das jre kind jr nit anderst waren in jrem hertzen dan andre menschen/Wie sy aber jren nächsten getragen hab in handlung der siechen/des ist die Histori vol. Sy ist gewesen der rechten spinnerin aine/von den ich dir gesaget hab/die da spinnen vñ gond/mit ain ander/als die wälhin thünd/wann wiewol sy würcker in dem dienst der siechen/so was doch jr hertz vnd gemüt nichts destminder bey got dem herñ/auß lieb giengen alle jre werck Sy hat gespinnen flachs vnd woll/flachs der gorhait/wan mit jrem gemüt was sy stäts bekümmert on vnder laß in hohem schawen/vnd aufgezogen gegen got/Woll der menschaite Christi des herñ/nit allain in betrachtung seiner marter/auch in warer nachuolung seiner werck/vnd im gedienet in seinen gliedern/darumb ich billich für mich genomen hab meine fürgelegten wort. Quesiuit linum ⁊ lanā. Sy hat gesücht flachs vnd woll vñ jre finger haben begriffen die spindel/dardurch sy hat verdienet ewige seligtaye. Zñ der helff mir vnd eüch Got der vater vnd got der sun vñ got d̄ haylig gaisst Amen.


¶ Also seind geendet Acht nützlich Predigen von dreyen guncckeln ꝛc. Gedruckt zñ Augspurg durch mayster Hansen Ormar/bey sant Ursulen closter am Lech/Verlegt durch den er samen Jörgen Diemar. Anno Tausentfünfhundert vñ zehen jar.

Faint, mostly illegible text in two columns, likely a manuscript page with bleed-through from the reverse side.

DES
roy
eren
faber
ten de
jus be

Ain gaistliche bedeütung
des hezlin · wie man das in den pfeffer be
 rayten soll / die da gibet clare vnderichtung / wie ain mensch (der sich will
 keren zu got / die laster der sünden fliehen / ain Ersam penitenglich leben an
 fahen) sich berayten / schicken vnd halten soll / nach den güeten eigenschafft
 ten die das forchesam / vnachteber / Elain thierlin / das häßlin / in seiner art an
 jm hat.

Lepus tamen si ruminet sed unguā nō diuidit Et sus que cum
 unguā diuidat / nō ruminat / horū carnibus nō vescemini / nec cada
 uera cōtingeris / q̄ immunda sunt vobis. vt habetur **L**euitici xj.
 Accipiendū est hoc / nō ad l̄rām / sed figuraliter et mystice / quia per
 ista animalia figurantur vicia / vtpote / per porcū **L**uxuria / per
 leporem / timiditas ignauiē) que ab hominibus sunt fugienda **I**deo
 lepisculus plebs inualida / ex ignauiā et timore collocat in petra
 cubile suū.



Der hasz im pfeffer

Wie hebet an ain güete leere / vnd sage wie sich ain yeerlicher Christen mensch / vnd vorab ain clostermensch soll halten vñ außsteigen / das er müg komen zü ainem volkomen leben Vñ ist die gleichnuß gegeben bey ainem ainem haslin / vnd hat sy gerhon der hochgeleert doctor Johanes Gayler von Kayserberg / den geystlichen müteren vnd schwestern sant Katherinen zü Straßburg Anno 1502.

Thema. Lepusculus / plebs inualida collocat in petra cubile suum. Proverbiorum xxx. capitulo.

Also spricht Salomon der weys man Proverbiorum am xxx. cap. Das haslin das da ist ain vnstark volck / das hat gesetzt sein rüwstar oder schlafkammer

in dem felsen Bey diesem haslin würt verstanden (als die glosß spricht) die Christenlich kirch / die da hat gesetzt ir wonung oder rüwkammer / in den felsen / das ist / auff Christum vnsern behalter / der da bedeytet wirt bey diesem felsen. Spricht sant Pauls. Petra aut erat christus. Christus ist der fels Vnd nit allain würt bedeytet bey diesem haslin die Christenheit / sonder auch ain yeglicher frumer andechtiger mensch / der sich kert zü gordem herrn / vñ besonder ain clostermensch der da abgesagt hat der welt / vñ sich got ganz ergeben / durch die drey gelübden / oder auch ain mensch hieaufsen / der da got gern ernstlich diener wölt Du bist darumb nit außgeschlossen das du heraussen bist. Ich hab mütt denen dinnen zu predigen /

Darumb nym ich diß wort das ich sprich / ain clohermensch. Nun wol an / ain sollicher frumer andechtiger mensch (sprich ich) der würt gleich ainem haslin / vmb der eigenschafft willen die das haslin an im hat / vnd auch ain sollicher mensch an im soll haben / darumb er zü gleicher würt dem haslin.

Das haslin ist forchtsam.

Je erst eigenschafft die es an im hat / die ist / Es ist forchtsam Also sprechen die natürlichn maister / vnd wir sehen es auch wol / das ain haslin von natur ain forchtsams erschrockens tier lin ist Wen man ainen schelten will / oder ainer dem andern zü reden will / vnd im verweisen das er zag ist / so spricht man zü im / du hast ain hasen hertz / wan das ist die art vnd natur des haslins / das es forchtsam ist Also ist auch ain andechtiger güeter mensch / der sich got ganz ergeben hat / er sey in ainem closter / oder samlungn oder beginen heü fern / der selb mensch ist forchtsam von natur Von welcher natur? Nit von der natur die er von vatter vnd von mütter hat Nain / von der selben natur hatt er nichts dan sünd vnd gebrechen Wir werden alle in todsünden empfangen vnd geborn / nit das das eelich werck ain todsünd sey / aber die erbsünd die wir mit vns bringen / die ist todsünd / vnd stirbt d mensch also on dentauff so würt er verdampft Wir werden alle geborn kinder des zorns / Wenn schon ain mensch kein wärckliche sünd an im hett / das er selber kein sünd het gethon / noch / stürb er in der erbsünd on den tauß / er würt verloren ewiglich Vnd wenn dir schon die erbsünd abgenomen würt durch

aa 4

den tauß so beleybt dennoch in dir
stecken die naygung zu sünden/ dar
umb sprich ich/ das dise forcht/ von
der ich yetz und red/ nitt ist von der
natur die du von vatter vnd mütter
hast/ sonnder von der natur die dir
got eingepflanzet hat in dein seel/
durch das liecht vnser hayligen
glaubens/ das dir eingegossen würt
in dem tauß/ denn so würt du erst
ain sun gottes/ so du widersagst dem
teüfel/ vnd aller seiner gezierd oder
gespenst/ Ain sollicher mensch der
würt gegleicher dem häßlin/ War
rumb/ wann er ist forcht sam/ wann
der erst anruet oder der erst anwanet
aus dem sich ain mensch zu got kere/
das ist forcht Wenn ainem menschn
einfelle das streng vrtayl gottes des
herren/ das got so ain strenger rich
ter ist/ das er die sündler ewiglichen
stroffen würt mit ewiger pein Wen
er betrachtet die grausamlich pein
der hellen so geet in im auff ain grau
wel vñ ain forcht/ den faecht er an vñ
kere sich zu got/ vnd verlangnet dise
zeitlichen ding Vnd gemeinlich
alle menschen werden gezogen durch
dise forcht/ Ja ich sprich/ der erste zu
ker zu got/ ist forcht/ da ain mensch
lang in sünden gelegen ist/ vnd wenn
der sich zu got kere/ der bekert sich
von forcht/ Aber ain mensch der got
dem herren lang gedienet hat/ vnd
sich geübt in tugenden/ vnd ain gute
gewonhait in im selber überkommen
hat/ das er gewonet ist zu gutem Er
gewonet got vor augen zu haben/ im
getreulich zu dienen/ vnd seinen wil
len zu volbringen/ wen ain sollicher
in todsünd fallt/ das er sich übersicht
im enntfleüß ain winndel/ der selb
mensch verleüret darumb nit die gut
naygung die er hat zu gutten werck
en vnd zu got Ain/ er verleüret wol

die tugent der gnaden/ die in got an
genam machet/ die verleüret er Aber
die gewonhait vnd den anmüt den
er hat zu tugenden vnd zu gutten wer
cken/ vnd auch liebe zu got/ die er ge
wone hat (nitt red ich von der einge
gossen liebe/ die ain göttliche tugent
ist) das beleybt in im/ vnd man kan
es an ainem sollichen menschen nitt
bald ansehen/ wenn er in todsünd ge
fallen ist/ wann er beleybt in ainem
wesen/ er geet nicht dester minder zu
chor/ er vasset/ er beeret/ er geet zu ca
pitel/ er thut was er thun soll/ Ain
sollicher mensch wenn sich der bekert
so bekert er sich nitt von forcht/ son
der von lieb die er zu got hatt/ die im
nit empfallen ist vñ der todsünd wil
len Er gedeneckt nymer an die hell/
oder das in got straffen werd/ aber
im ist layd das er got seinen schöpfer
erzürnet hat/ ob er in noch nymer
darumb straffen wolt/ Er ben als
ain kinnd das seinen vatter lieb hat
es gedeneckt nitt an die strach/ aber
darumb das in der vatter lieb ist/ so
ist im layd das es in erzürnet hat.

¶ Nun sprichst du/ wie kompt es das
gemeinlich der mensch ee vñ forcht
bekert würt dann von der liebe? Es
ist darumb/ das sich der sündler selber
liebhat/ er forcht seiner haut/ er for
chet er müß in die hell/ er forcht das
feür brenn in Von diser forcht seind
vil guter menschen zu got bekere wor
den/ vnd seind die orden dauon auff
komen/ besonder Cartheüßer orden
ist also auff komen/ als jr dick gehört
hond/ von dem maister von Paris/
Es was ain Maister von Paris
auff der hohen schul/ der was aines
berümpften lebens/ yeder man hielt in
für ainen hailgen man/ do er gestarb
kamen die von der hohen schul vnd
wolten in zu grab tragen/ alls hie zu

land die zünfft thünd / vnnnd do sy zü
im kamen / do richte er sich auff / vnd
sprach / Ich bin verklagt / do giengñ
sy hinweg vnd liessen in ston / vnd er
schracken übel ab der geschicht / An
dem andern tag kamen sy wider /
do sprach er / vnd richte sich aber auf
Ich bin verurteile / Sy giengen hin
weg / vnd liessen in aber ston / vnd ge
dachten / er wär vülleicht geurtailet
zü dem ewigen leben / An dem dritten
tag kamen sy wider / vnnnd wolten in
aber hinweg haben getragñ / do richte
er sich aber auff vñ sprach / Ich bin
geurtailet zü dem ewigen tod. Davon
ist auff kommen Cartheüser orden /
wann erlich Studenten erschracken
darab / vnd giengen in die wüste vnd
fiengen den orden an. Dise forcht ist
bedeüter bey dem Ruben / der erst ge
born sun Jacob des Patriarchen /
Jacob der patriarch hertz zwelff sün
vnd was Ruben der erst geborn sun /
Ruben ist als vil gesage als ain sun
des gesichtes / als wenn dem mensch
en die augen seiner vernunft werden
auff gethon / das er ansacht zu ge
hen got den herren / das ist / wenn er
ingerat zu erkennen / so sichte er in zü
dem ersten / Vnnnd begreiffet in als
ainen strengen grymmen richter /
den sacht er sich an zu förchtñ / Ainer
der den pfisel hatt / der schmacket nüt
Also dieweil das du vol flaischlicher
begir den steckest so schmacket dir got
nüt / weder saur noch süß / Eben als
Bürzel / ist ain kraut das schmacket
weder saur noch süß / yffet man züm
Salat / Ain mensch / alleweil das er
seiner büberey nach geet / vnnnd sich
genietet alles das in gelustet vnd ge
langet / fresser / sauffen / vnd in vñ
keüchen wercken / alleweil du den
vñ flat in dir hast (sprich ich) so würst
du nit bewegt / dein hertz ist hört vnd

gefroren / Ain solcher mensch lasse
got das sein schaffen / er ist in alls
ain ander mensch / er gedenckt auch
nymer an got / er schmacket in weder
saur noch süß / er förcht in nitt / er
hatt in auch nitt lieb / Aber wenn dir
got der allmechtig ain feder des hay
ligen gaistes / durch die nasen zeüche
als ainem pfiffzigen hün geschicht
das dir got dein hertz trifft mit for
chte / da förchtest du der donner wöll
dich schlagen / da wöll man dich er
stechen / da förchtest du den tod / da
fellt dir diß vnd ihenes vnglück auff
den hals / Oder das dir got innerlich
en dein hertz trifft / das du gedenckest
Wie got der hertz so hörtiglich die
sünd gestraffet hatt / das er dem ober
sten enngel Lucifer nitt übersehen
hatt / er hatt in auß dem hymmel ge
stossen / Wenn du darnach gedenckest
das got nit übersehen hat der ganz
en welt / er hatt sy alle verderbt vnd
errenckt / mit dem sündfluß / bis an
acht menschen / Da fahest du erst an
got zu schmacken / Wie schmacketest
du in ? du schmacketest in als ain stren
gen richter / Davon spricht Isayas /
Hertz von deiner forchte haben wir em
pfangen etc. das ist / wir haben vnns
bekert von deiner forchte / da wir vnns
geföricht habñ / das haisset Timor ser
uilis / ain knechtliche forchte / vnd ist
ain güte forchte / wann sy zeühet den
mensch ab von den sünden / vnnnd
wo die forchte nitt ist so gab ich dir
nitt ain pfifferling darumb / ob du
schon im closter steckest vñ über die
oren / vnd machioch ain pfeffer dar
über wie du wöllest / es würd denoch
nymmer kain güets hßlin dar auß
Wenn du nur allain die Priorin för
chtest / so ist es arme kost / Wenn aber
dise forchte in dir auff geet so ist Ru
ben in dir geboren / Davon spricht die
Aa ij

geschriefft. Herz wir haben empfangen von deiner forcht/ vnd haben geborenden gaist des hayls/ das ist/ ain gaystlich leben/ das wir an vns genommen haben.

Das haslin ist schnell zu lauffen.

Je annder aygenschafft des haslins ist/ das es schnell ist zu lauffen/ Also ist auch ain gaistlicher mensch schnell zu lauffen in guten wercken/ vnd ist im nichts schwarz Warum? Die forcht treybet in/ man darff in nit treyben zu chor/ zu capitel/ zu singen/ zu lesen da darff man nit vil zu mett in auff klopfen/ da ist die sorgsam kusterin die in zu mett in auff wecke/ da ist die warnemige zirckerin/ die statts war nympt mitt fleis was sy thun oder lassen soll/ das macht die forcht gottes die treybet in statts/ Vnd wo die forcht der wächter ist/ da laufft man nit zusammen auff dem doumenter in die zellen/ ye zwo vnd zwo zusammen kriechen/ da darff man nit fürchten das die suppriorin vñ zirckerin kommet vñ sy ring in dem capitel. Timor domini. Wo die forcht gottes ist/ da ist gut Priorin vñ Abt sein/ da darff man nit vil straffen vnd büffen Wo aber die forcht nit ist in ainem sollichen menschen/ da ist es alles verlorn man straff in/ man büß in/ man predig/ man sing/ man sag/ wo die forcht nit ist/ da ist es alles vmb sunst/ vnd würt nur verstockter vnd verhörtter Es ist eben vmb ainem sollichen menschen als so man auff ainem amboß schlecht/ ye mer man daruff schlecht ye hörtter er würt/ Also ist es auch vmb ain nesselstaud/ ye meer dar ein regnet ye grösser die nesseln werden/

vñ ye meer sy brennen Davon spricht sanctus Augustinus. Besser menschen hab ich nit funden in clöstern od in gaistlichem stat/ dann die geraten seind Dagegen hab ich auch nit böser menschen funden dann die misraten seind/ Er sagt war/ wa die menschen seind die da forcht gottes haben/ da werden fast güte menschen auß Da ain mensch in ainem closter ist/ der sich laßt treyben die forcht gottes/ vñnd seinen orden geerülichen halter/ der laufft für vñ für. Es ist nit des dings in ainem sollichen gots fürchtigen menschen/ als es ist in ainem faulen vnwilligü menschen/ der nit gottes/ aber allain sein selbs achtet/ vnd ween er etwas thun oder meyen soll/ so spricht er Ach ist das nit tod sünd/ vnd küm ich nit in die hell darumb/ vnd mag ich das nit gethün/ vnd wie war im wenn es also war Vnd ist des fragens kain end. Also ist es nit vmb diese menschen/ Nain/ sy lauffen dahyn/ Sy warten nit bis sy gefragt/ sonder was sy wissen das got wol gefaller das thünd sy/ sy stont nit still/ sich zu bedencken Warum? darumb/ die forcht treybet sy/ sy machet inen die füß leicht/ sy gond den weg gottes als fliegen sy/ Solliche menschen hond federen an den füßen Spricht die geschriefft I saye. Sy werden fliegen als die adler zc. Vnd spricht ain Poet. Pedibus timor addidit alas. Die forcht hat die fett ach an geschlagen an die füß. Ainer der nit fast wol gon mag/ s da halbet lam ist/ wenn der selb sich fürcht/ das es brünet/ oder das man auff in schlecht/ so facht er an vnd laufft als flüge er dahin. Diese forcht hatt gehabt sant Jeronimus/ do er sprach. Ich schlaf oder wach/ ich ess oder trinck/ ich

thū was ich wöll so ist mir allzeit in
meinen oren die grausamlich stymm
der busanen. Stond auff jr todten
vnd komment für gericht/ Wo die
forcht ist/ da fragest du nit ob du die
regel vnd constitucion oder statuten
schuldig seyst zu halten/ sonnder
geest schlechlich anhin Aber du die
da on forcht gottes bist/ kompst vnd
sprichst/ Got hatt dise dinng nit ge-
botten/ es ist gancckel werck/ ich hale
nichts darvon ꝛc.

Das haslin lauffe gewisser den
berg auff weden den berg ab.

Jeditt aygenschafft die das
haslin ann ym hatt/ die ist/
das es beringer vnd schneller
vnsicherer ist den berg auff
zu lauffen dan den berg ab/ wan die
fordern füßlin seind im kurz/ vnd die
hindern füßlin seind im lang/ darumb
wenn es den berg auff lauffen soll so
kompt es wol hinauff Aber den berg
ab zu lauffen den kan es mit den hin-
deren füßlin nitt hernach kommen/
vnd übergauckelt/ vnd fellt herab/
vnd komet denn die hund vnd sohen
es Wenn man es jagen will/ vnd es
den berg müß ablauffen so hatt es
den halß verlorer/ es würte im gar
saur den berg ab zu lauffen/ Also ist
es auch vmb ainen menschen in ain-
em closter/ alleweil der selb mensch
den berg auff lauffet so ist er sicher/
so steet es wol vmb in Was ist diser
berg? es ist got der her/ es seind tu-
genden/ es seind begirden ewiger se-
ligkate/ allweil das du mit den füß-
sen der begirden disen berg auff lauff-
est/ das du dich bekümerest mit hay-
ligen hymmelischen gedenccken/ von

got vnd von seinen hayligen/ vnd sy
getreuwlich anruffest in deinem ge-
beer/ dein hertz zu got dem herin auff
hebest/ vnd für vnd für strebest/ auff
steigest in tugenden on vnderlas/
wie ainer ainen berg steiget/ vnd nit
ablasset zu zunemen/ vnd zu volkom-
menhait zu fechten/ so stat es wol vmb
dich/ Aber so bald du ansachst ab zu
lauffen/ hinlessig zu werden/ dir selb
ber nachzulassen/ vnd geratest dir sel-
ber glauben/ vnd von tugenden ab-
lassen/ vnd lassst ab gütre werck zu
würcken/ du geest nit meer also fleiß-
siglich zu chor/ du bist nit meer also
fleissig zu capitel/ dann als vil als du
thun müß/ du lassst ab von hailigen
gütre gedenccken/ denn steet es übel
vmb dich/ denn fahest du an den berg
ab zu lauffen/ denn wenn du auff hö-
rest dich zu üben in gütre gedenccken/
in hayliger betrachtung von got/
vnd von seinen lieben hayligen/ von
hymelischen gütre dingen/ so fallen
dir ein üppige gedencck/ vnt eüsche
gedencck/ vnd wenn du dein gemüte
vnd hertz nitt auff hebest zu hymelis-
schen dingen/ vnd nitt in das vatters-
land kerest/ so fahest du an vnd stoff-
est den kopff heraus in die welt/ vnd
an weltliche dinng/ du bist mit dem
leib im closter/ vnd steckest mit dem
kopff in der welt/ du stretchest den halß
heraus so lang du magst Vnd so dir
die welt nitt werden mag/ vnd du nit
bey jr magst sein mit dem leib/ so bist
du doch da mit dem herten/ vnd wa-
dir nur ain wenig von der welt wer-
den mag/ es sey ioch nur ain vnnütz-
geschwatz/ da man von weltlichen
dingen sagt/ da stretchest du die oren
hin/ aber was got antrifft das würte
dir zu schwär Es ist ymer meder ge-
süch vnd gesüch/ wie man sein ledig
werd/ vnd wa man in denn nur ain
Aa iij

wenig hilffet So verderbet man sy
 voll/Ach lieber heri got/es ist nit al
 so hört alls man es machet/got hat
 dise dinng nit gebotten/es seind nur
 die rädte gottes/die regel vnd consti
 tucion/man finndet niengeschrit
 ten das es got gebotten hat Wenn
 schon die Priorin ettwas gütttes ge
 schaffet/so kompt der beichtuatter
 vnd stoffet es vmb/vnd wenn es schon
 der beichtuatter wider auffgerichtet
 so kompt die subprio:in vnnnd stoffet
 es wider vmb/vnd spricht/wir müs
 sen auch trost haben/lieber got man
 müß sy trösten & s ist ain armertrost
 Hürten eüch daruor/wenn man in
 aines fingers lanng nachlaßt/so ma
 chen sy aines arms lanng darauß/
 da würt nymmer nichts gütttes auß/
 Wie die Priorin vnd der beichtuat
 ter/vnnnd die supprio:in/vnnnd zir
 ckerin/vnd die andern ampeschwe
 steren/nitt ains seind in ainem clo
 ster/da steet es übel/Sy sollen ains
 sein/vnnnd sollen auch wissen das sy
 ainhellig seyen/also das weder mit
 wortten noch mit wercken/noch mit
 gebärden/noch mit zaichen/kainder
 gleichen thü gegen den anderen in
 kainen weg/als obsy misshellig sey
 en Wenn aber der Bisitator kompt
 so geest du zu im vnd sprichst/er lau
 bent mir dis vnd ihenes/die Priorin
 will mir es nicht erlauben/Vnnnd
 macht mirs so schwär/vnd machet
 mir todsünd darauß/erlauben jr mir
 es/das ich nitt allwegen dürff zu der
 Priorin lauffen/vnd das leben hon/
 Wo das in ainem closter ist/das ist
 gift/Dise menschen die also den
 berg ablauffen die werden vil böser
 dann die menschen die allwegen in
 sündengelegen seind/wann sy fallen
 tieffer in den dreck hinab/Sy seind
 gleich ainem faulen ay/das halber

gebürtet ist/es ist kain böser ay dann
 das halber gebürtet ist/das ist nye
 mandt nütz/die weil es vngebürtet
 ist vnd gannz kalt ist/so ist es güte zu
 essen Wenn es gannz außgebürtet
 ist so schleüßt ain himlin darauß/so
 ist es aber güte Aber wenn es halber
 gebürtet ist so stincket es auß der maff
 sen übel/es mag nyeman dabey bley
 ben/Also ain mensch der ain sünd
 er ist/er ist kalt/er bekennet das er ain
 sünd er ist/er mag noch güte werden
 Ain volkommer mensch der da auß
 beraytet ist vnnnd inbrünstig in der
 liebe gottes/der ist güte/vnd gannz
 güte/Aber ain mensch der da an hart
 gefangen got zu dienen/vnd an hat
 gefangen auß zu gon in tugenden/
 vnd der wider hinder sich felt/das
 werden die aller bösesten menschen die
 man finnden mag/jnen ist darnach
 kain böshait zu vil/vnd werden den
 aberinnig in dem closter/vnnnd ist in
 das closter zu enng/es kan nyemand
 mitt men überkommen/wosy ächter
 in clöstern seind/Also ist es auch vñ
 ainen müuich/was sy thün sollen
 das ist jnen zu vil/vnnnd wenn sy zu
 capitel sellen faren/so ist mit vnnnd
 ar bayt/main vnd mord in allen gaff
 sen/wann sy giengen lieber anderm
 narrenwerck nach dann das sy das
 thün/darumb sy den orden an sich
 haben genommen/Ich mayn nitt sy
 eben im closter/ich predig jnen/dar
 umb nenn ich sy/Ja solliche menschen
 werden also verhörtet in jnen sel
 ber/das sy nitt meer menschen seind
 sy seind teüfelsch/sy kommen nayß
 wo von menschlicher art/dann als
 vil als sy menschen seind nach dem
 leib Davon sprach Christus zu sei
 nen jüngerñ/Ainer vnnnd reüch ist
 der teüfel/das was Judas/Ja sel
 ten/selten stond sy wider auff/Vnd

wenn sy schon wider auffstond so bley
bet in doch das ewiglichen anhang
eo/ das sy mit inen selbs zuschaffen
haben alle jr lebragen / es geet häre
naher. Die natürlichū mayster spre
chen. Wenn ain wolff ain schaff ge
beisset / das selb fell hat allwegū leuß/
man mach beltz darauß / oder was
man wöll so hat es allwegen leuß dar
inn / Also ist es auch mit denen / so sy
der wolff / der teuffel / gebeisset / so ge
raten sy gar kom darnach / man fin
det allwegen leuß im beltz / Nuttent
euch vor lawhayt / farent für häftig
klich vnd inbrünstigklich / nit gond
hinder sich / nit seind halb vnd halb
gaysslich vnd weltlich / andechtig
vnd sayg / als etlich inn clöstern /
vnd auch hieauffen etlich gaystlerin
die künden zu bayden henden / zu lieb
vnd zu layd / Ir klaydung dahaym
vnd auff der gassen Auff der gassen
vnd in der kirchen ainfeltig vnd
schlecht / im hauß sayg / müttwillig
vnd gescherzig / Die Burgerin vnd
Edelleit kommen vnd legen jr seyde
vnd sech ab / vnd tragen die seyde vnd
das sech nymmer außwendig / das
thünd vnnsere gaystlerin / deren vil
seind Aber sy haben es innwendig /
vnd wenn man gegen jr geet so schla
hen sy den mantel auff / das die seyde
vnd das sech dennocht herfür geet /
Vnd wenn sy in iren heüßern seind
so thünd sy die seyden schauben an /
vnd henncken die ketten herfür / vnd
sprechen dem Ey es schade nit / es ist
nit sünd / es sichts nyeman / Es ist
falsch. Die geschüfte spricht I saye
am xlvij. capitel. *Maledictus qui
facit opus dei fraudulentus. Ver
fluchte sey der / der das werck gottes
versaumligen oder vntrewlich thüt
Das ist / der da also lawlichen hin
geet Darumb so sollen wir vnnsere*

herzen vnd gemüt auffheben / vnd
sollen sprechen mit dem David. *Le
uavi oculos meos in montem / vnde
ueniet auxilium mihi. Wir habū vn
sere augen auffgehebt in die berg /
dauon ist vnns hilff kommen / Alle
menschē seind schuldig zu fechten
nach tugenden / sy seyen in clöstern /
oder herauffen. Dartzū vermanet
vnns der priester / da er offentlichen
spricht. *Su sum corda. Heben auff
euwere herzen vnd begird zu dem
herzen. So anwurten wir denn vnd
sprechen. *Habenus ad dñm. Wir
haben auffgehebt vnnsere herzen /
Es schreibt ain leierer / es sey die grös
sest offembarlichest lügen die ye ge
redt ward / wenn wir vnnsere hertzen
nit erheben zu got / wir erheben sy
meer zu weltlichen freunden so wir ge
dencken vnd anschlahen wie wir gute
mal vnd wirtschafften zürichten / da
wir dem bauch vnd dem gaylen leib
auswarten / vnd dem lust vnd freud
diser welt gnüg thuen / dahin richten
vnd erheben wir vnnsere herzen Dar
zu ermanen die vollen münich vnd
pfaffen ainander / so sy nit in der kir
chen / sonnder in der Tabern hinder
dem spilbet vnd güten wein sitzen
vnd sprechen ainer zu dem andern /
*Su sum corda. seind gütes müttes /
Also würt der gaisst verwandelt in das
flaisch.****

Dem häßlin seind die hünd auffsetzig
Je vierde aygenschaft des
d häßlins ist / Die hünd seind
im gefärd / vnd lügen wo sy
es mügen erwüschū vnd fa
hen / Also seind auch die bösen gayst
die hellischen hünd / gefärd ainem solli
chen häßlin / Das ist / ainem sollich
en menschē / der da vnder seet
got zu dienen in ainem gaysslichen

leben/vnnd der sich got gantz erge-
ben hatt/vnnd tag vnnd nacht strebet
vnnd sicht/wie er zu tugenden kom/
vnnd wie er got gefallen müg. Ainem
sollichen halslin (sprich ich) seynd
die hund gefard/das ist der reüfel/
wam/wenn er ainen sollichen men-
schen erwüschent mag/so maynt er/
er hab wildprät gefangen/es ist im
ain besonnderer schlech/darumb ist
er ainem sollichen auffseziger/dann
ainem andern menschen/der da als
so schlecht anhin geet vnnd nit so gros-
sen fleiß ankert/vnnd im selber nit so
grossen gewalt an thut. Warumb?
darumb/er fürcht er wöll im entgon
Auch so getrauwet er auch annder
wildprät mitt im zu fahen. Darumb
ist er ainem sollichen menschen fast
auffsezig. Des lesen wir ain exempel
von ainem bischoff Andreas genant/
der hett ain gaisliche person bey im/
ain nunn/Die münich vnnd nunnen
maynen wenn man inen diß wort zu
legt/das man sprech/ain münich/
oder ain nunn/man thut es inen auß
verachtung. Nain/es ist kein verach-
tung/das wort hat es auff im. Wo-
nachus haist ain münich/Tonna
ain nunn/Papa ain pfaff/Aber dar-
umb das es in ain verachtung kom-
men ist/darumb ist es nit ain verach-
ter nam. In dem anfang do die clö-
ster erst auffgestift wurden/do wa-
ren sy nit als gantz beschloffen/sy
mochten außgon/vnnd gieng der
gantz conuent her auß in die kirchen/
vnnd was nit meer dan der vnnder-
schlag zwüschent den innwendigen
vnnd den außwendigen. Aber yetz-
und so mag man die mauren nit hoch
genüg machen/vnnd weñ manschon
alle fenster vermacht so kan man sy
dennocht kaum dinnen behalten/
Also was dise gaislich person bey

diesem bischoff/wann sy was auch
bey mee er bischoff ward. Do er nun
bischoff ward do behielt er sy bey im
vnnd getrauwet im vnnd och ir gar wol
wann sy was aines er beren wandels
das mocht nun der reüfel nit leyden/
vnnd begund seinen bösen samen dar-
ein zu säwen/das der bischoff die per-
son geriet zu fast ansehen/vnnd in an-
fechtung fallen gegen ir/vnnd geriet
aines mals mitt ir schimpffen/vnnd
gab ir ainen straiich an den rucken/
Vnnd in der selben zeit gieng ain iud
überfeld/do begriff in die nacht das
er vor der star müße bleyben liegen do
der bischoff inn was/vnnder ainem
schopff/vor ainem abgot tempel/ge-
nant Apollo/do hort er ain grosse
schar der bösen gaisl komet/die wol-
ten zu capitel gon/do fragt der haupt-
man vnnder in/was yeder geschaf-
fet hett. Do kam ainer vnnder inen/
vnnd sagt das er geschaffe hett/das der
hailig bischoff Andreas die er ber per-
son die er bey im hett/dar zu bracht
hett/das der bischoff mit ir geschimp-
ffet hett/vnnd ir ainen straiich an den
rucken hett geben/do dancket in der
hauptman fast vnnd sprach/er solt
der sachen züschüren/vnnd solt nit
müßig gon so müße er haben ainen
sonderr palmen/vnnd wöle in ain be-
sonderr cron geben für die andern
alle. Do das der iud hort/der vor dem
tempel lag/do gieng er des morgens
zu dem bischoff vnnd fraget in/ob er
ain gaisliche person bey im hett. Do
sprach er/ia/do fragt er in ob er auch
mitt ir geschimpffet hett/vnnd hett
ir ain straiich auff den rucken geben.
Do ward er entferbt. Do sprach der
iud/ob er auch böse begird zü ir hett
gehebt. Do sprach der bischoff/wer
hat dir das gesagt/do sagt er in die
ding die er vor dem abgot tempel

im

pfeffer

gehört het/wie die bösen gaisst gesage
 herten/das sy in darzü bracht herten
 Do das der bischoff hort/do thet er
 von stunden an die person auß seinem
 hauß/vnd rüffet den juden/vnd lee
 ret in Christenlichen gelauben/ Der
 bischoff het auch sein hoffnung auff
 sich selber gesetzt/er maynet er stünd
 gantz steiff/vnd möchte in nyemane
 meer abgewerffen/Darumb soll ain
 mensch für sichtig sein/vnd wacker
 über sein hertz/das in der teüfel nit
 erwisch Darzü vermanet vnns san
 ctus Petrus/do er sprach/Lieben
 brüder/seyt wachper vnd fürsichtig
 oder vmb sichtig/wan der teüfel geet
 vmb alls ain bummender rychlender
 löw/vnd lüget wen er müg zerreissen
 Darumb soll ain mensch wacker vñ
 vmb sichtig sein/wan der teüfel hat
 meer acht wie er ainen sollichen men
 schen vmb bring/dann er sunst auff
 dreissig oder auff vierzig menschen
 hatt/ Warum? Darumb/er verder
 bet under menschen mit im/wann
 yedermanscheühet ab ainem sollich
 er/vñ eygere sich ab im Ain mensch
 das allwegen anhin gangen ist/wen
 der in sünd falt des acht man nit vil
 Aber wenn ain sollicher mensch falt
 so schreyt yederman über in Ey sprü
 cher man/was ist gaisstlichait/es ist
 doch nichts vmb die gaisstlichen/der
 hatt ain sollichen gaisstlichen schein
 getragen/vnd ist darzü komen Vnd
 wölln es den nit angreiffen/Da von
 spricht Jeremias der prophet/Das
 wildprädte des löwen/ist der waldesel
 in der wüste/ Der löw ist/der teü
 fel Das wildprädte/ist der waldesel
 in der wüste/Was ist der waldesel?
 Bey dem waldesel würt verstanden
 ain gaisstlich mensch (als die ainsidel
 die erwan in der wüste hond gewo
 net) Der selb ist zum ersten ain häßlin

Aber hindennach würt ain waldesel
 darauß/wen im die oren geraten wach
 sen Ain häßlin hatt lange oren/all
 ze hie nach hören werden Der esel hat
 auch lange oren/aber nit als das häßlin
 Wen geraten dem esel die oren wach
 sen:denn/wen ain sollicher mensch/
 ain ainsidel in der wüste anfahet ab
 zulassen von güten gedencken/von
 güten tugentreichen wercken/in den
 er got lang gedienet hatt/mit vasten/
 beerten vnd wachen/vnd andern gü
 ten wercken/den/wen er darvon last
 so fahen im an die oren zu wachsen/
 wann so er von güten gedencken ab
 last so fallen im dem ein vnkeüsch
 gedancken/weltlich gedancken/von
 weltlichen üppigen dingen/so gond
 denn hernach böß begirdn/den seind
 im die oren gewachsen/denn stost er
 den kopff her auß in die welt/bist du
 im closter so würt dir das closter zu
 eng/vñ denn so ist auß dem häßlin
 ain waldesel wordenn/Ain sollicher
 waldesel/spricht Jeremias/ist das
 wildprät des löwen/wann wa er ain
 solchen schlecht überkomen mag/da
 maynet er er hab gewonnen. Da von
 spricht sant Gregorius/Das essen
 des teüfels/das ist alls das höw des
 ochsen Ain ochs oder ain kü/diemüß
 gar waich höw habn weder ain pfard
 Ain pfarde yffet rauch höw/Aber
 ain kü oder ain ochs yffet dasselb höw
 nit/es müß waich höw sein/wenn
 man waich höw hatt so spricht man
 das ist güe küfütter/es müß besser
 sein dan annder fütter. Es spricht
 Gregorius. Ain sollicher mensch der
 da gaisstlich ist gewesen/ist dem teü
 fel ain güter schlecht/wan er mayne
 er wöll ainer gannzen gemain scha
 den thun mit ainem sollichen mensch
 en/vnd maint er bing im meer nutz
 dann ain weltlicher/so ain sollicher

mensch fellt so zeücht er ain gantzē
 gemaind mit im vmb/so spricht man
 den/ist dem das widerfaren/wie will
 es dann den anndern ergon/hatt der
 das gethon/wie wöllen dan die thun
 diene als güte seind als der mensch
 ist gewesen Wenn denn der hellisch
 löw ain söllich wach fütterer finde so
 ist es in ain güte speiß Darumb soll
 sich ain mensch hütten/der da ange-
 fangen hatt got dem herren zu dienen
 das er nit hinlässig sey/sonnder das
 er wacker vnd munder sey/ Das
 in der teüfel nit erwüsche Das wir
 nach diesem leben mügen erlangē die
 ewigen freüß/das verleych mir vnd
 eüch/got vatter/sun/vnd hayliger
 gaisst Amen.

Alomon d weißman spricht/
 f Proverbiorum am xxx. capi-
 tel also. Das häßlin setz sein
 riuwstar in den felsen Dis häß-
 lin (als ich gestern sprach) bedei-
 vnns ain yeglichen gaislichen Cri-
 stenmenschen/vnd auch ain closter-
 menschen/die da söllen an in haben
 die aygenschaße des häßlins. Nun
 wolan/all ich gestern gesagt hab
 von der art des häßlins/das da hatt
 vierzehen aygenschaße an im/von
 den ich gestern vier eigenschaft auß
 hab gelegt/ Die erst ist/das das
 häßlin forcht sam ist/das bedei-
 ain yeglicher andechtiger Cristen
 mensch vnd clostermensch/göliche
 forcht soll haben/on das ist sein lebē
 nichts. Die annder eigenschaft
 ist/das häßlin laufft bald vnd ist
 schnell/das bedei vnns ain closter
 mensch/der achter sein leben recht
 für sich nympt/der da hat andacht
 im hertzen/vnd ist schnell zu allen
 hymliischen dingen/dar zu laufft er

bald. Die dritt aygenschaße des
 häßlins ist/das es laufft den berg vff
 on allen schaden/aber nit ab on scha-
 den/das thut/das in die fordersten
 füßlin kürzer seind dan die hinder-
 sten/wann her ab so überburzelt es/
 das ist/wenn ain güter mensch strei-
 tet vnd strebet zu tugenden so laufft
 er sicherlichen den berg auff Wen er
 aber hinder sich geet/das ist/wen er
 ablast von den güten wercken/so
 geschicht in als dem häßlin/das den
 berg mit schaden abburzelt/Dar-
 umb soll ain andechtiger mensche
 vnd clostermensch leben/das er war-
 lich sprechen müg mit David/Ich
 hab meine augen auffgehebt in die
 höhe des bergs Wan der laufft sich/
 er der da über sich laufft/das ist/zü
 got dem herren. Die vierd aygen-
 schaße des häßlins ist/das die hund
 dem häßlin gefar seind/das bedei-
 vnns/das die hellischen hund/die
 teüfel/den güttengayßlichen men-
 schen als gefar seind/wenn sy ainer
 überkomen/so ist in als heten sy wild
 prædt gefanngen/all ich es gestern
 weyter hab außgelegt.

Die das häßlin setzet sein sach
 auff die flucht.

Nun wolan/Die fünfft eigen-
 schaße des häßlins ist/Es
 setzet all ain sein sach auff die
 flucht/Also wenn man mit
 im streitten will/es wöret sich nit/
 alls ain beer/der richt sich auff vnd
 stelle sich zu wöre/Ain wolff der zer-
 ret/Ain hund der beisset/Ain katz
 die kreuzet/Ain löw wenn man mit
 im streitten will/er stellet sich auch
 zu gewöre So hatt das häßlin kein

ander gewöre/dann es wüsch auff
vñ laufft hinweg/ Das gibt man für
in einer gleichnuß/ vom ain hasen
vnd wolff/ die zway kamen mit ain
ander in ainen zammel/ das weer er
als lang/ yedas der wolff dem hasen
verwiß/ er war ain zag Tu mainet d
has er wölte mit im wetten wölicher
den amndern überwund der solt recht
haben/ das gefiel dem wolff/ wann
er mainet er wölte den hasen bald zer
zerre haben Der wolff legt sich streuß
lich gegen dem häßlin/ nur wüschet
der has auff vñ lieff dahin/ der wolff
im nach/ der has lieff schnell/ d wolff
ward müd/ vnd viel nider zu rüwen/
der has maynet er heet gewonnen/
der wolff sprach Lain/ er war geflo
hen vnd heet nit mit im gestritten/
Also kamen sy für den löwen mit dem
streit/ er solt vrrail darüber sprechen
Also sagt er das häßlin het überwun
den/ wann es het kain annder gewör
dan sein flucht/ Also soll ain rechter
christenmensch vnd ain clostermens
sche/ sein gewör setzen in die flucht/
wenn er angefochten wirt von dem
bösen gaisst von vnkeüschayt/ so soll
er thun als das häßlin/ vnd nemen die
flucht/ das ist/ er soll nit auff solich
en gedencen beleyben Er soll alle vr
sachen fliehen/ die im zu sollichen an
fechtungen mögen komen/ wann alle
annder laster vnd sünd mögen mit
streit überwundn werden/ es sey ioch
was sünd es wöll/ eragkait/ neid oder
hass/ zorn oder füllerey/ vnd alle an
dere laster/ wann man kain lust darinn
findet/ wenn man im schon nach ge
denckt/ on das laster vnkeüschait/ die
mag annders nit überwunden wer
den/ dann mit der flucht Wenn du
aber wilt ligen in solchen gedencen
zu geigen/ vnd mit der begird zu vñ
fahen/ vnd nit fliehen wilt das dir vñ

sach gibt/ vnd dir anfechtung brins
get/ vnd bey dir selber bleyben/ vnd
wilt alles das erschneycken vnd erfa
ren das yederman thut/ vnd wen du
soldest im hauß sein/ die bett machen
vnd die schüsseln wäshen/ den so wä
rest du lieber zu dem tanz/ vnd über
den brunnen wasser holen/ so würf
fest du denn alle ding über ain hauß
fen vñ lauffst dahin/ got geb es stand
im hauß wie es wöll/ denn wenn du
auff die gas kompst so geest du mit
dem kopff zuschlorteren vñ vmb dich
zu gaffen/ alles das zu ersehen/ das
gesteübet vnd gestleüget/ den so stehet
man dir bald an was dir im sinn ist/
Du thüst nit als das häßlin/ das fleü
het allain/ du suchst vrsach zu sündn
vñnd fleühest sy nit/ das ist falsch/
Darumb sprich ich/ du solt fliehen
alle vrsach der sünd/ vñnd die sünd
nit vmbfahen/ noch solchen gedenc
en statt oder zeit geben/ sonnder dich
bald vñkeren/ vnd thun als das häß
lin vnd nemen die flucht fleühe vnd
gestand kainer vrsach der sünde/
noch auch der rede des mans/ wann
die red des mans dringet ein in das
hertz der frawen/ her widerum drin
get die red der frawen hinein in das
hertz des mans/ wann sonil ain mensch
lustiger vnd anmütiger red ist/ so vil
eringet sy meer in das hertz/ gegen dem
sy geschichte Darumb solt du thun
als das häßlin/ vnd solt nit still lig
en/ nym die flucht vnd ker dich vor
solchen vrsachen/ vnd auch der glei
chen gedenc. Fugite fornicatōem/
spricht sanctus Paulus/ fliehen
die vnkeüschait/ Er sprichet nit/ wis
der streiten sy/ sonder er sprichet Fugite/
fliehen sy Darumb so sprich
ich/ Du solt nit haben vil wonung
oder geschwartz vñ gauckels mit den
männern/ vñ du man mit der frawen/

In auch nit begern wol zugefallen/
wenn aines ringet mit ainer die im
tag gelegen ist / stoffet sy dich wol nit
vmb / so kompst du doch nit vnbeschif
sen von jr Also ist es auch mit ainem
kemerfeger / der erst ain kemer gefege
hate / ringest du mit jm / du kompst
nit vnberüßet von jm Darum sprich
ich / wenn du nit wilt fliehen vrsach
en der vnkeuschait / vmb dich nicht
hütten vor söllicher böser gesellschaft
wiewol du nit kompst zu fal / denoch
würdt dir das hertz vermoset vnd ver
bilder. Nun möchtest du maynen du
wärest ain vollkommen mensch / vnd
stündest als starck als ain maur vnd
dürst fest solcher warsamkayt noch
sorg nit meer zu dir selber / du dürstest
kam vrsach der sünd also fliehen / vñ
wänst du seyest gantz abgestorben /
denso geschicht dir also / wenn man
ain liecht an ain maur en hebt / sy ver
brunt nit von dem liecht / sy steet den
nocht starck als ain maur / sy würdt
aber schwarz von dem liecht / Also
geschicht auch ainem menschen der
da maynt er sey volkomen / er dürst
kein sorg meer zu im selber haben / er
fleucht nit böse gesellschaft / denn so
fallen im ein / vñ lauter gedenc / an
fechtung zu vnkeuschait / kompt er
nit zu fal so würdt im doch das hertz
verbilder vnd berüßet dauon Dar
umb soll im selber nyeman zu wolge
trawen / du darfst allwegñ sorg zu
dir selber / wann der teüfel geet nit
müßig / darumb fleuch vnd thü als
das häßlin. Nun möchtest du sprech
en / wie kompt das / das man die vn
keüscher meer fliehen sol dann die an
dern sünd Warumb ist das ? darumb
sprich ich / das sy meer lustlicher ist
in ir selber / dann all and lastet / nach
dem all sanctus Thomas das gar
clarlich auslegt / über das wort sant

Pauli. Fliehen die vnkeuschait /
darumb ist sy niender mit zu über
winden / dann das du thüest als das
häßlin vnd nymest die flucht. ¶ Sy
ist giftig als ain schlang / darumb
ist sy zu fliehen als ain schlang Quasi
a facie colubri fuge peccatum. Du
solt die sünd fliehen als von dem an
gesicht des schlangen Wenn ainer für
ain schlang geet / so fleucht er sy / er
steet nit vor jr / sy an zu lachen / wan
wolt er fast vor jr steen / sy gabe im
den lon / er streichlet sy auch nit über
den rücken / wan er waist das sy gift
ig ist / vnd ye meer sy giftiger ist ye
meer er sy fleucht / Aber du kompst
vnd bildest dir für in deinen gedenc
en / lust der vnkeuschait / vnd gedenc
est an aine hie / an die annder dort /
vnd malest dir selber ain frawen für
nach allem deinem wol gefallen / vnd
wie sy dir gefiel / vñd maynst es sey
kein gebresten an jr / Wil wäger wär
dir ertwan vnd minder schendlich / das
von aussen vor deinen leiblichen aug
en dir ain fraw gegenwürtig wäre /
es wär doch nymer on / du sahest ert
was an jr das dir misnuel / vnd dir sy
erlaydet / da hat sy ain stinckend mau
denn hatt sy sitzen in den augen / da
burgen in der nasen / denn hat sy geel
stinckend zen / vnd ain vnlustlich ges
sprach / es wär ymer ertwas das dir
ainmuelt in das haber müß gegen jr
fiel / das sy dir erlaydet Solliche ge
bresten gedencst du nit / sonder ma
lest dir die frawen on allen gebresten
Darumb ist dir der gedanc zum diek
ern mal rayzlicher weder gegenwürt
igkait zc. Darumb thü als der häß
vnd nym die flucht. Also soll ain yeg
licher rechter Christen mensch vnd
clostermensch lernen streiten vnd
fechten wider die vnkeuschait / mit
der flucht. Spricht ain leerer das

ain münchs kut hatt da hinten an der
 kappen die gestalt ains schilttes / vnd
 den haben sy auff dem rucken dahin-
 den / als die thünd die da zu der flucht
 gericht seind / die werffen den schilt
 auff den rucken Also sollen sy jr sach
 auff die flucht des lasters der vnkeu-
 schait setzen Vnd sollen ein als man
 leüt findet / wenn die in ainen streit fa-
 ren so stellen sy sich vast künlich / aber
 wenn es an das treffen geet / so nemen
 sy die flucht / vñ das ist jr gescheidt kait
 wann so jr feind wänen sy seyen mit
 der flucht hinweg / so wischen sy den
 herfür vnd erschlahen sy rücklingen
 Also sollen die münch vnd alle gayst-
 liche menschen thun / die sollen den
 rucken dar wenden / vnd also rücklin-
 gen fechten / mit der flucht / vnd auch
 dabey jr hoffnüg in got setzen. Auch
 sprich ich sy sollen thun als das haslin
 vnd nemen die flucht / also / das du
 dich entschlahest der vrsachñ aller an-
 fechtung vnd laster der vnkeuschait /
 vnd auch aller anderer sünd / fliehen
 die menschen / vnd bey dir selber bley-
 ben / vnd dich halten in deiner zell / vñ
 dich hütten so fer du magst vor zeit-
 lichen geschäftten die dir dein hertz
 nemen vnd beladen. Auch vor flaisch-
 lichem vnd zeitlichem trost vñ ergetz-
 lichait Vnd dich hütten / das du nit
 lauffest in dem closter affterwegen /
 alles das zu erfarn / das in dem ganz
 en closter beschicht / vnd es alles zu be-
 reden / vnd maynest es bas außzurich-
 ten dan ain andere. Lüg hüt dich da-
 vor / wann wenn du also außschwaffig
 bist / vnd nit bey dir selber magst bley-
 ben so steet es übel vmb dich. Nun
 möchtest du sprechen / muß ich ewig-
 lich allain sein / ains ist doch deñocht
 wol bey den leütten / muß ains eben
 darumb vnrecht thun Ich mag nit
 allweg allain sein: Sprich ich Wilt

du vil bey den leütten sein / vnd dich
 nit hütten vor dem das dir vrsach gibe
 zu sollichen bösen gedencen / vnd an-
 fechtung / vnd also außschwaffig
 sein / so müßt du das daran nemen das
 ich dir vergesagt hab. Nu sprichstu
 Müß ich allwegen in der zellen sein
 ich hab auch annders zuschaffen?
 Nain sprich ich / verstand es also /
 Du solt dich allain halten in der zell
 deines hertzen / vnd dein sinn vnd ges-
 mit gesamlet haben / das du waist wie
 du gegen got deinem hertzen vñ schöp-
 fer standest / der da waist dein gedenc
 wort vnd werck / vnd dem du red vnd
 antwort dar für müßt gebñ am jung-
 sten gericht / darumb sprich ich / So
 vil meer du dich allain haltest / so vil
 minder hast du vrsach zu anfechtüg
 Vnd wenn sy dich aber schon anköm-
 men / vñ du bey dir selber bist / so fin-
 dest du in bas zu widersteen / wann wenn
 du also außgekört bist so würstu so
 verhörtet vñ verirret / das du nit
 wayst was du schaffest. Darumb ist
 dir not das du in dich selber geterec
 seyest vnd dich allain halttest / es sey
 dan ampts halb auß gehorsame / da
 du gezwungen würst wider deinen
 willen zu außserlichait So bist gehor-
 sam / vñ thü das getreulich mit auß
 gehertem hertzen zu got / vnd eyl all-
 weg wider zu dir selbs hinein / das ge-
 schicht layder nit / sonnder sy süchen
 ergetzlichait in außserlichait Da sol-
 len die ampts western gewarner sein.
 Nun hab ich eüch außgelegt die fünf-
 fte aygenschaft des haslins.

**Das haslin bewegt allzeit
 die leffzen.**

In will ich eüch sagen von
 der sechsten eigenschafft des
 häßlins/die ist/das dem häß-
 lin die leffzen nymmer still
 stont/vnd allwegen mufflet es mit
 den leffzen. Also thut auch ain rech-
 ter andechtiger cristenmensch/vnd
 clostermensch/dem stont sein leffzen
 nymmer still/er mufflet allwegñ/als
 das häßlin thut/er fürchtet got/Ain
 yeglicher rechter cristenmensch/
 vnd clostermensch fürcht got seinen
 schöpffer vnd herzen/er lügt das er
 nymmer wid in thū. Wa solche fürcht
 ist/der selb mensch lügt das er thū
 alls das häßlin/das ist/er beweget
 sich darzū das im seine leffzen nymmer
 still standen/er mufflet allwegñ/das
 ist/er beeter/er ruffet zū got/er laßt
 nitt ab/er steernit still/er geet für vñ
 für/im ist nichts zu schwär/er halt
 die gebort seines schöpffers/er hat
 got lieb von ganzem seinem hertzn/
 vnd seinennächsten als sich selbs/er
 feret fleiß andas er thū was got ge-
 fellig sey/Also thut nitt der vnstät
 mensch/er zeücht hinder sich/er may-
 netes sey im alles zu vil vñ zu schwär
 Warumb ist das: Darumb/er hat
 kein gotsfürcht Darumb treybt in
 nichts zū güeten wercken/Darumb
 sprich ich als vor/wo nitt die fürcht
 gottes ist/besonder in den clöstern/
 da ist kein bestand aines güeten/er-
 beren vñnd gaystlichen wesens. Ich
 sprich/wenn der mensch fürcht sam
 ist/vnd erkennet sein tranckhait/vnd
 das er nichts mag widerstreitten/
 denn so du merckst das du von dir sel-
 ber nichts vermagst/so solt du hilff
 zū got süchen vnd fleiß darauß tern
 wann es geet dir nitt on arbait dar/
 du müßt des einsprechen gottes war-
 nemen/vnd im nachfolgen/vnd nitt
 widerstreitten vnd widerstreben/als

ain katz die man errencken will/die
 da zabler vnd vmb sich beisset/vñnd
 frezet/vnd sich vñndersteet zu wözen
 Das ist so du nun empfindest die vn-
 macht/das du nitt empfenglichen
 bist sollicher einsprechung gottes/
 vñnd nitt überwinden magst in dem
 streit der anfechtung/so solt du tün
 als ich dich vorgeleert hab/vnd hilff
 bey got dem herzn süchen/vñ thū als
 das häßlin statts muffelen/das ist/
 du solt statts beeten vñ zū got ruffen/
 das dir dein leffzen nymmer still stan-
 den/vnd solt darumb nitt auff hören
 das es dir nitt also glar dar geet alls
 du mainest es dir dar geen solt. Das
 häßlin höret nymmer auff zu muffe-
 len/allso solt du auch thū/vnd nitt
 auff hōm zu muffelen/das ist/zū be-
 eten. Also leeret christus Jesus vnser
 herz seine häßlin/seine jünger/sy sol-
 ten allwegen beeten/do er sprach/
 Man müß allzeit beeten vnd nymmer
 erligen. Sant Paulus sprach auch
 zū seinen brüdern. j. ad Thessalonicen
 quinto. Sine intermissione orate etc.
 Ir sollen allweg vnd on vñnderlaß
 beeten. Das müß man gar vernünff-
 tiglich versteen/vñ nitt als schlecht-
 lichen nach dem text. Verstand es
 also bey diser gleichnuß die ich dir
 hie geben will War es das ainem ain-
 sach angelegen wäre/die er bey dem
 Kayser oder König oder Papst er-
 langen müß/er ritt vnd lügt seiner
 sachen nach/vnd lag ain gantz jar
 oder meer in des Papsts oder Königs
 hoffte/vnd stellet der sachen nach/es
 war joch was es wolt. Oder so ayn
 er ain pfründ erlangen will/er ligt
 das gantz jar zū Rom vñ wartet vñtz
 das er sein sach erlange/nichtdestmin-
 der thut er darzwischen was er will/
 er yffet/er trinckt/er schlafft/er spilet
 vnd thut darzwischen was er zuschaf-

fen hat/er gat nit stäts der sachen nach darumb er da ligt Aber wen im gesetzt wirt ain stund oder stat vnd zeit/ das er komen soll/ vnd man in seiner sachen berichten will/denn so kompt er vnd thüt zü der sacht/ aber er ligt nit da on vnderlaß zu beeten vnd zu flehen/ nur wen im die stund gesetzt wirt/ vnd wen man spricht was tüt der solang zu Rom: so spricht man/er bitt vmb ain pfünd/vn er bitt doch nit ymer meder/er thüt auch anders/ solang vnz im die sacht verlihen wirt/ Also soll thün ain recher gaislicher cristen mensch/vn ain closter mensch/der soll nach seinen sachen/vnd begeren got zu gefallen/vnd nit haben ain verdrüessen Er darff nit allwegen mit dem maul beeten/wen er sunst tüt das er schuldig ist vnd beget in den gnaden gottes zusein/so beetet er allwegn Also wen ain mensch in ainem closter ist/ oder in ainē dienst/wen der selb beett vnd singt vn lise wen er es schuldig ist/vnd er im statt wen er zeit gibt vn sunst thüt er was er zuschaffen hat Des gleichen auch her aussen/er yst er trinckt/er spint/er näet/er macht schüh/kurtz er thü was er wöl/wen sein maynung güet ist/so beetet er allwegen/Darüber spricht sant Augustin. Wer recht tüt/vnd got fürcht der beetet allwegn. Nym ain andere gleichnuß. Wen sich ainer zü ainem grossen herren oder junckherren oder ioch sunst zü ainē andern verdingt vnd bey im dienen will/vnd beget lon von im zu empfangen/oder ain lehen von im zu empfangen/nun hör was thüt der selb Er lüge vnd köret allen sein fleisch an/das er thü alles das das er waißt das dem herren wolgefalt/vnd was im beuolhen wirt das thüt er mit grossen fleiß/er sezt das

haus/vnd thüt was er kan/vnd das im haus zuthün ist/er ligt nit allwegen beeten mit dem munnnd/meer er fleisset sich alle arbeit zu thün/damit er waißt das er dem herren gefallen thüt Nun so der herz sacht das d knecht also getreulich thüt/was tüt der herz? Er wirt bewegt gegen dem knecht/vnd sacht sein eren vn fleiß vnd verleicht im den was er von im beget/es sey ain lehen oder ain lon/so gibe er es im. Nun wolan. Nun möchtest du sprechen/Wie kan ich mich so gannz zü got keren/war es nit also oder also/das ich mich auch anders geschäfts müßt annemen/das mir beuolhen wirt/ich kan doch nymer in den chor kumen/das ich mich zü got kerte/von meines amptes wegen. Nain sprich ich/nit also/wen dein maynung güet ist/vnd begetest zu thün das got dem herren gefellig ist/so findest allwegen zeit genug dich zü got zu hören Got d herz sacht allweg an dein hertz vnd maynung/vnd mit was fleiß vnd ernst du im begerest zu dienen Darumb soltu thün als der fleißig knecht/der den lon beget/von seinem herren zu empfangen Also thü auch du/vnd kör an allen dein fleiß/den willen deines schöpferes zu thün/vnd im wol zu gefallen in allen deinen wercken/thün vn lassen/Also soltu das wort verstond das Christus spricht. Man soll allwegn beeten/du findest menschen wenn sy das wort hören das Christus spricht. Man soll allwegen beeten/so wänen sy sy müssen allwegen mit dem munnnd beeten/vnd also ist es nit zinnerston/Sonder verstand es also/als ich dir gesagt hab/vnd vnderweist. Nun möchtest du sprechen/Es steet doch im text das Christus gesprochen hat Man soll allweg beeten/ Ich sprich

also / man muß das recht verstehen / nach auslegung der bewarten götlichen leerer / die vol seind gesein des gaistes christi Jesu. Nym wider ain gleichnuß von ainem beetler / der da sitzet vor der kirchen / der selb hayscht nit mit dem mund / sonder sein grossen wundn vnd geschundne bain die schreyen vn hayschen für in / vnd so vil meer man sein ellend sieht / so vil meer man im gibt Also ist es vñ ain menschender sein grosse sünd vnd ellend gegen got erkent / vnd sieh klain achter / über den erbarmer sich got / er darff dar umb nit allwegen mitt dem maul beeten / weñ er nur güts thut / vnd begert in den gnaden gots zu sein. Darumb sprich ich / alls ich vor geredt hab / das sich ain mensch soll klain achten / es ist nit besser dan das sich ain mensch gegen got dem herren erkennet / vñd nichts auff sich selber halt / vñd an allen seinen wercken verzweyfelt / vnd allain sein hoffnung in got setzet Vnd solt auff heben dein hertz vñ gemüt zu got / vñ sprechen mit dem David Deus in adiutorium meū intende. Got hilf mir vnd gedenc an mich / eyl mir zu helfen. Also solt du schreyen vnd rüffen zu got dem herren / vnd forcht gottes hon / wañ got spricht durch den propheten. Ober wen würd ich senden mein gesicht / über den der da erzitet ab meiner red. Nun wolan Es ist auch ain and weiß zu beeten / das ist / daz der mensch in allen seinen nödren sein zuflucht soll hon zu got dem herren / mitt dem gebeet / Also hetren die altuater ain gewonhayt in den alten zeiten / was in zu handen gieng in allen iren streitten / so griffen sy andie woffen des gebeets Davon so sprich ain altuater / Wie ains hunds aygenschafft ist / das er allwegen billet

weñ im etwas gebriecht od geschicht Also soll auch des menschen aygenschafft sein / das er allweg beeren soll vnd sein zuflucht soll haben zu got / vnd gnad vnd hilf bey im suchen / vñ sollen es auch nit lassen ligen / wir sollen stäts für vnd für got / vnd vnns nicht daran lassen hindern Nit das du sprechen wölest Ich hab es nie gewont also ganz mich mit got zu beeteren / solt ich es thun / andrawen so besorg ich es nam mir mein syn zu vil / es macht mir wol ainen schloter kopff / es war mir zu vil / ich möche es nit erzeugen Ich sprich wenn du den syn in dir hast / so ist es ain zeichen das du noch gar weyt hast zu ainem rechten geystlichen wesen / vnd das du klain lieb zu got hast / dar zu so legst du dein vnuolkomenheit ganz an den tag / wenn du so trag bist got nach zu lauffen / vnd sunst ring zu allen zeitlichen dingen / des will ich dir ain beyg aychen geben. Lag dir dein sun oder ain anderer lieber freünd gefangen / du lieffest affter wegen / im zu helfen den zu dem Ammaister / den zu dem schulthayssen / den an das gericht / vñ edubrest yderman / vñ kind nyemandt kain rüw vor dir haben / vñ dein sun oder dein freünd ledig würd / vñ auß der gefancknuß gelassen Aber du lauffst nit zu got Ja wol nit ain tropffen / du gedencst vnser herrens gots nymmer. Nun wolan / weñ das häßlin / das ist / der arm mensch also gejaget wirt / mitt anfechtung der vnkeuschait / vnd als ich dich vor geleert hab / das dir das best ist / das du thiest als das häßlin / vnd neme die flucht / das ist / gestand kainer versach zu anfechtung / alls ich dir vor gesagt hab. Was ist dir aber meer not dar zu ? das ist / du solt dein zuflucht mit gebeet keren zu Cristo / vñ

hilfe von jm begeren / wiewol die flucht (als ich dir gesagt hab) das best ist / es ist war / sy ist das best / vñ wiewol andere übung auch gut dar für ist / alls fasten / wachen / beeten / disciplin nemen / rauhe klaiden antragen / hart ligen / es ist alles gut / aber noch ist die flucht das best / sy ist aber nit gnüg Du müst noch meer dar zu thun / laß sein das du schon im closter bist / vñ bey wohnung / gesicht / vñnd alle vrsachen flühest / noch stecket die anfechtung in dir / du hast noch blüt vñd flaisch an dir / du magst dich selber nit geflieden / der dich einmaure das die vier mauren an dich rüren noch vergeet dir die flaischlich anfechtung nit / es steckt dir in der haut. Setz ain katz in ain vogelhaus wie du wilt so bleib sy dennoch ain katz sy wirt nit ain zeiflin sy beleibt ain katz vñd mauwet allwegen Vñd als wenig dir d hunger vergeet / als wenig würst du ledig d anfechtung Sy wirt aber wol gemindert in dir vñd gerämmer durch überige übung vñ aygnen fleiß / vñ durch beystand der gnaden gotes / dasselb müß vor allen dingen da sein / wañ wa nit ist die gnad gottes da schafft du nichts / wañ wa dir got nit gnad gibet so ist all dein arbeit vergebens / alls dir auch got gern beyston will wen du deinen fleiß thust / thü du das dein / got thut auch das sein. Der weiß man sprich Sapiencie viij. Als ich erkant hab das ich mich nit anderst mocht enthalten / es war dan das mir es got gab / do bin ich zu got dem herin gangen vñ hab in gebeeten. Sehend wie diser haß die lefzen bewegt hat Also soll d mensch auch thun / der da anfechtung hat / Er soll fliehen zu got dem herin / vñ zu seiner lieben mütter Maria / vñd allengottes hailigen / vñd hilff vñd

gnad von jm begeren / vñd thun als d weiß man Salomon spricht. Ich bin geflohen zu got dem herren / vñd hab bey jm gesucht vñd funden hilff Nit verzag an der grossen anfechtung des flaischs / bit got treulich / sy wirt von tag zu tag abnehmen / yetz von gotes gnaden / yetz der complez halb den des alters halb / ains hat meer anfechtung dan das ander / sy vergeet auch ainem eedan dem andern / wañ solten dir die anfechtung allwegen als hört bleiben als sy seind in deinen jungen tagen / das war ain hört ding Darumb sole du vnuerdrossen sein / vñd für vñd für streiten / Herwider umb möchtest du sprechen / wie lang müß ich noch streiten / es möche so lang weren ich möcht es nit meer erzeügen? Nain / nym es nit also für dich Gedennck das es bald ain end nimt / du wa yst nit wölche stund oder augenblick dich begreyffet der gäch tod / oder das dich anstosset die pestilenz vñd dich erwürgt / darumb laß dich es nit lang duncken / du sole gedennckenn das du verdienen solt in diser kurzen zergenecklichen zeit die ewigen freud / oder aber die ewigen pein / die da / wen sy sibenz jar gewert erst ansacht / wen sy hundert jar gewert / erst ansacht Ja wen sy hunderttausent jar gewert so sahet sy erst recht an Ja sy zergeet nymer ewiglichen on end Darum so schlach nit auff / deine güten werck zu thun / gedennck dise zeit ist kurz / du waist nit mit was tod du begriffen möchtest werden / kurz oder lang / in den gnaden gottes oder nit / das du möchtest zu der ewigen pein verurteilt werden Darum so spar deine güten werck nit vnz auff dein letztes end / das dir nit also geschech / als ain gemain sprich wort ist. Wer nit gablet / so diebren

Bb ij

zablet / der laufft im winter mit ain
 sayl / vñschreit hat yeman hew sayl
 Darumb spricht d' herr. Lügert das
 eüwer flucht nit werd in dem winter
 Nitt spar deine güten werck vñz in
 den winter / das ist / vñz an dein end
 anderst du würst versaumpt / vñnd
 wirt dir die zeit zu kurz / das hertz
 vergeet dir / vñ waiff nit wen du von
 hinnen müst faren / darumb entblöf
 dich aller dinng / vñd setz dein willen
 ganz vñd lauterlich allain auff got /
 vñd nit auff diß zergenglich leben /
 auff das / das dir nit geschach als den
 fünf tozerhen juncckfrawen geschach
 die sich nit versorget hetten mit ole zu
 den ampeln / vñd giengn erst zu kauf
 fen do die andern fünf weisen juncck
 frawen wurden eingefürt / do kamen
 sy erst vñ klopfen an / vñd sprachen
 Herr herr thu vns auff / in ward aber
 geantwurt Ich kenn eüwer nitte / vñd
 würdn nit eingelassen Das geschach
 in darumb / sy waren gewesen faul vñ
 träg / sich zu berayten in dem summer
 der gnaden / vñd wolten sich erst be
 raiten do es versaumpt vñd zu spat
 was worden / Also wirt dir auch ges
 chehen wen du hie müffig geest vñd
 dich nit übest in güten wercken / du
 legst dein hertz auff gauckelwerck /
 vñd zereest dich auß wie ain spinn die
 nur mucken sacht vñ spint sich ganz
 auß / vñd im winter hanget sy dort
 vñd ist nicht dañ ain läre haut Also
 geschichte dir / wen du andein legstes
 end kumpst so hast du dich auß geze
 ret / das ist / du hast den zeitlichn din
 gen allain gelebt / vñnd so es nun an
 dem ist das du auß diser zeit solt farn
 so volget dir das zeitlich nit nach / so
 hast du auch kain güte werck gehon
 soligst du den da wie ain läre haut /
 vñ hast dich versaumpt als die fünf
 tozerhen juncckfrawen Darumb so

greiff es redlich an dieweil du magst
 es ist doch in diser zeit nicht dañ ley
 den / darumb dieweil du in disem le
 ben bist so müst du angst vñd not ha
 ben vñd anfechtung / wenn du schon
 in der welt oder in ainem weltlichen
 stand wärest / du wärest dennoch nit
 on leyden / aber du mainst es sey gar
 ain güte ding her auß oder in der ee /
 da wölte ich dir wol vil von sagen /
 wie ain güte leben es wär / aber es ist
 nit not / wiewol ich es nit versücht
 hab / wen ich schon noch ledig wär so
 glaub mir / ee ich in den eelichen stor
 wölte / ee wölte ich in ain carthus gon
 Nun hab ich eüch gesagt vñnd auß
 gelegt die sechsten eigenschaft des
 häflins.

Das häflin hat lange oren.

Vñ will ich eüch sagen von
 der sibenden eigenschaft
 des häflins / die ist / das das
 häflin hat lange oren / Also
 soll ain rechter gaystlicher Christen
 mensch vñd ain closter mensch haben
 lange oren zu hören. Nun sprichstu /
 was soll er hören? Du solt warnemen
 des einsprechen gotes / vñd warnem
 men was er dir einspricht / vñd war
 zu er dich treybt / das du dem nach
 uolgest / wan wenn du deine oren nit
 auff reckest zu der einsprechung got
 tes / vñd allen dein fleiß daran kerst /
 des war zunemen vñd im nach zuuol
 gen so gab ich dir nit ain bon vmb
 alle dein leben. Merck wie ich sprich
 Du müst haben dein hertz vñd gemüte
 versamelt / vñ habendie langen oren
 des häflins / vñd mit fleiß vñd begir
 hochen oder höin was got in dir re
 det. Audia quid loquatur in me do
 minus rē. sprach David. Hör was
 got in dir redt / schick dich dar zu war
 zu dich got der herr treybt / er treibt

iii

pfeffer

dich zu friden / was fridens : das du
 ain versamler gemüt habest / vnd bey
 dir selber bleybest / nit sprechest alles
 das auß das dir im herzen ist / vnd
 alles das außschwaderest das dir an
 gelegen ist / nym dich nit an alles das
 außzurichten das in closter beschicht
 Wenn du aber wilt sein metz in allen
 gassen / vnd pererling auff allen sup
 pen / vñ alle winckel wilt erschnecken
 vnd wissen wilt was vmbvndvñ ge
 schicht / vnd was der mar ist / vnd al
 les durch dein maul müß lauffen auß
 zurichten / vnd du so gar außgekert
 bist / wie kan dan das einsprechen got
 tes / statt in dir haben. **N**ain / nit ain
 tropffen. **W**arumb kumpt man an
 derst in closter / dan das der mensch
 bey im selber beleybt / vnd statt hatt
 war zunemen der einsprechung got
 tes. **N**it darumb das du vmb woltest
 lauffen / von ainer zu der andern / vñ
 yederman außrichten / das thut die
 das thut ihen / da verregt man deren
 zu vil / der anderen zuluzel / vnd vr
 taylest yederman / da solt man deren
 die büß geben / denn deren ihen büß /
 vnd dis hat ain vortisch verschuldt /
 die annder hatt verdienet wasser vnd
 brot / aine dis / die annder ihenes / vnd
 maynest es thü nyeman recht weder
 du / **H**er widerumb so ist jr den aine
 nitt weiß genug / die annder nitt ge
 schickt genug / vnd also kanst du ye
 derman ain bleglin anhencken / **A**in
 solche vnruwige vñ lauffende schwe
 ster verwüret ain gannze gemain /
 Also wenn du nichtz anders wilt im
 closter tün dan als ich dir hie gesagt
 hab so war dir vil wäger du war est
 her auß bliben. Also sprich ich / wenn
 der mensch nit friden in im selber hat
 vnd solcher vñ müß ledig stat / der selb
 ist nit empfencklich des einsprechen
 oder der gnaden gotes / **D**arum hör

was **D**auid spricht. **E**r spricht. **I**ch
 will hören was got in mir redt / was
 redt er? **E**r redt friden in sein volck /
 was ist sein volck? **D**as sind die ein
 gekerten. **E**s ist / **L**epusculus plebs
 inuvalida. **D**as haslin das da hat lan
 ge oren / das ist / der mensch der soll
 haben lange oren / vnd soll hören was
 der herr in im redt / was redt er? **E**r
 redt den friden / wölcher mensch hat
 friden dan der bey im selber beleybt /
 vnd sich aller außserlichen ding ent
 schlecht / der selb hört was der herr
 redt. **A**lso wilt du hören was der herr
 redt so kere dich zu deinem herzen /
Nit lüg was annder leüt thuen / höre
 was got in dich spricht / hör was dir
 regel sagt / loß deiner regel zu / hör
 was deine obern sagñ / streck die oren
 auß / loß was dir die hailig geschriefft
 sagt / loß was **S**ant **J**acob in seiner
Canonica spricht. **B**iß schnell zu hö
 ren vnd träg zu reden. **A**ber du hast
 ain lang maul / vnd kurze oren / das
 ist / du bist schnell zu reden / vnd träg
 zu hören. **J**a du nimest das du ewig
 lich schwezeest / wenn man dich ain
 mal frage so gibst du zwainzig mal
 antwurt / darumb wa nit schweigen
 gehalten wirt / da ist weder frid noch
 gaislichkeit / vnd gannz kain refor
 mation. **D**es hab ich ain gezeügen
 sant **J**acob / wañ ich fund es in dem
 selbn ca. **I**ch wil nit weiter gon / da
 er spricht / **A**in yetlicher soll schnell
 sein zu hören vnd träg zu reden / da
 spricht er gleich dar auff. **W**er da
 maynet das er gaislich sey / vnd za
 met nitt sein zung / des gaislichkeit
 ist nichts. **K**urz / ain mensch stell
 sich wie gaislich er wöll / er thü wie
 vil güter werck er wöll / ist er von vil
 geschwartz / ich halt nichts darvon /
 wañ wa rechte gaislichkeit ist / da ist
 schweygen gehalten. **A**in mensch sey
Es ij

wie weiß er wöll / schwätzt er vil / ich halt in nit für weiß / wiewol es mag auch wol her widerum sein Ains mag wol schweygn vnd mag dennoch ain narz sein Ainer mag wol erber klay / der an tragen vnd mag dennoch ain schalck sein Aber kain erber mensch mag vnerber klayder tragñ / wann erber kait leydet es nit Also mag auch in kainen geschweygen menschen rechte gaislichait oder weißhait sein Wa aber ain rechte reformatio gehalten wirt / da seind dise drei ding / vnd wa ich ain obzer wär / wñ denn dise drei stuck gehalten würden / so benigt mich wol. Das erst / das die mauren hoch genüg seyen / vnd das die thor vnd schloss wol verrigelt vñ bewart seind. Das annder / das man ain gemainen tisch vnd gewandkammer hab / das ist / das man auß ainem hafen ess / vnd kainenichz sonnders mache Nit das aine wölt dis / die an der ihenes / als in ainem vnger reformierten closter / da zwainzig / dreißig oder vierzig häselin bey dem feur stond Nain nit also / wie man ain Keller hat mit wein darauß da yeder man trinckt Also auch muß es sein ain gemainer hafe da sy all auß essen Aber wñ es ist / das aine siech ist / vñ conuerten speiß nit gebrauchñ mag die selb soll man haissen in das siechñ hauß gon vñ jr geben was sy bedarff vnd jr nordurfft erhaischt / vnd man mag jr wol etwas sonnders kochen / dieweil sy also vnstarck ist / aber sunst durch kainer vrsach willen / Es soll auch ain gemaine gewandkammer gehalten werden / vnd soll kaine jr klayder hinder jr habñ in jr zellen / das sy nit darin sitz als ain lauß in dē grind vnd darauß werden aygenschafft. Tu sprichst du / soll ich dann nichtz hinder mir haben vñ brauchñ / meine

freünd habñ mir es geben / den vnrat schaffen jr heraussen wñ jr also kommen vnd bringen eurweren kinden et was vnd sprechen / dis belzlin oder kürflin oder was es ist / gehört meinem kind zu / es ist waich / mein kind ist zart / es mag kain hörter erleyden vnd wist ich das man es im nit lassen wölt / ich gab es nymer hinein Nain es geet nit also zu / der hafz muß geschundñ sein / du würst wol hörn was gücten nutz du schaffest wñ ich den hafen schinnden würd vnd in in den pfeffer berayten / das laß ich yetz farren. Das dritt stuck ist / strenglich schweygn halten Dise drei stuck seind genüg in reformierten clöstern / wñ die mauren hoch seind vñ die thor wol beschloss. Item wñ man auß ainem hafen yset / vnd auß ainer gewandkammer wirt geklayder. Item zum driten wñ man das schweygen streng halter / vnd wölches da gebüß da wirt nit ain rechte reformatio gehalten. Ain rechte reformatio da muß schlechts die mauren vnd mauß versorget sein vnd beschloss. Aber sonderlich so muß ainem yetlichñ closter menschen dau mauß beschloss sein Sant Jacobs spricht / das not ist beschlütze. Er spricht auch. Ist es das yemant maynt das er ain gaislich mensch sey vnd nit zämer sein zung / das ist / das er halter sein schweygen / des gaislichait ist nichts Warumb ist sein gaislichait nichts / darumb / du arbaytest vergebens / wañ du erlangst nit das end darum closterleber ist auffgesezt. Ainer der ain erney nympt / er spricht / ich hab sy vergebens eingenomen / sy ist vmb sunst / wñ man den zu jm spricht / warumb ist sy vergebens / so spricht er / darumb mir ist nichtz deßer bas worden dan mir vor was / ich mayne sy solt mich

iii

pfeffer

durchbrochen vnd purgiert haben/
 Also ist es auch/ain mensch in ainem
 closter das also anhin gat/es geet zu
 capitel/zü chor/es sinngt vnd liest/
 vaster vñ beeter/aber es durchbricht
 nit in jm selber/vnd tringt nit dar/
 auff/darumb alles closterleben auff
 ist gesetzt Warum seind alle übungn
 erdacht: darumb/das du kompst zu
 rechter liebe gotes vnd deins nächstn
 menschen Alle statuten/regeln vnd
 gaisliche sargung seind erdacht wor
 den vmb das du das ennd erlangest/
 sunst gab ich dir nit ain bon darumb
 wan du trüschest ain läres stro/wen
 du nit dar zu fichtst das du Friden ha
 best in got vnd mit deinem nächstn
 Vnd dein zung nit zämetz/ kurz/se
 zerfert es alles zu scheitern/da kom
 met man zusammen in die winckel/vñ
 richten außs was vmbvndvmb ge
 schicht. Warauß entspringt aller vn
 frid vnd widerwertigkeit dan allain
 durch vil geschwarz. Darum sprich
 ich Es kompt so vil vnfrides vnd wi
 derwertigkeit durch das schweigen
 brechen/das es nyemant glaubt/da
 schneydest du deiner nächstn schwe
 ster die eere ab/da stond zwo bey ain
 ander in ainem winckel vñ vtaylet
 die Priorin/da den beichter/vnd den
 sprechen sy/Sich wie vil machen sy
 newes dings/es ist ain feindseliges
 ding/es seind so vil lieber vätter vor
 hie gewesen/sy hond des dings vor
 nye gemacht/ich hab des dings nye
 meer geschenn. Schweygen ist ain
 maur des schönen ackers des closter
 lebens/on wölliche maur/der acker
 des closterlebens verderbet oder ver
 wüst wirt. Spricht Salomon Pro
 uerbiorü xxiij. Ich bin gangen über
 den acker ains faulen menschen/vnd
 durch die reben ains tozethen mans/
 vnd die nesseln vñ dozn haben in über

zogen vnd ist die mawr der stain
 zerbrochen Wer ist diser faul acker/
 man: es seind die faulen prelaten/als
 die apt/vnd abtissin/priores vñ prio
 rin/es seind die faulen beichtuätter
 superiorin vnd zirckerin/die da lassen
 hingon/sy legen sich in den acker vñ
 schlaffen vñ lassen das vnkraut wa
 chsen/vnd lassen die mawr zerfallen
 Es seind die faulen visitatores/die da
 alles das nachlassen das man will/
 ist schon etwas guts gewesen/wenn
 dan der visitator kompt so fallt es al
 les vmb/das ist/sy straffennicht/sy
 lassen die distel vnd dozn wäachsen/
 das ist/sy lassen die laster einbrechen
 sy lassen gaislichkeit abgon/das seind
 die ding die inen vorgeschriben seind
 die sy handhaben vnd halten solten
 Sy lassen die mauren zerfallen/das
 ist/das schweygen halten/das lassen
 sy abgon/heut fellt ain stain her auß
 so fallt morgen aber ainer/biß das
 es in ain gewonhait kompt/daz man
 darnach maynet es sey vnmöglich/
 Ach sprichst du solt ich allweg müß
 sen schweygn/du machtest mich wol
 vnfrinig vnd schellig im kopff Was
 wirt aber dar auß: wen die mauren
 also zerfallen so brechen denn ein die
 wilden thier/die den garten zerwü
 len vnd zerzerren/da lauffen ein die
 wilden schwein der vnkeuschen ge
 denck/da die beerendes grimens vnd
 des zorns/da kriechn ein die schlangn
 des neyds vñ des has Das ist vñ faul
 ackerman/die da also lassen den acker
 verwüsten/als ich dir hie gesagt hab
 also laß ich es beleyben Vnd nun bie
 ten wir got das er vns verleyhe das
 wir mögen verdienen vnd kommen
 nach disem leben zu dem ewigen le
 ben Das verleyhe mir vnd eüch got
 der allmechtig Amen.

Be iij

Der

Das häßlin setzet sein rüw/
statt in den felsen.

D Jeachtend eigenschafft des
häßlins ist / das es sein rüw
stat setzet in den felsen. Also
auch ain güter cristenmensch
der sich selber erkennt ain häßlin vnd
ain vnstarck volck / der setzet sein rüw
allain in got / wann er findet kain ande
rer rüw dan in got. Spricht der weiß
Salomon Prover. xxx. Das häßlin
setzet sein rüw in den felsen. Spricht
sant Paulus. Der fels das ist Chri
stus / darauff ain mensch soll haben
sein trost / vnd soll sich nit verlassen
auff seine güten werck. Dise rüw
statt mag ain mensch in dreyerlay
weiß in got setzen. **C** Zum ersten al
so / das er in kainen gütern diser welt
freüd oder lust ain benügen haben
will / sonnder allain in got / vnd im
selbs got will als sein höchstes güte
vnd das geschichte durch liebedie ge
nant wirt Amor concupiscencie dei
super omnia / et est actus spei. Also
haben nit rüw in got / die da wolten
das sy ewigklich bie solten sein in sol
licher gesundhait / tugent / eere vnd
güt als sy yetz sind. Sölliche mens
chen setzen ir rüwstat nit in got / vnd
sind nit in dem stadt der seligkayt /
sonnder in todsünden / wann sy hond
got nit lieb über alle ding / amore con
cupiscencie dei super omnia. **C** Zu
dem andern setzet ain mensch sein rüw
stat in got / also das ain mensch nit
entlich sichselbs oder sein nutz sücht /
es sey in zeit oder in ewigkayt / sonder
entlich sücht das er den willen gots
volbring / vergisset des lons vnd der
straff / handelt auß lautterer freünd
schafft vnd liebe zu got / vnd das ge
schicht / per amorem amicicie dei su

hätz

per omnia / da ain mensch liebhat got /
meer dan sich selbs / oder alle ding /
C Zum dritten setzet ain mensch sein
rüwstat in got / also das es an seinen
aygnen krefft / Übungen vnd ver
diensten verzweyfle / vnd sein gannze
hoffnung in die hilff gottes setz / vnd
sein hail von im warte vnd hoffe / also
das es die zway obbestimpten stuck
nit traw auß seiner aignen krafft zu
erlangen / sonder allain von got / vnd
das ist die außlegung sancti Jerom
mi / in der glos / der diß dritt stuck al
lain rürt. Von disen stucken will ich
durchainander reden on ordnung /
wie es got der herz gibet / villeicht her
nach würd ich das aygentlicher von
ainander taylen vnd schreyben.
C Nun sprichst du / so war ich wol
ain vnglückhafftich mensch solt ich
mein rüw nit in got setzen / wer wolt
sein rüw nit in got setzen? **E**s sind
etlich menschen die wänen sy setzen
ir rüw in got / so setzen sy ir rüw in ir
aignen rüw / vnd in ir überkomme tu
gent. **E**s sind etlich / die nit setzen ir
rüw in die welt / vnd aber sy setzen in
ir überkomme tugent / die sy überkom
men haben durch ir absterbē der welt
vnd grosse arbeit / durch verlassung
de zeitlichen trostes / gespylschafft /
lust / freüd vnd ander ergetzichayt /
durch wölche Übung der mensch rüw
überkomen hat in im selber / das nit
ain klainer trost ist ainem menschen
Ain solcher mensch darff nit vmb
lauffen ergetzichait süchē oder trost
von außserlichē dingen / mit geschwartz
oder außserlichē freüden Ain solcher
mensch hat rüw vñ freüd in im selber
er darff nit weit gon / er hat in im
selbs ain springenden brunnen der im
erlabet / darff nit außgon wasser hol
len der ergetzūg oder trosts / aber ee er
darzu kompt so geet vil arbeit darüber

Aber es ist wol der arbait werdt/
Es was mir schier vergessen Du
hast darumb trost/freud vnd lust nit
verlorin/darüb das du die welt ver-
lassest/du gewinst erst rechtin trost/
du verleirist nit den trost/aber du ver-
tauschest in/trost vmb trost/närris-
schen/zer genglichen/verbitterten
vnlauttern trost/gibst du vmb gan-
zen/laubern/bleyplichen trost/als
ich dich wol berichtin wölt/das sunst
in allem trost meer gallen dan honig
funden wirt. Ach sprichstu/solt ich
mein gespilen verlassen/diñ vnd die
ergerlichait/ach got wer möchts er-
zügen Lain/du verleirist sy nit/du
gewinnst sy erst recht/wen du lange
jar darumb gearbeitet/das du sol-
che rüw überkompst/so ist es wol der
arbait werdt/das wissen die wol die
es versücht hond vnd zu solcher rüw
kommen seind Aber du solt dein rüw
nit emntlich darinn süchen/vnd dich
nit darauff verlassen/all ob du es
überkomen habest/durch deinübung
vnd aygnen verdienst/als ob dir es
got von recht müß geben nach dein-
nem verdienen. Nit soll der mensch
thün als ob er sy von im selber hett/
sonder er soll sy zu schreyben got dem
herren/wan er von im selber nichts
vermag. Spricht der prophet. Om-
nes iusticienostre quasi pānus men-
struare. Alle vnser gerechtigkaiten
seind als ain vnstetig rüch. Der men-
sch der sich auff sich selber verlaset/
der thüt eben als ain mensch dem vil
güts ist worden von ainem reichen/
vnd er es nit gegen im erkennet Also
thünd auch die sich verlassen auff jr
günten werck vnd verdienen/als ob
sy gotes nit bedürfften. Der mensch
der sein rüw gantz setz in got/das
ist/wen es darzu kompt das er got
gantz anhanget/deñ gang im zuhan-

den was es wöll so last er es got wal-
ten/er geb im joch die hell oder das
hymelreich/wan er hat got lieb vmb
gotswillen Der mensch der got lieb
hat/vnd im anhangt/allain darinn
das er im das hymelreich geb/der
selb mensch hatt got nit recht lieb/
Warumb darumb/er maynet got
nit lauterlich/er maynet sich selber
er sücht seinen nutz Nit sprich ich/
das du das hymelreich nit begeren
solt/oder das du got nit darumb bit-
ten solt/oder das du got nit darumb
dienen solt Lain/Ich verwürff es
nit/die geschüfft ist sein vol/das
man got vmb das hymelreich bitten
soll Du solt das hymelreich begeren
du solt got darumb bitten/aber du
solt nit da gestan/das ist/das du got
allain darumb dienest/vnd in allain
darumb lieb habest das er dir das hy-
melreich geb/vnd annders nit/das
haisset nit recht lieb/das ist freünd-
schafft vmb freündschafft/da ainer
ain ain freündschafft thüt/darumb
das er im wider dargegen thüt/als
so du ainem ain würffschenckst/das
er dir ain seyten specks dargegen
schenck/das süchstu deinen nutzinn/
du tust im ain freündschafft/wärest
du aber kainer freündschafft darge-
gen wider warten/du thatest im auch
kain/das haisset nit recht lieb/es ist
freündschafft vmb freündschafft.
Aber das haisset recht lieb/da ains
ainen liebhatt/nit vmb der gaben
willen/oder das er etwas von im
warten sey Aber er hatt in lieb/er
günnet im güttis/er fin deret seinen
nutz/er wendet seinen schaden wa er
kan vnd mag/on wartung alles wi-
der gelts/der hat den recht lieb. Also
thüt der mensch der got recht lieb
hat/allain vmb seinen willen/dar-
umb das er so ain grosser herr ist/

das er sein wert vnd würdig ist / dar
 umb das er der höchst vnd das best
 güte ist Darumb ist billich das man
 in liebhab vnd in diene / dar auff solt
 du entlich besteen / vnd es soll das für
 nemest sein in deiner maynung / aber
 du solt das hymelreich begeren / vnd
 darumb bitten / wenn es ist sein will vñ
 sein gefallen das du selig werdest /
 vnd darumb das es sein gefallen ist /
 so begerest du selig zu werden / darumb
 das sein ere in dir erscheit / vnd sein
 götlicher will in ewigkait an dir vol
 bracht werd Vnd es sey dan das du
 dein rüw also in got setzest so kompst
 du nymmer zu rechtem friden / all
 wegen ist angst vnd not da / O wee
 lieber herr got Ich fürchte ich werd
 verdammet / Vnd fahent denn an
 vñ wollen verzweifeln / den wollen
 sy sich selber erhencken / denn wollen
 sy sich selber errencken / vnd ye meer
 man sy trösten will / ye minder es sy
 hilfft / das thut sy süchen sich selbs /
 Aber da ain mensch got vmb gottes
 willen liebhat / vnd in getreülichen
 dienet vmb seinen willen / got geb er
 geb im was er wöll / er setze in das
 himelreich od in die hell / denocht wil
 er im dienen / der mensch komet zu
 friden Aber du solt dich selb nicht zu
 weyter versuchen Gedennck / herr gib
 mir zu thun das / das in mir ist vñnd
 laß es also bleybn / thü was du magst
 Wenn dan got deinen fleiß sichte so
 laßt er dich nit / er hilfft dir. Ach got
 sprichst du / künd ich thun als die vñ
 die Schwester thut Ich kan nit thun als
 die vnd die / kanst du nit thun als die
 vñ die so thü das du vermagst Wenn
 ain herr ain knecht hat der im treüli
 chen dienet / er kert allen sein fleiß an
 das er alles das thut das er waisst das
 seinem herren wolgefalt / vñ darinn
 der herr ain gefallen hat / allain dar

umb das im der herr lieb ist / er geden
 cket nymmer an den lon / wiewol es im
 der herr nicht vnbelont laßt / aber der
 Knecht sichte es nit an entlich / das ist
 das er allain dar auff gestat / er be
 kennt das er sein herr ist vnd thut im
 auch d gleichen das er es bekennet /
 maniger bekennet ain ding wol / er
 thut aber nit dergleichen das er es be
 kennt / also so ainer ain Knecht hat
 dem er vil güts hat geton / der Knecht
 bekennet es wol / er thut aber nit dem
 gleich das er es bekennet / er geet also
 anhin / er sagt dem herren kain danck
 er hat in nit vor augen / er zaiget im
 nit solche reuerent / oder ander an
 zaygungen dabey der herr erkennen
 kan das er im danckber sey / oder das
 er in für ain herren hab Also thust du
 auch / du sprichst / ich beken got wol
 das er mein herr ist / das ee mein schö
 pffer ist / das er mich erlöset hat / ich
 hab ain güten glauben / ich glaub in
 got Ja du hast ain güten glauben /
 du thust aber nit was der glaub im
 haltet / du erkennst got wol / du thust
 aber gegen got nit dergleichen das du
 in kennest / das ist / du dienest im nit /
 du haltest seine gebot nicht / Aber
 die menschen die jr rüw allain in got
 hond gesetzt / die gond für vñ für in
 dem weg gotes Sy werffen sich mit
 ainander in got den herren / wann sy
 bekennen sich selber nichts zu sein sy
 bekennen das sy von inen selbs nichts
 vermügen / sy sehen das alles das in
 iren henden verderbt wirt / das sy an
 greiffen Spricht d prophet. Vnsere
 güten werck seind vor got als ain vn
 sauber rüch So nun vnsere güten
 werck also seind vor got / wie seind
 dan vnsere bösen werck / wenn schon
 ain werck an im selbs güte ist / wenn
 sy es angreiffen so verderben sy es /
 Wilt du dein büß becten für dein

sünd/so fallet dir den so vil zu das du dich erst verschuldest Und so du bezalen soltrest so verschuldest du dich auff ain neuwes/Kurtz/was du an greyffest das verderbest du/vnnd ye meer ain mensch sein selber warnimmet/ye meer er es befinndet/das er von jm selber gantz nichts vermag/darum so thünd solche menschn ains vn werffent sich mit ainander in got den herin/vnd verzweyfel an iren gütten wercken/wan sy sehen das sy nicht seind/noch nichts vermügent von jnen selber/vnd das ist ain güte verzweyflung do ain mensch allso verzweyfelt an seiner aigenen krafft vnd sich in got der herin würfft mit starckem glauben/vn in got den heren hoffet/wan ainem starcken glaubervolgt nach ain starcke hoffnung Spricht sant Paulus. Christus ist mein sterck In den so würt auß dem hasen hertz/ain löwen hertz Also thetten auch dort die haslin in dem garten bey Christo Sy hetten hasen hertzen/sy waren erschrocken vn forcht sam vnd sluchen Was machet das? sy hetten jr rüw nit gannz gesetzt in den herin/sy liebten in vmb iren willen/sy süchten sich selber darinn/sy forchten jr haut/aber do sy jr hoffnung vnnd züflucht hetten gesetzt in den herin do wurden sy starck als die löwen Nym her sant Petru/der ain fürst was v andern/der von forchten do er in Annas hauß kam zu dem feur vn in die magt ansprach/do verlaugnet er des heren/dem selbigen ward sein hertz verwandelt in aines löwen hertz/das der/der vor der magt verlaugnet het/der gieng darnach gerüstiglich für die fürsten vn die obristen bischoff vn sprach Wir müssen got meer gehorsam sein dann den menschn. Nun nement war/der vor

flüchtig ward vor den knechten vnd vor Kellerin/der ward nun bestendig vor den richtern. Selig ist v mensch der also stracks für vnd für geet/vn aber darumb nit still steet/das es im nit alles zu handen geet nach seinem willen/sonder thut was er kan vnd vermag treulich/vnd nitt sein sach allso gar auff seinen nutz setzt/auff hymel oder hell/sonder deren in die weis vergift/vnd got dient vmb gotes willen/der erlige nymermeer/er laßt sich kain traurigkeit/kain verzweyflung oder forcht abreyben/wan er hat sein sach nitt auff seinen nutzen entlich gesetzt. Also thet ain jüngling der wolt auch got gern gedient haben/ich hab es meer gesagt/es verdreisset mich nit wider zusagen/ich wais wol das es nutz bringet/etlich meins gleichen wen sy ain ding ain mal gesagen so wöllen sy es den nymer sagen/sy schämen sich vnd maynen es sey inen ain schand Sy thünd eben alls ain thoretter ritter der in ain streitt zeücht/wen er ain messer oder ain schwert zwey oder dreimal gebraucht so will er es dann nit meer brauchen vnd maynet es sey im ain schand. Ain wiziger ritter/das schwert damit er offt gefochten hat vnnd überwunden/vnd das schwere bewert das es güte ist/des gebraucht er sich meer/vnd berümbt sich des/das er sonil damitt geschaffet hab/aber die nerischen schämen sich der alten gütten waffen/Also tünd auch dise narren Es ist als eytelige hochfart/es ist narren werck. Ad propositum. Es was ain jüngling der wolt got dienen/was thet er? der het gehört/wen ain junger mensch got dienen will/der soll in ain gestanden erfarnen menschn außervöln/auf dē er sein leben richtet/wen ain mensch

zu seinen jaren ist komen / vnd in der jugent nit hat angefangen got zu dienen / so wirt darnach nymer nichts darauß / wenn ain got ansacht zu ruffen / das ist vñ xv. xvj. xvij. xviii. xix. xx. jar / vnd er nit ansacht / so ist es darnach alles verloren / wañ wie er sich in den jaren haltet / vnd war auff er sich keret / darauß beleibe er / keret er sich zu dem gütten / so beleibt es in im / keret er sich zu dem bösen so beleibt es auch in im / vnd wirt nymer nichts darauß / Ob dir got auch schon gnad gibet / dennocht reücht es dir ewigklich in dienast. Ad propositum. Also thet diser jungling / der macht sich hin zu ainem ainsidel bey dem was er / vnd diener got mit großem fleiß tag vnd nacht / des freüwet sich der alt / vnd weñ er in ansach / so gewan er ain besondere freüde zu im von seinem grossen ernst vñ fleiß den er het / Dis mocht der teüfel nit geleyden / das diser jung got so fleißlichen diener / der teüfel erschien dem alten / in ainr gestalt ains engels vñ sprach / Ich bin der engel gottes vñ sol dir verkündn / das diser jung vñ bey dir ist / vñ den du so liebhaft / ewigklich verloren ist / vñnd seind al seine güttten werck vmb sunst / vñnd verschwand also / Des erschrack der alt vnd ward betrübt / vnd verwundert sich das diser jung der got so fleißlichen diener / solt ewigklichen verlor sein / vñ aller seiner grosser fleiß vmb sunst solt sein / Vñnd weñ er in darnach ansach so er seüffzter er / vñ empfand ainen sondern schmerzen / das er erblaychet / vñnd wolt in darnach nit meer ansehen Des nam der jung war vnd sprach Lieber vatter wie kompt es das du mich nit ansichst als vor / vnd weñ du mich ansichst so er seüffzest du vnderblaichest ab mir

Do wolt er es im lang nit sagen / do wolt der jung nit ablassen / ye er müst es im doch hindernach sagen / vñnd sprach Got hat mir kundt gehon / du solt ewigklich verlor sein / des würd ich betrübt weñ ich dich ansich / vnd gedennck das all deine güttten werck verloren seind vnd damit solt verdienen die hell / Do sprach der jung / lieber vatter / das laß dich nit betrübn Ich hab got nit angefangen zu dienen vmb das er mir das hymelreich soll geben / er geb mir ioch das himelreich oder die hell / dennocht will ich im nit auff hören zu dienen / in ainem weg als in den andern / wañ er ist so ain grosses hohes gütt / vnd sein wolwirdig das man im dienen soll / do sach got an den grossen fleiß des jungen. Darnach erschien dem alten der güte engel vnd sagt im das diser jung ewigklichen behalten würd / vnd das seine güttten werck grösser vor got wären dan vor / vmb seiner grossen hoffnung willen vnd stäten fleiß den er zu got het gehabt / vnd nit ab hat gelassen / vnd er war groß vor den augen gottes / vñ solt wissen das jenes ain betrügnuß gewesen wär des bösen gaystes. Diser hett sein flucht recht gesetzt in den felsen Christum / wie wol er hort das all seine güttten werck vñ sunst waren / do floch er erst recht zu disem felsen Er hett ganz sein rüw vnd hoffnung in got dem herren / vñ auff kein hell noch hymelreich. Diser het nit ain hasen hertz / sonder ain starck löwen hertz / Also soll auch kein der mensch / der angefangen hat got zu dienen / der soll sich nit ablassen treyben / weñ der teüfel den sicht das nichtz hilfft an ainem solchen menschen / den er nit gehindern kan / denn bringet er im ein / verzweyflung / was soll den ain solches häßlin tün / so es

also gejagt wirt vñ in jm hört hürnen
vnd also erschrocken ist/vñ nit waisst
was es hin soll: Ich sprich/er soll flie-
hen als die hasen thetten Es waren
hasen in ainem wald die hortten den
jäger hürnen/do erschracken sy vnd
lieffen zusamen vñ sprachen Solten
wir die forcht ymer zu leyden/wer
möcht es aber hindennacher leyden/
vnd wurden zu rade sy wölten sich
selbs extrecken/das sy der marter
ains mals abkamen/das sy die angst
vnd not nit meer dörfsten einnemen
vnd lieffen mitt ainander zu ainem
wasser/vñ do sy auff die madten
kamen do sahen sy vil frösch sitzen
vff dem staden/do sy die hasen sahen
dort her lauffen do erschracken sy vñ
sprungen in die pfirz/do das die ha-
sen sahen/do macht sich ainer vnder
inen her für vnd sprach Sehent wir
seyen noch nit als zaghafte als dise/
es ist noch ain zaghafter volck dan
wir/es ist nur vnser zaghafter
vnd erschrocken gemütes schuld/
nun seyen wir doch von leichter art
vnd haben lanng bain vnd mügen
wol lauffen/das dise nit mügen/
wisten sy wie zaghafte gesellen wir
wären sy wären vnns nit geflohen/
wir wöllen nit mer so forchtsam sein
vñ hüben sich vff vñ sprungen dahin
Denen ward jr hasen hertz verwan-
delt/vnd namen an sich löwen hertz
Dise gleichnuß ist nit zu uerwerffen
sy ist güte/die leerer brauchen sy vil/
Also thü der mensch der ain hasen
hertz hat/der nem an sich ains löwen
hertz. Also der mensch der sein rüw
all ain blutt vnd bloß hat gesezet in
dise felsen/das ist/in got den heren
Des hertz wirt verwandelt von ai-
nem hasen hertz in ains löwen hertz/
wan er hat sich verborren in den fel-
sen Christum. Ain sollicher mensch

geet für vnd für/es sey dan das die
dein rüw darcin setzest/so kumpst du
nymermeer zu rechtem Friden/all-
weg ist das in jnen O wee o wee/ich
möcht in die hell komen/vnser hertz
got möcht mir das hymelreich nit
geben Ich kann nit thun als die vnd
die Schwester/Kanst du nit also thun/
thü das du vermagst/halt dein orden
tapfferlich für vnd für/got laß dich
nit/dien in gereulich/got ist der/
der dise hasen verborret/er hilffet
dir/er laß dich nit. Not was diser
häßlin ains thet/Diser häßlin ains
was Dauid do ersprach. Abscondes
eos in abscondito facie tue. Er wirt
sy verbergen in die verbergung seines
anlig. Spricht sant Pauls Vnser
leben ist verborren in Christo/allse
Christus ist verborren in got/Es
seind erlich menschen/ain tail rüwen
in dem mist vnd der mürlachen/ain
tail in den dornen/ain tail in der lufft
auff den bergen. ¶ Die menschen die
ir rüw süchen in dem mist/das seind
die flaischlichen menschen/die selber
süchen ir rüw in essen vnd in trincken
Synamen das sy hetten zu essen vnd
zu sauffen/die süchen ir rüw in den
fleschen Die da süchen ir rüw in der
wüllachen/das seind die vnkeüsch
menschen/dise haben auch ir rüw ge-
setzt in ir vnkeüsch werck/sy namen
das sy irem lust genug wären/sy ge-
dencken weder an got noch an seine
hailigen Sy thun eben als ain saw
in der würlachen/die sich darin su-
delt/ir ist baß dan läß sy in eyttel ro-
sen/Also tun auch dise menschen die
setzen ir rüw in den wüß. ¶ Noch
seind andere menschen dieselben ha-
ben ir rüw gesezet in die doren/das
seind die geittrigen menschen/die sel-
bigen rüwen in dornen/das ist/sy ha-
ben angst vnd not wie sy zeitlich güte
Cc

überkomen/so sy es haben so ist angst vnd not wie sy es behalten/verlieren sy es dan widerumb so ist aber angst vnd not da vmbvndvmb/hinden vñ vornen/was ist das anders dann dorn/es sticht vmbvndvmb zu allen orten/da kumpt ainer vmb das sein/da verleürt ainer sein eere/dar an wo get er leib vnd seel/vnd verleürt güte vnd eer/leib vnd leben vnd seel/was hilfft sy dann alle jr angst vnd not. Dise rüwen wol in den dornen/wan nymet kein rüw da ist. ¶ Noch seind andere menschen die nit rüwen in den dornen/als dise Sy rüwen auch nit auf dem felsen Chusto/als die güten häßlin/sonder jr wonung ist vff den hohen bergen/dise haben ire sin vnd begird über sich auf gehebt zu hohen dingn/aber nit zu got. Dise lauffent auch den berg vff/die fordern süßlin seind in auch kurz/das ist/jr begird vnd annüt zu got ist inen kurz/vnd die hindern süß seind inen lang/das ist/begir zu zeitlichen dingn ist inen lang. Das seind die hoffertigen menschen die da fechten nach üppigeren. Es seind auch etwan die in den elöstern/die da fechten nach hohen amptern/da war die gern Priorin/da war die gern suppriorin/da war die gern schaffnerin/da war die gern kuchenmaysterin/so war die gern gartenmaysterin/so war ihene geren an das rad/vnd wenn sy an das rad komen/vnd man zu inen gnad fraw spricht/so hüt es inen wol/sy nimen nit feygen dar für. Dise lauffen auch den berg auff/aber nit den felsen/sy fechten tag vñ nacht wie sy zu hohen amptern komen/ainebringt es woll durch den neindenzaun zu wegen/das sy an ain sollich ampt kome/wenn der Bisitor kome so spricht man/Lieber vater künd die vndem

ampt/sy ist kainnüt daran/thünd die daran vñ kurz/es hat nyemant kain rüw vñ inen/sy wollen herfür gezogen sein/daisst nicht für. Bistu darumb in das closter komen/das du woltest schulthais im closter sein/ist das nit dein maynung gewesen/das du woltest nach üppig erenfechten das du woltest fliehen in der welt/das süchest du erst in dem closter/da du soltest dein hertz abzerren/vñ tag vnd nacht allen dein fleiß an kerren/das du zu friden deines herrn komen möchtest so machest du dir erst selber vnfriden vnd vnriw/wan ain sollicher mensch hat weder frid noch riw/in seinem hertzen. Dise seind die fordern süßlin auch kurz/sprich ich/das ist/sy haben klainen züer zu got kurzen annüt/selten im chor/selten im capitel/andrawen sprechen sy/wir haben mit vnsern amptern zu schaffen/es seind die amptfrawen/sy haissen nit amptschwestern/es seind amptfrawen/vnd wenn sy zeit oder im psalter beeten so schlagen sy es über ain annder/bald bald/das sy darvon komen. Wie kome das? die fordern süßlin seind in kurz/das ist/jr begird zu got seind in kurz/vñ die hindern süßlin seind in lang/das ist/begird vnd annüt zu zeitlichen dingn. Dise lauffen auch den berg auff/aber nit vnser hergots berg/es ist des teufels berg. Der teufel wolt auch den berg auff lauffen/das was Luti // fer/do er sprach In celum conscendam zc. Isaye rüw. Ich will ains thun vñ will meinen stül nemen vnd will in setzen über alle chör der engel neben den stül des obersten vnd höchsten. Was geschach? Er ward gestossen in die aller tieffeste abgründ. Also geschicht auch disen menschen die also aufsteigen in die hohen berg.

der hoffart/ Wee den menschen den
 ir forndern süßlin zu kurz seind/ vnd
 die hindern süßlin als lang seind/ das
 ist/ weñ sy wänen sy wöllengar end-
 lich den berg auff lauffen/ vñ wäner
 sy standen gar steiff so übergauckeln
 sy den/ vñ fallen tieffer dan die ande-
 ren Wee den menschen die so vngwiß
 stond vnd maynen sy standen gar ge-
 wiß in jren conscientien/ vnd ist men-
 gar gerüwig Sy wolten nicht das in
 anders wär Käm schon yemands
 der jnen jren gebreßn sagte so möchtñ
 sy es nit erleyden/ dauon kompt es/
 weñ erwan in den clösterreich hinlässe
 obern seind/ die nit groß acht haben
 zu schweygen halten/ vnd zu anderen
 stucken die sy halten sollen/ wo ain
 sollich closter geregirt wirt/ da zer-
 fert ain ganzegemain/ wän warum?
 darumb/ weñ das haupt krank ist/
 so ist der ganz leyb krank/ wa solche
 haupter vnd fürwesser seind in clöste-
 ren/ den wär layd das man recht thät
 Inen wär layd das etwas in den cō-
 uenten kam dadurch die gäifflichkeit
 zünam/ man lidre in ainem solchen
 closter nit das man ain solche predig
 thät/ als ich yetz thün/ vnd wenn sy
 schon geschriben wäre/ man liese sy
 nit lesen Weñ erwan ain vatter zu
 ain solchen closter kompt vnd will
 ain predig hinein geben/ so bald sy
 in die windn gelegt wirt so spricht die
 priorin/ was ist das? weñ der vatter
 antwurt Es ist die predig die ich ge-
 thon hab So spricht sy O wee nain
 o wee nain lieber vater lond sy dauß
 sy macht mir ain ganze auffrür im
 conuent Was ist aber ir maynung
 dinnen? wenn man sy liset so trifft
 man sy in jrem vnvolkommen leben
 vnd gebreßten/ darumb mügen sy es
 nit gehören. Es geschicht aber auch
 erwan/ so schon gute obern seind/ die

die jungen geen wolten recht ziehen
 so legen sich die andern dar ein/ vnd
 sprechen Ach es seind noch jung leüt
 man müß in ergerlichkeit lassen/ sol-
 ten die leüt nit zusammen reden/ was
 mag es geschaden Desgleichñ in an-
 deren sachen/ es sey am rad mit gez-
 schwärz oder andern gauckelwerck
 damit die welt vmb geet Sy wänen
 in wol thün so ehñ sy in übel Es wär
 vil wäger sy ließen sy ains mals dar-
 uon komen vnd frischlichen durch-
 brechen/ dann das sy also lang an in
 ziselwerck machen Sy süchen in also
 leiblöchlin/ ach got man müß in vn-
 derleybung geben/ aber du thüß in
 nur wee darmit Also verderbt man
 erwan die jungen darmit. Weñ man
 ainen hencken will/ weñ der hencker
 im den strick an den hals gelegt/ weñ
 er dan den strick bald zu zücht so erz-
 worget er vnd kompt daruon Käm
 aber ainer vñ wolt in libbung geben
 vnd hüß in bey den süßen embor das
 er nit bald erworgen solt/ der erlen-
 getet in nur sein marter/ sunst ließe
 er in den strick zu ziehen vñnd ließe in
 hangen so kam er ains mals der mar-
 ter ab Also thünd auch dise menschen
 sy wöllen in ymermeder liberung ge-
 ben/ ließen sie sy frischlich durchbre-
 chen/ vñnd sich tapfferlichen üben/
 vnd in selber absterben so kamen sy zu
 rür/ vnd würd jnen wol/ sunst müß-
 sen sy allweg gemartert sein in jner
 selber/ vñ komet nymet zu friden/
 Weñ ainer ain wund hat/ vnd man
 in die wund nit innwendig seübert/
 vnd in also oben zu hait/ vñ in das
 faul flaisch inwendig darin last/ vñ
 man in nit waydlich herauß schnei-
 det/ vnd man in die wund rümet/ so
 wänet er es sey gar ain güte ding das
 in die wund so bald gehait ist/ vnd
 aber über ain klaine weil so er wänet
 Cc ij

er sey ganz genesen/so bricht jm die wund wider auff/ vnd wenn man sy aber wider zu haylt so bricht sy aber auff/ alle weil das das faul flaisch vñ der wußt noch darinn ist so bricht es noch ymermeder auff/ also weret es all sein lebrag/ Also thünd auch dise menschen die da allweg wöllen lyberung süchen Sy sörichten ymermeder manthün jnen zu wee Es thüt sein nit es müß durchbrochen vnd erstritten sein/ es wirt sunst nichtz darauß Es ist ain verderblich ding in clöstern/ Es ist als nit vmb die zuthün die dinnen seind yetz gegenwürtlich/ wer von aussen zu in hinein kompt der verdirbt auch mit jnen Wie die seind die dinnen seind/ also werden auch die die zu in komen/ Da her kompt das sy erwan sprechen/ vnd ist war Es wöllen weder jung noch alt bey in geraten/ vrsach/ wann die im closter zu denen sy kkommen seind auch noch nit geraten Darumb sy seyen jung oder alt die zu in hinein komen/ so werden sy men gleich Ja erwan so ain gütt mensch hinein kompt/ das würt verderbt vnd müß werden als sy/ Denen geschicht eben als der ain tröpfflin malmaseyer schütt in ainem effich krüg/ so wirt der effich nit verwandelt in den malmaseyer/ sonder der malmaseyer würt verwandelt in den effich Also geschicht auch disen/ wären sy gütt sy müßten böß werden Kompt aine hinein/ vnd maynet sy wöll got süchen/ sy maint sy find ain fürderung zu ewiger seligkait so findet sy wol ain hinderung An solchen orten verdient man ee die hell weder das hymelreich Vnd wenn erwandrey oder vier seind die gern recht thäten die müssen vil erleyden/ vmb das sy sich den andern nit vergleichen wöllen/ Disen geschicht eben alle sane

Stephan geschach/ der stünd allain vnder denen die in versteinigten/ vñ als Daniel in der löwen grüben vñ der den löwen Was müssen solche erleyden/ groß gespörr vnd hinder red Daseind sy vnser gaistren Sich/ haben wir aber ain neüwen gayst erdacht/ wenn das den die andern ersehen so erschrecken sy darab/ vnd gedencen man werd in auch also thün als denen/ Damitt verdirbt denn ain gannze gemain. Nun das ich kün auff mein erste red/ man soll die jungen wol auffziehen/ vnd sy leren absterbender welt vnd jnen selbs/ vñ nit nachgebün zu viler gleichait vñ jnen gestattengeschwarz oder ander leichtuertigkaiten/ man soll die klaynen ding nit verachten/ sonder treulich handhaben/ wañ wa das nit geschicht so gond hindernach auch die grossen ding ab Den geschicht eben als ainem vaf dem man die band vffschneidet so gonnd die raff auff/ so gond denn die augen von ainander/ vnd fert dem vaf der boden auß/ so laufft den der wein aller her auß Also geschicht auch den/ wenn man ain closter reformiert/ vnd man nit achtet auff die klainen gebrechen/ so felle man darnach in die grossen/ vñ geeye ains nach dem andern vñ nit ain closter ganz zerfert/ Aber wa schwer gehalten ist/ daist man wol sicher das solliches nit leichtiglichen geschicht/ das ich für das grössst hale Es sey dann des teüfels gespenst. Nun habent jr die Achtend aygens schaffe/ die ist/ das häßlin setzet sein flucht vñ rüw in den felsen Christü.

¶ Man müß das häßlin schinden.

Je Neünd aygenschaffe des
 d haslins ist/ man muß es schin-
 den/ Man muß in die haut
 über die oren abziehen Spre-
 chen ain tail/ Man muß in straffen/
 oder entbästen/ als die jäger thünd/
 Spricht ainer zu ainem jäger Man
 sollte in schinden/ er heet gar übel ge-
 redt Ich will in aber schindn. Etlich
 wollen den hasen ropffen Die andern
 wollen in brügen/ alls die toreten
 mäge thünd Kompt ainer dorther
 vnd spricht zu der köchin/ rupff mir
 den hasen vnd berait in vns/ das wir
 in essen/ so nympt sy in den/ vnd will
 in brügen vnd ropffen alls ain hün/
 so kan sy es denn nit/ so wäner sy/ sy
 thü gar recht/ so lachen sy denn/ vnd
 spotten jr daran/ Solte man ainem
 hasen in ainen pfeffer machen/ vñ in
 die haut nit vorabziehñ/ das wär ain
 ellend essen/ das har gehieng ainem
 ymer zu in den zenen/ es thüt sein nit/
 man muß in schinden Also muß man
 auch tün ainem haslin/ das da ist ain
 gaisstlicher mensch/ der ain haslin
 ist/ man muß in schinden/ vñ die
 haut über die oren abziehen/ spicken
 vnd biaten/ vñ in wol berayten das
 man in essen kan Vnd darnach muß
 man in in ainen pfeffer machen/ das
 du noch wol hörn würst/ ob got wil/
 weñ nun die zeit kompt. ¶ Nun merk
 eben Es seind drey heit/ die man ain
 em gaisstlichen menschen abziehen
 soll/ vñ in berayten/ das man in essen
 kan Die erst/ die man abziehen muß/
 das ist/ zeitlich güt/ die ist hört vnd
 rauch/ vnd ist güt ab zu ziehen. Die
 annder haut/ die ist aigner will/ die
 ist gar zart/ lind vnd waich/ vnd ist
 böß ab zu ziehen. Die dritt haut/ das
 ist aufferlicher wandel.

Man soll dem gaisstlichen haslin
 abziehendie haut des leibs vnd d seel.

Nun merk wie ain gaisstlicher
 mensch muß geschundn werden/ vnd
 auff das ich ain ordnung in meiner
 red hab/ das jr sy deffer bas verston
 vnd behalten mögn So sprich ich zu
 dem ersten/ das das gaisstlich haslin
 soll leyden das man in ab ziech die
 haut des leibs / das seind zeitliche
 gütter/ vnd die haut der seelen/ das
 ist aigner will/ so wirt ain lustig essen
 got dem herren. ¶ Die erst haut die
 man in abzeücht/ das ist/ er muß ver-
 lassen alles zeitlich güt Kompt du
 in ain closter/ du verlassest haus vñ
 hoff/ alles zeitlich güt/ vnd nympt
 als vil mit dir/ nach ordnüg der stat
 recht. Vñsere herren hie hond ain
 recht/ weñ ains in ain closter kompt
 vnd got dienen will/ so gibe man jr
 nit meer dan hundert pfund/ vñ het
 sy joch tausent guldin wert güts/ so
 last man jr nit fallen das jr Gieng sy
 aber in das hürhaus/ so ließ man jr
 alles jr güt folgen/ vnd nam jr nit
 ain haller darvon/ so wär kain wider
 sprechen da/ vnd wär nyemant da der
 jr weret/ aber wenn ains got dienen
 will so ist angst vñ not da/ vnd weret
 man an allen orten/ als bedörfft ains
 nichtz meer weñ es in ain closter kam
 ¶ Nun sprichst du Es ist der stat recht
 Ich darff meinem kind nit meer ge-
 ben dan hundert pfund/ meine herren
 hond es gehaissen vnd gemacht/ das
 ist ain hüpsch recht/ das deine herren
 hond gemacht / sy haben es wol ge-
 schafft/ das aine die got dienen will
 das man jr das jr vor halt vñ nit laste
 folgen/ vñ das sy in das closter kom-
 met/ vnd blyb sy in der welt/ vnd ge-
 riet wiesy wolt/ vnd lieff den in das
 hürhaus/ so schwig yederman still
 Cc ij

darzu/ vnd war sy waifs wie langg
in dem closter gewesen/ vnd lieff wi/
der darauß/ vnd lieff schon in das
hürhaus/ man gab jr noch hundert
pfund zu ihenem eemanes jr name/
pfuch/ auß mitt den rechten/ die jr
hie machn Ich kan mich nit darauß
verrichten/ es ist ain schand zu hörn
Was got zu gehört/ das ist alles zu
vil/ pfuch der schandn/ pfuch pfuch
Vnd kompst denn vnd sprichst/ Ich
hab mein kunnnd versorget Ich hab es
in ain closter gethon Ich darff kain
sorg meer für es haben/ Ja du hast
es wol versorget/ als so man ain mitt
bundschißen deckt/ nur das du sein
abkomest/ got geb got grüß/ es gang
jm wie es wöll/ es dien joch got oder
der welt Darnach so kompst du vnd
sprichst Ich will meinem kunnnd das
oder diß geben/ vnd wisse ich das es
jm nit würd/ ich wölt es jm nit hin
ein geben Damit verder bent jr die
leüt/ Ich muß eüch leren/ als jr hö/
ren werden Vnd kommen denn mit
buppen werck/ vnd bünngen Jesus
knaben/ zu ergerlichait/ vnd sprechn
Ey wir müssen vnser kind auch er/
freüwen/ es gewinnt doch ain trost
daron/ Ja es ist gürt die weil es noch
ain Jesus knab ist/ das nit etwas an/
ders darauß wirt Ich het schier ain
vngeschickte wort geredt Ich förcht
aber es werd über zway od drei jar
ain Jesus knab darauß d Siben od
acht schüch lang ist Ir wissent nit
das jr men so grossen schaden damit
thünd/ es kompt in grosser berlicher
schad darauß. Sprichst du/ dörrich
nur ain vogelin oder ain kaglen vnd
ain hindlin haben/ damit ich mich
möcht ergetzen/ ich mag es nit erley
den. Ich sprich/ du müßt dich lassen
schinden/ vnd müßt dir lassen die haut
über die oren abziehen/ vn müßt dich

aller zeitlicher ergerlichayt erlassen
vnd deinent trost in got süchen. Von
disem schindn vnd abziehen der zway
er heüt/ habn wir ain figur Es steet
geschriben in der Bibel von Rebec
ca. Merck/ Isaac der alt hett zwen
sün/ der ain hieß Esau das war der
erstgeborn sün/ dem wolt der vatter
den segen geben. Der ander hieß Ja
cob/ der was der müter lieb/ vnd be
lyb by jr dahaym in dem hauß Esau
der was dem vatter lieb/ der rayt vff
das gejag. Ains mals sprach Isaac
Mein sün Esau/ bereit mir ain speiß
von deinem gejage/ das dich gesegñ
mein seel Do das hort Rebecca/ das
Isaac dem Esau den segen wolt ge
ben/ do rüffet sy Jacob vnd sprach/
Mein sün Jacob/ gee hin vnd bring
mir zway junge kitzlin so will ich dir
berayten ain speiß als ich wol waifs
das es dein vatter gern yffet/ es wa
ren gürt ainfeltig leüt/ als erwan die
frawen thünd die wol kochen künden
Sy nemen erwan schweynin flaisch
vnd machn es in ain schwartz pfes
fer/ das ainer wänt es sey wildpret/
Also thet och dise Rebecca vn sprach
Dein vater Isaac/ will dein bñder
den segen geben. Jacob sprach Mein
bñder ist rauch so bin ich glat/ be
fände er das ich es wäre/ er gab mir
den flüch für den segen Sy sprach/
Mein sün/ der flüch sey über mich/
Gang bald hin vnd thü als ich dir be
uolhn hab/ so wirt dir d segñ/ ee dein
bñder kompt von dem gejagde Der
Jacob gieng hin vnd thet als in die
müter hieß/ vnd sy nam die zway kitz
lin die der Jacob bracht/ vnd schand
sy/ vnd nam die fell vnd band sy im
auff die hünd vnd auff den hals/ das
er rauch ward Isaac was alt vnd ge
sach nit wol zc. da bleib ich/ das dies
net mit. Nun merck. Isaac der alle

ist der allmechtig vatter. Rebecca ist die gnad gotes. Die zwey kintlin ist die seel vnd der leib. Dise müssen geschunden werden. Was ist die haut des menschen? das ist zeitlich güt/ das verlassst du/ das ist ain haut/ die haut des leibs. Die ainnder haut der seelen/ ist der eigen will.

Die dünne heüt seind gar böß ab zuschinden.

Ich sprich zum andern. So vil die haut dünner vnd zarter ist/ so vil ist der haß bößer zuschinden. Die zart haut/ ist die haut der seel/ der aygen will/ die haut ist zart lind vñ waych/ vnd laßt sich gar vngern abziehen/ das ist des menschen aigner will/ der ist gar kaum abzuziehen/ der haßtet gar hört. Du findest ain menschen der verlaßt das zeitlich güt gar leicht eiglich/ es gibt im nicht zu schafffen/ ob es schon daran gedencet/ er laßt er farn. Aber der eigen will/ der selb will nicht von statt gon/ da ligen wir so hart vff/ vnd wirt vns so saur ee wir die haut abziehen. Also soll auch der mensch geschunden werdñ soler werden ain wol beraytte speiß got des hymelischen vatters. Nun habt jr das ainnder.

Der kopff des haslins ist böß zuschinden.

Ich sprich zum dritten/ das der kopff des haslins ist gar böß zuschinden/ weder die andern glider/ wenn man schon den hasen schindet bis an den kopff/ so wirt es im gar saur ee man den kopff dardurch bringet. Bey dem kopff werden verstanden die scharpfen vernünfftigen/ die got begabet hatt mit vil vernünfft/ mitt

den selben kan man gar kaum über komen/ sy lassen sich gar kaum schinden/ es stecket gar vil dings im kopff. Das seind die fünff syn stecken ganz darin. Ich hab nie meer dann aine in der hand/ das ist/ berierde. Aber im kopff da seind/ augen/ oren/ nash/ mund. Darumb stecken alle syn vnd empfindlichayt im kopff. Bey dem kopff/ sprich ich/ werden verstanden die weisen/ die sich selber weiß geduncken/ mit den selben kan nyeman über komen/ sy maynen allwegen jr syn sey der aller best/ sy seyn als weiß das sy hören das gras wachsen/ wie man sy an kompt/ oder was man sagt so wissen sy allweg ain bessers/ sy stond auff irem aigen syn/ darab kan sy nyeman bringen/ man kan den kopff nimmer geschinden/ wenn man im schon sunst die haut ganz abgezueche vntz an den kopff/ so kan man sy nicht fürbaß bringñ/ das ist/ wenn sy schon alle dinnig verlassen/ lust/ freud/ ere/ ergetzlichkeit/ zeitlich güt/ freünd/ vnd alle ding/ so verlassen sy iren aygen syn nit/ man bringe sy gar kom darab/ ir syn müß allwegen für gon man sach es an mit ir wie man wöll.

Ain schlipferiger fisch ain ale ist auch böß zu schinden.

Ich sprich zum vierden/ das ain schlipferiger al auch böß zuschinden ist. So man ain al abziehen soll/ dem kan man nimmer die haut abziehen/ die fischer kündens wol/ aber sunst findt man gar selten ainen d' es kan/ er schlipfert oder schleift ainem allwegen auß der hand/ ye hörtter man in hebt yemeer er auß der hand schlipferet. Dis seind die schlipferigen menschen/ die sich in allen iren ding en künden entschuldigen/ den selbers

Cc iij

Kan nyemant zukomen / man haif sy was man woll / sy haben gerhon was sy wollen so suchen sy ewigklich entschuldigungen Hayssen sy ire obern etwas darin sy solten gehorsam sein so ist allwegen ain außred da / sy finden allwegen ain vrsach das sy dar durch schlupferen Soll man sy straffen das sy etwas vnrechts gerhon haben das da straff wurdig ist / kurz / so kan in nyeman zukomen / sy schlupferen hindurch / weif sy schon etwas gerhon haben das man wissentlichen waifst das sy es gerhon haben / wenn schon die priorin wayst das es war ist / das sy es gerhon haben / noch kan sie sy nicht darumb gestraffen Warumb? darumb / sy geben die antwort vnd sprechen / man soll sy es bezeügen Andrawen sprechun sy / man mag mich es doch nit bezeügen / vnd wenn man es schon der priorin oder dem beichtuatter sagt / ich frag dennoch nit darnach / vnd ob es schon für den visitator kame / ich erschreck mich sein dennoch nit / man kan mich es doch nit bezeügen / wenn es an die visitierung komet / vn der visitator inen ire gebresten sagen will vnd sy darumb straffen / so fahen sy an vnd straffen in / sy dürffen in bas beraffeln dan er sy Sy dürffen wol gegun außspürzen / vnd er darff in niches darumb gerhin Warumb? er mag dich es nit bezeügen Ja es ist wol außgericht / das man dich es nit bezeügen mag / maynst du darumb das du ledig seyest / vnnd es außgericht sey Nain es warlich / das würst du wol inen werden an deinem letstn end / so du würst schon vor dem strengn richter got dem herren / dem du nit entschlupferen magst / da würst du wol die gezeügnuß findn / wan dein conscienz würt diches selbs bezeügen / Auß diesem al

würt hindenach ain giftiger schlang wan sy vergiften vnd verderben alles das das vmb sy ist / sy verwüsten ain ganzegemaind / es kan nyemant von in vnbeschissen komet / sy betriben ir obern / vn geben ergernuß in mit schwestern / vnd vergiften vnd verderben ire aignen seelen Aber wie es denen gon würt / das sage die geschriffte. Woz was die geschriffte saget Also steet geschriben im Abacuc. Er würt sy betriben als die heit madian Das ist / Got der allmechtig würt betriben die heit Madian / das seind dise bösen verfluchten menschen / die da in ir bosheit verharren bis an ire end / die würt got der herz betriben. Wie würt er sy betriben? Also würt er sy betriben / wenn er sy nach irem letsten ennd würt versencken in abgrund der hell / da nichts anders ist dann heülen vnd waynen vnd griffgrammen vnd eraurigkait / vnd an dem jüngsten tag so würt ir betribnuß erst recht ansahen / so seel vn leib zusammen kompt / vnnd ir betribnuß nymet kain end nympt ewigklichen / Darumb soll sich ain mensch selber nit zu übel darven / es soll in die haut frischlich lassen abziehen Es müß doch gelitten sein Es ist wäger hie dan dort / es müß geschunden sein da ist nichts für / du darffst nit warten oder wänen das du getragen werdest auff den tisch der ewigen seligkait / oder das du ain angen am essen werdest got dem herren / also vn geschunden / Unser herz got ist kain wolf das er das haslin also vn geschunden freß mit der haut / als ain wolf ain schaff frist Es müß gar zart sein das vnserm herz got zu gehört / er mag es nit also rauch essen / darumb so ziehen die heit frischlich herab Dis leeret vns sanct Pauls da er spricht. Ziehent ab

den alten menschen vñ legent an ain
neüwen menschen Als ob er sprach/
Ziehent die alten haut ab/werffen sy
von tuch Was ist die alte haut: was
ist der alte mensch: Es seind die laster
vnd die vntugent die du überkomen
hast/vñ die alten bösen gewonhaiten
in den du gangen bist/deren du gewo-
net hast/es seind dein bübereyen die
du getriben hast all dein lebtage bis
her Die selb alte haut zeuch ab/würff
sy von dir/durch reu vñ layd deiner
sünd/durch ain penitentiich leben/
durch tödtung dein selbs Nit verstand
es also das du dich selber tödten solt
Nain/du solt dich selber töten/vñ töd-
ten die vntugent die in dir seind/vnd
wider dich selber streiten/vñ dir sel-
ber ain gewalt anthun/das ist vnser
arbeit die wir auff disem erdtrich zu
thun haben Wir dürfen nit streiten
wider die hayden oder kexer/aber wi-
der vnser eigen blut vnd flaisch/das
selb ist vnser streit den wir zu thun
haben/vnd damit haben wir all vn-
ser lebtage genüg zuschaffen E du
ains in dir getämmest so geet ain an-
ders in dir auff/aber laß dich die ar-
beit nit daueren/es würt dir wol be-
zalt von got/mit freuden in ewiger
seligkeit/die nymet kain end nymt
Amen.

Wan soll den hasen nit rupffen.

Es sprich zum fünfften/das
es gar spötlich ist/wenn ain
koch oder köchin nit wissen
wie sy ain hasen beraiten sol-
len/vnd in rupffen/wen die leüt dar-
für anhingond so spotten sy sein vnd
sprechen/sich dort/ihene ropffen ain
hasen/Also geschicht auch disen leüt
ten/die in nit lassen die haut ainu-
mals über die oren abziehen/sy tünd
als die köchin/die dar wol gemacht den
hasen rupffen Also seind etlich/die

wöllen die welt nit ganz überwinden
oder lassen/sy süchen stäts trost vnd
ergerlichkeit Ja sy komen vñ sprechē
hailiges creutz/soltrich es ains mals
als ablegen Also tünd vnser gaitles-
rin vnd begynnen/sy wöllen allhüp-
schlich ablegen/ains heit/das ander
mon/yezund das/vñ über ain halb
jar aber etwas Nain warlich/es ist
gauckelwerck Es müß haut vñ har-
mitainander abgezogen sein/es würt
sunst nymer nicht güts darauß/wan
wen dich der gamel oder die bliz wid-
an kompt so kan dich den nyemange-
setzen/so ist den dergait anrucks hirt
weg geflogen Warum ist er so bald
hinweg: darumb/es ist kain rechter
grund in dir/du bist nit im grund
ab gestorben/darum geet es wid in dir
vff/darum gelange dich wider in die
welt/das ist/dahin du wilt den halß
strecken/vñ wilt dir selber nachlassen
vnd nit ains mals dir wilt lassendie
haut über die oren abziehen/so geschicht
dir den als dem häßlin/das allgemach
gerupft wirt/vñ bist dar zu vnerstor-
ben vnd also vngelassen in dir selber
Ja hettest du ain junge Schwester bey
dir die da sprach Ich will die oren ihent
gezierd ablegen/was soll es mir als
samt Nain sprachst du/nit leg es
gleich ab/es ist nur ain fliegender
gait/leg es also in d gestalt ab/wen
es dich gereürt das du es wider mit-
eren mügest anlegen Dis seind/die
das häßlin rupfen/vnd das nit rechte
künden beraiten/all weil du vff dem
syn stast/das nit dein maimung ganz
in got ist/das dein will vñ fürsatz ist
das du alle ding durch got wilt lassen
vnd ablegen/so gab ich dir warlich
vmb alles dein leben nit ain bonen/
es müß ains mals redlich angegrif-
fen werden/du müß dein herz nit las-
sen kleben/weder an disem noch an
Cc v

ihnenem gauckelwerck / vnd dein hertz
 nit damit bekümeren Das du komen
 woltest vnd sprechen Ja ich muß wol
 auch etwas haben das mir ain trost
 oder fröid gibet **N**ain sprich ich über
 al nitt / du müst deinen trost in got
 süchen / vnnnd schlechtlich deiner re-
 gel nach gon / die da nit innhalt / das
 man vil gauckelwercks hinder dir
 lassen soll / das du deinen trost daran
 süchen söllest / wann nach dem als sant
 Augustinus spricht / vnd sein regel
 innhalt / das kaine ichtaigens haben
 soll / dan sy sollen haben ain gemain
 gwandkammer / nitt das ain yegliche
 jr zell vol hausrates hab / vnd darinn
 sitz als ain laus im grind / vn̄ darauß
 eigentschafft werd. Das annder sy
 sollen auß ainem Keller trincken / vnd
 auß ainem hafen essen / vnd kaine et-
 was sonders haben. **N**un wolan / du
 gibst dich darein / du wile es als am
 met gern thun / vnd durch gotswil-
 len lassen / vnd wilt dich ganz lassen
 schinden / vnd die haut recht über die
 oren abziehen / alls man dem haslin
 thut / vnd gibst dich in ain gaislichn̄
 stat / vnd verlassest alle weltliche ere
 vnd das zeitlich güet / berlin vnd edel
 gestain / vnd alle weltlich gezierd vn̄
 geschafft / vnd gibst dich darein / du
 wollest ganz kainen trost noch ergetz
 lichait in allen zeitlichen dingen mer
 haben / sonder du setzest dein rüw vn̄
 zauer sicht allain in got / vnd hast wil-
 len in got zu rüwen / vnd dein will vn̄
 fürsatz ist also das du dich allain got
 ergeben wile / vn̄ dir nichts zeitlichs
 meer wilt lassen das hertz bekümeren /
So sprich ich / wenn du darzu kompst
 dz dir die weltlichen ding nit mer zu
 hertzen gond / vnd dein hertz nit meer
 bewegt wirt / wenn du daruon hörest
 sagen / vnd dir dein hertz nitt anders
 an den zeitlichen vnd weltlichen din-

gen klebet / denn so stat es wol vmb
 dich / so magst du den wol hoffen / das
 du seyest in den gnaden gotes / **A**ber
 warlich / sprich ich / wilt du hie zu
 komen so müst du es redlich angreif-
 fen / vn̄ haut vnd har mit ainander
 über die orn abziehen / vnd dein hertz
 nitt belegen noch bekümeren / weder
 mit disem noch mit ihnenem gauckel-
 werck / es wirt anders nichts darauß
Nain sprich ich / nit also / du müst es
 redlich angreifen / vnd die hennid in
 den taig stossen / vnnnd selber fleiß an-
 keren / wann warlich es geet dir nitt
 selber dar / du müst die welt lassen sein
Sy geet dich nitt meer an / wenn du
 dich got ergibst / darumb bekümmere
 dich nit mit jr / noch süch dich nitt sel-
 ber in allen dingen / alls auch in essen
 oder trincken / oder das du sunst ma-
 nest / das alle ding nach deinem wil-
 len solten sein / vnd nyemant nichts
 solt thun dan das du gern hertest / all
 weil du auff dem synstast so ist aller
 deiner gayst nichts **W**arumb ist er
 nichts / darumb / du hast die haut noch
 nit über die oren ab gezogen / das ist
Du süchest nitt allain got / sonnder
 auch dich selber / das ist falsch vnnnd
 eyttel gauckelwerck / du betrüggest
 dich nit selber. **N**it disem main ich
 nit allain die gaystleren / oder begy-
 nen / auch die closterleüt. **N**un sprich
 ich / es wirt nichts darauß / du lassest
 dir dan thun als dem haslin / das ist /
 du ziehest dan die haut ganz über die
 oren ab / das ist / das du dich aller zeit-
 licher weltlicher ding entschlahest /
 vnd dein hertz nienen mit bekümerest
 dann mit got / vnd es redlich angreif-
 fest / wenn du dan das thüst / so gibet
 dir den wenig freud alle iuppige zeitli-
 che ding **A**ber sichst du / wenn du heüt
 wilt rupfen vn̄ mom rupfen so wirt
 nicht darauß **D**eüt sweigü mom klap

peren/Heüt mässig sein/moin vol/
Heüt tugenthafft/moin schellig/
Heüt verzeyhñ/moin schelten Heüt
gehorsam sein/moin widerbellen ꝛc.
Das ist der haß gerupfft/Es müß
schlechtes die haut frischlich über die
oren abgezogen sein/vnd ain güetter
willen vnd fürsaz in dir haben/wenn
das nit ist so hilfft weder priorin/vi-
sitor/noch kain büß oder heritait
wen der grund nit güc in dir ist/wan
der der dich on dich geschaffen hatt/
dein schöpfer got der herz/der macht
dich sündert nit güc on dein zü thün/
wiewol du von got geschaffen bist on
dein zü thün/Er machet dich aber
nit güc on dein zü thün/wan er hatt
dir verlyhen vnnnd geben/dein ver-
nunft/vñ aignen fryen willen/das
magst du brauchen vnd anlegen wie
du wilt/damitzü verdienen ewigese-
ligkeit/oder aber die ewige pein/da
vor vns got all behüt. So sprich ich
will vns nungot vnser schöpfer/nit
güc machen/on vnser zü thün/vnd
vnser selikeit auch an vns stat/so ist
dir not/das du dich durch dein ver-
willigung vnd zü thün/lassest schin-
den/vnnnd dir die haut über die oren
ablassest ziehen Aber gott der herz
thüt dennocht das sein/das ist/bist
du huß in der welt/so füeget er dir so
vil leydens zü/er manet dich/vnnnd
spricht dir güc ein Darumb das du
dich zü im solt keren/den so füeget er
das du in ain closter kumest/alles dar-
umb/das du verdienen söllest/dar-
umb er dich geschaffen hat/vñ saur-
erarnet mit seinem bitteren leiden das
ist zü ewiger salikeit/Dar nach so stat
es denn in deinem willen/das du ver-
dienen magst was du wilt. Ich sprich
Seid es nun in deinem willen stat so
ist dir warlich not das du das tügest
darumb es got der herz gefügt hat/

das du in ain closter bist komen/das
umb so soll man dir die haut über die
oren abziehen/Also sag ich/ain no-
uizün die in ain orden kompt/das ist
ain mensch das auß der welt kompt/
in ain Closter/das selb hatt ain ver-
süch jar/darumb hayset es ain no-
uizün Der selben soll man die haut
über die oren abziehen/das ist/man
soll sy ziehen von allen weltlichñ din-
gen/vnnnd kainen trost lassen süchen/
dann an got dem herren/der es dar-
umb gefügt hatt/das sy in das clo-
ster ist kommen Vnd sy auch leeren
gaisliche zucht/vnd des ordens ge-
wonhait/vnd ir fürsaz die strenge
des ordens/vnd sy dartzü ziehen auß
das strengest das sy in halt/vnnnd zü
mettin auß stand/vnd vast/vñ sing
vnd lese/vnd strenglich schweyger
halt Vnnnd sprich ich/man soll sich
nit kern an die die da komen vnd spre-
chen/man soll sy es woll gemächlich
lassen gewonen/vnd sprechen Ja an-
drawen/man müß in hüpschlich rün
vnd ains nach dem andern leeren/vñ
mainen man soll in kleüselen/Vain
sprich ich/es ist eyttel narrenwerck
damit Man soll in nichtz verhalten/
man soll sy stracks in die karte lassen
sehen/vnd sy wol bewären/ob sy ain
güeten willen vnd fürsaz in ir hab/es
gern zu halten Darumb hond sy ain
versüch jar/das sy alle dinng versü-
chen sollen/ob sy es gehalten mögen
Merck/es ist eben als vil/wen man
ainer nit den rechten grund zaygt/
als ain der heraussen ist/der maint
er wöll haussen versüchen ob er es er-
leyden mög/das er ain Cartheüser
werd/vnnnd ob er den orden recht ge-
halten mög Nör was thüt der selb/
er vastet/er beeter/er stat zü mettin
auff/er ist kain flaisch/er ligt hart/
er trege ranhe klaiden an/vñ ain här in

hembd/diſt nit er alles/aber denoche
verſüchet er nitte das/das im aller
vnleydenlicheſt würt ſein zuhalten/
Das iſt/zü dem aller erſten/ganzz
zü laſſen ſein aigen willen Das an
der/ob er der brüder gebreſten oder
vnleydlichayt getragen vnd geley
den müg/das im das hörteſt würt/
Darumb ſpüch ich/ſo iſt es eytel
gauckelwerck/wenn man ainer nitte
den orden ganzz vnuerdeckt zaigt/
darumb ſo ſoll man nichts verhalten
Nit das aine darnach ſpüch/her ich
diſ oder ihenes gewiſt/ich wär nitte
hinne belyben/Ich ſag ains vnder
dem andern/aber es ligt nicht dar
an Ich müß das hör vnd das waich
vnder ainander ſagen/waß was
ich waiß das eüch nützlich iſt/das
will ich eüch ſagen. ¶ Nun wolan/
ſo merck wol wie du ain kind ſolt zie
hen zü ainem gayſtlichen weſen/in
ainem cloſter/Du ſolt es nitte zu hart
anziehen oder ſpannen/du ſolt es
aber darumb auch nitte anſchleckt oder
gauckelwerck gewonen/allß Jeſus
knaben/oder andern narrenwerck/
¶ Nain/du ſolt es ſunnſt tugentlich/
vnd doch mit tapfferkeit zü aller tu
gent vnnnd gayſtlichait ziehen. ¶ Nun
merck auch die/die herauſſen in der
welt zartlich ſeinderzogen/vndauch
nitte grober ſpeiß gewonet hond/vnd
ſy nitte geleyden mügen/denſelbñ mag
man wol ain beſſers geben Aber die
ſolches nitte bedürffen vñ grober ſpeiß
gewonet hond vnnnd ſy geleyden mü
gen/die ſelben ſollen got loben/das
ſy ſollichs nitte nordürfftig ſeind.
¶ Nun ſpüch ich/du kompt vnnnd
bringſt deinem kind ain zarts waichs
belzlin vñ ſpüchſt/den ſoll man mei
nem kind geben/ſo iſt ſy villeicht ain
ſtarcke junge tochter/vnd trüg eben
als wol ainen groben belz als ainen

zarten/vnd iſt ſein nitte nordürfftig/
denn ſo ſoll man jr in nemen/vnd in
ainer andern geben die ſein nordürff
tig iſt Darumb ſo ſoll man yederman
halten als ſein nordürffe iſt/Her wir
derumb möchteſt du ſprechen/Man
gibt meinem kind nitte gnüg zu eſſen/
¶ Nain man laſt im kein mangel/dar
umb das man im nitte ſchleckt gibt/
waß wenn man ſy also anſchleckt ge
wonet/ſo würt nicht güts darauß/
waß wenn ſy also auffgezogen wer
den/vnd d̄ ſchleckt gewonet ſo ſchme
cket in darnach kein gemaine ſpeiß
meer/Aber weñ ſy gemainer ſpeiß
gewonet vnd halten was ſy ſchuldig
ſeind/ſo iſt es gleich vmb ſy als vmb
ain eſel der gewonet hat ain pflüg zu
ziehen/der gewonet es also das es im
nicht meer zu ſchaffen gibt. ¶ Also iſt
es auch vmb die in den cloſtern/weñ
ſy gewonet zu halten was jr regel
inhalt/vnd gemainer ſpeiß/ſo gibt
es inen denn nicht meer zu ſchaffen/
Aber wenn es allß ſteet/das du alle
ſchleckt wilt haben/vnd dich mit al
lem gauckelwerck bekümmern wilt/ſo
iſt es alles verloren/es würt nimmer
nichts güts darauß/denn ſo kompt
die mütter/oder ſweſter/oder müm
vnd bringen dir ain Jeſus knaben/
oder anders/denn ſo kompt du vnd
ſpüchſt Sich das hab ich von mein
en freündñ/oder von meiner mütter/
das künd deren oder ihener jr freünd
nitte/die ſelben werden denn genant
die reichen ſweſtern/wann ſy ha
ben allwegen meer dann die andern/
denn ſo maynen ſy/ſy haben auch
billicher ain vortail dan die andern/
¶ Nain/nitte also/es iſt lauter narren
werck damitte/man ſoll es in nitte ge
ſtatten/das ſy mit ſolchem gauckel
werck vmbgond/Deſſelben gleichen
Du herauſſen/wenn du ain kind in

ain closter thust/ vnd deinmaynung
vnd grund güet ist/ vnd got darinn
ansichst/ wenn du im dann etwas
hinein geben wile/ so thust du es vmb
gotzwillen/ vnd nit darumb das dein
kind ain aygenschaft daran soll ha-
ben/ wan du bekennst es das kain nutz
daraus kompt/ allain du gibst es der
priorin/ vnd sprichst Mütter priorin
das gib ich euch/ vnd legen es an wie
ir wollen/ vñ geben es wem ir wollen
Nur das du komest vnd sprichest Ja
geben es nyeman dan meinem kind/
Nain/ das muß nit deinmaynung
sein/ du solt es dem gotzhauß vnd ai-
ner andern swester als wol günen als
deinem kind/ vnd das allain wollen
aus Cristenlicher lieb Davon glaub
mir in der warhait/ wovan auff di-
sen puncten vnd grund geet/ da ist
ain closter ain jrdisch paradys Dar-
umb sprich ich/ das es nutz vnd güet
ist das man den hasen schindet/ vñnd
im die haut über die oren ab zeücht.
Man soll den hasen nit rupfen/ man
soll im die haut mit ainander über
die oren abziehen/ das ist/ wenn man
die jungen also rupffet/ vnd in nach-
last/ vnd in nit frischlich die haut
über die oren abzeühet so wirt nichts
güts daraus/ wan sy wachsen also
auff/ vñnd darnach will man sy ge-
wonen als recht war/ so hond sy des
mütrwillens vnd zarthait vñnd der
schleck gewont Also hat nit gethon
die mütter sant Bernharts Sy hat
ire sün gezogen/ rauch/ höit/ vñ ain
feltig/ nit vñ schleck/ sy het ain ganz
nest vol kind. Sy zoch sy aber alle
das sy wurden liechter der Christi-
hait/ Also werden nit die closterleüt
die da auff alle schleck gezogen wer-
den/ die selben werden als mütrwillig
vnd gewonen der schleck also/ das in
darnach kain habermuß meer will

schmackh/ noch ayer/ oder was man
in gibe/ allain es muß eyttel schleck
sein Ja den hetten sy auch gern was
neüwes außgieng/ als birlin/ kirflin
dennzucker erbsen/ vnd den sprech
sy/ mein mütter hat mir es kauft/
Es ist als eyttel gickerlis geckerlis/
Ich sprich als vor Also het nit die
mütter sant Bernharts/ allain Sy
zoch ire Sün also höit als soltten sy
yezundan in die wüstin gon.

Man soll das haslin nit büwen.

Ich sprich in dem Sechsten/ das
man das haslin nit büwen soll Man
findet menschen die das haslin bü-
wen/ das da ganz ain spot ist/ wann
sy überbüwen es offte Wer seind aber
die die das haslin verbüwen/ das seind
die ganz groben in iren sinnen/ sy
vaffen/ sy beeten/ es ist aber kain be-
schaydenhait in inen/ wan sy vaffen
zu vil/ sy lügen nit ob es ain bestand
in inen hab Sie seind auch nichtz der
sterbesser/ sy seind so hart auff in sel-
ber/ das sy nyemands folgen/ Nun
findet man auch schwesteren/ den ist
alles das zu vil das sy thun sollen/ sy
sprechen sy mügen nit gefasten Die
regel vast ist inen zu lang/ so koment
den die alten vnd sprechen/ die ist zart
vnd blöd/ man muß ir nachlassen/
will man dan die leüt verderbñ/ Nain
sprich ich/ man soll sich nit an die sel-
ben keren/ allain man soll folgen der
erfahren/ vnd es lassen die obern ver-
sorgen/ die sehen wol wenn es ain not-
durfft ist Des nym ain beyzeichen
ainem menschen das dahin zeücht/
das selb hatt vil zeichen daran man
wolsicht das es dem tod nahe Also
sicht man auch wol wenn ain mensch
etwas nordürftig ist/ die selben soll
man dann haiffen essen vñnd schlaf

fen/ vnd in geben was sy bedürffen/
 vnd sy sollen folgen vnd gehorsam
 sein Aber nicht das ain amndere kün
 die da trincken wät/vñ zwen rotba-
 cken het/vnd sich auch klagen wölc/
 damit kanich nichtz wän es kört dem
 teüfel zü/wän die regel sant Augu-
 stini haltet inn/das manden schwe-
 stern glauben soll so sy sich klagen/
 darum darff ain prelätin wol das ir
 got gnad gebe das sy die häßlin nicht
 verbrüge/das sy zü/vnd nicht zü laß
 nach vernunfft Darum soll der ober-
 ren gemüt auffgericht sein zü got/
 vñ in bitten umb hilff/wän sy ir fast
 wol bedürffen/wann soll ain oberer
 die beschaydenhait überkomet/das
 müß von got erbeten werden/wän
 on beystand der gnaden gottes ist es
 nit müglich/darum ist nyemanß baß
 in ain closter dan ainem brüder oder
 Schwester die kün gewalt oder ober-
 kait an in hond/vñ auch nit darnach
 fragen/den selbñ ist aller basest/wän
 sy seind inen selber zu rüwen/Aber
 an wem etwas gewalts oder oberkait
 gelegen ist der hat wenig rüw/wän
 da ist das disen nicht recht/da ist das
 yhenen nicht recht/aber daran darff
 man sich nit keren/es müßt ain prio-
 rin warlich frñ auff skon das sy yder
 man recht hat Man soll die jungen
 auff ziehen mit güetigkeit/vnd doch
 im zaim behalten/du darffst inen
 darum kün schleck geben/man soll
 inen essen vnd trincken geben genüg
 Gib im ain schüssel mit müß/vñ ayer
 vnd anders darzū/das es vol würe
 Darumb das es nit eben schleck seind
 so stürbt es nit hungers Desgleichñ
 das du es auff ziehest zü tapfferkait
 vnd zü gütem/bricht im den hals nit
 Schweigen halten vnd ziehrig sein/
 bricht im den hals nit Das du es zie-
 best zü demütigkeit das bricht im den

hals nicht/das es ain röcklin anz-
 tregtoben/das vngeschoren ist/das
 bricht im den hals nit Nit zü hoffart
 ziehen/sy leret sich allwegen selber
 wol/vnd sy erberlich ziehen mit klay-
 dern. Ich sprich als vor/hoffart lert
 sich selber/Des hör ain beyspil von
 ainem brüder/der da auch gern ain
 langen pfaffen rock hett getragen/
 Hör was thet der selb/er hefftet an
 seinen kurtzñ rock ain stuck von ain-
 matzen/die im lanng nach ketschet/
 vnd sach hinnder sich wie wol sy im
 an stünd/er wär auch gern steiff ge-
 gangen Als vnser ain tail gaislich-
 er thünd/die da hoffart in klaydern
 süchen/als die vnreformierten müs-
 nich/die da gond als steyff außge-
 strichen in linschen röcken/vnd alls
 strack vnd glate vnd gefaltet am ru-
 cken als herten sy ain scheyt daran
 Die bösen vngerregulierten/vñ bü-
 en/ich kan sy nit anders geneimen.
 Nun möchtestu sprechen Jamüß
 ains darumb vngaystlich sein/das
 ains gern seüberliche klayder an tregt
 Ains ist denocht wol güet im hertzen/
 Nain warlich/nitt also/wän kün
 frumb hertz regt kün solche schant-
 liche klayder Darumb zeuch sy das
 sy erberlich geklaide gangen/so sprich
 ich alls vor/es bricht im den hals
 nit Sodu im seinen aigen willen be-
 nymest/Aber das man sy darum zu
 vil hart wölc halten mit bochen/vnd
 sy allwegen überbolderen vnd an-
 schnawen mit hörten vnwis sen wort-
 ten/vnd nymer kün gütt wort zü in
 reden/das soll nit sein/es würt nicht
 güts dar auß/es wurzelt in sy/vnd
 werden dann auch allso/wann wie
 man die jungen auff zeühet/allso
 werden sy auch. Also sprach Anshel-
 mus ainst zü seinen brüderen/die
 klagen im/die jungen wolten in nit

geraden/ vnd kämen allweg gegen
 in mit gerumpfen stirnen vñ wären
 vnwürf vnd widerspenig wider sy/
 Do sprach er / Ir seind schuldig an
 inen/ wie ir sy auffgezogen hond al/
 so seind sy / Der ain junges bamlin
 zweygen wöl/ thät der selb dan ains
 vnd vmb mauret es vnd legte doren
 vnd distel darumb/ vnd lieh es also
 wachsen vñ käm nymmer darzu/ was
 würd darauß/ das würd darauß/ weñ
 du die dorn vnd den blunder hinweg
 thätest so wär es krumb vnd krukke/
 lecht vnd knorrecht gewachsen/ weñ
 du dan vil daran schlichten woltest
 so hülf es nit/ du zerbrächest es. **E**
 dan du es geschlichen möchtest/ Also
 ist es mit ainem jungen menschen/
 wan ain jung mensch ist eben als ain
 junger serling/ der zu biegen ist wie
 man will. Spricht Anselmus/ das
 sy wol mit tugenden zu ziehen seind/
 weñ sy aber nichtz anders von eüch
 hond dan ain anschnurren vñ ain
 saur gesicht/ den wirt nichtz anders
 darauß/ dan als das bamlin das knor
 rechte gewachsen ist vnd sich nymmer
 anders ziehen laßt. Sy wachsen auff
 in eytel bitterkeit/ vnd in vnwillen/
 denn so müssen ir von in warten sein
 das sy ir stürnen gegnlich rümpfen
 vnd gedencen/ wären wir der alten
 leüt ab. Nerten ir sy senffmütig ge/
 zogen so waren sy auch also/ so ge/
 schäch eüch solches nit/ Darumb so
 sprich ich Ir sollen das häflin nite
 verbüen/ man soll jung leüt mit güt
 tigkait ziehen/ vnd man mag in wol
 zimlich freud nachlassen/ die mit got
 mag geschehen. Als Seneca spricht.
Wan soll haben ain rechte freud/ vñ
 ain frölich gemüt. Verstand es also
 Du solt nit haben ain arzelet gemüt/
 wan der ernst soll mit gon/ die freud
 vnd gaislichayt soll mit ainander

verwickelt sein. Darumb solt du nite
 allweg über sy brümen als ain brum
 mender ber/ vnd ymer meder machn
 hu hu. Aber du solt sy dennocht im
 zaum halten. **N**itt weñ sy zusamen
 kommen/ das sy auß wölten richten
 was herauffen in der welt geschichte
 vnd sprechen. **M**einschwester hat ain
 man genomen/ vnd außrichten wöl/
 che sicher höcht oder ernidert hatt in
 der ee/ vnd alles das sagen damit ire
 freünd vmb gond vnd sprechen. **D**as
 thüt mein häflin oder müm/ den ha/
 ben sy sorg wo der künig oder kayser
 sey/ vnd beleybt in nichts über auß
 zu richten.

Wan soll des häflins haut
 garben vnd lidern.

Ich sprich zum sibendn das es güt
 wär das man die haut des häflins
 gerbet vnd in ain wasser leget/ das sy
 auch gelidert würd. Auch etwan spe
 ret man sy in des küfners hauß das
 sy trucken werd/ vnd wosy nit rechte
 gegerbt würt so ist sy kain wer schaft
 Also ist es auch mit ainem closter
 menschen/ des du mainst gar wol ge
 gengor zu genieffen weñ du herauffen
 bist vnd ain freünd oder ain schwe
 ster im closter hast. Du sprichst vnd
 settest es darauß/ mein schwester singe
 vnd liest. **I**n ain damit ist es nit genug
 die leber/ gall oder nyeren seind ir
 darumb nit genomen/ das ist/ flaisch/
 lich begird/ zorn etc. das nympt ir
 singen vnd lesen nite ab. **L**as ain er
 kazen verschneyden/ du nympt ir
 darumb die leber nit/ **L**as mich ain
 pfaffen sein/ ich hab dennocht ain
 gall vnd ain leber. **I**ch bin blüt vnd
 flaisch/ vnd ain man als ain annder
 man/ es ist alles nichts/ mein rade
 ist/ das man die haut wol gerben soll
Tun merck wieman ain haut gerbe

Zu dem ersten so hencket man die haut in das wasser / vnd wenn sy lang in dem wasser gehanget / so nympt man sy auß dem wasser vnd leget sy auff ain holtz vnd schabt das har her ab / das noch daran hanget Aber es ist noch nitt genüg / es ist kein wer schafft / es glottert noch / es ist noch flaisch / man hacket es noch wol / man machet noch wol etwa darauß / als man ertwan ain kagen geschmays machet. **D**arnach wenn man die haut auß dem wasser genympt / will man dan güte leder darauß machen / so ist nodt das man sy in ain güten scharpffen äscher leg / der sy er bayst wenn achter der äscher scharpff gnüg ist / was dann von flaisch oder speck vnd schmaltzin der haut ist das friset der äscher vnd verzeret es Wenn aber der äscher nicht scharpff gnüg ist / oder das man es zu frü auß dem äscher nympt / so beleybt der speck vñ der schmutz darinn stecken / vnd gewint ain schwarzen riemen innwendig dardurch / vnd wenn man es verkauffen soll so sprechñ die / die es verkauffen / es sey das best / sy sprechen es sey der kern **E**y sprechen sy / es hat ain güten kern / es ist das aller best leder **E**s ist aber nit war / es ist das aller bösest / wann das sy sprechñ es sey der kern / das ist der speck / der steckt noch darinn / damit berriegem sy denn manigen ainfeltigen pauren / der da wänet es sey gar güte leder / darumb das es ain kern hat / vnd wenn man denn in das wasser geet / so wirt es waich / vnd wirt wider zu flaisch / vñ zerfert vñ wirt nyemā nütz / das thut / der escher hat es noch nit gnüg durchbissen / vnd hat die fayste vñ den speck nit verzert Darnach wenn es wol durchbissen ist in dem escher so muß man die haut legñ in das low

das muß gar eben berayt sein mit vñ den / vnd das es weder zu hais noch zu kalt sey / darinn wirt die haut zu leder. **N**un sprich ich. Solt du rechte gegerbt vnd gelidert werden / so muß man zu dem ersten die haut in das wasser hencken / was ist das wasser? **E**s ist das closter / du hangest im wasser deine freünd haben dich in das wasser gehenckt / oder du hast dich selber dar ein gehenckt / du müst das har lassen Was ist das har? es ist weltliche freünd / zeitlich güte / freünd vñ cere / vnd was der ding seind / wenn du in das closter kumpst so müst du dein güte in die gemain geben vñ nit mer darnach fragen / vñ nichts aygens haben / man soll ain yegliche in der gemain ver sorgen / du solt dein rock nit selber bleizen / man soll alle arbeit in der gemain thun Als sant Augustinus spricht. das kaine jr selber arbayten soll / aber ain yede soll geflisset sein zu dem gemainen werck / dan ob sy jr selber arbayten solt. **J**em defgleichen müst du das har deines weltlichen wandels lassen Du hast dich in ain gaislich leben geben / du hast aber noch ain bösen außserlichen wandel / den müst du lassen / vñ müst ander weiß vñ gebarden an dich nemen. **N**un wolan / das ist das har das du lassen müst Wenn du nun das har gelassen hast so ist es noch nit genüg das dir das har auß gefallen ist du bist noch nit weerschafft / das ist du bist noch nit ain rechter gaislich er mensch / du bist noch flayschlich / der speck vñ fayste der flayschlichen begirden steckt noch in dir Wilt du aber ganz ain rechter clostermensch werden so müst du lassen alle flayschliche begird vñ lust zeitlicher ding Du wilt gaislich sein / du legst aber dein begird auffressen vñ sauffen

im

pfeffer

vnd auff alle schleck / darumb so ist dir node das man dich in den ascher leg / der dich erbeisset / vnd die faiste vnd den spect vnd schmutz in dir verzere / das ist dein aigner gesuch so du hast in allen dingen / da hat man dir nit genug gethon / da schmact das nit / so ist das nit recht / so hatt man da kain acht auff dich / vnd ist angst vnd not an allen enden / du klebest als noch auff dir selber ymermeder hort vnd fast / das ist ain zaichen das du noch vnerbaisst bist in dem scharpfen ascher aygner abgestorbenhayt / der schmutz hanngt noch an dir / du bist nit lang gnug im ascher gelegen / du hangest als noch an den flaischlichn dingen. Nun wolan. Zu dem dritten so legt man die hant in ain low / das ist in rinden die zu meel zerstampet seind / vnd in ainem grossen kesssel einberaytret vnd gar eben temperiert / das es nit zu hayß oder zu kalt sey / darinn werden die heüt zu leder / vnd den so machet man es trucken / so ist es den erst recht gut leder / Vnd den so ist es erst von seiner art komen vnd ist verwandelt in ain ander art / also das es nit meer flaisch ist / es ist zu leder worden Nun merck was ich main Das hat zeitlicher gütter vnd welchichs wandels ist dir abgewaicht vn ab gegerbt im wasser des closters Du bist auch im ascher gelegen / der ascher hatt dich erbissen / du hast vrl ob geben flayschlichen lusten / alls auch essen vnd trincken vnd annder ding die dem leib sanfft thund / das ist / du suchest den schleck nit meer in solchen dingen Des gleichen annder böß überkomen gewonhaiten / die du überkomen hast durch übung der laster seind auch dahin / auß Krafft vnd schöpffe des aschers der penitenz / die da scharpff muß sein / soll sy dich

gantz durchbeissen vnd vertzeren im grund was saigs vnd flaischlichs in dir ist Es gehört / glaub mir / arbeit darzu / wan du bist noch grien / dein natur ist noch vngedorret / wan alle weil das du noch bist vnder xvij. xix. jaren Ja xxx. xl. es ist dennoche gut das ich nit fünfzig nen / so bistu noch flaischlicher begirden vol / noch vngedultig / vngelassen / darumb ist dir not das man dich leg in ain scharpffen ascher d dich erbaysse / wan das giftig flaisch das muß gar ain scharpffen ascher haben ee dann es erbaisse würt Es nympt dir nit ab flayschliche ansechtig das du in ain closter kompst / allain du müßt lügen das du gantz ain ander leben an dich nemeß / darumb das du noch flaisch vnd blüt bist / darumb muß man dich in den scharpffen ascher legen / vnd dich lassen erbaiszen / wann die kurt nympt dir es nit ab / Des gleichen mir vnd ainem yetlichn pfaffen / es hilfe vns nit das wir mess halten / laß mich ain langen rock an habn wie ich wöll ich bin dannoch flaisch vnd blüt dar under / soll das getemmet werden so muß es durch disen scharpfen ascher geschehen Was ist diser ascher: Es ist ain hart scharpff penitenzlich leben / was ist das penitenzlich leben: Es ist / vasten / schweigen / wachen / zu mettin auff ston / on flaisch sein / alle zeit der gehorsame warnemen / deiner nächsten schwester vertragen mit gedult Kurtz / alles das / das das flaisch getemmen mag / das haist ain penitenzlich leben / Sehent / das ist der ascher / in dem bistu auch gelegen als ain anfahender mensch / im strengen kampff wider die laster. Nun wirt zeit das du auch in das low gelegt werdest vnd gantz gelidert / vnd in ain andere natur verkert werdest / Dd

Als das du auß ainem flaischlichen oder thierischen leben verkeret werdest in ain vernünfftig leben/vñ von ainem vernünfftigen leben verkeret werdest in ain geistlich leben/vñ also verformet werdest von ainer clarhait zü der andern/von dem gaist gottes Als sant Pauls spricht ij. Corinth. ij. Das geschicht so ain menschnach grosser übung vnd arbäyt die laster überwunden hat/vnd die welt in im tod ist/oder zum minsten am hirtzug ligt/vñnd die krefft seiner seelen mitt tugenden vnd gnaden besessen seind/wie vormals mitt bosheiten/vnd ist im wider vnrecht zutun/ist im leicht recht zutun/sein gedenc/ hertz/ mit vnd synn seind auf erberkait gericht Ist in allem seinem thün vñ lassen in got auffgezogen/den er in allen seiden wercken gegenwürtig hatt/ als ain schreiber den glast des liechtes/ Item der danit all ain schlecht tugenden hatt/sonnder in außbunds weiß diemannent die tugenden ains gerainigren gemües Die tugendn mit sollicher auffgezogenhait seind das low/darinn die fayg haurt zü leder worden ist vñ ganz ain ander mensch Selig ist das häßlin dem sein haurt also gegerbt vnd gelidert ist worden/das ist wolgeraten/es ist ain selzam wildbrät layder/vnd solt doch alles closterleben dar auff gon Also hast du was der ascher vñ das low ist/du solt in beden stucken gewarner sein/daz du nit zu lang od zu kurz im low oder im ascher ligest der penitenz/ Die ligen zü lang im low des schowens oder der betrachtung vñ andacht die da durch versaumen/ding dar zü sy von gebort verbunden seind/oder sich in betrachtung vnbeschaidlich üben/denen ist das low zu haif/vnd verderbent sich. Die andern ligen zu

Kurtz darinn/die da nicht bey inemselbs lang bleyben mögen/so sy noch kum im gebeet oder betrachtung erwarmet seind/so lauffen sy darvon/Lüg auch das du nit zu kurz oder zu lang ligest im ascher. Die ligen zu lang im ascher/die sich selbs vnbeschaydenlich kessigen/vnd die natur verderben Man soll die laster temen vnd die natur nit verderben. Die andern ligē zu kurz im ascher/es seind die noch nit gnüg erübt seind/nit gnüg abgestorben der welt vnd dem flaisch/vñ sich doch geben auff schawen vñ rüw/die da erfordert ain vorabgestorbenhait/die selben wäneret wan sy seyen wol gelidert/es fällt aber Vñnd das sieht man daran/so synach irer andacht vnd abgeschaydenhait vngedultig seind/kain schmach leyden mögen/ynen hangen noch trāher an den backen von betrachtung des leydens vnser herren/vnd kimmend das man/vñ hencken den hūwel über ir mitschwester in bitterkait vnd vngedult/da sieht der speck herfür/da bey man sieht das sy nit gnüg im ascher seind gelegen/aigne liebe vnd gesüchist noch nit abgeget Böß leder kan man nit bas erkennen weder in regenwetter. Also die ein widerwertigkeit vngedultig seind/da bey erkennt man ire vnvolkomenhait Solche menschen wānen etwan sy seyen ganz güet vnd wol erbaif vnd haben überwunden/aber wen widerwertigkeit aufftat so seind sy denn die aller vngedultigisten/vnd die die aller maif widerwertigkeit vnd vnglücks machen Solt man ainer solchen nur etwas nemen/so sähe man erst das kain rechter gayst vnd bestand da ist. Aber die guten gelassen menschen/die ir hertz hond abgeget vnd in selber vnd allen creaturen ers

storben seind / die sich got gantz erge-
ben hond / vñ allain iren trost in got
suchen / den gibt nichts zuschaffen /
man thū oder nem in was man wöll
Sy seind also gelassen / sy lond inen
diebett vñ die truhenauss der zellen
tragen / vñ die kistlin lären / es gibe
inen als nichts zuschaffen / man nem
in was man wöll / wenn sy ain cruci-
fix an ain briefflin in der zellen hond
so benügte sy wol daran / nach den an-
dern dingū fragen sy nicht / sy seind
gern vnbeschissen von allen dingen /
Solche menschen haben das hymel-
reich hie vñ dort / wann inen ist wol /
Got ist jr freud / vñ was im zuge-
hört / sunst freuwet sy nicht / darū
haben sy auch kain betrübnuß weñ
in die zeitlichen ding entgon / wann
sy haben iren trost nit daran gelegt /
Aber got ist jr trost / mit dem er gerū
sy sich alle zeit / vñ darū so fache
jr freud hie an / vñ weret dort ewig
klichen Darū so laß dich dein haut
nit tauren / zeuch sy frischlich über
die oren ab / gib haut vmb haut / Als
dort der reüfel vom Job sprach. Du
mußt die haut doch lassen / so thū es
als mār mit deinem nutz / als on nutz
Gib die zeitlich haut vmb die ewigū
haut / das ist / gib die zeitlich freud /
die doch klain vñ zergenncklich ist /
vmb die ewigen freud / die da nymer
zergeet / Sūch kain zergennckliche
freud noch ergezlichkeit an den crea-
turen / weder an dem redfenster noch
an kainen dinggen / sūch auch kain
trost an kainen zeitlichū dinggen gantz
überal. Nun möchrest du sprechē
Muß ich alle freud lassen / vñ was
mich erfreuwen vñ ergezū mag in
der welt / vñ kain trost nienen an ha-
ben / nun bin ich doch noch jung vñ
starck / frisch vñ vnerstorben. Nain
Nie laß dich es reuwen / greiff es red

lich an / vñ entschlach dich aller zeit
licher freud / du darff nit fürchten
das du darumb gantz on freud müß
sest sein Sonder du gibst freud vmb
freud / du vertauschest dise zergeng-
klich freud vmb die ewig Diedinng
diser welt nemen doch alle ain emnd /
was hilfft dich alle freud / alle gespil
schafft / vñ alles zeitlich güte vñ eer /
vñ alle freud die man erdenckē mag
Darumb laß sy durch got / so gewin-
nest du dort die ewigū freud / die ny-
mer zergeet / vñ nit allain dort / son-
der auch in diser zeit ist ain gaislich
er mensch nit on freud / Ain erüberer
tugentreicher mensch hat ain grosse
rūw / ain satte vñnd stonde freud in
ainem gefert zc. Er hat gesellschaft
mit got vñ seinen lieben hailigen Ja
mitt allem dem das got geschaffen
hat / doch will er so ist im got genūg /
darff nit weiter suchen / das kain
nyeman mercken er übs dan / so wirt
er sein innen Bekümer dich mit got
dem herren vñ mit allen seinen haili-
gen / vñ sūch hilff bey inen / weñ die
das nit thūst so ist dein leben verges-
bens. Nun wolt ich erst den hasen
haben gespiect vñ gebraten / das er
nit bey dem feur wār verbriant / so ist
mir die zeit zu kurz wordū / also laß
ich es bleiben Lassent vns got biten
das er vns verleych das wir mögen
verdienen / vñ komen nach disem le-
ben zū dem ewigū leben / das verleich
euch vñ mir got vñ allmechtig Amen

Alomon v weiß man spricht
f Proverbiorū am xxx. capitel
Das haslin setze sein rüwstat
in den felsen. Dis haslin be-
deüt vns ain yeglichen gaislichen
christen menschen / vñ auch ain clo-
stermenschen / die da sollen an in ha-
ben die eigenschaft des haslins.

Do ij

Man muß das haslin braten.
Nun wolan / Die zehend aygen-
 schafft des haslins ist / wenn man es
 geschunden hat / so soll man es braten
 bey dem feür Was ist das feür? Es
 ist leyden / widerwertigkeit / anngst
 vnd not Bey disem feür werden ge-
 braten allemenschñ / Kurtzsy werden
 gebraten in allen stäten / es sey in der
 ee / oder in ainem closter / du darfst
 nit widerwertigkeit vñ leyden in ain
 closter fliehen / Alls ob du sprächest /
 ich will in ain closter gon / mit felt
 so vil widerwertigkeit her auß zñ /
 das ich möcht ab gon / Nain / es ist
 nit die maynung / weñ du kompst in
 ain closter / so gib dich darein / das
 dir auch leyden begegnet Ja du geest
 erst in leyden / das ist / du empfindest
 erst in dir selber / das du vor nit em-
 pfunden hast / das ist / vnerstorben-
 haic vñ widerspenigkeit deiner synn-
 lichait / das du vor nye war hast ge-
 nommen / wñ so lang du dich got nit
 ganz ergibst / vñ dein fürsaz ist / im
 allain zñ dienen / vñ der welt vrlob
 geben so befindest du nit was in dir
 ist / wñ du hast so vil mit auserlich
 en dingen zñ schaffen / das du dein sel-
 ber nit warnympt Darumb so be-
 darfst du nit leyden in ain closter flie-
 hen. Ain weiser man spricht / das das
 closter nicht anders ist dan ain kuchen
 darin man den hasen braten soll / das
 ist ain büßwertig leben Wenn du
 aines wütenden lebens gewonet hast
 vñ darnach der welt wilt vrlob ge-
 ben / vñ in ain closter geest / so befin-
 dest du erst des feürs der widerwer-
 tigkeit Es ist nit gnüg das du in ain
 closter geest / du müst auch in ain ku-
 chin darin man den hasen brat. Es
 spricht Jesus der sun Syrach Ec-
 clestastic am ij. ca. Fili accedens
 ad seruitum rē. Sun meiner / weñ

du trittest in den dienst gottes / so be-
 rait dein hertz zñ der anfechtung / als
 ob er sprach / weñ du in ain closter ob
 in ain gonzhauß wilt gon / so berait
 dein hertz zñ der anfechtung / so gib
 dich in leidñ / wñ alle glosen sprechñ
 Wer sich nit zñ got fert / der lebt sein
 selbs vnempfindlich / er ist also ver-
 hert in im selber / er hat kain anfech-
 tung / er lebt also oben hin / er wayst
 selber nit wie Es ist nit von tugend
 den das er kain anfechtung hat / er ist
 sunst also vmbgeben mit den zeitlich
 en geschäften / vñ nympt sich so vil
 vnmiss an / das er sein selber nit war-
 nympt Aber wenn du dich aller zeit-
 licher ding entschlechst / vñ dir got
 deine verblendren augen auff thüt /
 vñ du ansachst dich zñ im kern / den
 so kumpt die anfechtung des feinds
 mitt manigerlay / so treib dich den
 dein conscienz / vñ weñ du dein den
 selber warnympt so hast du anfech-
 tung / den so bekennest du das du nit
 rechte lebst / vñ ruffest den got an So
 achtest du denn darnach kainer zeit-
 lichen dinng noch leydens meer / du
 begereest gott allain zñ dienen Also
 weñ du darzñ kompst / das das dein
 maynung vñ surnemen ist / dich got
 allain zñ ergebñ / vñ im gefallen zñ
 thün / vñ darumb in ain closter kom-
 mest so ist es güc Aber du darfst kain
 leyden fliehen / wann wa du got wilt
 dienen / da gib dich in leyden / beson-
 der in closteru ist vil feüres / das ist /
 manigerlay leyden vñ anfechtung
 So sind vil die dir die brennd schirm
 Der teüfel / dein flaisch / die welt / die
 thier / die schwestern / du selbs vñ got
Der teüfel geet nit müßig / erschü-
 ret dir on vnderlaß zñ. Spricht Isay
 as am liij. capitel. Ich hab gema-
 chet ain schmidder da auff blasen die
 tolen. Dielerer sprechen. Der teüfel

schüret alle brennd/wan er ist ain ver-
sach aller sünd Adams halb den er
verfür. ¶ Das ander/wer schüret
dir meer die brennd? Dein aigner leib
den ist dir wee im kopff/den schwin-
dele dir im hirn/dem grimmet dich
im bauch/den hastu das fieber/den
ist dir zu hais/den zu kalt/den hun-
gert dich/den dürst dich/vñ ist angst
vnd not in dir/vnd nimmer kain rüw
Darumb so schüret dir dein aygner
leib die brennd Oder die krankait dei-
ner nechsten Schwester so du in das
siechhaus kumpst/denn so hat aine
den husten/ainer stinckt das maul/
die du all leyden vnd ertragen müst.
¶ Wer schüret dir meer die brennd?
die gang welt/das ist/alles das das
in der welt ist Es seind die einflüss
des hymels/die planeten mit den an-
dern sternen/wie die in dich würcken
mit irn einflüss also bist du geschickt
wan dein leib zusamen gesetzt ist von
widerigen dinngen/das ist/von den
vier elementen/das ist/hitz vnd kalte/
trucken vnd feucht/wenn die wider
ainander fechten/so müst du dich ley-
den/es machet ain gantz kargenge-
schray in dir/wie das wetter ist/also
bist auch/denn bistu siech/den bistu
gesund/denn bistu frölich/denn bist
du traurig/es ist kain standhaftig
kair in dir/wen du dich yetzund hast
gesetzt gantz/vnd maynst du seyest
gar stät vñ steiff auff dir selber/über
stund so fallest du ab vnd ist kain stät
tigitait in dir/eben wie das wetter/
den regnet es/den scheint die son/al-
so seyen wir auch/sonder du haltest
eben als ain faul arm brost. ¶ Was
schüret dir meer die brennd? flöch/leüß
meüß vnd wänteln/vñ ander vnfasel
Die flöch die beissen dich/besonder
in den clöstern so müst du in den klay-
dern ligen/so kanst du dich nirt ge-

wören/der rock ist oben zu/Aber wo
man disciplinen gibe/da sollen sy
oben offen sein/das man sich hinder
entblößen kan/Aber in ain tail ordern
da geben sy die disciplinen nur auff
die rock/das es nur ain anzaygung
ist/sy sprechen es sey genüg wenn sy
sich demütigñ Es ist nichtz dan ain
oster spil/wo sy dan schon auffblosse
hautt nemen in ain tail clöstern/da
thünd sy doch ainander nit wee Es
ist nur narrenwerck mit in/Es ist
eben alle so wir von dem hohen stiffe
an grossen festen solten schlaffen gon
so ganngen wir auff die capitel stub
vnd trincken/das ist ain anzaygung
das man vorzeiten Collation da hat
gehalten/do vnser vorfaren regulie-
rer waren Nit allain die flöch fech-
ten dich an/sonder auch die leüß vnd
wänteln/vnd heraussen die schwein
vnd genß/die da schreyen vñ dich vn-
rützig machen so du rüwen solltest/
Schlechts alle ding schüren dir die
brennd/laß dich nur braten/bis ge-
dultig/vnd richte du dich nur darein
Du müst dich in die sach richten/sy
richtet sich nit in dich/all die weil du
denn syn in dir hast/das du mainest
yderman soll sich in dich richten/vñ
thün was du wilt so würd nichtz dar
auf Solt ich alle die beraffeln die für
mein hauß anhin faren mit den wäg-
en/das die wend er bitteren/so müst
ich warlich vil zuschaffen haben/all
die weil du den weg außgeest so schaf-
fest du nichtz/du trüschest ain lät stro
Denn hast du allwegen zu klagen Ja
die hat mir das geton/vñ ain andere
ihenes/denn sprichst du/man soll es
ir nit vertragen/du wänest du wöl-
lest yderman dartzü bringen das er
deinen willen thü/Es thüt sein nit/
das du yderman in dich richten wöl-
test/du müst dich lernen in ander leüt

Dd iij

richten/ vnd iren willen thün/ wann
 der mensch ist nit genug güt/ der nit
 böß leüt vmb sich geleydñ mag vnd
 in vertragen/ wann all dieweil du den
 menschn nit vertragen magst so bist
 du noch nit güt/ vnd noch weyt vnd
 ferz von dem vollkommen stot Dar-
 umb darffst du nit gedencen/ das du
 dich richtest darnach/ das dir die
 leüt gefallen thün/ du müßt dich rich-
 ten das du den schwestern gefaldest/
 wenn du ain vngedultige vnd vnge-
 lassen Schwester bey dir hast so solt du
 jr die bürd mit gedult helffen tragn
 Aber was v vngerüwigen leüt seind
 die alle dinng auß wöllen richten/
 vnd yederman maystern wöllen/ der
 selben nyñ dich nit an/ gannng du jr
 müßig/ es geet dich nit an zu straf-
 fen Es soll nit yederman maister sein
 Nir als manig nuñ/ als manig mai-
 ster oder priorin/ nit das man xx.
 oder xl. Priorin in ain closter hab.
 Gang du müßig/ vnd laß die priorin
 vnd suppriorin/ vñ beichtuatter straf-
 fen vñ außrichten/ die söllen sich sein
 annemen/ die andern söllen sein müs-
 sig gon/ vnd nit ainander maistern
 es schafft kain nutz Ja stünd ich ne-
 ben meinem brüder im chor/ vñ stieß
 in mit dem elenbogen/ vñ hieß in sin-
 gen/ er spottete mein daran vñ sprä-
 che zü mir Gnad herz der Dechan/
 Das ist wider etlich alte/ die da spre-
 chen Ja andraben/ soll man den jun-
 gen nichts sagen/ man müß ye die
 jungenzichen vnd sy straffen/ vnd in
 ain ding sagen Ja man soll vñ müß
 es inen sagen/ aber du solt es in nit
 sagen/ thü du recht vñ das dir beuol-
 hen ist/ vnd hab sorg für dich selber
 das du deinem geschäft recht thüest
 du seyest ain raderin/ choimaisterin
 weinkellerin/ oder was ampres du
 hast/ da lüg das du das selb recht ver-

sorgest/ bist du zirckerin so thü im
 auch recht/ du darffst aber darumb
 die schwestern nit maystern/ du solt
 nur in die zellen zü den fensterlin ein-
 gucken/ vnd sichst du etwas das nit
 recht ist/ solt du es der priorin sagen/
 du solt es nit alles vermaistern/ als
 wärest du priorin Du solt dich nit an-
 nemen das du ain anders wöllest vol-
 komen machen mit deiner straff so es
 dir nit zü gehört/ schweig du vñ thü
 das ofen thürlin zü/ wann so der flām
 zü dem ofen außschlecht so thü man
 nur das ofen thürlin zü so erlöschet
 das feür selber/ man darff es nit lö-
 schen/ Also thü du im auch/ thü das
 ofen thürlin zü/ das ist/ hab das maul
 zü/ gannng deiner nächster Schwester
 vor/ mit gedult/ vnd güeten exem-
 peln/ vñnd schweig/ wann wenn sich
 dein nächster schwestern nit besseren
 ab deinen güeten wercken/ so besseren
 sy sich warlich nit ab deinen hörten
 worten. ¶ Wer schüret dir darnach
 das feür meer: das seind alle die swe-
 steren die vmb dich seind im closter/
 vnd die weltlichen menschen her auß
 in deinem hauß/ auch dein gesind vñ
 was vmb dich wonet/ das schüret dir
 das feür. Ich darff dir nit sagen wie
 jr ainander dinn im closter die bren-
 schüren/ ich gedencck wol du empfin-
 dest es selber Wilt du denn zu friden
 sein/ deinen vnd der andern halb/
 so solt du das maul zü thün/ vnd be-
 halten was in dir ist/ vnd nit brich
 auß/ das ist/ das du zü solt thün das
 ofen thürlin/ so machest du kain auf-
 rür. ¶ Das sechste das dir die bren-
 schüret/ das bist du selbs/ wenn dir
 schon nyeman die brennd schüret/ so
 schürest du dir selber die brennd/ wen-
 du bey dir selber sitzest vnd schon nye-
 man bey dir ist/ vnd dir nyeman nit
 thüt/ dennocht bist du vngedultig/

iii

vnd waiff selber nit warum/du machest dir selber auß ainer bonen ain berg Denn komest du vnd sprichst/ Ich muß verschwinden Ich mag es nit geleyden/so dir doch nit ainer bonen groß gebüß Du sitzest vñ machst zirle mirle/vnd zopfest an ainem tuchlin/vnd zeühest die faden her auß/vñnd sichst vmb dich als ain katz die in ainer stuben beschlossen ist **N**ain/das ist nit der recht grund/ das du fast allain in der zellen bist/ vnd bey dir selber sitzest zu brümen Du darffst wol anfahren zu kriegen vnd zu flüchen alls wären zway oder dreü vmb dich/darumb sprich ich/du schürest dir selber die brennd/so dir sy schon nyeman anders züscheret. **W**er schüret dir meer die brennd: das thüt got der allmechtig/der dir züsüget/leydenn/ kumer vñnd wyderwertigkait/dardurch schüret dir got der herr die brennd durch seine geschöpff/als durch ainen werckzeug/wañ alle die ding die ich dir vor genent hab/möchten dich nit peinigen/es wär dann der will gotes. Spricht der prophet **E**s ist kein übel in der stat/das got nit gethon hat/verstand das übel der pen/vnd nit der schuld. Got schüret dir weyter die brennd durch seine stat halter/das ist/durch deine oberen/**E**s ist die priorin/beichtuatter/vifitator/die schüren dir die brennd mit ainander/durch die straff/das ist/die selben lügen das nichts vñnder gang/wañ sy handhaben die regel/vnd die constitucion/vnd das/das die hailigen vätter auff hond gesetzt Von diser kuchen vñnd ofen spricht der weiß man **E**cclasiastici xlij. vnd rede von got. **E**r behüret den ofen in den wercken des inbrunstes Was ist der ofen: das ist ain closter/oder ain hauß da man christlichen inn lebt/

pfeffer

Was sind die werck des inbrunstes? **E**s ist dein regel/es seind güet gewonhaiten/statuten vñ constitucion des ordens/Solang solliche werck des inbrunstes/das ist/ordnüg/da seind so behüt got disen ofen/das ist/ain ganze gemain/ain closter/oder wa es ist in ainer samlung da vil beyain ander wönen **A**ber wen diser inbrunst anfacht abzugon/das man die ding veracht vñ last abgeen vñ sy nit mer handhabet/nit straffer/constitucion vnd ordnung nit ernstlich haltet so thüt got sein hand auch ab/wañ diser aufferlicher ding steiff haltüg behüret die innerliche gayfflichkeit/als das Anshelmus fürgibt **E**r spricht. **E**s ist vmb ain closter als vmb ainen bundschüch/wen ainer ainen bundschüch an hatt so ist es genüg/hat er aber ain riemen darumb so be Leibt er jm defferbasan **A**ber der riemen soll jm nicht on den schüch/der schüch wär jm genüg on den riemen aber der riem ist jm nit genüg on den schüch/spricht Anshelmus **A**lso ist es auch vmb ain closter **E**r spricht es seind zwen orden. **A**ines ist der natürlich orden. **D**as ander ist ain gestifter orden: das ist/gedult/demüt/göelich lieb/cristenliche lieb/die sich naigt zu güetem/das stecket ains tayls vnd samlich im hertzen/vñ ist ain yetlichen von natur eingepflantz **A**in yetlicher schalck hat ain güet fincklin im hertzen/das er v erberkait genaigt ist/er lobt die tugendün/er hasset die gerechtigkeit nit/alleweil sy nit über in geet/vnd in seinen sachen nit irret/das man in nit an den galgen hencke allweil ist er v gerechtigkeit hold/das ist der natürlich orden/das seind tugenden/das ist naygung zu güetem/vnd der wär ain yetlichen menschen

Dd iij

gnüg zů seiner seligkeit/wen er dem
selben orden nachgieng/vnd die tu-
gentübte/dartzů in sein aygner will
vnd erberkait treibt/das ist der natür-
lichorden/der den hielt/der kame in
das hymelreich/wann wer da thut
das an im ist/in brauchung der ga-
ben so im got geben hatt vnd ange-
schöpfft/dem thut got ainen zusatz
der gnaden/die in höher erheben zů
den verdiensten der ewigen seligkeit
Der amnder orden/das ist ain ge-
stifter orden/das seind güte auffge-
stifteding/als singen/lesen/zů met-
tin auffston/vasten/beeten/on flaisch
sein/harteligen/scharpffe disciplin
nemen/schweygen halten/beschlos-
sen sein/erber klays tragů/nit gefelt
let/nit wadel daran/als in den vnre-
formierte clöstern Das ist d̄ riem an
dem schůh/damit man den schůch des
natürlichen orden/das ist/haltung
der tugenden zů bindet/wemdu die
dinng der gayst gebarden die verze-
nant seind/übest on den natürlichen
orden/das ist/das du nit in dich sel-
ber geest/vnd dir die ding last dien-
en darumb sy gestift seind/das ist/
an zůnemung der tugend Vnd nit
hinein geest in dich selber/dich selber
zu temmen/vnd tugenden der liebe/
der demüt/gedult vnd ander tugen-
den zu üben vnd überkomen/so tust
du nit anders dan der der die rieman
on den schůch an das bain bindt/das
da ist gantz ain gespöte/wan du ar-
baytest vergebens/die ding temmen
dich/aber du temmest dich selber nit
Vastentemmet/wachen temmet/hart-
ligen temmet/rauhe klaiden tragen
temmet/schweigů temmet/beschlossen
sein tempt/es tempt als sampt/aber
du geest nichinein/du haltest den er-
sten orden nit Vnd darumb gat ain
mensch in ain closter/nit allain das

er den ersten orden nit hab/vnd den
erst überkomen wöll/aber das er in
behalten mög/das im d̄ schůch steiff
an bleib/vnd nit abfall/das ist/die
dinng die dienen im dartzů/aber der
kain gaisst im hertzen hatt/vnd das
eüsser closterlebů der gaisst gebarden
für/der hat nur den riemen on den
schůch Also haben jr/wie das háslin
gebraten müß werden in d̄ ofen des
closters/oder in ainer anndern sam-
lung/od auch aines erberen haufs/
bey dem feür der widerwertigkeit/
Darumb hab gedult/du müst doch
leyden/leyd es vmb gots willen oder
nit/denocht müst du leiden/vñ wen
du schon nit vmb gots willen leidest
wänest du das du darüb on leiden sey-
est Vain warlich/wenn ainer schon
aller seiner faighait vñ büberey nach-
gat/fressen/sauffen/bülerey/den-
nocht ist er nit on leyden/Was ley-
dens die selben vnglückhaftigů men-
schen haben/wenn ainer etwan ain
dirnan im hat/da ist nit von zusagen
sy befinden es wol/wilt du es nit in
gots namen leyden/so leid es in dem
namen des teüfels. **N**un wol an/
Ir haben gehört wie man den hasen
braten sol/das da ist die zehent aigen-
schafft Nun will ich euch sagen die
ailfften eigenschaft.

Wan müß das háslin spicken.

Je ailffte eigenschaft ist/das
d man das háslin spicken müß
Es hatt selber kain faistein
im Es ist ain dürres magers
thierlin vmb ain háslin/darumb müß
man im etwas zůgebů das es nit bey
dem feür verbrůn/vnd dir ist noc/wilt
du nit verbrinnen bey d̄ hitz des feürs
der widerwertigkeit durch vngedult
das du gespicket vnd betröffe werdest

mit der faiste der andacht vnd liebe
 Was ist der speck: Es ist die genad
 gotes / vnd die andacht / vnd götli-
 che liebe. Du sprichst / wie kompt es
 das ich nit gebraten kan / ich müß
 vergeen / ich müß verdorren: Das
 thue / du hast kein safft / du hast kein
 faiste / das ist / du hast kein andacht /
 du hast kein genad / du hast kein göt-
 liche liebe / dir schmacket das closter
 als dem hund muscarnus vñ negelin
 Du hast ganz kein gnad noch liebe.
 Du sprichst / Ich hab sy nit / das ist
 auch mein klag / heere ich sy so klaget
 ich nichts Ich hab keinen speck / so
 thü ains vnd entlehen vmb dein nach-
 pauen Wer seind deine nachpauen
 Es seind die güten schwestern / die
 vñ dich wonen Wenn man zwen spiß
 hat / da an ain spiß faystes ist / vnd
 an dē andern magers so macht man
 den spiß da das faiste an ist / hinauff /
 vnd da das mager an ist / thue man
 hinunder / so treüß das faiste oben
 her ab in das mager Also so man ain
 sweinen braten hat / vnd magere hū-
 ner so stofft man den braten hinauff
 an den obern spiß / vnd die hūner an
 den vndern spiß / so treüß der swei-
 nen brat her ab auff die hūner. Also
 thü du auch / hast du nit andacht / so
 laß in dich tropfen die gnad vnd an-
 dacht deiner nechsten mit Schwester /
 sich wie gedultig / wie demütig sy ist
 wie schnell / gehorsam gleich zu dem
 wincken der priorin / so fürkompt sy
 sie / ee sy sie es haist Sich wie fleißig
 sy ist im schweigen / vñ ernsthaftig
 im götlichen dienst / wie gützig vnd
 vnderdienstbar sy ist gegen den swe-
 steren / lern von jr vnd thü auch also
 Wenn man hūner braten soll / die nit
 alle fayste seind so stofft man ye ain
 faistes vñ ain magers zusammen / das
 ye ains das ander faiste machet Al-

so thü du auch / gesell dich zu ainem
 güten Schwester / die dich zu gütem
 zeühet / mit güten exempeln / vnd süß-
 sem trost / vñ die dich zeühet zu gedult
 vnd andern tugenden / Dis leret der
 Dauid da er spricht. Cum sancto san-
 ctus eris. Bey dem hayligen wür-
 man hailing Wenn du etwan ain jung-
 en menschlichen sichst also frölich vnd
 fleißigklich got dienen so gedenckest
 du / ist der jung mensch also frölich
 vñ fleißig im gotsdienst / vñ tugent-
 sam / vnd andechtig / vñ bist du so
 dürr vnd kalt Vnd würst den in dich
 selber geschlagen / vnd facht an vñ
 zwingest dich selber auch got zu die-
 nen. Ain brüder kam zu ainem güten
 ainsidel / hieß abt Paytion / vñ sprach
 Was soll ich meiner seelen thün / sy
 ist vnempfindlich worden vñ fürchte
 nit meer got: Do antwort er im vñ
 sprach / Gann hin vnd füg dich zu
 ainem menschen der dagotz fürchtig
 ist / vnd wem du dem anhangest / so
 würst auch du geleert got zu fürch-
 ten. Der vater leret das man das has-
 lin spicken soll. Also singen wir in der
 tertz. Da lingua mens sensus rē. ac-
 cendat ardor proximis. Also schrey-
 en wir zu got. Inser herzen müssen
 aufflackern zu dir in feüres weiß / vñ
 der flam des feüres müß entzündet
 vnsern nächsten. Da bitten wir vn-
 sern herren / das er vnser herzen er-
 füll vnd entzünde mit götlicher liebe
 als vollkommenlich das die selb genad
 außstriem in vnsern güten wercken /
 gedult vnd demütigkeit / vnd ander-
 ren tugenden / das vnser nächster
 auch entzündet werd von vnns / vnd
 erfüllt werd mit götlicher lieb Also
 hast du wie du speck holen solt vñ
 entlehen bey deinem nachpauen /
 das du das haslin spickest. Nun
 sprichst du Ob aber mein nachpau

auch keinen speck het / wie tât ich im
denn: Du schickest mich nach ainem
weyßtain / vñ nach ainer zunschâren
Wein nächster ist eben als dürr als
ich bin / er treüffe eben als ain weyß-
stain / du müßt in lang braten ee er
saftt gibet / Hat dein nachpaur auch
kein speck vnd kanst kein von im ent-
lehen so will ich dich ain anders le-
ren / thû ains vnd volg meinem radt
Hab dein zûflucht zû got dem herren
Wen du dürr bist so lauff zû got / vñ
was soll ich bey im thûn: Hör in zum
ersten redn / vnd darnach red du mit
im Was spricht der herr: er spricht
Was geet es dich an / volg du mir
nach / Unser herr sprach ainest zû
sant Peter / volg mir nach. Do kert
sich sant Peter vmb vñ sach sant Jo-
hansen an / vñ sprach zû dem herren /
Herr was soll diser thûn: do sprach
vñser herr Was geet es dich an / volg
du mir nach Dise red vñsers herren
hör / vnderhör sy Wen du sichst das
dein nechste Schwester gebrechlich ist
eben dürr vñ kalt als du bist / du sichst
ain gebresten an jr / an ainer diß / an
der andern ihenes Nit sich an was
dein nechste Schwester thût / gedenc
allwegent was der herr spricht Folg
mir nach / was gat dich an was ain
andere thût Folg deiner regel nach /
volg mir nach Ich bin senfftmütig
vñ ains milten gütigen hertzens / da
entlehen speck / darunnder heb dein
pfann deines hertzens / vnd empfach
schmaltz der liebe vnd andacht / dein
häßlin zû betröffen / das es nit bey dē
feur der widerwertigkeit verbinnt /
wen du got in dir hörest also reden /
so volg im nach / nym dich sunst nichts
an / was gieng es mich herausen an
was ander pfaffen thünd / vnd was
geet es dich an was dein nechste swe-
ster thût / du bist nit durch jren willen

in das closter kômen / du hast sy vil
leicht nit gekant / vnd hast nie von jr
gehört sagñ / was ist dein gegenwurf
gewesen / darumb das du in das clo-
ster bist kômen: das du got wöllest
dienen / vnd also hör vnderhör die red
des herren / was geet es dich an / volg
du mir nach / Darnach wen du also
gehört hast was got redt / so red du
auch mit im / durch ain andechtig ge-
beet Küß in an vnd schrey zû im mit
David. Deus deus meus ad te delu-
ce vigilo. Got mein got / zû dir wach
ich von dem tag Es hatt gedürst in
dich mein seel. Sicut adipe et pingue
dine repleatur anima etc. Herz ver-
leich mir / das mein seel erfüllet werd
als mit schmaltz vnd faiste / so würt
denn mein mund dich loben mit den
lefftzen der auffjuckenden freud Es
ist ain vnder schaid zwischñ schmaltz
vnd faiste Das schmaltz macht man
aus den netzen die innwendig seind im
leib / Aber die fayste ist am flaysch.
Bey dem schmaltz das man auß den
netzen macht / das bedeüt / innerliche
andacht des gemüts. Bey der faiste
die im flaysch ist / verstand / außserli-
che frölichayt in den wercken. Dise
baid andachten soll ain mensch habñ
so er got dient oder lobt / wann sy ge-
fallen im baid wol / als Hugo spricht
an dem selben ort. Nun sprichst du /
Ich hab got angerüfft / er will mich
aber nit erhörn / ich bin dürr / kalt vñ
harr / noch als vor / ich empfind kein
ner andacht in mir Dasselblaf dich
nit irren / wen du das dein gerüst / gibet
dir got empfindlich andacht / freud /
frid vnd stille / so danck im / nym sy
auff / doch stand in forcht / vñ nit ver-
laf dich dar auff / Will er dir aber
nit andacht geben / dar ab darffst du
nit erschrecken / dien got für vnd für
in forcht / thû nit deßer minder güte

werck / gannng nichts deſter minder
 zu dem hailigen Sacrament / du ge-
 fallſt villeicht got allſo wol / er will
 dich villeicht allſo dürr haben / Got
 will ain hünlin dürr eſſen / das ander
 faiſte vnd mit ayern gefüllt / das an-
 der vngefüllt / es yſſet nit yederman
 gern gefülte hünner / ains yſſet ſy gern
 dürr / das ander faiſte Darumb ſolt
 du nit gedenccken das du vmb d' dürr
 willen von got verlaſſen ſeyeſt Es
 ſeind vil menſchen die fröwen ſich /
 wen ſy allſo empfindlich andechtig
 ſeind / ſy gond zu dem Sacrament /
 vnd main ſy ſeyen gar wol geſchickt
 Es iſt aber nit ain gewiſs vnfallig
 zaiſchen / das ain menſch inn gnaden
 gottes iſt / darumb das er empfindet
 andacht vnd ſüſſikait in ſeinen gü-
 ten wercken So iſt es auch nit ain
 zaiſchen das er nit in den gnaden iſt /
 darumb das er hört vnd kalt iſt Es iſt
 auch nit ain zaiſchen das du zu oder
 ab nymmeſt in volkommenhayt / ob du
 dürr / oder andechtig ſeyeſt / es ſtat als
 auſſ fleißigem halten der gebot got-
 tes Darumb wilt du wiſſen ob du zu
 oder ab nymmeſt in gaillichait / ſo
 nym war ob du zu nymmeſt in haltung
 der gebot gottes / ob du fleißig ſeyeſt
 die zu halten / vn alles das zu nym-
 den das got verboten hat / Deſglei-
 chen was dir dein regel vn dein obern
 gebieten vn verbiecen / ob du zu nym-
 meſt in demüt / gedult / ſchweigen /
 gehorſame / brüderlicher liebe ꝛc. da
 bey ſoll ain menſch warnemen ob er
 zu nym in gaillichait / vnd ſich nahe
 der volkommenhayt Darumb ſo hab
 gedult / vnd halt die gebot gotes tapf-
 ferlichen für vnd für Gibt dir got nit
 andacht in widerwertikait / die dich
 erkält / als den dreyen kindn im ofen
 geſchach / von denen geſchriben ſtat
 in Daniele. ſo erſchrick nit Nit kere

dich darumb von jm / du biſt in nicht
 deſter vnärer / er will das häſlin al-
 ſo dürr gebraten habn / würck du für
 dich güte werck / gedencck / es gefalle
 jm allſo Küſſ got an vnd bitt in das
 er dir geb das du beſton mügeſt in ſei-
 nen gnaden / in d' anſechtung / ſprich
 mit ſant Peter. Herz hilff mir / oder
 ich verdirb / vnd hab kainen zweyfel
 got will dir allen tr off vnd ſüſſikait
 ſparen biſ dorthin / da es nymmer kaim
 end nymmet Amen.

¶ Man müſ lügen ob das häſlin
 gnüg gebraten ſey.

Je zwelſt aygenſchafft des
 d häſlins iſt / das man lüget ob
 es gnüg gebraten hab. Ge-
 ſtern hab ich gſagt / wie man
 es braten ſoll Nun volget hērnach /
 das man lüget ob es gnüg gebraten
 hab. Nun ſprichſt du / wa bey ſichte
 man ob es gnüg gebraten hatt / wie
 kan man wiſſen wen es gnüg gebrat-
 ten hat? Es ſeind drey zaiſchen dabey
 man ſicht wen ain häſlin / oder hün-
 oder braten / gnüg gebraten iſt. Das
 erſt zaiſchen iſt / wen es ſich laſt pfer-
 en. Das ander zaiſchen iſt / wen es nit
 meer blüet ſo man es aufſchneidet /
 Das dritt zaiſchen iſt / wenn ſich das
 flaiſch ſchelet von den baynen.
¶ Nun merck / zu dem erſten ſprich
 ich / das erſt zaiſchen iſt / wenn es ſich
 laſt pferen / ſo ſpricht man / der brat
 hat gnüg / zeüch in ab / Laſt er ſich
 aber nit pferen / ſo ſpricht man / laſt
 in meer braten er hat noch nit gnüg.
 Also müſ ſich auch ain yerlicher rech-
 ter criſtenmenſch / vnd vorab ain clo-
 ſtermenſch / laſſen pferen / vnd ſich
 laſſen verſüchen / ob er gnüg hab /
 das man dabey erkennen mag ob er
 vollkommen ſey in der liebe gottes.

Tun merck / du müst dich lassen
 pferzen Was ist das pferzen: das ist/
 wenn mandich strafft vnd dir dein ge
 breffen sagt/das du dann nit wider
 schnallest als ain stuck flaysch/das
 nit gnüg gefotten ist/wenn man das
 selb pferzer so wider schnallet es/dar
 umb wenn du wissen wilt ob du gnüg
 gefoten oder gebraten bist so lüg ob du
 dich lassst pferzen / das ist/ob du ge
 dulrig seyest wenn man dich straffet/
Tun wolan/ich sprich/wenn man ai
 nen straffe so pferzt man in / das ist/
 wenn man in sein gebreffen sagt / vnd
 sein warnimpr / vnd wenn du dich dan
 daran kerst vnd folgest / so lassst du
 dich pferzen / wenn du aber nit volgest
 vnd widerschnallest / so thüst du als
 ain vngesotten flaisch Das vngesot
 ten flaisch last sich auch pferzen / aber
 es widerschnallet vñ weicht nit dem
 nagel Also thüst du auch / du lassst
 dich vermanen / du weichst aber nit
 du widerschnallest vnd volgest nit /
 Ain esel der in ainem stall stat / der last
 sich auch pferzen / er weicht aber dar
 umb nit / er blütz hinten vnd fornen
 Also thüst du auch / Aber ain stuck
 flaisches das da gnüg gefotten oder
 gebraten ist / das weicht ainem vnder
 den fingern / vñ last sich dur chgreif
 fen Desgleich vñ wenn manderein beis
 set so weicht es ain vnder den zenen
 wan so es gnüg gefotten oder gebra
 ten ist so würt es mürb vñ gütz zuessen
 Also solt du auch an dir selber war
 nemen wenn du gedulrig oder gelassen
 bist in der straff / so bistu gnüg gebra
 ten. **T**un wolan / du bist lang bey
 dem feür gewesen der widerwertig
 kait vnd aines gaislichen lebens / du
 hast aber noch nit gnüg gebraten / du
 bist noch hart vñ vndöwig / du wider
 schnallest noch alls ain vngesotten
 flaisch / das nyeman gebeyssen mag /

du schnauwest vnd beiffest vmb dich
 wie ain hund vor dem sich yederman
 hürten müß / der an ainer Ketten lüge
 vnd sich nyeman in genahen darff /
 Du bratest oder syedest wie lang du
 wöllest so wirt doch nymmer nichts
 güts auß dir / Solliche menschchen
 seind gleich den alten hennen oder ha
 nen / die sich nymmer wöllen lassen sye
 den oder braten / sy lassen sich nit er
 schrecken. Wer seind dise alte han vñ
 hennen: Es sind die / die grossen ge
 walt haben / die lassen sich gar kom
 braten oder syeden / es sey dan das sy
 über not getriben werdñ **T**un merck
 wenn man ain braten gern bald ge
 braten hert so nympt man ain stuck
 specks vnd steckt es an ain holz / vnd
 hebt es in ain feür das es ansacht zu
 binnen / so gibt es den haisse tropfen
 von in / so hebt man es den über den
 braten / last die tropffen auff den bra
 ten fallen / so durchfallen den die tro
 pfen den braten / dauon würt er mürb
 vnd bald gebraten. Auch wenn man
 ain henn gern bald gefotten hert das
 sy mürb werd / vnd man sy nit gesye
 den kan / so erschreckt man sy / wie er
 schreckt man sy: also erschreckt man
 sy / wenn sy in dem syeden ist so zeücht
 man sy auß dem hafen vnd stößt sy in
 ain kalt wasser vñ darnach widerum
 in den hafen / den so seüdt sy bald / et
 wan würt man glafscherben in den
 hafen / Aber an den alten vnertigen
 hennen vnd hanen hilfft es dennocht
 etwan nit / man thü in wie man wöll
 so gesieden sy dennocht nymmer Also
 thünd auch solche hörte menschen /
 die mag man nit anders geziehen od
 bewegñ das sy sich zu got keren. Es
 sey dan das man sy erschreck / das ist
 das man in sag von den straffen der
 regel / von schand vñ schad diser zeit
Ja es hilfft etwan dennocht nit an

inen/ sy lassen sich dennocht weder
sieden noch braten/ als verhöret seind
sy in jr bosheit/ man sach es mit in
an wie man wöll. Man betröff sy
iuch mit dem feürigen speck/ das ist
man sag in iuch von dem haissen feür
ewiger verdammuß/ in dem sy ewig/
Elich brinnen vnd braten müssen/ Es
hilffet weder feür noch wasser/ man
stos sy iuch in das kalt wasser/ das ist
das man in sagt von der greußenlich
en kelt/ in die die verdampfen müssen
gon/ auß der hitz in die kelt/ als Job
spricht. De aquis niuius in calorem
niuius. Von den wassern der schnee
in die grösser hitz/ das hilffet alles nit
man mag sy mit kainen dingen bewe
gen sy lassen sich nit ziehen. Man
thü joch glas in die hasen/ das ist/
man sag iuch von dem kristallinhy
mel/ oder feürin glestigen hymel/ in
dem die seligen seind/ joch auch von
den grossen freuden/ die die seligen ha
ben/ in deren sy sich freüwen ewig/
Elichen Es hilffet alles nicht an inen
es seind verderbte hertzen/ sy seind
niener zü güte/ weder zu siedem noch
zu braten/ das thüt das sy also hört
seind. Von disen spricht d weis man
Proverbiorü xv. Non amat pestilens
eum qui se corripit. Der böß sched
lich mensch hat nit lieb die in straffen
Ain solcher bößer schedlicher mensch
ist gleich ainem der da hat die pesti
lantz/ wie der selb mit seinem siechtra
gen vergiffet alle die die vñ in seind
Also auch ain solcher schedlicher
mensch/ der selb verhönet vñ vergiff
et alle die/ die vmb in seind Solche
schedliche böse menschen/ hassen die
die sy straffen/ als auch spricht Ti
colaus delyra Gleich als ain mensch
der den grind hat/ der förcht vñ has
set den stral/ also förcht vñ hasset
auch ain sölicher mensch die straff/

Wem soll ich solche menschn gleich
en: Sy seind gleich ainem ross oder
gaul/ der dain ainem krieg geschedi
get ist/ oder den der sattel gedrucke
hat/ das hayssen schadgeül/ solliche
schadross mögen nit leiden das man
sy anrürt/ wen man ain sollich ross
anrürt auff den schaden da es gesche
diger ist so blitzt es hinden vñ fornen
Also thünd auch solche menschen/
wenn man sy rürt auff den schaden
da sy der sattel gedrucke hat/ das ist
wen man inre gebresten sage vnd sy
straffer vmb jr sünd/ das mögen sy
nit geleyden/ es sey an der predig od
ander swo/ besonderlich wen man sy
anrürt auf den gebresten da sy gesche
diger seind/ da sy der sattel trucke/
Janit allain wenn man sy anrürt/
sonder auch sich nur stellt als ob man
sy wöll anrüren/ das ist/ wen man sy
triffet in den lastern die sy an gond/
vnd wen man sy da anrürt so blitzt
vñnd gumpen sy/ vñnd schlagen vmb
sich wie ain böß pferde Es seind die
grossen prouosen haussen in d welt/
vnd auch etwan die alten in den con
uenten/ vnd die jrn orden nit halten
die maynen nit das man sy straffen
söll/ sy maynen man söll in nicht sa
gen/ in sonderhait/ man söll in nit
also zü reden Sy sprechen man soll
in der gemain rede/ sy wöllen nit ley
den das man in jren dreck vnder das
antlüz werff. Solche menschn seind
nit all ain zu gleichen den schadrossen
Ich gleich sy zü dem andern mal den
schaid schaffen/ das seind die schebig
en reüdigen schaff/ die die annnderen
schaf verderbñ/ dasselb haissen schaid
schaff/ wñ man müß sy von den an
dern schaffen abschayden/ wann wa
ain reüdig schaff ist in ainem stall/
oder auf ainer wayd/ so verwüster vñ
verderbt es die annndern alle Darü
Ee

wa ain solich vngedultig vnd vngedultig vnd vngerüwig menschin ainer samlung oder in ainem conuent ist / das verderbent vnd verhönet ain gannze gemaind. Solche schadros soll man besonder in ainen stal thun / vnd sollich schaidtschaff besonder auff ain örtlin treyben / auff ain besondere waidneben auß / das sy den andern schafften nit schaden / das ist man soll sy allain in ainzell beschliesen / vnd sy genüg lassen bligen vnd gumpen / wañ wa nur ain böse pfeiff oder ro: in ainer orgel ist / die da mißdönt / die selb pfeiff oder ro: verderbet vnd verhönt ain gannze orgel / Also thünd auch dise menschen / yeder man nympt ain böß exempel von jnen Solliche menschen gleich ich nit allain dem schadros / oder den schaydschafften Ich gleich sy auch dem teüfel. Spricht d̄ weiß man *Eccl̄iastic̄i xxj.* Wer die straff hasset der ist ain füßstapf des sünders Bey dem sünders verstand / den bösen gaist des überschwancks halb / vñ gegen andern sündern zu rechen / dem ist gar gleich der mensch der da hasset die straff / als d̄ füßstapff vast gleich ist dem füß Der sünders / das ist / der teüfel / wañ er ist ain anfang vnd vrsprung der sünden / dartzu ist er ain vrsach des ersten sünders Adam / den der teüfel überwand / Der füßstapff ist dem füß gleich Also würt auch gegleicher ain sollicher mensch dem teüfel / der da in seiner böshayt verstopfft / verrücht vnd verhöret ist / den nyeman bewegē kan zu rüw oder erkantnuß sein selbs Die kōmen auch zu sollicher böshayt / das sy die tugent in jnen selbs hassen / sy hassen nit allain die die sy straffen / oder die jn güts sagen / sy hassen auch die tugent an jr selbs / darumb werden sy gleich

dem teüfel / der da alle güthait haßt / die seind widerspenig jren öbern Sy lassen sich nit pfeizen / sy widerschnallen allwegen / sy mögen nit ain wort geleyden noch vertragen / sy wöllent allwegen recht haben in allen dingen / sy wöllent kainer gehorsam vndergon / sy maynen allwegen man haiß sy zu vil / es ist kein demütigkayt in jnen / sy maynen die oberen solten in vndergon / als frauē vnd vermessen seind sy / will man sy straffen vñ jr vngheorsame / so fahen sy an die oberen zu beraffeln Sy sprechen Ja mütter priorin Ir solten mir vor gehorsam sein / vnd mir ain gütt exempel vor tragenn / so wolt ich es von eüch lernen / vnd wolt es denn auch thun Das ist warlich ain hüpsch argument / wenn es also stat / das die Priorin vnd die frau im hauß / thun müssen / das die jungen oder vnderthonen wöllent / so stat es wol / aber warlich nit vast Vnd wen der schülmaister thun müß das sein leerknaben wöllent / so ist es warlich ain hüpsches ding / Allerweil das du nit mit demütigkayt vndergast deiner oberkeit in gehorsam / vnd dich gedultigklich haltest in der straff / so hast du noch nit gnüg gebraten / das ist / du bist noch nit volkommen / aber wen du gehorsam vnd gelassen bist / so hast du das erst zeichn an dir / dabey man erkennen mag ob du gnüg gebraten bist / das ist / ob du volkommen seyest / Nun wolan. das ist das erst zeichen. ¶ Das ander zeichen / dar an man sieht ob das häßlin gnüg gebraten ist das ist / wenn man das häßlin auffschneider / das den das blüt gedrecket ist an dem flaisch / vnd kein blüt mer her auß geet Also wen das blüt / das ist / liebe des flaisches vnd blüts / von deinem hertzen abgetrückter vnd

im

pfeffer

dañen geton ist / das ist ain zaichn das du ain wol gekocht hertz hast / vñ das haßlin deiner seel wol gebraten ist /

Tun wolan / ain rechter christen mensch / vñ ain closter mensch / der also wol gebraten ist / das ist / wenn man dich aufschneidet / das du kein blüt meer gibst / du müßt abgerückt / net sein das du got ain lustlichs essen bist / denn hast du genug Wen du also getrücknet bist so stat es denn wol vmb dich / denn hast du kein flaischlich begird meer / denn fragst du nit nach zeitlichem trost meer / nit meer nach der welt / noch nach kainen zeitlichen dingen / die dich von got dem herzen mügen geziehen Wen du aber noch nit gnüg gebraten bist / das ist / wenn man dir dein hertz aufschneidet / vñ wärest du schon zehen oder zwainzig Jar in dem closter gewesen / so würd es dir noch als seer vñ als fast blütten als des ersten tages / dauon wenn man dich aufschneydet so sichst du wol das du noch nit gnüg gebraten bist / du hast got lang gedienet / du hast gefastet vñ gebeeret / bist zu capitel gegangen / vñ hast alle andere gücten werck gerhon / aber du bist noch blüt / vñ hast noch flaischliche begird. **T**un sprichst du / wa her Kompt es nu / das das blüt noch in mir steckt / oder die flaischlich begird noch in mir ist / ich hab doch got also lang gedienet / gefastet / gebeeret vñ gewacher. **I**ch antwurt vñ sprich / das es des teüfels gespennst ist / vñ dein hinlessigkait / das du dir kainen gewalt antün wilt. **W**ir lesen Lucce am xij. capitel. Do die Gallileischen wolten die thier got opfferen / do schlug sy Pilatus zu tod / vñ müscher it blüt vñnder das opffer der thier Pilatus bedeuert den teüfel / wañ Pilatus ist als vil gesagt in latin / als /

Ds malleatoris / das ist / der mund oder das bainn des hamerers / vñnd der böß gaist wirt durch Jeremiam genant der hamer des gannzen erdreichs. **B**ey den Gallileischen verstand closterleit / die von der welt ziehen auß **E**gipto in ain closter / in ain abgeschaiden leben / wann Gallilei ist als vil gesagt / als die hingedert **B**ey dem opffer der Gallileischen / verstand / übungñ vñ closterwerck darein würt das blüt vermüschet durch den Pilatum den teüfel / weñ man flaischlich lieb hat / das man solt gaislich liebhaben / vñ weñ die / die da solten glorijern im gais vñ zeügnuß irer conscientz / glorijern in vñ blüt Sollicher closter oder gaislich menschn die da das blüt flaischlicher liebe vermüschet in das opffer irer werck seind dreyerlay. **D**ie erstñ seind die sich des adels irer eltern überheben. **Z**u dem ersten so überhebest du dich der üppigkait / das du bist von grossem geschlecht / von güctem adel / vñ wilt des berümpft sein **A**ch ich bin von ainem gücten alten geschlecht / vñ yederman müß wissen das du edel bist / man müß wissen das dein vatter ain ritter ist / vñ wenn dein freünd in die ee Komen / so sitzest du denn vñ richtest auß ob sy sich erhocht oder ernidert haben / **K**urtz / man müß wissen wer dein geschlecht ist / **B**ringest du nur ain schüssel in das closter die dein zaichen hat / so sprichst du / nyeman soll mir das zaichen ab tün sy ist mein gewesen / ich hab sy von meinen freünden / vñ darf sy dan nyeman vor dir brauchen / vñ was von deinen freünden im closter ist / das ist allwegñ besser dan ain anders / was man sagt so zeüchst du allwegñ dein geschlecht herfür / du wilt besser sein dan mannderleit. **A**ndraus **E**c ij

wen/ich bindennocht von ainem bes
fern geschlecht dann die vnd die/von
stammen vnd von namen/ es ist gar
ain kostliche sach darumb/Du tho-
retes schaff/du wilt deiner freünd
ere haben/ es wäre dir erlicher das
deine freünd dein ere hetten/das du
wärest ain volkomen mensch/dann
das du jr eer wilt haben/was überhe-
bert sich das wurm nest/das es auff
dem apffelbaum steet oder daruff ge-
wachsen ist/es hatt sein kain eer/es
verderbet wol den gannzen baum/
Oder was überhebet sich das wasser
schoss/das es vmden an dem baum
stat Oder was überhebet sich d swam
das es an dem nußbaum stat/er hatt
sein kain eer/Also wenig hast du sein
och eer/das du von ainem güten ge-
schlecht bist/wenn du nit selber güte
bist/Thü du recht vnd fleiß dich re-
chter tugent das du die überkomest/
das du dardurch werdest ain eer dei-
nes geschlechts/Also hat getonsant
Thomas de aquino/der selb het sein
nes geschlechts kain eer/aber sein ge-
schlecht het sein eer/darumb das er
was vnd ist ain liecht der gannzen
Christenheit/Er hatt geleichtet in
sein geschlecht/vnd sein geschlecht
nit in in/Also ist christus Jesus des
gannzen Israhelischen volcks glory
vnd eer gesein/als Symeon sprach/
Lumen ad reuelationem gentium et
gloriam plebis tue Israel. Ain liecht
zü offenbarung der hayden/vnd ain
glory deines volcks israhel. Du magst
nymer zü ainem rechten gystlichen
stat komen/du werdest dann also vol-
komen/das dir deine freünd nichts
meer zuschaffen geben. Hör was der
herr spricht durch den Propheten.
Gang auß von deinem land/vergifs
deines volcks/vergifs deines geschle-
chtes. Nun wol an/das seind die er-

sten die das blüt vnder die werck jr er
opffer müschen/die sich überheben/
das sy seind von grossen geschlecht/
Dise haslin haben noch nit gnüg ge-
braten/das blüt stecket noch in inen
sy seind noch nit gnüg abgetrücknet
Die andern clostermensch die
das blüt vermüschen vnder das op-
fer jr er werck/seind/die da liebhas-
ben flaischlich/das sy gaislich soler-
ten liebhaben Es seind die/die da jr
flaischlichen freünd zu vil liebhaben
Es seind die menschen die sich nit
überheben jres geschlechtes/all die
ersten/sy süchen nit glory vnd eer in
jren freünden/also das sy sich freü-
wen das sy von adel oder von grossen
geschlecht seind/oder von grossen
gewalt her seind/sy dürffen sich des
selben nit überheben/sy seind von
schlechten leütten/aber das hertz kle-
bet in sunst noch an jren freündn mit
flaischlichem anmüt/sy fragen stacs
nach inen/denn fragst du was das
mütterlin thüt/denn was das mün-
lin thüt/vnd hast denn geren das sy
zü dir komen/denn heüt/den mon/
vnd wistest zü allen zeiten gern was
sy thäten/du süchest allen trost bey
deinen fründen/wenn das mütterlin
an das redenster kompt so spricht
du Ach liebes mütterlin/wie geet es
dir/so spricht sy den/es geet mir wol
Liebs kind wie geet es dir/vnd wenn
das haslin zü dir kompt so spricht
du/Hayliges creüz/wie seind jr so
lang nit bey mir gewesen Denn fra-
gest du nach allem dem das da gesteu-
bet vnd gefleücht/nach ihenem vnd
nach disem/vnd wile alles das wissen
vñ erfaren das vmbvndvñ geschichte
vnd hatt dein geschwätz nymer kain
end/Alle weil dir das hertz also klebe
so bist du noch nit gnüg gebraten/
das haslin hat noch nit genüg/das

blut steckt noch in jm / weñ es aber dar
 zu kompt das du nit mer nach deines
 freunden fragest / got geb sy komen
 zu dir oder nit / über ain jar oder ain
 halbs / du fragest nicht darnach / du
 hast dir selber außserwölet zu ainem
 vatter vnsern herin Jesum christum
 der dein obrister vatter ist / der dich
 getrösten vndergezen mag / meer we-
 der alles das / das du verlassen hast /
 Wenn du also bist so steer es wol vñ
 dich Des hat vns ain exempel geben
 vnser herr Jesus christus / do er
 hieng am stam des hailigen creüßs /
 do er wolt schaiden von diser welt /
 do befalch er sein liebe müetter / sant
 Johannsen dem ewangelisten / das
 thet er vmb vnsern willen / vñ vns
 zu ainer leer Darumb wenn du han-
 gest an dem creüß / das ist / wenn du
 dich got er geben hast / vñ bist einge-
 gangen in ain closter Du hangest an
 dem creüß aines penitentiichen le-
 bens / demsoldest du dich keren von al-
 len zeitlichen dingen / vñ dein freünd
 vatter vñ müetter / brüder vñ schwe-
 stern / Johanni / das ist / der genad
 gotes empfeln / vñ dich jr nit meer
 annemen / dann souil das du got den
 herren für sy bittest / vñnd ganng jr
 müßig / sy gond dich nitte meer an /
 nym du gottes des herren war / Also
 sprach auch got der herr dort auf der
 hochzeit zu seiner lieben müetter / do
 sy sprach / Sun sy haben kein wein /
 do sprach der herr / Weib / was ist es
 dir vñd mir / als ob er sprach / Was
 hab ich mit dir gemain dann mein
 menschlich natur Also thü du auch
 lass die welt vñd was darinn ist / Al-
 so spricht auch sant Bernhart. So
 lang wir der welt seyen so müssen wir
 pflichtig sein vnsern ölttern So wir
 aber vns selbs verlassen vñd überge-
 ben haben / so seyen wir vil meer jr

ledig auff das wir vns keren mögen
 zu got vñd gaislicher übung Wenn
 wir aber von der welt seyen / vñd sy
 vnns noch an dem hertzen klebet / so
 seyen wir gleich den hundn den man
 nit gnüg verschnitten hat / vñd sy nit
 recht gehaylet hatt / das gail flaisch
 steckt noch in inen / das ist / sy hond
 noch flayschlich begird / es ist noch
 nit gnüg gebreut / du bist noch nit
 genüg gerücknet bey dem feür / du
 wilt als das blut nitte gantz auß dir
 selber lassen / das ist / du wilt als stacs
 dir selber nachlassen / vñnd ain dau-
 ren mit dir selber haben Es war vil
 wäget du thatest dir selber gewalt
 an vñd brachest frischlich hindurch
 vñ brachest dir selber ab / ain jar oder
 zwey / dann das du also anhin geest
 vñd dir das hertz ymermeder blüret
 vñd kompst nymer zu friden. ¶ Die
 dritten menschen die da das blut flas-
 schlicher liebemischen vnnder das
 opfer irer werck / seind / die da zu gü-
 ten wercken treibe flaischlicher an-
 müet / was sy tugentreicher werck
 thün wie sy genant seind / ob sy schon
 got treibe vñd ain rechte maynung /
 noch so müscher sich ewigklich dar
 ein flaischlichs / das sy nitte treibt /
 vñd gefelt vñnd vermüscher sich der
 güten maynung / wiewol man sein
 nit warnympt / Inengeschichte eben
 als denen menschen / denen kein müß
 schmact / es sey dann mit flaischbü-
 gekocht / es sey wie gütes wöllan jm
 selbs / Also wenn dise ain güte werck
 thün sollen so haben sy nitte lust darin
 es sey dan etwas flaischlichs anmü-
 tes darbey Ain güte werck / als da ist
 gedulrig sein / übersehen deinem nä-
 chsten / predig hörn / allmüßen geben
 zc. das gleich ich ainem müß / allain
 des namens halb / wann zu sollichen
 tugentreichen wercken müß ain men
 Ec iij

sche sich zwingen vnd müßigen/wan
 sy kommen ain mensch an anfang
 nicht leicht an/er müß im selbs gewalt
 anthun Das reich der hymel leydet
 gewalt (spricht der her: vnd die port
 ist enng/vnnd der weg schmal/ Dis
 müß tugentreicher werck schmacket
 selten on flayschbrü gekochet. Nun
 wol an/du wilt güte werck thun/du
 wilt das müß essen/ Ich müß müß
 essen/ es müß aber gesalzen vnd ge
 schmaltzen sein/dir gannng zu han
 den was es wöll. ¶ Du sprichst Ich
 müß mich leyden/vnnd müß das
 müß der gedult essen/gedult üben/
 Nun wol an/du wilt das müß essen/
 du hast etwas gethon/du müßt dich
 lassen straffen/du müßt das müß es
 sen/es ist aber mit flayschbrü geko
 chet/ Ja sprichst du/das mensch ist
 mir als lieb/thät es mir wais was/
 ich künd nicht zornig über sy sein/es
 thū mir was es wöll Du leydest die
 straff gern vmb dein gebrechen War
 umb: das mensch ist dir lieb/dar
 umb leydest du sy geren von im/du
 sprichst Ich möcht sy nit von ainem
 andern geleyden Dis ist alles mit
 flayschbrü gekochet. ¶ Item du wilt
 gehorsam sein vnnd ain güte werck
 thun/lüg ob es nit mit flayschbrü
 gekochet sey/dich bewege zu der ge
 horsame flayschliche liebe/du thüst
 was dem menschen wolgefelle War
 umb: er ist dir lieb/es haiß dich was
 er wöll/so ist es dir nit schwär/es
 kompt dich nit saur an. ¶ Desglei
 chen wenn du ain ampt thüst das dir
 beuolhen würt/so sprichst du/ Ich
 müß das ampt thun/du müßt müß
 essen/du müßt das ampt thun Aber
 das müß ist mit flayschbrü gekochet/
 du sprichst Ich will es mit kainer
 andern thun/denn eben mit deren/
 sy ist mir lieb. ¶ Desgleichen wöl

che dir lieb ist/die ist on gebrechen/
 vnd ist ain solche geschickte ernsthaf
 tige schwester/vnd hat ainensolchen
 hübschen wandel/vnd ist so ainer
 sam mensch/was sy thut das steet
 ir wol an. ¶ Desgleichen auch her
 aussen in der welt/du wilt etwas
 güts thun/du hast ain kind in ain
 em closter/du sprichst Ach ich müß
 den güten frauen auch etwas güts
 thun/du wilt das müß essen/du wilt
 das güte werck thun/du sprichst/ich
 hab mein kind darinn/vnd hettest
 du dein kind nit dinnen/du thatest in
 nymmer nichts güts. Nun sprichst
 du Soll ich meinem kind nichts in
 das closter geben: Ich sprich Es ist
 güte das du etwas in das closter gibst
 als fer: das dein maynung güte ist/
 allso das du das nit deinem kind zu
 aignen wilt/besonder so es sein nit
 bedarff Aber das beuelhen der prio
 rin/vnd ir haym setzen/das sy es geb
 deiner tochter/oder ainer andern
 die sein nordürftiger wär Nit das
 du sprechest Wißt ich das man es nit
 meinem kind ließ/ich gab es im nit
 Wenn du es nit yederman (der sein
 meer nordürftig ist weder dein kind)
 als wol gönneft als deinem kind/so
 ist dein maynung falsch/wann dis
 müß/ist mit flayschbrü gekocht/wan
 dich zeühet der flayschlich anmüt/
 den du hast zu deinem kind Kurz du
 thüest was du wölltest so müß ymmer
 meder flayschbrü darbey sein Es sey
 en die weltlichen heraussen gegen den
 gaystlichen dinnen/oder herwider
 umb/die dinnen gegen den herauf
 sen/so verlaufft sich alles das damit
 ¶ Item wenn dann die lieben beicht
 uäter an das rad kommen/oder vil
 leicht in das beichthaus/dadie vor
 beicht vñ die nachbeichte lenger sind
 weder die recht beicht Ach so ist es

L. 1111

der allerliebste vatter Ich hör in alle
recht gern reden Ich weiß/er ist als
ain rechter anmütiger mensch/Es
seind die lieben lehrmayster/es seind
die lieben Baccalarien/es seind die
würdigen maister Desgleichen sprü-
chest Ich sich den vatter alle recht
gern meslesen/im steer sein ampt als
recht wol an/er liser die aller ander-
chrigisten messen Ich hör sy lieber
von im dann von ainem andern/vnd
lügest denn zu ob er weisse hend hab/
vnd lanng finnger Es ist alles mit
flaischbrü gekochet/darumb schma-
cket es dir alles wol/Denn so beicht-
est du so gern Ja sprichst du/käme
der beichtuater hinweg/ee ich ainem
andern beichten wölt/ich wölt ee
das mich der reißel holt/im ist so gut
zu beichten Ich weiß seines gleich-
en nit/ich möcht es gantz nit erley-
den das er hinweg käme/Stürb er
dir dann so wär es mord in allengas-
sen Ja sprichst du/Ich wölt das ich
in im vergraben wäre/vnd ist angst
vnd not in dir/diñ müs ist alles mit
flaischbrü gekochet. ¶ Desgleichen
beichrest du auch ainem lieber dann
dem andern/Es seind etwan die
lieben beichtuater herausen in der
welt/es seind die lieben lütpriester
oder pfarrer vnd mürling/die die
lieben beichtöchtern habñ Es seind
etwan die jungen frawen/die alle
mann hond/zü denen gond die selben
vatter gern haymin die heüser/sagen
vnd raten jnen/vnd schreiben in ain
büchlin Wa die alten witwen seind
da ist es nit der grund/da hatt es
ainen andern falschen grund/man
hat die selben lieb zü der seitten da der
sectel hangett Es müß ain beichte-
uater in sichselbs gon vnd gedencñ
ob er anmütiger vnd williger sey
beicht zühören ain frawen weder ain

man/oder lieber hör ain junge fraw
weder ain alte/oder lieber ain gaisli-
che person dan ain weltliche/oder ain
schöne wolgestalte weder ain vnges-
talte Desgleichen/ob ain frawenbild
lieber beichte ainem jungen glatten
münich oder pfaffen dan ainem alten
wadie maynig also flaischlich ist vn-
nit endelich got angesehen würt so
ist es falsch. ¶ Nun sprichst du Ach
das ist nit mein maynung Got ist
mein maynung darinn/nun ist ain-
em doch ain hüpsch mensch dem
ain ding wol an stat/annüter dann
ain vngeschaffens dem ain ding übel
an stat/Es spricht doch ain leerer/
Gratior est pulchro veniens e corpo-
re virtus/Verum quidem gratior
est/sed non ideo tutior/Ja du sagst
war/es ist annütiger/es ist aber
nit sicherer Du sachst es in güterer
maynung an Es fahet an im gayst
vnd endet sich im flaisch Es fache
an im Credo in deñ/vnd endet sich in
Carnis resurrectioem Ja sprichst ich
glaub in gott/du empfachst grosse
andacht/was volgt aber hernach/
wenn du von dem menschen kompst
so gedencñst du/wie er gewesen ist/
wie hüpsch vnd wolgestalte/vnd wie
er geredt hat/das bringet dir wenig
nutz Das müs ist mit flaischbrü ge-
kocht. ¶ Was meer? Du bist her-
ausen in der welt/du wilt müs essen/
du wilt ain werck der barmhertigs
kayt thün/du wilt den siechen dies-
nen/du wilt zü den siechen gon vnd
wilt sy besehen/was ist aber daran?
diñ müs ist mit flaischbrü gekochet/
Du hast etwan ain baslin oder ain
mümlin/du geest zü men/wär es aber
nit dein baslin oder mümlin du gien
gest nimmer zü im/lag es schon in
todsnöden Oder wenn die reichen
siech seind so kompt yederman zü im/
Es iij

Sy hond allwegen ainen zügang / als auff ainer kirchweyhe / vnd wenn in etwas gebüßter so ist angst vnd not / vnd lauße yederman zu / wenn aber ain arm mensch da ligt vñ sein nordürffrig wår so kompt nyemant zu im / man last es ligen Warumb? es ist ain arm mensch / man trauwet seinnit zu genießen / das ist das bloß werck der barmhertzigkayt so man kain aignennutz dauon wartet / Du geest zu yederman vnd haischest im / allain darumb das du deinen seckel nit darffst auff thün / da her kompt das die selben reichn erwan also vmb gond vnd haischen den siechen Warumb? die conscienz beisset sy / das sy die armen menschn sollen lassen man / gelleydñ / darumb so gond sy vñ weisen yederman an / das sy nit dürffen in iren seckel greiffen. ¶ Das dritte stuck daran man sieht ob das haislin genüg gebraten ist / das ist / das sich das flaisch schelet von dem bain Also muß ain yeglicher rechter Cristen mensch vnd ain clostermensch das flaisch schelen von dem bain Wenn ist das? das ist wenn du begerest das der tatsack sich schaid von der edlen seel das ist / wenn du begerest zu sterben / darumb das du kommest zu got dem herren / nit darumb das du maynest das du deines leydens abkommest / Nain / dasselb ist falsch / du müst es allain thün das du begerest zu rüwen in dem felsen bey got dem herren / vnd nit meer begerest in diser welt zu sein Vnd sprechest mit begirdñ / mit sant Pauls. Cupio dissolui etc. Ich beger das mein flaisch sich schöle von dem bain / vñnd das ich müg wonen bey Christo. Ainen sollichen güttren grund vnd fürsaz hatt ain volkommen mensch / aber nit der / der nit genüg gebraten ist / das ist der / der die

welle noch nit verlassen hatt / Ich sprich / Wie dem weltlichen flaischlichen menschen widerig ist der tod / also begirig ist sein ain güter mensch wenn er den willen hat gerhon seines herren / darumb begeret er außgelassen zu werdñ von dem kercker seines leibs / vnd wartet des tods mit begiriden Wenn ain vögelin in ainer stuben beschlossen ist / wenn es kompt zu ainem fenster so stretchet es das haislin vnd wår gern hinauß / wenn denn das fenster nur ain wenig außgeet / so vñnderstat es hinauß zu kommen. Also ist auch ainem gaislichen menschen / das stirbt gern / er waist wol das er seinen schatz hat in dem hymel des er vor got genießen mag Er fröwet sich das er faren soll von diesem wütenden leben in die ewiger rüw vñ freud / wann er getrauet got das er im auß seiner grundlosen grossen barmhertzigkeit sein sünd verzeihen hab / vnd in seiner güttren werck belonen will mit ewiger seligkait. Ainer der in ainem thurn ligt vmb vñschuld / der da waist das er den tod nit verschuldet hatt / der freüwet sich wenn er hört das man den thurn außschleüßet / vnd geet mit freüden her außser Also freüwet sich auch ain gaislich mensch / wenn er soll faren vñnd diser welt / des gleichen wenn ain hund beschlossen ist / so winglet er / vñ wår gern auß zu seinem herren Also thünd auch die güttren menschen sy wingeln zu got irem schöpffer / vñnd wartens allwegen wenn er kómen wöll / vñnd sy außlassen / Aber herwiderumb ain böser mensch / ain dieb / ain schalck / oder ain möder / der erschrickt allwegen wenn der thurnhüter kompt vñnd den thurn außschüßet / er fürcht der hencker werd in empfaßen / man wöll in verurtailennachdem als er verschuldet

hab Also erschrecken vnd besorgen sich die bösen sündigen menschen/die jr leben in aller böshayt vertriben hond/die fürchten das streng hört vrcall/jres strengen richters/sy haben kein hoffnung zu got/sy erschrecken vnd entsetzen sich jrer hinfart/Aber der güte mensche/der getrauwert vnd hoffet zu got seinem herren/das er in nit laß/des gleichen freuwer er sich/das er soll faren von dem grossen gerimel diser welt/vnd soll kommen zu der rechten rüw/Er ist fro das er kompt auß dem wütendn mör an den sichern staden ewiger seligkait Amen.

¶ Man muß das haslin in ainen pfeffer machen.

Jedreyzehent aygenschafft des haslins ist/das man es in ainen pfeffer machet/wenn das haslin also bereit ist/gefotten vnd gebraten/als ich gesagt hab/vnd genüg hatt/so ist es recht in ainen pfeffer Darumb so ist mein maynung yetz zusagen/wie man es in ainen pfeffer machen soll/vnd wie der pfeffer sein soll/vnd das würt die dreyzehent aygenschafft des haslins werden. **¶** Nun sprichst du/Was ist der pfeffer? Es ist das closter/Was gleichnuß hat das closter mit dem pfeffer/vnd warumb gleichest du das closter ainem pfeffer? Umb sibnerlay vrsach willen. **¶** Zu dem ersten/der pfeffer wirt gemacht auß manigerlay specereyen/das ist/auß vil gewürtz/auß zymet/imber/nege lin/pfefferkömmlin/die selbñ specerey allesampt werden vnder ainander gestossen/vermüschet vnd geschüt/vnd würt ain würtz darauß/Also ist auch das closter lebñ zusammen gesetzt

von vil stucken/das seind alle ordnungen die in dem closter seind/gleich als vil pfefferkömmlin vnder ainander gestossen werdñ/vnd würt ain ding wennes gestossen vnd geriben würe Davon auch der pfeffer den namen hatt das er ain pfeffer haisset/Also ist es auch mit dem closter Als manig ordnung vnd stuck/als manig pfefferkömmlin Was seind die kömmlin Es seind alle außgesetzten ding vnd geschicklichkeit des closters Es seind die hohen mairren vnd schloss/Reuental/Creügang/der dormenter es ist die regel/constitucion/es ist der Prouincial/beichtuater/Priorin/vnd wenn man visitieret/was man neuwes außsetzet Dis seind starcke pfefferkömmlin ainem vnwilligñ menschen/sy bizeln vnd beissen in Was pfefferkömmlin meer? Es seind die disciplinen im cagitel/venien machen wenn aine die andern betrübe/zü mettin außston/beeten/vasten/beschlossen sein/vil thun das du nit gern tust Dis seind scharpffe pfefferkömmlin/dise pfefferkömmlin bizeln vnd beissen übel/Was meer? Das groß pfefferkömmlin/das ist die priorin Sy müssen alle ain priorin haben/hatt sy die aingern/so hat sy die ander nit gern Es seind erwan dreißig oder vierzig in ainem closter/sy seind nit all ains syns/ainer gefelt dis/der andern ihenes/es ist kaum möglich das ain priorin gleich ainhelllich erwölt werd es seind zü dem minsten sechs oder sieben die sy nit geren hond/den selber gefele denn alles das nit das sy thut Das achtent pfefferkömmlin/sy müssen all ainen beichtuater haben/dem müssen sy beichten sy seyen geschickt oder nit gegen im/sy seyen im hold oder veind/Ob es aber nutz bringet das man ains allwegen zwingt ain

beichtuater zu beichten / das waiss ich
 nit / ich kan es nit glauben / wenn es
 aber aine allwegen erbeiben wolt / vnd
 ymmermeder vrlob wolt nemen ai-
 nem andern zu beichten / das selbig
 war auch nit gut / Aber das man all-
 wegen aine zwinngen will ainem zu
 beichten vnd nymet erlauben / das
 selb bringet zu zeiten nit vil nutz /
 wer waiss was yederman an ligt /
 Was nutz darauß kompt / das wiß
 sen die wol die es befunden haben / es
 gefalt mir nit. Was meer: das man
 kain gewand soll zu aigen habn / das
 ist auch ain pfefferkönlin / man soll
 ain gemaine gewandkamer haben /
 vnd die klaiden alle in der gemain ha-
 ben / wa das nit ist / da ist kain refor-
 macion / Nun wolan / nun hast du
 wieder pfeffer auß vil speter ey vnd
 pfefferkönlin gemacht ist **D**ie an-
 der eigenschafft des pfeffers ist / das
 er darff güetter maister schafft / das
 man in nit zu räs oder zu liederlich
 mach / zu leins oder zu fast gesaln /
 zu faist oder zu mager zc. Auch das
 man in recht anricht / Also ist auch
 fast not beschaydenhait in dem obern
 das er den pfeffer der regel / der con-
 stitucion vnd annder ordnungn / ver-
 nünfftiglich dar raiche / vnd auß red-
 lichen sachen nachlaß vñ dispensier
 vnd nit on redlich vrsach von der re-
 gell vnd constiucion weich / auß
 mitwill der vnderthon / oder irer vn-
 vngestümen bitten vnd anligen / son-
 der das guldin mittel in allen dingen
 behalt / vnd so vil es dient zu der liebe
 gots / nachlaß oder an sich halt / wie
 das gehalten mög werden / leret sant
 Bernhart / in de dispensatione et pre-
 cepto. vnd Gerson in sex lectionibus
 Sollain beichtuater künden / vñ die
 priorin vnderweisen wie sy sich hal-
 ten soll / also das der pfeffer des clo-

sterlebens recht temperieret werde /
 durch vernünfftige beschaydenhait
 vnd wenn man den pfeffer also rechte
 behaltet / so würt er yelennger yebes-
 ser / Wenn man den pfeffer sauber be-
 halt vnd in wider wörmet so würt er
 ye besser weder do er erst frisch ge-
 macht was / wañ die würz temperiez
 ret ye baß vnd durchbeisset den pfe-
 fer vnd das wildprät / Also ist es
 auch vmb ain closter leben / wa man
 es rechte halt so würt es yelennger ye
 besser / das stat zu der priorin / beicht-
 uater vnd prouincial / das sy nicht
 lassen abgon / vñ rechteordnung hal-
 ten / Darumb müß ain gaystliches
 leben wol gepfefferet sein / Der pfeffer
 ist gut an im selber / das wissen ir wol
 Also ist es auch vñ ain closter / wenn
 man es rechte halt als es sein soll / vñ
 ain mensch ainen güten grund in im
 hatt / der sündet selten tödlich / wie
 soll man aber den pfeffer rechte tem-
 perieren: das selb ligt an der priorin
 Sy soll lügen das er weder versatz
 ennoch verschmalgen sey / das ist / sy
 soll lügen das sy weder zu hart noch
 zu nachlessig sey / sy soll nit allwegen
 an sich halten / so soll sy auch nit all-
 wegn nachlassen / Also wenn aine kam
 vnd sprach / müter priorin / erlaube
 mir das / das sy denn gleich Ja / dar
 zu sprach / vnd nit ligt ob vrsach da
 sey oder nit / Der pfeffer müß rechte
 temperiert sein. Wer ist der Koch:
 Die priorin / Beichtuater / Prouin-
 cial / Es ist nit da mit außgerichte
 ymmerdar zu erlauben / ymermeder
 nachzulassen / darauß wirt kain dis-
 pensatio / sonder ain dissipatio / das
 ist / ain zerstückung der gaislichayt /
 Darumb soll die priorin vmbichtig
 sein / das sy lig wa nachzulassen ob zu
 erlaubn ist oder nit / man soll beschay-
 dne / erfahren / gotsfürchtige / erübet

menschen darzünemen/ die da erlūbt
seind in tugenden/ vnd wissen was zu
thūn ist oder nit/ vñ wissen disen pfeff-
fer an zurichthū/ vnd auß zuraylen/
vnd yeulichem für zusetzn das im not
dürfftig ist. Der visitator oder Pri-
orin wöllen den allwegen erlauben
flaisch zu essen/ oder anders zuthūn
Wen ain solche zu dir kompt vnd vr-
laub bey dir nympt/ ist nit ain red-
liche vrsach da so solt du es nit thūn
Darumb darff man wol sorg zu sol-
chen dingen/ es ist nit allwegen dar
mit außgericht. Wolan liebs kind
Ich erlaub dir das/ Es gehöret bez-
schaydenhait darzū. ¶ Nun wolan
Solche ding die also gesezt seind/
als keuschayt/ gehorsame/ willige
armüt/ die ist man schuldig zu halt-
ren bey tod sünden. Aber die andern
stück nit also/ die man nit bey tod-
sünden schuldig ist/ souil das man sy
auch nit mit frāuel ond verachtung
übertritt. Wen sich aber aine über-
sicht/ es sey mit schweigen brechen/
als vmb das erst/ ain Miserere/ vñ
das ander auch also/ vmb das dritt
als vor. Vmb das vierd wissen sy wol
was sy thūn sollen. Darinn muß ain
oberer gar wol für sich sehen/ das er
im weder zu vil noch zu wenig thū/
darumb darff sy wol das sy got bitt
das er jr zu regieren gnad verleich.
¶ Die dritt eigenschaft des pfeffers
ist/ das er an jm selbs güc ist/ vnd ge-
sunnd/ der in recht brauchet/ wer in
aber mißbrauchet/ dem schadet er. Al-
so seind auch dise ordnungen vñnd
das closter leben nütz vnd güc ainem
gütwilligen menschen/ Aber ainem
böswilligen menschen seind sy schad
wan er brauchet sy zu seinem verder-
ben/ vnd laße es im nit dienen zu sei-
nem nütz/ er brauchet sy nit als er sy
brauchen solt. Er machet jm selber

die erzney zu ainem giffte/ Ja im ist
alles das schwär das man anfacht/
Darum ist im der pfeffer/ das ist das
closter/ verderblich vnd nit gesund/
Aber wa ain gütwilliger mensch ist
dem bringet es vil nütz/ wa man es
haltet als man es halten soll/ vñ der
ordn inhalte. Nun sprichst du/ was
nützes hab ich darvon/ das ich im
closter bin/ was frucht entspringet
mir darvon? Dise neun nütz oder
fruchte hat ain mensch der in ainem
recht reformierten closter ist. ¶ Die
erst frucht oder nütz die im dar auß
entspringet/ das ist/ Er lebt lautter/
licher dann in der welt/ er lebt keusch
vnd rain/ wan er hat minder vrsach
zu solchen sünden/ vnd hatt meer vrs-
sach/ keuschait vnd rainitait zu hal-
ten/ wann er hat sich verbunden mit
der gelübte keuschait vnd rainitait
zuhalten/ vnd seind im vrsach der
vñkeuschait entzogen. Auch des geiz
halb von wegen der glübt der armüt
Vnd der hoffart halb von wegen der
glübt der gehorsame. ¶ Der ander
nütz vnd frucht die der mensch dar-
von hatt das er in ainem closter ist/
das ist/ der closter mensch feltt seltner
Er feltt nit als bald in sünd als die
wellichen/ wann er hat nit als vil
vrsach vñnd gegenwurtff zu den sün-
den als in der welt. ¶ Die drit frucht
vnd nütz/ Er stat bald wider auff/
man laße in nit ligen/ man gestat-
tet es im nit/ die Priorin wecket in
wider auff/ durch die büß vnd straff
¶ Der vierd nütz vñnd frucht/ Er
wandelt behütsamer/ das thūt/ man
sicht im auff die eyßen/ er muß allwe-
gen in forchten sein/ das er eet was
thū darumb man in straff/ er würd
meer getriben zu gütem/ er muß für-
faren/ man er eibt in ymerdar für vñ
für/ man laße in nit still ston/ er muß

beichten vñ beeten / vnd müß zu dem Sacrament gon / er müß gute werck thun / Ain mensch heraussen in der welt / das geet etwan zum jar kaum ain mal zu dem Sacrament / aber im closter müß er zu dem sacrament gon / etwan dick im jar / die priorin gestattet es im nit / vnd darzu auch der beichtuatter Sy sprechen zu im Warumb beichtest du nit / wilt du ain neüws anhaben Aber ain mensch das haussen in der welt ist das thut was es will / im rede nyeman darein Ja ain mensch der in ainem closter ist / der waißt allwegen was er thun soll / er würt nymer müßig / er hat allwegen seiner gehorsam war zu nemen Aber ain mensch der in der welt ist / vnd kein ordnung hat in seinen wercken / der geet also anhin / ee er gedencet was er angreifen will / so ist der tag hinweg Der mensch der da hat gewont gutes zu thun dem würt es leicht / er thut darnach selber recht vnd würt im ain lust vnd ain freud Aber der mensche den man allweg zwingen müß zu guttem / vnd recht zu thun / das ist böß / Man spricht / Es ist ain böser brunn darein man wasser tragen müß. ¶ Der sinnste nutz ist / das der clostermensch rüwer sicherer / er ist frey der doimbüscheln darauff die weltlichen sitzen in angst vnd not / zeitlichs gewalts / liebe der freünd vñ weltlicher vnmüß. ¶ Der sechste nutz ist / das er offer betowee würt durch hymelisch gnad vñ trost vñnd thut das / das er gegen hymelischen dingen aufgethon ist in seiner verstantniß durch demüt / in seinen hertzigungen durch raynigkeit / in seinen wercken durch warhait / Die dreü fenster seind in im offen gegen got / alsich das weit vñ brayt gesagt hab in andern predigen. ¶ Der si

bend nutz vnd frucht / der mensch der in ainem closter ist / der würt ee gerayniget von seinen sünden / dann in der welt / vnd ist das / vmb gaystlicher übung willen / vmb bleiblicher übung willen / vmb handelicher werck willen / Auch würt im vil gnad mit getailt vnd ablaß / den der orden innhalte Besonder weñ aine profess thut / so würt sy gerayniget von allen iren sündn / als kam sy erst auß dem tauß ¶ Der acht nutz vnd frucht ist / der clostermensch stirbt verträulich vnd sicherer / vnd thut das / vili der guten werck / wenigkait der sünden / vnd seltsamkait der irrungen / er hat gar wenig irrung im closter weder in der welt Solt ain mensch nit mer vertrauens haben / der da vnbekümmert vnd vnbehengt ist mit allen zeitlichn sorgen / dan ain mensch haussen in der welt / das weib vnd kind züner sorgen hat / vnd das zeitlich gut / Ain mensch in ainem closter der darf kein sorg haben für das zeitlich gut / vnd wie er sein kind versorg / vnd im selber ain Testament mach / er hat nyemanz züner sorgen oder hinder im zulassen / der in gehinderen oder gerirren mag / sein testament ist gmacht Darum sterben sy sicherer in den closter dan heraussen. ¶ Der neünd nutz oder frucht ist / der clostermensch der got dem herren seinen dienst verharlich volbringt vntz an das ennd / der würt meer belonet von got dem herren in ewiger seligkeit / dan ain mensche heraus in der welt Solt en nymer lonen haben dann die heraussen das wär doch vnglaublich / so sy verlassen lust vnd freud / ere vnd gutt in der welt / vnd so vil absterben irer naturen müssen thun / Vñnd got dem herren so gerreulich anhangen / das sy sich darzu durch glübe verbundn

haben. Got der herr laßt es in nit vn-
belonet / mit sonder er freud in ewiger
seligkayt. Dise Neün fruchte setzet
Bernardus. Ain yettliche bedö: ist
wol ainer besondern predig / solt ich
sy auflegen / nach dem als yettliche
frucht inhalt / Ich hab aineß neün
predigen daruon gethon zu den Neün-
weren zu Straßburg / aber ich müß
es yetz zu den orten einschlahen Es ist
mein maynung yetzund nit darauß
zu ston / wölte ich mich lassen ziehen
nach dem als mir einfelle / ich herre
wol ain gantz jar an dem häßlin zu
predigen Ich müß ain ennd daran
machen / ich willes in diser Predig
aufrichtn. Die vierd aigenschaft
des pfeffers ist / wie güte der pfeffer
an im selber ist / so würt er doch et-
wan verhönt oder verderbt / durch
böß stinckent faul flaisch / das man
darein thüt / das verderbet denn den
pfeffer / gang / das man nit gern dar-
nach etwas güts flaysches darein
thüt / noch auch kein wiltpat / Wie
wol man das closterleben nit genug
gerümen oder gelobn kan / es ist noch
vil besser an im selber / so würt es doch
verhönet vnd verwüster mit bösen
leüten die in den selben clöstern seind
Es seyen reformierte oder vnrefor-
miert / wiewoll es meer in den vnre-
formierten clöstern ist / dann in den
recht vn̄ war reformierten Es seind
auch etwan in den reformierten clö-
stern vngerüwig leüt / mitt den man
zu schaffen hat / die ainer gannzen
gemain ergeruß geben / wa man ain
rechte reformaz hat / da hat man ge-
nüg mitt den selben zu schaffen / wie
man sy tem / wann wo drey oder vier
seind / die machen ain gannzen con-
uent vngerüwig Aber wa die vnge-
reformierten clöster seind / da laßet
man yederman machen / vnd lauuffet

ains durch das annder / vnd geet auß
vnd ein als oft alls man will / vnd
straffet nyemant Dahüt dich vor / es
ist zu fürchten das da seyen vil hüren
vnd büben / wiewol sy sprechen Wir
haben doch sant Dominicus orden /
sant Benedictus orden / sant Bern-
harden / Franciscen orden Es ist war
sy hond in / sy halten in aber nit / In
solche clöster soll man nit jung leüt
thün / sy werden verhönt vnd ver-
wüster bey den anndern / die da aller
schalkhait vnd bosshait gewont hond
Die selben seind die bösen stinckendn
stück flaisches / die den gannzen pef-
fer verhönen / als in ainen stincken-
den pfeffer thüt man nit geren gü-
wildprat / dann es verdirbt auch bey
dem andern Also sprich ich / das man
nit junge vnshalckhafte kinder in
solche clöster soll thün / man soll das
güt nit zu dem bösen legen / ains würt
mit dem andern stinckn Daruon tün
die vnrecht / die da predigen / das man
kind in solche clöster soll thün / als et-
wan die vnreformierten münich pre-
dign. Ich sprich / alle die sind erzbü-
ben in jr haurt / die da predigen / das
man kind in solche vnreformierte
clöster soll tün / wañ es ist eyttel bü-
berey / Aber es ist nit also in den rechte
reformierten clöstern / da müssen sy
ordnung halten / vn̄ wen sy sich schon
übersehen so laßt man es in nit hin-
gon / sy hond gleich jr straff darüber
Nitt das man in reformierten clö-
stern nitt auch sünde oder vnrecht
thüt / sy seind nit alle so vollkommen /
man findt auch vil böser stück flaisch
dinnen / sy übersehen sich auch / man
straffe sy aber gleich darumb / man
schütter wein der straff über sy / vnd
baigt sy das inen der böß geschmack
vergang Wöllen sy aber daruon nit
sich besseren / so würffe man sy auß
ff

dem pfeffer/in den kercker/da gehö-
ren sy hin Das ist der vnder schayd
zwischen reformierten vnd vnrefo-
rmierten clöstern / In reformierten
clöstern übersicht man nichts / man
strafft vnd wöret das vnrecht / man
laßt es nitt weiter kommen / vnd wa-
man diß nitt thüt / da ist kain warliche
reformatz oder closter leben / Aber in
der vnreformierten clöstern da strafft
man nitt / vnd laßt yederman leben
wie er will Diß ist die maynüg Bo-
nauenture Wenn du ain kind in ain
closter wilt thün so solt du nitt all ain
warnemen was ordens oder regel sy
haben / du solt auch warnemen der
sitten des closters vnd der leüt die
darinn seind / wie sy iren orden halt-
ten / ob sy in volkomenlich vnd steiff
halten / vnd das solt du eigentlich er-
fahren / das du mügest dein kind nach
frümkeit vnd erberkeit versorgen /
das du es mügest vor got veran-
wurtten. Thüst du dein kind in ain
offen closter so geb dir got ain güte
nacht / vnd das ist die maynung Jo-
hannis Gerson über das Magnifi-
cat Wan es steet gar sorgklich vmb
ainen jungen menschen / wie frumb
er ist / der da in ain closter kompt da
man liederlich inn lebt / wan er würt
leichtiglich verkeret / Gleich alls es
ist / wenn man ainen tropffen malma-
syer in ainen grossen krüg mit essich
thüt so verleürt sich der malmasyer
vñ würt auch essich / Also ist es auch
wenn dein kind schon güte vnd vnuer-
schalcket ist / wenn es den zü sollichen
leüten kompt so würt es auch also /
die jungen münchlin vnd nünlin die
du machest die werden auch huren
vnd büben. Nun sprichst du / Was
ligt daran / es ist doch Bernharde
oder Francisser orden / es warn doch
vorzeiten auch böß leüt inn clöstern

vnd waren dennoch auch hayligen
vnder men? Ja / sagst du aber war
Die selben branen in got / vnd waren
also starck in der liebe gottes / das sy
durch die bösen (vnder denen sy wo-
neten) nitt mochten verkeret werden /
waren gleich als die sackeln / yemer
sy der wind anblies / yemer sy an-
giengen / vnd auf flackerten in got-
licher lieb / kain ansechtung der welt
gab inen zuschaffen / als auch die sa-
ckelen thün oder ain yegklich groß
feür dienit von dem wind erleschen /
sonnder sy werden ye grösser / Also
ist es nitt vmb ain klainmütig schwach
mensch / das da noch vnuolkommen
vnd vnst andhafft ist / vnd der sich
aller ansechtung laßt bekümmern /
vnd überkomen / als die welt yetzund
gewonlich ist Das selb seind die klain-
nen liechlin / die dürffent nitt an den
wind gon on ain lucern / der wind
verlöschet es inen / Also ist es auch
vmb ain mensch der in ain closter
will gon mit ainem klainnen liechlin
den seind im die knablin zü nach / den
seind im die töchterlin zü nach / vnd
würt nimmer nichts güts darauß /
das klain liechlin verlüschet dir bald
von dem wind / vnd würt dir abgela-
sen durch die verkereten / vnder denen
du wonest / Ist die maynung Bonau-
enture. distinctioe xxiij. secundi sen-
tenciarum / da lüg. ¶ Die fünfft ay-
genschafft des pfeffers ist / das wilde
prat darinn gehört / vnd besonder jun-
ge häßlin seind güte im pfeffer Vnd
in closterleben gehörend wilde welt-
liche menschen / die sich in der welt
nitt gezämen vnd gemaisern können
Wir werden alle wild geboren / der
erbsünd halb / durch die wir verwil-
det seyen in vnns selbs / entpfinden
wir wol so alle kreffte vnser seelen so
gebunden vnd nitt verhengren

Zaum auff ire gegenwürffeylen/ es
 sey recht oder vnrecht/ gebotten od
 verbotten/ wir seyen faig vnd mit
 willig/ blitzen vnd spünnigen in vn
 sern jungen tagen/ wir seyen schnell
 vnd genaygt zu bösem von jugent
 auff/ als die geschrifft sagt Seiden
 mal nun alle menschen so wild seind
 vnd von art wildprät/ so bekompe
 nach gemainem lauff yederman der
 pfeffer des closterlebens/ vnd sprich
 gar mercklich/ nach gemainem lauff
 wann die leerer disputieren darauff
 als sanctus Thomas vnd Richar
 dus zc. Es dörfst auch weyteren be
 schaid/ kan ich auff diß mal nit sag
 en. Item vnder dem wildprät ist
 junng mürb wildprät/ besser in den
 pfeffer weder alt zäch wildprät/ vnd
 junge menschen/ jungheßlin/ vn
 schuldige kind seind güc in closterle
 ben/ so man sy da recht auff zeücht/
 das ist die maynung sancti Thome
 vnd ist güc/ wiewol etlich lerer wi
 der in seind/ aber sanct Thomas vnd
 amnder maynen/ ain kind sey noch
 vnuer schalcket/ vnd wenn es in ain
 closter kompt/ so würt es in der vn
 schuld auff erzogen/ vnd wurzelt
 das güc in es Ich gestand es inen/
 vnd halt es mit inen vnd lob es auch
 das man aine jung auff zeücht ee sy
 in der welt verwüst vnd schalckhaff
 tig würt/ so werden sy etwan aller
 best vnd got dem heren gar gefellig/
 als neüwe früchte so sy erst außgond
 so seind sy vil amütiger vnd lustiger
 weder so sy gealter seind/ Sollichen
 neüwen rat pfligt man zu schencken
 den grossen heren/ vnd in der alten
 Remüß man sy got auffopffern/
 Also thünd die/ die da jr kindthaye
 vnd blüende jugent got auffopffern
 Besonder in ain closterleben/ wenn
 etwas neüwes außgeet so sprechen

die leüt/ es sey ain hürenbeiß Also ist
 es auch vmb ain jung mensch das
 da kompt in ain closter so ist es ain hü
 renbeiß/ wann ye jünger ye besser/
 Man soll sy aber tün da man die Re
 gel halter/ in den pfeffer da nit so vil
 böser stinckender alter stuck wildprä
 tes innligen Titt in ain offen closter
 da kain ordnung inn ist/ Cum bonis
 bonus eris/ cum peruerso peruerter
 ris. By den gücten würt man güc/
 vñ bey den bösen verkeren würt man
 böß vnd verkeret/ Also ist es auch so
 du dein kind in ain offen closter thüß
 da es zu aller büberey vnd bößhayt
 gezogen würt vnd vor jm sieht/ so
 würt auch nichts amders dar auß/
 denn hüren vnd büben/ wann kurz/
 man laßt sy zu aller büberey vnd böß
 hayt zusehen Du machst dick ain jun
 ges münchlin das ist nit sechs jar
 alt/ vnd kaum ainer faust groß/ das
 müß denn ainem grossen blozer nach
 gon/ vnd für es denn vmb vnd vmb
 mit jm hin/ den so er kompt da er hit
 will so nympt man in/ vnd zaiget in
 das hauß/ vnd denn so ist es der lieb
 vater/ vñ die weil müß sich das jung
 münchlin bey dem ofen wörmen/ od
 zaiget in die kamer/ so müß den das
 jung münchlin hürten das nyemant
 kom/ Also werden sy auffgezogen/
 vnd wenn sy denn alt werden so künz
 den sy es auch/ Darüß wie güc die jun
 gen in den clöstern seind/ wenn sy al
 so in bößhayt auffgezogen werden
 so gewonen sy jr/ vnd werden aller
 bößest/ daran seind denn die allten
 schuldig/ Aber wa man ain güc er
 ber lebensfürer/ da seind die jungen
 fast güc inn clöstern/ Davon spricht
 der prophet Jeremias Güc ist es dem
 mann das er trag das joch des her
 ren von seinen jungen tagen vff/ wann
 sy gewonen von jugent auff aller
 Sf 4

eugent vnd gayfflichait Darum kün-
den die jungen gemeinglich nicht böß
werden da ain gütt wesen ist / wann
sy gond also anhin / sy wissent nit an-
ders Es sey dann das sy die alten
zessenmacherin / vñ die alten schalck
verfüren vnd in einblasen Das selb
alt wildprat soll nichts in den pfeffer
wann es ist zäch / stinckend / faul / vnd
verderbet den pfeffer vñnd das jung
wildprat Es würt nymer nicht gü-
tes dar auß / wann als wenig ain mor-
verlast sein schwert / vñ ain leopard
sein sprengelin / als wenig verlassen
solche alte jr bosheit. ¶ Die sechste
eigenschafft des pfeffers ist / das das
wildprat so darein gehört vor wol be-
rayt sey / wol geschunden / gesotten /
vnd gebraten / es thut nymer gütt im
pfeffer / das hare vnd haue sey dann
sauber dannen Darumb sprich ich /
das häßlin müß wol berayt sein / es
thut sunst auch kein gütt / das häßlin
sey dann gestrayft / müß gesotten
vnd gebraten / wan käme es über den
tisch / vnd wär also zäch vnd harig /
so spräch man / das häßlin ist als zäch
man kan jm doch nichts abgewinnen
das wär denn die vrsach das er nit
recht in den pfeffer berayt wär Dar-
umb wie gütt das wildprat ist so soll
es doch nichts in den pfeffer / es sey
dann recht geschunden vnd berayt /
Also ist es auch vmb ain mensch das
in ain closter kompt / ist es nit recht
geschunden / das ist / das es nit meer
fraget nach der welt / nach seinen
freunden / noch nach zeitlichem trost
wen der mensch also ist so ist er recht
geschunden Aber wenn sy also auff
erzogen seind in müßwill vnd auch
auff zeitlich ergerlichait / vnd trost
suchen / vñ auff schleck / so würt nym-
mer nichts güts dar auß / Wenn die
künd denn also zartlich erzogen wer-

den / vnd denn in das closter kommen
so will man sy denn auch also ziehen
vnd gestattet in denn alles das da ist
Vñnd wenn in schon ain tail wören
wöllen so kommen die andern vnd
sprechen / o wee / man müß in hüß-
schlich thun / sy möchten vnwillig
werden / das sy hinauß käme / Vñ
nit also / es ist eyttel gauckelwerck /
man soll in ains mals die haut frisch-
lich / vnd doch vernünfftlich über
die oren ab ziehen / man soll sy nit zu
solchem narrenwerck ziehen / sonder
zu aller gaislichait Ja sprichst du /
soll nyemant in das closter kommen
er sey dann volkomen vnd wol berait
Verstand es also / aintweder er
müß volkomen sein / oder er müß vn-
derston volkomen zu werden / er müß
abgestorben sein / oder müß vñnder-
ston täglich abzusterbün / er tut sunst
nymmer gütt in dem pfeffer des clo-
sters / er würt des clostershalb nicht
dester besser / Aber das kein mensch
in ain closter komen solt / er wär dan
volkommen / vnd also außberayt /
das ist nit / da fälet die gleichnuß /
man müß es nit allwegen gleich ne-
men wie die gleichnuß sagt / wan all
gleichnußen hincient / Was grossen
übel dar auß erwachset da ain men-
sche in ainem closter ist / vnd der welt
nit abgestorben ist / auch nit abster-
ben will / sonder auff sich selbs ge-
richt bleybün / das kan nyemant glau-
ben er hab es dann erfaren / Solliche
menschent habent im closter nymmer
kein friden / weder in in selbs noch
mit andern leütten / vnd habent nicht
vnder gaislichait weder die kurt /
seind vrdünzig / faul vñnd träg zum
gotsdienst / grimmig / neydig / häß-
sig / tragen ain grollen wider jr obern
vnd wider alle die die sy zu güts
tem treyben oder trinngen wöllen /

im

pfeffer

will man sy straffen so wollen sy sich
 selbs tödten / laße man sy vngestrafte
 vnd will jr schonen so verderben sy
 den ganzen conuent / vnd wollen die
 andern auch vngestrafte sein / die
 blasen zusamen wider die oberkayt /
 verfluchen vatter vnd mütter / beich-
 een nicht recht / ist als falsch / ver-
 zwey feln hindernach Das kompt als am
 men auß dem grund das sy nit abge-
 storben seind / noch absterben wollen
 Darum hab ich gesprochen das das
 wildprät nicht im pfeffer soll / es sey
 dann wolberayt / geschunden / gebra-
 ren vnd gesotten / durch ain abgestor-
 benhait vnd übergebung eigens ge-
 süchs / der glüß / schlecks / rü / schwä-
 zens vnd annder flaischlicher ergerz-
 lichait / wann der pfeffer des closter
 lebens verfacht nichts süß an men.
C Die sibend eigenschafft des pfe-
 fers ist Wieder has in den pfeffer ko-
 mer so ist er dinn Als ich es angefan-
 gen hab / also willich es auch enden /
 wie d has in pfeffer kompt so ist er dinn
 Wie ain mensch in ain closter kompt
 so ist er dinn / Wan kompt gar in vn-
 gleicher weiß in ain closter. **C** Die
 ersten komendarein in irer kindhait
 so sy vatter vnd mütter dahin thünd /
 Also kompst du in ain closter Du bist
 jung vnd bist ain kinnd / vnd bist ge-
 zwungen von vater vnd von mütter
 man überredt dich / vnd betrügt vnd
 bescheißt dich das du hinein kompst
 Du bist im pfeffer Wie bist du dar-
 ein komen ? Dein vatter vnd mütter
 haben dich darein gethon / das sy die
 andern deßer eerlicher vnd höher
 versorgen / Du büngst dein kind hin-
 ein mit ainem Jesus kneblin / vnd
 zucker erbsen / vnd andrer freünd-
 schaffe die du im thüß dieweil es nit
 verbunden ist / wenn es aber profes
 thit vnd im pfeffer ist / das du sein

sicher bist das es nit meer zu dir kom-
 met / so lassst du es sitzen / du chateß
 im vngern etwas meer / nur das dir
 sein güte bleibe / das doch von rechten
 sein ist / das behaltest du / vnd hast es
 darumb in ain closter gethon das es
 dir beleyb / das du deine andern kind-
 deßer höher versorgü kanst Vnd wenn
 du stirbst so ist sy außgeschlossen von
 erb / war sy aber in ainem offnen fra-
 wenhauß ain bübin / so ließ man jr
 das gannz erb volgen / vnd bleibe sy
 ain bübin so laßt man jr das güte /
 bekert sy sich aber / vnd geet in ain clo-
 ster so beraubt man sy des güts / vnd
 laßt jr nit meer dann hundert pfund
 volgen / Ja sprichst du solt ich nit
 meer geben / es ist doch der stat rechte
 Ich sprich / Ich nam nit all diß welt
 das ich an deren stadt sterben solt /
 die da gemacht haben das aine nur
 hundert pfund soll in ain closter bü-
 gen vnd nit meer / Aber ich sprich nit
 darumb / das du alles das du hast jr
 in das closter solt gebenn / Aber ich
 sprich / sy ist als wol dein kind als die
 andern / du schlenckerst es aber eber
 von dir wie ain hund den man in das
 wasser würfft vnd errencken will
 Du sprichst / nun wolhin Ich bin in
 dem pfeffer / wie soll ich im thün ? du
 solt im also thün / Laß sein das dich
 dein vatter vnd mütter haben hinein
 geleckert oder gezwungü / oder seyest
 hinein komen wie du wöllest / laß dir
 es sein / vñ mach auß ainer nordurft
 ain tugent / wann es hat nit all ain
 dein leiplicher vatter oder mütter ge-
 thon / sonder dein oberster vater / got
 der herz / der hatt dich von ewigkayt
 außserwölt / das du soltest sein in ain-
 em gayßlichen stot Darumb darffst
 du weder vater noch mütter die schuld
 geben / ob sy schon schuld daran ha-
 ben / wann sy haben es nit all ain ges
 ff iij

thon / es ist der will gottes gewesen /
 Nitt das du sprichst / Mein vatter
 vnd mütter hond mich in das closter
 gethon Ich wölle das sy in der hell
 sassen bißan dem halb / Das laß dich
 nit bekümeren ob sy in der hellen vn-
 der dir sitzen / oder in dem hymel ob
 dir / Ich sag dir / istir maynung nit
 gütt gewesen / sy sollen iren lon wol
 nemen / hab du kein sorg / Aber es ist
 der will gottes / das du in das closter
 bist kommen / dem beuillhe es auch /
 vnd ergib du dich im Halc du dich
 das du verdienst / vnd erlangest das
 darumb es dein rechter vatter / das
 ist / der hymmelisch vatter angesehen
 hatt / darumb das du soltest verdie-
 nen die freud der ewigen seligkayt /
 Das ist die maynung vnd der grund
 darumb got der herr / dein vater vnd
 mütter getryben / oder inen verhengt
 hat / das sy dich haben gethon in ain
 closter. Nun sprichst du / Mein vater
 vnd mütter hond mich in das closter
 gethon Ich müß darinn sein / Du
 solt got dem herren grossen danck
 sagen / das er dich mitt sollichem be-
 gabert hatt / vnd in ainen sichern stat
 versehen hat / vnd dich gezogen von
 der bösen vngetreuwen vnd falschen
 wellt / die da vmbgeben ist mit man-
 gerhamnd leyden vnd betrübnuß /
 Da sprich ich Wen du schon heraus-
 sen wärest / es gieng dir nit alle wol
 als du wänst / vnd müßt auch vil sorg
 vnd anngst haben / wie du das zeit-
 lich zergenglich gütt überkamest /
 vnd dein kinnd vnd hauß versorg-
 rest / das du doch alles über bist in
 dem closter / Darumb soltest du got
 billichen dancken / das er dir solli-
 ches güte bescheret hatt / Vnd auch
 got getrewlich für die armen seelen
 bitten / vnd sonnderlichen für dein
 vatter vnd mütter / die dir solliches

geraten / vnd dich darein gethon
 hond / Gedennck das disezeit kurz
 ist vnd zergenglich / vnd darinn
 nichts annanders in diser welt ist / dan
 eyttel leyden anngst vnd not / Aber
 ihen zeit dort / die weeret ewiglich
 on ennd / du müßt doch sterben / vnd
 wayßt wenig wie wa oder wen / dar-
 umb ist es gütt in ainem sichern stat
 zu sein Nitt acht das dein leiplich
 vatter vnd mütter nit ain gütt may-
 nung hond gehabt do sy dich in das
 closter theeten / das sy nit darinn ha-
 bent angesehen deiner seel hayl / oder
 die eer gottes / sonnder iren aygner
 nutz / vnd das sy dein abkamen / vnd
 die annndern kinnd desther herlicher
 versorgen / das sich nit an / aber sich
 an die maynung deines hymelischen
 vatters / der da also geschaffen hat /
 auff das du seliger würdest vnd ins
 hymel ain herr über deine bösen freünd
 Wir lesen / das die brüder Joseph
 in auß has vnd neyd verkaufften
 in Egipten land / das sy sein abkamen
 en / vnd geschach auß böser maynung
 Aber es was die ordnung gottes /
 wann er ward ain grosser mächtig
 er herr in Egipten / vnd speiset seine
 brüder 20. Du bist der Joseph der
 auß böser maynung in das closter
 verkaufft vnd gethon bist / leb du clö-
 sterlich / dien got so würst du ain herr
 über die selben Was istes / das man
 dich also verkaufft hatt / laß es sein /
 das dich dein vatter vnd mütter / brü-
 der oder Schwester / oder wer sy seind
 diedich in den pfeffer hond gestossen
 oder dich hinweg geschlenckert alle
 ain hund den man errencken will /
 das hatt got alles gestüget / darumb
 das du solt verdienen das hymel-
 reich Es schadet nit das dein vatter
 vnd mütter nit ainen gürtten fürsatz
 oder maynung hond gehabt / Got

sicht nit an die maynung deiner freun-
de / darumb sy dich in das closter ha-
ben gethon. Er sicht allain an dein
herz vnd begird die du zu im hast
die selb belonet er dir denn nach dem
du verdienet hast. ¶ Nun wolan /
Wie kompst du meer in den pfeffer /
das ist / in ain closter? Es seind die
anderen die kommen in irem alter
in ain closter / Wenn du alle bist so
maynest du dich von der welt zu kern
vnd in ain closter zu kommen / die
welle zu fliehen / dein fürsatz ist güte /
vnd maynest du wöllest got vnd alle
gaystlicheit finden / aber wenn du in
das closter kompst so findest du es
nirt / Ach sprichst du denn / das ich
gesücht hab das hab ich nirt funden /
Ich wolt gaystlich ayt süchen so hab
ich die welle funden Ich hab ainen
fäler geschossen / ich heet nirt gemay-
net das so vil böser stuck flaisches in
dem güten pfeffer wären gewesen /
Ich maynet ich sollte sinnden für der-
rung so sind ich hinderung Ich wolt
bas got in der welt gedienet haben /
weder hie innen Wie hat ich im / ich
bin im pfeffer / mir zimpt nirt meer
herauf zu geen? Wein rat ist das du
gedult habest / vnd auß der not ain
tugend machest / leid dich volg dei-
ner regel nach / den lieben hayligen /
vnd vnserm behalter Jesu christo /
es würt maniger mensch meer bes-
trogen / ¶ Nun wolan / wie kompst
du meer inn pfeffer / das ist / in ain
closter? Du kompst in ain offen / oder
in ain liederlich beschlossenen closter /
vnd maynest es sey leicht / du wöllest
es wol erleyden / übernacht so würt
es beschlossenen Denn so sprichst du /
Wie soll ich im tün / müß ich hinnen
sein? Es ist nirt dein maynung ge-
wesen / aber got füget es Er versicht
dich in ain gaystlich wesen / auß dem

vnσίheren stat in ainen sicheren / dar-
inn du magst schaffen deiner seel hail
vnd seligkeit / des danck got dem
herren / Tritt widerstand der refor-
macion / beleyb vnd nirt fleuch / halt
du dein Regel vnd constitucion / vñ
alle ordnung / vnd das dir von dei-
nen obern auffgesetzt würt / vnd leg
die gnad wol an / die dir got gethon
hatt. ¶ Nun wolan / du sprichst /
Lieber got / nun wolt ich auch gern
in den pfeffer kommen / das ist / in ain
closter / so bin ich ain eefraw oder ain
eeman / ich hab nichts gelobt deshal-
ben ich im pfeffer sey / wie hat ich im
das ich etwas anstatt des pfeffers
hett? Wie soll ich im thun das ich
auch in den güten pfeffer kom? Das
will ich dir sagen / bist du gebunden /
vnd bist in der Le / vnd kanst nirt in
den pfeffer kommen / das ist / in ain
closter / so will ich dir sagen Thü du
ains vnd mach ain horzenblotz oder
ain zuseñlin über dich / Wie machet
man ainen horzenblotz? wenn dir ain
kaltes hünlin überbeleybt so schney-
dest du es in ain schüssel / vnd schney-
dest radecht oder rotunde zwibel dar-
an / vnd essich darüber / vnd machest
es vnder ainander / das haysserdan
ain horzenblotz oder zuseñlin / dem
mach für den pfeffer / Was ist der
horzenblotz? Es ist ain zeitliche ge-
lübd / die dich nirt allzeit bindet als
der pfeffer der closter gelübd Sonder
allain ain jar oder ain monat / woch
oder tag / da ains gelobt in ainem jar
kain man zu nemen / disen tag vasten /
oder heit das haus meyden / heit ain
allmüßen geben 2c. Dise gelübd die
du thüst über die stuck deines lebens
ist der horzenblotz / der dein werck got-
dester äffiger vnd gefelliger macht /
vnd dich vor sünden behalt / vñ dir die
güten werck schmacken Also wenn du
ff iij

trag bist zu gottes dienst / zu beeten /
vnd allmüßen zu geben / so gelob got
das du dich fleissen wöllest / das du
dich durch got disen tag wöllest ehün
¶ Bist du ain vnkeusche fraw oder
man / vnd das es dich also starck an-
ficht / so gelob got das du es den tag
durch seinen willen wilt vnderwe-
gen lassen. ¶ Bist du ain junckfraw
vnd bist auff vnkeuschayt gericht /
vnd wolest ainen man nemen / so ge-
lob got ainen monat on ain man zu
sein / vnd wenn der außkompt so ge-
lob noch ainen / du magst darnach
wol ain man nemen / es bringet dich
nur in ain gütre gewonhayt / vnd ist
dir verdienstlich vor got. ¶ Bist du
ain füller / vnd hast dich gewanet zu
vil essen vnd zu trincken / so gelob got
am morgen denselben tag zu fasten.
¶ Bist du hört vnd vnbarmerzig /
so gelob got das du wilt denselben tag
die siechen haymsüchen. ¶ Bist du
zu zorn gericht so gelob got den selbi-
gen tag dich nit zu verantwurten /
Schweig den selben tag mitt gedult
durch gottes willen.

¶ Man müß das häßlin über tisch
in guldinen blatten tragen.

¶ **D** Jevierzehend vnd die lezst
eigenschafft des häßlins ist /
So alle ding geschehen sind
vnd der pfeffer vnd das häß-
lin wol berayt sein / so thut man es in
zwo guldine blatten / vnd trege es zu
tisch für den künig / da würt es mitt
freüden empfangen vnd geessen vnd
dem künig eingeleybet vnd verain-
get. Vnd ain rechter Crist gläubiger
mensch / wenn der außberaytet ist in
d gestalt wie vor gesagt ist / der würt

durch die heubt der hayligen engel
auffgetragen in ewige seligkeit / für
das angesicht des hymmelischen kün-
nigs / zwischun zweyen guldinen blat-
ten der glory seel vnd leibs / Die vnt-
der schüssel ist glory des leibs / Die
ober schüssel ist glory der seelen / die da
bist in den leib freymt / also das er
clärer vnd glesstiger würt weder die
sonn. Dis häßlin würt gesetzt auff
den tisch / von dem der herz im ewan-
gelio sagt Luce am xxij. Ich beraye
euch als mir mein vatter beraye hat
das reich / das jr essen vnd trincken
auff mein tisch in meinem reich zc.
Den würt das häßlin von dem künig
geessen So du in got durch ainen vn-
ausprechlichen anmüt lieb vnd
freud verstrupft würt / vnd ain nit
im würt Nit wesentlich / als der künig
er Amalricus sprach / aber hertzlich
durch clare erkantnuß liebe vñ freud
Von der der herz spricht. Gang ein
in die freud deines herzen / da ist der
mensch wider in seinem vrsprung /
da hat er erst rüh / rast vñ ergerung
da hat das häßlin erst recht sein rüh
stat gesetzt vñ erlangt in den felsen /
da ist im verschwunden die forcht /
im klopft das hertz nit / es erschrickt
nit / wann es ist / vnd waisset auch das
es sicher ist / Im ist wider faren das
im zuge sagt ist wordn / das got würt
abrücknen alle träher / vnd würt nit
meer sein hinfür / weder waynen noch
schmerz. Da würt wort werden /
das der herz gesprochen hat / das die
demütigen erhöcht werden Das häß-
lin das hie verachtet was / im tal der
träher lieff / geöcht vnd gejagt von
den hellischen hunden / geschunden
vnd gebraten / kompt yetz als zu gros-
sen eeren / daruñ soll ain mensch nit
achten das es veracht / gefast vñ vmb-
getriben würt mitt angst vnd not.

iii

pfeffer

vnd mit widerwertigkeit vmbgeben
 es würt bald ain anders dar auß/
 Darumb so hör nit auffrecht zu tün.
 Ain solichs häßlin was der arm La-
 zarus/hungerig/siech/vol geswer/
 er ward aber durch die hend der engel
 getragen in die schoß Abrahe in die
 ewigen rüw/do der reich man ver-
 graben ward in die hell/Dem reich-
 en vnd Lazarogeschach als der hen-
 nen vñ dem falcken/die weil sy leben
 so ist die hem veracht/muß auf dem
 müß gon/kompt sy in die stuben so
 schreyt yederman über sy/vnd würf-
 fet man mit tellern zu jr/vnd treybet
 sy hinauß/Aber den falcken trege
 man auff der hand/stelltn auff ain

küßin/warte sein als ains federspils
 wen sy aber alle bayde sterben so kert
 sich das blat vmb/so würft manden
 falcken zum fenster hinauß auff den
 mist Aber die heñ trege man zwisch-
 en silber in blatten auff den tisch für
 Fürsten vnd herren/Also ist es auch
 mit den menschen/dieweil sy leben so
 ist der arm veracht ꝛc. vnd der reich
 groß geachtet ꝛc. Aber nach dem tod
 so würt der reich falck geworffen auf
 den mist ewiger verdammuß/Aber
 der frumb arm getragen für got in
 in ewige seligkayt Dartzu helff mir
 vnd eüch got vatter/got sun/vñ got
 hailiger gaist Amen.

In disem büchlin würt angezaigt wie ain häßlin an im hat gar vil aigen
 schafften/in seinem leben vnd auch nach seinem tod Namlich so ist das häß-
 lin forchtam/es ist schnell zu lauffen/es laufft gewisser den berg auff dann
 den berg ab/im sein die hund außsezigt vnd gefar Das häßlin setzet sein sach
 auff die flucht Es bewegt allzeit sein leffzen/es hat lange oren/es setzet sein
 rüwstat in den felsen/Wan müß das häßlin schinden/man müß den hasen
 nit ropffen/man soll es nit büßen/Wan müß sein haut gerben vnd lideren
 Wan müß das häßlin braten/Wan müß es spicken/Wan müß lügen ob es
 gnüg gebraten sey ꝛc. In disen vnd andern aigen schafften die das häßlin an
 im hat/würt im zügeleichte ain yerlicher frumer andechtiger mensch/der
 sich zu got mit ernstlichem vleiß will keren/wiedann gar clarlich in disem
 büchlin außgelegt vnd angezaigt ist/durch den würdigen doctor Johānem
 Gayler von Kayserberg Der geschayden ist auß disem zeit/auff Sontag
 Letare/zü mirvast/dem got barmhertzig vnd gnedig sey/durch seiner treü
 wen arbeit willen vnd gütter leer die er vns manigsaltigklich verlassen hat
 die wol anzunemen/vñnd nit zu verachten ist Darumb sy auch gedruckte
 seind zu Augspurg/durch maister Hansen Otmar/durch verlegung des
 erbern Jörgen Diemars/vnd geendet auff Sambstag nach sant Aßtag
 der hailigen marterin Des jars do man zalt 1510.


Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Die siben hauptfund die
da bedeut seind bey den siben gaislichen
schwerten / mit denen der bößveind der teüfel / die seelen der menschen
schlecht / verwunde vnd erödret / wie man jm durch das gotswort wi
derwöz thun soll vnd angesigen . Dabey auch / wie dise siben schwere
der laster bedeckt seind vnd sich verbergen vnder die siben schayden /
das ist / vnder die gestalten der güten tugenden.

Est duplex gladius / malignus et benignus Psalmista de gladio
 maligno. id est de prate dyaboli / et percuim / quibus tanqua gladijs
 ereremortis vulneramur / eripe nos. De benigno gladio ait A post.
 Sumentes gladiu spūs / qd est verbū dei. Verbū dei appellatur gla-
 dius spūs / q: spūscētūs illud fabricavit. ij. Petri. j. Spūscētō inspi-
 rati / locuti sunt sancti dei. Scdo q: spūales hostes interficit Et saie
 xi. Spū labiorū suorū interficiet impiū. Tercio q: spūm a carne divi-
 dit Ad hebreos itij. Unus est sermo dei et efficax / et penetrabilior omni
 gladio ancipiti / pertingens vsqz ad diuisiōem anime et spūs



Von den Sibem Schwerten

Von den sibem Schwerten/der sibem houptünden/mit wölchen der teüfel erschlechte vnd vndersteet zünerderbñ die seelen der menschen/ Geprediget züsant Katharinen zü Strassburg durch den hochgelerten doctor Johan sen Gayler von Kayserberg/ vor dem Aduent Anno 1499.

Thema. Induite vos armaturā dei Ad Ephesios vj.
Legent eüch an die waffen gottes.

Sist ain aygens schaft des swerts das ainer sich mit dem schwert wöret/ vnd vertreyber den veinde damit/das er in nitt schediget/ Ob ainer schon hat banzer/ Kragñ/ Krebs

vnd harnasch an/ vnd ganz wol gewäpnet ist/ noch so ist es nit genug/ er müß auch haben ain schwert/das er den veinden widerstecken mög/ vnd sich wören/ Also/das wort gottes ist des menschen schwert/damit er mag den veind den bösen gaisst vertreyben vnd sich der anfechtung er wören die im zuhanden geen mögen/ vnd also den bösen veind hinweg treyben. Tu sprichst du. Wiesoll ich mich brauchen des worts gottes/das ich den bösen gaisst vertreyben müg in der anfechtung? Wiesoll ich den bösen gaisst vertreibñ mit dem wort gots? Ich antwurt vnd sprich/das den bösen gaisst mit dem gotswort vertreyben/ist nicht anders/weder so du in anfechtung bist aines lasters/ vñd herfür zeühest etwas das in der geschriffteet/das du selber gelesen od ander predig gehört hast/ vnd du an

fahest dich bas gehaben dann du vor wasest/ vnd thüst das nitt damit du angefochten würst/ denn so hast du dich erwöret mit dem worte gots/ vñ den bösen gaisst vertriben Als so dich vnkeüschait ansicht/ oder der geiz/ dir scheüßet ein/ es ist alles zergenglich/ was woltest du dich nur selbs zeyhen/dir vnru machen. Vanitas vanitatu et omnia vanitas Ecclesiastes. j. Das steckt dir im hertzen vnd hast es in deiner gedechtnuß. üppigkeit aller üppigkeiten vnd alle ding seind üppigkeit/ ist alles zergenglich/ verschwindet vñ ist ain gauckel vnd narrenwerck. Du würst anderst angefochten/ wölest gern zü den gesellen gon/ lusts pflegen/ zucht herfür im hertzen/ vnd zeüch hertzu das gots wort/da es im ewāgelio spricht/weedenen die da hie süchen lust vnd trost Denn so hast du das schwert gebrauchet/ vnd wider den teüfel gefochten damit er werest du dich gauckelwerckes/ tanzens/ lusts zc. vnd also verstand es in anfechtung anderer laster
Nym zü ainem exempel christum Jesum vnsern herren/der ward angefochten von dem bösen gaisst/ im fraß/ do er zü im sprach. Bist du gottes Sun so sprich das dise stain brot werden/ Aber christus der herz wöret sich mit dem wort gottes/ zuchte das schwert/ versatz im wider vñ sprach Scriptum est. Non in solo pane uiuit homo/ sed in omni uerbo qd procedit de ore dei. Es ist geschribñ sprach der herr. Nit allain würt der mensch leben im brot/ aber in ain yeglichñ wort das da außgeet vom mund gottes. Do der böß gaisst das hort/ das der herr im versetzet hett mit der geschriffte/ sach er in darnach an in hofart/ in üppiger eer/ auff das er sich solt lassen sehen/das man etwas auff
aa ij

In hielt / vnd hat den herren genommen
 vnd geführt in die stat Jerusalem / vñ
 hat in gestellt oben auff den tempel
 zu aller oberst / vnd mit der geschriffte
 fachte er in an vnd sprach zu im. Bist
 du gottes Sun so laß dich da hinab /
 wan es ist geschriben von dir. Er hat
 gebotten seinen enngeln von dir / das
 sy dich sollen behütten in allen deinen
 wegen / vnd sy werden dich tragen in
 iren henden / das du villeicht nit lez-
 est deinen fuß an ain stain. Der herz
 versatz im mit dem schwert des wort
 gots / Antwort im vnd sprach / Es
 ist auch weiters geschriben. Du solt
 got deinen herin nit versüchen Also
 vertrib er den teüfel auch mit dem
 gots wort vnd geschriffte / Weiters
 fachte der böß gaist den herren an mit
 zeitlichem güte / grossen gewalt / vnd
 eeren Vnd hat in aber genommen vnd
 geführt in die wüß auff den allerhöch-
 sten berg / vnd hatt im gezayget alle
 jr herlichkeit vnd glory / vnd sprach
 zu im. Sich dise land seind mir gege-
 ben / das ich die mag geben wem ich
 will Ist es sach das du für mich ni-
 der fallest / vnd mich anbeetest / will
 ich dir alles geben. Der herz ward
 angefochten / der teüfel schlug mit
 dem schwert der geschriffte wider in /
 der herz wolt dise anfechtung nit gü-
 tlich auffnehmen / als die ersten zwo an-
 fechtung / wann die traffen an seinen
 schmach / aber dise traff den schmach
 gotes an Darum zuekt der herz auch
 das schwert / die geschriffte / vñ sprach
 zu im. Vade retro Sathana Wann
 es ist geschriben. Du solt got deinen
 herren anbeeten / vnd dem allain die-
 nen Als dann hat der teüfel in verlas-
 sen / also vertrib er den teüfel ganz
 mit d' geschriffte / das er von im wich /
 hat in überwunden / Also auch in al-

ler vñnser anfechtung / sollen wir
 brauchen das wort gottes / vnd mit
 der geschriffte vñns behelffen / die dis
 selbs gelesen oder gehört hast vnd da
 mit den bösen gaist flüchtig machen
 vnd verereyben / Also hatt sich des
 schwerts des wort gots beholffen ain
 aluatter / von dem wir lesen / das er
 ainest kam in ain samlung / da die
 vätter all bey ainander waren / do stu-
 pfet in der böß gaist / das er sagen solt
 was gesichts im begegnet was in der
 wüßte / vnd das zu offnenbaren / auff
 das er dester gaistlicher schyne / vnd
 dester meer geeret würde Er erweret
 sich sein / vertrib den teüfel mit der
 geschriffte / vnd sprach mit Dauid das
 im lxix. Psalmen steet. *Quertantur
 retrosum et erubescant qui volunt
 michi mala.* Danna hin weit müssen
 die hinder sich gekert werden / vnd
 schamrot / die mir böses wöllen Also
 vertrib er in mir der geschriffte. Der
 teüfel gab im annder wayd ein. Hab
 danck das du kanst böse anfechtung
 vertriben / das du also bey dir selb-
 ber bist belyben vnd steiff bestanden /
 vnd der anfechtung nit bist gewichin
 Er vertrib in aber mit der geschriffte
 durch den andern vers in Psalmen
*Quertantur statim erubescences qui
 dicunt mihi euge euge.* Von mir müs-
 sen bald schamlich abgekert werden
 die da zu mir sprechen / freiwede dich
 freiwede dich. Sehent wie diser aluater
 der dem teüfel begegnet ist mit der ge-
 schriffte / vñnd mit dem schwert des
 wort gots in vertriben hat / in seiner
 anfechtung / also sollen wir auch
 ein. Nun sprichest du / Wer ich auch
 also bar die geschriffte wider yerlich-
 lasters anfechtung so künd ich mich
 auch dester bas also wören / Ich bin
 aber nit geleert / ich kan die geschriffte
 nit / darim mangel ich des swerts

Siben

Ich antwort vñ sprich Wiewold du die geschriefft nit kanst als die gelereten nichtdestminder so kanst du den glauben vnd das Pater noster. vnd die zehen gebot/die seind dir gnüg waffen dich zu wören wider den teüfel/wan als der lerer Isidorus spricht desumo bono. lib. 7. cap. xxi. Fidei symbolum et dominica oratio pro tota lege paruulis ecclesie/ad celorum regna sufficit capefcenda/ omnis em latitudo scripturarũ in eadem orõne dnica et simboli breuitate cõcluditur. Der glaub vñ das Pater noster. seind den einfaltigen cristen menschn ain gnüg sam gesatz zũ erlangen das hymmel reich/wan indemselbũ Pater noster vnd in d kũrze des glaubens wũrt begriffen die gantz brayte der hailigen geschriefft/Zũ disem Pater noster vñ glauben/thũ vnd lern die zehen gebot so kanst du gnüg/dich zu wören der sunden wider anfechtũg des teüfels Dir faller ein vnkeuschait zu pflegen so gedenc/du solt nit eebrechen/du solt nit vnkeusch sein/wan in den zehen gebotten der herz das verbeiet/Wen dir einfallet/du solt steele/zuck das schwert vñ versetz auß d geschriefft vñ sprich/der herz hat das verbotten No furtũ facies. Du solt nit steelen Sodir den einfalt/du solt falsch ayd schwõrn/wõr dich vñ sprich Du solt nit üppiglich bey got schwõrn. Dir falt darnach ein Du solt falsch kauff oder verkaufftũn/liegen triegen zc. so sprich Du solt nit falsch zeugknuß gebũ Dir falt ein am feyrtag zu werken/stracks zuck das swert vñ sprich Du solt den feyrtag hayligen. Dir falt ein Du solt enteeren vatter vnd mütter Dir falt anruckẽ ein Du solt eeren vater vñ mütter Desgleichẽ in andern gebotten/wie sy dan nach ain ander gon/das magst du alles erwũr

Schwertten

gen durch die zehen gebot Vñ ob du schon kain zehen gebot herrst/so hast du natürlich vernunft/die dir sagt was du wilt das dir dein nächster thũ das solt du im auch thũn Vnd was du wilt das er dich überheb oder dir vertrag/das solt du im auch vertragen/das gibt natürlich vernunft/ Das ainig stuck war genüg zu überwinden alle einfall die da antreffen den nächsten menschen Also hast du was das gũt swert ist des gots worts damit der teüfel außgetriben wũrt/ Das gots wort ist das schwert des gaysts/deshalb. Zum ersten/wan es ist durch den hailigẽ gaisst geschmiedet/als sant Pẽter spricht. Die hayligen haben geredet auß einsprechũg des hailigen gaystes Auch wer das schwert nützet/wõr vñ schneidet nit on krafft des hailigẽ gaissts/als sant Paulus spricht Ad Ephesios. vj. Zum andern/wan es tödret die bösen gaisst/vñ gaisstlichẽ veind/Isaie xi. Mit dem gaisst seiner leffzen wũrt er tödten die vngõelichẽ. Zum dritten wũrt das wort gots genant das schwert des gaissts/wan es abschaydet vnsern gaisst von dem flaisch/als sant Paulus spricht Ad Hebreos ix. Vnius est sermo di et efficax. Lebendig ist das wort gots vñ krefftig/vñ durchringiger weder alle schwert/vnd rũret biß zũ zertrennũg der seelen vñ gaissts Es schaidet auch ain menschen von diser welt vñ allen lastern.

As annder schwert /ist das d schwert des bösen gaissts/wie man mit dem swert des wort gots/die seelen der menschen beschirmet vñ behũtet vor sunden/vñ vor dem gaisstlichen tod/Also her widerumb/mit dem swert des teüfels/der teüfelischẽ anfechtũg der todsũn

den/der böß gaisß die seelen der menschen verderbt vñ tödret. Als der weis man Ecclesiasticus spricht. Quasi romphea bis acuta omis iniquitas. Alle bößhait/alle sünden/ist nicht anders dan als ain zwyschneident swert oder ain swert das da hat zwo schneyden. **S**iben böser vnd teüßlicher schwert find ich in der hayligen geschriffte/als siben teüfel seind/dieder teüfel mit im nympt/die schalekhaftiger seind weder er ist/die vmbvnd vmb darafter gond die seelen d menschen zimerderben/mitt todsünden/wan als siben houpsündn seind/also seind auch siben schwerter/damitt der teüfel verderbt die seelen mit seiner anfechtung.

As crist schwert des bößengaystes/ist das schwert der Hoffart vnd der iuppigkeit/wen der böß gaisß damit verwundet oder trifft/vñ dierür gibe/in dem geest tractus auff zerschwellenheit in der seele/von dem er sich bläet vñ zerschwillt/vnd würt zerplünsen vnd zerbläet/fert hoch in seinem dunckn über anderemenschen/vnd also zerschwellen/das er sich etwas duncket sein/vil höher weder im das zil von got gesetzt ist. Als der frosch von dem in Esopo steet. Es gieng ain Ochs auff ainer matten/der waydet/zertrat dem alten frosch ain klains junges fröschlin/der alt wolt es gern gerochn haben/wist nit wie er sich stellen solt wider den ochsen/der so groß was/ye er ward doch zur at mitt dem andern jungen fröschlin/wie er im tün solt sich zu rechen/vnd sieng an vnd ließ den blast außgeen/zerbläet sich hoch auff/maint er wolt als groß werdñ als d ochs/vnd do die gerumpfen haut vol blast was/do sprach er zu seinen jungñ fröschlin/bin ich als

groß als d ochs/sy antwurten im vñ sprachen/Lain/du müßt baß daran spanen. Der alt frosch bläet vñ sperre sich noch mer auff/vñ sprach zu inen. Bin ich in nungleich Lain sprachñ sy/noch nyenen. Dosienger an sich noch meer zu bläen zum dritten mal vñ spanet sich noch vil vester vñ harter weder vor/vnd bläet sich so hoch auff das er von ainander kneller vnd zer spielt. Also tün auch dise menschn die der teüfel schlecht mit dem swert der hoffart/der zerpläsenhait/bläen sich vñ zerschwellen in irem gemüt/so lang biß sy auff knellen. Wer mit diesem schwer d iuppigen eer verwundet würt/dem widerfert grosser vnrade/der zu diser wunden schlecht. Zu der wunden d hoffart vnd begir iuppiger eer/schlecht grosser vnrade. Namlich Jactancia/psumptionous tati/hypocrosis/pertinacia/discordia/cotentio/inobediencia. Rñmen/neiw sind/gleisnerey/ainrichtigkeit/zwitracht/zanckung/vngehorsame. Sy süchen auff alle ort wie sy groß geacht werden/vnd das sy güte vñ groß scheinen/sy vnderfond das mit worten vñ mit wercken/mit warhait vñ mit lügen. **D**er erst vnrader zu diser wunden schlecht hayßet Rñmen Jactancia. Sy vnderfond mit worten außbrayten vñ offenbaren jr herlichait/vñ rñmen sich selbst sagen was grosser sachen sy gethon haben/wo sy in kriegen vñ streitten gewesen seyen/vñ wa sy sitzen bey den leütren so erdencken sy ain syn das es herfür auf den blan kom. Ich hab ain gekant der her ain wündlin im schenckel/was im geschossen/wa der bey den leütren was so bracht er es vff den blan vnd sprach Es seind vil die gar kaum hail werden wen sy gewundet seind/aber ich würt bald hail/Ich

Siben

ward ainst geschossen vñ ward bald
hail / die red bracht er allweg herfür
In was pererling auff allen suppet
Also thün sy in andern stucken auch
vnd rñmen sich selbs mit wortten.

Der ander vnrat diser wundñ ist
erdenckung neuwer find / sy zaygen
sich nit allain mit wortñ / sonder auch
mit wercken / da von man sich abver
wundern soll / das haist presumptio
nouitati. Erzaign sich mit werckñ
mit neuwen finden / mit etwas news
das nyeman in d gantzen stat hat we
der sy / da will man gesehen sein mit
aufferlichñ zaihen / schlayer / hosen
zc. das du also geschlayert her geest
das nyemant meer in der gantzen stat
hat weder du Desgleichñder mit sein
hosen / der ander mit andern dingen.
Item daaine will sonder gefert habñ
in ain closter Desgleichñ ainer in d
welt / erzaign sich in den werckñ / die
da etwas neuws scheinlichs vñ war
nemlichs fürgebñ / wa her mainest
das all new sitten entspringñ / glaub
mit allain auß üppigkeit / als mit
den halben bärten / so ainer nicht kan
herfür bringen scheinlichs / das man
auff in sehe / thün sy ains vñ machen
halb bärlein / löck Erwanerñg man
gantz bär / aber yetzund eragen sy nur
halb bär / vnd etwan neben nur ain
klains löcklein / das ist ain gewis zay
chen das sy narren seind / das d teufel
sy geschlagen hat mit dem swert der
hoffart / wen man also etwas neuwes
zagt / es ist kein end mit den narren
weisen / das muß man temmen / Ain
mensch soll ainfeltiglich / schlecht /
vnwarnemlich d ding leben. Der
drit vnrat ist gleisnerey / wen ain sol
cher narz sich nit kan erzaign mit lob
lichen dingñ in warhait / so geeter mit
falschait vmb / vñ erzaigt von aussen
das nit in warhait in im ist. Tympt

Schwertten

sich anals ob er gaislich sey / mässig
keusch / ain liebhaber d erberkait zc.
vñ ist nicht darhinder / dis haist hy
pocrisis. Der vierd vnrat ist ain
richtigkeit hörtalsigkeit in d ver
stentnuß / auff das er geschezet werd
für etwas / vñ nit minder weder and
leit / so weicht er nyeman in seinem
bessern dunckñ / warauff er kompt /
darab laist er sich nit weyßen / wan er
will nit gesehen sein das er nachgebñ
söll / das haist Perinacia / bleibt vff
seiner maynig vñ syn. Der fünft
vnrat ist vnbelligkeit im willen In
bringt nieman von seym willen / ist at
willig vñ weicht nit von seinē fürne
men od willen / das er sich mit andr
leütten vergleich / er legt sich allweg
überzwerch in die sach / sy sey wie sy
wöll / gürt oder böß / er förcht wen er
volge so schein er minder sein / der vn
rat haist discordia. Der sechste vn
rat ist zantung / er weicht auch nye
man mit wortten / laist sich nit überre
den / er will ewiglich das letst wort
haben / vñ vnüberwundñ sein / wan
dadurch schein er klainer sein / des
halb so schreyt er vñnd überschreyt
yederman / auff das er oblig / vñd ist
kein ander grund da in warhait / vñ
haist Contentio. Der sibend vnrat
ist vngheorsame / haist inobedientia
Er will auch nit vndergon in werck
en das er vollstreck die gebott seines
obern / vñ da durch sein großhait zit
erzaign / wan er maint er schein klair
wen er vndergieng in gehorsame / vñ
ist er schon gehorsam dem höhern obe
ren / so zeücht er sich so ferz er mag /
auß gehorsame seins nechsten oberñ
durch dispensiern / will lieber erlaus
bung nemen vom prouincial / weder
von der priorin Ist als ampt falsch /
vñd kompt auß hoffart vñ begit üp
piger eer vñd großachtung. Dis
aa iij

schwert der hoffart ist bedeuert bey dem
schwert damit Adam geirret vñ ge-
hindert ward von dem eingang des
paradis / der da auß hoffart begeret
her gleich zu sein got / Das schwert
was feürin vñ waltzend oder kerlich
vñ hoffart ist feürin / wañ sy pflicht
die andern leitet zu verderen durch
raub vñ grimm Auch ist sy waltzent
vñ kerlich / wañ sy pflicht sich in man-
cher lay weiß zu erandern / züner kein
ausbrayten vñ er zai gen in hoffart
zu tün wider got / wider die obern vñ
wider d gleichen Hoffart macht das
ain mensch vmb sich scharmizelt /
branger / sich hin vñ her wendet / als
ain schirmer der mit ainem glizigñ
schwert ain apparat macht vñ ain
spiegel sechten treibt / er thüt sich vñ
als ain laus in ainem tigel / wa er zu
mög komen / das er nit da hinten be-
leyb / er schlecht sich zu / macht sich
her für alls das böß in der wannen /
sücht glory vñ er / rümet sich selbs /
erdenckt neüw find / stelle sich gütt /
weicht nyeman / weder in seinem dun-
cken noch in seinem willen noch in sei-
nen worten noch in seinen werckñ / er
will nyeman vnder geen / yederman
soll im vnder geen / in vor augen hab-
en / im seirren vñ fasten / loben vñ em-
bor tragen / seins willens in allen din-
gen foren / vñ er nyemans / man soll
seinschonen vñ er nyemans. ¶ Dise
laster soll ain yetlicher mensch beson-
der d gaislich will genant sein / in im
vnder ruckñ / wider die sechten / vñ
in tagliche streit mit inen ligen / bis
er sy überwindt / vñ tugendñ die dar
wider seind überkompt / das ist rechte
übung Es ist ain grosse tothait / sein
sach wöllen setzen allain auff ausser-
liche übung / in singen vñ lesen / in
wachen vñ vasten / in rauch vñ demü-
tigel klaidüg / in hart ligen / vñ disci-

plin empfahen / vñ verfaumen die ins-
nerlich übung / zu über komen dem se-
gedult / brüderliche lieb / vñ nit sechten
wider hoffart / mit den yetzgenantñ
siben lastern / wider vngedult / zorn /
neid / hass / klapern / eer abschneydñ /
murmeln / vngheorsame / da soll man
allen fleiß an tēren das die laster auß
getriben werdñ / da will nyeman hand
an legen / auch in reformiertñ clöstern
darumb würt nyeman besser / bleybe
wie es in d welt was Ja es würt vil
böser im closter weder es dauß was /
wen man nit vff den grund geet / man
findet layder wenig die closter werck
dar auff richten / als auff den aussern
glitz vñ ausserlich übung / die doch
nit seind das sūrennest / sonder allain
mittel zu der rechteñ gaislichait d tu-
genden die inwendig ligen / vñ ain
mensch gütt machen Es ist war /
man soll die selben closter weisen vñ
gaisstgebardñ fleißiglich halten / dis
soll aber noch fleißiglicher geübt /
vñ dar ein das ander gericht werden
Darumb das man die jungen nit vor
anfang auff die tugendñ weiset vñ
dar zu halt / so bleyben sy nit anders
weder annder flaischlich leitet bis in
iren tod / seind vnwillig ain ander zu
leiden / vñ die gebresten d swestern zu
tragen / da ist kein frid / kein inerlich
freud / wañ sy seind vnerstorben / vñ
ist in das closter ain vorhell / das in
ain paradis war / wen sy in tugendñ
auff erzogen wāren. ¶ Nun sprichst
du / wie erwör ich mich dises swertes
des bösen gaissts ? Es seind vil stuck
als man finde in suma viciorū. ¶ Nim
du das swert des gots worts auß dem
Pater noster / bit got vñ sprich Gehai-
liget werd dein nam / nit mein nam
Verleich mir herr demüt / treyb auß
hoffart auff das ich dein glori vñ eer
vñ nit die meine süch in allen dingñ.

Siben

As ander swert ist das swert
 des neids/ Stracks so du die
 erst rür des teüfels empfan-
 gen hast/ die hoffart/ so geet
 dise ander rür hernach/ so verwunde
 den der teüfel in mit dem andn swere
 des neids/ Vanegloriosus inuidet/
 tristatur de gloria alterius/ et hec est
 inuidia/ illa tristitia. Ain hoffertig/
 er mensch/ der geachtet will sein/ als
 bald er sichte das ain andrer meer auff
 geet weder er/ antuckstraur et er dar
 uon/ wan er sichte das durch des groß
 gehaltenheit sein eer gemindert würt
 das mag er nit erleidn Wie d' hoffer
 tig würt zer pflunzen im gemüt/ also
 der da gerürt würt von dem straich
 des neids/ dem würt der halß krum/
 würt windhellig Werneidig ist/ dem
 würt der halß krum. das er ain andr
 nit meer an mag sehen/ sichte neben
 sich/ darum das man ain andern men
 schen lobt. haist Inuidia. ab inuiden
 do/ nō videndo/ mögens nit sehñ Ain
 junckherz geet nit gern mit ain der
 besser hosen an hat weder er/ vff das
 die seinen nit veracht werdñ/ sonder
 scheinen/ vñ das er desser mer gelobt
 werd Des gleichen ain fraw geet nit
 gern mit ainr andern frawen die hüp
 scher ist weder sy/ auff das sy nit ver
 acht werd. Also ain prediger/ so der
 höret meer ain andern loben/ vnd er
 selbs gern geacht würt/ höret er nit
 gern vom selben sagen Wie ich sag
 von disen/ also ist es och in allen hant
 wercken/ ye ain handtwerck beneidet
 das ander/ ain hüpsche fraw die an
 der. Was geschicht ain solchen ney
 digen menschn: was vnrats schlecht
 zird wunden: susurratio/ detractio/
 erulatio in aduersis/ afflictio in pro
 speris/ odiū. so bald ain mensch den
 straich des neids empfangñ hat/ geet
 den hernach das er lügt wa er mag/

Schwertten

das er dem seineer vñ hochachtung
 vndertruck/ der in dunckt das er wöll
 grösser vñ erlicher scheinen od' gehat
 ten werdñ. ¶ Und zum ersten vnder
 steet er das erwan haymlich mit ein
 blasen/ vñ ain lüselen in das or/ vnd
 bläst eadem vñ dem ein/ vff das sein
 lob vñ glori dadurch gemindert werd
 Nīm ain gleichs Der prediger bläst
 erwan ain ein wider ain andern pre
 diget/ des lob er da durch vndersteet
 zu minderen/ spricht/ das ist falsch/
 er sagt nit das grund hat/ das haist
 susurratio/ oren blasen Also ist es in
 allendingen. ¶ Will das nit helfen
 so brücht er zum andern weiter auß
 dz er es offentlich von im sagt/ vñ im
 sein eer abschneit/ gegen dem vñ dem
 Da sagt es die deren/ so sagt es dise
 darnach ainer andn/ hat es vor haim
 lich ain in ain or gesagt/ aber yetz sa
 get er böß vñ übels von im offentlich
 in gegenwürtigkeit aller menschen
 auff das man nit souil dorff auff im
 halten als vor/ ist eer abschneydüg/
 detractio in absentia alterius. ¶ Vñ
 zum dritten so im vnglück zuhandert
 geet/ oder so man in fleucht oder übel
 redt/ den so bistu fro/ fröwest dich seins
 so es im übel geet/ das ist Erulatio
 in aduersis. ¶ Zum vierdñ/ so es im
 aber wol geet so salt dir das hertz der
 nider/ wüßst traurig/ traurst seins
 glücks/ ist afflictio in prosperis.
 ¶ Zum letzten/ nach dem allem/ geet
 hernach has/ ist odium/ das du ais
 fahest hassen die person/ magst sy
 weder sehen noch hören/ vnd ist dir
 als gifte was man dir von ir sagt/
 Sehent was vnglückhaftigñ dings
 ist neid/ so der teüfel dieselbigen men
 schen mit dem schwert des neids vor
 hin gerürt hat/ geet has darnach.
 ¶ Dis ander schwert des neids/ in
 der hailigen geschuffte Judiciū. vna

bedeutet würt durch den Aiot / Wir lesen von dem haydnischen König Eglon / der was überschwencklich fäist / was gewaltig über die Juden wordn / thet inen vil vnglücks an / die jüden thetten ains / warffen den Aiot auff / befallhen im groß gaben vnnnd schencken / das er komensolt zum selben König Eglon / im die gaben zu überantworten / vñ in vmbzubüngen / Diser Aiot het ain kurtzschwert auff der lincken seiten / vñ was also zügericht das es d' künig nit sehen möcht / Er kund auch zu bayden seiten fechten / dan er lincks vñ rechts was / zü der rechten hand eben als wol als zü der lincken / Er macht sich auff mit den gaben / vnd kam für den künig / bracht im die gaben vñ schenck / Do er nun die schenck gethon het / gieng er wider her auß / schied also vom künig / als er ferz außhin komen was / feret er wider vñ / wolt das vollendn das er im sinn het / vnd kam wider an das selb ort da der künig wonet / er fraget den kamerer wo der künig wär / er müst zü im / heet et was vergessen / vnd do er kam für den künig / sprach er zü im / Er het etwas haymlichs mit im zu redn / Der künig hieß sein volck alles hinaus gehen / do das geschach vñ yederman hinweg was / Sprach Aiot zum künig / Ich hab das wort gots mit dir zu redn / in dem zücht er stracks das schwert vñ stieß das durch den künig / so tieff hinein das der knopff durch in gieng / bis an dielamel / wan das swert het kain knopff / also das d' spect (als er fäist was) über das schwert gieng / das man es nit sach / ließ in ligen / schloß die thür zü vnd gieng hinweg / Was bedeut' das schwert: es bedeut' nicht anders weder haymlich eer abschneyden / haymlich rümen in ain oz / so der

mensch tut wider seinen nächsten / damit er vndersteet im sein eer nider zu trucken / das er allain gesehen will sein / das er gerümet werd von andern menschen. Das ist auch das ander schwert das da bedeut' das swert des grossen risen Golye / den David zu tod warff / do er werffen wolte / thet er fünff kislung in ain liderin sack / vnd thet ain in die schlencker / vnd warff dem risen denselben ersten stain in das hirn / do der ris nider fiel was er bald da / vñ nam Goliath swert vnd stach in damit zu tod. Also Neid ist das schwert / so der mensch vom teüfel damit gerüret würt / das er sein selbs seel damit zu tode sticht / Neid sticht sich zum allerersten vnd verseret sich zum allerersten / Als Jeronimus spricht. Inuidia primum morder sui. Vnd richt sich selbs in sein aigen vnderwurff / als d' wurm im holtz / nagee sein aigne müter / die in geborn hat. Also das schwert der Neid / ist in ain pein / das da sticht in aigen hertz / so sy iren nechsten ansehen / od hören güts von im sagen / dan sy veinden. ¶ Wie thät ich im aber sprichst du? Du solt im also thun / So der böß gaist gegn dir schlecht / solt du im ver setzen mit dem swert d' geschiffte im Vater noster. Aduentat regnum tuum. spuch. Her: zü kom dein reich / Nit nach der glory vñ eer diser welt / die da verschwindet vñ abgeet / aber zü kom dein reich / ewige selikait da wir alle künig vñ kaiser werden / vñ ewiglich selig / vñ kain neid noch vrbunst werdñ würt / wan nyemant hat d' d' defferminder im reich gots darüm das er gesellen hat im reich. Anders ist es mit dem zeitlichn reich / da leydet nyemant gern ain gesellen / D' d' seind alle ding gemain / tut das die lieb / vñ freuwer sich yderman des

Siben

ander gaben vñ gnaden so er hat.

As düt schwert ist / zorn / wöl
 d lichen der böß gaist mit dem
 schwert rüret / würt vnfinig
 vñ schellig. Traest breuis in-
 sania. Zorn ist nichts amders weder
 ain kurze vnfinnikait Wen ainer al
 so belyb ain halben tag / vñ es solang
 solt weren / als es weret ains Pater
 noster slang / wer wolt nit sprechen /
 das er vnfinig war. Ain zorniger
 mensch stelle sich vnfinniger / weder
 ainer der vnfinig ist. Ain vnfiniger
 mensch der lunaticus ist / hat ettwan
 clar vnderzüg seiner synn vnd ver-
 nunfft Aber dise zornigen menschen
 die das schwert gerürt hat / brauchen
 ir vernunfft wenig des tags / so man
 die zeit des gannzen tags zusamen
 schlecht oder rechnet / so ist er den tag
 meer vnfinig weder sinnig Wer mit
 disem schwert gewunder würt / dem
 schlecht grosser vnrat zü d wunden.
 Indignatio / tumor mentis / clamor /
 blasphemia / cōtumelia / rixa. Ist vn-
 würßhayt / geschwulst des gemütes
 blät sich / schreyen / gorzleßern / schel-
 ten / oder schlahen den nechstñ. Dem
 zorn volgn dise sechs stuck nach / wen
 der zornig mensch empfindet die vn-
 sinnikait des zorns von innen vñ von
 aussen. Er empfindet die innwen-
 dig / per indignatōem et tumorem /
 durch vnwürßhait. Zum ersten das
 er ansacht sein nächsten verachten /
 vñ hat ain vnwürßhait gegen im / er
 manit nit das er im solchs zügefügt
 solt haben. Wie empfindt er mer
 das er geschlagen ist mit dem swert
 des neids. Er würt zum andern ent-
 schickt / das er ansacht / innwendig
 ain bläen vñ geschwollenhait empfin-
 den / das im der kopff daruon groß
 würt / also das er gedencet vñ harten
 kopff vol in vil weg / wie er sich rech-

Schwertten

en müg gegen im. So du dise zway
 stuck empfindest in dir auff gon / wi-
 der den nechsten / solt du wissen das
 du yz gerürt bist mit dem schwert
 des neyds / das ist / tumor et indigna-
 tio. Wa bey mercket man meer die
 vnfinnikait? Man sieht im darnach
 an die vnfinnikait die er innwendig
 empfindet / das er mit heraus bricht
 in worten vñ werckñ / namlich in wor-
 ten mit schreyen vnd wüeten / kannit
 hüpschlich reden / ist clamor / ist der
 düt vnrat. Darnach zum vierden
 das er ansacht schelecken seinen näch-
 sten / du schalck / du büß / wie kanst du
 also thün / bochest in / sollich anfar
 bochen vnd bolderen / ist ain gewiß
 zaichen das du gerürt bist mit dem
 schwert des zorns / ist contumelia.
 Darnach zum fünfften brichst du
 weiter auß in der vnfinnikait die du
 empfindest / das du ansachst got den
 herin leßeren / ist blasphemia. Vñ
 zum letzten / das du außbrichst in wer-
 cken / gegendeinē nechsten mit schlas-
 hen mit deinen henden / fallest im in
 das har / oder schlechst in an ain ba-
 cken / od verwundest in sunst / ist rixa
 Bey den sechs stucken mercket man
 die vnfinnikait des zornigñ das er ge-
 rürt ist mit dem schwert innwendig
 des zorns so er heraus bricht in wor-
 ten vnd wercken. Vnd ist das drit-
 schwert / vns bedeit durch das swert
 künig Sauls / Davon in der Bibel
 steet im ersten büch der künig / am ij.
 capit. do der Saul stritt mit seiner
 veynden / von denen er überher schet
 ward das er nit mocht dauon kome
 do er das sach / das er inen nit moche
 entrinnen / setzet er im sein eigen swert
 an das hertz / vnd stach sich selber zu
 tod / Also thün auch die menschñ die
 mit dem schwert des zorns gerüret
 seind / sich selbs zu tod stechen / nit an

ders dan wie ainer thut der sich selbs mit seinem aigen schwert zu tod sticht von vnfinckait/ Also seind auch dise menschen/ die so vnfinckig werden von zornen/ das sy nit wissen was sy thun/ tödren sich selbs mit dem schwert des zorns/ das sy am ersten durchsticht/ eedas sy sich an irem veind rechen. ¶ Wie soll man aber dem zornen widersteen? Merck eben/ wen der böß gait gegen dir schlecht das dir das würmlin gerade in die nasen komet/ so man erwan dein gelacht oder gespoet/ od dich sunst saur angesehen hatt/ vnd du bist zornig/ der teüfel haet nach dir geschlagen/ so solt du im begeben mit d geschrift im Pater noster. Dein will der werd als im hymel vnd in erd/ sprich. Herz nite will ich das mein will geschech/ oder das man meines willens willfar Aber herz das ich meinen willen/ deinem willen vnd willfaren für gesetzet vnd gesücht hab Darumb solt du nit zürnen/ sonder herz gib mir das dein will geschech in meinem herzen/ es sey in krankhayt/ in widerwertigkait/ also das dein will hie gescheche an mir/ vnd nit mein will/ Laß auff mich fallen was du wilt/ vnd verleich mir gnediglich meinen willen/ zusetzen in deinen göttlichen willen/ Dein will werd herz/ vnd nit mein will Amen.

Thema. Indnite vos armaturā dei
Ad Ephesios vj. capitulo.
Legent eüch an die waffen gottes.

As vierdt swert ist das swert der tragkayt an gotadienst/ welchen der teüfel rüret mit dem swert/ dem hawet er die füß ab vñ macht in lam/ das er erliget an allem dem was got antrifft/ alle

gaisliche götliche ding seind im wisderig/ vnd das erlaufft den weg der sünden Er hat grossen vnwillen vnd entsitzet sich von allem dem das götliche vnd gaislich ding antreffen ist/ vnd ist im ain grosser last Darumb ist es ain gross ding vmb ain gaislich menschn der da gerürt würt mit tragkait/ der da alle ding vmb gotswillen verlassen hat/ lust diser welt/ eer vnd alle zeitliche gütter/ wen der nun auch vmb got kompt/ vnd got ganz verleürt/ so hat er alle ding verloren vnd ist vmb alles das komet das da mag sein/ wan alle götliche vñ gaisliche ding fleücht der trag mensch/ Vnd das soll verstanden werden/ da ain mensch sich solliche traurigkait last überwinden/ vnd mit vernunfft vnd willen nachhengt vñ thut Aber ain anders ist es vñ ain menschn der da erlegen ist/ vnd im alle gaisliche ding widerig seind/ leibs halb/ vnd der sinnlichait halb/ aber der will ist frisch wacker/ das ist kain tragkait/ wan du hast ain widerzame/ ain traurigkait in der sinnlichait/ on annüt All die weil du mit dem freyen willen ain züfechten hast zü got/ du säst lieber hinderm ofen dan in der kirch das haist nite tragkait. ¶ Grosser mechtiger vnrat schlecht zü den wunden/ so ain mensch tragkait last ein wachsen in im/ besonder die sich gebren haben in gaislich orden Was vnratdes schlecht darzür: Es ist Desperatio Pusillanimitas Torpor circa precepta Rancor Malicia/ et euagario mentis circa illicita. Es schlecht darzür vnrat/ Verzweiflung Klainmüttigkayt/ Schlafferigkayt gegen den gebotten gotes/ Groll Bos hayt/ Weitt vnd außschwaiffkayt gegen vnzimlichen dinngen Das ist der vnrat der darzür schlecht.

Siben

Ain solltcher mensch dem da widerig
 ist alle gaystlichait/ die im ganz nit
 schmacket auff erdrich/ der sellb
 wendet sich dauon/ vnd fleucht alls
 ain armer mensch thut Von erst das
 end aller gaislichen gütter Darnach
 die mittel die in darzu bringñ möchtñ
E Zum ersten fleucht er/ das das al
 lerfürnemest ist in der gaislichayt/
 das end gaislicher gütter/ das hym
 melreich/ an dem er verzweyset/ das
 ist der erst vnradt/ haisset verzwey
 lung So er an das hymelreich geden
 cket so trauret er darab/ bedunckt in
 vnmüglich sein/ das zuerlangen/ ist
 Desperatio. **E** Er hat darnach zum
 andern ain vnwillen/ anden rädren
 gottes/ dadurch er verfanglich vn
 auff das fürderlichest kómen mócht
 zu ewiger seligkait/ er greiff die nit
 an/ ist klainmütig/ alle gaystliche
 übung die von rädren gots seind/ die
 laste er ligen/ greiff sy nit an/ ist im
 widerig/ ist Pusillanimitas. **E** Er
 wendet sich darnach zum driten nit
 allain von den rädren gots Sonnder
 auch von seinen gebotten/ da durch
 er doch von not wegen kommen müß
 zu ewiger seligkait/ wañ spricht der
 her: Wilt du eingon in das ewig le
 ben so halt die gebot/ die seind im vn
 annütig/ ist liederlich vn schlafferig
 darzu/ ist Corpor circa precepta.
E Darnach zum vierden/ würt er
 veind/ trauret/ vnd wendet sich von
 allen menschen/ die in darzu ziehen
 wollen/ das er die rädte vnd gebot got
 tes halt/ vnd sich richt zu ewiger se
 ligkait/ zu denen gewinnt er ain vn
 gunst vnd grollen/ hasset sy/ das ist
 dan/ so man sy beraspelt/ das sy iren
 orden recht hallten sollen/ wider die
 oberkait seind sy die sy darzu treiben
 vn flichen all menschen die sy darzu
 ziehen wollen/ seind inen lastig vn ain

Schwertten

überbürde/ ist Xanxor. **E** Zum fünf
 tenschlecht der vnrad darzu/ ist Ma
 licia/ bosshayt/ das sy ain vnwillen
 gewinnen auch von gaislichen wer
 cken an imselbs/ denen sy gehas seind
 ain vnwillen darab hond/ darwider
 sechten/ wañ sy seind inen ain grosser
 schwärer last/ ist Malicia. **E** Dar
 nach zum sechsten/ so im also gais
 liche ding nit annütig seind/ vnd on
 trost vnd lust die leng nit sein mag/
 als Aristotiles spricht. Nemo potest
 diu esse sine delectatõe. Nyeman mag
 lang sein in trauren on lust vnd on
 freud/ wañ es mag ain mensch nit
 lang sein on lust/ er müß haben ergetz
 lichait So nun der mensch nit ergetz
 lichait hat in gaislichen dingen/ dar
 umb so tüt er ains/ vnd über sich mit
 andern dingen/ vn wirt außschway
 ffig mit gedencñ gegen vnzülichñ
 dingen/ erga illicita euagatio mens
 tis/ In gelangt nicht zu betrachten
 oder gedencen nach ewiger seligkait
 noch von hailigen/ darumb lauffen
 sy auß auf weltliche ding/ vn schmar
 cken in gaisliche ding wie ain hund
 die hachel oder neglin/ Er mag nit
 bey im selber in der stuben bleyben/
 spilet im bret/ lauffend als weit als
 die stat ist/ süchent gespilschafft oder
 geselschafft/ mögen sy nit bas/ gack
 en sy ee zum fenster außhin/ mit dem
 gackelwerck vertreyben sy also den
 gannzen tag Da her kompt das die
 gaystlichen geren hond das man zu
 inen laufft/ vnd ain geschwartz auß
 richtet/ sitzen geren am redfenster/
 brechen auß/ wann sy haben nit lust
 von innen gaystlicher ding **M** agstu
 nit bey dir selber bleyben/ das ist ain
 gewisz zaihen das du geschlagen bist
 mit dem swert d' tragkait/ nach dem
 als Seneca spricht. Signum compo
 siti mentis est secum posse consistere

Das ist ain zaichn̄ ains wolzusamen
 gesetzten gemütes / bey jm selber mö-
 gen bleyben. Sprichstu Ja ich müst
 vn̄sinnig werden solt ich schweygen
 vnd nit ain güten geschwartz haben
 Solt ich das nit thun / wo mit vlt
 ich zeit vertreyben. Ich antwurt vn̄
 sag dir / das du nichtz dester sinniger
 würdest vom geschwartz / die vn̄sinni-
 kait geet dir nit darumb ab Sonder
 nympt meer zu / vnd würst vn̄geschick-
 licher darnach zu gaislichen dingen /
 Glaub mir du kanst dich nit üben in
 gaislichen dinngen / alle diereil du
 dich damit ergetzen wilt / das haisset
 außschwaiffen Da soll ain gaislich
 er menschligen / sich nit gewänen in
 ausserlichen dinngen / die zeit zu vertrey-
 ben vnd also außgion / außlauffen vn̄
 vsschwaiffen / das er ganz heraus
 lig / wan dardurch würt nymermer
 nichtz güts auß ainem menschen der
 also außschaiffet vnd zeit vertreybt
 mit außserlichen dinngen. ¶ Das
 schwert würt vns bedeytet / bey dem
 schwert damit erschlagen ward der
 künig hyfboser / künig Sauls sun /
 ij. Regum iij. der lag auff seinem
 strat vnd schlieff zu mittentag do die
 son̄ am allerhaissesten brant im tag /
 vnd die Kellerin oder junckfraw die
 der thüren hütet saß an der thür vnd
 wartet / die seübert oder reyteret
 wayzen / vnd entschlieff ob dem way-
 zen / vnd als der künig oben lag vn̄
 auch schlieff / do kamen zwen mörder
 die waren seine veind / vnd sahen das
 die junckfraw schlieff ob dem wayzen
 Also namen sy aber in jr hand vom
 wayzen vnd schlichen oder giengen
 hinein / als ob sy korn wölten kauffen
 kamen hinauff zum künig in den sal
 do er dan lag vnd schlieff / erstachen
 in zu den gemechten ein zu tod / vnd
 hüwen jm darnach den kopff ab / vnd

trügen den mit inen hinweg / Wer
 ist der hyfboser der da schlieff / vnd
 dem der kopf abgehown ward. Das
 ist ain träger lawer mensch / der da
 schlafft in seinem hertzen / der sich nit
 auffmacht / den nichts gaisliches ge-
 lustet / sonder entschlafft / vnd gedent-
 cket nit warumb dieneft du nit got.
 Hyfboser schlieff zu mittag do die
 son̄ am allerhaissesten schin Vnd die
 trägen liederlichen menschen seind
 faul vnd schlaffen / so anderemensch
 en jr Schwester oder brüder / in grosser
 hitz der liebe wachen vnd got dienen
 vnd flackern als die son̄ vnd binner
 in d liebe gottes Aber sy ligent wund
 von tragkait / vnd hat sy der schlaff
 überwunden Er fraget wenig nach
 den gebotten gottes / darzu vermag
 er sich der rät gottes auch nit / dise
 wollen nichts angreifen Got schma-
 cket inen auch nit Sy seind darzu vn̄
 gedultig über die menschen / vn̄ seind
 veind allen denen die sy zu gütem trey-
 ben Sy werden auch etwan durch
 dise faulhait geschlagen vom teüfel
 zu den gemachten ein / denn so komet
 etwan darnach schamliche schand-
 liche ding / die der teüfel auch selbs
 hasset / das ist vn̄keüschayt / darvon
 weger geschwigen ist dann geredet /
 das der selb mensch lust sücht vn̄ sich
 selb anrürt. ¶ Nun fragest du / Wie
 soll man versetzen dem teüfel wider
 das schwert. Du solt versetzen dem
 straich / mit dem schwert des wort got-
 tes / des ain ganz nest vol ist / oder auß
 dem Pater noster / Panem nostrum
 quotidianū da nobis hodie. Unser
 täglich brot gib vns heüt. Herz wöl-
 lest mir geben dein gnad / vnd mich
 damit stercken / das ich anfach starck
 zu werden im weg gottes / vnd in
 dein dienst / das ich nit fall in er-
 rigkait / erschlagen hayt / durch das

Siben

Schwerten

laster der tragkayt / Sonnder hilff
 das mir die laßhait vergang / wann
 wir seyen vnstarck / laß / erlegen vnd
 klainmütig gegen den gebotten got-
 tes des herien. Es ist kein verfangt-
 lichere hilff / vnd ist nichtz häfftigers
 wider das laster tragkayt / weder an-
 ruffung zu got dem allmechtigen /
 vmb die gnad gotes / das ain mensch
 got den herin ernstlichen bitten woll
 im solliche gnad zuuerleyhen / das er
 mög erfrist werden / vnd wacker im
 dien ist gottes des herien. Bit got das
 er dir geballs dem erschlaggen vnd
 müden Helyas vnder der weckalter
 stauden / das ascher brot des hailigen
 sacraments / das du dauon gestercke
 werdest vnd ermündert / zu geenden
 weg zu den berg gottes.

As fünfft schwert ist Glas-
 dius Auaricie / das schwert
 des geiz Wen der böß gaist
 mit dem schwert rüret vnd
 wunde / der würte gelamet in den her-
 den / die werden im abgehownen / also
 das er nichtz geben kan / hat kein hend
 deshalb kan er die hend nit auffthun
 Dise geitigen menschen die also ge-
 rürt seind mit dem schwert / halten
 alle hinder sich / gebent keinem armen
 menschn nichtz. Sy lügen das sy ym-
 mer meder auff jren tellernisten / vnd
 samlen vmb vnd umb zu samen / got
 geb es gang sunst wie es woll. Deshal-
 ben zway stuck vñ übel auf dem geiz
 stond Acquirere et retinere. Aincwe-
 ders lügen sy das sy zusammen samlen
 vnd hauffen / angst vñ not haben wie
 sy güte überkommen. Oder aber so sy
 vil haben / das sy nit erst dürffen ge-
 winnen / sonder vorgewunnen güte ist
 das selb behalten sy / vnd mitraylend
 nyemands nichtz / seind ganz lam inn
 bender die jnen abgehownen seind / ha-

ben kein hend. Nun auff das die men-
 schen nit gerüret werden in goyst-
 lichem stat / in ordien / ist es fürsichtig
 kluch versehen / das sy nichts aygens
 haben sollen / sonnder das sy alle ge-
 main / vnd ain gewandkamer haben
 da ire klayder allesampt inn ligen /
 vnd nit in jren zellen aygens haben
 Auch das yegliche in ir zell bloßlich
 souil hab / das sy zu der hand hab / so
 vil sy bedarff vnd ir not ist. Wo das
 nit gehalten würt so ist es kein refor-
 matz / besonder die da ymer meder zu
 samen samlen vnd raspeln / alles das
 in werden mag / vnd hinder sich hal-
 ten / die hat der teüfel geschlagen mit
 dem schwert des geiz. Dar umb was
 man in das closter gibt / soll die selb
 nit sprechen / das hat man mir geben /
 Man soll das der Priorin vnder die
 hand geben / die soll es den austraylen
 den schwestern / ist sy sein dan notdür-
 ffig / so mag sy ir das oder aunders
 geben / ist sy sein aber nit allernordür-
 ffigest / so soll man das ee ainer ande-
 ren geben / die sein nordürffriger ist /
 weder das man es deren geben soll /
 vnd soll es deren nit geben / deren es
 geben würt / sonder soll es den ande-
 ren mitraylen die sein nordürffrig
 seind Darumb ist es alles falsch / wo
 es nit alles gemain ist / vñ ist gauckel
 werck. Das haltet das hertz frey vnd
 ledig / da man nit ansich helt / oder zu
 samen samlet / wañ so es gemain ist /
 so mag kein anmür daran hangen mit
 hertzen / wie man trincket auß ainem
 Keller / also soll man auch ain gemay-
 ne gewand kamer haben / dar auß man
 die klaiden nemen soll / vnd sol nit yede
 ain aygne gewandkamer haben / das
 ist / damit man für komen mag / dem
 selben straych des swertes des geits.
 Wer mit disem schwert geschediget
 würt / schlecht grosser vnrade zu der

wunden/scilicet Obstinatio contra misericordiam/inquietudo/violentia/fal-laria/peririū/fracus/proditio/.

Was vnrares schlecht darzu: Es schlecht darzu Verherrigung wider die barmhertzigkeit/vnrüw/gewalt/Bescheiffung/mainayd/betrügung/verräterey/seind siben vnrat. ¶ Zu dem ersten schlecht der vnrat zu der wunden. Verherrigung wider die barmhertzigkeit/wen ain mensch also geitig ist/vnd vil liebe darzu hat/würt er sonil verhört/wan ye mer er hat ye hört er würt/vnd gibt mñ der auß daß ainer der wenig hat/vñ ye minder ainer hatt ye lieber er auß gibt. Aber wir gaislichen in clöstern oder außserhalb/rasplen zusammen/vñ haußen auß erwanzwaytausent vier tayl koina/sy strecken die recht hand auß/vnd seind betayt einzunemen/Aber mit der andern hand halten sy ymerdar hinder sich/geben ainem armen menschen kaum ain stuck brots/ye gaislicher ye geitiger/ist kain end daran/das ist obstinatio cōtra misericordia. ¶ Es schlecht zum andern der vnrat darzu/so ainer nicht hat so vndersteet er zu gewinē/vnd gedencet im tag vñ nacht nach/wie er mög vil überkomen/vnd hatt weder rñw noch rast Das ist d ander schad der auß der wunden des geits erwachset/haißt inquietudo/vnrüw. ¶ Es schlecht zum dritten der vnrat darzu das er gewalt braucht/nympt dem armen das sein ab mit gewalt wider recht/ist violentia/als die her:ñ vñ gewaltigen den vnderthonen oder armen tünd/die sich nit wören mögen. ¶ Zum vierden schlecht darzu der vnrat/mag er nit gewalt brauchñ/so brauche er außsatz/treibt süßheit mit außserzigen worten/das mit liegen zu geet/ist fallacia in verbis/haißet do-

lus/Er gebrauchet sich nit schlechter wort/sonder lügt/vñ trügt sein nächsten menschen wo er kan/vnd onvnderlaß ist beschiff da. ¶ Zum fünfften/bescheiffet er in nit all ain mit schlechten worten/sonder bestättiget es mit dem ayd/vnd schwöret darzu hoch vñ theür es sey also/so ist es erlogñ/ist periuriū/mainayd. ¶ Darnach schlecht der sechste vnrat darzu in wercken/mit tün in geschichten/per fraudem/mit beschiff/das sy lügen wie sy iren nächsten betriegen/bescheiffen mügent/geben im meiß direct für pfeffer. ¶ Zum Sibenden schlecht darzu diser vnrat Proditio Verräterey/das ainer den andern verradt vñ hingibt/wie Judas der christum Jesum hingab/vmb xxx. pfening/darzu bracht in d geiz. Das ist der vnrat der zu den wunden schlechte/die der teüfel mit dem schwert des geits rüren ist. Dis fünff swert des geits/ist vns bedeitet Judicū. j. bey dem schwert Adonibesech. Von dem wir lesen/das er lxx. künigen hat hend vñ füß abgehoben/vnd müßten vñnder seinem tisch kriechen auff allen vieren/vñ die nachlayben essen Geschach darnach das im auch alle viere würdn abgehoben/Dos sprach er/Als ich gethon hab/also hat mir got wider golten. Diser Adonibesech bedeitet den bösen gais/vann Adonibesech ist alls vil gesagt/alls ain herr des blitz oder wetterlaychs Vñ der teüfel ist vñdem hymel gefallen in gestalt des blitzes/alls der herr im Euangelio spricht Lucey. Vidit sathanā tanquā fulgur de celo cadentem zc. Der howet den geitigen die hend ab das sy vngebüg werdn Streckent ire hend nit auß gegen armen dürftigñ leütten. Er howt mñ auch die füß ab/das ist/die güten begirdñ

das sy die selben hinauff gegen got vnd hymelischen dingen nicht richten mögen/wan die sorg so sy haben zu zeitlichn gütern irret sy/als die dom irren das köm in das es nicht wachsen mag Als der herz spricht im ewangelio / Vnd also kriechen die vnseeligē geitigen menschen auff der erden in irdischū dingen/vnd würt in den nocht nichts darvon weder die nach laybeten/vñ das aller näch gültigēst Sayger wein/schymelig brott/faul öpffel/stimckend flaisch/brauchent kein ding es sey dan verdoiben/Ach got sprichst du/wie erwidertich mich des schwerts/Also wör dich/wenn der teufel gegen dir schlecht mit dem schwert des geits/so solt du versetzē gegen dem schwert des teufels/mitt dem schwert des gotz worts/mitt dem fünften stuck auß dem Pater noster. herz laß vns ab vnser schuld/als och wir ablassen vnser schuldnern Laß vns ab das wir also beerogen haben vnsern nechsten/da mit symoneyen/da mit falschen köuffen/deshalb wir in vil pflichtig vñ schuldig seind wir der zu kerē/Gib mir herz ain hertz/das ich meinem nechsten ain wider ker thū/des/da ich weiß das ich in das sein vnbillichen abgenommen vnd berrögen hab/vñ laß mir ab die schuld das ich wider meinen nechsten gerott hab/als ich in auch gern vmb gots willen ablassen will.

As sechste schwert ist das schwert des frass vnd füllerey. Wer da verwundt würt mit dem schwert des frass/den schlecht der teufel auff das maul/vñ macht ain winter trollen auß im/vñ ain thoroehen menschen Es werden darauf schlecker/schleckerhafftig/geneschig/die die kammeln alle vmb

stürzen/die ir sach niendert auffsetz en dann auff ain güts trincklin/vnd auff schleck/das ist ir gefert Die irren fraven beuelhen/das alle ding sanfft vñnd wol beraytet seyen/das es wol schmack/vñnd warzū man senff soll essen/das nur selzam ist/als zu galz ray oder sulz/das da ist ain neüwege wonhayt yetz/des rümen sy sich dar nach wasy sitzen/seind warlich ges schlagen mit dem schwert des frass/Sy ligen was man essen will andem vñ an ihenem tag Das aller erst neüwes außgeet/das vor nyem an gesehen hat/das müß zum ersten dar gesetzt werden Es soll ordenlich gelebt sein/sprechen sy Wöllen dem rachen vñnd dem bauch genüg sein/wartten ir selbs wie ains seder spils/wen die irs leibs also warten/da würt nymer kein rechter gaislicher mensch auß/soll nicht. Zwischen fressen vñnd essen Vñnd essen vñnd schlecken/ist ain grosser vnder schayd. Fressen ist/da man sich zu volfület/das man übergeet/da kein vernunfft gebraucht würt/gantz vnzichtig ist/in sich werffen wie ain hund. Essen ist da man nach vernunfft zu blosser node yffet/so vil im dienet vñnd er bedarff. Aber schlecken ist/da der glust ainen menschen treibt zu ain ding das im nicht not ist Sonder allain das es im anmütig ist/vñnd lust daran hat vñnd zicket in/darumb yffet er/möcht des wolentz brosten sein/das ist geschleckt/Aber da ain mensch yffet (das er sich mag enthalten vñnd arbayten) so vil im not ist/vñ im dienet zu d arbeit darzu er pflichtig ist dieselb zu volbringē/daz haisset nicht geschleckt Ain gerber tarff meer dan ain schneyder/vñnd ain hitziger tarff meer weder ainer der kalter natur ist/wan er verdöwet auch bas dan diser Vñnd also ye ainer meer dan

der amder/darnach yeglicher ge-
schickt ist/vnd arbeit hüt. Ja sprü-
chest du/Man muß geessen haben/
man muß essen/was sagst du darzu?
Ich antwurd dir/Es ist war/man
muß essen/aber nicht schlecken/Es
zu zimlicher noedurfft ist nicht sünd/
Aber schlecken allain daruim das es
güt ist/vnd hast sunst gnüg geessen
nach mitmaß aller noedurfft/vnd
nach rechter vernunfft hast du gnüg
das haist geschlecke vñ ist sünd/wen
du allain schlecken müst/so hat dich
der teufel troffen auff das maul/mit
dem schwert des frasz Ist aber nicht
tod sünd/du über gangest dann das
gebot/das war den da ainer frasz vñ
überfüller sich so gar das er darvon
doim vnd toll würd/das es nit möchte
in die metten kómen/die es dardurch
verfaumen müst/darzu es verbundñ
vnd pflichtig ist/als den war es tod
sünd/od in andern stucken/da ainer
das gebot gots überträt/von schleck-
en würt nymer nichtz auß dir gayst-
lichs/aber du solt speiß so vil nemen
als dich gedunckt nach rechter maß
das du genüg habest vñ dir not thüt
zu s arbeit/die du volbringen solt/
das ist nit sünd. Ja sprichst du/Ich
waites aber nit/wer will mir s sagñ
das ichs zil als eben treffen mög:wen
du es chüst auß vnwissenhait/so ist es
ain sünd der vnwissenhait Impruden-
tie et non gule. Aber so du dir lassest
kostliche ding kochen vñ kausen vñ
berayten on not/allain das du ain
anmüt darzu hast vnd das dich der
glust darzu treibt/das ist geschlecke
Bistu aber also schwach oder blöd/
vnd ist dir not zu deiner auffenthal-
tung/das du deß stercker sein magst
den so ist es nit geschlecke/Aber lüg
ebenso du obtrisch sitzest/das dich der
schalck nit treib vnvernünfftlich

zu dem schleck/das du dich nit über-
greiffest/vnd meer vmb lusts willen
esset/dann vmb noedurfft willen/
wan obtrisch darstu nichtz anders
gedencken/dan das du des on vnder
laß warnemest/das du vernünfftig
klich vñ cristenlich esset Deshalb/
das grosser vnradt zu der wunden
schlecht/den der teufel iürt mit dem
schwert des frasz. Es schlecke darzu
Ebetudomētis/inepta leticia/mul-
tiloquū/scurilitas/immundicia.
Der vnradt schlecht zu der wunden/
Stümpffe des gemüts/vnfügklich
fröed/vil geschwartz/gauckelweisen
vnd vnflätigkeit. ¶ Zum ersten/wo
der teufel ain menschn wundschlecht
mit dem schwert des frasz/bringet im
vnrat in der vernunfft/das er stum-
pffer sinn würt/vnd nit wait was
er thüt/braucht gang kein vernunfft
Darumb wer das charpffsinnig will
werden der soll lügen das es mäßig
sey in essen vnd trincken/wann von
der fullerey des frasz überflüssigklich
der rampff von der speiß dem men-
schen auffreichet vom magen in das
haupt/das sy stumpff verstennuß
haben vnd nit scharpff hinein sehen
mögen. ¶ Zum andern schlecht auch
darnach der vnradt zu der wunden
das er würt vngeschickte in der sinn-
lichait/in der begirlichñ krafft/das
er anfacht mütig sein/vnfügliche
freud hat/mit thorehñ freuden auß-
bricht/Lachen/Kitteren/haha ha/ist
gütter ding/gauckelecht/narisch/
das ist/inepta leticia. ¶ Zum drit-
ten schlecht vnradt auch darzu/das
sy verhönt werdñ im maul/vil swartz
en/ist multiloquū. Prima mensa fr-
let/secunda loquitur/tercia clamat.
Zum ersten im trisch schweiget man/
yder man yffer für sich vnd schweiget
Von sunt loquē neqz sermones 22

Siben

Darnach facht man an zu redn von sachen. Erst sermo inter fratres / Und zum dritten facht man an zu schreyen vnd ist. In oem terra erit uic sonus e: zum 2c. so du lanng vnd vil geschwartz hast / Kompt es hinder nach darzu das du wölest du herrest geschwign. ¶ Der vierd vnrat / der zu d wundn schlech / ist scurrilitas / gauckelweisen / also das nitt allain in wortten vnuernunfft gebraucht würt / sonder auch mit gebardn / die selben vollen krüg haben an schirmen weñsy haym komen vnd treyben vil gauckelwercks / künden vor voll kom gon / vnd hangt in der gürtel abhin bis an die knye / dann so ziehen sy die räsch hernach vnd tanzen mit / so sy eroffen seind mit dem schwerettedes frass. ¶ Zum fünfften vnd letzten / so sy allso gerürt werden / Kompt da von der vnrat Immudicia. Vnray nitait / vnflätigkeit des leibs / vnden vnd oben / mit speyen / vnd wüstereyen / vnd andern schamlichen dingen / die sich nit zymmen zu reden. ¶ Dis schwert des teufels / des frass vñ fül lerey / ist vns bedeur durch den Joab scdo Regum xx. Der nam ain swert verbar ges in ain schayden vnnder seinen rock / das es nitt ferrer hinab hieng / weder bis zu den lenden in der schayden / als ain kurtzer rock bedeck en mag / vñ nyemans kund es sehen / Kam zu ainem hieß Amasa / graiff im mitt der rechten hand an das kynn / küßet in vnd sprach zu im. Got grüß dich mein lieber brüder / aber Amasa nam des schwerts nitt war / das der Joab vmb sich gürtet hett / stracks zoch er das schwert haymlichen auß vnd stieß es im in die seitt / do was er tod. Wer ist d Amasa / der des swertes nit warnympt / dem d teufel zum maul zu / an das kynn greiffe / vnd in

Schwertten

zu tod stiche? Es ist ain füllereich So du der füllerey nachhengst / vñ dem schleck genüg wilt sein / vnd wilt nit ain benügñ haben zu deiner notturft Sonder allain nach lust essen / das es dir nur wol schmack / nimpst des swertes der füllerey nit war / damit der teufel dich zu tod schleche / das ist den So der schleck in dir herfür tringt / vnd du allain deinem gelust genüg wilt sein / vnd greiffest darnach / das dir doch nit not ist / möchtest wol genüg daran haben das du vor geessen hast Aber der schleck zickt dich / dem du nach hengest. ¶ Sprichst du / So müß ich nit mit lust essen? Ich sprich nit das du solt on lust essen Ain mensch müß lust haben so er yßet / aber du solt nit auß lust essen / du solt essen al lain zu deiner nordurfft Wiewol dir die speiß wol schmacket / das schadet dir nit / lüg nur das du darumb esset das sy dir gesund sey / vnd dir not sey vnd nit fürnemlich vnd endlich das es dir lustig sey vnd wol schmacket / not vñ nutz soll dich treyben zu essen Alls zu ainer argney / der man nit meer braucht / weder bloß als not ist / vñ nit vmb lustes willen / Also leeret got sant Augustin / das er zu d speiß geen solt / als zu ainer ergney. ¶ Wiesoll ich mich wören vnd versetzen dem teufel / wider das schwert des frasses? Versetz im mitt der geschriffte / mit dem wort gots / mit dem sechsten stuck im Paternoster / schrey zu got / sprich. Herz nit wölest vnns einführen in versüchung Nit wölest vns lassen überwunden werdñ in der anfechtung des frass. Der herz ward selbs versüchet mitt dem schleck im frass / er widerstünd im aber / wann er wöret sich mit dem schwert der geschriffte vnd sprach. Es ist geschribn No in solo pane uiuit homo 2c. Nit
bb ij

allain in dem brot lebt der mensch/
Sonder in allem wort das da her für
geet auß dem mund gottes/ Darum
soll ain mensch allwegen sein selbs
warnemen ob tisch/vñ den herren an
ruffen/ im züerleyhen / das er sich
zymlichen vnd mäßiglichñ halten
mög in essen vnd trincken/ das er in
nirt laß verfür werden/ durch den
schlecht/vom schwert des teufels des
fraß/ vnd das er nirt so vnbehüt sam
sey/ das er das recht zyl übergang/
weytter dan nach rechter vernunft/
vnd nordurfft.

Thema. Induite vos armaturā dei.
Ad Ephesios vj. Legent eüch an die
waffen gottes.

As sibend vnd letzst schwert
damit der böß gayst vnder/
steer zu tödren den menschen
in seiner seel/ ist vnkeüschait/
vnd ist das schwert das nyeman über
sicht/ dem auch nyemant entfliehen
mag Es schlecht junge kind/ priester
Gaißlich personen/ vnd vnderthon/
schont nyemants/ weder armen noch
reichen/ Alls sanctus Jeronimus
spricht/ das der vnflut wütet gleich
vnder ainem zerhudekten rock/ vñ vn
der ainer sameten schauben/ vnkeü/
schait/ es übersicht nyemandt/ er sey
arm oder reich. Des schwertes ge
braucht sich auch der teüfel gegñ den
jungen kinden/ die er damit schlechte
Als Job am ersten geschriben steet/
Pueros percusserūt gladio. Sy ha
ben die kind geschlagñ mit dem swert
Du hast von den priestern im David
do er spricht. Sacerdotes eorū in gla
dio ceciderūt. Ire priester seind gefal
len vom schwert. Item Jeremie am
ändern/ da steet von gaißlichen clo
sterleüten. Denorauit gladius vester

pphetas vestros. Züwer schwert hat
eüwere propheten/ das seind/ gayß
liche personen/ gerödtet. Von den vn
derthonen spricht David. Er hatt
beschlossen das volck im schwert/ ver
stand/ der vnkeüschait/ damit yeder
man getroffen würt Das ist das feü
rin schwert/ von dem der selb David
begert er löst zu werden/ do er zü got
schray. A gladio maligno. id est. male
ignito/ eripe me. Herz er löß mich vñ
dem bösen schwert/ das ist/ von dem
feürin schwert des teufels/ der vn/
keüschait/ wañ nyeman ist der/ der
sich mag verbergen vor der hize des
feürin schwerts. Wer damit troffen
würt/ den macht es zü ainem narren/
das er warlich ain narz ist/ vñ auch
ain narz genannt würt. Do Davids
sun Amon sein aigne Schwester Tha
mar wolt schenden/ als er auch thet/
nam er sich an er wär krank/ schickte
nach jr/ sy sölt im ain habermüßlin
kochñ/ er möcht sunst nichtz essen/ es
was aber büberey/ wañ er was trof
fen mit dem schwert der vnkeüschait
Do sy kam/ wolt er sy beschlaffen/ do
sprach sy zü im. Noli facere hęc stu
ticiā. Nit thñ dise chorhait/ Scheit
da/ wie dise in der geschrißte narren
genent werden/ die da der vnkeüsch
nach gond/ das seind warlich narren
vñ gauckelleüt/ die mit dem gauckel
werck vnd narrenwerck vmb gond/
die die vnkeüschayt verblendet vnd
gantz zum narren macht/ vnd au eh
yeder man gewonlich die also nemet
vnd spricht/ Das ist ain weiser man
vnd ist gantz zü ain narren worden.
Redt ain wirziger man mit ainer fra
wen vmb das kappengelt/ sy sprichet
stracks zü im (ist sy achter fromb)
Alter narz laß mich daruon. Zü allen
anndern lastern so der mensch thñe
pfligt man in nit ain narren nennet

als so er mit d vnflätigkeit behencke
ist/vñ das ist auch jr rechter nam das
man inen narz spricht/wañ sy seind
nienerzñ nütz/gantz nichtz meer wert
weder zu braten noch zu siedengürt.
¶ Wer da geschlagñ würt mit dem
swert d vnkeüschait/den entriche der
teüfel/das er vndersteet in maniger
lay weiß der lüste zu pflegen. Sontz
catõe/adulterio/stupro/incestu/sa
crilegio/sodomia. Er vndersteet die
vnkeüschait zu volbringen/es sey in
gemainer vnkeüschait Es sey in Le
buech/oder mit juncckfrawenschen
den/es sey mit aigen freünd schendñ
Es sey mit gaislichen personen die
zu schwächen/es sey mit d vngenan
ten vnkeüschait/darum man die leüt
verbreit/oder sich schämlich schämt
lich selbs anrüren/die gemacht im
oder ändern/das da nützer geschwi
gen ist/dañ geredt/wölche vnkeüsch
hait der teüfel selbs hasset/vñ dar ab
speüwet vñ spricht pfey pfey. Soder
teüfel aijn solchen menschn rüret mit
dem swert/vnd d mensch nie kan vn
keüschait volbringñ mit den werckñ
so lügt er das er es volbring mitt ge
dencken vñ willen/So ain sollicher
mensch sich schämt/vnkeüschait mit
den wercken zu volbringgen/duncke
sich selber zu güte darzñ sein das er
mit dem vnflät soll vmbgon/so lügt
er aber das er dem genüg sey/inwen
dig mit den gedenden/vñ also was
im abgeet an wercken/das volbringt
er mit dem willen. Der mensch d da
in sollichen lust verwilliget mit ver
dachtem müte/vnd hat in seinem her
zen aijn anschlag vñ willen/möcht er
es mit den wercken zu wegen bringñ
das es verschwigen vñ haymlich be
lyb so wölt er es tün Der selb mensch
hat yetundan empfangñ ain todwun
den in seiner seelen vom schwert des

teüfels/vnd aintodsünd volbracht.
Auch so du schon nit verwilligest in
das werck/vnd sprichst das verbyet
mir got/so verwilligest du aber in
den gedanck vñ in den lust den du hast
ind üppigkeit/gedenckst im nach/
vnd hast lust/im oder von dem geda
chten werck/delectatõe in cogitata re
sue actu cogitato/nō solū in cogita
tõe/qd potius esset curiositatis pctm
qz luxurie/vr d: in prima scde. Das
ist da ain mensch den gedanck hin vñ
her waltzet im kopff/vnd dem teüfel
den braten vmb wende so er morgens
am bett ligt/oder sunst bey im selber
all ain sitz oder ligt/vñ hat aijn lust
im selben gedachten ding/wiewol er
nit verwilliget in das werck/so hat
er doch ainen lust in dem gedachten
werck darein er verwilliget. Da spr
chet sant Thomas/das der selb mer
sche yetundan tödelich hab gesündet
Darum so bald ain gedanck her falle
vnd einbrechen will/soll ain mensch
in stracks auß dem hertzen schütten/
nämlich am morgen so du erwachest
vnd außgeschlafen hast/vñ die ge
denck der vnkeüschait komen vñ ein
brechen/solt du nymermeer im bett
bleyben ligen/besonder junge hitige
menschen. Ich halt das ain mensch
der sich nit anders möcht er wō in sol
cher anfechtñg/dañ durch aufsteen/
vñ er das merket od warnam/das deñ
ain sollicher mensch schuldig sey vff
zusteen bey ainer todsünd/damitt er
sich erweren mag des gedancks vnd
verwilligens/vñ auch erwan der wer
cke/wañ so er bleybe ligen/vnd dem
teüfel geradt den braten hin vnd her
wenden/begeben sich zum dickeren
mal schwärer sünden/die da also ges
handelt werdn/on man oder frawen
bey inen selbs/weder so sy die mit den
werckñ sunst volbrachten. Verfoln
bb ij

in ain mantel hat / der den vnuerbrant
will haben / soll die kolennit darin laß
sen rüwen / sonder soll die stracks auß
schiren / breient den mantel dennoch
Also so dir ain vnkeüschער gedanck
einfelt / solt du nit darin rüwen / son
der in stracks ainswegs außschütten
anderst er flechtet ymermeder für vn
für. Will es dan nit hinweg vn lige
dir nichtz destminder im kopff in der
sylichait So sprich ich / so lang dir
der gedanck nit also gegenwürtig ist
das du darein verwilligest / noch in
dureh dein freyen willen an nympt
solang sündest du nit tödelich Der zu
fall oder einfall des gedanckes oder
lusts bringe dir kain schaden Wenn
du es aber empfachst vn haltest / vnd
gaucklest mit dem gedanck vn lust /
den du dauon hast / vnd verwilligest
darein mit bedachtem müß / vn mer
ckest den gedanck / vnd hast ain gefall
en in dem gedachten werck vnd hast
es gern / wär dir layd das es nitt da
wär / so ist es todtsünd. Grosser mäch
tiger vnrat schlecht zu diser wundn
der vnkeüschait. *Cecitas mentis / pre
cipitatio / incōsideratio / incōstantia
Amor sui / odium dei / affectus pñtis
seculi / desperatio futuri seculi.* Das
seind acht vnrat die da schlagen zu
den wunden der vnkeüschait / damit
ain mensch also verwundet würt.
Der erst vnrat ist blintheit des ge
müts Der ander / überschnellig / frä
uel od übersfürzig Der drit / vnwar
nemlichait Der vierd vnstätigkeit.
Der fünft / liebe sein selbs Der sechste
hass gots Der sibend / anmüt zu di
ser welt Der acht / verzweyflung an
der künfftigen welt. Diser acht stuck
nemen eben war. ¶ Der erst vnrat
ist / blintheit des gemüts / d verstant
nuß oder d vernunft Wenn die nidern
krefte d seelen häßriglich geübt wer

den gegen iren gegenwürffen / somiß
sen von norwegen die obern krefte ge
irret wördn vnd entricht in iren wer
cken / Nun durch vnkeüschait wer
den die nidern krefte der seelen / be
sonder die begirlich krefte / ganz an
geheftet an iren gegenwürff des lust
lichen dings / der grossen gäbin halb
vnd vngestümeder entrichtung vnd
lustes / dammen so würdet das gemüt
vnd vernunft durch vnkeüschait ge
irret an rechter erkantnuß / nympt
auff für güte das nit güte ist / vnd das
ist blintheit des gemütes / Darumb
Danielis am xij. ca. sprach Daniel
zu dem der mitt vnkeüschait getrof
fen was gegn Susanna. Die gestalt
hat dich berogen / vnd der glust hat
dir dein hertz vmb gekeret. ¶ Der
annder vnrat ist / fräuel / vnberaten
hait / übersfürzigkait / häßer in la
tin *Precipitatio / temeritas.* Ain vn
keüschער mensch wirt nit allain blin
des gemüts / wie vorgesagt ist / in vn
rechter erwelung des ends Sonder
würt auch geirret in anschlag d mie
tel zu erlangen / das einnd / durch ge
bruch radts. Ain sollicher würt nitt
allain entrichtet im duncken / das er
in seiner verstantnuß vnd vernunft
ganz blind würt Sonder er würt
auch endricht vnd entschickt in der
selben vernunft / also / das er vnrat
blest in die sach hinein / wenn die also
troffen seind mit dem schwert der vn
keüschait / werden so vnberaten das
sy überschnellen vnd übersfürzen /
vnd ains justs hinein fallen / als ain
muck in ain habermüß / künden das
recht mittel nitt treffen / sy bleeschen
darein vnd übersfürzen / als da man
ainen emborlingn die stegen über ab
würffet / der selb fallt nit hinab von
ainer stassel zu der anderen / sonder
ainmals übersfürzt er eben hinab /

Siben

bis das er fallet zu der allervnnder-
 sten staffel an der stiegen/ das hays-
 set in latin Precipitatio/ überstürzt
 oder überschneellen/ wann sy gond
 nit hinab die staffeln der vernunfft
 das sy gedencen künden/ wie es zu
 tün sey/ wieman doch zusamenkom-
 men soll/ sonder so es inen einfalt es
 sey gut/ stracks bletst vnd stürzt er
 hinein/ vnd also auch in allen sachen
 seind sy stumpff vnd vnberaten. Al-
 so redet Therentius von vnkeüscher
 liebe vnd spricht. Das ding das we-
 der radt noch maß hat/ magst du mit
 radt nicht regieren. ¶ Der drit vnrat
 ist/ vnwarnemlichait/ Inconsidera-
 tio. Ain vnkeüscher mensch gewin-
 net ainen gebriust in vrtaylen In iu-
 dicando de agendis/ als Danielis an
 xij. capitel geschriben ist / von den
 zwayen vnkeüschen ötern. Sy ha-
 ben abgetört iren syn das sy nit ein-
 gedennet waren der rechten geriicht
 oder vrtayl. Judicium sequitur con-
 siliium / sunt quidem multi bene con-
 siliatini qui nõ sunt bene iudicatiui
 Der vnrat schlecht zu der wunden
 auch/ das er nit kan erwelen wöll-
 ches das best sey. Du findest vil leüt
 die künden vil weg vñ vil mittel auff
 ain sach finden Sunc bene consilia-
 tiui / sed defectus ronis facit q non
 sunt bene resolutiui / nec indicatiui
 non possunt discernere. Aber solche
 menschen haben gebriust das sy nit
 wissent vnnder den vil wegen/ wöll-
 ches doch der best sey. Also geschicht
 den selbigen/ das sy nit wissen kün-
 den was sy thün sollen. ¶ Darnach
 ist das vierd Inconstantia. Vnstät-
 zikait. Du findest kain vnstätter men-
 schen/ dann die mit dem laster be-
 henckert seind/ so in schon got genad
 thut/ vnd wöllen der durnen nit mer
 nach gon/ würt nichts dar auß/ fal-

Schwertten

len stracks darvon / ist kain stanchafes
 tigtait da/ Als in Terencio stat/ Es
 heet ainer ain bülen/ der wolt die ver-
 lassen/ wan er was vntrüwinnen wor-
 den/ vñ hec steif für sich gesetzt/ nym
 er me an das ort zu kómen/ da sy wor-
 net/ Sprach ain andrer zu im / hec
 verba/ Una falsa lacrimula restin-
 guet. Ain falscher träher densy auß
 iren augen mag trucken/ würt das
 alles erlöschñ/ den sy mit grossem ge-
 walt kan herfür bringen/ damit sy zer-
 stört den willenn/ das aller dem an-
 schlag nit ist. ¶ Darnach volget
 der fünffe vnrat/ ist Amor sui / liebe
 zu im selbs/ also das ain mensch ganz
 gerichte wirt auf sich selbs lusts halb
 den er sücht. in klaydügen/ in gon vñ
 ston/ vnd in allen andern lusten die in
 ziehen auf bübereyen/ liebe halb die er
 zu im selbs hate/ Ille vult sibi deles-
 ctacionem. ain söllicher/ gat dem lust
 nach vnd will im nit anders/ wede
 das im lustig vnd anmütig ist/ hate
 seinfach darauf gesetzt ¶ Es schlechte
 zum sechsten da zu. Odium dei / haß
 gots Darnum das in gott den lust so
 hoch verbüt / deshalb würt er vntrü-
 wig in seiner conscientia. die in beisset
 Söllich menschen wolten gerend das
 die conscientz sy nit also bisß/ wolten
 ir geren ledig sein/ Wan got der herz
 irret sy mit der conscientz/ Darum
 werdent sy got veind/ das sy den bübe-
 reyen nit genug mögen anhangen/
 vngereit mit sollichem lust vnd rüw
 als sy geren wolten.
 ¶ Zu dem sibendñ mal schlecht auch
 meer vnratres vnd vnglücks zu der
 wunden Das haysset im latin Affe-
 ctus presentis seculi In quo possunt
 potiri sua voluptate. Ist begir d vñ
 anmüt diser gegenwürtigen welt/
 Sollich flaischlich menschn begeir
 vnd wolten allso in diser welt beleys
 b iij

ben/vñ wolten got ewigklich sein by
melreych lassen / so grossen anmüt
hond sy zu der welt / wölcher anmüt
so groß innwendig in men ist / das sy
niet gern vom tod hörent sagen / So
bald man men daruon sagt / stracks
kören sy sich daruon auff ain anders
¶ So geet den das acht vñ das lezst
darnach / das ist Desperatio futuri
seculi. Verzeyflung an ewiger sel
ligkait. Der faul trüg mensch / dauon
gestern gesagt ist / vñ verzeyfelt auch
an ewiger seligkait / aber auß ainem
anndern grund weder diser Er ver
zeyfelt deshalb / das er maint es sey
im nit möglich zu erlangn / darumb
verwiget er sich sein Das maynt der
vnkeusch nit / wan er maint nit das es
im vnmöglich sey / aber das ist es / er
schätzet sy nit so groß das man dar
nach fechten soll Tanqz bonū arduū
¶ Ergo remouetur obiectū spei / quo
ad bonū arduū / wan er schätze flaisch
liche lust / alls für den höchsten lust.
¶ Das seind acht vnrat / die daschla
hen zu vñ wunden / so ain mensch mit
dem schwerer vñ vnkeusch gerürt / vñ
damit wund vñ gefast würt / die sant
Gregorius setz / im büch vñ sitten / vñ
sant Thomas legt die auß / wie ob ge
sagt ist. Es ist noch vil vnrats der di
sem laster nachfolgt / das es der hell
gleich ist / wan da ist vnflätigkeit des
stäncks / der würm vñ conscienz / vñ
das feür vñ vnordenlichn gelüst. Dar
zu wachsen dar auß Verba turpia /
scurilia / ludicra / et stultiloquia / als
Isidorus spricht. Das sind vngechi
ckte wort / leichte vnbedachte wort /
schimpffwort / als güte schwenck vñ
thorechte wort. Item leichtfertige
lieder Aber man will ain erbere sach
dar auß machen / vñ nennet es ain
frölichait Aber mich dunckt das hie
zu Straßburg / hür vñ frölich / sunt

termini cōuertibiles / hange als an
ainander / sollich gauckelweisen vñ
wüffe schampere wort gond on zwey
fel auß den wüsten herzn / als im ewā
gelio steet Mathei xij. Er abundan
tia cordis os loquitur. Von überfluß
des herzen redt der mund. Keusche
herzen reden keusche wort / kein keus
sches herz redt vnkeusche wort / aber
ain vnkeusch herz mag wol keusche
wort reden / als die gleichner pflegent
zu thün / Aber dasselb volck so sy vn
warnemlich in selbs erwan entrinen
vñ in ain vnkeusch wort empfert / da
bey kan man merckn wie sy inwendig
geschickt seind Alls bey ainer hasel
nuss die ain klains engs löchlin hat
merckt man wol vñ ist ain zaichn das
sy inwendig wurmässig ist / vñ in je
ain wurmnest steckt / Also bey ainem
klainen zaichen od funcklin / mercke
mandas ain feür im ofen ist / als bey
ain wörzlin das heruß geet empfindet
mandas ain mensch ain gantz wurm
nest inwendig hat / Wen ain solcher
mensch ain gleiser in leib het das man
da durch möcht hineinsehen das herz
da sahest du denn das wurmnest / alle
üppigkeit die darin steckt / wie er so
gar verwüst ist mit vñflätigkeit /
Wilt du für from gehalten sein / so
stell dich fromklich in wort vñ wey
sen / wan es ist ain gemain sprichwort
Wer danit für aindieb gehalten will
sein / der soll lügen das er nit diebisch
gebare Das ist der vnrat der zu disen
wunden vñ lastern schlecht / als ob
gemelt ist. ¶ Dis schwert würt vns
bedeüt bey vñ langen Afael vñ Abner.
Abner der floch / Afael eylee auff in /
was der gröft rauber vñ im land was /
Abner wolt sich nit wendn / schlug in
nit gern zu tod / do wolt afael nit abte
ren / henger im ymerdar nach / für vñ
für / in dem wendet Abner sein lantz

vnd schlig in zu dem gemacht zu tod
 Dabey versteend die hailigen leerer
 das werck des teufels / damit er rüret
 die hertzen der menschen mitt vnkeu-
 schait. **S**prichst du Was soll ich
 thun wider das laster d vnkeuschait?
 This ains / wen du gerüret wüsst so
 widerstand damit / wann dar wider
 nichts krefftigers ist / weder das du
 von grund deines hertzen aufschrey-
 est das sibend stuck im Pater noster.
 vñ also mit dem swert des wort gots
 das got selber geredt hat / dich zu wör-
 stellest / vñ im wider versetzest. sprich
 Her: löß vns von übel / von bösem /
 Mit allain vom übel der pen / sonder
 auch von bösem der schuld / nämlich
 von d vnkeuschait / die souil vnglücks
 bringet / da so vil böses von geschicht
 da vil kind von verderbe werden / tod
 schleg / widwertigkeit daron kompt
 da bücht der man an der frawen / da
 die fraw am man So d man biderb
 ist / vñ von seiner frawen empfindet
 das sy im gefalt hat / was grosser wi-
 derwertigkeit vñ vnruwer im hertzen
 leydet / ist vnseglich Er gedencket hin
 vnd her / schender sich selb nie geren /
 noch seine kind / vnd waist nit wie er
 seins ach ansahen soll / die ganz welt
 würt im zu eng / da müß er von nott
 wegen grossen zwang im hertzen ley-
 den / ist ain ellends ding darumb / es
 glaube nyeman das so groß angst vñ
 not in der ee ist / der bürdnen halb die
 in d ee seind / ist ain hörterer stat dan
 cartheuser orden / Auch deshalben /
 das in der ee ain mensch als groß ver-
 nunfft brauchen soll / alls ob er wär
 in ain closter / souil müß er auch ley-
 den vnd schweigen / vnd ganz vnder
 geen in seinen nödren / anderst er hat
 sunst nymer kain friden Deshalben
 ist eelicher stat ain hörter stat So ich
 ain erwölen solt vnder den zweyen /

wöle ich ee ain Cartheuser werden /
 weder ain eeman. Es ist auch kain
 straff meer / die übel werdent nit ges-
 strafft / die da straffen sollen / seind
 selb wurmässig / die radsherin hond
 aigenmetzen in den heußlin dar affter
 in den winckeln sitzen / die sy ziehent /
 oder seind in anderen heußeln hauff
 heren / die sy spickent mit speck vnd
 schmalz / da sy auß vñ ein geend / ist
 lauter erzbüberey / das laß ich steen
 zu seinem werd. So du mit dem laster
 der vnkeuschait gerürt bist worden /
 vñ bynest von hirt / schrey auff zu got
 versetz dem teufel auß d geschriefft im
 Pater noster. Her löß mich von übel
 Küß zu got mit sant Petro. Dñe sal-
 ua nos perimus. Her: kom vns zu
 hilff / wir geen vnder vñ wöllen ver-
 derben. Wen kain arzney meer will
 helfen / müß man die lieben hailigen
 anrüffen / alls sant Anthoniu. Wa
 ain dasselb feur an kompt / brennet es
 im ain schenckel od ain hand ab / Al-
 so rüß in an für das feur d vnkeusch-
 hait / got für dich zu biten / das er dir
 zu hilff kom / vñ dich in d bösen flack-
 renden bunnst nit wöll lassen verder-
 ben. Dartzu soll ain mensch auch nie
 müßig gon / sonder soll etwas üben
 das im die fantasey verschlecht / das
 er nit dar affter mit den gedanken
 außschwaiß / als weit als die stat ist.
 Seind mengerlay arzneyen so die has-
 ligen leerer da wider setzen. Aber das
 nym für hand So du erflämest vnd
 entzündt bist mit dem swert des teufels
 der vnkeuschait / das all ander arz-
 neyen nit helfen wöllen / härin hemder
 an tragen / wachen / vasten / wed kalt
 noch warm wasser / alles nit helfen
 will Ist darnach das aller verfanck-
 lichst / doch das er vorhin allen fleis an-
 kere / das er sich empfrembd beywo-
 nung der personen die im anraylich

seind / vnd mitt abbruch hitziger ge-
würtzer speiß / vnd starckem wein /
vnd vor anderen dingen sich hütete /
also das er sich mäßiglich halte in
essen / in trincken / in schlaffen / vnd
anderen dingen / alls ferz er ymmer
mag / so soll vnd mag er den züflucht
haben zu got / vnd zu Mariader müt-
ter gottes / die solt du ymmer meder
antuffen / mit sampt den lieben hayli-
gen / zü denen du ain vertrauen hast
das sy got mit dir wöllch helffen bit-
ten / das er dir zu hilff kom / Das thü
mitt grosser andacht / als du magst /
vnd keredich mit ganzem hertzen zü
got / bitte in / das er dir wöll geben das
du mögest vntkeuschait wider stein
vnd dich halten nach seinem götlich-
en willen. Spricht der weiß Sapien-
tie vij. Nach dem vñ ich erkant hab
das ich nit anderst keusch mocht sein
es wär dann das mir das got gab / so
bin ich zü dem herren gegangen / vnd
hab in gebeten Darumb so ain men-
sch schon alles das thüt das da wider
ist / dennoch soll er ain starck andech-
tig gebeet auffüren zü got dem her-
ren Vñd soll das schwert des wort
gottes brauchen / vnd dem teüfel da-
mit verfezen / wider die anfechtung
der vntkeuschait. Nun fragest du
auff die stuck alle sampt / So ich an-
gefochten würd mitt disen Siben la-
stern / was soll ich thün in gemain /
oder was wär ain gemain gewör / da
mit ich den teüfel vertreybn möcht.
Thü als der löw thüt Wen ain jäger
ainen löwen will an geen / so bald der
löw die schwert sicht / so seind sy im
greulich / vnd auff das er nitte dar ab
erbidme / so schlecht er die augen auff
die erde / vnd sicht die schwerter nitte
an / vnd springt dan dar gegen auff /
vnd wagt sich hinein in die schwerter
Aber ain anderer leerer schreibt das

er hab die art / so er zornig sey / sehe er
auff die erden / schlach mit dem was-
del auff die erden / das in die schwer-
tere forchtsam machen / darnach so
springt er wider die schwerter / vnd
wöz sich. Also wenn du sichst das
der teüfel das schwert der laster über
dich gezückt hatt / dich ansichet / es
sey in was laster es wölle / so thü alls
der löw Syhe vnd schlach deine aus-
gen nider vff das erdreich / vñ schlach
mitt dem wadel auff das erdreich /
das ist / Betrachte dein tod vñd dein
ennnd / das du bald sterben müst / das
da ist der wadel vñd das end. Gedenc
das du erdbist / vnd zü erden werden
müst / das laß dir in dein hertz sitzen /
damit magst du dich er wören des la-
sters / vnd auch aller anderen laster
vor er zelet. Spricht der leerer Cassi-
anus. Die gemain erwörung alles
lasters ist / das der mensch gedenc
schätz vnd darfür hab / das er den tag
nit überleben werde. Darumb als san-
ctus Basilius spricht / So soll ain
mensch am morgen / das erst das er
thüt so er auff steet gedencen / vnd
im erstlichen für setzen / sich nit zü er-
messen / das er bis nacht leben mög /
Vñd so er zu nacht nider ligt / soll er
sich nimmermeer vermessen / das er
morgens lebendig auff stand / Wer
das tieff in sein hertz setzet / vnd den
grund in im übt / der würd nimmer-
meer kain todsünd thün / der würd
wacker / würd nimmermeer vrdüzig
im dienst gores / vnd das also hinauß
bis das er stürb. Von diser betrach-
tung des tods / spricht der weiß man
Ecclesiastici octauo. Memorare no-
uissima tua et in eternū nō peccabis
Bis eingedenck deiner letzten dinng
die künftig seind / das ist der tod / das
jüngst gericht / hell vnd hymelreich /
vnd so würstu in ewigkait nimmermeer

Siben

Schwertten

sünden. Gedenc̄t das du sterben müß
 wan̄ sollicher gedanc̄t gehürt in dir
 ain sollich fürsichtigkait das du nit
 liederlich fallest in die sünd. ¶ Ain
 gaystlicher menscher sey in ain or-
 den oder außserhalb/der sich damitt
 übet/ mag darnach zu grossen fri-
 den komen seines herzen/vñ empfan-
 det auch darnach grossen Friden vñ
 grosse rüh / darff nit sörichten oder
 sorg haben/das er mitt dem schwert
 des teüfels durchstochen werde der
 vnkeüschait/noch aller anderer laster
 Hab ich etwan geprediget vñ vnder
 andern leeren so ich gethon hab/das
 man zu fridñ komet wider alle laster
 Namlich durch dise dreü stuck/ ley-
 den/ meyden/ schweygen/ Das da
 steet auff den nachgeenden vier stuck
 en. Wer nun zu sollichem Friden will
 komen/das jm die schwerter des teü-
 fels nichts thün mögen/es seyen clo-
 sterleit/oder die in der welt seind/die
 achter got dienen wöllen Soll er die
 vier stuck/vñ vier büchstaben am
 Frid. **S. R. J. D.** halten
 Foren frembds willens.

Richten sich in mangel.
 In allen zeitten vñ geschichten/die
 letzte starr erwelen/vñ vnder worf-
 fen sein allen anderen menschen.
 Das gots will volkomenlich mit dir
 volbracht werd/solt du allweg wüns-
 schen vñ bitten.

¶ Frid hat vier büchstaben Wiltu
 zu rechtem Friden komen/ solüg vñ
 halt die vier stuck/Wer nit darnach
 vñ darauß sicht/sich ganz auff ain
 örlein setzen/vñ übergeben will/
 der erlange groß vñ rüh vñ vñ fridñ
 vñ komet nimmermer zu Friden.

¶ Nun das erst stuck dar durch du
 magst Friden erlangen/ist **S.** Foren
 fremdes willens/das ain menschlich
 in allendingen bereit seind das er sich

fleiß/vñ thū ains andern willen/
 fore frembds willens meer dan̄ seins
 aigen willens Bist du im Conuent
 Soll die Schwester thū was du wilt/
 vñ die was du wilt/was dir gefall
 vñ also den gannzen Conuent/alle
 nachpaueren in dich richten/yederman
 vñ alle welt in dich richten/das alle
 menschen tün söllen was du wilt Da
 würt nicht auß/vñ magst nimmer
 kün Friden halten/wann̄ wen̄ sy nit
 thünd das du wilt so klagest du ewig
 klich/man thüt mir das/man hat
 mir das gethon/klagest da das vñ
 diß/als mir/mir/ewigklich/yeder
 man soll deines willens foren/das
 man dich anbeeten soll/vñ vmb deis-
 nen willen dir das thün soll Das ab-
 göclin/mir/hange ymer meder daran
 Thū ains/ker dich wider umb/vñ
 volg ains andern willen/in den din-
 gen die da weder güte noch böß seind/
 Dalüg alwegen das du ains andern
 willen ee volbringest dan̄ deinen wil-
 len Aber der teüfel ist darinn/in dem
 abgot Der abgot aygens gesüchs/
 alle ding richten in vnns/das laster/
 was vns sanfft vñ anmütig ist sü-
 chen/berachten nit ob es gots will
 sey oder nit Du thüest was du wöllst
 so müß der abgot/mir/ewigklich dar
 an sein Schlaffest du/der abgot ist
 daran/vñ sprichst/es ist mir anmüt-
 tig/es thüt mir wol/Issst du dan̄ so
 ist der abgot aber daran/es ist mir an-
 mütig/kurz in allen dingen/es sey
 was es wöll/ist der abgot ymer dar
 voren daran/als mir/mir. Darum
 sprich ich/wen̄ der abgot/das aigen
 gesüch so ain mensch zu jm selbs hat
 vmbgeworffen würt so geet es wol/
 Darum so söllen die zellen lár sein in
 den clöstern/on beladüg vñ zusamen-
 nistung mit vil blunders vñ geferts
 ands dan̄ blöflich souil man zur hand

bedarff vnd nit das ain nuñ also dar
hinder sitz / als ain storck in ain nest
vnd soll lügen den willen seins nech-
sten vnd anderer leit allwegen meer
volbringen weder was im anmütig
sey / vnd nicht ymer meder den abgot
eeren / sich selbs süchen / das man sei-
nes willens leben vnd im willforen
soll / in den dingen da nit vil angele-
gen ist Der leit send (als ich förcht)
wenig inn clöstern oder außserhalb /
die all ain got vnd irem neben mens-
chen lebñ / yederman sücht sich selbs.
Das. X. ist das ander stuck das du
halten solt zu überkomen rechten fri-
den des hertzen. Nichten sich in man-
gel / Also das ain mensch lieber wöll
mangel leyden / weder überflus hab-
ben Das leret och Seneca / spricht
das mittelmaßigkait in zeitlichñ gü-
tern sey gut vnd loblich / besonder die
da sich meer naiget zu dem mangel /
weder zu dem überflus. Also soll ain
mensch das mittel halten / das ver-
stand Nit das er minder oder meer
hab / dan er haben soll / sonder das er
hab ain nordurfft die doch meer ain
mangel an seinen klaydungen sey / we-
der das er deren zu vil hab / sonder
klayder hab so vil er bedarff zu bloß-
ser not / vnd darin das mittel halt / al-
so / das das mittel näher sey gegen
mangel weder überflus Der ganz
mangel mag nit gelitten werden / so
soll der überflus nit sein / sonder das
mittel soll gehalten werden / das selb
soll sich meer naigen zum mangel
vnd geburfft weder zu überflus / Die
menschen haben kein frid die sich über-
ladñ mit dē überflus vil klayder vñ
hausrats Vñ etwa closter leit so in
nur ain nagel an ain schloßgebürst /
lassen sy es abbrechen vñ wöllñ ain
ganz neuwes schloß haben Du mö-
chtest wol ain benügen haben mit so

vil klayder anzu thun / vnd dich zu
bedecken das dunit er fruest im win-
ter / nach dem es dan kalt oder warm
war Aber damit rist kain benügen /
wa du ains rocks oder ainer schau-
ben bedarffest / da hast du fünff oder
sechs an die selb stat / die von man-
gerlay farben müssen sein / es muß als
aufgebürst sein Deshalb komst du
nymer zu friden / Der da wöll zu rech-
tem friden komen / soll lügen das er
das ander stuck halt / vñnd sich in
mangel richt / vnd fleise / das er als
wenig hab in klaydungen vnd in an-
dern stucken / als er ymmer mag / be-
sonder clostermenschen. Das drit
das man halten soll zu erlangen fris-
den / ist das. J. *Omni tempore tenere
locum infimū et omnibus subesse / sta-
tu / loco et tempore.* In allen zeitten
vnd stecten die letzte stat behalten vñ
erwelen / vnd vnderworffen sein allen
menschen. Das soll verstanden wer-
den mit zimlichen vmbstenden / Es
soll im hertzen all so sein / ist aber nit
allwegen vnd yeglichen not od nütz
das es her auß geübt werd / als sant
Thomas schreibet. *scda. scde.* Wölte
ain schülmaister die letzte stat halten
in der schül / das het nit füg / war ain
torhait Ursach / wan die knaben ler-
neten nichts / vnd gaben nichts auff
ain sollichen schülmaister. Item da
ain abt in ain closter ist / der so demü-
tig wölt sein vnd wölt allwegñ gern
die letzte stat behalten in allen dingen
vñ het es wol im hertzen zu thun wen
es nütz bracht / vnd aber er es nit tute
vmb nütz willen der brüder / der thut
nit vñ recht / wan er solles nit thun
wan das ist genüg ainem yeglichen
oberen / das solliche demütigkait al-
lain im hertzen stand / vñnd nit auß
brech in geschichten / wan wa er sol-
lichs thät / kam er zu verachtung der

Siben

ding die man nit verachten solt/die
 brüder hielten das nit das sy halten
 solten/vnd würde in der wadel über
 das nest auß wachsen. Darumb soll
 er sich halten seines states halb als
 im gebürt. Nun ain mensch der da
 Friden will überkomen/besonder ain
 gaisliche person dienit sollich ober
 kait an jr hat/soll lügen/nit ymerme
 der übersich fechten/das er allweg
 oben daran sitz/sonder das er gern/
 so es süg soll haben/die letzte stat be
 halt/vnd vnderworffen sey allen
 menschen/Aber ainem oberen steet
 sollichs nit allwegen zü Sonder soll
 amndere weysen brauchen/sich des
 halten/als oben gesagt ist/das er die
 demüt im hertzen hab/die soll nit all
 wegen außbrechen in allen außserlich
 chen dingen Sonder soll darinn bes
 schaydenheit behalten/vnd die auß
 serlichen gebärd richten/nach dem
 vnd in beduncket das es nutz bringe
 seinen vnderthonen/auff das nit
 durch zu vil außserlicher demüt ge
 brochen werd sein oberkait/als Aus
 güstinus spricht in der Regel. Doch
 sollen die oberen gedemcken/das sy
 nit darumb groß gebreng treyben
 mit höffertigen vnd stolzen weysen/
 sonder mit dapfferen ernsthafftigen
 weysen/vnd gütten Exempeln der
 tugenden. Reuerendos se exhibeant
 actu/non fastu. Sprach sanctus
 Bernhardus/der ain abt was/vnd
 aber seine schüch selbs schmirtet/vn
 was denocht ain entzlicher dapf
 ferer obier. ¶ Das vierde vnd letzte
 stuck/das man halten soll/ist das D
 das ain mensch got den herren bittet
 wünscht vnd begert allwegen/das er
 seinen götelichen willen mit vnd in
 im volbring gantz vnd gar in allen
 dingen volkomenlichen/das er dem
 gern wöll gehorsam sein/vnd die ge

Schwertten

bot gottes vnd der christenlichen kir
 chen nit übergon. Der dise vier stuck
 hat/kompt zü ganzem Friden/Aber
 da ain mensch dise vier stuck nit hat/
 daher kompt so vil klagens/das ains
 dem anndern nit will vor oder nach
 geben/vnd das man nit nach seinem
 willen leben will/vn allen überflus
 haben will in allen dingen/darzü all
 wegen vomen daran sein/vnd nit die
 letzten stat behalten will/vnd ymer
 meder embor schwimen/wie wurm
 ässige er bis in ainem hafen/vnd nit
 wa nemen das der will gots ist Des
 halben sy mit den Siben Schwertern
 des teüfels zu tod geschlagen werd
 innwendig in jrer seelen/das macht
 denn das ain mensch nit zü ganzem
 Friden komen kan/wan da ist allweg
 vnfrid. Deshalben ist der rechte frid
 des hertzen vnder der gestalt/leyden
 meyden schweygen. ¶ Leyden solt
 du geren/was dir zu leyden kompt/
 vnd nit ymermeder widerbellen ge
 gen deinem nächsten brüder oder swe
 ster/wie ain hund thut Wan da soll
 ain mensch tugend der gedult üben
 So dich ansichet vngedult/zü ley
 den widerwertigkait von deinem näch
 sten brüder oder Schwester/vn bist
 ganz vnwürß/alsdann solt du dich
 üben in dem willen innerlich/vn solt
 anschlahen/das wilt du leyden vmb
 gots willen/nit dar wider reden oder
 murmeln/das haisset leyden wider
 wertigkait/vnd ist tugent geübt.
 ¶ Meyden solt du darnach lustige
 ding/alles was dich dunckt das dir
 annützig ist/vnd daran klebest/das
 laß. Sprichst du. Wo bey kan ich
 aber das mercken/das ich an ainem
 ding also kleb oder hang: Darbey
 kanst du es wissen. Wen du merckest
 das es dir wee thät/vnd méchtest es
 gantz nit leyden mit fridsamkayt
 cc

Von

deines hertzens / das man es dir nãm
oder dannen thät So biß sicher das
es ain gewiß zaichen ist / das du dar
an klebest. Das selb sprich ich solt du
meyden / als so du schleckerhafftiger
ding gewont hast / es sey in essen / trin
cken / schlaffen / reden / oder in ande
ren dingen / da vnderstand dich zu
maysteren / vnd deren zu mæssigen /
so überkommest du frid. ¶ Darnach
mitt schweygen Ist kein besser ding
nit / da besser frid ist dan so man hal
tet Silencium / schweygen / vnd das
soll man auff das allernowest in
clöstern vnd orden halten / vnd nit ab
lassen gon. Wo aber solich gütt ge
wonhayt durch farlässigkayt vnd
leichtfertigkeit der obern abgangn
ist / vnd nit meer gehalten ist worden
So man dann solich gütt alt gewon
hayt in clöstern widerumb vnder
steet auff zu richten vnd handhaben

den

Sprechen sy / das hatt nye kein men
sch meer gehört / es seind fantaseyn /
es seind neüwerungn. Ich sprich das
Wa man schweygen nit steiff halter
da gab ich nitt ain pfifferling oder
ain bon vmb alles closterleben. So
man sy straffen will / die darwider
seind / sprechñ sy / man wil neüwerun
gen machen / auß denen würt nichts
rechts gaisstlichs / müßent sich sunst
ergetzen mit wortten darinn sy lust
suchen / vnd allso ligent sy gang her
ausßen wie ain anderer mensch / das
nit gaisstlichen ist.

¶ Ain ennd hatt die materi von den
Siben schwertern Vnd volget nach
von den Siben schayden.

Joab vestitus erat tunica stricta ad mensurā habitus sui / et desus
 peraccinctus gladio dependēte vsqz ad ilia in vagina / qui fabricatus
 leui motu egredi poterat et percutere. Dixit itaqz Joab ad Amasam.
 Salue mi frater / et tenuit manu dextra mentū Amase / quasi oscu-
 lans eum. Porro amasanō obseruauit se a percussione gladij quē ha-
 bebat Joab. Qui percussit eum proditorie sub signo pacis et amicitie
 in latere / et effudit intestina eius in terrā / et mortuus est.



ec 4

Von

Von den siben schayden / vnder denen sich verbergen die schwert der siben hauptfunden geprediget zu den Reüwerin zu Straßburg / durch den hochgeleerten doctoz Jobānem Gayler von Kayserßberg ꝛc.

Thema. Er was begürtet mit ainem schwert in der schayden. ij. Regū ꝛc. Von hochfart.

Ir lesen im andern büch der künig / am zwainzigsten capitel das Joab nam ain schwert vnder ainem kurtzrock / das swert verbarg er in ainer schayden / vñ gieng

zu ainem hies Amasa vñ sprach Got grüß dich mein brüder / vnd erwüschte in bey dem kün vñ küßt in / vnd indem selben zoch er das swert auß / vñ stach in damit in die seyt zu tod. Warumb starb diser? Darum das er das swert nit sach / das er im entflohen wäre.

Nun wer ist diser Joab? das ist der böß gait / der hat vil schwerter / das seind die siben hauptlaster / damit er tödret vñ vndersteet zu tödren vnd verderben alle güte frome menschen an iren seelen. Nun auff das er dis zuwegen mög brünngen so verbirgt er dise schwerter der laster / in die schayd vnder die gestalt der tugend. Vnd so ain mensch wānet er würck tugend so würck er vnder der gestalt der tugent die laster / damit in der teüfel zu tod schlecht / an seiner armen seelen. Vnd warum? wir seyen hie in ainer grausamlichen blindheit vnd greifflichen vinsternuß vmbgebū in vnser verstantnuß / das wir nit warnemen des swerts der laster / das der teüfel in die schayd vnder gestalle der tugenden verborzen hat / das ist

Den

das erschrockenlichest vñ grausamlichest ding das auff erdreich ist / an dem vil menschen verfahren / vnd mit dem sy wānen verdienen lon ewiger seligkeit / mit dem verdienen sy ewige verdammuß / also verblendet ist vnser verstantnuß / das wir nit wissen war mit wir vmbgangen. Der böß gait geet vnns nach / als die bösen knaben nachtes / die ainander schlagen oder tödren wollen / die machen bapiren schayden / vnd schwörzen die / vnd so der dem er will schaden / zu im kompt so schlagen sy durch die bapir in schayden / wā ihener waiste sich nit zu hütten vor im / wār die schayd weiß / oder das schwert bloß so sahe er den glast des schwerts in der vinstere / das er dem strai ch entsprüg od sich wörete.

Nun merck. Das erst schwert des veinds ist Hoffart mit üppiger eren nim sy mit ainander / wā sy hangen an ainander / die zway laster. Da ain mensch sich auff blät / geschwollen / zerblasen im gemüt ist / geacht will sein über ander / vnd eer / lob / rüm beger die im nit zū gehört. Dis laster hoffart verbirgt sich vnder dreü güte ding. Sy gibe sich dar vnder dem schein dreyer tugent / nim sy für drey fält der bapir in schayden. Zum ersten gibe sich hoffart dar / vnder dem falschen schein ainer gestiffen gerechtigkeit. Zum andern vnder d gestalt gaitlichs nutz od frucht gegen dem nächsten menschn. Zum driten vnder der gestalt besonderer hailigkeit vnd demütigkeit. Zum ersten verbirgt sich hoffart vnder den schein der gerechtigkeit / das widerfart denen die vnder sollicher gestalt der liebe so sy maynend haben zu der gerechtigkeit wort vñ werck anderer menschn sträuenlich straffen. Es seind die da in sich selbs vertrauwen / als ob sy ge

Siben

recht seyen / vnd die andren veracht
 ten / als der gleisner der die geschicht
 des publicans straffe / vñ sich selbs
 gerecht schazt / wenen vñ mainent
 diese blinden in irer fñsterne / sy
 handlen auß liebe der warhayt / so
 würcken sy auß der geschwulst der
 hoffart vñ vermessenhait / vñ sprech
 en zñm dickern mal / das sy gecriben
 werden dartzu / vñ liebe der warhait
 so sy doch gestupfft werden auß has
 vñ grol in men verborzen. Vnd wie
 möcht ich dyse dunng meiden / was
 büß soll ich da wider brauchen / da
 durch ich sollliche fräuenliche straff
 möcht meiden: Brauch dz der hailig
 appostel sanctus Paulus leret / hab
 lieb die gerechtikait nach weishait
 vnd wissenhait / oder beschaidenhait
 . Was beschaidenhait sol ich halten
 in diser straff: wes soll ich warne
 men: Du solt warnemen diser funff
 stuck. Das erst hayset Obligatio /
 verbündnuß. Das ander Caritas
 liebe. Das dritt Veritas nutz. Das
 vierde Modus maß. Das funffte
 Emendatio besserüg. ¶ Zum ersten
 nym war d pflicht od verbündnuß /
 gedencck ob du verbunden seyest den
 menschen zñ straffen / ampts halb /
 oder not halb / ist das nitt / so sprich
 zu dir selb / was gat es dich an / volg
 du mir nach sprach Jesus zñ Petro
 Besonder hüet dich vor maistrender
 straffung so du kein oberer bist / brü
 derlich straff stat dir zñ / zñ zeyten.
 ¶ Zum andren nym war / ob dich lie
 be dartzu treibe / vnd nit rach / schna
 bel schnelle / glust / iust / böse gewon
 hait / auß deren du yederman / beraf
 flest / vnd niemans nicht zue vngesagte
 last sūrgon / ferst yederman an / was
 der anfarer seind / da ist gewisse hof
 fare im grund / wiewol sy des kayn
 wort haben wollen. Sy wissens och

Schayden

nit so blind seind sy / gang sein müß
 sig. ¶ Zum driten nym war / ob dir
 nutz vmb des willen du straffest dar
 vñ erwachst oder nit sonder me schaz
 den bring dir od im / So gang müß
 sig / Es mag die zeit sein vnd person
 soltest du sy straffen / sy stach dich zñ
 tode / oder wurd villeicht zñm myn
 sten nit güte / sunder böser daruon
 wenn das ist. so stand styl. ¶ Zum
 vierden / nym war der weis / vñ maß
 in d straffung / mainstu ye / die straff
 stand dir zñ / vñnd dich treib brü
 derliche liebe / vnd hoffest es soll nutz
 bringen. So lüg das du der maß vñ
 rechter weis in der straff nit ver ges
 sest / die der herr setzt im Ewangelio
 da er spricht. Ist es das in dich sün
 der dein brüder / so straff in zwischen
 dir vnd ym / Nitt wüte / bleib in dir
 selbs stille / haiter / Darumb schreibt
 man den künigen den aller haiter stñ
 wan sy sollen regieren on zorn vñ be
 trübung in irem gemüt. Ist brauch
 sanfter wort / nit stolzliche. ¶ Zum
 funfften nym war der besserung / ge
 denck / das kein straffer wissen kan /
 ob der den er vmb seyn sünd straffe /
 sich augenblicklich in seinem willen
 bekert hab / deshalber yetz ain gots
 freünd worden vnd besser wede der
 straffer seins rüwens halb vñnd der
 nit. Das stuck sol billich ainen ye
 glichen menschen bewegen / das er
 nit fräuenlich rauch vñ vnbarmer
 züglich straffe. ¶ Zum andern ver
 bürget sich hochffart / vnder der ge
 stalt gaisliches nutzes des nächsten
 vnd ist dissers deckmantel schädlicher
 oder verfarlicher wede der erst / vnd
 gatt erwen zñ handen denendie da of
 fenlich vmb hayl willen der seelen
 handelen müssen / vñ daruon gelobe
 werden / als nutz / von den leüten De
 ren ainer ist gewesen sant Gregorius
 cc iij

als er von im selbs bezeüget / vnd spricht das im in seiner leer die er in güter mainung vñ lauterlich vmb gota willen angefangen het / her schoß ain überhebung eigens gefalles / vnd do er des innen ward / tryb er das manlich auß vñ sprach / vmb deinen willen hab ich nit angefangen zu schreyen / ich will es auch vmb deinen willen nit vnderwegñ lassen. Desgleichñ lesen wir von sant Bernharde / dem sollich in ainer Predig begegnet. Der üppigkeit bekent sich sant Gregorius auch in dem büch vonden sitzen / über den Job / do er das außgemacht herr / das es im also gestel.

¶ Vnd wiechät ich im / sprichst du / das ich mich darvor hütet / vnd nit also betrogen würd / vnd das swert des überhabens / aygens gefallens meydet. ¶ Vñ war diser fünff stücklin / fröwen / meer fröwen / trauren / seuffzen / vñ auffüren. ¶ Zum ersten wenn du gelobt würst von deinen güerten möglichen wercken / so fröw dich des lobs / nit deinen halb / aber allain fröwe dich dauon des nutz halbs der da dem nächsten darauß entspringt.

¶ Zum andern / wenn du das in dir findest So gedemck ob du dich auch als vil oder meer fröwest wenn ain anderer meer gelobt würd von besseren vnd vollkommern wercken / von wölichen der nächst meer nutz empfänghet. ¶ Zum dritten / ist es das du sollich in dir befindest / so solt du dir noch nit vertrauen / das du das laster der überhebung vollkommenlich überwunden habest / sund solt dich weyter erfahren wenn dein nächster deine güerten werck schiltet / vnd dir das müßfalt darumb das er sündet / ob du auch ain größern müßfall herrtest / so ain anderer noch vnbillicher von besseren wercken mer gescholten würd / vñ

wenn du das in dir befindest / magst du mainen nach mütmass / vñnd ain güet vertrauen haben das du dyß laster eigens gefallens habest überwunden. ¶ Zum vierden ist das vñder allen dingen die aller verfanglichste büß / das ain mensch in ym selbs erseuffze / traur / vnd im selbs müßfal / das er gelobt würt von anderen leuten / vñ fleißan ker das er sollich lobs vereragn sey. ¶ Zum fünften / das ain mensch / das lob vñ das werck darumb er gelobt wirt / ganz auff in gott richt / vnd auff für / von dem alles das güet ist / das wir vermögen / vnd dem allain glori vñ ere haim geben soll werden. ¶ Von nobis dne / non nobis. ¶ Zum dritten bürgt sich hoffart vñnder die gestalt der demüt vñ besunderlicher häilitait / das erscheinet nach dem vñnd sant Augustin spricht allermaist in denen / die da in yuen selbs ain gefallen haben von verachtung der welt / vñ wüsten claidern / Es begibet sich dick das ain mensch von verachtung der üppigen ere / in im selbs ain üppigs gefallens hat / das ist ain greüßelich ding / vnd billich zu mercken / wenn dir gott gehülfft / das du lob ere vñnd glori rüm vnd gunst dieser welt verachtest / vnd denn erst daran fallen solt / das du an der verachtung der üppigkeit / in dir selbs erst üppig würst / vnd ain stolz gefallen hast. Disse verbergung der hochfart ist so vil sorglicher vnd verfarlicher / so vil sy / vnder der gestalt der häilitait betrügt / die menschn wie wol sy niemans gefallen / noch begeren zu gefallen / noch so habend sy an yuen der güerten werck halb ain sollich gefallen / das sy von sollichem gefallen ganz versupft werdñ. Dis es aygens gefallens entpfindet ain mensch / der sein selber warnympt /

Siben

Schayden

aber wenig tünd das / weñ ain mensche auß der tuncle seins gemütes kumpt / das die haire aigner erkant nuß geratet in der cellen seiner verstentnuß außbrechen / den sieht er / in welchem nebel vnd blinthaier ist gewesen / das er sich dar ab verwundret. Darumb so seind die menschen welche auß den lastern künmen seind / das sy denen iren rucken kerer haben vnd zu iver aigner erkantnuß künmen seind / vnd in men das liecht götlich er gnadn gleset / die sein aller demütigest / wañ sy sehen / was in ynen steckt / vnd alles das nüt ist / damit sy vmbgond. Sy erkennen ire arbeit / sälligkeit / vnd sehen im grund hyn ein / wie ain arm ellend / vnordenlich ding vmb sy ist / in welchem gebresten sy verhaspelet lygen / Darumb achtend vnd scheren sy / alle andre menschen besser zu sein / weder sich selbs. Aber her wider vmb / denen diß liecht noch nüt ist auffgangen / aygene erkantnuß / die maynent es sey gar ain fein hübsch ding vmb sy / vñ achten sich über alle andere menschen zu sein / also wol gefallen yn / ir gefertlin Als ð gleyhner dort im tempel / von welchem das Ewangelin saget / Nun wie kün ich auß dyser gaislichen hochfart sprichest du? Nym war zum erstn / das alles das / allain von got dir ist geben / das du hast / nichz außgeschlossen / vnd das du nüt güts vñ dir selber hast / noch vermagst ongot / Ist das war? Ja / was bedarffest du dich sein dan überheben / spricht sanctus Paulus / alles das wir gütes hond / das habent wir von gott / vnd vermögent kayn gütes von vns selbs / also auß vnser aygenen krafft. Zum anndern gedent / wie vil güts du thüest / so thüstu damoch das tausensste tayl nit /

das du soltest thün. Sprach christus vnser herre zu seinen jüngerem / so ir alles das gehünd das ir vermögen / den sollent ir sprechen / vnnütze knecht seind wir / vnd darzu / so wissent wir das tausensste tail nit / was wir zu thün schuldig seyent. ¶ Das dritte / soltu mit fleiß warnemen / das dir von dir selbs nüt hast / weder allain sünd vñnd laster / deren bedarffest dich nit erheben / vnd darzu seind vnser güten werck die wir für gütschezen / nüt an inen selber / vnvolkoment Spricht Isaias Sie seind in der angelicht gottes / alls ain vnrain befleckt tuch / das sich nit zymt zu nennen. ¶ Zum vierden nym war vñnd fürcht das dir etwas noch gebrest vñnd dinge die gehöin zu notur se deines hailes / fürcht zum mynsten das dir etwas gebrest der ding die da gehöin zu merung deines hailes vñ sälligkeit / wer ist der ð sich da frey waisset: niemans. ¶ Zum funfften so leit ansehen Christum vnsern herren wie der sich / auff das aller dieffest vñnd genowest hat genidert vñnd gedemütigt / der hat vns an im selber demütigeleert mit worten vñ wercken / der hat gesprochen. Lernen vñ mir / wañ ich byn milt / vñnd demütig im hertzen / Nym war / das der selbe ewige vñnd tödelich gott / auff diß ererich künmen ist vñnd vmb vns tödelichen menschen tödlich ist worden / von den tödelichen / das ist / von menschen er tödeter ist worden / vñ vmb vns tödeliche menschen ist gestorben / des schentlichen todes / das er vns von dem ewigen tode erlöset / Da lern dich demütigen vñnd verachten. ¶ Zum sechsten nym war / anderer güten menschen / der lieben hailigen / wie die gelebt habn / was grosser tugent sy geübt haben / was sy hond erlitten

cc iij

vnd sich selbs nit gesücht/ir aigne
 einw/ir sanfft/ir gemächly/iren wil
 len/ir ere/rum od achtüg/aber sich
 selber auff ain örtilin gesetzt/verach
 tet/für nit geschert/für sündersich
 gehalten/vñ got mit allem fleiß heff
 tiglichñ gedienet/vñ sein gebot auf
 das aller genowest gehalten Wenn
 wir die/vnd ir leben anschowen/so
 sein wir mit vnserm leben gegñ inen
 zü rachen als haiden. ¶ Zum sibendñ
 betrachte dich selber was du bist/du
 bist worden auß ainer vn rainen stin
 ckenden materi/das ist dein anfang
 Nym war was bistu yetzund:nicht
 anders dan ain sack vol kores vñ vn
 flats/wär dir dein haut glesin/das
 du möchtest in dich hynein sehen/sä
 heft du was vnflats du wärest/Ge
 denck war zü du gar bald werdñ müst
 nach deinē tod/ain stinckender schel
 me/ain as d würm/das dich yeder
 man flühet vnd die nass vor dir ver
 stopffe/vñ also vnflätig das kain
 mensch bey dir bleiben mag. Nym
 war was laster noch in dir stecken/
 vñ wie in allen dinngen/du dein
 ere/dein gemach/dein sanfft/dei
 nen nutz süchest/alles vff deinteller
 nistest/das dir/anlust/aneren/an
 achtüg nit abgange/alles mir mir
 Nym war was schadenns dir von
 hoffertiger begird/üppiger ere ent
 stadt/die üpigtait so sy das hertz des
 menschn besitz/bleibe sy nit allain/
 sy einfüret auch andelaster Factan
 cia/rümet sich selbs so in nyemans
 rümen will/so predigt er seinen ay
 guen rüm/Sacht neuwe ding an/
 Presumption nouitatum/das er da
 durch besunder schyn für ander leüt
 erreibet gleichner ey so er nit grosses od
 lobliches in warhait kan zaigen/so
 stellt er sich also/vñ gibe für/das nit
 ist/In gleichnery. Hypocrisis/Er

last sich nit abweisen von seinem für
 nemen/er förcht da durch verachtet
 zü werdñ das er weichen solt Ist per
 tinacia Er ist yederman widerpen
 nig/aigenwillig/er hatt allweg ain
 besunders Maimt da mit man sol yn
 großachten/ist Discordia. Er zaigt
 auch das in wortñ/last sich nit über
 reden/zanckt ewiglich lasset nieman
 recht habñ/wil das lest wort habñ/
 wil vnüberwundñ sein/gar alles vff
 der hochfart/ist Contentio. In an
 lesten ist er vngheorsam/ist inobedi
 entia/das dunckt in er würd destes
 clainer geschert/solt er ain andren
 gehorsam sein/vñ darumb wil er nie
 man weichñ/nit allain in seinē dun
 cken/willen vñ wortñ/sunder auch
 in wercken. Wenn ain mensch differ
 ding an im selber warname/vñ sahe
 war mit er vmbgieng/worauff sein
 grund lendet/der funde sich selber/
 das er vor nieman gelauerhet/das
 er also wär vnd sieng an sich selber
 verlaugnen vñ allain den willen goe
 tes volbringñ/die ding welche got zü
 gehörent süchñ/der kam bald weiter
 zü erkantnis deren ding welche im
 notdurfft sind.

¶ Thema. Er was begürtet mit
 ain schwert in der schaiden.

¶ Von dem Neyd.

As ander swert/da mit sich
 d der böß gayst begürtet/das
 ist neid/der ist nicht anders
 weder ain creützigung vnd peinigun
 so in ainē menschen auffgar von des
 gürttes wegen das er sieht in seinem
 nächsten/welcher mensch mit neyd
 getroffen würt in seynē hertzen/der
 würt gekocht durch den neid/das sei
 det das hertz vñ wüt durch ainander
 Es sprach Boetius Er het etwas
 das im an lag vnd truckt/das koch

er mich / das ist in allen trüglichen
 zůfallen / die bewegen das hertz / wie
 das feure die speißkocher / das sy vn-
 der ainander sűder / Dissert neid / wo-
 der in ainem menschen ist / der wűrt
 betrűbt von den gűtteren seins nűch-
 sten menschen / das naget vñ beisset
 in / warum b: so er sichte das der glast
 ains andren menschn vffbrűcht / das
 der besser tugentreicher geachtet vñ
 geschűtzet / me gelobt wűrt / me eren-
 reichthumbs / glűcks hat / an tugen-
 den mer zů nymbt / vnd da von mer
 herfürgezogen vnd geliebet wűrt /
 baß gelert / weiser ist. Das verstand
 von allen dingen wie ichs sy nemmen
 soll / das fehest du an zů beneyden /
 ym das zů vergynnen / das thűt dir
 an hertzen wee / das ist neyd. Dissert
 neyd gaet gerad her / auß dem laster
 hochffart / vñ begirdűppiger eeren /
 von der bűsen műtter / wűrt diß bűß-
 kind geboren / was ist hochffart: das
 ist da ain mensch begert vnordenlich
 hoch zů sein / ain außbund űber alle
 andere menschen / sich besser / weiser /
 me kűnnen. 2c. achtet / das ist hochff-
 fart / Von deren wachset űppige
 ere / er wil och also von andern men-
 schen gehalten werden / vnd begert /
 das man das selb sehe / von im wisse /
 yn lob / in rűme / das von im sag /
 in groß scherze. Nun so er sichte aines
 andern also achtű / eren loben / rűmen
 grosses von im haltű / vñ seinen glast
 vffgon / das selbe műget in / das ver-
 gűnnet er im / darum das sein liecht
 vnd achtung vnnder geet / das kűm-
 met her / auß der bűsen wurzel hoch-
 fart / vnd begirdűppiger eere / dar-
 auß entspringet denn der neyd / das
 dir layd ist das gűt deines nűchsten /
 Hochffart vñ neyd seind gewonlich
 bey ainander / der ist das erst bűßkind
 der hochffart. Alle weil d̄ bűß hochffart

begirdűppiger ere in dir stecket / so
 lang geet neyd in dir auff. Thű ains
 zűck den bűzen danen / das wűllen ge-
 acht / herfürgezogű / geliebet sein / so
 bald d̄ ayter bűß auß dem aysen gezo-
 gen wűrt so bald haylt er zů. Als bald
 hochffart erwűrgt wűrdt / stracks fult
 neyd ab. Also geet hochffart / begirdű-
 űppiger eeren vñ neid nach ainander.
 Wűllen vnordenlich hoch sein / ist
 hochffart. Vnd begirdűppiger eeren
 ist / du begerest das das gűt (das dir
 dir zů schűtzest vnd nichast / oder vil
 leicht hast) anndremenschen von dir
 wissen / men das offen werd / auß dem
 zwayen kompt der neyd. Du magst
 nit er leydn̄ das ain andrer geschűtz
 werd als du. Mit disem zaiichen neid
 vñ has / bezaychnet der teűfel seine
 jűnger / wan als das ain war zaiichen
 ist der jűnger chriſti / so sy bűnderliche
 liebe zůsamen haben / also her wider-
 umb ist das ain war zaiich̄ d̄ jűnger
 des teűfels so sy neid vñ has zůsam-
 en haben / es ist ain teűfelisch laster /
 Diß schwert des neids verbűrgt der
 teűfel in sein schayd. Was ist die
 schayd: nichz anders weder falsche
 auffrechtigkeit / falsche bűnderliche
 lieb / vnd falsche begird̄ des hail̄s deſ
 nes nűchste menschn. Das seind drey
 fale vñ gestalt dreyer tugent / vñ sind
 nit tugent. Zum ersten / verbűrgt
 sich diß laster der neid / vnder ain fals-
 sche auffrechtigkeit / nit vnnder ain
 ware / aber vnder ain angenomme vñ
 gestűffte. Vñ ain sprűchstu / ich beneid
 den menschen nit / aber die bűßhayt
 die er thűt die has ich / deren bin ich
 seind / vnd also geben sy für / das sy
 nit hassen die person / sonder allain
 jr sűnd vnd bűßhayt. Vñnd ist im
 grund nit vffrechtigkeit / aber dich
 treibe d̄ neyd vnd vnwill so du zů im
 hast. Wie soll ich er kűnen / wo bey

soll ichs mercken / ob mich neyd zick
 oder gerechtigkeit / ob ich das laster
 hasse oder den menschlichen. Nym war
 fleißiglich / ob du mit härtem vnd
 süßen hertzen gegen jm bewegt wer-
 dest / des laster du also verfolgest / vnd
 findest du dich also / so ist es ain zaich-
 en das du allain sein laster verfolgest
 Thü ains / zeuch jm das keyple von
 den augen / vnd heb es zum liecht hin
 zu / so würstu sein innen. Dein näch-
 ster mensch thüt etwas das dir nie ge-
 falle / oder hat etwas vngeduld an jm
 es gefallet dir nit / du würst bewegt /
 vnd in deinem hertzen gezickt gegen
 jm / thü ains / nym eben war ob du ge-
 gen dem mensch ain güte süß sanfft
 hertz habest / vnd ob du nit gegen jm
 ain grollen / hasse oder veindschafft
 habest. Ist das du die liebe / freündli-
 chait vnd stille findest / das dir das
 hertz nit gegen jm klopf / vnd syhest
 das er übel thüt / sündet / vnd dir das
 übel misfalt an jm / Hastu vn empfin-
 dest du dise zway so hastu das laster
 des neids in dir erwürget / Aber lüg
 eben ob dich rache zick oder hasse des
 übel. Es thüt ain mensch etwas / du
 würst entricht / warumb : es hat dir
 yergents ain geßlin zertretten / dir
 etwas widerdies gethon / vnd du wä-
 nest dich treyb auffrechtigkeit / hasse
 zu den sünden / die zu straffen / so trey-
 bet dich ain groll / hasse oder vnwill /
 den du zum selben menschen hast / du
 solt die person vnd die sünden von ain-
 ander schayden Das ist not zu wissen
 denen die da haben zu regieren andre
 menschen. Nym herfür ain müter die
 vil kind hat / vnder denen hastu ain
 arms waislin / ain aschengrütel / du
 bist jm veind / du lügest wie du sein
 abkumest / du stossst das in ain clo-
 ster / du magst es nit vor dir sehen gon
 Das selb arm kindlin thüt etwas klay

nes / im treüffet das näßlin / oder hat
 sich nit recht gürtet / du söst über
 es / vnd schlechst vnd schiltest es dar-
 umb Vnd die andern kind thünd eben
 das selb / den zärlest du darzu. War-
 umb schlechst du das arm kind / vnd
 die andern nit / die küßest du darzu /
 Die grund vrsach ist da der vnwill
 der treybe vnd zicket dich Die schuld
 das klain mischün des kinds / ist nit
 vrsach das du es also vnuernünfftig
 kluchen darffst schlagen / sonnder du
 hast nit lieb zu jm als zu den anderen
 kinden. Soll man dan nit straffen
 sprichst du : Schayd das kind vn sein
 mischün von ainander / gang zu jm
 vnd wüsch jm sein näßlin als den an-
 dern kinden / vnd hatt es etwas vn-
 rechtes gethon / darumb straff es zim-
 lich mit vernunfft vnd beschayden-
 hait / als die schuldes haischet / das
 es sich bessere Also solt du es von ain-
 ander schayden die person vnd sein
 übel. Also verbirgest du den neid vn-
 der der gestalt der auffrechtigkeit
 die falsch ist / vnd waist nicht darumb
 überal. Dises verstand auch von
 andern dingen der gleichen / Du solt
 den neyd auff ain orelin setzen / vn die
 schuld deines nächsten auf das ander
 ort / vnd den straff auf ain stillen san-
 ften hertzen. Ja sprichstu / der dis
 kind also von ainander schayden / so
 aber der vnwill zu der person / vnd
 misfal des übel / bayde mit ainander
 lauffen / wie gethat ich jm : Thü also
 so man wein ablaße so blaße man als
 lang vnz das der lauter wein herauf
 gelaufft / vnd laße die müter vnd die
 reußen im vass beleyben. Also weñ du
 das vnrecht deines nächsten wilt straf-
 fen / halt an dich / nit laß den neyd
 gallen vnd vnwillen mayster sein /
 aber widerstand jm / vereruck jm
 heffriglich / vnd den auß aynem laus

eren weiten hertzen straff das übell
 an deinem nächsten / also das der lauter
 clare wein / wader christenlicher
 vnd brüderlicher liebe herfür bring.
 Lüg aber das die trüsen des neydes
 vñ hasses nit mit gangen / vnd was
 sich anders falsches / das nit zu brü-
 derlicher liebe gehöret dar ein vermi-
 schen vnd mir gon wil / das thū hyn-
 wegt / Nit sūch dich zu rechen / deyn
 mein grollen gnüg zu geschēhū / aber
 allain den willen vnd die ere gottes
 das die an deinem nächstn zu neme /
 sein besserung / vn seiner seelen hail /
 den grunt fast für dich / also die laster
 / neyd / haß / zorn vnd andere / in
 dir vndertrucken / men nit nachhen-
 gen / aber vnderston auß zu reiten /
 Das ist auffrechtigkeit / recht gair-
 lich leben / das brüchert weder halß
 noch haupt / Dar innes sollen yr eüch
 üben / wer solche ding / als ich eüch
 dick hab gesagt / zu hertznāme / vñ
 nur anfieng / der kām in kürzer zeit
 in jm selber so weit / das er es nymer
 mer glaubet her / das ist der erst salt.
 Nun sprichst du / ach lieber herr got /
 wie soll ich mich des neyds erweren /
 so ich yn erkenē. Ich merck wol das
 ich bey ain süßen hertzen mercken
 mag / ob ich kainen neyd hab / so ich
 yn aber feinde / wo mit kām ich sein
 ab? Du solt gedencken das die güter
 deins nächsten menschen / nit sein
 seyent / sonder gottes / des der sy jm
 hat geben / vnd dar zu die selben gü-
 ter / die dein nächster hatt / die dich
 schmürzen / die du ym vergündest
 yn dar von beneidest / das dir darüb
 an deimen güterren nit abgāt / das du
 nit deyster mynder hast / darumb gyn-
 ne vñ wölle sy jm / got gynnet sy jm
 doch. Darnach gedencck das wir sey-
 en alle glyder aines leibs / vnder ay-
 nem haupt / das ist Christus / also

wie ain glid das ander glid nit beney-
 det / darumb das es merer begabt /
 vnd würdiger gesezet ist / Also solt
 du deinem nächsten von hertzen gyn-
 nen die güter so er an jm hat / vñ dich
 deren von hertzen fröwen / nit betrau-
 ren / wolt der süß das aug hassen /
 darumb das es wol gesicht / vnd die
 hand das hirn beneyden / vñ das es
 die weisheit hat / dz war ain torecht
 ding. Also lüg das du dein gaben vñ
 gnaden wol brauchest / vñ laß yeder
 man das sein schaffen / Also hond ir
 den ersten salt der schayden / das ist
 valsche auffrechtigkeit. Der an-
 der salt / in den sich dyß laster deß
 neyds verbürget / das selbe ist falsche
 brüderliche liebe / du findest erliche
 menschen / die vergnaffent auff er-
 liche personen / od vff vil personen /
 auff ain orden / closter / stift / od sam-
 lung / so gar / weñ sy hörent oder ses-
 hent / das andere personen oder sam-
 lungen / zu denen sy nit also genaige
 seind von andren menschen geliebe
 vñ gefördert werden das beneydene
 sy / es müget vnd beschwärt sy / so an-
 dren etwas nutz od ere zuset / Sol-
 liche menschen myndren zum dickes
 ren mal mit Worten / das güte das in
 den andern vffscheinet / deshalb das
 sy fürchten / das denen / zu denen sy
 mer genaygt sein / etwas danon abs-
 gang nützes oder eeren / Das ist fals-
 che liebe / mir ist der mensch also
 lieb / vnd betrübt mich das andere
 menschen auch also od merer geliebe
 werdent / vñnd bedeckest also deimen
 neyd / vnder falsche brüderliche liebe
 Das ist ain schädliches verbergen /
 vñnd bringet mercklichen bärlichen
 schaden solliche besönderer liebe zu
 ainem menschen / vñnd zum andren
 nit / so wir doch habent im hymel ay-
 nen vatter / zu dem wir alles chreient

Vatter vnser. Ist er nun vnser aller vatter / so sein wir alle vnder ain/ ander geschwisterigt von des wegn wir ainander lieb sollen haben / Tu so du besondere liebe zu ain hast / vñ nit zu allen / das ist nit rechte liebe. Wollan du hast den / oder die person lieb / du mainst der mensch sey ain besunderer mensch so holdfällig / güetig ꝛc. Vnd aber andere darneben sey er nit also / vñ so den selben auch güetes geschicht / das tüt dir wee / vñ beneydest die andern die villeicht besser sei nd vor got. Nüt dich vor diser besunderen lieb / wän sy binget / das du falsches wänest / die persone die dir sonnderlichen anmütig ist / die sey also ain besunderer güet mensch / vñ hab dich och sonderlich lieb / vñ sey dir so getreuw / vñ berrügst dich selber. Du merckest nit das er nit also ist / als du in halrest. Was geschicht / solche besondere liebe misbirt er weñ vñnd gemainlich flaischliche lieb / vñnd fahest an in grosser andacht / das Credo in deum / ach es ist so ain sein güet andechtig mensch / du vermagst dich sein allain / vñ anderer ganz nichts / das endet gewonlich / In carnis resurrectionem / das auß andacht vñd gaislichkeit würt flaischlichkeit / Du hast gern was sein ist vñ lügest das dir etwas von im werde / vñd was er thüt / gefallet dir wol du redest gern von im. Ach sprichstu was ligt daran / es ist doch ain clain ding. Ich antwurt dir / dein hertz ligt dir daran / Es ist ain clain ding das bekenn ich / du hafftest aber daran / mitt grosser lieb vñd begirden / an dem ligt dein hertz / das bekümmert sich mit disser göuckeley / So du soltest an got gedencen / an den grössen herren hymels vñ erden / wie der dich vñd alle creaturen auß nüt ge-

schaffen hat / vñd das er sein aingebornen sun vmb deinent willen auff diß erderich gesant hat / vñd wie der selbe sun gottes vmb deinent willen mensch ist worden / für dich gelitten hat / vñd so ains schenlichen todes ist gestorbn / vñ das der / als ain strenger richter andein tod zu dir würt kumen / vñ den du an deinem letzten süßzen würst sehen / vñ ander stuck alhs dan der glaub für gibet / Dysseding zu betrachten ver sumest du / vñ bekümmere dich mit üppigen leben / nerüschü dingen / Laß nur ain hayl gelin sein / wie clain es ist / das du also sonderlich lieb hast / Vnd magst es überall nit erleiden das man dirsnem / ey nain mir ligt das hertz nit so vast daran / als du sprichst / Sag mir wie kumpt es dan / das du also traurig darumb würt / vñ dir von seinem entberen müssen / also wee geschicht / das ist ain gewis vrtund / das ist ain gewis zaichen / das du es vast lieb habest / Ain frawe die ainen lieben man hat / die waist nit die weil er lebt vñd bey ir ist / das er ir so lieb ist / aber stürb er ir / vñ sy also beratbet wurde / den clage vñd waint sy in bitterlich / vñd bey dem mercket sy / das ir der man lieb gesein ist / Also erkent man bey dem schmirzen / das du daran hangest. Ja was ligt daran / es ist doch ain clain dinglin. Ja aber ain grosses hertz / dein anmüt / freud / liebe / vñd begird ligt dir daran / du hast verlassen die welt / eere / lust / reichthumb / vñd dich got ergeben / ym zu dienen vñd versaumest dich selber mit so clainen dinggen / das es ain jamer ist. Es ligt nit daran ob du an ainem clainen oder grossen sayl erwordest / aber nym war / was du da durch güetes versaumest. Lern frey ledig dein hertz halten / von

Siben

allem anhang abzerren / vnd das mit dem höchsten gütt verschlagen / mit hymelischen betrachtung / das macher vns wachsen im glauben / in diser freyhait lernen wandeln. Das ist also der erst schadder daraußer wachset / von sonnderer vnd falscher lieb.

Was schadens bringt es meer? sy minderet den lon ewiger seligkeit. Wolan du bist dem closter genaigt / hast besonnder lieb zu im Was geschicht: du lügest wie sy in allen dingen gefördert werden / sollicher sonnderer annit / minderet dir den lon so du verdienst von gemainer christlicher liebe zu allen menschen / wann souil du dein almüsen weiter tylest / meer leüt zu got fürderest / die lieb gemainer ist / sich weiter außstreckt / souil meer lones dir dardurch auß erwachset in ewiger seligkeit. Wie gemainelieb macher / das ewiger verdienst sich meeret / also minderet besonndere lieb den lon der seligkeit.

Was meer? Sy macher das dadurch geminderet würt / nitt allain aigner verdienst ewiger seligkeit / sonnder auch gemindert würt die eer gottes Vnd das sein dienst abgeet so du die ainigung sonderlich lieb hast / in hilfflich bist / vnd der anderen ganz nit achtest / noch inen zu hilff kompst / die meer got dienen. Nitt sprich ich das du solt den vnreformierten clöstern helffen / sy zu vnrechten dingen fürderren. Nain / das ist nit mein maynüg Aber wenn du merckst wo die eer gots meer aufgeet / erberkeit / gaisstlichait vnd das tugenden meer zunemen / es sey wölches closter es wöll / da soltu ain gemain man sein / vnd zu gürtten helffen / nit zu lastern. Das ist also dander fald / falsche brüderliche lieb / vnder die sich das laster neyd verbirget. Dis misfallen an anderen mer

Schayden

schen / ist neyd / vñ solche sonderliche lieb / gebürt misbrauchung / als du gehört hast. Der dritt fald darunder sich das schedlich laster neyd verbirget / das selb ist / begird ewiger seligkeit / vnd hails der seelen / deins nächsten menschen / vñ dis ist auch falsch / das ist buzen gespanst. Du sprichst. Ich bin der person nit feind / aber das ist daran / ich förcht es dien jr nit zu ewiger seligkeit / das sy die vñ die tugent vnd das gütt hab / was ist es den ich gyñ jr sy wol / aber daran ligt mir Vnd gibst für du förchtest jr dienen solche gaben nit / vnd im grund ist es der neyd / da ligt der schalck Vnd so blind seyen wir das wir es nit sehen / vnd beichtens auch nit / wissen ganz nichtz darumb. Das ist die schuld / wir üben vns nit wider die laster / die außzutreyben Sieng ain mensch nur ain wenig an / sich mit austreybn der laster zu üben / als ich in der nächstn predig sagt / so würd der schen was im gebräst / wie die laster in im verborgn stecken / das er es nymermeer het geslaubt / vnd gewun mit im selber souil zu stowen / zu maystern / das er aller anderer leüt vergässe. **S**prichst du Wie soll ich mercken das im die gaben nit misdienen / sonnder sey im zu seligkeit wol dienen: Dabey mercks. Nym war ob du solliche vñ mer gaden vñ gaben hettest weder dein nächster / vnd dich dunckte das dir solliche güter oder meerer ganz nichtz schaden an deiner seelen hail / meer dich fürderten / Darumb so laß dich auch duncken das sy im nit misdienen / vñ günn deinem nächsten das gütt das du dir selber wile vnd günnest.

Wen der teüfel mit dem swert des neids schlecht / den schlecht vñ verwundet er durch leib vnd durch seel. Der neid frisset den / in dem er stecket / wie

Von

ain holzwurm sein mütter nagt vnd frisset / die ist das holtz in dem er ist ge wachsen. Also frisset d' neidig mensch sich selber / sein aigen hertz. Der neyd richtet sich in seinen aignen vnderwurf zum ersten / das ist / der mensch der den neid hat dem last er weder ru noch rast auff alle ort / weder nacht noch tag. Disen armen vnglücksaligen menschn würt nymet wol / der neid truckt sy wie ain Klotz am hertzn. Das ist das scharpffschneydig swert von dem Dauid redt. Ir swert das würt eingon in jr aigne hertzn / das ist das swert jres neids vñ has / das eingeeet in sein aygen hertz des der es hat auß gezogen andere menschen damit zu schedigen. ¶ Dis schwert tödt zum ersten den menschen der es hat / es erschlecht in in seiner aygnen seelen zu tod / des ewigen tods. Dartzu verderbet neid alle glider des leibs. Darnach geet er an den nächsten menschn / den auch zu schedigen / er lasset sich nit benügen das er sein aygen seel vnd leib verderb / er vndersteet das auch anndern zu zufügen. ¶ Der ney dig mensch fahet an den menschen den er beneidet / gegen andern auch zünerlay den. Er sacht an zu raunen haimlichen anderen zusagen von im Darnach gat / verklapperen / vñ das du im sein eere abschneidest / du sagst ewiglich böses von im / vnd kanst nymet freud haben dan in seinem vnglück / vnd eraurest so es im wol geet. Darnach so hastest du im / vnd wüsst den als sant Johanes spricht. Ain todschleger so du im böses thust vñ wilt / das seind fünff töchteren die der neid gebürt von denen Gregorius schreybt. Wer mit neid verwundet würt / dem ist übel zu helfen / er kompt selten vñ hart darvon Woll weñ ains grossen fleiß vñ ernst ankert / dem neid zu wid

Den

steen / vñ got embfiglichen vñ hilff vñ beystand anrüfft / der mag sein ab komen / aber es müß im saur werden / Darum lüg vñ hüt dich vor neid / vñ brich dich bey zeit darvon / ee es in dich gesitze. ¶ Durch was sach er tödtet Cayn sein brüder den fromen Abel? Das macht d' neid. Abel was gerecht vñ het got lieb / vñ opffert im das best das er het / darum thet im got ain zaychen so er opffert / das es im angenam wäre. Aber Cayn d' opffert böß ding vñ das zaichen erschyn nit / das sein opffer got war angenam / darumb fieng er an seinen brüder Abel zu neyden / im das zu vergünnen / vñ schlug in zu tod. ¶ Was hat den frummen Joseph verderbt / der Jacob seinem vater lieber was dan die andern sün / darnum boneydeten sy im / vñ verkauften in. ¶ Was macht das der künig saul den frummen Dauid verfolgt / das er in wolt gerödt haben / der im doch ain getreuer diener was? Das machet der neid / do er hort das das volck Dauid mer lobt dan in / das mißet in / vnd süchet in zu verderben. ¶ Was hat cristu Jesum vnsern herinertödt Das hat gethon der neid der Juden die selber mochten nit geleydn das in das volck hielt für den waren Messias / den sun gotes / vnd seiner leere folgten / das thet inen wee / vñ hangten in an das creutz. ¶ Was hat alles menschlich geschlecht verderbt / das hat gewürckt der neid des teufels / der sach das wir menschn solten die star vñ freud besitzen die er von seiner hofart wegen verlor in het / das beneydet er / vnd riedt Adam vnd Eua das sy das gebor gotes brachen vnd zu fal kamen / vnd wir alle mit inen. Spricht die geschrifft. Durch den neyd des teufels ist der tod komen in dise welt. Neid ist ain teufelische sünd / darum

Siben

soll sich ain mensch mit allem fleiß daruor hütten/wan wölcher mensch mit dem laster ist verwundt/der kan kaum gehaylet werden. **N**eid ist ain solch schedlich laster/das einfrisset vñ zünympt Neid hat kein maß/Alle anderelaster fallent ab on neid/So ain mensch alt würe so fallt im ab vnkeuscheit/ desgleichen anderelaster Aber neid nympt zu ye meer vñ meer Ain neydiger mensch hat die art/ye meer man im zärtlet/sich gürtlich gegen im halt/vñ ye meer jener menschen er beneydet/in gürteln vnd in tugendñ zünympt/ye meer das feür des neids zünympt/sich meert vñ tieffer einwachst. **N**eid ist das verflücht kriechesch feür/das man in kriegem pfligt zu machen/das kein wasser mag gelöschen/ye meer man wasser darauß schüttet ye fester es brünnet/Wölchs kriechesch feür nie mag gelöscht werdñ dan mit essich vnd sand Bist du mit disem verflüchten feür engündt/lüg das du es löschest mit essich **N**ym war d bitterkayt die dir das laster in dein hertz einsetzt das du weder rñ noch rast haben magst/dein neid schadet nit mir/sonder dir du müßt mich lang beneyden/das es mir weechü od ain beil neydest/aber dir selber thüst du damit wee. **Z**um andern brauch sand/der kein frucht bringet/also gedencñ das dir der neid ganz kein frucht noch nutz bringet/sonder alles güc in dir verderbt Dar zu bringet er dir eyrtel schaden/Er schneidet dich ab von dem leib christi/von gemainsam d christenlichen kirchen/vñ dartzu beraubt er dich görtes vñ ewiger seligkait Darum kört fleiß an vñ hüt dich vor neid vñ haß/Derneydlasser dir ain böß lenzelt/fünff creüzer Oren blasen/Er abschneydñ/ freudin vnglück/traurig

Schayden

kait in glück/vnd haß. So dir ainen beneydest so vndersteest du im seinen rñm oder grohachtig zu mindern/vñ das thüstü haymlich durch oren blasen/haisset **S**usurratio/od thüst das offentlich/ist/ eerabschneydung **D**etractio/vnd gelangt dir so freüwest du dich seins vnglücks/ist **E**xultatio in aduersis/gelinge dir nit so traurrest du seines glücks/ist **A**fflictio in prosperis/vmnd darnach am letzten so endt er sich in haß/ist **O**dium. Sehent was vnglückhafftrigen dings ist neid. Bittent got zc.

Vom Zorn.

Thema. Er was begürt mit ain schwer in d schayden. ij. Regñ. xx.

As dritte swert des bösen gaystes/das selb ist zorn/das die hauptlaster. Zorn/ist nichts anders weder ain vnordenliche begird sich zu rechen/oder ain gelust zu rach. Dir widerfart ettwas das dir wider ist/aus dem entspringt ain entrichtig in der syñlichkeit/dise entrichtung der syñlichkeit/vñ in der zornlichen krafft/das ist zorn/ Der ist erwan sünd/erwan kein sünd/erwan verdienstlich/erwan straflich. Wenn das sey hab ich eüch offe geleert **W**ein maynung ist eüch zu zaygen warñ jr eüch üben sollen. **Z**orn ist nit allwegen böß. Do vnser herr **J**esus die juden auß dem tempel trybte mite ainer gaisel/do was er zornig/aber er thet kein sünd. Von zürnen vñ nit sünden spricht **D**auid. Ir sollen zürnen aber nit sünden/das geschichte selten/aber nach gemainem lauff so ist zorn sünd/hienym ich zorn für ain vnordeliche begirde sich zu rechen/war es ain ordenliche begird/so hieß es nit zorn sonder gerechtigkeit/wölche gerechtigkeit gar ain andereweis

Don

hat/weder der zorn hab. **C**Du findst
 ainen menschen Nym ain mütter die
 ist waichherzig/vnd nit gern strafft
 Sy hatt ain tochter die hatt etwas
 übel oder vnrechts gehon/die müt-
 ter erkennt in jr vernunft/das das
 übel straff wert ist/auff das sy solchs
 nit meer thū/vnd mercket doch in jr
 selbs ain hinderzug/dem widersteet
 sy/vnd auß vernunft bewegt sy sich
 selber/vnd nympt den zorn zu hilff/
 vnd auß vernunft schlecht sy an in
 jr selber vorhin/die tochter zu schla-
 hen Sovil als an jr stünd schlug sy
 die tochter lieber nit. Vnd straffet sy
 auch nit meer weder als vil jr/yr ver-
 nunfft zaiget/vñ das übel des kints
 verdiene hat/vnd nichtz destermin-
 der ist jr das kind von heitn lieb. Da
 merck/ so lang sy den zorn im zaum
 der vernunft hat/vñ die entrichtig
 der sinnlichayt bräucher zu hilff der
 vernunft/nit die zu vndertrucken/
 aber jr zu helfen/zü dem werck das
 jr die vernunft für gibt/vñ den zorn
 nit weiter bräucher/weder die ver-
 nunfft das häisset/Den ist der zorn
 oder das zürnen/nit ain außbruch
 vnordenlicher begird zu rechen/son-
 der ain werck das hergeet auß rech-
 ter vernunft/vnd auß liebe so du hast
 zü gerechtigkait/vnd zü vndertru-
 ckung der laster/das ist den ain ver-
 dienstlich werck/wert ewiger selig-
 kait/vñ ist kein sünd Das ist nütz vñ
 güt ainem man der in ain streit will/
 der soll vorhin ain sollichen zorn/zü
 hilff der gehertze die im not ist/in im
 bewegñ. Aber ain mensch der on das
 bald bewegt würt/vnd nit kan ver-
 nünftiglich straffen/der soll an sich
 halten bis im das wütten vergeet/
 Das ist das allerbest/das du gantz
 nichts zürnest/vñ so dich zorn bewe-
 get so bayt bis dir das hertz wider güt

Den

tig werd/vnd thū den/vñ handel in
 stille vñ in sanffte was sich zymet zu
 straffen. **C** Sprichst du/solt ains all
 wegen also mit lauterem hertzen/vñ
 mit gütten sanfften Worten straffen/
 so gab man nichtz dar auff/es hilffet
 nichtz: wenn das ist/da leeret dich
 Seneca. Ain mensch soll sich stellen
 als ob er zornig sey/damit ist es ge-
 nüg/vnd bedürff sich nit erst zü zorn
 bewegen Er verbeüret allen zorn/er
 spricht/das zorn sey ainsiechtag der
 seel. Die alten hayden die da hayssent
 Stoyci/in deren zal Seneca was/
 sprechñ/das alle hertzigung/als lieb
 haß/freud/forcht/zorn/hoffnung/
 gelust/lust zc. seyen böß/vñ der seelen
 siechtag. Aber die andern hayden die
 man hayset Peripatetici/von wöl-
 cher zal Aristotiles was/die sprechñ
 das nit alle hertzigungen böß seyen/
 allain die vnordenlich seind/wider die
 vernunft/wen sy jr maß nach ver-
 nunfft haben/so seind sy nit böß/Al-
 so/forcht/wen jr nit zu vil ist/vñ ge-
 gen ainem rechten gegenwürff so ist
 sy nütz. Liebe/die du zü deinen kindn
 hast/die ist an jr selber nit böß/aber
 die selb lieb soll maß haben/weder zu
 lügel noch zu vil/Also verstand von
 allen andern hertzigungn/die seind
 an jnen selber weder böß noch güt.
 Daruff fallent all christenlich leere
 vnd nemene das dabey/das die selbñ
 hertzigungn in christo Jesu dem her-
 ren seind gewesen/er het traurigkait
 vnd forcht/do er am ölberg blütigen
 schweiß schwitzet/da hatt er gehabe
 traurigkait bis inn tod. Christus hat
 kein sünd nye gehon Darumb nach
 dem man solche hertzigung bräuche
 vnd die gegenwürff seind gegen wöl-
 lichen sy sich seind üben/nach dem
 seind sy güt oder böß. **C** Dises swert
 zorn/verdecket der böß gayst in ain

Siben

Schayden

dryfach schaid/vnder drey gestalder
 dreyer tugenden. Das erst ist/er ver-
 deckt zorn zum ersten mit gestalt be-
 gird der gerechtigkeit vnd erberkeit
 Zum andern vnder dem nutz deynes
 nächstn Zum dritten/falsche tugent-
 haßteitait vñ gedult. ¶ Zum ersten
 verbürget sich diß laster zorn/vnder
 die gestalt der gerechtigkeit vnd er-
 berkeit/wie es thüt in den andern
 zwayen lastren/in hoffart vñ neid/
 allso begibt es sich och in zorn/wañ
 hochffart begeren vnordenlich hoch
 zu seyn für andre menschen/vñnd
 neid/dem nächstn gütes vergünnet
 vñnd zorn ym zuschaden/dyse drey
 hond ain nachburschafft zusammen/
 das gemainlich kain on das ander
 ist. ¶ Nun fragstu wie verdeckt sich
 zorn vnderfürgebung v gerechtigkeit
 erberkeit vnd frümkeit:es ist den/
 so ain mensch spricht/ich byn dem
 menschen nicht veind/aber der vngere-
 rechtigkeit die er thüt/die verfolge
 ich/vñnd in dem das er wönet/er gebe
 ainen außtrag der gerechtigkeit/vñ
 haß zu den lasteren seyns nächstem
 menschen/so thüt er ainen außtrag
 seinem wüten/seinem haß vñnd zorn
 der in dir verborzen ligt/der treibet
 dich/das du vffwischest auff alle ort
 deinen glangen oder glust dich zu re-
 chen dem bistu genüg. Wie gehäret
 ich ym sprichstu: Wer dise ding an
 übung legt/der kem gar bald darzu
 das er würde mercken was in tribe/
 aber nit üben/da ist predigen verlor-
 ren. Ich sprich du solt lügñ/so lang
 dein gemüt betrübet ist/vñnd dein ver-
 nunfft entrichtet/so lanng solde du
 dich hüten vñnd nit straffen/vñnd solt
 warren byß das/das wüten in dir
 vergat/vñnd der zorn in dir verzwir-
 det/dein kind/dein gesind/thüt vn-
 recht/der zorn geet in dir auff/di

würst bewegt vñnd entricht im hertz
 en/cuains/halt an dich/nit schlags
 kind/biß dir der zorn vergat/denn
 straff mit ainē häiteren hertzen nach
 vernufft/alle die weil dir hertz klo-
 pffet/so lang gang müßig/nit boche
 Rere zu dir selber/das is thü/zehen/
 zwainzig/dryßsig mal/so dick der
 zorn will mayster sein/die rüt in die
 hant nympt/so dick halt an dich/den
 so würst du sehñ/wie der zorn/on vn-
 derlaß herfür wüschet/vñnd der ver-
 nunfft nit wartet/Er will vomen
 seyn/da thün dir selber gewald an/
 dein straff sol her gon auß der liebe/
 so ain mensch zum andren auß chri-
 stenlicher fründschafft habñ sol/was
 auß dem grunt gat/herfür queller/
 als auß ainem lauren claren brun-
 nen/das ist ain verdienstlich werck/
 wert ewiger saligkeit. Du hast lieb
 ainen menschñ/dem gynnest du das
 er habe tugent/güterwerck/du wildt
 im alles das ym nutz ist/zu seiner see-
 len hail/du begerest im erberkeit/dz
 er den willen gotes thue/got dienen
 vñnd kome ins hymelreich/vñnd du si
 heß das der selb mensch etwas vnre-
 chtes thüt. Darumb sole du nit über
 yn zornig werden/aber thün ayne/
 straff in güetlich/bünderlich vñnd be-
 schaidlich/wañ straf der lieb/bricht
 auß mit barmhertzigkeit/mit ainer
 stille. Also hat gechon Plato/d hert
 ain knecht/der sein aygen was/der
 thet etwas/die knecht die wir hond/
 seind nit vnser aygen/darumb hastu
 yn nit zu schlahñ/gedenck es gehört
 mir nit zu/der richter sol yn straffen
 hat er es ächter verschuldet/aber rüt
 er klaine ding/nit solt wüten/vñnd in-
 nig über yn werden/aber du solt yn
 straffen güetlich/allso deinen bünder
 oder laß yn lauffen/aber der knecht
 was Platonis aygen/er mocht ym
 dd

Don

thun wie er wolde / do er in schlagen
wolt / do empfand er an im / das er
zornig was / er schlug in nit / vñ bat
ainen andern / das er in schlugeder
nit zornig was. Der kunde vernufft
brachen. Sprichst du / wie soll ich
aber mercken / wannen her der zorn
gange / ob dieser zorn her gange auß
aim waren güten grunde / oder auß
aim falchen / ob ich bewegt werd vñ
dem treiben der vntugenden / od auß
vernufft vnd rechter liebe. Merck
also auß dem / ob vernufft od zorn
vorgang / du syhest vnrechtes thun
was es dan ist / vnd nymest war / das
schad darauß er wachse / vñ findest
in rechter vernufft / daz / das nit ist
zu lassen vngestraftet hyngon auß
das nit me fräuels / gedürstigtayt /
vnforcht samkeit / oder andre sünden
darauß kummen / ob man nit straffe
te / vñ beschluffest in deiner vernufft
das du das solt vnd wilt straffen /
das vnrechte wören / vñnd vabest an
vnd gibst dem selben anschlag deiner
vernufft / aynen austrag / mit maß
weiß vñnd form vñnd vmbstend als
die sach das fordert. Da gat vernufft
vor / vnd zorn sol nach der vernufft
gon / vnd nit nach seinem willen sich
rechen. Vnd darzu nym war / ob du
vor der straff vnd in der straff / vñnd
nach der straff / den menschen wel-
lichen du gestrafft hast / nit mynder
lieb hast / wed als du in vor hast lieb
gehabet / findestu dich in dir / das ist
ain zeichen / das dein straffe gannig
auß gütem grund / mainung vnd her-
zen / aber wenn du / an stat der lieb /
hast vñndrach in dir empfandest / so
halt an dich / Das gehöret sunnder-
lich den obren zu / die sollem an sich
halten / vñnd nit stracks im iust der
bewegung straffen. ¶ Zum andern
so verdeckt sich der zorn vnder der ge-

Den

stalet des nutz vñnd der liebe zum
nächsten menschen / das widerfart
denen menschen / die da sprechen
mich treibt vñnd so ich maine meys-
nem nächsten menschen / Aber im
grunde so ist es nit war. Wie gehas
ich sprichst du / das ich möcht doch
erkennen / das dyß falsch wäre. Du
soltains thun / vnd kein besser kunst
ist / weder das du / dein selber mit al-
lem fleiß vnd grossen ernst warnes-
mest / vnd das du anderer menschen
getat nit fräuelich vrtailst. ¶ Zum
ersten nym dein selber war mit allem
fleiß / nym war wie straff würdig du
bist / vnd darzu wie voller vntugend
vnd gebrechen du steckest / so wirstu
finden dich / vnd mit dir selber so vil
zu schaffen gewynnen wie du recht
werdest / das du wol aller anderer
menschen müßig gangest / vñnd lüg
weiter / das du nit fräuelichen ande-
re menschen vrtailst on gnüg same
anzaigung / wan das war ain sünd
wider brüderliche liebe / wan das war
nit on verachtung des nächsten yn
also böß scherzen on redlich vrsach
vñnd zeichen / als sanctus Thomas
spricht. Darumb solen lüg das du
kaynen menschen weyter vrtailst /
weder du zeichem an ym findest.
Auch sollich vrtailn ist wider göt-
liche liebe / vñnd ist ain übergriff in
die oberkeit gores / dem all ain zustar
verborgne hertzen zu vrtailen / dich
vrtail / bestich dich selber / lüg dir in
dein kartenspiel nym war wie du lebest
wie du dich besserest / vñnd gang der
andern müßig / was gatt es dich an
was vñ wie ander leüt tünd. Sprach
der abbt Pastor aineß zu aym brü-
der / syz in dein zell / sprich zu dir sel-
ber / wer bistu / vñnd vrtail niemant.
Das feur machet zum ersten die näch-
sten ding heiß / darnach fürbas ans

die ding / machestu ain feür in den
 offen. Zum ersten wermet es den of-
 fen / darnach die stub / Also solde du
 zum ersten dich selber straffen vñnd
 besseren / wenn das geschicht / dar-
 nach andere menschen / ist es dir ach-
 ter befolhen / wer da anhebt an im sel-
 ber / vñnd an ym selbs lige zu nagen
 vñnd maisteren / Sich da hast du das
 gehon / das geredt / den angeschnö-
 wet / die gedencck lassen einbrechen /
 vñnd an im selber on vnder laß lige zu
 nagen / da / dem laster zu widerston /
 da dem andren / vñnd das ouge auff
 sich selber kert / wer das tüt / der hat
 güten Friden mit andren leuten / las-
 set sy wol sin wer sy seind / claget nit
 vil von yn / nymet sich irer geschäft
 wenig an / Ist vsach / wann er so vil
 mit im selber zuschaffen hat / das er
 andrer leut vergisset. Wer aber sein
 selbs vergyffet / seyn selbs nit wars
 nympt / noch seyner aygenen gebre-
 sten / der nimpt sich an aller gebresten
 deren die vmb yn wonen / vñnd claget
 von yederman / vñnd lauffet vñ schrei-
 get / man soll dissen vñnd den straffen /
 der thü diß vñnd das. Solliches war
 nemens klagens vmb wysplens / nymt
 nit sich an / der da sich selbs be-
 kenne / vñnd ain straffer ist seyner ay-
 genen gebresten. Wen du der du bist
 in aynem closter / das übest / so hast
 du auff dissen erdtrich ain hymme-
 lisch leben / vñnd on das hast ain tuse-
 lisch leben / also vnderston wollen an-
 dere menschen vor dir selber besseren
 die hat dz geton / da die leg angesehen.
 Das hat verbotten Christus vnser
 herre / als er spricht im ewangelio /
 du gleühner was sihestu ain ägen /
 ain clain stüplin / in ain ouge deines
 nächsten brüders / deynes nächsten
 Schwester / Aber du sichst nit aynen
 grossen droebaum in deinem ouge /

als ob ersprach / du sihest was deins
 nächster düt / das kanst du nit groß
 gnüg gemachen / ist er wem nit der
 eeren wert / vñnd grobe schwarze sün-
 den die du tüst / sichstu nit / waist du
 nit darumb / thü den balcken / din ai-
 gne bosheit auß deinen augen / den
 kanst du deinem nächsten recht gehel-
 fen / bessere dich vor selber / vñnd dem
 auß vernunfft / vñnd mit aynem kal-
 ten gerüwigen hertzen / vñnd güteren
 sänfften wortten vñnderstand andere
 auch zu besseren / hilff dir / deyn ayz-
 gen hauß zum ersten löschen. Dar-
 nach lüg das deins nachburen hauß
 auch löschest / du selber kanst nit ge-
 rüwig seyn / vñnd wile es aynen an-
 dern leeren / das ist strafflich / Es ist
 ayn fürwitz vñnderston andere men-
 schen zu erfahren vñnd zu bessein was
 sy thüend / Spricht sanct. Augustinus
 menschlichs geschlecht / das
 ist fürwitzig / andrer menschen leben
 warzunehmen / Aber es ist laß vñnd
 träg dar zu stumpff / zu sehen / vñnd
 warzunehmen / seines aygen lebens
 Es ist auch ain zaiichen vñnd aigen-
 schafft der tohair spricht Tullius /
 frömbde laster sehen / vñnd seiner ayz-
 genen laster vergessen. Dis laster
 zorn verbirgt sich zum dütten / vñnder
 tugenchafft vñnd gedult / du findest
 menschen / wen die zornig seind / vñ
 ye zorniger sy seind / ye me sy schwei-
 gent / nit auß aynem güten grund
 vñnd hertzen / das der zorn in inen ver-
 lesche / nain / das ist nit ir mainung
 als ich eüch dick geleert hab / das kain
 verfancklicher Artzeney ist wider
 zorn / weder das ain mensch das thür-
 lein am ofen zu schlahe / den mund
 zu thue / vñnd nicht rede / so lang biß
 du das feür des zorns / in dir gedem-
 mest / verlöschest vñnderwürgest / als
 thener brüder ther / der blüt spüwet

do yn ain annder brüder der zü ym kam / darumb fraget / was ym wär / dem antwurt er / es seind scheltwort die ich in zorn gern geredt hett / vnd mich gerochen / die hab ich verhebt vnd in mir lassen erstücken vnd seind züblüt worden / das was recht laster erwürgt / der legt ym selber grossen mechtigen gewalt an / was thund wir / was dir ins schnäbele kumpe stracks anrucks / es müß herauf geredet seyn / du fragest ymermeder / was ist tugenden geübt ? Ich hab dirs vnzalich gesagt du bist so lang in gaystlichen stadt gewesen / vnd waißt noch nit wie du tugendn üben solt / das ist ain gewyß zeichen / das wirs nit üben das man vns leert / im selber grossen gewalt an ton / dz müß vor got / in allen dinngen dir selber störiwen / vff die hend schlahn / dich selbs on vnderlas überwinden in allem dem das dich ansicht / vnd dir selber nymer gewonnen geben. Das gewältigen / das überwinden / ist tugenden üben / es thut wee / wirt ay nem saur / kompt dich hart an / Nie laß dich der arbeit duren / es gültet ainen grossen lon / wenn das hertz / also vor erarbeitet ist / gesübert wirt vnd schier bist volkōmen worden / güte naigungen hast in dir überkūmen / denn gatt es dir senssemütig / klich hernach / keünsch sein / demütig sein / gehorsam / gedultig sein / etc. Also üben die güten menschen tugenden / namlich die tugent der gedult durch überwindung des zorns mit schweigen. Aber diße schweigen nit also / wie die güten menschen thund / sonnder sy mainen ainen andren das mit zü zorn me zü bewegen. Das ist ain schädlichs lasterbarlichs schweigen / warumb ? Ain sollicher mensch hatt das in seinem anschlag / vnd

sweigt darumb / das er zu grösserm zorn bewege / warum sweigt er me ? Er tuts darüb / das er vorhalte nützlich warhait / die dem menschn nützn vñ güte wāren zu wissent. Vnd zum dritten / dz er da durch den menschen bring zu grossen berlichenschaden / also verbürge der mensch / das swert seins zorns / vnder die gestalt der tugenthaffte / vñ der gedult / auß dem grundt so schweiget er. ¶ Zum ersten das er seinen vnd ayms anderen zorn / mer entzündet vñ zü noch grösserm zorn beweg / das ist böse. Vnd zum andren so verhalter er nütliche vnd nutzbringende warhait vor seyn nem nächsten / die ding darvon seyn nächster gebesserete wurde die verschweigt er / sagt ym nit / das ist noch böser. Vnd zum dritten so er nütliche warhait nit waißt / so maht er / das er innoch grösseren bärlicheren schaden faller / vñ in noch grössere sünd / schand vnd laster / dar ein er nit viel redtest du zü ym / das ist das aller böste. Wie soll ich im thün fragstu ? thün im also es begibt sich alles samen / sonder wer in ayner gemain ist / würt diß innen / da kōmen die ding clarlichen herfür an tag / da würt ain mensch innen / was er ist Da überkumpt man tuget / wer achter will / wann da werden funden alle gegenwürff daran sich ayn mensch mit tugenden mag üben / die schwester schnupft / der stinckt das mul / da hüst aine zü fast / die hatt disse angebard an ir / die ander ain andere / da müß ains lernen solliche ding leyden / vnd an sich halten / vnd nit ains wegs vffblitzen / da würt nit gelassen vngestrafet / aber haussen getar ains dem andren nit sagen / ich thue was ich wölle / nyeman sagt mirs / Aber da im closter / müß ains aintz

Siben

Schayden

weders besser werden/oder gantz böß bleyben/da entpfinder vnd siche ain mensch/was er ist/was in ym auffgange/wil er laster vnder trucken er hatt vrsach genig. Wenn du schweigen wilt/so lüg das du nit sweisgest auffer vnwütschait/oder darumb das du ain anderen dar durch zu zorn wellest raitzen/sonnder darumb solt du schweign/das du übest tugenthaffte/vnd das du dich selber vor sünden behüerest/vnnd ihenen auch der mitte dir zürnen will. Zum andren solde du warnemen/ob das ding/das du leidest/vnd darumb du schweigest/ob die selben dinng nit seyent anreiffen warhaitn des lebens/ob es nit anreiffden glaubn/das er ber leben deines nächsten menschen/oder dein selbs/oder grosse schwäre sünden vnnd mercklichen schaden/der dir oder deinem nächsten widerfaren wurde/Denn bist du schuldig zu reden/vnd nit züschweigen/das do rufft ainer weiten auslegung/wen vnnd wie/es anreiff die da gezogen werden zü vnerbern sachen denen da es nutz vnd nit schaden bringgen mag/es sey in clöstern oder aufferhalb. Er soll zum driten warnemen geschicklichait seins brüders/ob er yn me begütigen möge mit reden/den so sol er auß liebe vnd mit maß als süßer mag/im sein mainung offnen. Das ist wider die menschen/die das wissentlichn wissent/das ir nächster mensch/me begütiget wird/so sy ym zu reden/weder so sy schweigen/wenn du solchs waist/das ayn mensch mit deinem reden/eevnd me begütiget wurde/weder er thut/mit deinem schweigen/den bist du schuldig/gütiglichenzü jm zu reden/bekenne dich gegen ym/oder red sunst etwas fründtlichs zü ym/liebeschwe

ster nit also/das dunkt mich es dien dir zü deiner seelen hayl/ist es nit/so verzeyhe mit es/ich hab es im besten vnd vmbdeinen willen gehon. Vnd ist aber das dich bedunckt/das ym dein schweigen bas kum/so bait biß der zorn in jm vn dir vergange. Du solt lügen vnnd dich fleysen allen zorn zü vermeiden. Du solt ansehen zum ersten Christum jesum vnsern behalter/vn an ym leer nemen/wieder sich gehalten hatt/in allem leiden/von dem sant Petrus spräche Christus hat vmb vns gelitten/vnd vns an jm selber ain exepel gelassen/im nach zu würcken/doer verflüchet ward/flüchet er nit/do er geperriger ward/do er öwet er nit/er ist zum tod gefürt wordn/als ain senfftes lemlin/in seinem mund ist kayn widerspruch funden. Sich an die lieben hailigen die och lautere menschen seind gewesen/wie sy so gedulriglichen sich geliten habn/on zorn/in aller widerwertigkeit/die vnns zü aynem exempel vnnd spiegel für gehalten werden. Das amder darumb du allen zorn vermeiden solde/ist d schad/der dir darauß erwachsen ist. Nym war/was schadens dir von zorn kompt/vnd was bößer gestalt du durch den zorn überkumpst/Thü du nur ayns/so du zornig bist besche dich in ainem spiegel/so siehst du/wie ain greüselich gestalt du hast nit anders weder ain vn syniger stier siehstu/vnnd die andren spoten dein nartzü/vnd lachen dein/vnd ergerst sy. Was me schadens bringgt dir zorn:dein gemüt/würt vnwütsch/mainst der mensch sey nit ain solcher der dir das thün solt/haffet in latein. Indignatio/der kopf würt dir zerschwoollen von gedencen/wie du dich rechen wöllest oder mögest/vnd

dd iij

Von

zotterst das vnd das im gemüt/hyn
vnd her/das ist tumor mentis/ ge-
schwulst des gemüts. Der zorn brü-
chet weiter auß mit schreien Clamor
Darnach fahestu an in zu schelten
du lecker du büb ob schalck/ ist Con-
tumelia/Darnach komet das du an
fahest got zu lesten/ist Blasphemia
Vnd zum sechsten begerest du dei-
nen nächsten zu schädigen vnd zu
schlahen/vñ schlechtest in/ist Rixa/
Das seind sechs schaden die der zorn
würcket/ Alls sanctus Gregorius
schreibt vnd nennt sy die sechs döch-
tern/ die zorn gebürt/ vnd ist ir ye-
glichs ain sundere sünd. Fürbafs
spricht aber Sanctus Gregorius/
durch zorn verlasset der mensch die
gerechtigkait/das er nit kan rechte
urteilen/ Also lang das gemüt be-
trübt ist/ vnd von zorn durch ain an-
der würet/ so lang mag er nit clar se-
hen/was recht oder vnrecht sey zu
thun. Durch zorn würt güete gesel-
schafft verrückt/ Rechte lieb vnd
freunt-schafft ver schwindet/ Vnd
durch zorn/würt das liecht der war-
hait verduncklet/vnd der glast des
hayligen gaites/wirt geirret vnd
auß geschlossen/das das gemüt yn
nit mag empfangen. Vnd das ge-
müt des menschn würt durch die vn-
gestümedes zorns vn synnig/ als san-
ctus Gregorius spricht/ Der zorn
gähemensch/würt gegleicher ainē
besessenen menschn/wan wer also al-
wegen blib/ als er ist/ so er zornig ist
wen wolt annders beduncken/weder
das er schellig vnd besessen wäre/
Darumb so sprechen die leerer/ das
zorn sey ain stündige vnd kurze vn-
synnigkait/ blib der mensch also nur
aynentage/ man müst yn binnden.
Du solt zum dritten vnd letzten dich
selber ansehen vnd betrachten Sich

Den

an dein aigne blödigkeit vnd Erack-
hayt/dein sünden/ dein gebrechen/
dein vnuolkommenhait / vnd sich
an/dafs du vil dinng gethon hast/
da von billichenn wäre / dafs gott
vnd dein nächster/ über dich zornig
wurden/ Wie das wasser/ das auß
flackendrefeür löschet. Also löschet
den zorn der gedanck/ so du hast von
deinen sünden/ die du gethon hast
wider gott vnd deinen nächsten/ dar-
umb du billich straff leiden soltest/
als iacetus Gregorius spricht. Vnd
darumb fah an/ laß die milch nyder
vnd gesig/ vnd also gedenc den ay-
gne arbeitsaligkeit die an dir ist/ vñ
biß deinem nächsten erbärmig/ laß
ym ab/ das dir gott auch ablaß dein
sünden/ das verleihe vns gott/ var-
ter/ sun/ hailiger gait Amen.

¶ Thema. Er was be-
gürtet mit ainem swert
in der schaiden.

¶ In das vierde schwert
da mit der reüffel vnder
stat zu erwürgen die see-
len der menschen/ das
selb ist traghait angots
dienst. Was diese sey/ vnd ob sy von
ir art täglich oder todsünd sey/ der
groß leerer johānes Gerson spricht/
das traghait sey nit wider götliche
lieb/ aber sy sey wider den einbunß
der liebe/ Also sey diese trauigkeit
vnd erschlagenhait/ wider den ein-
bunß der götlichen lieb täglich sün-
de/ aber der leerer sanctus Thomas
haltet das traghait sey von ir arte
todsünde/ vnd sey wider götliche
liebe/ es ist nit vil daran gelegen/ es
ist mer vñ schaid in den worten/ we

Siben

Schayden

Der in der sachen / Aber alls ichs yetz /
 und wil für mich nemen / so ist erag
 haie angots dienst / nicht anders /
 weder ain vnder oder nider geschla-
 genhait des gemütes / die da her ent-
 springet von übungñ loblicher ding
 des gotes dienst / Da ain mensch be-
 trauert / erschlagñ vnd also siech ist
 in seiner seelen zu loblichen übungñ
 die den götlichen dienst seind antrif-
 fen. Ain mensch kümert erwan dar-
 zu / das im psalmen nit schmacken /
 des gleichen weder vassen beeten / zu
 chor gon / schmacke im ganz nit / im
 faller traurigkait dargegen ein / aber
 er gehellet nit darein / er widerstreit
 solcher pleighait / erschlagñhait sins
 gemütes / ist ym laid das sein hertz al-
 so zusamen laufft vñnd gerinnen stat
 zu güten götlichen dingen / er bleibe
 nit daruff ligñ / als die bösen mensch-
 en tün / von denen redt / Dauid Coa-
 gulatum est sicut lac cor eorum. Ire
 hertzen seind zusamen gelauffen alls
 milch / das sy stonnd gerunnengegen
 allem dem das gott antrifft / Aber
 ich (spricht Dauid) hab betrachte dei-
 ne gefasz / als ob er sprach / aber mein
 hertz ist nit geronnen / Sonder zer-
 flossen in betrachtüg deines gefasz
 Item das ich sprich dz tödlichsünd
 traghait sey / so ain der dienst gotes
 oder götliche ding nit zu willen ist /
 das solt du verston von dem freyen
 willen / nit von der synnlichayt / nie
 das sy dir nit seind zusinn zu hertzen
 od zu anmüt / nain / aber so es dir nit
 zu willen ist / du wilt das nit tün / vñ
 lassst es vñnder wegen / da hüt dich
 vor. Dale alwegen in disser berürüg
 der traurigkait / vñ in andern herzi-
 gungen der synnlichait deinen frey-
 en willen embor / nit laß den nyder /
 nit verwillige darein / solannß der
 freywil embor auffrecht ist / auffge-

fert in den götlichñ willñ / würt dir
 schon der stain der traghait an den
 halß der synnlichayt gehencke / das
 die sich nyder naiget / zu laßhait vñd
 pleughait / dz ir güte ding nit sma-
 cken / vñnd aber der frey will darwi-
 der fichtret / mit gewalt sich der trag-
 hait entschüttert / solang sündestu nit
 tödlich Ist es wol das die synnlich-
 ait sich dar wider sperret / es schadet
 dir nichts. Also sprich ich / soltu ver-
 ston das wort / traghait ist ain siech-
 hait vñ nidergeschlagenhait des ge-
 mütes des innerlichen / od auch auß-
 serlichen menschens von loblichen
 übungñ der tugenden zu gottes
 dienst / Das ist ain arm ellend ding /
 so ain mensch d da alle ding / die welt
 vñnd was ym lustlich was / verlassen
 hat / vñnd das gethon vmb gotes
 willñ / dem zu dienst / sich selber über-
 geben hat / in ain gaisstlich lebñ / vñd
 aber / ain solcher armer mensch / dar-
 zu kümert ist / das im der gotes dienst
 nit schmacket / sunnder ganz vnwill-
 lig ist / vñ widerüg seind götliche gais-
 stlich ding vñ übungñ / zu denen er
 sich verpflicht hat / ain solcher armer
 mensch sitzet zwischen zwaien stülen
 nit dz im weder got noch die welt zu
 lieb würt. Die hond ain armes vñ
 glückhaffteigs leben / sy verlieren an
 beiden orten. Darumb soll sich ain
 mensch / mit grossen fleiß vñd ernst
 vor diser traghait hieten / vñd mecht-
 tiglich da wider streyten / Wan ye
 me man wider solliche erschlagen-
 hait laßhait vñ vnainmüt güter ding
 ist streyten vñnd fechten / vñnd sich
 tringt vñd zwingt zu tugenden / zu
 erberkait / zu götlichen vñ gaisstlich-
 en dingen / ye me der anmüt vñnd lie-
 be zu nympt / vñd grösser würt / ge-
 gen gaisstlichen dingen. Wann / das
 laster müß man überwinden / nit mit
 dd iij

fliehen seynes gegenwürffs/sonder mit sich dapfferlich/hynzu/halten/vnnd das ain mensch überwindling en sich dring vnnd zwing zu gaystlicherübung/vnnd sy nit fliehe oder dar von kere/vnnd main das ym dar umb die traghait werd vergon/vñ so wöller den anfehenn gütsthün/Er falet daran/wann souil sich ain mensch me dar von thüt/so vil mynder sy im schmacken/so vil aber sich er me darzu fügt/souil ee im die traghait vergat/vnd darumb würt dyß laster nit mit flucht seynes gegenwürffs überwunden/Es seind andere laster/die werden mit flucht irer gegenwürffs überwunden/als fraschhait vnnd vnkeüschait/die selben gegenwürff/die darzür aissen/die müß man fliehen/weit dar von weichen/als sanctus Paulus spricht. Ir solent fliehen die vnkeüschait/aber da vö dem laster spricht mans nit/wañ ye me man sich wider traghait über ir widerstat/ye ee vnnd belder man sein abkompt/wann so vil sich ayn mensch in tugenden me über/vnnd gaisstlicher ding me innen würt/ye me lieben sy ym vnnd anmütigent in/Das ist aber nit in flaischlichen lüsten/ye me man sich in denen übert/ye laitsamer vñ me bitterkait sy bringen/sy laisten nit als sy sich fürgeben zu thün/darumb betriegent vñ verführen sy. Aber das tünd die gaisstlichen lüft nit/ye mer man ir innen würt/vnnd ir gebrauchet/ye me anmüt vnnd größern lust sy bringent. War vnnd vñ wie verbürgt sich dyß laster traghait an gotes dienst? es tüt zu gleicher weis/als die forderen laster/Es verbirgt sich vnder ainer dreifachen schaiden. Zum ersten verbirgt es sich vnder die gestalt der beschaidenhait. Zum andern vnnder

gestalt der demüt. Zum dritten vnnder die gestalt der andacht/des einbunfts/vnnd des beschauwenlichen lebens. ¶ Zum ersten so verbirgt sich traghait an gotes dienst/vnd bedeckt sich/vnder die gestalt der tugend die da haisset beschaidenhait. Wie geschicht das? es ist etwa da ayns sprüche. Ich wolt gern wachen/vasten/mir selber abbrechen/vñ das güt werck thün/vnd mich gern in tugenden üben/der welde vrlaub geben/so wais ich dasß wissentlich/das ich daran verdürb/vnd darunder nyder gelegen wurde/vnd darumb laß ichs vnderwegen/vnd lüßge das ich beschaidenhait halte/ich möchtes in die lengenit erzügen/so genow allwegen müssen leben/Ich müß sein sterben/wir seind nyme also starck/als die alten seind gewesen wir mögendt nyme thün/als sy gethon haben/wer wolt es erzügen/so lich leben zu führen/als sy haben gelebt/Es seind er wann ander leüt ge sein weder wir seind. Ja es ist war/wir lebent nyme als die hailigen alten/vor vnns hont gelebt/vnd hond nyme solche obren/die vns es leeren thün/Vnnd den rechten weg gangen vnnd darzu weisen/vnd die selben obren/hond vor in auch nit also oben gehabt/an denen sy möchten haben leer gemumen recht zu leben/darumb kinnent sy/anndere nit den rechten weg weisen/den sy/noch ir vorderen/nit seind gangen/also verfar ain pferd mit dem andern/wen ain pferd im zug neben aufziehet/so hengen ym die annderen nach/das sy all mit dem wagen verdebenn/Des gleichen/wenn der hirt überstürzert/über den Belsenn abfallt/zü hand vallen ym die schefflin auch nach/also verdürbt ye ains

mit dem andern. Was sprichst du weiter / es kannit yederman im harnesch d mechtigē tugent / des sauls der alten / sechren / dem David waren die woffen des künigs Saul nit gemāß / er kund nit darin streyten / Es seind vil ding sprichstu von Anthonio / vnd Onofrio / vnnnd den andren altuāren geschriben / von grossen dingen / mechtigē tugenden / wie streng vnd hart sy gelebt haben die ding wāren vns nit gemāß / aber darumb seind sie geschriben / vns alain darab zū verwundern / nit das wir / die / auch an sollent nemen / die och zu thūn / vnd darumb brauch ich für sichtigkeit ich tūns ganz nit vñ traghait / hayliges creutz nain / das kumpt mir nit in mein hertz noch gedēcke / aber der vernunft halb vnd der beschaidenhait / so laß ich also die ding vnderwegen / das ich mich selber da mit nit verderb / vnnnd halt beschaidenhait. Sich wie vnder der gestalt der tugende / discretio Beschaidenhait / der schalck vnd displaster traghait verborgen ligt. Es ist war / man sol in allen dingen haben beschaidenhait / wann sy ist ain wagenman / der da regiert vnnnd weist aller andern tugent den rechten weg. Wen der wagenman nit da ist / so verfarent wagen vnnnd pferde / also wo nit beschaidenhait gehalten wirt in ainer tugent / so wirt sy nit wert / darumb sol beschaidenhait gehalten werden in allen übungen der tugent. Secht wie d schalck traghait / pleig hait an gottes dienst / sich dar gibet / vnder gestalt der feinen schönen tugent beschaidenhait. Die die schönste tugent ist vnder allen sitigen tugenden / wann sy gibet allen tugenden weiß / form vnd maß / das sy tugent bleybent. Sprichst du vnd fragest /

wie thäten wir dem: Also solt du int hūn / Du solt warnemen vnd gedentcken / das dasselb güte werck / die tugent / zū dem dich dein Consciētz / dein natürliche erberkeit sinderess vñ der hailig gaist treibet von innen / das du es sollest thūn / vnd aber dein traghait dar wider sichtet vnd laßt dich beduncken / du seyst im zū krankte / zū vnmechtig / Gedēck sprich ich / das das selbige güte werck / ab dē du scheühest oder och vil schwärers durch götlichen beystand volbrachte würt / durch etliche andere menschen / die da nit halber als starck seind als du bist. Zum andren soltu festlich hoffen in götliche hilff die dich in deiner übung der tugenden stercken mag / vnd sprich also mit sancto Paulo in grossen vertrauwen / alle ding vermag ich in jm der mich stercket. Wie kümert es min / das du so gar onmechtig bist zū gots dienst: wes ist die schuld? Du getrauwest gott nit / was entsetzest du / vnnnd bist mistreuwelich an der genaden gottes / vnnnd wogest dich nit freischlich hyn ein / du zühest hynder dich / wie ainer tüt der an ainen graben kumpt vnd dar über soll springen / er fürcht er fall darein. Du sihest das andere menschen / eben als wol seind blödd / als zart erzogen als du / vnnnd das sy sich so kecklich darein wogent got zū dienen / nit darumb das sy so starck vnd krefftig von iren aignen krefften seyent. Nain / sonnder in der krafft gottes / seind sy würcken / der gibet inen / die vermüglichait zū dem güeten willen / warumb? Sy hond verzaget an iren aignen krefften / Aber sy haben sich got ganz ergeben / der ist ir sterck zū allem güeten / dē vertrauwen sy auß ganzem hertzen darumb laßt er sy nit / diß soltu ansehen vnd

dich frischlich angreifen/güttes zu
würcen/nit dir selber zu vertrau-
wen in deiner aygne krafft/aber das
es dir möglich werd zu thun in got-
tes hilff vnd krafft/die er dir vnd al-
len menschen mitraylen wil / als san-
ctus Paulus spricht. Ich vermag
alleding indem der mich da stercker/
das ist got Spricht ain prophet. wel-
che menschen hoffnen in den herzen/
die werden verwandlen die stercke/
werden an sich nemen sedren / als die
adler / lauffen vñ nit arbaiten / wand-
len vnd nit erlygen. Isa. xl. Du fin-
dest ainen menschen in der welde der
mag nit fisch essen / er mag nit vas-
sten / vnd mag vilding nit erleiden/
es thut ym alles wee / vñnd hat kein
übung / er ist also zart / den ist im wee
im haupt / den gebrüster ym das / den
yenz / vnd mag nichts güttes getün /
Der selb mensch kumpt in ayn clo-
ster / in ain gaistlich leben / vñnd fa-
het an sich ganz da hyneinzugeben /
frischlich die dinng an zugreifen /
welche er vor gantz nit vermochte.
Das sol ain mensch für sich fassen /
der in ayn closter gatt / welche sich
also kecklichen hynein geben in alle
gaistliche übungñ. Es muß gewogt
sein / sol gewonnen werden / das ge-
schicht den / das die selben menschen
seind wackerer mustre vnd frischer
zu vasten / zu wachern / herte ligen /
rauch klaiden zu tragñ / willen brech-
en / rauch schlechte speiß esser / vñnd
was man soll thun / greiffent sy red-
lich an / vnd werdent stercker dan an-
dere / sy werdent ganz verandert in
ir complexion vñ naturen / das thut
got / der gibe in die krafft. Wo aber
ain mensch / ab gaistlichen übungñ
zühet / scheicht / vñ sy flucht / da wirt
nit auß / ains soll sich frischlich sel-
ber mit gütten übungñ angreifen /

vñnd kecklich das thun / darzu dich
got treiber vñ dein aygne vernunfft
wenn die entrichtungen der ansech-
tungen deines herzen wider gestyl-
lent / welche vngestümeerwa in me-
schen auffstondt / wenn die wider gest-
zente / den mit gütter vernunfft fahe
wider an / güttes zu würcen. ¶ Zum
dritten nym me war / das du solt wis-
sen / das / das ain gewisse vrsach ist /
das man so wenig menschen findet
die da einbunst haben in tugentri-
chen übungñ / ist deshalb / das sich
so wenig menschen got grüntlichen
ergeben / vnd sich ganz vollkommen-
lich laien / auff die hilff der görtlich-
en gnaden / vnd die da ganz vertrau-
went / das er sy stercken welle in ü-
bungñ der tugenden / wenig süchen
die ere gots / alle menschen nyssen
auff iren teller / süchen iren aygnen
nutz / nit die ere gottes / nit sein gefal-
len / noch seynen willen / aber all ayn
ir sanffte / ir gemahel / ir aygen ge-
süch das in daran nit abgang / vnd
föchren als / yn werde gebrehten /
wann heren sy ganz vertrauwen zu
got / der wurde sy des tausentfaltig
Elichen er gözen / mit andrem trost /
mit vnd freud des herzen / wellich
es weder die welde / noch alles das ir
ir ist / nit mag geben Das ligt offen
am tag / ain mensch der der welt vol
ist / aller üppigkeit pfligt / vñnd den
ain solcher in sein herzen getrossen
würt / das er der welt gantz veloub
gibt / es sey ere / reichum / flaischli-
che lust / verlasset / vñnd anfahet got
zu dienen. Was gar darnach / nichts
andere weder das er von herzen
spricht. Nun sey got gelobt / vñnd
hätt ain grosse freude das er der ü-
ppigkeit entrinnen ist / auß dem wü-
ten ist kumen / das sol ain mensch an
schñ namlich so ains narüg hat / essen

Siben

Schayden

erriicken Klaydung / der soll sich von
 der welde grundlichen abzerren / vnd
 den dienst gots frischlichen angreiff
 en / das sol man die leeren / welche da
 erst ins closter kumen / die soll man
 nit in zarthait mit goudelwerck vff
 ziehen / endrauwen ich bin och zart
 erzogen worden in meynen hauss /
 sprechent sy / solt ich nit ain erostlin
 haben / vnd mit etwas mich ergetzen
 ich moechtes nit erleidn / das sol man
 nicht gestatten / Sonnder sollliche /
 dapferlich vffziehen / nit mit schleck
 sunder sich mit schlechter narung
 lassen benügen / wañ weñ sy solcher
 waichait gewonent / vñ man maint
 sy im alter dar von zu ziehen / da wirt
 nit vñ. Ain mensch (sprich ich) sol
 die welt verlassen / vnd sich auff ayn
 ortlin setzen / da zu bleyben / nit den
 hieher / den dahyn vnderston zukun
 men / flüche die leüt. Ja wer mag al
 wegen so allain sein / solde yederman
 da haim bleyben / wer gieng dan zu
 den leuten. Also sprach ainest ainer
 zu sant Hieronimo / solten alle men
 schen thun als du tust / wer solt den
 die leüt leeren / dem selbñ anwurter
 er / solt yederman witzig seyn / wer
 wolt denn dir helfen ain narre sein.
 Wir hond sonil sorgen / wie wir da
 vnd dort gehelffen / gelecten / vñ ver
 sument vns selber / vnd schaffent an
 andern auch kaynen nutz / wir seind
 narren / laß yederman das seinschaf
 fen / vñd nym dein selbs war. Röre
 dich zu dir selbs vñ vabe an ain rechte
 gaislich christenlich leben / das ist
 rechte gaislich gelebt / da ain mensch
 sich über den zorn nyderzutrucken /
 traghayt / hochffart in jm darnider
 schlagen / vnd alles das / was in ym
 auffgieng vnordelichs / vñ uernünf
 tiges / das zu erwürgen / Ain solich
 er fleysiger erfarter seynes aygnen

grundes / kam gar bald zu rüwen /
 aber es müß von erstn erarbart sein /
 solt du nit ain schümacher werdñ /
 du müßt es vor lernen / du lernest yer
 ges vier jar / heüt ain wenig / vñ last
 es dan ligñ / vñ über ain halb jar ler
 nest du aber ain wenig / vñd so die
 jar vffkumen / so seind es kum zwen
 tag die du gelect hast. Du sahest
 die tugent an zu üben / vnd wenn dir
 das ain wenig getreibst / so last sy li
 gen / vnd sahest ain andere auch an /
 vnd den aber ain andere / also würst
 du nymmer tugentreich / aber über
 rest du dich steiff all tag / all stund /
 stracks für vnd für / on vnderlaß / so
 gieng es dir von statt / aber wie wir
 traglich vnns üben / also werdene
 wir traglich volkumen. Zum an
 dren verdeckt sich dyß laster trag
 hait vñder die gestalde der demüt.
 Ach sprechent sy. Ich wolt gern tu
 gent üben / einbrünstlicher beeren /
 dicker almüsen geben vnd andern tu
 gend übungen anhangen / wenn ich
 nit menschliches lob vnd einfall ayz
 gnes gefallens fürchten müßt. Vnd
 darumb auff das ich solliche üppig
 kait vnd erhebung des gemütes mei
 den mög / vñd nit besser geacht werd
 vor den menschen weder ich schein
 in der angesicht gores / so enruhe ich
 mich von übüg sollicher tugenden /
 vñd vmb der demüt willen das ich
 dienit verliet / so laß ichs vnder wes
 gen / wañ / weñ ich solche tugenden
 übet / so het ich selber gefallen darin
 vnd ander leüt lobten mich darumb
 Darumb laß ichs vnderwegen also
 vñ demüt willen / sehent also verbür
 get sich traghayt vnder die falsche
 gestalt der demüt. Vnd wie thät ich
 jm / sprichstu / merck du solt ligñ vñ
 nym war / ob das gürt vñ tugentreich
 werck das dir tün solt / es sey almüsen

geben/meflesen/predigen/nitzu den
gesellen gon/vastn/beeten zc. Tym
allding was es den ist/ ob du das
selbe gutt werck/ seygest pflichrig/
oder verbunden zu thun/oder ob du
es sunst tugest auß lieb/vnd von fry
em willen. Seind es dan werck/die
dir seind gebotten/vnd du sy pflich
tig bist zu thun/denn soltu sy thun
vnd nit vnder wegen lassen. Vnd ist
es dann ob dir solche üppigkeit ay
gens gefalln/oder anderer leut lob
zufallen ist/dem gib antwort als
sanctus Bernhardus thet/ich hab
es nit vmb deinent willen angefan
gen/So will ichs nit vmb deys
rent willen vnder wegen lassen.

Du gibst ain almusen/den so du gelt
hast das dir enpfolhen ist/armen leu
ten zu geben/od du syhest in ainem
menschen/die erste nordurfft/das
er seines lebens halbñ hülff bedarff/
den bistu schuldig/bey ainem gebot
dass du ym zu hilff kommest/Vnd
durch kains dings/wed durch lob
oder andrer ding/dass vnder wegen
lasset. Oder du bist ain prediger/di
schlechst anda oder dort zu predigen
die warhait zu sagñ/zu der zeyt/an
der stat/vnd vor den personen da es
zymmet vnd süg hat/vnd besserung
bringt/dasolt du die warhait mit be
schaidenhayt sagen/den ist das ain
gutt werck/ob dan schon der glast ay
gens gefallens einbricht/dem soltu
antwort geben/als sanctus Bern
hardus thet/Diñ verstand in allen
wercken/die du gebotes halbñ thun
solt/die soltu vmb kains lobs willen
vnder wegen lassen/Ist es aber sach
das dasselb werck/gatt auß freyem
willen vnd auß liebe/du würst von
ynen darzu vermant/vnd du förch
test/tugest du es/so werdest du ver
faren in hochffart/so solt du diesel

ben werck nit offentlich thun/aber
haymlich bey dir selber/so lang/bis
du dein selbst maister werdest/vnd
solichs gefallen dir selber vnd an
dren menschen/in dir vndertructet
vnd gedemmet werde/vnd nit mer/
dir schaden seye bringgen/von dem
so dich andre menschn davon würd
en loben/vnd solt solliche besundere
gutte übungen zu den du anndacht
hast/so lang haymlichen thun/byß
das du darzu seyest kommen/das du
die tugent lieb habest/an jr selber/
das dir übung der tugent/erbertait
allain durch jr selbs willen/lieben
vnd anmütig werden/vnd vmb got
tes willen/dem da durch zugefallen
vñ nit dir selber noch andren mensch
en. ¶ Den grund setz in dich/des ge
won/vnd darnach solen diese tugent
ausbrechn zu tun/alwegen auß dem
grund her/auß liebe der tugent das
dir tugent vñ jr selbs willn/so an mü
tig vñnd lieb seyen/das du getriben
würst/vñ jr gutte willen sy zu üben
vnd darzu vorab vñ gottes willen/
den dar durch zu ernen/vnd die tug
enden weder vñ scheleten noch vñnd
loben lasset vnder wegen vñnd also
stade diese leer kürzlich dar auß/wen
ain mensch tun will gutte werck auß
liebe oder freyem willen zu denen er
nit verbunden ist/vñ fürcht hoffart
so soll er die selben üben in gehaym/
also lang bis das vñ emsiger übung
sollicher werck sein hertz also gefest
iget werd in güthait der tugenden
vnd der liebe gottes/das er solliche
wert offentlich tun mögen on sorg vñ
ferlichait menschlichs gefallens.
Das gehört zu den regieren/die da
seind also vischer der menschen/die
sollent so gegründet sein in tugend
en vnd der liebe gots/vnd so erbet/
dz sy mit irem lebñ/andren menschn

Inen got erglößt sein allmechtigkait/
 weißhait vñ gürtigkait. Got hat vns
 alle geschöpffte geben/nit allain als
 geschöpffte ding/sonder auch als zai-
 chen. Der knopff an ainer bircken/
 ist reiß vñ laub nach seiner geschöp-
 ffte vñnd ist auch dabey ainem ver-
 nünfftigen menschen ain zaichen des
 rechten wegs d dich weysen soll/das
 kan aber d esel nit merckē das es ain
 zaychen ist/er blickt es allain an alls
 laub/vñ streicht es durch das maul
 vñd yffet es Aber der mensch der auff
 dem esel sitzet/mercket das wol/vñd
 braucht den knopff alls ain zaichen/
 vñ streicht in nit durch das maul als
 der esel. Also merck auch hie das die
 geschöpffte gotes seind den flaischli-
 chen menschn nit zaichen/sonder al-
 lain laub/das sy durch das maul strey-
 chen in frasz/er kan sy nit anders brau-
 chen Es hat aber die maynung nit/
 sonder daruñ hat vns got die geschöp-
 ffte gemacht/als zaichen vñ knopff
 durch die wir mit dem liecht vnserer
 verstantnuß erleichtet durch den ge-
 lauben sollen weiter hinein dringen
 vñd dardurch den schöpffer/got den
 allmechtigen/lernen verston vñd er-
 keñen/vñd durch die creaturen kom-
 men zu erkantnuß des höchstē gütes
 der sy so schon vñd nützlich gemacht
 vñd geschöpffte hat. Das ist recht
 lernen in lesen an dem büch der gesich-
 tigen ding/das künden die menschn
 die die gabe haben des hailigen gay-
 stes/die da haist/verstantnuß Intel-
 lectus. Das versteet der esel nit/er
 maint alle ding seyen daruñ gemacht
 das er sy durch das maul streich vñ
 essen soll/das seind die flayschlichen
 menschn/die brauchē alle creaturen/
 nit als wegweysung zu got/sonnder
 als ding zu fressen vñd sauffen/Sy
 sehens nit an als zaichen an der strasz

ewiger seligkait. Das ist ain tothayt
 vñd grosse schedliche blindhait/allso
 zu mißbrauchen die reylichayten got-
 tes/deren wir vns verwunderen sol-
 ten. Wie soll ich im thün/sprichst
 du:Also thū/Du solt gedenccken das
 got dir nit allain die geschöpfften zu
 gebrauch geben vñ geschöpffte hat/
 sonder auch vmb der anderen willen
 ainem yetlichen thierlin/ain yedem
 nach nordurfft seiner natur vñ art/
 das es dir nit alles zugehört Vñ dar-
 umb war es wider die ordnung der ge-
 schöpffte vñ des schöpffers/das ain
 mensch durch frasz alle ding verschle-
 cken wolt. Zum andern verbirgt
 sich diß laster Fraszhait/vñder die ge-
 stalt d nordurfftigkait. Dan yñ dem
 war/da ligt es alles an/aber nyeman
 gedencckt daran/vñd gond hin als die
 vñuernünfftigē thier/nyeman will
 es an sñbung legen/darum beleybert
 wir vol laster. Sprichst du:lieber
 got/man muß geessen haben vñd ist
 ainem menschen not das er es/zum
 minsten ain mal im tag/not ist da/not
 zwinget mich zu essen/Sichst du so
 lang not daist vñd dich zwinget zu essen
 solang ist nit da fraszhait/das ist auß
 gericht Du sprichst/ain mensch muß
 lust habē zu essen/das ist war/aber er
 muß nit essen auß lust Es ist ain groß
 ser vñder schaid mit lust essen/vñ auß
 lust essen. Der yffet mit lust/dem die
 speiß lustig ist/aber der lust treibt in
 nit zu essen/sonnder sein nordurfft.
 Der yffet aber auß lust/den nit not
 sonder der schleck treibe zu essen Mit
 lust essen ist nit vnrecht/Aber auß
 treybüg des glusts annüt vñ begird
 allain vmb schlecks willen essen/das
 ist nit nordurfft/aber sünd/doch
 nit allwegen todsünd/das war sunst
 ain hörter sach. Die recht zeit ist hie/
 du sachst an zu essen auß nordurfft/

dein vernunfft sager dir das du sole
essen/ vmb das du den willen gottes
volbringū mögest/ zeit vnd nordurfft
ist hie. Was geschichte: den fart dein
sülichait herfür/ vnd brücht für den
anschlag der vernunfft. Dein ver-
nunfft spricht/ das vnd so vil ist dir
not/ das weeret aber kaum ains Aue
maria. lang/ den kompt der schleck/
dein begirlichait/ vnd faller on ver-
nunfft auff die speiß. Die vernunfft
hatt kaum ainer halben elen lang ge-
weben/ vñ der glust wibt es voll auß
den ganzen imbiß/ vñ yffet ymerdar
anhin/ waiße nichts darumb/ alles
was dir für kompt da yffest du von/
on nordurfft / allain auß begirden
vnd lust vnd vergiffest das du yffest/
vnd wānest dich treyb die nordurfft
so ist es frashait Sichst du wie diser
schleck sich verbürget vñnder die ge-
stalt d nordurfft Davon hab ich eüch
vil geleert in der auffsteigung/ aber
solliche ding/ laster außzutreyben/
in tugenden wachsen/ die will nye
mananübung legen/ in erneüwerüß
seines lebens inwürcken/ beleibū her
auffnen ligen/ man singt genüg/ va-
ffet vil/ thut mancherlay übungen/
aber in den rechtū grund sich wogū/
da willes nyeman angreifen. ¶ Vñ
wie soll ich im tūn/ das ich mich hüt
vor dem fale diser schaidū. ¶ Du sole
zum ersten lügen vnd offte gedencken
an die wort Augustini/ vnd Philoso-
phi/ die sprechen. Die natur hat gar
mit wenig genüg. Aber böse gewon-
hait hat vil darzü gelegt/ vnd vnns
zü ainer nordurfft gemacht. Ain kind
lin das noch nitt kan kriechen/ haif-
set ymain schlecklin geben/ das is selb
schlecken wachset denn für vñnd für
mit inen auff/ die selb zart erziehung
bringet in böse gewonhayt/ wenn sy
sollen zū rechten dapfferen leütten

werden/ ist nyemant dahaym/ vnd
wānent den sy müssen also schleck vñ
waichait haben. Wer die zway glid
haupt vnd füß/ hört vnd dapffer halte
vnd auff zeücht/ der würt/ als Plato
spricht/ starck. Wer aber die füß mit
linden schühen vñ solen zart halter in
der jugent/ vñ so hüpsche schlayer/
lin gewont zu tragū/ solche zart hait
seind gauckler eyen/ vñ sy wānent den
sy mögen ir nit emberen. Sy wöllen
im winter erfrieren/ mögen im sum-
mer nit meer on solen gon/ vñ mach-
en ain bollwerck vmb das haupt als
wolten sy in das eyßland faren/ es ist
nichts dapffers da in allen dinngen/
Also ist es mit dem schleck auch/ des
man jung gewonet das wachset den
ein/ das man kompt/ ye von ainem
laster in das ander. Alle Stoici seind
darauf gangen/ das sy alle ding bloß
was der natur not was/ auff das aller
genowest gebrauch haben. Alls ich
ihenen tag im Genz sagt. ¶ Zum an-
dern solt du lügen wenn du essen wilt/
das du zū der speiß gangest als zū ai-
ner arznei. Dis stück leert got sant
Augustinū/ als er sezt im büch von
der beichte/ da spricht er. Herz du hast
mich geleert das ich zū dem essen soll
geen als zū ainer erznei. Wie gee
ainer zū ainer arznei/ mit klopfen/
dem herzen. Im ist angst/ ligt nym
mit nit meer pillulen weder in der ar-
zet haifet. Er soll auch nit minder ne-
men/ sy dienten im anders nit zū ge-
sunthait. Also soll ain mensch sein ver-
nunfft brauchen/ vnd soll lügen das
er zū dem tisch gannig/ vnd die speiß
brauch/ nit allain vmb schleckliches
lusts willn/ darim das sy wol smäcke
Auch das er nitt zū lüzel speiß neme
dadurch sein natur gekrenckt werd/
Vnd auch nitt meer neme/ weder in
nach rechter vernunfft bedunckt im.

nutz vñ not sein / zu auffenthalt seiner
 natur / das haltent die frässigen nit /
 trag her / ye mer ye lieber / die füllen
 sich wie man ain wurst füllen. War
 um mer / sollen wir zu d speiß gon als
 zu ainr arzney. Ainer der arzney ein
 sol nemen / der rumpfft sich darab er
 entbar ir lieber Aber vmb seiner ge
 suntheit willen entpfahet er sy / Also
 soll dich kein glust zum essen creyben
 sonder dein nordurfftait vñ krank
 hait / das wir on speiß nit mögen le
 ben / also schwach seyen wir / das soll
 vnns mer betrüben dan erfreuen /
 Wer das ainig stücklin hielt / wen er
 essen wolt / das er die speiß name / als
 ain arzney seiner natur / d kam bald
 des fraß ab. Das drit das du tün solt
 Wen du yffest lüg das du / dein syn
 lichen lust vñ glust / haltest gezwung
 en im zäum / mit maisterschaft deinr
 vernunft / nit laß die sinnlichkeit den
 anschlagñ deiner vernunft fürziehñ
 Nit laß dem schleck die eer Aber laß
 dein vernunft dir dar oder fürlegñ /
 nit biß genüg d fettigung / aber dem
 anschlag der vernunft / der soltu ge
 horsam sein / vñ das war güte / das du
 dir nur als vil lieffest fürsetzen / alls
 dein vernunft vñ nordurfft dir für
 gibe zu essen. Was geschicht aber /
 wen du gnüg geessen hast vñ etwa ain
 bessere tracht hernach bracht würt /
 den wirft du traurig vñ zornig / das
 du sy nie vor hettest / do du noch nit
 sat warest / vñ sprichst / ey warum hab
 ich das nit vor gewist / Vnd warum
 das nit vmb nordurfft willen / wañ
 du bist satt vñ vol / aber vmb schlecks
 willen. Also vnder der gestalt d not
 durfft sich verbergñ diser glust der
 da ist frashait. Das drit / darun
 der sich frashait verbirgt / ist gestalt
 des abbruchs / Du sitzest ob tisch / dir
 wile der erstn tracht nit essen / brichst
 dir selbs ab / warum / der schleck trey

bet dich / vñ nit liebedes abbruchs /
 du hoffest es werd ain bessere trache
 hernach komen / deren wile du essen /
 die ist dir wol anmüttiger / oder hast
 ain schlecklin in d kuchen das dir soll
 werdñ. Item du yffest ain ganzn tag
 nichtz / auff das du darnach dich mit
 lust deßer genüger mögest füllen /
 Diser fraß ist sich auch verbergñ vn
 der d gestalt der verachtüg kostlich
 er speysen / vñ doch in warhait so ist
 der schleck in d vnkostlichñ nachgült
 tigen speiß. Sprichst du wie kan sich
 ain arm mensch / in schlechter armen
 speyß verschulden. Ain mensch ver
 schuldet sich nit minder / so er lust ist
 süchen / in schlechten speysungen we
 der hettest du kostliche speiß. Nit ligt
 frashait in der speiß Aber im glust /
 Ain mensch mag mer lust brauchen
 in ainem linsen müß / vñ an ainem
 haring / vñ ain clostermensch mag
 sich mer verderbñ an schlechter speiß
 dan ayner an kapon. vñ wildeprat /
 magstu nit die zehen als wol zerstoß
 sen am küßlingstein / alls an ainem
 Rubin / du magst mer glust habñ an
 ainē stück brots mit grösserer begird
 darauff fallen / als ain anderer an ainē
 hasen hat / wañ frashait ist ain vnor
 denliche begirlichkeit vñ mit vnzich
 rigem glust fallen auff die speiß / die
 sey wiesy wöll / warum kam Esau der
 sun ysaac / vñ sein freyhait der ersten
 geburt / die verkouft er seinem brüder
 Jacob / vmb ain schissel mit linsen
 müß / daran er sich versundet. Her
 widerum Helyas ward nit gespeiste
 von den menschen / aber von ainem
 rappen / der im flaisch bracht / vñ ver
 sündet sich nit daran Spricht Augu
 stinus. Ich wölt lieber essen in d wi
 sen visch als sy d her. Jesus ass / die
 doch güte waren / aber er ass sy on
 frashait / weder mit Esau die schön
 den linsen essen mit fraß. Ain armer

mensch mag nie lust haben vñ grös-
 ser sich verschulden / mit essen ains pfer-
 nings wert kostlichs / wed ainer der
 mit vernuffte genß vnd hünere yffet /
 Der böß geist betöret / angengs vñ
 ver sücht Adam vñ eua / nit mit ain
 rephün / sond mit ainē öpffell / hond
 sy sich vñ vns / in jamer vñ in ellend
 bracht vñ verschleckt / es ligt nit dar
 an ob du kostliche oder nachgültig
 dinng esset / du magst dich eben als
 wol verschulden in essen ains öpfels
 od andrer frucht / als herstu ain va-
 sant hün geessen. Die leerer sprechñ /
 die geschöpfften gotes / hond in jenen
 nit verborgn die laster / sonder diela-
 ster stecken dir im hertzen. Vnd wie
 soll ich ym thün sprichst du? Du solt
 zum ersten deinen glust vnd begird
 zu der speys im zaim halten der ver-
 nunfft gleich gegen nachgültigen
 vñ kostlichen speysen / vnd also maß-
 siglich die gabñ gots entpfahñ / das
 du nymer mit wissen vnd willen / das
 nordurft deiner natur übergangest.
 Zum andren solt du die gaben gots
 mit danckbarkeit entpfahñ / dein ge-
 mit in danckbarkeit zu got auffhe-
 ben vñ deinen glust nymer in den lust
 der speysen einsencken. Zum dritten /
 so soltu dir nicht zit von dissen gaben
 die dir also von gott verlychen seind
 zu schreiben / Sonnder sy erkennen
 das sy komen von der götlichen reili-
 chait / vñ also entpfahe sy von jm / als
 ain armer spytell siech die speys en-
 pfacht vñ d hand des / der sy im barm-
 hertziglich dar raicht. Wer sich also
 hielt in dissen stucken in seinē essen /
 der wurde nit all ain sünd entpfiehen
 Sond och ainē grossen haußten der
 tugenden überkomen. Zum vierden
 gedencet wie es so gar ain vichisch
 ding ist vmb frass. Ain mensch d got
 seinem schöpffer dienen wil / mit gan-
 zem hertzn / vñ ain geistlich christen

lich leben für sich hat genömen / das
 er got loben vñ dienen wölle / der soll
 nur bloss nordurft brauchen in al-
 len dingen / vñ sich aller frashait er-
 weren mit allem ernst / wiler nit snö-
 der leben weder ain thier / das yffet
 nit me / weder ym sein natur vñ dun-
 cken gibet / schütioch im wenig od vil
 fütters dar / so nympt es doch nit me
 dan es bedarff nach seinem höchsten
 duncken / allso halt auch dein thier /
 deinen leib / der dein seele tragt / dem
 soltu sonil nit me / auch nit mynder /
 speiß fürschütten / zu essen geben / we-
 der dich nach rechter vernufft dun-
 cket das er zu sterke bedarff dich zu
 tragen / in ewigs leben / Spricht se-
 neca der leerer / das ain soleher frash-
 iger mensch / wüster ist / weder alle
 thier. Vil helffent / hond mit ainem
 walde genüg / dar inne sy wayden /
 Aber ain wüster frashiger mensch
 mag kum gewaidet werdñ / mit dem
 lust / erden vñ möre / der lügt das al-
 le fisch im wasser / alle tierlin vñ ge-
 wild in den welden / vñ die adelichen
 fögel im lufft / vnd was in den hütern
 der berg stecken ist / vñ alle fruchte
 jm / in seinen magen kumen vnd ver-
 sudle. Das sind die groß korbeüch /
 deren bauch ir got ist / als Paulus
 spricht / vnd das ist warlich war / als
 Hugo spricht / man pflige der ab-
 götter tempel vnd dienern zu zeord-
 nen vihez zu opffern / vñ weitoch bren-
 nen vnd röchen. Des abgottes des
 bauchs Tempel ist die kirchem / der
 altar ist der tisch / die diener oder le-
 niten / das seind ir köch / das opffer
 seind ir genß / hünere vñ tapponen
 gebraten vñ gesottñ / fisch vñ flaisch
 geschürt seind ir kelch / d weiroch ist
 der gesmack d speiß / den abgot müß
 yederman vor augen habñ / dem die-
 nen / alle ding in jm vñ nach jm rich-
 ten. Nachdē als er gebüret vñ haif

Siben

ser muß man alle ding ordenen / frů
 zů meß leüten / prefacion abbrechen
 das man zum fressen kam / die predig
 nit lenger verziehen auff den kirch-
 weihen wes biß der brat in der kůch-
 en gnůg hat vnd nit verbrůn / wenn
 der koch beraitet ist / So ist es alles
 schlecht / dem abgot / dem bauch / muß
 en alle menschen gehorsam sein / dem
 wachen / auffstou / frů vñ spat / lang
 vasten / on vnderlas kochen alle fleck
 da růchele das muß / das ist nit ge-
 salzen / das ander nit recht beraitet /
 vnd kriegen vnd zancken vnd schel-
 ten. Das soll ain mensch nit thun /
 halt an dich / maister dich selber / nit
 wirt vmb dich / ist es not vñnd zym-
 lich / so sags ym mit beschaiden hayt
 oder enpfilch es got / nit las dir den
 bauch als lieb sein / das du vmb seiff
 willen so vnshůgig werdest. Gedenc̃k
 zum .v. an die schwarre rechnůg die
 du gebůn mußt vñ dinen iberflus in
 fras. Du sprichest / ich hab mein na-
 rung / warumb wolte ichs nit brau-
 chen? Du solt gedenc̃ken gottes des
 berzen der dein richter wirt werden
 an deinen lesten zůgn / dem du wirt
 rechnung geben / von den schlecken
 allen. So wir wissen das wir mußt
 sen got rechnung geben / von vnsern
 vnůgen Worten / ich geschweige bů-
 ser schädlicher wort / wie vil me von
 den wercken die wir gewirck̃t hond
 Das soll ain mensch ansehen / vñnd
 sein selbs warnemen vnd brauchen
 als vil im not ist mit beschaiden hayt
 Du darfst darumb nit on essen sein
 das wár sünd / wider gott / würdest
 an dir selber schuldig / du solde dich
 aber nit iberessen. Es spricht ain lee-
 rer / das me menschn verberben mit
 fras / durch vnmessigkeit / dan mit
 dem schwer Sich an den reichn ver-
 lozen man / der begraben ist in der
 helle vmb seines frasses willen vñnd

Schayden

hat mußt trost los sein. Er hat vil
 hundert jar gebetten / vñ ainen was-
 ser tropffen / auff sein zung / der ist
 ym noch nit worden / vnd zů ewigen
 zeiten mußt sein entberen. Warum
 ist er verdampft worden? Darumb /
 das er hie her alwegn schlecht geessen /
 herlich vñ tůglich gewirtschafft / vñ
 zart gekleit gewesen. Gedenc̃k zum
 vj. was schadens dir me kump̃t vñ
 frashayt. Sy macher die vernunfft
 stumpff / das ain mensch nit wais̃e
 was er solang greiffen / ist im latein he-
 bitudo mentis. Bringt darnach vn-
 sůgliche freuden / in der begirlichen
 krafft / dz der mensch narisch gůge-
 lich gůter ding wirt / er ist ain weiß
 man vor dem ymbis / darnach wirt
 er ain kinnd / stameler mit der reden
 darff nit für die leüt kummen / bis et
 wen vñ vesper zeit / das er abgedũt
 wet. Darum sol ain mensch sich hal-
 ten in essen vnd trincken / das er von
 dem ymbis also geschickt vñ wacker
 gang / als er vor ymbis was / Was
 erwachset me von frashayt? Dars-
 nach zum dritten kump̃t geschwatz /
 vil redens / haisset Multiloquium /
 wenn man vol ist so fahen sy an schwa-
 dern / klappern / hinder reden / eere ab-
 schneiden / vnd kriegen vnd zancken.
 Darnach zum vierden gondgouck̃
 elweisen Scurrilitas also das nit al-
 lain in Worten sonder auch in gebar-
 den vñnuernunfft gebraucht wirt
 Darnach zum funfften wirt ain vn-
 flat darauß das ist ain wußt / hayset
 immundicia / vnfleritait vñden vnd
 oben / das nit ist zů sagen / es ist besser
 dar von geschwigenn weder geredt /
 Ain vernunfftiger niechter er mens-
 sch / ist in der nacht also wacker vnd
 frisch alt im tag. Gedenc̃k zum si-
 benden das diß laster bringt den tod
 vñ natur / der gnaden vñ glorien / als
 oben berürt ist / vñ also wee thůr leib
 ff 4

vñ seel/darumb sol sich ain vernu-
tiger mensch dar vor hütten/vnd al-
wegen maß nach vernunfft vnd be-
schaidenheit halten/vnd sich sparen
zu demtisch ewiger saligkeit vñ alle
zeitliche ding brauchen als artzney/
vñnd alle zeit an gott gedencen vñ
seiner seelen hail/das die zu got kün-
me vnd andere stuck obgerürt fleysß
siglich üben. Amen.

Alsibend vnd lerst laster ist.

D Vnkeuschait/was die sey/
waist yeder man Ich darff
es nit sagen. Dis swert verbirgt der
böß gayst in sein schaidn die ich nen-
nen will/drey gestalten/vnder d ge-
stalt d grüßbarkeit/der liebe/vñ der
hailigkeit Vnder dise drey verbirge
der böß gaist vnkeuschait vnder der
gestalt dreyer tugendn/Vnd so ain
mensch wänt/er sey grüßber/er hab
lieb/er sey haylig/so hatt er büberey
im hertzen. Zum ersten so verbirge
sich d schalck der vnkeuschait/vnder
gestalt d grüßbarkeit. Affabilitas/
od fründlichait/redgebig/ansprech-
lich/Wenn die grüßbarkeit mit
rechter maß/mainung vnd weißge-
halten würt/so nemet sy der Aresto-
tles ain tugent Affabilitas/vnder
welcher tugent gestalt/verbirgt
sich dz laster d vnkeuschait/wen man
denselben büben oder bübenin daren
redt/vnd sy strafft das sy also stond
zu gassen vnd schwarzen/So sprech
ensy stracks/es wär ymer schad/dz
mandarumb vnrecht thün wolt/sol
man nit mit den leuten reden/es ge-
schicht in allem güten/solt ains das
ander nit griessen. Wievil seind der
menschendie an disen dreyen stuck-
en verfahren/das mensch ist so grüß-
bar bey den leuten/rüt sich vmb/bey
yeder man/wie ayn denger farlin.
Vnder diser vnordelicher fründlich

heit/so deren zu vil ist/steckt in war-
heit verborzen der schalck das laster
vnkeuschait/yeder man nem sin tail
dar von. Vnd wie thät ich ym? Du
solt zum ersten warnemen/ob in d sel-
ben grüßbarkeit/du in dir seyest ent-
pfindn/flaischliche naigung/vñ be-
sondere lieb/des entpfindt ain men-
sche wol ober genaygt werd oder nit.
Wen du nun in dir solliche entpfin-
dest/so soltu dich der selbn fründlich
heit ab thün Dir ist nützer du seyest
ain murck/als ob du nit künnest re-
den/weder das du verderbest/Stell
dich ausserlich vñ dapfferlich ist wä-
ger weder das du mit deiner fründ-
lichait böße naigungen in dir oder
ander en personen auffwegest. Ach
nain sprichstu/es ist nit also/er ist
mit lieb als ains ain kind lieb hat/
Ich sag dir es ist büberey/gang
müßig/wann es bleibt dielenge nit
bey der kinnds lieb/nit laß dich dar
auff/es würt am ende annders dar
auff. Wen du solliche weichait vnd
flaischlichenatürliche naigung en-
pfindest/so sprichich/das ains soll
ledig ston solcher fründlichait Was
me solt du thün? Du solt zum ande-
ren dich annemen ainer güten hoch-
fart/dass du dich so stolz selber be-
dunckest/vñnd dass dir rainigtaye
deins hertzens vnd lauterkeit deiner
seelen/vnd ledigkeit deines gemüts
so lieb vñ werd seye/das du alles das
von dir abzerrest/dass dir dein keü-
schait/vnd ledigkeit deines hertzen
in anicherlay weg möcht bemasen/
oder zu n ziehñ. Dise hochfart/gar
auff ainer großmütigkeit/vñnd nit
auff hochmütigkeit/ist nit sünde/
aber güte vnd nützlich/vnd gar disse
großmütigkeit vñ liebe d tugent/nit
auff strafflicher überhebüg/es ist at-
nem menschen recht vnd nutz das er
sich zu güte darzu beduncke/das er

Siben

Schayden

sich mit schnöden vñ minderem dinge
 gen weder im gemäsh sind / vñ got nit
 zugehörend bekümeren sol / es ist dir
 besser vnd nützer du gangest dauch
 elen / wes das du dich vñ andre mit
 dir verderbest. Zu dem andren ver
 birgt sich dieses laster / vnder der ge
 stalt der lieb / so du mainst haben zu
 deinem nächsten menschen Du nym
 est dich an du habest die person besun
 derlich lieb / gynnest ir gütes / wilde
 vñ würckest ir seelen hail / vñ mainst
 ir wol vñ gütes tün / vnd deshalben
 haltest du dich zu ir besonnderlich
 sichtigstu vnd gestalt differ brüderlich
 er liebe / als du wänst / ist vnkeuschait
 verborgn / nain sprichstu über al nit /
 Was soll ain mensch tün? Das sol
 er tün / wen er merckte solche wachait
 vnd zu naigung an ym selber / oder
 das er sichte an ain andren menschen
 dasß im dieselbe person / es sey strow
 od man / sein hertz verschlahen will
 (das ist ain das hertz verschlahen /
 dar an er ymer meder gedencet on vn
 der lasß) wen du das an dir od an an
 deren merckest / vñ gewar würst / das
 die naigungen auch das hertz zu ay
 ner sollichen personen / ymer dar ge
 zogñ wirt / durch solche fründtschaft
 vñ liebe / so du zu ir hast / vñ widerüb
 sy zu dir / So soltu solche gehaim /
 stracks abbrechn / vñ dich mit ganz
 em hertzen vñ iren. wañ rüstu es
 nit bey zeit / so bringstu im schaden /
 du erodrest sein seele / das got in seiner
 seelen stirbt / Wann vor hat er oder
 du / on vñd lasß od offtan got gedacht
 mit dem / sein fantasy verschlagen /
 sein hertz mit im bekümeret / vñ ge
 dencket yezund an dich vnd verlast
 got. Wie solich es mercken / dz ai
 nem sein hertz verschlagñ ist mit lie
 be so es zu mir hatt? Davon nym
 zway zaichen. Das erste zaichen sol
 cher göuckelech lieb ist / so ain solche

person vñspricht / dz dein lieb in irem
 hertzen ir höchster hore vñ schatz sey
 vñnd begeret das du sy lieber habest
 dan nieman anders. Das ist üppig
 kait vñ ain zaichn das sy valsch ist /
 christenliche liebe spraitet sich vñ al
 le menschen / vñ got str ymer in ein
 in allen menschn / das er den menschn
 in got lieb hat / darüb das er gott
 verwandte ist das er gleichait vñ ain
 sipschaft zu got hatt. Nit hat er in
 lieb in im selber / aber in got / vnd ye
 me er got sichte in im glesin vñ wonet
 mit tugenden vñ gnadn / ye me liebt
 er yn / Also christelich lieb blickt al
 weg den menschn in got an / das die
 menschn got verwant seind / vñ sein
 mögen railhaftig werdñ. Als ainer
 der ainen güten fründt hat / der hat
 alles das lieb / das seinem fründt zuge
 höret / nit in inen selber / aber vñ sins
 fründes willen / das sy im seind vers
 want / dz nit torechte lieb nit / wiltu
 mercken / das diese besonde lieb falsch
 sey / merck es dabey zum andren / dz
 sy nit geleiden mag / das du yemans
 anders gehaim seyest. Wilt ain an
 derer auch zu dir redn / vñ besonder
 lieb habn / das möcht sy nit erleyden
 Ich sag dir / lassestu das einwachs
 en in die lunge / du kümmeß sein nit
 leichtlich ab. Spricht Quidius / wi
 derstand den anfengen / so überwin
 destu / wañ zu spar beraytet der arze
 die argneyen / so die krankheit üb
 erhand genomen hatt / also lassestu
 solche ding einflechten / yns hertz sitz
 en / so werden sy dir zu starck / auß zu
 treibn / so bald solcher besunder an
 müt zu ainer personen in deinē od sei
 nem hertzen herbriecht / so bald soltu
 dich daruon keren / als vonyfft die
 dir dein seele erodren will. Zum drit
 ten / verbürget sich dieses laster / vñ
 gestalt d hailigkait / vñ gütat / sprich
 stu / ach dz ist so ain züchtig mēsch er
 ff ij

Kan so wol predigen/es muß freilich etwas sunders gutes in jm sein. Ach ich wolt als gern mit jm reden/in Keuschafft mit jm kummen/ich befinde dz es mir zu gutem dienen wurde. Ich wurde durch sein beywonen mich besseren/vnd aingürt exempel nemen/ym stond doch alle dinng so wol an. Dis vnd des gleichen last du dich in besonderem annüt vnd lieb zu ym ziehen/vnd gast der blindhayt nach/dz er vast gäistlichen ist/züchtig/andechtig/od so hübsch ist/das ziehet dich vnd bewegt dich in lieb zu habñ bis du verdürbest. Ain mensch dz hübsch vñ darzu gäistlich ist das ist ain vast sorgliche person/vñ wie rät ich ym/auff das ich dis vnd die vorerzaltñ ding für kame. **W**erk dise stuck. Zum erstñ sol ain mensch sein selbs gar genowe warnemen/vñ lügen vñd fürsichtig sein/wann da ist verborzen flayschliche liebe vñd üppigkeit. Disse falsche liebe/fahet an im gäist/vñ endet sich im flaysch/höre sanctū Augustinum was der da von redt. **E**r sprichet/glaub mir/ich red als ain erfarnere vñd als ain bischoff vor got/vñd lüg nit. Ich hab gesehen/das durch dis laster vnkeuschait/ gefallen seind die hohen cederbaum in lybano/das seind die hohenn hayligen würdigen menschn/denen ich des mynder vertrauwet het/weder Jeronimo vñd Ambrosio die doch ganz kalt sind ge sein vñ hart gelebt. **W**erk zum andern/bistu ain man/wie haylig vnd gütt/Sichst du ain fraw die haylig sey/ainen guten wandel habe/so solt du sy in gott lieb haben/als ain bild gottes/als dein swester/im hertzen/aber du soldest fliehen ir person/ir gegenwirtigkeit/als die angesichte des schlangens. **I**st es wol das ir baide seind kalt/on alle böse meinung/als

le balde seind hart/ains strengen gñten lebens/vñ ains bey dem andern maint sicher wonen/vñ in keuschait bleiben. Ich sag dir du schiest ayren faler/ir werden balde waich das ir verfahren/Stabel vñd küsling seind kalt baide vnd hart/vñd ent springt doch ain feür darauß so man sy zusammen schlecht. **L**üg halt dich behüt samgliche/als ob du iung oder welelich wärest/wie alt gäistlich vñ erstorben du seyest/es hilffet dich nit dafür/der teuffell lebt noch. Was mesoltu darnach tün? Du solt zum dritten also thün/halt flucht im züganng/thu soliche ding/weliche die seelen seynd anntreffen/schnel eylen sollicher züganng soll sein in ayner flucht/wie ainer zum feür laufft vñ bald wider daruon das er sich nit verbrenne/kain langes beywonen solde du da machñ/das triffet an die beichtväter vnd beichter/oder ratgeber/vnd auch die rats pflegen wellen vñ der der beicht. Item du beicht doch ter/wen du an fahest zu beichten. ij. stunden/lüg das es nit sey zway miserer elang gebeichtet/vnd die andre weil von vñordürfftigen dinngen geredet vnd den fragest/wen sol ich beichten/wo das vñentliches lang beichten ist/da ist er oder du od dein beicht wurmässig. **O**der solche sind in ynen selber verhaspelt/das du nit darauß kanst kumen/oder bist er war anhangen/vñd wilt nit rats pflegen. Ain mensch soll aineft oder zwüen ain gannz beichte thün vñd sin conscienz erklären/vñ darnach sein beicht kurz begreifen/vier od funff stuck sagn/vñ das ander in ayner gemain/vñ da mit vff vñ danen dz ist das drit. Der zügannge solcher personen sol flucht in jm habñ Zum vierden sol ain mensch/wenn er bey solchen leuten sein muß/sich also hal

ten mit allen dingen gegen solchẽ personen/das er möcht geleiden/mitt vnerschrocknem hertzen/das er gesehen vñ vngewarnt überfallen wurde/von allen menschen/vnd weñ die thür auffgieng vngewarnt/das er sich nit darab entsitzen wurd werden Ain mensch soll auff diese stuck mit fleiß lügen/vnd die halten. Vnd solt zum fünfften darzu lügen/das du (der du wilt der seelen pflegen/vñ den hailigen personen die dir also gefallen/vnd liebe zu men hast/gaistliche werck mit tailen) das du solchs tugest/nit vmb gefallens willen der personen/Sonder lauter übest auß der liebe gotes/hüt dich och du thörin/das nit diehend des priesters dir das gefallen/vnnd sy me beschowest weder das hailig sacrament/das er auffhebt/vnnd me lügest wie im die oren stond/weder du seyest got ansehen. Zum sechsten solt du stiechen vñ sachẽ zum fall/in gedencken/in wortten/vnd in allen synnen solt du stiechen. Zum ersten fluch von jm/mitt dinen gedencen/wen dir solche ding von im yns hertz ein blumpffen/die dir sein vrsach böser ding/lüg das du sy nit seyest affter wegen ziehen/als ain katz ain seich tüch/hyn vnnd her/nit gedencet im nach/sonder so bald dir solichs ein ist vallen/in der wurzelen das seyest löschẽ/vnnd in dir temmen/so bald es dir einfallet/vñ so dick im selben augen blick/ker dich dauon/es sey im gebeet oder sunst/Darnach hüt deyner wort/nit sag von solchen dinngen/die du nit solt gedencen/vnd ob du etwas hörest solcher sachen/ker deyn oren darvon/lüg das du nit ain ölin dar gegen sprizest vnd zu lösest/deine augen solt du dannen wenden/Dauid sach Bersabee sich wäschen/das sehen was im vrsach des tebruchs/vñ

des todeschlags/also halde dich behütlich in allen deinen synnen/ghien vnd aussen/durch welche/nach der mainung sancti Augustini die sünden ein kriechen/wan es sey dan/das diese behüctet werdẽ/so mag keuschait nit behalten werden. Zum sibenden/Nit laß dich dauon solcher müge vñ arbayt. Ich bekenn/es tüt wee am anfang/also ganz behütlich dich zu halten in allen synnen/aber die frucht deiner keuschait wirt dir das dreisigfaltighen/vñ vngesalt me/wider bezalen/vñ grossen lon in ewiger saligkayt dir darumb erlangen/Ain keusch vain tugent sam leben ist ain hymelisch wunnsam leben. Ich will geschweygen der bärlichen schaden die dyßlaster vnkeuschait ainem menschẽ bringet/darumb er billichen solt des müßigston. Das er in seiner vernunft vñ verstandt ganz blind wirt ist Cecitas/Er wirt vnberaten/er bletschet ein vnbedacht in alles achern/wie ain feifölterlin in ain liecht/ist precipitatio. Er kan nit recht vrtailen noch entschaiden/wen man in rates fraget/sicht er die sachen an als ain kalp ain nürw dor/ist inconsideratio Er hat kein statikait/den kriegen sy/den sünden sy wid gürer ding/den schilt er sy/den seind sy wid fründ/wie die hund ain leben süren/ist incōstantia Es verwüster sy im willen/er wirt vff sich selber ganz gerichtet/vf sin aygne lieb/ist Amor sui/vnd hasset gott/ist odiu dei. Irer hat annüt zu dissẽ weldt/ist affectus presentis seculi/vnd verzweifelt am hymelreich/ist Desperatio futuri seculi. Diese koelach vnkeuschait gefalt im so wol in ir zu sudelen/er fraget weder nach got/oder nach dem hymelreich/od nach ainẽ sollichen gaistlichem güte. Diese ding scherzet er für

nur wert sein/als gar verzweifelt er an ewiger saligkeit. Dis laster verderbe ainen mensch an leib/an seele an eere vñ gut/vnd über dis alles ist das/das böst/er kan nit mer daruon kumen/wan welichen menschen vnkeuschait ain mal ganz besitzet/den last sy kumerlich/wan vnkeuschait nymt ainem mensch ganz sein hertz du hast es nyme. Sprichstu/der ist dennoch ain weys man/las sein das ain solcher mensch schon ist geschickt vnd weys/abernur halber/war das laster nit an ym/so war er ganz geschickt. Ain vnkeuscher mensch mag nymmer also ganz weislichen handeln/weder in gaislichen noch zeytlichen sachen als er thät war er keuscher vnd raynes lebens. Es bringet schaden/sprich ich dem leibe vñ schweche in/wan wie trunckenhait ainen menschen ganz entaderet/das er onmechtig schwach wirt/also macht dyß laster ainen menschen mit ainander ganz schwach vñ verderbt in das ain ellend ding auß jm wirt/die augen erieffen jm/wirt blind ee zeit/ist ganz schwach/ziehent die lenden her/naher wie ain wolff/vñ ist ain ellende gestalt vmb sy/Ich wil geschweigen das vil darumb er stochen werden/Aber ain mensch der keuschlich vñnd raintlich lebet/der ist allweg keck/frisch/muster vnd wacker/vnd getrungn wie ain hübsch roß/was schanden darnach vnd laster ainem menschen dises laster bringe das ist on ende/wan die glori vñ ere des menschen/wirt vermackelt/nit allayn vor got vnd seiner aignen gewissen/er verlieret sie auch vor den menschen/Spricht dort die geschriffte vom Salomon/du hast in dein glori/ain mackel gesetzt Er ward geeret vñ gelobt von yederman/ain from man/ain ersame frawe gehalten/aber wenn

er verfellet/eret man in wol wonder an gen/so sagt man doch hinder wert/wer er ist/verachtet in/wie vil reich er wol habender menschen/seind vñ ir zeitlich gut kumen/vñ betler worden von wegen ier vnkeuschait. Ist vast künlich/was schadens vnkeuschait der seel züfüget ist niemand das nit wyss/vñ das der grösste (als ich gesagte habe) schad ist das es ainen menschen also hart verwicklet vñ fasset/das er mit grossen jamer vñ not sich kum ledigen mag/bis sicher mit grosser arbait müß ain mensch im selber helfen/das er dar auß kumen mög/mit vasten/mit wachen/mit starckem gebeet on vnderlas zü got auß ruffen/er müß aynig sein/vrsach fliehen/vnd on vnderlas gott vor augen haben/den vmb hilff vnd gnad an ruffen/wan d nit wil barmherzigkeit dem menschen beweyser so ist das annder alles nichts. Darumb sprach Salomon/herz/ich hab das gewisset/das ich nit mocht keusch vnd raint on dich sein/nur mit deiner hilff/darumb müß gott helfen vnd handt anlegen/sol ain mensch keusch werden/also habn ir/war vñ der sich verbergen die syben hauptlasten vnd dargeben sich vnder gestalt der tugenden/denen sollen ir widerston mit allem fleiß/das einwer seele werd die woning gottes darin zü regieren mit seinen gnaden/nach seine liebsten willen/das wir im mitt vn schaidbarer lieb verainigert mögen werden/vnd in im erlangen die ewige freud/die er gibt allen seinen auß erwelten/das verleihe eüch vñ mir/got der vatter/vñ der sun vñ der hailig gaisst.

¶ Ain end hatte das büchlin von den sibben swerten vñ sibben schaiden nun volgt nach ain seer nutzliche materii von dem trost spiegel.

Crast

Spiegel

Von dem Thema (noli flere) hatt der würdig doctor Johannes gayler von Kayfersperg in vnser frauen mynster zum hohñ stiffe Straßburg / funff predigen gethon. Angefangen an sant Franciscus tag / an dem .xvij. Sonntag / nach der hayligñ diuualtigkeit / als das selb Ewangeliñ luce am sybenden inhale. ward geursacht durch pestilenzlich sterbet / das der zeyt da was / welche predigen / er darnach dem hochgebornen herren / hernn Karolo Marggraffen zu Baden Thümhern des vorgenannten hohen stiftes Straßburg / vmb seiner fleissigen beet willen auffss kürzest zusammen gesezt / vnd in geschriffen gegeben vñ überantwortet hat.



Noli flere / Nit wayn. Sprach cristus Jesus vnser lieber herre zu der irurign wiewen / die jñ ainigen gestorben sun bewainnt / gab der her

re dar in ain leer / das wir nit vnbeschaidenlich waynen sollen / vnnsre fründ so sy sterben / wie nahe sy vns verwant seind / als etliche menschen zu thun pflegen / die sich nit wöllen lassen trösten in kainerlay weys / weder mit gott / noch mit der welt.

Nun sprichst du / wie möcherich mich enthaltñ das ich nit wain den tod meynes kymnds / oder aines andren meines gücten fründs / das ist doch natürlich / vñ der herz hat selbs bewaynet den tod seynes besündren

fründs Lazari / als das ewangeliñ in halter. Des gleichen lesen wir von vil hailigen im neirven vnd aleentestament / die über die todten gewaynet haben / als sanctus Iheronimus schreibet zu der hailign wiewen Paulala / von dem tod irer dochter Blesilla: **I**ch antwort zum ersten / das Christus vnser herz nit bewaynet hat den tod Lazari / aber das er in soldt wider auff erwecken / zu disem ellenden vnfalligen leben.

Ich sprich dar nach / das es nit natürlich ist / vnbeschaidenlich waynen / aber beschaidenlich wainen. Vñnd das zympt sich / als hernach berürt würt. Es soll sich ain mensch hütten vor zu vil vnd vnuernünfftigem waynen. **N**un sprichstu / vnd wie möcht ich mich behüten vor solchem vnbeschaidnen waynen: waran sol ich trost vñnd ergetzlichayt süchen? Du solt ergetzlichait süchen / durch ansehung dis nachfolgenden trost spiegels / gemacht vñnd zusammen gesezt von .ix. glesern. Wen du die augen deines warnemens / fleisiglich darin spieglest / in dem sonnen glast oder liecht des glaubens / mag nit gesein / du würt ain libung davor entpfinden. Schreiber vñnd Goldtschmid / vnd ander werckleut die ire augen auff scharpffe dinng richten müssen / haben vor ynen spiegel ston / darinn sy ire gesicht widerbringen vnd ergetzen / also soltdu auch thun.

Diser spiegel ist genommen auß der hayligen geschriffte vnd den hailigen leeren. **D**as erste vñnd das hauptglas / das mitt in dissem spiegel stat ist. Dei voluntas / götlicher will / dein freünd ist dir tod / gedenck das es der will gots ist / vnd des bis sicher / wann es ist ain regel der götlichen leeren / alles das da geschichs

Dre

es geschehe durch was mittel es welle / so kompt es doch her / von dem almechtigsten / aller weyesten vnd unwandelbarlichen anfang gott dem herren. Dissem gottes willen / sollen sich alle freye vnd bedächliche willen vergleichen / vnd nit darwider murmeln / wan darinn stat die gerechtigkeit vnd erberkeit vnser bedachten willens / das er vergleicht sey dem willen gottes / zum mynsten in dem / das er wil / was got wil das er wöll. Auch nach mainung viler leerer / sol er sich vergleichn dem willen gottes / in dē das er wil was er gewiß ist dz es got will. Ob die synlichkeit sich darab streußet / od der vnbédacht frey wil / oder der bedacht wil nach dē nidren sein tail / muß man leiden. Aber das sich darwid streuß / d bedacht wille / des obren tails der vernunft / sol nit gestatet werden. Vnd das ich ain schlecht vnd grob gleichniß geb / von ainer subteilen materi die gehandelt wirt fast gnou / durch den mayster von den hohen synnen im ersten buch / vnd durch die leerer die über yn schreiben / so nym war / wen ain frauw gatt in ir stub / die zu fast warm ist / so wirt sy im erstn iust betrübt / rumpfft die stirn / die synlichkeit würt entricht / vñ spricht zu der köchin zorniglich / warumb hast du die stub also heiß gemacht / vnd kriegte mit ir. Darnach zu dem andren mal spricht sy auß vernunft / du verbrennst das holz on thaurer vnd nutz / bringe grossen schaden. Vnd / aber zum dritten / so die köchin spricht / frow / mein her: hat das gehaißen / so gstat die frow daran / laßt die milch nyder / vnd allen krieg / so sy hört das yr gemahel / den sy lieb vnd vor ougenn hatt / das gehaißen hat / vnd also leidet sy / das der syn-

Trost

lichkeit widrig ist / vnd der nidren vernunft / die den zeitlichen schaden anblick / vnd nach der höhren vñ gäistlichen vernunft in der sieden willen irs liebgehabnen gemahels anblicke so gesitze sie vnd murmelt nit darwider. Disser gemahel ist got. Die froweist die seele / traurigkeit von der hitz ist die synlichkeit / traurigkeit vom schaden des holz ist das nidertail der vernunft. Das gefallen oder gesitzten vnd auffhören des murmelens / vmb willen vnd gefallen des gemahels ist der gäistlich wil nach dem obren tail der vernunft. Also thün dir auch / vñ das ist gnüg / got wil dich nit zwingn über dein macht / die synlichkeit hastu nit in deinem gewalt / aber deinen freyen willenn mit bey stand der genaden gottes hast du in deinem gewalt / Weyteren vnd näheren beschaid rüren die leerer / an dē obgenanten ort / ist nit not hie zu melden / Ich hoff ain mensch mög sich gnügsamlich behelfen vs differ gleichniß. Gedencē / das / nach dem / als der her: im ewangeli spricht / nit ain spätzlin (das man doch vmb ain halter koufft) auff das er erich salt / on got den hymelschen vater / wie wolt dan dein kind oder gemahel / den got grösser schetzt / falln durch den tod / vff das ertrich / So es nun gots will ist / er sterb wie er wöll / siecht agens halb / gäch od bewart / erlich od vnerlich / gilt gleych / es ist gots will / was wilt du dar auß machen. Der her: ist zügrösi vnd zu gerecht / thüt niemans vnrecht / laß es dabey bleyben. Sprich. Vatter vnser / der du byst in den hymeln / dein will werd / als im hymel vnd auff erd. Folge nach dem herren am ölberg / dem / nach seiner synlichkeit grusam was vom tod / also fast / das er erzütere /

Spiegel

erblaicht/traurig ward/vñ swigē
 vor angst als blit/vnd auch von we
 gen vnd in namen der synlichayē/
 gott seynen hymelschen vatter bat/
 Vatter ist es möglich sonym das lei
 den von mir. Aber nach seinem ver
 nünfftigen bedachten freyen willen
 hat er sich ganz vergleicht/dē wil
 len seins vatters vñ sprach/nit meyn
 wil aber din wil werd/nit meyn wil/
 verstand d synlichait/od auch der
 frey will/nach seiner natur/der sich
 och streüßet wider das leyden/werd
 aber dein will dem sich verglicheet
 meyn freyer will/nach verdächteer
 vernunft. Das ist das erste glas in
 diesem spiegel/vñnd ist das haupt
 glas/vnd das groß/das mitten im
 spiegel stat/ Die nachfolgenden/
 seind klaine gleßlin/die zu ring her
 vñ stond vmb das groß hauptglas.
 Dis glas wär allain genüg/ayner
 glaubigen menschen zu trösten/wen
 er getrüwlich darein sahe in aller sei
 ner trübsaligkayt/wie die wär/vnd
 nit allayn in zu trösten von dem tod
 seiner freünd/leert vns Christus je
 sus in dysem glas vns zuspieglen/
 so wir traurig seind/sund auch der
 from hayd Seneca der da spricht ain
 mercklich wort/das auch nit zu ver
 achten wäre/gesprochen von ainem
 cristen leere. Es sol gefallen (spricht
 er zu seinem schüler Lucillo) ainem
 menschen/alles das da gott gefalt/
 deshalb allain das es gott gefalt/
 das ist ain mercklicher spruch/von
 ainem der ain haid vñnd nit christen
 wafs. ¶ Das annder glas ist bona
 equitas/güte billichait/Es ist nit
 billich/das ainer vnozdenlich traur/
 so man von im fordert/od nympt
 das man hynder in gelegt vñ allain
 zubehalten geben hatt. Wafs seind
 nun alle ding/die wir haben/leib vñ

seel/eere vñnd gütt/gesunthait/ge
 walt/Kind/weib/man/büder vnd
 Schwester/fründ vñnd güner/was
 seind disseding allesamen/weder ga
 ben gots die er hynder vnns gelegt
 hatt. Disse ding nympt er hyn von
 dir/vñnd zeücht an sich dasß sein/
 durch den tod vñ andre mittel/wilt
 du darumb vnsynnig werden? Du
 gibst dein kind ainer Ammen/so es
 außgesaugt so nympt du es wider
 haim/die am/ist/sy vernünfftig so
 überantwort sy dir es on traurikait
 Sy kan sich des mit kainer vernunft
 beclagn/so du wider haim nymst/
 dz dein ist. Vñ wie stölst du dich dan
 so tölich/so gott durch den tod das
 sein von dir nympt/das er hind dich
 gelegt hat Spricht sanctus Jeroni
 mus in ayner Epistel. Er hatt dir
 des deinen nichts genomen/der das
 sein zu ym gezogen hat/es hat sich
 dem schöpffer gezymmet/das er dir
 gelühen hat/wider zu nemen/vñnd
 dir zympt nichts anders/wed danck
 sagen dem schöpffer/der dir das ge
 lühen hat. In das glas sach sanctus
 Job/ Der/nach dem als er kumen
 was/vmb alles das er het/vnd ym
 zehen lebendiger kind/siben süne vñ
 dry döchter in ainem hauf verfielen
 vnd ym vom hymelschen feur/ver
 branen siben tausent schaff/vñ sunff
 hundert eslen/vnd die andren veind
 drü tausent kemele hier vñ die knechte
 darbey zu tod schlügen. Nach dis
 sem ellend vñnd schaden allem/sach
 er in disses glas vñ trost sichs selbs/
 vñ sagt gott danck darumb/das er
 ym das gelühen het/vnd wider ge
 nommen. Der herz (sprach er) hat
 es gebñ/der herz hat es genommen/
 als es dem herzen gefallen hatt/also
 ist es geschehen/der nam des herzen
 sey gesegnet. Das was alles in mir

melen wider gott/ Es ist ayn groß
 vnuernunfft vnnnd vndanckberkait
 (wiewol sy vast gemain in der wele
 ist) so man ain in güter fründschafft
 etwas leihet zu seinem gebrauch vnd
 nutz/ vnnnd so man das widerumb
 von ym fordert/ das er darnach vn
 darumb ansacht murmeln/ vnd vn
 willig werden/ wider den leben her
 ren/ so er im billicher danck sagen
 solt/ also thünd wir toechten leüt ge
 gen got/ so er vns das gelehent güte
 gesuntheit/ eer/ güte fründ vñ kind
 hümpft/ Es solt ain christen men
 schenit also blint sein. ¶ Das dritt
 glash. *Mortis inenitabilitas* / *Mor
 riendi necessitas* / vnuernmeidlichait
 des todes/ Ist der nit ain thor/ der
 vnuernünffriglich traurt von ain
 ding/ dem er nit entpfliehn mag. es
 ist ain gemainsprichwort/ *de re irre
 cuparabili ne doleas*. Man müß
 sterben/ wir seind nit auff diß erd
 rich geboren hie ewigklich zu bley
 ben vnnnd vnser wonung zu haben/
 Sonder das wir hie den willen gots
 in getreüwer haltung seiner gebott
 volbringen/ vnd darnach verdienen
 ewig leben/ vnd also hynnen genom
 men/ vnnnd dorthyn geführt werden.
 vnnnd darumb müß man sterben es
 sey lang oder kurz. sprichet David.
 Wer ist der mensch der da lebt/ vnd
 wirt nit sehñ den tod/ als ober sprich
 niemans. Vnnnd sanctus Gregorius
 spricht/ das wir altag/ wir wollen
 oder wollen nit hynlouffen zum tod
 Vnd Boecius spricht/ Der tod üb
 ersicht niemant/ er sey jung oder alt
 Edell oder baur/ geleert oder vnge
 leert/ reich oder arm/ Das darff kai
 ner bewärung/ es ligt am tag. Vnd
 spricht Paulus. Es ist gesetz allen
 menschen aineß zu sterben/ vnd dar
 umb ist es ain sprichwort. Ich byn

sein als gewiß als des tods. So nimm
 das ain gemaines recht vnnnd ge
 sartz ist allen menschen zu sterben/
 vnd wir sterben müssen. Was wilt
 du dich selb schellig machen/ das
 deinem freünd zu handen gangen ist
 das allen menschen zu handden gott
 müß/ War etwas wider deinen tod/
 ten fründ gehandelt/ das nit von not
 wegen geschehen müß/ vnd man es
 in her mögen überheben/ so möchtst
 du nit recht also dawider heülen vñ
 klagen/ So aber niches anders mit
 ym gehandelt ist/ weder das differ
 gemayn lauff nach der ersten gots
 auffszung geordnet ist allen mens
 chen/ was wilt du darauß machen.
 ¶ Das vierd glash ist/ *fraterna vti
 litas* / Brüderlicher nutz/ gedenc
 was grossen nutz/ deynem freünd
 auß dem tod entsprünge/ Sich von
 was iamers/ Leidens vñ ellends das
 in differ zeit ist/ er hyngenommen
 würt vnd entladen/ Wer wolt erze
 len die vnßaligkayt die alle mensch
 en (sy sey in was stats sy wollen)
 erleyden müssen/ es dörfte ain ganz
 großbüch/ das zu erzalen/ *Lysisan
 ctum Augustinum* im büch von der
 stat gottes. *Lysie Massium vege
 tum* am. vi. büch am ersten Capitel.
Lysie Franciscu petrarcham vom
 glück vnnnd vnglück. Des gleichen
 in ainer Epistel von der vnßelden in
 dissem leben/ so findestu wunder da
 von/ was ain mensch erleyden müß
 in leyb vnnnd in seel/ heüt gesunde/
 moit siech/ heüt frölich/ moit trau
 rig/ yetz in eeren moit in schand/
 yetz reich moit Arm/ yetz gelobt/
 moit gescholten/ hüt gnediger hert
 moit stoßet man die zung über dich
 auß vnd machet dir L sell oren/ heüt
 lebendig moit todt/ was soll ich vil
 schreiben. Ich sprich mit dem Job/

Spiegel

der mensch geboren von ainem weib
 lebt ain kurze zeit / vnnnd würt erfül
 ler mit vil vnsälligkeit / da für hilffte
 weder goldt noch silber / weder sei
 den noch berlin / weder gewalt noch
 adel / weder kunst noch vernunft.
Nun wolan auß dem Jomer ist
 dein freünd hyngenommen / auß der
 Forlachen gezogen / vñ dem schwaif
 bad gangen / da du noch inn sitzest /
 was ist das / das du also clagest / vñ
 so vnuernünfftiglich tranvest / wen
 wir in diser welt / kein vnsälligkeit
 vnnnd widerwertigkeit hatten / sun
 der alle ding / nach vnsrem willen
 giengen / So war es nit ain wunder
 das wir waiten vnser todten fründ
 So wir aber sehen / das souil iomer
 vnnnd not in diser welt ist / solten wir
 billicher / mässiglich frölich sein / so
 vnser freünd von hymnen schaiden /
 auß diesem iomertall. Nun sprichst
 du / Ja wenn ich wüßte dasß meyn
 freünd auß diesem iomertall kein in
 ewige fröd / Ich fürchte aber / das er
 vom farren dyß ellends gespannen
 werd in den wagen des ewigen feu
 res. Es darff sich ain dieb nit frö
 wen / so man in auß dem thurn laßt /
 vnnnd in an den galgen für. Er ist
 in todesünden gestorben / vngerüwet
 vnnnd vngebeichtet / all seyn lebrag /
 ain welt mensch gesein / gott nie vor
 augen gehet / allweg seynem mü
 will gelebt. Ich sprich zum ersten /
 es waiste nyemans wie er sich an sei
 nem letzten end gehalten hat / er hat
 villiche gereüwet / vnnnd also ist im
 gnade beschehenn / wiewol sich nye
 mans dar auff verlassen sol. Wann
 vnder hundert tausenden / deren die
 iten reüwen sparen auff dasß lest /
 nit ayner behalten würt. Alsß san
 ctus Iheronimus spricht / vnnnd das
 In summa Angelica / als war beste

tiget würt / vnnnd ich Kaynen zweifel
 daran hab. Ich sprich zum andren /
 ist dein freünd in dotsünden begryf
 fen / vnnnd also gestorben vnnnd zu der
 hellen gefaren / so traur nit er sytze
 da er sitzen soll / vnnnd niemen rechter
 ain dieb gehört an den galgen / vnnnd
 ain morder auff das rad / vnnnd ain
 bauren viel in die priuere od sprach
 hauß. Sich fröw / der gerecht / so er
 sicht den rechten billichen rach got
 tes / Wyßrich meinen vater (spricht
 sanctus Augustinus) in der hellen /
 Ich wölt nit für in bitten / Judas
 sitze alsß füglich in der hellen / alsß
 sant Peter im hymmelreich / Gang
 müßig / Schow in dasß erst haupt
 glaz / in den willen gots / das einges
 wayd gehört auff den mist den raps
 pen / vnnnd das vel dchün vff den tisch
 für die herren / das volgt gehört nit
 in hymmel / es soll seinder schemel
 der füß gottes. Ach got sprichst du /
 het er lenger gelebt / so het er sich vil
 leicht bekört / wie kan im das zu nutz
 dienen / das er in seinen sünden todt
 ist. Ich sprich zum driten / er war nit
 besser worden ob er schon lenger ge
 lebt hett / wann / so bald gott / ainen
 menschn / durch den dot hymnyme
 so war der selb mensch / hynfür nym
 mer mer besser worden / als sanctus
 Johannes der guldenmund / offen
 lich spricht über Mathem an der.
 xxxi. ermanung. Ich sprich dar zu
 weiter / das es ym zu nutz dient / das
 ertodt ist / auch in seynen sünden /
 wan da durch / hört er auff sünden /
 das er sunst nit tär / vnnnd wurd har
 tiglicher verdampft als vor gesagt
 ist / vñ der ma inung Johānis chri
 stofomi. Das fünft glaz ist / Diuina
 prouidentia lita göliche für sich
 tigkeit. Des sollen wir gewiß sein /
 dasß gott ist ain gemainer vorseher

So nun
 vnd ge
 fien /
 Das wie
 em / das
 angen ist
 den gon
 vnter todt
 nit vonne
 nd mares
 imochest
 heilam
 dres mit
 des differ
 ten gots
 len wens
 machen.
 vnterna vil
 n / gdwid
 nem fründ
 Sach von
 ellends das
 genommen
 wolt ey
 le mensch
 willen)
 fr ain gon
 en. Lyf in
 uch von de
 frum vey
 m Capu
 cham von
 ch geidbe
 vnsel den in
 wunder de
 leyden mü
 at geidbe
 / mochten
 in schand
 eg gelob
 nocht ger
 ng über die
 g über die
 all oem be
 as soll ich vil
 te den Joh

vnd ordinerer aller ding. Vnd alle ding vnder der sonnen auß sey- nem anschlack geschehen/ der in allen dingn weißlich vnd getreulich handelt/ mit menschlichem geschlechte nach vnserm nutz/ vnd vil mer/ weder kein vatter od müter mit iren kinden. Wer das festiglich glaube der traur vnd waint nit vnbeschaidenlich so ym ain freünd stürbet. Wann/ er glaubt/ das gott mit im nach dem aller besten gehandelt hab Sprüche sanctus Augustinus / im büch von der stat gots/ das der hertz mit allain den Engel vnd den menschen/ noch allain hymmel vnd erden/ Sonder auch/ Eains chierleins eingewaid wie nach gültig od claim es ist/ noch das federlin des vogels/ noch blümlin d kreurer/ noch bletter des baums/ verlassen hatt on glyd/ maß vn füglichkeit seiner stuck/ also das alle ding/ vnder worfen seind seiner gubernierung/ vn kein fögelein stürbet on seynen anschlag/ befehl vnd gehayß. Hat nun gott so vil fleiß vnd auß sehens/ auß so clayne ding/ wie künd es dann sein/ das dein freünd des toddu bewainest/ gestorben wär on die fürsehung vnd ordnung gottes / Darumb soll ain mensch güte hoffnung haben zu gott/ der da aller bast weißt/ was ainem yeglichen nutz ist/ vnd sol ain verratzen haben/ das im der tod aller nützeß sy/ wie wol vns das nit dunckt. Spricht sant Peter in seynen Epistell/ werffennd alle eüwere sorg in gott/ wann er hatt sorg für eüch. Er ist in warhait/ der aller gürtigest vatter der am besten erkennet/ was dem menschen künlich ist. Es ist nit allweg dem menschen güte/ dz er begert oder gütschert/ Wir bitten dich vmb ding die ganz wider

vns seind. Aber der hymmelsch vatter der guberniert groß vnd claim/ nach seiner vngrüentlichen weißhait vnd gerechtigkeit/ Darumb sollen wir ain güts benügen haben/ an allen seinen wercken/ als von den aller weißesten vnd rechesten wercken/ vnd ym in allen dinngen danck sagen/ vnd ist es sach das wir sehen/ das etliche/ aines vngewonlichen todes sterben/ der vnns nit güte dunckt also so ayner im krieg vmb kumpt/ der ander stürbt gächlingen/ der drit errennct sich selbs / der vierd erhenct sich / oder ander der gleichen weiß. Fürdestermynnder/ so mag gott/ disse ding alles amen wunden/ zu aines yeglichen nutz/ als auch im vierden glas gesagt ist. Darumb sol man/ an keinem verzweiflen/ sin verdammus wär dann offenbar vnd künlich. Das sechst glas ist/ Gletus et tristitia inutilitas/ deß traurrens vnd waynens vnnützlichait/ Solliches vnordenliches trauren/ bringe dem todten kaynen nutz vor ym selbs/ es sey dan/ das anders dabey sey/ Des sind wir gewiß/ das on wunnderzaichen kein todter durch schreyen vnd waynen/ wider leben dig würt/ noch auß dem fegefeur erlöset. Darumb spricht sanctus Jeronimus/ gedenc ob du auch waynen solst/ das du mit waynen nit magst ablegem/ Als ob er sprach/ das wär ain grosse einfaltigkeit/ das hat erkant der künig David/ der singar liebs kind die weil es siech lag/ hertzeglich bewaynt/ vnd auß nichtig/ bat got kreülich/ das er ins gesuntheit gab/ Aber so bald er sach das es tod was do hort er auß waynen/ wünsch sich/ vnd auß/ vnd trost sich selbs/ vnd sprach/ von weß wegen wolte ich waynen / Ich möchte

Spiegel

in da durch nit wider vmbher brin-
gen / Ich würde zu ym kummen /
aber es würt nit me zu mir keren /
Wir sollen das on zweifell glauben
das ayn yetlicher todte mensch / von
stund an kumpt in hymmel / yns seg
feür oder in die helle / kumpt er / yns
hymelreich / so sollent wir vnns frö-
wen vnnnd nit wainen / wann das war
nit freündlich / trauen so es demem
freünd wolgieng / Es war dann des
halb / das du begird herest bey ym zu
sein. Ist er im segfeür als wir gü-
lichen glauben mögen / es war dan
anders offenbar / so sollend wir an-
dächtige gebeet mit vergießung der
trehenen für yn thün / in zu erlösen
aus dem segfeür / aber nichts destor
mynnder sollen solich wainen vnnnd
seüßzen / beschaidenlich geschehen /
gemäßiget vnnnd gemüschet mit zim-
licher freüß / in hoffnüg / dein fründ
sey auff dem weg der behaltuß vnd
der ewigen saligkayt. Ist er aber in
der hell / das man doch nach gemai-
nem lauffe / nicht wissen mag / dann
durch offenbarung oder wunnder-
zaichen / dasis gott laßt er scheinen /
wenn es also ist / so soll alles wainen
vnnnd schreyen auffhören / vnnnd soll
angenommen werden on allen wider-
spruch / das göeliche vntail / vnd sich
dem göelichn willen gleichformigen
wan als sanctus Augustinus sprü-
cht / wie auch vorgemeldert ist / er
kant ich vñ wist / daz mein vater ver-
dampt war / so wölt ich nit me für
yn bitten weder für den hellischen
vünd. Es ist aber doch war / so vil
ain mensch christenlicher gelebt hat
vnnnd gestorben ist wol vnnnd andech-
tiglich / So vil mag man me freüß
vnd hoffnung haben / Darumb soll
ain yetlicher / die weil er zeit hat /
güts würcken / vnnnd christenlich les-

ben / das er da durch er fröw die men-
schen auff erden / vnd die Engel im
hymmel / Wann man spricht ain gü-
lebn nympt ain güte end. Vnd sonder-
lich Augustinus sprücht in dem bü-
chlin das er geschribn hat De vita
christiana / von dem Cristenlichn le-
ben. Wer wolte der stirbt wol /
wan ain güten leben volgt nach ain
güter tod. Das sibent glas ist Fle-
tus et tristitia dānostris. waynens
vnd trauens schädlichait Sollich
waynen bringet nit allain kain nutz
den todren als vor gesage ist / sonder
auch / bringt inen schaden vñ habert
kain gefallen / sunder mißfallen dar-
an Als wir lesen ain exempel von ai-
ner frauwen die hett ain jungen gar
hüpschen vernünfftigen vñ zu allen
dingen geschickten sun / der starb
gar bald / Deshalb die müter in groß
traurigkeit vnnnd angst viel / waynt
on vnder laß tag vnnnd nacht / Es
gab sich auff ain tag / dasis die güte
frau ain gesicht sach darinn ir er-
schyn ain grosse geselschafft / vil hü-
scher jungling die mit ainander frö-
lich eyleten an ain ort oder statt / sy
sach aber iren sun nie da / deshalb sy
meer betrübt ward / vnd als sy vmb
sich ligt / ob sy niemen iren sun sach
Do sach sy das er vom verren her-
nachgieng gemach / vnnnd schwärz-
lich / als ainer der da vast müd ist /
Do fragt sy yn / warumb er nit war
bey der hübschen geselschafft / Er
antwort bald / vñ mit trauen zaigt
er ir das hind tail an seinē rock ganz
naß / von welchem wasser er also be-
laden vnnnd beschwärt wasis dasis er
seinen gesellen nit gefolgen möchte
vñ sprach liebe müter Ich bitt dich
hör auff zu wainen als du biß her ge-
wainet hast Sonder richt süßiglich
dein wainen vnnnd trehenen zu gott /

GG iij

mit ainem hayligen gebet/so wird ich über ayn klayne zeit zu ganzer vollkommener behaltung kommen/das thet sy/vnnd also ward der sun erlöset. Auß diesem Exempel mag man nemmen/dafs es dich schaden bringe den dotren/vnnd nie bringe es allain den todren schaden/sonder auch dem lebendigen/der da also vn beschaidenlichen traurt/wann dafs ist ain ding/das von natur schädiger die gesuntheit des menschen leiblich vnnd gaislich/vnnd erwan den todt bringe. Darumb spricht der weiß man/vil seind tod von traurigkayt/vnnd ist kein nutz in ir. Item an ainem andren ort spricht der weiß/wie die schabzerstörret das klaid/vnnd der wurm zernagt dafs holz/allso schadet traurigkayt dem hertzen des menschen. Es ist zu wissen/dafs zum dickeren mal/solliche traurigkayt vnnd angst zu richter der bößgayst/So er sich vnnd mercke das ain mensch ain vnordenliche lieb vnnd amme hat zu ainem ding/so vnderstat er/wie er das zu wegen bringen mag/das dem menschen solliche erzogen werd/Auß dafs er vnns/in grosse traurigkayt bring/vnnd zum letzten in verzweiflung/vnnd beswar byß zum tod leiplich vnnd gaislich. Vnnd wie hat ich ym sprichst du? Ich sprich das kein besserer rat ist/weder nit zu vil lieb legen auff diese zeitliche ding/sy seyent groß oder clayn. So magst du frid haben vnnd frölich leben in diser welt/vnnd anders nit/wann sunst so werden wir betribt/so dick sich das andret/das wir also zu vil lieb haben vnnd daran hangen. Vnnd darumb/hast du ain vater/mütter/man oder weib kind/oder am die ding/wie die genant mögen werden/nit leg deyn

hertz zu vil daran/Sonnder also obnen hyn/dafs du sy lassen mögest vnnd verlieren/so die zeit das haischer vnnd forderet/Darumb spricht Seneca Ich leich mich den dingen diser welt/vnnd gib mich ynen nit/vnnd spricht weiter das man kein ding besitz/man sey dann allzeit beraytet das zu verlieren oder lassen. Nun sprichst du/Dir misfale solliche angst vnnd traurigkayt/aber ich kan sein nit abkummen/noch ledig werden/allso tieff ist er mir eingeseßenn in meyn hertz. Ich sprich zum ersten das dir/das billich soll ain warnung sin/dich hinfür zu hüten/vor grosser liebe/diser zergenglicher ding/die dich in solche traurigkayt bracht hat/vnnd das es ain grosse tothait ist/sein hertz also hefften/auff die zeitlichen ding. Ich sprich zum andren/das es wol war ist/das es nit gantz in deinem gewalt stat/solliche gedennet vnnd hertzigungen auß zu treyben/on besunder hilff gottes. Darumb solde du zu ym ain zusucht haben/durch das mittel der lieben hayligen/vnnd in treüwlich bitten/dafs er von dir hynneme/solliche trück Creütz vnnd traurigkayt. Ich sprich zum dritten das du gewis solde sein/das got dich darinne erhört/bald oder lang. Ist es achter dir nutz. Wan als sanctus Bernhardus spricht/wir sollen das vnzweifelich glaubē/was wir gott den herren bitten/in Christenlicher hayliger liebe/beharlich vnnd für vnns/das werden wir von ym gewert/oder gibt vnns ain besers/daran sollen wir billich ain benügen haben. Nun sprichst du/vil leicht noch. Wie kan ich on trauren sein/von dem todt meynes nächstn/der mir so grossen schaden bringe/

Spiegel

armüt/vnnd amndenschaden/des
ich vertragen wär/lebte er noch?
Ich antwurt zum ersten/das vnser
herr gott/dennocht on deinen fründ
dertod ist/genüg mechtig ist/vnnd
weyß vn willig/dich nach noturfft
vnd deinem nutz zü versorgen/Dar
umbker alle deyne soig fürnemlich
darauff/das du yn lieb habest/yn
dienest/seines willen in seinen gebot
ten forest/so würt er dich/nach not
durfft versehen. Also zü thün/hatt
der alte Thobias seinen iungen sun
geleert/do er sprach. Nit fürcht dir
meyn sun/das wir ayn arm leben/
vff diesem ertrich führen. Ist es aber
das wir got fürchten/so werden wir
vil güter haben. Dartzü/zücht vns
auch der herre im Ewangelio/so er
spricht. Süchend zum ersten dafs
reich gots/das ist/eüwer gaystlich
hail/so werden eüch alle zeitliche not
türfftigeding zü fallen vnd gegeben.
Das achtent glas ist aygner nutz
propria vtilitas/gedenck/was gros
ser nutz/zum dickern mal ainein men
schen erwachset/vß dem tod seiner
freünd/so würt du nit also vnuer
nünfftiglichen trauren/es bringe
vnns dick nutz/gaystlich vnnd zeit
lich/wie woll es vnns nit duncker.
Wann in warhait/vnnsere freünd/
irrent vns dick am hayl vnserer see
len. Ain gezüg ist Christus iesus vn
ser herr im ewangelio/der daspricht
Die veind des menschlichen seind seine
haußgenossen/seine beywoner vnd
verwanten. Nun sprichst du/was
schadens fügen sy vns zü? Ich ant
wurt/Sy bringen vns sibner lay
schaden. Der erst schad ist/liebe zü
differ welt/das ist zu zeitlichem gü
eeren/gewalt/würdigkaiten/dartzü
naigend vns dick vnser freünd/ra
ten vnnd helffend dartzü/das vnns

offt dient zü vnser grossen verderbe
niß an seel vnd an leib/welcher ding
erwan ain from güet hertz ledig ston
möcht/aber er muß seinen freunden
folgen/als er wönt/vnnd tar sy nit
erzürnen/daran er sich doch nit kö
ren solt. Der amnder schad/die sy
vns zü fügen ist traurigkait/wenn
vnser freündenschad/widerwertig
kair vnd vnglück/geet vns zü hertz
en vnd betrübe vns offt/so wir sunst
vnbetrübe wären/heeren wir sy nit.
Der drit schad/ist der zorn gots.
Wie gar dick falln wir/in den zorn
gottes/vmb übertrretung willen sei
ner gebot/von vnser fründ wegen/
das wir sy nit wollen betrübün. Das
da ain hart schedlich ding ist. Dir
soll niemans also lieb sein/dafs du
ymb seinen willen gott erzürnest/in
übertrretung seiner gebot/als die
corchten eldren thünd/dafs sy ire
kind/hochmüden bringen/gott geb
wie das zü weg möche bracht wer
den/vnd setzen also ire seelen/für ire
kynd/ist ain grosser corhait vnnd vn
synkair darumb daruffst du nit way
nen/als sant Augustin spricht/das
dir entzogen werden durch den tod
der leben vnd gegenwürtigkair/die
dir zu schaden dienen vnnd verderb
niß. Der vierd schad ist üppige
eere/glozi vnnd hochffart Sprech
en etlich/besunder die edelen/das be
wain ich/vnnd betrübe mich/dafs
mein geschlecht sol abgon/nam vnd
stam/Schild vnd helm/ich hab kay
nen leib/herben/meynes namen wirt
vergesen/das ist/darumb ich mey
nen sun wayn. Du grosser Narr/
du bewainest/das dein nam/eere vn
glozi/abgon soll in disser zergender
welde/vnd hast kain oder klain soig
wiedeinnam vnd glozi bleib ewig
lich des künfftigü lebens/im hymel

Das onennd sein würt. Gedenck wie ain groß thorbait das ist/ sich also in die üppi geyt des nammens vnd der eeren/rüms vnd glori verließten vnd wieso gar ellendklich die selben betrogñ werden/ Wo seind die grossen künig vnd kaiser/ vnd aller disser welt kind/ die also gefochten haben nach sollichen eeren vñ namen/ sy seind vergraben/ vnd waißet nye man iches von inen zu sagen/ jr gedechtnis ist vergangen mit dem glocken thon/ haben wollen auß disser welt ain paradisiß machen/ vnd darinn ir namen grössen/ vñnd ist das grab worden ir haus ewigklich / als David spricht/ vnd haben nach den wortens vñser herin/ hie iren lon ein genommen. Disse thorbait des nammens vnd stammens/ habend etlich rechte edele menschen wol betrachtet/ vnd verlassengewalt/ güte/ lust vnd eere/ vnd disse ding alles amen verachtet/ Als gehon hat sanctus Arsenius/ sant Elizabeth ains künigs dochter von Ungern/ vñnd vil andere/ die lang waren zu erzalen/ Ich las sy aber fallen vmb kürze willenn/ bis an vier sin/ ains küniges von schotten/ vnd sant Wechthild irer Schwester/ von der juncckfrawen sant Wechthild lyß sich/ das sy was ain tochter des künigs von schotten/ vñ her vier brüder. Ainer was ain hertzog/ der verließ sein gemahel vñ gieng im ellend in großer armut. Der ander was ain graff/ der fürte ayn ain sidel leben. Der dritter brüder was ayn Bischoff/ der verließ das Bistumb/ vñ ward ayn münich sant Bernhards orden. Der vierd brüder/ hieß Alexander/ der künig sein vatter das er solt regieren/ Do sprach Wechthild die juncckfraw sein swester/ Alexander mein

liebster brüder/ was wilde du nun thun/ deine eltern brüder haben das erdreich verlassen/ das sy den hymel überkament/ vñ haben verschmächet das tödelich künigreich/ auff das sy die ewigen reich besäßen. Vñnd darumb ist dir all ain verlassen das reich/ vmb welches reichs willenn/ du die hymelsch glori vnd dein seele verlieren würst/ von stund an/ ward dem Alexander sein hertz getroffen/ vnd sprach mit waynenden augen. Owe Schwester was rarest du mit Ich byn beraytet alles das zu thun das du mich haifest/ des fröwer sich von hertzen sein Schwester/ vnd nam iren brüder vnd verwandelt im seyne claiden/ vnd fürte in weit hynweg an ain ort/ da lert sy in küw melcken vnd die aller besten kass machen/ vñ verdingte in darnach/ in ain closter für ainen küw melcker. Das waren rechte edelleüt die sich nichts an die narrey vnd üppigkeit/ namens vñnd stammens/ schilt vnd helms korten/ sonder heerlich verachteten/ vnd erlangten da durch/ hie vñnd dort ewigen rüm. Größer eer/ vnd gedechtnis hatt er lanngt Sant Elizabeth durch verachtung des namens/ weder als jr geschlecht hert/ des gleichen ander me vil hayligen die da edel waren/ sin der künig vnd hertzogñ/ vñnd klain schätzten die glori disser welt/ verließten alle ire fründ/ reich tumb vnd besitzungñ/ land vnd leüt auff das sy sich gantz möchten in den dienst gottes geben/ herten kaitacht/ ob ir geschlecht abgieng hie in disser welt/ wen all ain ir nam blybe in ewiger gedachtnis mit denen die da getreulich got herten gedient dem da fleyßklich dienen/ ist regieren vñ herrschñ Vñ wir sehñ och oug scheinlich/ das die lieben hailigen in

Spiegel

grössern eern/lob vñ rüms seind/die da verachtet haben/alle glory/diſ tödlichen lebens/weder die da habñ vnderstanden/die glory diſer welde zu erlangen. ¶ Der fünfft schad/den vns bringñ vnſre fründ iſt/geyß vnd vnriw/Wie vil ſind deren/die ſich vmb irer kind oder vetteren wil/len/dem geyß vnd allen ſeinen töch/ren haim geben/auff das ſy die ſel/ben verſorgen mügen vnd hochbrin/gen. Sy fallen in groſſe vnriw/hab/bend weder tag noch nachtrüw/wer dent in ynem ſelbſ verbyttret/vn/barmherzig rouber/dieb/betrüger lügen/wüchrer/aberower/symo/nier. Vnd wenn wir pfaſſen ſeind/das wir kayn kind zuerſorgen hab/ben/So haben wir doch vetteren brü/der oder ſchwester kinnd/die trichte vns der teüfel vff den halß ſie zuer/ſorgen. Sprach der babſt Alexander Gore hat vnns genummen die ſün/aber der teüfel hat vns gebñ vetteren ¶ Von diſer vnriw redet Franci/ſcus petrarcha/vnd ſpricht. Du haſt deinen ſun verloren. So haſtu auch mit ym vil forcht verloren/vnd ain vnentliche materi der ſorgen/vmb welcher ſorgen willen/das du ir ab/kommen möchreſt/was dir zu ſterben oder deinem ſun/nichts macht ay/nen vatter on ſorg/weder der tod/darumb ſprach Salomon Ich hab geſehen ain groſſe üppigkait vnder dem hymel ainen menſchen/der da geizlichñ zuſammenhauffet reichthum diſer welde/hört nitt auff/hat kain riw/vnd waſſet nitt/wem es würt. ¶ Der ſechſt ſchad iſt ewige verdam/nuß/vil ſeind die vñ obberirer gei/rigkait/vnd andrer ding als vor er/zalt ſeind/ſetzend ſich vñnd die iren/die ſy also vnderſtond zu fürdren vñ zu eeren bringen/in den weg vñ ſtat

ewiger verdammus/vnd deſs habers wir vil exempel/deren ich nit me dan ains melden wil/das vns beſchreibet der groſſ maister Petrus damiani. Es was/ſpricht er/in teüſchen lan/den ain reicher vñ mechtiger graff/er was aber ayns güten laumbdens vnd ains vnſchuldigen lebens nach dem vrtail der menſchñ/das doch ain ſeltzam ding iſt/vñnd dem geſchlechte der menſchen/diſer ſtarb/vñ nach ſeinem tod/do ward ain gaiſtlicher menſch verzuete/vñnd im gaiſt in die hell geführt/da ſach er/wie daſſ ain layter vffgerichte was/in ainem greüſlichen feurenden tieffen dobel/da die flammen vffſchlugen vber die laiter/vñ ſach den graffen auff dem höchſten sproſſen der laytten ſton/vnd ſach das die layter darumb vffgerichte was/das ſy alle/die von des graffen geſchlechte wären/entpfa/hen ſolt.vnd was alſo geordnet/wen ainer ſtarb vñ dem ſelben geſchlechte vnd zu der hellen für auff die layter So müſt der/der da ſtünd auff dem höchſten sproſſen/binabſteigen auff den nidren/vnd alſo die andren nach ainander die vnder im waren/ye ay ner dem andren entweichñ/das der erſt geſtorben/zu aller obreſt auff dem erſten sproſſen der layter was/byß das aber ainer ſtarb von dem geſchlechte/ſo müſten ſy aber ainander ſtat geben vnd tieffer hynab ſteigen. ¶ Diſer gaiſtlich menſch/verwun/dret ſich an diſer geſicht/vnd frage was vñ ſach wär diſer graüſelicheit verdammus vñ beſonder/warumb diſer graff/alſo gepeyniget würt/der da ſo erberlich gelebt hett/zym/lich vñ recht Do hort er/das es wär von wegen aines ligenden güts/das da zuſtünd/der kühenn zu Metz/welches güte des graffen vran ſant

Stephan der selben kirchen patron/
abgezogen vnd genomen hat vnd
was dieser graff der zehende erb des
selben gürts/darumb stünden neun
vnder im/auff der layter vnd er vff
den obren sprossen/bis das ain an-
der erb auch kam/also hatt der alte
graff/sich vnd alle seine nachkomen
zu ewiger verdammuß bracht.

¶ Der sybend schad/hinderüg am
gots dienst/wie dein freünd/besun-
der deine kind sün vñ döchtern/dich
irren am gots dienst/kannstu wol mer-
cken/du seygest dan ganz blind vnd
ain nar. ¶ Darumb danck got sey-
ner gnaden so er dich entbinder von
den dingen/die dich irren an seinem
freygen dienst/so er dir nympt dein
gemahell/kynd vnd fründ/oder an-
dere ding der gleichn daran du han-
gest vnd dich irret. ¶ Wie dick ge-
schicht das vnd sehen das täglich/
das sich etliche menschen nach dem
tod irer kynd oder gemahel got erge-
ben/ym ganz dienen/almüßen rey-
lichen armen leütren vmb gots wil-
len geben/die bey lebragen irer kind/
freünd vnd gemahel/nit ainen pfen-
ning geben heren/vmb forcht willen
das ire freünd/nach irem tod/des be-
döffen wurden oder mangelen.

¶ Darumb ist es ayn grosse barm-
hertzigkeit gottes/das durch den
tod/solliche fründ hingenomen wer-
den. ¶ Ich liß von zwaien reichn ee-
leütren/die von got begertn zu haben
ain kindt. Darumb sy vil almüßen
armen leütren mitraileten/da durch
die armen erfrowt wurden vnd auff
enthalten. Der almechtig goder vol-
gütigkeit ist vnd dick erhört die ge-
beet vnd begir den der menschen/sy
zu ziehenn zu seiner liebe/er hort sy/
vnd gab ynen ain fast hübsch vnd ge-
schickt kyndt: was geschach: von

stund an/ziengen sy an zu gedenc-
en/als annder leüt pflegen zu thün/
wie sy es möchten versorgen vnd an-
stat hortend sy auff almüßen zu gebn
das sy sollich güte/dem sun behielt
das er in seynen lebragen nit mangel
dürfft haben/das sach gott an/das
seine armen/die seine glider seind/
da durch ire narung verloren her-
ten vnd auffenthalt/vnd nam hyn
das er gegeben herr/vnd ließ das
kind sterben. ¶ Des gleichen soltu
glauben/das es got noch hübe ytag
thü/das er zu nutz etlicher menschen
sy sollicher kind beraubt oder fründ
Wie wol wir das nit mercken kün-
nen/deshalb/das wir also versupft
seind in liebe diser welt. Es mechten
vil annder exempel/hartzu gezogen
werden/ist nit nott die bücher seind
sein voll/Vnd tägliche erfarnuß
zaigt vns. ¶ Wir sehen das die rei-
chen menschen/die also durch die
gots schickung kain kind habn/oder
der gehabnen beraubt seind durch
den tod/vñ kain leibs erben haben/
werden registert/väter vnd auffen-
thalt vil armer menschen/vnd er-
wann der closter/frömer vnd gayst-
licher menschen/das ynen on zwey-
fel vnd iren elren/lebendigen vnd
todren/vnd der ganzen christenheit
nützer ist/weder nütz wären. xx. oder
xxx. sün die ains verkeren bübisch-
en leben wären/als es gemainlich ist
die das güte vñ reichthumb irer elren
schamlich vertragen/nit für sy bät
zu irem grossen schaden/dartzu erlan-
gen sy grosse eer in disser welt/rüß
vnd lob/gegen allen menschen/vnd
nach irem tod vor got vnd den men-
schen/weder sy erlangten von allen
iren erben/wann vnder zwainzigen
gerat nit ainer. ¶ Sant Elizabeth
hatt gott/der sye auch gewert/das

Spiegel

er jr von irem hertzenam liebe zu jren kinden / vnd das sy jr gleich gülten vnd wären jr als andere menschen. Vnd sant Franciscus stund vor dem bischoff vnd zoch ab seinen rock / vnd warff in für den bischoff / vñ verjach darauß vnd sprach. Nun mag ich sprechen. Vatter vnser der du bist in den hymeln. Wolt mit seinem vatter vnd freunden nichts zuschaffen haben / sonnder jr ledig steen. Doch durch dise stuck die ich gesagt hab / will ich nit außschliessen das ain mensch nach vernunft vnd nach got begeren mag vnd bitten / vmb ain kind das da ist ain frucht der Ee. Doch so man das überkompt / soll man das recht brauchen / vnd nit sonil liebevñ sorg darauß legen / das man verges des hailßaigner seele vnd seligkayt / Vnd ob man sollich kind nit erlangt soll man sich setzen in güte gedult gegen got on murmeln Vnd also schaffet ain mensch seinen nutz in allen dingen / es sey glück oder vnglück.

Das ist wider die menschen / die da trauent vñ waynent so ire kind sich in clöster geben zum gotsdienst / vnd waynent sy meer weder wären sy leiblich tod / deshalb das sy die welt verlassen hond / vnd sich ganz got ergeben. Dise ölttern sperrent sich gantz wider den güten hailigen fürsatz jrer kinder. Deshalb sy nit in ainen klainen gaistlichen schaden fallen / besonnder so sy in ain bewarten orden gond vnd in ain closter da man ware obseruantz halt / vnd nit allain da ain ober glantzist / als layder vil seind / da man sich soll vor hütten / als vor der hellen Es ist aber vast verborgen. Wölche ölttern kain andere vrsach haben / jre kinder zu iren am eingang rechter clöster / weder flaischliche lieb so sy zu jnen hond / die haltent sich gar

vndanckbarlich gegen der gnad gottes / die er jnen thut / so er jre kind besüßft zu seinem dienst / das er nit yeder man thut. Wie es diel kompt das durch die erberkait der ölttern die kind behalten werden Also herwiderumb durch die erberkait der kind so erlangten die ölttern die frucht der seligkate Vnd dargegen die bosheit mag ainem schaden von des andern wegen. Darumb soll ain yeglicher mensch fleiß an kern / das er das hayl seiner vnd andrer leute seelen würck / vnd ob er das nit thut / soll er doch die andern nit daran irren / wan als d weiß man spricht in Proverbijß. Nit irren den / der da wol thun will / sonder magst du so thü des gleichen. Das neund neben glahist Resurrectionis generalitas. Die gemain vrstend. Hat dich vnd deinen freünd oder sun der künig geladen vnd verhaissen ere vnd güte / vnd dein sun rüßtet sich auff die fart / vnd wolt vor anhin faren vnd du woltest hinach kómen / wayntest du auch wenn dein sun dahin für? Nain du freylich / sonder liessest in mit freüden faren / vnd rüßtest dich so bald du móchtest / das du hinach sürest Wess waynest du dan den tod deines suns / oder freünds / In vnd dich hatt der groß künig hymels vnder den geladn zu dem ewigen reich / das er dich vnd in will setzen zu den fürsten des hymels / dein sun fart dahin durch die port des todes / er würt wider zu den eeren ersten Wess trauest du? Warum richtest du dich nit mit freüden in nach zu folgen / den du nit verloren hast / sonder voran hingeschickt. Du vnd dein sun wöllen gen Baden farn Er fart vor anhin / des waynst du nit Sonder richtest dich das du bald hin nach farest Also thü auch hie.

Unbeschaydenlich waynen den

bb

todten kumpt auß verzweyflung der
 künfftigen vffwend / vnd auß klain-
 mütigkeit / mer weder auß barmhertzi-
 gkayt oder götlichkeit als geschriben
 stot im rechte büch. xiiij. q. ij. vbi cū qz.
E Dis glashatt eingesezt sanctus
 Ciprianus der da spricht / Uns aller
 mynsten / wie dick ist es geoffenbaret
 wie dick vnd offentlich ist vnns
 das von gort gebotten / das ich dick
 vnd offentlich predige / das man die
 brüder nit wainen soll / die da / durch
 gort berüffet werden vnd erlöset
 von diser welt / so wir doch wissen /
 das wir sy nit verlieren / sonder vor
 anhin schicken / als die bilgere / vnd
 die im schiff hinweg faren / zu thünd
 pflegen. Ach got sprichstu / wen ich
 wist das er vor anhin wär / vnd in
 den hymel kumen / so herdisse vsach
 vnd trost / stat / Nun aber so es mü-
 glich ist / das er sey zu der hellenge-
 faren / so gib mir disse red wenig tro-
 stes. Auff disse einrede / hab ich dir
 vor geantwurt / die selbe soltu lesen /
 ob dir disses glashatt einen trost geben
 wölt auff dis stück / lauff vnd sich
 in das vierd glashatt / so findest du / das
 er doch außgehört hat zu sündten /
 Lauff zu dem ersten glashatt / es ist der
 gots will / Hat auch dis neben glashatt
 eingesezt in dissen spiegel sant. Pau-
 lus. j. coss. iij. daer spricht. Wir wöl-
 len nit / das ir vnwissen seyen / von
 denen die da schlaffen / vff das ir nit
 betrübt werden / als die andren die
 haiden / die kein hoffnung habend /
 das sy sollen wider ersteen / sonder
 das sy mit leib vnd seel sterben / als
 ainander vyhe. Darumb sollen ir ge-
 tröstet sein in dissen Worten / das ist
 so ir hören das die da yetz schlaffen
 vnd tod sünd werden / wider auff er-
 ston. Nun sprichstu / warumb nempt
 er den tod ainen schloff / vnd die tod

ten schlofen? Ich antwurt / vñ vier-
 rerlay vsach willenn. Zum ersten /
 der schlaffend lygt in hoffnung das
 er wyder außstand / also stürbt auch
 der glöblich mensch / in der selben hoff-
 nung. Zum andren im schlaffenden
 wacher die seel vnd im todten ist die
 seel vntod / Zum dritten / der schlaf-
 fend steet auff / vnd ist geschick-
 ter vnd krefftiger dann vor / Al-
 so der tod mensch würt aufferston
 vntödtlich. Zum vierden / der schlaf-
 fend rüwet von aller arbeit vñ kum-
 mer so er hat im wachen / vñ der tod
 ist ain end alles jomers vnd arbeit
 diser wele. Zum fünften / der schlaf-
 fend ist gar leichtlich zu erwecken
 von ainem andren / vnd der tod ist vil
 leichter zu erwecken vom todt durch
 Christu jesum am jungsten gericht
 Darumb so nempt sanctus Paulus
 die todten / schlaffende / vñ Christus
 do er redt von dem todten Lazaro /
 sprach er / Lazarus vnser fründe
 schlafft. **N**un sprichstu noch wei-
 ter / warumb wolt ich nit waynen
 vnd trauern die todten / So das / die
 Juden im alten Testament gethon
 haben / vnd in dem nürwen gesatz
 sanctus Augustinus sein müter be-
 waint / vnd sanctus ambrosius sei-
 nen brüder der im also gleich was /
 das man ainem vor dem andern nit
 kennen kunde. Vnd sanctus Bern-
 hardus bewaint auch seinen brüder
 vnd der herr Christus ihesus Laza-
 rum / als am anfang gesage ist: Ich
 antwurt zum ersten / von Lazaro /
 wie vormal / das der herr nit seinen
 tod bewainet / sunder dz er in solt wi-
 der beruffen zu dissem ellenden leben
 Als sant Jeronimus spricht in ay-
 ner Epistel / vnd stat im rechte büch.
 xiiij. q. ij. qui diuina. Darumb ist es
 ain ander mainig / deines wainens

Von

von liebe differ welt / sein arm außge
streckt hat / an dem stämen des hat-
ligen Creützes / für vns den schant-
lichen tod gelitten / auff das er vns
erlöste von den henden vnser veind /
vnd vnns also (es wär dan das wir
im widerstünden) durch sein gnad
fürer in sein ewig reich / da wir alle-
samen ainander werden sehen / vnd
seinen willen in ewigkait volbringn /
darzu helff vns gott der vatter / vnd
der sun / vnd der hailig gaisst Amen

Thema. Maria stabat ad monu-
mentū foris plorans. Johannis. xx.
cap. Maria stünd zum grab hie auß
sein wainende.

As hailig Ewangelium be-
schreib vns sanctus Johan-
nes am. xx. ca. In d zeit als
Christus iesus vnser herre / erstan-
den was am Ostertag / vnd die drey
morgen frü vor tag waren kummen
zum grab / vñ wolten den todē leich-
nam Christi iesu vnser herren salben
Do was ynen der Engel in gestalte
aines jünglins erscheinen / vnd hatt
zū inen gesprochen sy dürfften Jesum
nit süchen / er wär erstanden / vnd
wär nymeda / sunder solten hingon
vnd sagen seinen jungeren vnd Pe-
tro / wann er würt eüch vorgon im
gallileischen land / da selbst werdent
ir in sehen als er eüch gesagt hatt.
Nach den geschichten allensamen /
do die andren frawen wider hinweg
waren gangen vom grab / vnd die
zwen junger Petrus vnd Johan-
nes die och zum grab hin zu gelouf-
fen waren / wider vom grab waren
gangen / do blyb maria Magdalena
vñ wendig vor dem grab allain ston /
wan sy her besondere lieb vnd ein-
bunst zū Christo dem herren / me we

Den

der die anderen. Da vahet der heü-
tig Text an.

Aria stünd zum grab hie auß
in en wainende / Sie stünd inn-
wendig im garten / in welch-
em das grab Joseph was / als ir dick
gehört hond / dz Joseph von arima-
thia ainen garten her / nach by d stat
da Christus ward gecreütziget / im
selben garten / was ain grosser mech-
tiger vels / vnd in dem / ain heü-
lin oder capellein gehowen / in dem
heüßlin was ain grab gehowen / da
legrens y ein Christum Maria was
im garten / vnd blyb außwendig
vor dem heüßlin ston / vnd do sy also
stünd / naiget sy sich vnd sach hyn
ein yns grab / vnd wainet bitterlich-
en / vnd so sy also sieht hyn ein yns
grab / vnd lügte wie der leichnam
Christi wär / do sach sy zwen Engel
in weißen claidern vff dem grab sitz-
en / ainen zū den haupten / den andern
zū den füßen / an dem ort / da d leich-
nam Ihesu hingelegt was worden /
Die Engel fragten sy vnd sprachn /
fraw was wainstu : wen süchest du ?
Sie antwurt ynen. Tulerunt domi-
num meū / Sy hond mir meinen her-
ren hynweg genömen vnd wais nit
wa sy yn hond hyngelagt / im selben
erschyn Christus iesus der herz hyn-
der ir / den er kanten die Engel / vnd
sprüche der Gerson / das sy villicheit
stünden auff gegen ym / sy erbotten
im erwirdigkeit vnd reuerenz / Als
sy das billichen thün solten dem her-
ren hymelreichs vñ ertrichs / do das
Maria sach / das die Engel also re-
uerenzlich sich erzai gn / dz sy nit ge-
gen ir teren / do fert sy sich vmb / vnd
wolt lügen / wem sy solliche erwir-
digkeit thären / vnd sach Ihesum
ston hynder ir / vnd wonde er wär
ain gartner / dem d garten wär en-

Siben

Schayden

vñ Christi. Ich sprich zum andren/
vonden juden/das inen vil zū gelas-
sen ist/das vns nit zympt/als anho-
nimus spricht. Ich sprich zum drit-
ten/das die lieben hailigñ Augusti-
nus/Ambrosius/vnd Bernhardus
waynten nitt vnbeschaidenlich den
tod irer brüder vnd freünd/vnd nitt
auf bösem grund der verzweiflung
an der vffstend/ als die vnglaubigen
thünd. Darumb sprich ich zum vier-
den/dass ich durch disse vorige lee-
ren/nitt außschliessen wil/ain ver-
nünfftigs vnd beschaidens waynen
den tod seiner fründ oder kind/wañ
das erhaischt menschlich natur/vñ
zwingt ainen menschen dar zū/vnd
ist er wan ainer nit also stanchafftig
od fleissig/das er des wainens gantz
ledig ston mög/des natürlichen be-
wegens halb. Sunder sollen disse
leeren verstanden werden/von vnbe-
schaidnen vñ vnmaßigen wainen
vnd traurigkeiten/die sich eerlich als
so lassent vberkummen/das sy kay-
nentrost wellend auffnehmen/vñ
mögent weder essen noch trincken/
das da verfarlich vnd vast schedlich
ist/Auch nit eerlich nach disser wele
zu schezen. Seit sanctus Augusti-
nus in dem büch seiner beicht/do sin
liebe müter Monica gestorben was/
vñ der leich mit seinen güeten
freünnden nachfolget zu dem grab/
da enthielt er sich gantz vor den leüt-
rendas er nitt waynt. Also das man
maint/er het kainen schmerzen oder
mitleiden/vnd sagt vrsach warumb
er das thät. Vnd sprach. Ich maint
das es nit er sam/noch kumlich oder
zymlich wär/dem leichnam nachfol-
gen mit wainen vnd schreyen/wann
das pflegen zu thün/die da kain hof-
nung haben nach disem leben. Nun
wiewol mein müter tod ist nach dis-

er zeit vnd welt/so hoff ich doch fest-
tiglich das sy leb aines sicherern lus-
stigeren lebens im hymel das da on-
end ist. Vnd aber nit deftermynder/
der selb Augustinus als er von ym
selbs spricht/do die leich vergraben
was/vñnd er allain/bey im selbs in
der Cellensass/do gedacht er an sein
müetter/wie treulich sy in erzogen/
vñ mit irem gebeer zū christenlichem
glauben bracht het/vnd in sollicher
gedencken/sieng er an zu wainen vñ
vergiessen süsse träheren/die er ent-
halten hett/vor den menschen/vñnd
bat andechtiglich got/das er sich er-
barmen wölt über sein müter/vñnd
ir verzeihen wölt alle ire misserat/so
sy in diser welt/durch menschliche
blödigkeit verbracht hett. Vnd wie
woll er ain grosse hoffnung zū gott
het. das ir alle ir sünd verzygen wä-
ren. Noch so ist zū dichten (als er
sprach) verfarlichait in deren ain ye-
lich mensch stirbt/der da in der erb-
sünd/von Adam geboñ ist. Ich
sprich zum lersten/das man vor al-
lendingen die leer behalten sol/die ob-
nen berürt ist/In dem sibenden gläß
lin/das ain mensch/sich fleissiglich
dar vor hütet/das er sein hertz/lieb/
vnd begirden/nit zu vil leg/auff ain
zeitlich zergenglich ding/das er ver-
liern mag/es schein wie güet es wöl/
wil er achter nitt betrogen werden/
Sunder wöllen wir haben ain frö-
liche lieb/vnd leben in fridñ vnserer
consciencz/vñ freüd die daübertrifft
alle freüd disser welt/so lassent vns
den lieb haben/den man nit verlieren
mag/würt auch nit verandert/es
sey dan/das man in verlasse/der da
ist vnser süßer erlöset/vnser ainiger
warer fründ/der vns nimmer me ver-
last in vnseren nöten/der da vff das
er vns zū seiner liebezug/vñ ledigte

hh ij

Der

reüwen der sündten/durch tod/er
würger vnd erschoben sein/aller welt
lichen lieb/flaischlichen lüsten. Dar
wider thünd die/die nicht leiden wel
len/nicht ain wörlin vertragen/irer
faulheit/saigkait/sanffte/gemach
in allen dingen genüg sein/kain mü
wil/noch laster wellen in inen vnder
trucken noch erwürgen/seind vier
zig jar im closter gesein/vnd etwen
also weltlich/flaischlich/me dan am
anfang/wellent in allen anmüten le
bendig sein. Wenn das gott siche/so
du dich nicht wilt würgē/durch grün
tlich penitētz/kainem lust widstōn
thün was dich ansichtet/dich nicht
wilt in tugenden/in absterben vnd
tödtung der laster/übē/so über dich
aber got/das ist/er verhenget über
ainen solichen menschen/etwas/dar
durch er in sich selber geschlagen
würdt/das im die augen geraten vff
got/sein aigne arbaitfalgkait erken
nen/vnd das ist ain besunder gnad
vnd ain besunder zaichen der barm
hertzigkait gottes/so er ainem men
schen laßt zu handen got/vnd über
in verhenget/zymliche frantzhay
ten die ainen menschen nicht schellig
machent als das grien thüt. Aber
mässige wee/das ains dennoch an
dacht mag üben. Dö verhengt/das
ains kumpt zu armüt/zü schmachait
kumpt vmb sein eer vñ güten leümb
den/würt verachtet/verspottet/ab
gesezt/vnd dardurch/von weltlich
er lieb/vnd von liebe seins selbes ge
zogen würt/das er weltlicher lieb/
vnd ordenlicher hertzigungen/anfa
het abzusterben/vnd dar von zu got
sich keren. Was ist weltliche liebe:
nichts anders/weder lieb zu eeren/
zu gewalt haben/das man dir gnad
fraw sprech. Es ist begird zeitlich
er güter/reichtum/güt/vil claiden/

Trost

hausrats/acker/marrē/rebē/heis
ser/zynß vnd gult haben. Weltliche
lieb ist/begird flaischlicher lust/leib
lust süchen/in sauffen/in schloffen/
in waich ligen/in zarten claidern/
in schwarzen/in leichtfertigkeit/kurtz
weil süchen/müt vñnd freud haben
vñnd solliche ding/das ist alles/on
ordenliche hertzigungen/die dz hertz
verwüsten/vñrain machē. Als ich
euch danon offte gesaget hab. In dis
en würt gott nicht sünden/aber verlo
ren. Wiltu dz got dir erschein/dich
tröst in deiner seelen/salig das du
Maria seyest/Sie was ain sündte
rin/wir seind allesament sündter/nie
man vß geschlossen/als sanctus Jo
hannes spricht/Wer da maynton
sünd sein der ist ain lugner/vnd war
heit ist nicht in ym. Dast du loch nicht
würckliche sünde/nochdamm bist du
in sünden/villeicht der schuld halb/
seind dir noch nicht vergeben. Dö zum
mynnsten täglicher sünd halb/oder
der erbsünd halb/die da stecken blei
bet wie wol sy im taußf vergeben ist.
Item der affterschlag halb/vnd der
nach wee/die deine gethone sünd
en/hynder ynen dir zü lez gelassen
hond/du hast noch in dir stecken/
weltliche liebe/vñnd zum mynnsten
naygungen zu den sünden/Die sel
ben bösen gewonhaiten vnd naigun
gen zu den sündē/müssent gedämpf
sein/vñnder getruckt werden/Aber
nicht gar verdilget. Velis nolis habi
tat in te Iehusens/Da her kumpt/
das man den iungen in den clöstren
beschaidenlich soll hert sein/mit vil
vassen/abbrechen/herten rauhē nicht
hübschem claidern/herten ligen/
mit sinngen/lesen/wachen/schwei
gen/arbaiten/ynen nicht schlecke ge
ben/Sy nicht mit schleck auff ziehen/
so sy nonizien seind/anndero sy ges

Spiegel

pfolgen/vnnd wär frū Eumen da zū
arbeiten. Do sprach Ihesus vnser
herz zū ir/ Frow was wainstu: wen
süchst du? Sy sprach/ herz/ hast du
in hyngenomen/ so sag mir wa hast
du in hin gelegt/ so will ich yn hin
nemen/vnd in dem/ kōrte sy sich vn̄
zū den engelen/vnd wolte sy fragen/
wem sy solliche reuerenz hetten er
botten/sy mainer diser wär der gart
ner/das ym solliche eere erbietung
nit solte geschēh̄/do sprach der herz
Ihesus zū ir/Maria/vnnd nannte
sy mit irem rechten namen Maria/
im selben nennen erleichter er ir hertz
vnd rürte ir hertz an/mit seiner göt
lichen gegenwirtikayt/das sy in er
kannte/Do sprach sy Raboni mai
ster/vnnd viel nider zū seinen hayli
gen füßen/sy het vor erlangt/ablaß
aller irer sünd̄ vn̄ gnad/Do sprach
Iesus vnser herz/Wöllest mich nit
anrühren. Ich bin noch nit auff gefa
ren zū mein hymelschen vatter/das
ist/ Ich bin noch nit in deinem hertz
en auff gefaren/ du hast noch nit re
chten glauben/das du mich gleich
achtest oder schetzest got meinem hy
melsch̄n vatter. Darumb deines vn
glaub̄ns halb bistu nit würdig mich
an zū rüren/ aber gang hin/zū mei
nen brüdern/vn̄ sag inen/ Ich steig
auf zū meinem vatter/vn̄ zū eüwern
vatter/zū meinem got vn̄ zū eüwern
gote/ Das ist/ ich würd auffsteigen
zū meinem vatter/ der meyn vatter
ist/meiner götlichen art vnd natur
halb/vnd zū eüwern vatter der göt
lichen gnad halb/dardurch ir wor
den seind/mit mir/auff oder ange
nōmen kynd durch den hailiḡn gaist
den er eüch würt am pfingstag sen
den/das ir sein erb mit mir besizen/
vnd mein miterben seyent ewiger sa
kram̄t/vnd zū meinem gote/meiner

menschlichen naturen halb/vnnd
och zū eüwern got/ Also kam Ma
ria zū den jüngerem/vnnd sagte in/
ich hab den herren gesehen/vnd hatt
dis mit mir geredt. Marie Magda
lene/deren ist Christus Ihesus vnser
herz zum aller ersten erschynen/vor
den andren jungern allen/vnnd disses
hat sy mit bitterlichem wainen ym
aber worden/vnd hat mit irem wai
nen alles das ir anlag vnd begerte/
erlangt. Mit irem wainen erlangt
sy vor seinen hayligen füßen/gnad
vnd ablaß aller irer sünd̄/von pen
vn̄ schuld/Das Christus zū ir sprach
gang hyn im freiden. Zum anderen
hat sy mit irem wainen von Christo
erworbn̄/das er ir erquickte iren brü
der Lazarus/ausser der vorhellen/
der vier tag was im grab gelegent.
Zum dritten hat sie erlangt mit irem
wainen von Christo dem herren/das
er ir zū dem ersten ist erschynen vor
allen seinen jungern/vnnd sy getrō
stet/do würdent ire trahen verwan
delt in yrelige lieb zū Christo. Nun
fragest du/wie gerätich/was sol ich
thün/oder mich schicken darzū/das
mir Christus Iesus vnser herz vnd
behalter auch erschein in meiner see
len/vnd von im doch möchte getrō
stet werden in dissem ellende: Werck
en alle/wie ir eüch darzū schicken sol
len/besonder die/die ired ordenns
seind/die sollen dyser sibem stücklin
warnemen/die sancta Maria mag
dalena hat an ir gehebt vnd geübet/
do sy bey dem grab stünd/vn̄ denett
nachwircken. ¶ Zum ersten hieß sy
Maria. Wann der Text sprichet/
Maria stabat/ Wer was sy? Sy
was ain sünd̄er ingenant/vnd aber
ain grosse mechtige büßerin/Wir
alle/seind mit ir sünd̄erin/wilt du ir
nachfolgen/so müß du mit gantzem
bh iij

Spiegel

wonent sein/ Vnd wenn sy erwachsen
 en/ vnd man ynen sollich schleck nit
 gestatten will/ so murrent sy/ vnd
 machend die andren iungen vnwil-
 lig/ vnd verderbent ainen Conuent
 in grund hyn ein mit ynen/ vnd was
 von iren freunden ynen hin ein gebn
 wurt/ sol ynen nit dar geraicht wer-
 den/ sy seyen dann sein nordurfftig/
 Sunder anndern die sein nordurfft-
 ig seind. Vn war besser/ das der not-
 durfftig swester dar geraicht wur-
 de ir noturfft von dem gut des Con-
 uents/ oder das von ainer die ir nit
 verwant war/ hyn ein gebn war/ we-
 der von irem miterlein/ es ist sunst
 als falsch/ Das ist wider die torech-
 ten mittern vnd baslin/ die da sprech-
 en/ vn wenn ich wisset/ das es mein
 kind oder baslin nit wurd/ ich gabs
 nym er hyn ein/ Das ist ain zaichen
 grosser blindheit/ das sy nit sehñ das
 solichs ain verderbnuß ist der seelen
 irer kind/ vn sy zu eigenschaft zucht
 vn vil andren grossen schaden/ die nit
 not seind zu erzelen Es ist wider ir
 regel/ die dass offentlich halter/ das
 man sollichs/ der geben sol/ die sein
 aller nordurfftigest ist/ du gibst dei-
 ner dochter/ die iung starck vn faig
 ist/ hinein ainen beltz/ vn kirschen/ der
 sy werm/ der noter ware ain bit mit
 kaltem wasser sy zu kulen/ Den beltz
 vn kirschen sol man geben ainer alten/
 od sunst ir ancken schwestern/ die/
 niemans erwermen mag/ das ach-
 ten nit die mittern/ suchend nit got/
 nit das hail der seelen irer tocheern.
 Aber flaisch vnd blut vnd narren-
 werck/ wo solchs nit gehalten wurt/
 da ist nit Reformatz gehalten/ Es
 ist nit ain obseruantz/ aber ain ober-
 glantz/ ain leckerey vnd betrugerey
 Aber was aine bedarff/ soll ir sunst
 getreulich geraicht werden. ¶ Das

ander stuck/ das sancta Maria ma-
 gdalena an ir gehebt hat/ das ist/ sy
 hat mit genzem fleis vnd ernst ge-
 suchet Christum iesum/ vnsern her-
 ren vnd kunig/ den allain/ hat sy lieb
 gehebt über alle ding/ do sy den ver-
 lohn herr/ hat sy in gesuchet/ sy hatt
 sich nit lassen geswaygen/ sy het yn
 dan funden/ Auff das sy in funden
 mochtet/ hat sy allen irdischen trost
 aufgeschlagen. Wilt du Iesum fin-
 den/ d dich allain warlich getrösten
 mag/ so lüg/ ker dich/ noch hecke
 dich/ nit an kaynen andren trost/
 Wann so lang du dich mit etwas trö-
 stest oder ergözzest/ mag dir der göt-
 lich trost nit werden/ Wann allso
 spricht Bernhardus/ der götliche
 trost/ Ist so zart/ er lasset kaynen an-
 dren trost bey jm wonen/ er will dein
 hertz allain haben vnd besitzen/ wenn
 du nun solliche weltliche tröstung
 von aussen suchest/ mit essen/ schwe-
 ren/ gespilschafft/ mit zartheit/ dein
 hertz legst an ain hailglin/ Solt ich
 das nit in meiner Cellen han/ meyn
 miterlein hatt mirs geben/ vnd wenn
 man dir auf deiner cellen nam vnd
 gab es ainer andren/ so hüß sich angst
 vnd not. So lang du dich/ mit sol-
 lichen aufferlichen trösten erlabest/
 darffst du nit gedencen/ zu erlangen
 in dir styl vnd rüw dins gmüts/ dei-
 ner hertzigungen/ die würend durch
 ainander/ als maden in ain Kasse/
 Spücht Sanctus Augustinus im
 büch der beicht/ O herz mein gott/
 du gibst allain waren trost/ ich such
 er getröset werden aufferhalb dir/
 ich suchet rüw in außren dinggen/
 vnd samnd nit rüwe/ aber do ich ein
 forte zu meinem aygenen hertzen/
 vnd mich abschaidet von allem auß-
 ren trost/ vnd allain mich hielt zu
 dir/ do tröstest du mich/ Also wer da
 h h iij

will überkumen in im ain still / vnd
 züw in vnrüw erlangen / in wainen
 eröstunge / der darff nicht hoffen das
 zü erlangü / dann durch / ym selber /
 sinem aignen gesüch / seinem willen
 ab zu sterben / vñ in allen dingen got
 getreülichen süchen / Nit in zarthait
 nit in hoffart / nit in üpigkait / aber
 innerlichen stättiglichen vnd getreü
 lich süchen / die eere / die lieb / vnd den
 willen gottes / dem allain leben / dem
 essen / trincken / schlossen / redenn /
 schweigen / arbeiten / leiden vnd ver
 tragen / vñnd sich in seinem dienst
 mit allem ernste üben. ¶ Das düt /
 das sancta Maria hatt gethon / ist /
 Sie ist gestanden / vnd stünd bleiben
 bey dem grab / sy stünde / Das thün
 auch / Lüg bleib ston bey dem grab
 beharlich / im glauben vñnd behar
 lichayt / wenn du erkennest hast / dein
 arbeitsälligkayt / dich mit reüwen
 durch übet / die vnordenliche anrü
 runge vñnd herzigungen in dir also
 geschwaigt vnd gedemmet / vnd vn
 derstanden hast zü süchen Christum
 Jesum den gecreüzigten / vnd nun
 bist kummern zum grab christi / das
 grab ist dein aygen hertz / zudem du
 dich gekört hast / so lüg bleib bey dem
 grab Christi / bey deinem aignen her
 zen einwendig versammelet stande
 beharlich / in starckem steiffen glau
 ben / der dir ynns hertz einbeisse / der
 dich rüre / mit forcht / hoffnung vnd
 lieb / vnd da / bey deinem hertzen solt
 du beharren / Was geschicht / wenn
 dir got schon gehilffet / das du zum
 grab kumpst / bey dem grab stast dei
 nes aygenen hertzens / in dem soll
 christus der hertz vergrabü sein / als
 sanctus Paulus spricht / Ir sollent
 tod sein der welde vñnd den sünden /
 vñnd eüwer leben sol verborgen vnd
 vergraben sein mit Christo in gott /

In deinem aygenen hertzen / soll got
 der hertz in dir / vnd du in got vergra
 ben sein / das dein hertz vnd gemüt /
 fürbas mit götlichen dingen sich be
 kümmeret / mit rechten dapfferen sa
 chen vmbgange / des götlichen wil
 lens war zü nemen / des zü foren / de
 an zuhangen / dich dem zü gleichförs
 migen in deinen wortten / in deynen
 wercken / weisen / gebarden / wandel
 in allen deinem thün vñnd lassen / als
 so dich halten vñnd üben / das du nie
 tüest / wider seinen willen / nit sün
 deß Sälig ist / der man / der da mit
 seinem hertzen betrachtet in gesage
 gottes tag vnd nacht spricht David
 Nit allain das du gedemmet an
 got / an seine gebot / was das auss im
 trag / vnd lernest den willen gottes
 erkennen / Sonnder das du / in allen
 deinen wercken / got gegenwürtig
 habest in deiner maynung vñnd in
 deynem anschlage / Hab die gebott
 gottes allzeyt gegenwürtig voran
 gen / als aynen bildner / nach dem
 du thün vñnd lassen solt / Das ist
 recht versänglich vñnd nützlich / be
 trachtet tag vñnd nacht in dem ge
 sage gottes / me weder kayn doctor
 in der schül / Prediger auff der Can
 tzel / ob er schon war in seiner betrach
 tung vñnd schowen / onwerck / Das
 verstond wenig leit / Schaff das dir
 der will gotes schmack vñ einstrym
 vnd einleichte in allem deinem thün
 vñnd lassen / vnd lern dein leben dem
 willen gottes vergleichen / nachrich
 ten vñnd ordnen / Was soll dir die
 regel / was sol ainem sein kunst / das
 er kan vñnd waißt verstond die gesage
 tegottes / vñnd aber sein würckung /
 nit hyn zü hebe. Was soll dem zym
 mer man das richtscheit / so er das
 niet will auff den baum legen / vñnd
 yn / nach dem richtscheit houwen /

Spiegel

Was ist ain nütz vil wissen verstant
 nus / vnnnd kunst der hailigen ge-
 schriffte haben / vnnnd sein leben deren
 nit nach richten / was bedarffst der
 regel / so du sy nit wilt halten / dar-
 auß kompt das solliche diesch arpf
 verstand vnnnd durchsehent was die
 gesagen gottes innhalten vnnnd ge-
 bieten / vnnnd aber das nit anübung
 ge zu wercken bringen / lar bleibens
 aller genaden / wann solliche ding /
 rührent noch bewegent sy nit / dar-
 umb so spüchlich / Du suchest gott /
 wiltu den in deinem hertzen / in deiner
 verstantnuß finden / so bleib da steiff
 stonnd / bey deinem hertzen / da fin-
 dest du gott stonde im glauben Wer
 da will kummen zu clarer erkannes
 nus gottes / vnnnd got in dem erken-
 nen auch sünden / der muß weyter
 hyn ein tringen / weder allain lesen
 oder hören von got / lerne dich selber
 erkennen / deyn selber warnemen /
 Wie lüge was deyn Schwester neben
 dir thie / schlags auß auff dich sel-
 ber / lüg das du recht thiest vnnnd laß
 amdre / denen / welchen sy enpfolhen
 seind. Wölllicher sich meer entschüt-
 tet der sachenn / Sündel vnnnd nar-
 renwerck vrlöb gibe / vnd innwen-
 dig mit got vmb gat / der findet got
 Er muß aber nicht ablassen / sun-
 der für vnnnd für tringen / Was
 geschichte? Wir stonnd bey dem gra-
 be vnnsers aygenen hertzens / vnnnd
 süchend Christu fast / aber nit lang.
 Wie lang sitzest du vnnnd betrach-
 test / schlechst an vnnnd gedenckst an
 gott / an das leiden christi / an ewige
 sälligkayt / an ewige verdammus /
 an solliche dinng: bleybest aber nit
 lanng da / es wert kaum als lanng /
 als du ain halb ay magst essen / das
 du in deinem aignen gemüt bleybest
 mit gott. Vnnnd ob du dich ain we-

nig zu gott versammlest / stracks /
 an rucks so verschwinndet es dir /
 das gemüt wüschet auff / stieget hin
 weg / vnnnd kereff dich dem zu ann-
 dren sachen / Ain nit also / du müst
 dir selber gewalt an thün / vnd dich
 selber tringen vnnnd zwingen / yn zu
 süchen / dich selber überwinden / bley-
 ben ston in grossen starckem glaubn
 mit Maria / den kompt Christus in
 dein seel / Seind die wort Drogenis
 Das vierd das Maria gehalten hat
 ist / das sy ist gestanden außwendig
 vor dem grab / sy hatt hynein in das
 grab gesehen / vnnnd hatt gewainet /
 Sy sach vmb sich / vnnnd lüget ob
 sy Christu den herren etwo sähe Sy
 naigt sich vnnnd sach offte hynein in
 das grab / wan ainem liebhabenden
 menschen ist nit gnüg das er aynest
 sech / sinder aber vnd aber begert er
 zu sehen Also stand du vor dem grab
 deins aygnen hertzen / vn ligt cristus
 nit darinne / so lüge außwendig an
 andren menschen ob Christus in de-
 nen erscheine / das er dir zu sehen wer-
 den möge / Sich an / nym war chri-
 stenlicher wort / werck / weisen vnnnd
 wandel / gütter froemmer gots för-
 miger menschen. Spricht sanctus
 Paulus *Empti em estis precio ma-
 gno / glorificate et portate deum / in
 corde et corpore vestro. Ir sind kaufte
 mit grossen sold / darumb glouificie-
 ren vnd tragen gott in eiuweren her-
 zen vnnnd leib / Der tragt got in her-
 zen / der in in glaube / hoffnet vn yn
 lieb hat / Der tragt in leib / der sei-
 nen leib in gebärden / weisen / festi-
 gungen / vnd questungen gleichfö-
 miger Christo seinem herren / in ar-
 müt / keüschait / gehorsam / Das ist
 sein freyd / sein linier / vnnnd zacht-
 en / Die er seynen dyenern gibet zu
 tragen / Es ist billich das wir yn
 h h v*

Der

also tragend im hertzen vnd leyb/er
ist vnser hertz/hatt vns teyr erkauft
vmb sein aygenblut vnd leben. Dar
vmb wir ym billich dienen sollent/
vnd sein zaichen/sein liuerey/das
ist/sein tugent/sein exempel in vns/
vnd an vnns tragen/seinem leben/
sitzen/tugenden/ym darinn nach
würcken/an vnns haben/demüt/
reilichait/barmhertzigkait/Keusch/
hait/rainigkait/fridsamkayt/ge/
dult/schweigen/tugenthafftikait/
abbruch/büderliche liebe/einbunst
vnd liebe zu gott/Also nym war an/
derer güter menschn/sindest du den
solliche chrisstformige zaichen in yn/
en erglössen So fleiß dich mit ernst
das du dich inen vergleichest/ynen
nachfolgest/bitt gott dar zu das er
dir gnad geb/die sy hond/vnd die
rüß an/bitt sy/dass sy dir diese tu/
gent Christi auch geben zu tragen/
dich vnderweisen vnd leeren diese li/
uerey mit ynen zu tragen/Vnd solt
wainen innerlich im hertzen/das du
sollicher chrisstlichen tugent nit
hast.Solliche ding müßent erarbai/
tet sein/du erlangst sy sunst nit/wol
dar von künmen reden/aber nym
angreifen ist nichts. Wir wissent
wol vil darvon zu sagen/wir zieh
en sy aber nit in hertzunge. Ich
sprich du solt wainen mit Maria/
das dir der hertz Christus nimen er/
scheinet/Wainen leeret vns der hai/
lig vatter Nacharius/do der was
alt worden/vnd sterben solt/do ver/
sammelten sich vil scharen der büder
vnd santen zu ym/vnd batten in/
das er kem zu ynen/wan thät er das
nit/so wolten alle büder zu im kum/
men/er hüß sich auff/vnd kam zu
den büderen/do stündent sy für yn/
das er sy etwas nützliche leerte/do
sy in lang gebaten/do wainet er/vn

Troft

sprach/büder/lassent vns wainen/
vnd lond vnnsere augen träher ver/
giessen/ee das wir hymnen schaiden
da vnnsere träher verbrennent vnse/
re leib/do haben sy allgewaint/vnd
seind für sich gefallen auff ir antlic
vnd sprachen Vatter bitt für vns
Wir sollen wainen billich einwen/
dig im hertzen/vnd auch mit aussere/
ren trähen/Warumb? die weil wir
wissent/das hie auff diesem erdrich
ist das tall des waynens/des ellen/
des/vnd der betrübnus/das sollent
alle menschen zu hertzen nemen/vn
besunder die gaisstlichen/als ir dann
mainent sein/des ordens sant Ma/
rie Magdalene der penitengerin vn
reiuwerin/die sollent mit ir innerlis/
chen vnd auch (mag es sein) auß/
serlichen wainen/Wann solchs wai/
nen/sollichs trehen vergiessen hat ge/
macht/dass Christus erschnen ist
Marie Magdalene/vnd sie getrö/
stet hat. Von sollichem wainen spr/
cht sanctus Gregorius/Das gemüt
das begossen od getrüßet würt mit
den wasseren der träher/dasselb ge/
müt würt deßer clarer/lauterer/vn
in der schowung clarlicher gott se/
hen/vnd sich in ym erzaiigen. Die
träher erleichtn die verstentnis/das
der mensch erkennet sein ellend/ar/
beitsaligkait vnd gebrestlichait des
güten/spricht Chisostomus.Nach/
aynen grossen wetter vnd grossen
schleg regen/kumpt deßer ain grös/
sere lautre vnd haitre des hymels/
also volget ainem beschaiden sällig
en wainen nach/die haitre vnd er/
leichtung der gnaden gottes/vnd
clare erkantnis mit trost. Item die
trähen hebende das gemüt auff/als
der sündflus die arch Noe/wann so
die wasser der trähent wachssen
im hertzen/denn so hebend sy dass

andren darumb fragen vñ im glau-
ben/ so wil dir got dein hertz erleich-
ten/vñ dir offnen durch mich/ das
welches dir gebroffen ist zñ verston/
Also kumpt gott mit seinen trostun-
gen/vnd erleuchtet/dem demütigen
sein verstantnuß/mit dem liecht sei-
ner gnaden. Das sechste stuck/Ma-
ria hatt gesehen zwen Engel/an de-
nen het sy kein benügen/ Es komet
erwan darzñ/so der mensch also stor
vor dem grab seins hertzen/genaigt
durch demüt/vnd hat funden sitzen
zwen Engel/erlangt das schouent
vnd das üben leben/das ist/er hatt
von got erlangt/gnad vnd verstant-
nus gölicher ding/das ist der ain
Engel/sitzend zñ den haubten/das
schouent leben. Vnd darzñ hatt er
och den andern engel zñ den füßen/
das üben leben/reiwe deiner sund/
widerston den lastren/tugendñ üben
güte werck würcken/gegñ dem näch-
sten/barmherzikeit/milikeit/brü-
derliche lieb. Vnd so du schon in bay-
den leben/schouen vñ würcken/ye-
zund bist/hast baide engel/du solde
dich dennochr übel geheben/nit dar-
an haben ain benügen/du solt suchen
Christum/nit hab ain benügen/das
du wol vnd recht lebest/ain frömer
güter mensch seyest. Wenn das ist/
nit laß dich daruff/solt nit duß blei-
ben vnd dich zñ friden setzen vnd rü-
wen/du solt als fürbas suchen Chri-
stum/solt weyter hynein eringen/so
du schon bist kommen zñ clarer ver-
stantnuß gölicher ding/zñ erkannt-
nuß dein selber/vnd tugent erüber
hast/aber noch bistu/nit dahyn kom-
men dar zñ du solt kömen/Jesus ist
dir noch nit erschynen/der dein be-
gird getröstet hab/d dir allain mag
gnüg sein/du bist wol güte/ain from-
er mensch/daran laß dich nit benü-
g

en/daran verbleibent vil/das sy nit
fürbas süchent. Das sibende/dar-
nach hat sy den herren gefragt/Wo
christus war/allso solt du des dings
warten von got/Von im selber müß
er dir erscheynen/des müß du war-
ten/vñ dir selber nit zñ schreiben/nit
deinen aignen übungen das zñ legñ/
aber allain der gnaden gotes. Wan
du seyest in deinem hertzen gegñ got
geschickt vnd erüber/wie du ymer
wöllest/es thut sy nit/das du got da-
mit mögest genötigen vnd gezwing-
en/dz er sich dir erzöge/dir erschein
mit seiner erlechtung in deiner see-
len. Das kindlin in mütter leibe seye
wie wol vnd recht geschickt es wöl/
so mag es von im selber nit lebendig
werden/aines vernunftigen lebens/
Als ain hündlin vnd haslin/die wer-
dent selber lebendig von der hitz vnd
geschicklichait der natur. Aber ain
kindlin/so das gewachset vierzig
tag ist es ain kneblin/sol das ain ver-
nunftige seel überkommen/so müß
das got thun/der vermag das allain
der müß die vernunftige seel eingies-
sen in das leiblin/so es ain vernünf-
tig lebñ gewinē/nit ain thierlichs
Also ist es mit dir/du seyest wie wol
du wöllest güte vnd recht geschickt
von außnen vñ von innen/dardurch
magst du von deiner aignen übung
nit erlechtung vnd gnad gottes in
deiner seelen schöpffen/aber got der
almechtig ist allain das ware leben.
das dein seele lebendig macht/gnad
reich/vñ ist das ware liecht/der mag
vnd müß dich erlechren/vnd dir ge-
ben verstantnuß was du thun solde/
wie du dich solt halten vnd erlangen
mögest ewige salikeit. Zñ deren helf-
euch vnd mir/gott vatter vnd sun/
vnd hailiger gaisst. Amen.

Spiegel

Gemüt auff übersich zu hymelschen
görlchen geystlichen dinngen / In
dem sündflusse do goet die gantz
welde mit wasser er trincken lieh /
byß an acht menschen die in der ar-
chen waren / do erhüben die wasser
die Arch Noe übersich auff / vñ trü-
gent sy enbor / Also ye mer die was-
ser der trähen in deinem hertzen auff
gond / ye meer sy das gemüt von yr-
deschen dinngen zu got auffherheben
so bald würt auch eingeen die gnad
gottes / Darumb sollen wir wainen
die ellendigkeit vnd sündelichait in
deren wir seind vmbgeben / vnd sol-
lent wainen die gottes gürtlichkeit gegn
vns / vnd sollen die anruffen / vnd sei-
ner hilff begeren. Das funffte. Ma-
ria magdalena / hate sich genaiget /
gebuckel / vnd hate hyn ein gesehen
yus grab. Also wenn du stast vor dem
grab vñ wainest / soltu lügen das du
dich naigest / durch ain groß grun-
liche demüt / die macht dich geschickt
Sy schliesse dir dein yinner augen
auff / das du gotte Chrustum jesum
magst sehen. Confiteor / sprach chris-
tus Jesus Ich vergich dir hertzen by-
melscher vatter / künig hymels vnd
der erden / das du disse ding hast ver-
borgen / vor den klugen vnd weisen /
vnd sy hast geoffnet vnd gezaigt den
claynen / das ist den demütigen / die
sich selber / nie in Worten / weisen / in
fürgebung / aber warlich im hertzen
enclain schätzen. Für güts von yn selbts
halten / clayn wollen von andern ge-
halten werden / für nichts geschätzt
sein / Dich achtest als du bist. Also
dich demütigest / dz du nit zum mün-
sten wörlin / stracks wider bellest /
sonder in dich ein blüest / also soltu
dich auch gegen got / vnd allen din-
gen demütigen / nichts auff dich sel-

ber halten / vñ auch mit demütigen
wercken dich üben / wann on demü-
tike werck / würt ain mensch nit des-
mütig / als wollen nit leidn / nit nach-
geben / noch vertragen / vnder gon-
kumpe kain demüt / kain gedult yns
hertzen / sol ainer ain schümacher wer-
den / so müß er vor schüch machen /
also soltu demütig werdñ / so müßt
dz lernend durch tün demütiger werck
die dapfferlich angreiffen / dich selb-
ber überwinden / gewalt an thün / so
bald demüt in dir auffgat / stracks
kumpe gnad gottes in das hertzen.

Das wasser fallt von berg herab in
die tälern / was der stolzen / herten /
ainrichtigen eigensynnigen hertzen
seind / die nieman volgen wollen / ir
will / ir gütt beduncken / hab dan ain-
en fürgang / vñ was wider iren wil-
len ist / kan sy nieman zu bünngen /
die seind der verflucht berg gelboe /
gantz dürr / da weder tow noch regn
auffbleibet / wann got haden selbts
berg gelboe verflucht / also vff den
hochfertigen hertzen bleibet das was-
ser der gnaden gottes nit / noch der
towe gots des hailigen gaites / aber
die fallen abhinüber die berg / in
die tiefen tälern / in die demütigen clai-
nen hertzen / die von hertzen sich des-
mütigen / vngern / hertfür gezogen
seind / kainer eern / rümes oder ach-
tung begeren / in solchen claynen
der trechtigen tiefen hertzen / sames-
lent sich alle wasser der gnaden goe-
tes. Es was ain ainsidel / der vastet
sibentzig wochen darumb das er ays-
nen syn der geschrifft wurde verston
aber er ward nit erleichter / do stünd
er auff / vnd wolt zu aynem andern
altuatter gon / in darumb zu fras-
gen / auff dem weg erschyn ym der
Engel gotes vnd sprach zu jm / vmb
der demüt willen / das du wilt aynen

Damit nympt ain End dißemateri / mit sampt den vorgesezten büch-
 ern Nämlich zu dem ersten von den drey ständen / der ansehenden / zünemern
 den vnd schowenden vollkommenen menschen / nach bedeutung vnd Exempel
 Lazari / Marthe vnd Magdalene. Zu dem andern von dem christenlichen
 volck / wie es ziehen sol durch das ellend jamertal dißer arbeitsaligū streit-
 beren welt zu ewiger saligkeit / nach dem vorbild vnd zug der kinder Isra-
 hel von Egipto durch die wüß vnd Rot môr zu dem verhayßnen gelobten
 land. Zu dem dritten von der gaislichen spynnerin / nach dem exempel der
 hailigen wirtib Elizabeth wie die selb gespunnen hat leiblich hâniff / flafs
 vnd woll Zum vierden von dem hasen wie man den gaislich beraiten sol /
 nach dem Exempel der eigenschafften des zeitlichen häßlins. Zum funff-
 ten von den sibem gaislichen schwertern vnd schaiden / das ist / von den si-
 ben todsünden wie sich die bedecken vnd verbergen vnder die gestalt der Tir-
 genden. Zum sechsten wie wir trost nemen sollen / nit zu vil vnd vnbeschäi-
 denlich Klagen / wainen / vnd vns bekümmern von dem tod vnser kind vnd güt-
 ten freünd / besonder trost sūchen vnd nemen durch Exempel aines spiegel-
 mit sibem glesern darein wir sehen sollen vnd also getröst werden. Also hat
 der würdig doctor sein leeren gegeben in leiblichen gleichnussen / auff das
 wir durch die erkantten leiblichen / sichtbaren ding dester leichtlicher kümern
 möchten in die erkantnuß der gaislichen vnsichtbaren güter nach der leer
 sant Pauls / vñ Arestorilis / wir müssen am ersten kōmen von den dingen die
 vns mer bekant sind zu denen die vns mynder bekant sind / das ist / von
 den leiblichen sichtbaren dingen zu den gaislichen vnsichtigen gütern. De
 hoc dicit Salomon in prouerbijis ca. xxx. Quatuor sunt minima terre / et ip-
 sa sunt sapientiora sapientibus / Formice / populus infirmus / que preparat
 in messe cibum sibi / Lepusculus / plebs inualida / qui collocat in petra cus-
 bile suum / Regem locusta non habet / et egreditur vniuersa per turmas /
 Aranea pedibus nititur et moratur in edibus regis. Nec sunt animalia
 parue reputationis / que industriam habent naturalem / ex qua homines de-
 bent moueri ad prudenter agendum vt Job ca. xij. dicit / interroga iumenta
 et docebunt te / Docebunt quippe hominem esse sollicitū de prouisione cibi /
 exemplo formice que nobis prebet exemplum laboris Ante hyemis enim me-
 rorem / victū sibi studiose / tempore estatis attrahit / quo sufficientia possit
 sibi alimenta recodere / et subsidia quietis / future hyemis reponere Vñ sa-
 lomon prouerbiorum. vi. vade ad formicam o piger eius sapientiā conside-
 rando / que cū non habeat ducē eam dirigentem / nec preceptorem sibi man-
 danten / nec principē cogentem de diligentia in prouisione sui / parat tñ cum
 magna sollicitudine in estate cibum sibi qz tunc inuenit grana in campis / et
 congregat in messe / quod comedat in hyeme. Docent scdo hominem esse soli-
 citum de prouisione loci Exemplo lepusculi / qui in petra id est in loco inac-
 cessibili hominibus cubile suū collocat vt dormiat securus. Tertio de ordi-
 nata dispositione ad bellum ad modum locuste que regem non habet qui di-
 rigat eam sed egreditur vniuersa per turmas ordinate dispositas. Quarto
 de subtilitate operandi ad modum Aranee que pedibus nititur quibus pa-
 rietibus adheret / et telam operatur vt habeat locum ad manendum / non so


lum in locis exilibus sed etiam in edibus regū / nec tantummodo telam suā
facit in parietibus sed ita subtiliter operatur q̄ etiam in aera fila gerat.
Gedruckt zu Augspurg von maister Hannsen Demar mit hilff vnd verles
gung des Erberen Jörgen Diemars / vnd volendet glücklich auff
Sambstag nach nativitatē Mariē / Des jars do man zalt. 1510.

.IHS.

Rasso + Lencker. Zur daingrüdt gebürtig.

vnd zu der pfanz pönsenpang pfortig.

. 2 . 5 . 7 . 6 . Jan .



am für
gerat.
dveric
ch auf

354
Geiler v. Kaisersberg. Joh. Das buch granatapfel. im latin genant Malogranatus. helt in ym gar vil vnd manig haylsam vnd süsser vnderweysung vnd leer, den ... menschen, mittsampt gaystlicher bedeutung des außgangs der kinder Israhel ... der gaistlichen spinnerin ... dem hasen im pfeffer vnd von sibem schwertern, vnd schayden. Augsb., Otmar für j. Diemar, 1510. 207. dav. 3 we. (st. 312) unn. Bll. mit 6 blgr. Holzschnitten v. H. Burgkmair. — II. Ders. Pregiden Teütsch: vnd vil gutter leeren. Augsb., Otmar, 1508. 156 unn. Bll. mit 4 Metallschnitt-Medaillons auf d. Tit. u. 3 blgr. kolor. Holzschnitten v. H. Burgkmair. — Fol. Holzdeckelbd. d. Zt. mit blindgepr. Schweinsldrbez. steilig. Beschläge u. 2 Schl. (Schließbänder fehlen).

I. Goed. I, 400; Panzer, DA, 667; Proctor 10678; Muther 862; Dacheux 44; Burkhard, Burgkmair, S. 49, Nr. 90. — Erste Ausgabe. Sie enthält die Holzschnitte Burgkmairs, welche in der Ausgabe von 1511 durch freie Kopien H. Baldung Griens ersetzt wurden. Die Holzschnitte zeigen: 1. Christus sitzend mit Martha, Lazarus und Magdalena. 2. Untergang Pharaos im Roten Meer. 3. Die Hl. Elisabeth als Spinnerin. 4. Koch, einen Hasen ausweidend. 5. Sieben dämonische Tiere als die 7 Hauptsünden. 6. Sieben Schwertscheiden als Symbole der 7 Tugenden.

In der 6 Bll. umfassenden Lage ee der letzten Predigt fehlen 5 Bll. — Tit. mit alten hs. Einträgen, teils getilgt. Stellenw. wasserrandig u. mit kl. Flecken, einzelne Wurmlöcher u. kl. Einrisse. Bl. Ee^d lose und am Rande etwas beschädigt.

II. Goed. I, 399,9; Panzer, DA, 287; Proctor 10679; Muther 857; Dacheux 98; Burkhard, Burgkmair 88. — Erste Ausgabe. Die drei schönen Holzschnitte v. Burgkmair zeitgenössisch ansprechend koloriert (Werkstattkolorit?). — Tit. mit altem hs. Besitzverz. stellenw. etw. wasserrandig, einige Bll. mit Farbklecken.

Einbandrolle monogrammiert HB (nicht bei Haebler), mit Reformatorenköpfen (Luther, Melanchthon, Erasmus) und dem Augsburger Wappen (Zirbelnuß). Das Beschläge mit Schrift "Virgo Mario Io".

